




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.200





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.200





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.200





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.200


2. 3. 200











~~21~~

2.3.200

AT

Sy. m. 2428. —

2.3.200


III
72


III
72


III

II


14 2/13







D. O. M.
AUGVSTISSIMÆ
TRINITATI
PATRI ET FILIO
ET
SPIRITV
SANCTO.

PVSCVLVM hoc
de studio PERFE-
CTIONIS, Tibi,
tamquam Auctori, minimæ
Societatis tuæ & seruorum
tuorum omnium seruus infi-
mus

mus voueo, do, dico, & con-
secro : cui enim dignius vel
possim, vel debeam?

Multa accepi; pauca red-
didi. En libellos duos; mi-
nuta duo, in gazophylacium
tuum, benignissime Do-
mine, lubens depono.

ET quia indignus sum, qui
Maieſtati tuæ illud offeram;
Magnæ Matri, Magnę Vir-
gini, (cui ſecundum Te hoc
opus debeo) Tibi in celis of-
feren-

ferendum committo; in ^{VI}grati
animi significationem, pro
infinite acceptis beneficiis.

IN terris verò, vt solent
Religiosorum vota à Præla-
tis acceptari tuo nomine;
huic quoque legi me sponte
submitto: atque è Societatis
tuæ desiderio, Reuerendo
Domino GVILHELMO
LOEMELIO, antiqui iuxta
ac venerabilis Cœnobii San-
cti Bertini Abbati, (quem
à pri-

à primis ætatis annis germanum S. Benedicti filium, virtutis studiosum, honestatis & grauitatis, modestiæ ac pietatis ornamentis, aliisque præclaris animi corporisque dotibus, futuri gradus indicibus, quas deinceps religiosis moribus, perpetua constantia, ac eruditionis laude cumulauit, præstantem cognoui) tuo nomine acceptandum defero.

TRI-

^{vii}
T R I B V E, Clementissime
Domine, vt, quod scripsi,
primus obseruem, deinde qui
legerint.

Quod referam pro benefi-
cio nihil habeo, quod idem à
te non acceperim. Reddo id
omne, quod dedisti: optarem
plura. T e Deum agnosco, &
præter te nullum. T e princi-
pium & finem omnium pro-
stratus adoro. Tibi vni ab
omni creatura laus, honor,
b glo-

gloria, gratiarum actio, vir-
tus, fortitudo, Maiestas &
imperium annis perennibus.

A M E N.

PRÆFATIO.

CARISSIMIS FRATRIBVS STVDIVM PERFECTIONIS.

SCRIPSI, fratres amantissimi, de studio PERFECTIONIS. Vos me coëgistis: ardentissimum enim PERFECTIONIS vestræ desiderium, pietas, suauissimaque caritas, mihi ardentes faces admouerunt. Multa à singulis priuatim mihi proposita: plurima in collationibus spiritualibus, quæ hoc alteroque secessu vestro annuo, otio verè negotioso, & negotio vtiliter otioso, instituta sunt. Oportuit frequentius vobis copiosius responderi. Insinuatio desiderij vestri mihi instar machinarum & arietum est: repletus sum consolatione, superabundo gaudio, vestrum in Domino 2. Cor. 7. profectum, vestram æmulationem sanctam considerans. Video teneras IESV Christi plantas exurgentes, quæ (vt spero) in arbores excrescent non infecundas. Magno sane mihi solatio est consideranti virtutem cum eruditione certare, nec opprimi spiritum scientia ac studijs, sed eundem crescere, roborari, ornari, & ad frugem in Ecclesiam Dei inuehendam disponi; meritoque mihi venit in mentem, vt cum D. Paulo gratias agam Deo 1. Cor. 2. meo pro gratia qua data est vobis in Christo IESV, quia in omnibus diuites facti estis in illo, in omni verbo, & in omni scientia; ita vt nihil vobis desit in vlla gratia, expectantibus reuelationem Domini nostri IESV Christi, qui & confirmabit vos usque in finem sine crimine. Fidelis Deus, per quem vocati estis in Societatem Filij eius IESV Christi Domini nostri. Vos hortor in Domino, vt (quemadmodum cœpistis) humaniorum litterarum, Philosophiæ, ac Scholasticæ Theologiæ studium sedulo, religiose, magnoque honoris diuini zelo prosequamini, ad laudem & gloriam illius, qui vos in Societatem Filij sui vocauit. Res non tam vestra quam eius agitur. Arma ac supellectilem comparatis futuræ expeditioni, contra dæmones omnes, qui supremæ Maiestatis gloriam nomenque extinctum volunt; contra vastissimas illas Regiones, veri Dei cognitione destitutas, Indiam vtramque, Orientalem & Occidentalem; contra amplissima Regna Chinarum & Iaponum, aliâsque Prouincias hæresen fustione occupatas. Illic fratres vestri magna vocis contentione vos opemque vestram appellant in subsidium. ^a Totus deinde mundus in maligno positus est; & quia in sapientia sua gloriatur, contemnit illiteratos; vult pecora in agros ablegari; nobis exprobrat infantiam atque ignorantiam. Certè contra malitiam, quæ calliditate & astutia nititur, scientia, arte, ingenio, iudicioque opus est.

2. ^b Est præterea Scientia magnum virtutis ornamentum, animæ eximium decus ac perfectio, quæque vt ceteras artes, ita & PERFECTIONIS adpiscendæ egregie promouet studium. D. Basilij verba sunt: Poësis & Oratoribus & omnibus hominibus utendum est, unde futura sit aliqua utilitas, quæ ad animæ initium.

b 2

faciat

a 1. Ioan. 5.
b Scientias humanas non obesse studio Perfectionis, aut Theologia mystica, declaratur.

I.
Auctoritate Patrum.

c Homil. 24. ad Adolefc. quomodo ex libris Gentilium proficiant; post

Simile.

Lib. 6. histor.
Eccles. cap. 14.
Personis anti-
qua.

Epist. 26. ad
Pammachium
super obitu
uxoris Pau-
lina.
2. Deuter. 21.
b Ierem. 2.
c Cant. 2.

Isaia 3.

2. Cor. 12.

Ierem. 2.

Epist. 84. ad
Magni Orat.
Rom. tomo 2.
Deut. 21.

Hom. 24.

Similia.

faciat adificationem. Velut enim fallones ac tinctores, qui medicamentis quibusdam rem preparant, atque ita demum colorem quem cupiunt, siue purpureum, siue aliquem alium, inducunt; sic & nos si gloria pulchritudinis vite huius, quam tantopere laudamus, illita nobis mansura sit, nisi prius purgati, sacras & arcanas Scripturæ disciplinas non facile attingemus aut percipimus. De Origene scribit Eusebius, ipsum idiotas & imperitos ad discendum cohortari solitum fuisse; quod non parum ad intelligentiam sacrarum Scripturarum emolumentum eis conferret, si aut liberalibus literis, aut etiam Philosophicis, exercerentur. Dicebat enim, hanc nostram, veram esse Philosophiam; cuius pars illa Græcorum, quæ verè non est Philosophia, præcesserat. Non ergo aiebat idcirco debere pariter suas omittere veritatem, quia illas sibi præueniens falsitas vindicasset. Hæc Eusebius. Eam enim veram Philosophiam volebat esse Origene, quæ virtutis studio iungeretur. Hieronymus verò, scribens ad Pammachium, sic eleganter hoc argumentum persequitur: Si adamaueris a captivam mulierem, id est, sapientiam secularem, & eius pulchritudine captus fueris; decalua eam, & illecebras crinium & ornamenta verborum cum emortuis unguibus seca; lana eam Prophetali nitro, & tunc requiescens cum illa dicitio: c Lana eius sub capite meo, & dextera illius amplexabitur me. Et multos tibi ferus captiva dabit, & de Moabitide efficietur Israëlitis. Hæc Hieronymus, quasi dicat: Nolo alienigenam, cum ea veste qua capta est, tibi despondeas: decalua verticem eius; superbiam vanæque opinionis ei tiaram detrahe; induc pro crispanti crine, ambitionis quæ & honoris desiderijs, (quæ scientijs humanis facile sese immiscent) caluitium; prauæ intentionis ne pilus quidem remaneat; seca auaritiæ & tenacitatis ungues; mollitiæ vestem, ac spiritum libidinosum, studijs maxime intempestiuum, qui te colaphizet, qui quæque magis ambitiosè vanæque quam religiosè scientiam quærentibus subinde insidiatur, exue; & nitro diuinæ gratiæ, quæ diuinum honorem in studijs spectantibus datur, conscientiæ tuæ faciem laua & exorna. Verùm Hieronymum ipsum hanc sacræ paginæ figuram interpretantem audiamus. Legerat, inquit, (de B. Paulo loquitur) in Deuteronomio Domini voce præceptum, mulieris captivæ radendum caput, supercilium, omnes pilos & ungues corporis amputandos, & sic eam habendam in coniugio. Quid ergo mirum, si ego sapientiam secularem propter eloquij venustatem & membrorum pulchritudinem de ancilla atque captiva Israëlitem facere cupio? & quidquid in ea mortuum est idololatriæ, voluptatis, erroris, libidinum, vel præcido, vel rado, & mixtorum purissimo corpori vernaculos ex ea genero Domino Sabaoth: labor meus in familiam Christi proficit. Pulchre quoque D. Basilius Studiosos integra homilia instruit, & inter cetera prolixè hortatur, ut apum industriam imitentur in deligendis floribus. Velut florum, inquit, reliquis usque ad odorem vel colorem est usus; apes autem mel ex ipsis excerpere nouerunt: sic & qui diligentes in legendo non solum quod dulce iucundumque fuerit in eorum libris persequuntur, sed quandam ex eis utilitatem animo referre contendunt. Velut item apes non omnibus floribus insidunt, neque ex eis, ad quos accedunt, omnia auferre conantur, sed, quantum ipsis ad opus necessarium fuerit comprehendentes, reliquum dimittunt; nos etiam ut sobrij sapientes, quantum congruum nobis propinquumque veritati ex ipsis fuerit sumentes, reliquum prætereamus. Et sicut in legendis rosis sentes vitamus; sic in talibus sermonibus quidquid est utile carpentes, noxium vitemus. Hactenus Basilius.

3. Non ego vos arbitror, fratres, adeò dementes esse, ut quisquiliis granis, auro rubiginem, simulacrum veræ scientiæ præferatis; inter sæculares alioquin

19
alioquin vos remansisse oportuerat: sed ex Aegypto egredientes, inuitos
Aegyptios spoliastis, eorum ornamenta in cultum diuini Numinis asportantes. *Exod. 12.*

Nec id difficile in Religione, ubi inter pleraque, quæ tractantur, parua differ-
rentia est: alij namque templi materialis ornandi curam habent, alij mensæ
parandæ ac ciborum; alij ianuas aperiunt, alij morbos solantur, sepeliunt
alij mortuos. Singula vna obedientia ac caritate nobilitantur. Quanto
magis litteræ, quæ ad animarum Creatori vel conciliandarum vel conser-
uandarum salutem procurandam aptissima sunt instrumenta, si humiliter, si
cum caritate, si ex obedientia tractentur! Nobilissima hæc vestis est, quæ
immensum decus ac valorem ignobili alioquin trunco impertitur: aurea
sunt omnia, omnia viuæ, quæ tali veste amiciuntur atque adornantur. Beati
illi, quorum opus (ait B. Augustinus) assidua oratio est. Pari modo beati illi,
quorum opus perpetua caritas est, quorum mens non minùs in Deum as-
urgit lectione cuiuspiam Poëtæ aut Oratoris profani, quàm pij alicuius au-
ctoris. Amor plurimum valet, & is omnia in rem amatam facillè transfert.

4. Huiusmodi scientiæ, quæ sic acquiritur, eximij fructus existunt, cum
in eruditorum animis, tum in vniuersam Ecclesiam emanantes. Viri hu-
miles, præclarisquæ virtutibus præditi, magni sunt, sed apud Deum; mun-
dus eos non cognouit: expedit ad cæcorum mortalium animos demeren-
dos, vt ijs non hispidus appareas, sed cum pulchra veste & ornamentis, quo-
rum aspectu capiantur. Hoc pijssimus Bernardus neruose paucis verbis de-
clarat. Non ignoro, ait, quantum Ecclesia profuerint scientiæ, & profint litterati *Serm. 36. in*
viri, siue ad refellendos eos qui ex aduerso sunt, siue ad simplices instruendos. *Cant.*

Denique legi: Quia tu repulisti scientiam, repellam & ego te, vt non fungaris mihi sacerdotio. *Osee 4.*
Legi: Qui docti fuerint, fulgebunt quasi splendor firmamenti; & qui ad iustitiam eru-
diunt multos, quasi stellæ in perpetuas æternitates. Hoc quoque eleganti compa-
ratione D. Basilus. Velut plantis, inquit, quibus propria virtus est, fructu
pulcherrimo scaturire; folia nihilominus ramis coniuncta quendam ferunt ornatum: sic
& anima, cui præcellens quidem veritas fructus est, non absque tamen exteriori sapientia
circumdatur, sicut folijs quibusdam umbram fructui & aspectum non intempestiuam
præbentibus. Hactenus Basilus.

5. Hæc deinde scientia, caritate vestita, sanctorum Patrum sanctitatem
& auxit & illustrauit. Eorum exempla virtute ac scientia illustria, quid no-
bis sit agendum, sat clarè loquuntur. Quàm eruditè, quàm eleganter D. Au-
gustinus argumentum hoc confirmat! Philosophi (ait) qui vocantur, si quæ fortè
vera & fidei nostræ accommoda dixerunt, maximè Platonici, non solum formidanda non
sunt, sed ab eis etiam, tamquam iniurijs possessoribus, in usum nostrum vendicanda.
Sicut enim Aegyptij non solum idola habebant, & onera grauiora, quæ populus Israël
detestaretur & fugeret; sed etiam vasa atque ornamenta de auro & argento, & vestem,
quæ ille populus exiens de Aegypto sibi potius tamquam ad usum meliorem clanculò
vendicauit, non auctoritate propria, sed præcepto Dei, ipsi Aegyptijs nescienter com-
modantibus ea, quibus non bene utebantur: sic doctrina omnes Gentilium non solum
simulata & superstitiosa signimenta grauesq; sarcinas superuacanei laboris habent, quæ
vniuersique nostrum, duce Christo de societate Gentilium exiens, debet abominari at-
que denotare; sed etiam liberales disciplinas vsui veritatis aptiores, & quedam morum
præcepta utilissima continent, de quibus ipso vno Deo colendo nonnulla vera inueniuntur
apud eos: quod eorum tamquam aurum & argentum, quod non ipsi instituerunt, sed de-

b 3

qui-

Ad. 7.

Epist. 84. to-
mo 2.

4.
Sacra Scriptu-
ra testimonijs
& exemplis.
Prouerb. 1.

Tit. 1.
1. Cor. 15.

Ad. 17.

1. Reg. 17.

5.
Figuris sacra
Scriptura.
a Gen. 31.
b Iudic. 6.

1. Reg. 6.

2. Reg. 8.

1. Mach. 3.

quibusdam quasi metallis diuina providentia, qua ubique infusa est, eruerunt, & quo peruersæ atque iniuriöse ad obsequia demonum abutuntur, cum ab eorum misera socie-
tate sese animo separat, debet ab eis auferre Christianus, ad usum iustum prædicandi
Euangelij. Vestem quoque illarum, id est, hominum instituta, sed tamen accommo-
data humane societati, qua in hac vita carere non possumus, arripere atque habere li-
cuerit in usum committenda Christianum. nam quid aliud fecerunt multi boni fideles
nostri? nonne aspiciamus quanto auro & argenteo & veste suffarcinatus exierit de Ægypto
Cyprianus Doctor suauissimus, & Martyr beatissimus? quanto Lactantius? quanto
Pictorius, Optatus, Hilarius? ut de vniuersis taceam; quanto innumerabiles Greci quod
prior ipse fidelissimus Dei famulus Moyses fecerat, de quo scriptum est quod eruditus
fuerit omni sapientia Ægyptiorum. Quibus omnibus viris superstitiosa Gentium
consuetudo, & maxime illis temporibus, cum Christi ingum decutiens, Christianos per-
sequebatur, disciplinas quas utiles habebat numquam commodaret, si eas in usum vniuersi
Dei colendi, quo vanus idolorum cultus excinderetur, conuersum iri suspicarentur:
sed dederunt aurum & argentum & vestem suam exenti populo Dei de Ægypto, ne-
scientes quemadmodum illa, quæ dabant, in Christi obsequium redderentur. Hoc Diui
Augustini testimonium instar ceterorum esse debet, utpote ad probandum,
quod intendimus, omnibus numeris absolutum: ideoque taceo Hierony-
mum, qui integra epistola ad Magnum Oratorem Romanum copiose argu-
mentum istud pertractat.

6. Addit tamen inter cetera, hanc doctrinam sanctos Patres hausisse ex di-
uinis litteris. Quis nesciat, inquit, in Moysæ & in Prophetarum voluminibus
quedam assumpta de Gentilium libris? & Salomonem Philosophis Tyri & nonnulla
proposuisse, & aliqua respondisse? unde in exordio Prouerborum commonet, ut intelli-
gamus sermones prudentia, versutiasque verborum, parabolas, & obscurum sermonem,
dicta sapientum, & enigmata; quæ propriè Dialecticorum & Philosophorum sunt. Sed
& Paulus Apostolus Epimenidis Poeta abusus versiculo est, scribens ad Titum: Cre-
tenses semper mendaces, ventres pigri. In alia quoque epistola Menandri ponit sena-
rium: Corruptum enim mores bonos colloquia praua. Et apud Athenienses, in Mar-
tis curia disputans, Aratum testem vocat: Ipsius enim & genus sumus. Ac ne hoc pa-
rum esset, ductor Christiani exercitus & Orator inuictus, pro Christo causam agens,
etiam inscriptionem fortuitam (nempe, Ignoto Deo) arte torquet in argumento
fidei: didicerat enim à vero Dauid extorquere de manibus hostium gladium, & Golie
superbissimi caput proprio mucrone truncare. Hæc Hieronymus.

7. Nouerant quippe sancti Patres, Rachel mulierem sanctam, idola patris
in bonos usus furatam fuisse; Gedeonem, iubente Domino, taurum patris
abstulisse, & alterum à cultoribus Baal, succisoque nemore, quod circum
aram Baal erat, holocaustum ex ijs vero Deo obtulisse; nihil obesse quo mi-
nus falforum Deorum ac Gentilium res gestas in æterni Numinis obsequium
transferamus, si modò igne sacro cuncta expientur: nouerant Bethsamesitas,
visa arca Dei, concidisse ligna plaustrum, quo ipsa vehabatur, vaccasque, quæ
plaustrum traxerant, superpositas immolasse Domino; Dauidem sanctissi-
mum Regem arma aurea, quæ habebant serui Adarezer, detulisse in Ierusa-
lem, & vasa aurea, argentea, & ærea sanctificasse Domino cum argento &
auro, quæ sanctificauerat de vniuersis gentibus quas subegerat, & ex his
vasa, templo excitato, conflata fuisse; denique gladium Apollonij Iudam
abstulisse, in quo (ut ait Scriptura) pugnans erat cunctis diebus: victis nam-
que

que hostibus, gloriosum est eorum armis uti; ut, quibus ipsi iugulum nostrum petebant, iisdem nos ceruices demetamus. Hæc sanctorum Patrum doctrina est; quos si vitæ morumque duces sequamur, à rectitudine viæ aberrare non possumus.

8. Hortantur tamen, & sedulo inculcant, caueamus à superbia: scientia enim sine caritate stultitia est. *Scientia inflat*, (ait Apostolus) *caritas verò adificat*. Quid ergo? (ait Augustinus) *scientiam fugere debetis, & electi estis nihil scire potius quam inflari? Et quid vobis loquimur, si melior est ignorantia quam scientia? ut quid vobis disputamus? ut quid, quod nescitis, admonemur; quod non nescitis, inserimus?* Scientia cauenda est ne inflat: ergo amate scientiam, sed anteponite caritatem. Scientia si sola sit, inflat; quia verò caritas adificat, non permittit scientiam inflare. Ibi ergo inflat scientia, ubi caritas non adificat; ubi autem adificat, solidata est. Non est ibi inflatio, ubi Petra est fundamentum. Quando autem tentat inflatio, hoc est, elatio? ubique ubi & quando caritas deest. Hæc Augustinus: ubi mentium parua timorem ac dubitationem exoluit; quæ dum litterarum studiis incumbunt, meliorem partem relinquere formidant: quòd studia mysticam Theologiam impedire videantur, aut superbiæ magnam anslam præbere. Arbitror tamen verum esse, quod nonnullis probatur, superbiæ matrem esse ignorantiam. Si enim animus sese cognosceret, non facile se extolleret. Addo ignorantiam cum superbia magnum habere commercium. Omnes enim, ait Cic. lib. 1. de lere pulchrum putamus: labi autem, errare, nescire, decipi, & malum & turpe dicimus. Hinc fit, ut ignorantes, qui minus aestimari quam ceteri nolint, exigua sæpe ostentent pro magnis, ne ignorantes habeantur; quod eruditus non accidit. ut enim Reges, aut Principes, alijque ex illustri genere orti, non egent veste elegantiori, per quam nobilitas stemmataque eorum appareant; illis abunde est, id omnibus esse perspectum: sic eruditus ostentatione opus non est. imò verò excellens eruditio magnam ad humiliter de se sentiendum faciem præfert: quo enim quis in aliquo genere scientiæ amplius profecit, eo plura sibi deesse in hac ceterisque scientijs cognoscit, meritòque sese discipulum ac tironem reputat, cum immentum pelagus scientiarum illi sese obijciat, cui vixdum digitum immerfisse sibi persuadet.

9. Hæc verò non ita à me dicta sint, ut PERFECTIØNEM in cognitione rerum humanarum collocandam esse existimem; ablit: sed pijs infirmisque mentibus satisfacere volui. *Emulamini* interea, amantissimi fratres, charismata meliora. En, adhuc excellentiorem humanis scientijs viam vobis demonstro: Amate scientiam, sed præferte caritatem: propono vobis studium PERFECTIØNIS, quod ceteris omnibus præponendum est. Cum studium PERFECTIØNIS nominamus, duodiciamus: finem, quæ PERFECTIO est; & viam ad finem, quod vestrū studium est. PERFECTIØNEM voco cum D. Augustino, cui nihil additur, cum id, quò tenditur, ceperit, possederit; summa hæc est PERFECTIO. Aristoteles id perfectum esse definit, cui nihil deest: cuius sententiæ Clemens Alexandrinus, ac f. D. Ambrosius, (quos secutus est D. Thomas) subscripserunt. At quis mortalium sic perfectus est, ut nihil ei desit? probat D. Thomas hanc PERFECTIØNEM soli Deo competere. & PERFECTIO, inquit, alicuius rei triplex est. Prima quidem, secundum quod in suo esse constituitur: secunda, prout ei aliqua accidentia super-

Obiecti re-
spondetur.
a 1. Cor. 8.
b sermone 13. de
verbis Domini.
cap. 6.

Cic. lib. 1. de
Offic. m. de
prudens.

Similitudo ac-
commoda.

Præferatur
Perfectio scien-
tiæ.
c 1. Cor. 12.

d Lib. de nat. &
erat. cap. 12. to-
mo 7.

e Lib. 1. Pedag.
cap. 6.

f Lib. 2. cap. 6.
do Iacob & Sim-
ta beata.

g Part. 1. q. 6.
art. 3.

addun-

adduntur ad suam perfectam operationem necessaria: tertia verò perfectio alicuius est, per hoc quod aliquid aliud attingit sicut finem. Utpote prima perfectio ignis consistit in esse quod habet per suam formam substantialem: secunda verò eius perfectio consistit in caliditate, leuitate, siccitate, & huiusmodi: tertia verò perfectio eius est secundum quod in loco consistit. Hæc autem triplex PERFECTIO nulli creato competit secundum suam essentiam, sed soli Deo, cuius solius essentia est suum esse; & cui non adueniunt aliqua accidentia, sed quæ de alijs dicuntur accidentaliter, sibi conueniunt essentialiter, ut esse potentem, sapientem, & huiusmodi. Ipse etiam ad nihil aliud ordinatur sicut ad finem, sed ipse est ultimus finis omnium rerum: unde manifestum est, quod solus Deus habet omnimodam PERFECTIÖNEM secundum suam essentiam. Hæc Diuus Thomas. De hac Dei PERFECTIÖNE dicturi sumus cap. i.

Perfectio tribus
modis accipi-
tur.

I.

Vbi supra.
Phil. 3.

2.

Matth. 5.
Gen. 6.
Gen. 17.
Deut. 18.
Phil. 3.

3.

Matth. 19.

Perfectio
laus.
a Matth. 21.
b Psal. 67.
c Matth. 23.

10. Sed quid de nostra? PERFECTIO in Scripturis non vno modo accipitur. Interdum enim perfecti dicuntur, qui semper actu diligunt Deum, & omnia, quæ faciunt, actu in ipsum referunt: cum quæ PERFECTIÖNE nullum peccatum, ne veniale quidem, potest consistere. Hæc PERFECTIO propria Beatorum est, estque illa PERFECTIO, quam modò Diuus Thomas attingit, secundum quod vnumquodque in suo loco quiescit; & ut loquitur D. Augustinus, cui nihil additur, cum id, quod tenditur, ceperit, possederit. Apostolus de hoc gradu PERFECTIÖNIS loquens, ait: Non quod iam acceperim, aut iam perfectus sim; sequor autem, si quo modo comprehendam in quo & comprehensus sum à Christo IESU.

11. Perfecti etiam dicuntur, & quidem valde frequenter in sacris litteris, qui Deum super omnia diligunt: & licet non referant actu res suas in obsequium Christi, tamen parati sunt potius omnium rerum & ipsius vitæ iacturam facere, quàm Dei gratiam & amicitiam perdere; atque ita seruant omnia mandata, dum nihil admittunt, quod caritati, quæ finis præcepti est, repugnet. Necessitatis est PERFECTIO hæc; atque hunc gradum Christus imperauit, cum ait: Estote perfecti, sicut & Pater vester celestis perfectus est. De eodem loquitur liber Geneleos: Noë vir iustus atque perfectus fuit. & Abrahamo sic Deus mandat: Ambula coram me, & esto perfectus. & populo Iudæorum in Deuteronomio: Perfectus eris, & absque macula, cum Domino Deo tuo. Denique: Quisumque perfecti sumus, ait Apostolus, hoc sentiamus.

12. Tertia PERFECTIO est, quæ consilij dicitur. Hæc qui perfecti sunt, non semper actu de Deo cogitant, (neque enim diligunt ut Beati) sed Deo totos se consecrant, atque omnia non proposito tantum, sed re ipsa deserunt, ut Deo placeant; impedimentisque rerum temporalium, corporis & animi, quantum humana fragilitas patitur, sublati, Deo summo bono adhærescunt. de hac Christus locutus est. Si vis, inquit, perfectus esse, vade, vende quæ habes, & da pauperibus, & habebis thesaurum in celo; & veni, sequere me. Sic ergo Deo adhærere, sublati illis impedimentis, quæ nos omni ex parte remorantur, exterminatis quoque vitijs omnibus ac passionibus, comparatiffique virtutibus eidem adhæfioni atque vñioni ancillantibus, PERFECTIO est, quam quærimus.

13. Hæc est huius vitæ beatitudo; Dei opus perfectissimum; summa inter Deum & animam vñio; summa cum Deo amicitia; * Regnum illud celorum, quod nulli nisi violenti rapiunt; b Mons Dei, mons pinguis; c Thesaurus in agro abscondi-

XI

conditus, ad quem comparandum meritò omnia vendimus, aut relinquimus;
Margarita Euangelica, quam negotiator venditis omnibus suis compa- *Ibidem.*
 rat; est *Drachma* quam nemo inuenit, nisi qui quærit; denique est illa *Luca 15.*
Sapientia pretiosior cunctis opibus, regnis & sedibus illustrior, cui aurum & *Sap. 7.*
 lapides pretiosi conferri non possunt. Hanc, o amantissimi fratres, hanc di- *Prov. 8.*
 ligite à iuuentute vestra, quærite vobis sponsam assumere, amatores facti *Sap. 8.*
 formæ illius. Pulcherrima mater est, & mater pulchre dilectionis, & timoris, & *Eccli. 24.*
 agnitionis, & sanctæ spei. Filijs illa suis, qui à se erudiri cupiunt, hanc in primis *Præcepta Sa-*
 legem præscribit, vt sola cognitione formæ suæ contenti non sint, sed ner- *pientia ad stu-*
 uos omnes contendant, conatum adhibeant, viam ineant, vt matris in am- *diosos Perse-*
 plexus ruant, ac possideant. & hæc altera pars est huius Epigraphes, qua *ctionis.*
 Opus hoc DE STUDIO PERFECTIONIS insignimus. Non enim *1.*
 dormientibus apparet sapientia, sed ijs qui eam magno STUDIO sollicitè *Conatum esse*
 quarunt, & ad fores eius vigilant assidue. quod argumentum fusissimè cum *adhibendum.*
 diuersis locis, tum maxime libro 2. tractabimus.

14. Alterum præceptum tantæ Matris est, vt à cognitione sui ipsius quisque *2.*
 incipiat. Pulcherrimum illud studium est, & præceptum sapientia dignissi- *Cognitio sui.*
 mum: quod Hugo de S. Victore in primis commendat. *Melior es, ait, si* *Lib. 1. de ani-*
teipsum cognoscas, quam si, te neglecto, cursus siderum, vires herbarum, complexio- *ma, cap. 9.*
nes hominum, naturas animalium, celestium omnium & terrestrium scientiam habe-
res. Multi multa sciunt, & seipsum nesciunt; cum tamen summa Philosophia sit sui-
ipsius cognitio. Hæc ille. Antequam Christus sese familiarius Catharinæ Se-
nenfi communicaret, ipso (vt scribit Raymundus) diuinarum visionum *In Vita eius*
initio eidem apparens dixit: Si nosti, filia, quis ego sum, & quæ tu es, beata eris. *apud Surium*
Ego sum, qui sum; tu es, quæ non es. Hac cognitione freta, omnes facile conteres la- *tomo 2. die 29.*
queos inimici, numquam venies contra præcepta mea, omnemq; gratiam & veritatem *Aprilis.*
nullo negotio obtinebis. Paucis sensatisque verbis Christus multa complectitur:
 si enim ipsum nosque cognouerimus, magnâ adepti erimus scientiam. Hinc
 prioris huius Operis libri vis in eo tota consistit, vt Deum exemplar aucto-
 remque PERFECTIONIS agnoscamus, exilitatem nostram nihilum-
 que apprehendamus; (quod tamen per gratiam IESU Christi mutari, exci-
 tari, erigique potest) de viribus nostris diffidentes, adhibita simul diligen-
 tia, quam à nobis Deus requirit, spem omnem nostram in eum transfera-
 mus. Nihil aliud priori libro efficere contendimus.

15. Præceptum sapientis Matris tertium est, si vtiliter studere, si proficere *3.*
 vlla in re vouerimus, opus esse vt scholam affectus ingrediamur; non pa- *Schola affectus.*
 scamus solum intellectum, arida remanente, & insipida, emorienteque vo- *Psal. 33.*
 luntate, sed ex omnibus gustet ipsa quàm suauis est Dominus. qua de re sa- *Serm. 36. in*
 pienter Bernardus exponens illud, *Si quis se existimat scire aliquid. Vides quo-* *Cant.*
modo fructum, inquit, & vtilitatem scientia in modo sciendi constituit? Quid *a 1. Cor. 8.*
ergo dicit modum sciendi? quid? nisi vt scias quo ordine, quo studio, quo sine que-
que nosse oporteat. Quo ordine? vt id prius, quod maturius ad salutem. Quo stu-
dio? vt id ardentius, quod vehementius ad amorem. Quo sine? vt non ad inanem
gloriam, aut curiositatem, aut aliquid simile; sed tantum ad adificationem tuam,
vel proximi. Quibus tribus capitibus Diuus Bernardus complexus est,
 quæ de scientia mystica quæri possunt: nam & huic scientiæ primas me-
 ritò tribuimus, tamquam ad salutem necessariæ. Illud quoque præstantissi-
 mum

Lib. 20. Moral.
cap. 8.

Iob 30.

Lib. 18. Moral.
cap. 7.

4.
Praxis scientia.
a Tit. 1.
b Eccl. 23.
c Rom. 8.
d Act. 1.

Matth. 5.

Lib. 22. Moral.
cap. 4.

5.
Humilitatis
amor.

In Psal. 93.
serm. 2.

In Psal. 130.
sub finem.
Iob 37.

Lib. 27. Moral.
cap. 24.
Lib. 23. Moral.
cap. 16.

num studium est, quo animus à Deo pascitur & inflammatur. Denique nobilissimus ille finis est, qui in Deo conquiescit, à quo nos perficimur, ipsumque diuinum Numen colitur & honoratur. D. Gregorius hanc affectus scholam sic cōmendat, vt existimet discipulum proficere non posse, si ab hac procedendi ratione desciscat; loquens enim de ijs, qui toti in speculatione & opinione scientiæ inanem pietatis appetitū relinquunt, sic ait: *Neque enim ea quarunt, ex quibus semetipsos ad humilitatem erudiant, mores in tranquillitate disponant, patientiam seruent, longanimitatem exhibeant; sed ea solummodo, qua eos doctos ac loquaces demonstrent: illa scire appetunt, ex quibus singulariter eruditi videantur. Itaque quia de sublimitate intelligentia quanto amplius repleti ambiunt, tanto amplius inanescunt; bene de ijs dicitur, Egestate & fame steriles: immoderatis namque ausibus, cognitionis superna scientiam quo plus appetunt, plus amittunt, addit idem: Quia dum in sacri verbi pabulo plus quarunt sentire quam capiunt, semper à veritatis cognitione ieiunant; & predicamenta doctrina, qua student ad questionem quarere, habere non valent ad refectiōem.*

16. Quartum Matris sapientis præceptum est, vt, quæcumque discimus, ad Praxim discamus & referamus, & ex omnibus rebus pabulum nobis conficiamus. *« Omnia munda mundis; esurientibus & omnis panis dulcis est; spiritualibus omnia spiritualia sunt, & diligentibus Deum omnia cooperantur in bonum. »* Cæpit enim *I E S V S* facere & docere. Satis ergo non est Philosophiā aut Theologiam, etiam mysticā, addiscere, multa de Dei PERFECTIōNIBVS audire, plurima præcepta moralia excipere; sed agendum est, ad Praxim veniendum. Cognitionis finis Actio: alioquin manca & inanis scientia omnis reputanda est. Non qui sciuerit aut docuerit, sed qui fecerit, hic magnus vocabitur in regno calorum. Ad hoc præceptum alter huius Operis liber totus refertur: sine eo cetera parum profunt. Sancti enim non exultant cū cognoscunt quæ faciunt, sed cū faciunt quæ cognoscunt; & teste D. Gregorio, non est secura letitia, in diuinis paginis vel fortia vel multa cognoscere, sed cognita custodire.

17. Vltimò satis inculcari non potest, vt, qui sapientiæ scholas adeunt, pro symbolo ac tessera primaria, virtutis humilitatis insigni induantur; sine qua non modò scientes veri non erunt, sed stupidi & insipientes reputabuntur. Ideo D. Augustinus quibusdam locis PERFECTIōNEM in humilitate constituit. *Ut perficiamini, inquit, primum precedere debet confessio peccatorum, salubris penitentia; qua valet ad corrigendum hominem, non ad irridendum Deum. Cū autem post penitentiam bene viuere cæperit, habet adhuc quod cogitet: ne sibi tribuat quod bene facit; sed illi gratias agat, cuius gratia factum est vt bene viveret; quia ille illum vocauit, ille illum illuminauit. Ergo iste iam perfectus est? Non; adhuc ei deest aliquid. Quid illi deest? Vt non superbiat super eos, qui necdum sic viuunt, quomodo ipse viuuit. Hæc Augustinus, & concludit scribens in Psalmum 130. Ipsa est PERFECTIō nostra humilitas. Diuus verò Gregorius in illa verba Iob, Numquid nosti semitas nubium magnas, & perfectas scientias? ita ait: Perfecta scientia est, scire omnia, & tamen iuxta quendam modum scientem se esse nescire. alio item loco: Arrogantes ab inuestigatione mysteriorum Dei elatio ipsa scientie eijcit, dum extollit: est enim obstaculum veritatis, tumor mentis; quia, dum inflat, obnubilat. Foris acuti, intus cæci, nec de Deo sentiunt quod dulce interius sapiat, sed quod excussum exterius sonet. Hæc Gregorius.*

18. Quæ quidem omnia non tam de studio litterarum intelligenda veniunt,

niunt, quàm Theologiæ mysticæ seu **P E R F E C T I O N I S** acquirendæ: superbiæ namque materia ac fomentum virtus est, & cognitio; atque in ijs vanitas maleblanda grassatur. In utroque studiorum genere eius magna occasio ac seges: eo tamen sæpius ac periculosius larvata sese ingerit in rerum sublimium notitiam, quàm humilium, quo difficilius cognoscitur. Eam detegent fugabuntque singularis animi submissio, amor virtutum, earundem Praxis, cognitio sui ac Dei; & in omni studiorum genere magno erunt & ornamento & præsidio. Et ne longior sim, subiiciam quæ B. Thomas Aquinas (quem vobis virtutis & eruditionis ducem delegistis, ideoque gratiorem eius doctrinam ac monita vobis esse mihi persuadeo) in quadam epistola appositisimè huic instituto respondet: supplebit quod breuitati studentes omittimus. Quæsierat ab eo è Religiosis quidam studiosus, qua ratione studia sua institueret; eidem respondet in hæc verba: *Quia quesuisti à me, mihi in Christo carissime Ioannes, qualiter te studere oporteat in thesauro scientiæ acquirenda; tale à me tibi super hoc traditur consilium, ut per triuulos non statim in mare eligas introire. Hæc est ergo monitio mea, & instructio tua. Tardiloquum te esse iubeo, & tardè ad locutorium accedentem. Conscientiæ puritatem amplectere. Orationi vacare non desinas. Cellam frequenter diligas, si vis à in cellam vinariam introduci. Omnibus te amabilem exhibe. Nihil quare penitus de factis aliorum. Nemini te multum familiarem ostendas; quia nimia familiaritas parit contemptum, & subtractionis subito materiam subministrat. De verbis & factis secularium nullatenus te intromittas. Discursus, super omnia, fugias. Sanctorum & bonorum vestigia imitari non desinas. Non respicias à quo audias; sed quidquid boni dicatur, memoria recommenda. Quæ legis & audis, fac ut intelligas. De dubijs te certifies: & quidquid poteris in armariolo mentis reponere, satage; sicut cupiens vas implere. Altiora te ne quæseris. Illa sequens vestigia, frondes & fructus in vinea Domini Sabaoth viles, quamdiu vitam habueris, proferes ac produces. Hæc si sectatus fueris, ad id attingere poteris, quod affectas.*

*Epist. de modo
acquir. scientiæ
opus. 68. to-
mo 17.*

6.

*Præcepta com-
globata.
a Cant. 2.*

3.

19. Quibus quod addam, ad excitandos litterarum studiosos, & stimulandos virtutis pugiles, nihil habeo. Operis Epigraphen, **S T U D I U M P E R F E C T I O N I S**, exposui: finem facio, libellos hos vobis, quorum gratia scripsi, animo quem nostis, offerens. quibus si dubijs vestris abunde satisfiat, Deum laudate; vtimini, fruimini ad diuini nominis gloriam: sin minùs, æqui bonique consulite. Dominum **I E S V M** diligite; benedictam eius Matrem Virginem, huius palæstræ Præsidem, colite. Valet. Duaci, 2. Iulij, anno M. D C X.

Omnium seruus in Christo
IOANNES CROMBECIUS.



INDEX CAPITVM.

LIBRI PRIMII.

I.	V NICVM Deum omni ex parte esse perfectum.	pag. I.
II.	Deum esse Perfectionis exemplar.	6.
III.	Homines amulari Perfectiones Dei admirandas; eas verò que ad imitationem proposita sunt, auersari.	12.
IV.	Deum esse Perfectionis auctorem.	18.
V.	Opportunitates Perfectionis adipiscende à Deo hominibus plurimas offerri.	28.
VI.	Etsi Dei perfecta sint opera, nihil tamen nasci perfectum, sed omnia accessione ac profectu indigere.	39.
VII.	Vt omnia imperfecta diuina ordinatione oriantur; ea ipsa tamen ad augmentum Perfectionemq; assurgere, hominique perfectum in spiritu suadere.	48.
VIII.	Perfectus spiritualis suadetur exemplo Iosephi Patriarcha.	52.
IX.	Idem perfectus & accretio suadetur testimonijs sanctorum Patrum.	56.
X.	Plurimum adinvento esse acquirenda Perfectioni, Temperamenti & Complexionis bonitatem.	61.
XI.	Valetudinem corporis, animiq; sanitatem, magno presidio esse studiose Perfectionis. Quid Temperamentum, & eius partes.	67.
XII.	Mores animi sequi Temperamentum corporis.	77.
XIII.	Deteriorem Complexionem eiusq; vitia Perfectioni acquirenda remoram ac impedimenta plurima obicere.	80.
XIV.	Passiones animi à Complexione praua factas immoderatiores, Perfectioni quarenda esse impedimento.	86.
XV.	Deum ab hominum Temperie aut Complexione, vt aliquem perficiat, non dependere; sed eius gratia pessimum quemque optimum posse euadere.	90.
XVI.	Abundanti gratia Complexionem deteriorem restaurari, exemplis declaratur; hominem tamen non omnino passionum oppugnatione liberari.	95.
XVII.	Vulnera ac morbos animi, nisi per gratiam Mediatoris sanentur, Perfectionem excludere. Primum vulnus explicatur.	101.
XVIII.	Ponuntur alia tria animi vulnera.	109.
XIX.	Explicantur undecim animi morbi.	113.
XX.	Gratia Mediatoris IESV Christi hominis vulnera morbosq; restaurari, & ipsum Perfectionis studio aptum idoneumq; postliminio reddi.	120.
XXI.	Hominis superiores potentias gratia Mediatoris IESV Christi ad diuinas operationes restaurari.	129.
		XXII.

XXII.	<i>Animam hominis, tum in ipsa essentia, tum in potentijs, nobilissimis gratia ornamentis illustrari.</i>	136.
XXIII.	<i>Inordinationem potentiarum inferiorum auxilio gratia Christi reparari.</i>	143.
XXIV.	<i>De quadruplici hominis vita, naturali, peccati, gratia, & aeterna.</i>	154.
XXV.	<i>Vitam peccati immanem esse tyrannidem.</i>	160.
XXVI.	<i>Vitam spirituales seu gratia & dici & verò moveri debere à spiritu, eodemq; ab alijs discerni.</i>	169.
XXVII.	<i>Qua sit vera vita.</i>	182.
XXVIII.	<i>Eam veram esse vitam, qua beata est; eandemq; in Dei comprehensione consistere, ex qua bona omnia prosunt, quae animam satiant.</i>	190.
XXIX.	<i>Vitam beatam eam demum solam esse, quae aeterna sit: eandemq; esse finem ultimum, virtutis ac Perfectionis premium.</i>	200.
XXX.	<i>Perfectionem non consistere in Dei inactione in anima nostra essentiam delapsa, omni humana actione exclusa: amorem etiam concupiscentia non esse Perfectionem.</i>	207.
XXXI.	<i>Perfectionem in Caritate consistere.</i>	220.
XXXII.	<i>Caritatem esse beatitudinem, ac providè Perfectionem: quod itidem allatis octo eiusdem insignibus ac titulis probatur.</i>	232.
XXXIII.	<i>Quae Caritas iudicio sanctorum Patrum sit Perfectio.</i>	244.
XXXIV.	<i>Quibus operibus Perfectio acquiratur.</i>	254.
XXXV.	<i>Solis Caritatis virtutumq; infusarum operibus Perfectionem posse acquiri.</i>	265.
XXXVI.	<i>Singulis bonis operibus in hoc mundo, & quidem illico, reddi à Deo suam mercedem.</i>	276.
XXXVII.	<i>Proponuntur industria octo, quibus gratia, virtutes, ipsaq; Perfectio egregiè auvantur.</i>	281.
XXXVIII.	<i>Quanta merces singulis operibus reddatur, & quot gradibus gratia ac virtutes auvantur.</i>	289.

LIBRI SECVNDI.

I.	D E V M ubique esse presentem, intueri omnia, omnia perficere ac operari.	301.
II.	<i>Numinis presentis considerationem non modo peccatoribus esse necessariam, sed & iustis, ac Perfectionis studiosis.</i>	306.
III.	<i>Præsentia diuina conspectum non solum mentis conceptione constare, sed à voluntate & affectu maximè pendere.</i>	315.
IV.	<i>De septem fructibus eximijis, è diuini Numinis presentis memoria prodeuntibus, tres explicantur: cognitio sui, Dei clarior notitia, ac letitia spiritualis.</i>	319.
V.	<i>Proponuntur duo alij fructus quos diuina præsentia memoria producit: timor & humilitas.</i>	323.
VI.	<i>Reliqui duo fructus qui ex presentia diuina conspectu colliguntur: nempe compositio morum, totiusq; hominis externi: item vltimus, anonymus.</i>	327.
VII.	<i>Ex tribus modis generalibus existentie Dei in rebus, per essentiam, presentiam, & potentiam, eruntur alij particulares.</i>	333.
VIII.		

- VIII. Tres modi concepta praesentiae divinae per essentiam. Primus est, Deum non esse animam mundi, sed quid nobilius per omnia diffusum. Secundus, esse lumen quoddam immensum, omnia penetrans. Tertius, tanquam Oceano omnia in ipso contineri. 335.
- IX. Quartus modus praesentiae Dei per essentiam in omnibus rebus existentis: cernendum esse Deum in creaturis operantem. 346.
- X. Adfertur quintus, sextus, & septimus modus praesentiae divinae; nempe memoria quatuor novissimorum, timoris Domini & praeceptorum eius, ac passionis Christi. 354.
- XI. Modus octavus, nonus, & decimus concepta praesentiae Dei, per intellectum ex Regio apparatu in calis, varijs figuris per imagines, viva fide in sacrosancta Eucharistia. 361.
- XII. Modus undecimus voluntati proprius, quae intimè templum Deo colendo, sua quieti, tumultibus hostiumq; iniurijs arcendis, construit; sanctis Patribus familiaris. 368.
- XIII. Modus duodecimus, quo nobis in stadio Deum è calis pugna nostra Agonothetam proponimus; & decimus tertius, quo divina Numini omnia opera nostra quasi ingi sacrificio consecramus. 375.
- XIV. Exponitur modus decimus quartus, quo Deus per potentiam praesens conspicitur; addita regula generali, quae omnibus modis serviat. 382.
- XV. Quae inveniunt ad memoriam praesentiae divinae conservandam; ac in primis Aspirationes breves ad id admodum esse idoneas. 386.
- XVI. Aspirationum fontes ponuntur undecim; adhibitis formulis ex Scriptura sacra, sanctisq; Patribus. 390.
- XVII. Orationes Iaculatoriae ponuntur singula singulis operibus opportuna. 396.
- XVIII. Oratio mane recitanda, constans hisce partibus: oblatione, adoratione, gratiarum actione, protestatione, omniumq; paene virtutum exercitio. 400.
- XIX. De triplici examine, vno generali, secundo particulari, eoque duplici: quorum altero vitiosa actiones coercentur, altero pravi habitus euelluntur, virtutèq; inferuntur. 406.
- XX. Examinis generalis necessitas, utilitas, & partes. 410.
- XXI. Examinis particularis nomen, usus, ac condiciones. 416.
- XXII. Formula examinis particularis. 421.
- XXIII. De altero examine particulari, quo vitiosi habitus euelluntur, virtutes verò inferuntur: quod Negotiatio spiritualis appellatur. 425.
- XXIV. De causis Negotiationis spiritualis, & primum quidem de materia eius subiecta. 430.
- XXV. De causa finali Negotiationis spiritualis, nempe spirituali lacro; deque causa eiusdem efficiente: additis aliquot praeceptis, quibus fervor & conatus noster excitetur. 434.
- XXVI. Negotiationis spiritualis causa formalis explicatur; cum industria prima, quae est recta intentio, & ab alijs intentionibus duabus distinguitur. 441.
- XXVII. Industria secunda: pravi habitus duplici ratione destrui, virtutes multiplicatis actibus augeri. 450.
- XXVIII. Industria tertia: actus internos ad Negotiationem spiritualem promouendam externis prestare; hos tamen internos subinde plurimum usus ac subsidio esse. 457.
- XXIX. Industria quarta: actus exteriores Negotiationi spirituali non modo utiles esse, sed etiam necessarios. 465.

XXX. Industria quinta: quinque virtutum generibus potissimum praeuocantur habitus ac passiones exterminati; sed maxime unus ex illis, caritatis, aedibus. 470.

XXXI. Industria sexta et septima: primum inter alia Negotiationis spiritualis officia locum tenere studium diuinae gloriae quarenda; cui plurimum opitulatur diuinitas Eucharistia usus frequentior. 475.

XXXII. Industria octaua: in Negotiatione spirituali rationem dati et accepti esse exigendam. Additur formula collationis spiritualis, continens Praxim Negotiationis. 481.

XXXIII. Virtutes Theologicas opportunas admodum esse Negotiationi spirituali, et omnino necessarias; fidem in primis, cuius rationes in Praxi debent humanis proponderare. 500.

XXXIV. Fidei Praxis, eiusque necessitas, sanctorum Patrum auctoritate rationibusque ostenditur. 508.

XXXV. Spem praeclarum instrumentum esse Perfectionis, ad difficultates magnas superandas, arduas aggredienda. 512.

XXXVI. Duo esse officia spei: alterum in sui diffidentia, alterum in Dei confidentia consistere: confidentiam vero rerum huius mundi plurimum obesse rebus praeclare gerendis. 515.

XXXVII. Nimiam confidentiam perniciosam admodum esse Negotiationi spirituali; hominesque illius causa grauissima salutis pericula incurrere. 518.

XXXVIII. Tacitam praesumptionem, multis incognitam, ad res magnas gerendas adiuuare praecludere. Qua eius indicia. 522.


XXXIX. Laus diffidentiae propriae, eiusque utilitates. 527.

XL. Spem, qua diffidentiam propriam complectitur, Deique nititur auxilio, difficillima quaque perumpere; et maxime ardua non modo aggredi, sed etiam ad felicem exitum perducere. 533.

XLI. Cum spei virtute hominem quandam omnipotentiam induere. 538.

XLII. Formula spei exercendae, ad res maxime difficiles superandas, operaque heroica exercenda. 547.

XLIII. Exempla quadam illustria, quibus hominis in Deum confidentis omnipotentia ostenditur. 551.





DE STUDIO
PERFECTIONIS

LIBER PRIMVS

QVO

ILLIVS ACQVIRENDÆ

RATIO TRADITVR.

CAPVT I.

Vnicum Deum omni ex parte esse perfectum.



VI Deum perfectum esse nescit, nescit se à Deo perfectum
Deo esse profectum: si enim cuncta à Deo con-^{est.}
dita sunt, necesse est & se ab eo conditum esse
fateatur. Si verò omnia à Deo proficiscuntur,
manant, originemq; ducunt, tamquam primo
principio, formas omnes eminentissime con-
tinente: quî fieri potest, vt PERFECTIO-
NES omnes in eo non reperiantur? Ipse enim
rerum causas producit: essentiam, existentiam,
PERFECTIONEMq; naturis rerum attribuit: estq; intime præ-
sens rebus omnibus, vt sint, & permaneant. Omnia enim per ipsum facta Ioan. i.
sunt, & sine ipso factum est nihil. Et: In ipso viuimus, mouemur, & sumus. Act. 17.

A

Certè

Certè si esse nostrum à Dei esse pendeat, etiam PERFECTIÖNVM nostrarum existentia ab ipsius existentia pendere debet.

*Est esse per se
subsistens.*

*D. Thom. 1. p. 9.
q. c. 2.
Exod. 3.
Apoc. 1.*

*Deus est esse
rerum omnium.*

*De divin. no-
min. cap. 5.*

*Deus est Vir-
tus tota &
vniuersalis
essendi.*

*Imperfectiōis
creaturarum
ratio.*

*Lib. 1. cont.
Gen. cap. 28.
parag. 1.*

2. Omnis namque sapientia, bonitas, excellentia, nobilitas, fortitudo, virtus denique omnis, PERFECTIÖNES esse non possunt, nisi prius existant, & in illo suo esse perpetuò conseruentur: Deus autem dat omnibus rebus existentiam; *est q̄ esse per se subsistens, continens in se omnimodam essendi PERFECTIÖNEM.* Ita enim Moyse Deus asseruit: *Ego sum qui sum. Sic dices filijs Israël: Qui est, misit me ad vos. Item: Ego sum a & ω, principium & finis, dicit Dominus Deus, qui est, & qui erat, & qui venturus est omnipotens.* Ut ergo res existentes ad Dei esse pertinent; ita PERFECTIÖNES rerum omnium ad PERFECTIÖNEM essendi, quæ est in Deo, referuntur. At in Deo res omnes existunt; PERFECTIÖNES ergo rerum omnium in Deo reperiri necesse est. Hinc D. Dionysius Areopagita, cum dixisset quòd *Deus non quodammodo sit existens, sed simpliciter & in circumscriptis totum in seipso vniuersaliter esse præcepit*, subdit, & ipsum debere dici *esse subsistentibus*: quasi dicat, si Deus omnibus esse largitur, & omnes in Deo sunt; cum in eo similiter PERFECTIÖNES consistant, necessarium esse ut in Deo ipsæ reperiuntur, sine quo ne subsistere quidem possent.

3. Deus ergo perfectissimus est: illud enim dicitur vniuersaliter perfectum, cui nulla alicuius generis deest virtus, nobilitas, aut excellentia. In Deo certè nulla desiderari potest: est enim Deus virtus tota & vniuersalis essendi; in qua omnes diuinæ PERFECTIÖNES, & rerum omnium conditarum nobilitas continetur. Nos imperfecti sumus; eoque magis, quo minùs de essendi illius infinitate participamus. Longissime verò abest à Deo, non esse, aut defectus; quæ in nobis plurima sunt: quia illa infinito eius essendi modo planè repugnant. Cum ergo Deus sit proprium suum esse, illudque habeat secundum omnimodam essendi potestatem; necesse est, in eo omnes, tam diuinæ, quàm creatas PERFECTIÖNES contineri. Quid enim est nobilitas sapientiæ, nisi nobilitas esse eiusdem? & quæ excellentia in virtute reperitur, quæ non in esse virtutis? Vnde bene S. Thomas: *Omni nobilitatem cuiusque rei, esse sibi secundum suum esse.* Ex cuiusque enim modo quo res est, nobilitas cuiusque oritur. Nobilior est sapientia, quàm scientia humana; & caritas, quàm timor; quia eorum esse nobilius est. Nec sapientia amplius in se habet, quàm ei suum esse tribuit. Si enim non sit, ne nomen quidem meretur. Nos ergo paucas virtutes habemus, & inæquales; quia defectus & hiatus magni sunt in nobis, qui ex nihilo venimus, & participamus de illa essendi infinitate, particulari & imperfectissimo modo, non secundum omnimodam potentiam. Hinc imperfecti sumus. Deus autem, qui vis quædam est infinita, continens totam, vniuersalem,

falem, & omnipotentem virtutem effendi, non modò PERFECTIO-
NE S rerum quæ iam existunt, sed & quæ vel futuræ sunt, vel numquam
erunt; diuinas item omnes complectitur, meritoque Deus perfectissi-
mus dicendus est.

4. Et nos quidem id fateri cogimur, rei euidentia, eo ipso, quo res *Deus causa est
ad quam ce-
tera & timore
feruntur.*
creatas imperfectas dicimus. Res enim imperfecta, necessariò ab ali-
quo perfecto in suo genere procedit. Verbi gratia: acinus in pomo, se-
men tantum est, non arbor; imperfectus est ergo. Procedit ab arbore;
ergo illa perfectior acino. Arbor vim omnem trahit à radice; ergo &
radix trunco perfectior: radix à Sole; ergo Sol perfectior: Sol & radix à
virtute indita Soli vel radici; vis autem illa à Deo procedit, ad quem ita
singula reduci referrique debent; Deus ergo perfectissimus est.

5. Est enim, ut iam dixi, Architectus rerum omnium & auctor; sin- *Deus efficiens
causa rerum
omnium.*
gulaque res dicere ac fateri coguntur, quod Propheta Iob de se falsus
est: *Manus tue, Domine, fecerunt me, & plusauerunt me totum in circuitu.* Iob 10.
& Isaias: *Quis hac operatus est & fecit, vocans generationes ab exordio?* Ego Isaias 42.
Dominus, primus & nouissimus ego sum. Et Apostolus Paulus: *Quoniam ex* Rom. 11.
ipso, & per ipsum, & in ipso sunt omnia. Certè, causa effectiua, effectus sui

PERFECTIONES, quas ei communicat, omnino continet. Nec
enim substantia quædam naturalis hominem generaret, quæ homo
non esset: nec Sol parens rerum omnium dici posset, si excellenti qua-
dam virtute, rerum à se productarum naturam atque ornamenta in se
non haberet. Quòd si oculos attollam altiùs, & Deum intuear zelan-
tem ac dicentem, *Nolite vocare vobis patrem super terram, unus est enim* Matth. 23.
Pater vester in calis: imò & se *patrem pluuiæ* indigetantem; quia eadem Iob 38.
eminenti virtute pluuias, grandinem, rorem, tonitrua generat atque
efficit: asserentem deinde per Apostolum suum, *Omne datum optimum,* Iacobi 1.
& omne donum perfectum desursum est, descendens à Patre luminum; apud quem
non est transmutatio, nec vicissitudinis obumbratio: nonne iure concludam,
in se rerum illarum, quas efficit, PERFECTIOES nobiliori, subli- *In Deo res om-
nes eminenter
contineri.*
miori, & super naturam eminenti virtute, quàm pater filij, aut Sol
rerum quas efficit, naturas, decora, atque ornamenta complecti? Hinc
D. Dionysius de Deo loquens, *Non quidem, ait, hoc est, hoc autem non est;* De diuin. nom.
sed omnia est, & omnium causa. Deus namque nec aurum est, quod terra

effoditur; nec Sol, qui vicissitudinem patitur; nec homo, qui sædo *Iac. 1.*
spermate concipitur; nec lux, cui tenebræ succedunt; nec alia, quæ
sensibus percipimus: sed *urum ignitum*, quo locupletamur; sed Pater *Apo. 3.*
luminum omnium; sed prototypum hominis, lux inaccessibilis; & qui- *Iac. 1.*
dem infinito modo, nobilitate, gloria, virtute cuncta exuperans. Ra- *1. Tim. 6.*
tionem huius adfert D. Ioannes: *Quod factum est, in ipso vita erat.* Quali *Ioan. 1.*
dicat: Quod fit à Deo, à Deo intelligitur: Dei autem intellectus, intel-
ligere,

ligere, & intellectu conceptum, ut in Deo sunt, à Deo non discrepant.

x.p. q. 13. ar. 4.
* Metaph. c. 33.

Vita ergo Dei ea sunt omnia. Ita S. Thomas. D. verò * Anselmus: Cum summus ille spiritus dicit seipsum, dicit omnia quæ facta sunt: nam & antequam fierent, & cum iam facta sunt, & cum corrumpuntur, seu aliquo modo variantur, semper in ipso sunt; non quod sunt in seipsis, sed quod est idem ipse. Etenim in seipsis sunt essentia mutabilis, secundum mutabilem rationem creata: in ipso verò sunt ipsa prima essentia, & prima existendi veritas; cui pro-ut magis utcumque illa similia sunt, ita verius & præstantius existunt. Pijssimè verò

Soliloq. c. 37.

Diuis Augustinus: Apud te, Domine, omnium stabilium stant causa, & omnium mutabilium apud te immutabiles manent origines, & omnium rationabilium & irrationabilium atque temporalium sempiternæ viuunt rationes. Et paulo inferius: Quidquid enim est, à te est; quia sine te nihil est. Nonne tu es fons vitæ, à quo fluit omnis vita? quidquid enim uiuit, per te uiuit; quia

Lib. 8. de ciuit.
Dei, cap. 6.

sine te nihil uiuit. Item alibi: Omnis vita uel quæ nutrit & continet, qualis est in arboribus; uel quæ hæc habet & sentit, qualis est in pecoribus; uel quæ hæc habet & intelligit, qualis est in hominibus; uel quæ nutritorio subsidio non indiget, sed tamen continet, sentit, & intelligit, qualis est in Angelis; nisi ab illo esse non potest, qui simpliciter est. Quia non aliud illi est esse, aliud uiuere; quasi possit esse non uiuens: nec aliud est illi uiuere, & aliud intelligere; quasi possit uiuere non intelligens: nec aliud intelligere, aliud beatum esse; quasi possit intelligere non beatus. Sed quod illi est uiuere, intelligere, beatum esse, hoc illi est esse. Ita Augustinus. Diuinas ergo Deus in se, creaturæque PERFECTIO NES eminenti quadam ratione complectitur. Hæc autem similitudinibus adumbrari possunt. Nam denarium ex cupro ignobilem,

Similitudines
conglobata.

1.

2.

3.

4.

5.

6.

litudinibus adumbrari possunt. Nam denarium ex cupro ignobilem, in nummo argenteo; & argenteum, in aureo reperies. Rerum etiam existentia sua singulis inest: excellentius tamen in planta, quàm in lapide; in elephanto, quàm in arbusto; in homine, quàm in musca; in Angelis, quàm in homine; in Deo denique, quàm in omnibus creatis. Vis quoque vegetatiua sic viget in arbore, ut ad summam altitudinem eam attollat: nobilius est tamen in ceruo, imò & in formica, ubi cum vita, motu, & industria vis illa supereminet. Sed quanto magis in homine, cuius vita cælum intuetur, æternitatem spectat, in Deum tamquam possessionem suam perpetuam aspirat! Et calore quidem ignis recrearis, eoque frigidus incalescis: sed quis ignis materia concretus ita latè patet, idque efficit, quod calor Solis, æstare media? aut natiuus calor, vitam in nobis conseruans? qui sanè alius est, ac nobilior, quàm qui ab igne promanat. In milite gregario auctoritas est, in bello persequendi hostem, capiendi, trucidandi: sed eadem in Decurione, Centurione, Primipilo, ordinum Ductore, Chiliarcha, Tribuno, Duce, Imperatore denique longè excellentior est. Sicut & iurisdictio Ecclesiastica in Curione reperitur: sed quid in Episcopo? quid in Patriarcha?

cha? quid in summo Pontifice, Christi vicario: nōne eminentiūs? Sic in Deo hæc quidem reperies, sed nobiliora, altiora, excellentiora, *D. Thom. lib. 2. cōt. Gent. c. 28. par. 4.* quàm vel in rebus ipsis sint, vel sensus noster comprehendere possit. Cumque Deo nihil possit accidere, illa omnia PERFECTIOES Dei sunt, & Deus ipse, & ea ipsa infinita, & omnibus absoluta numeris. *Ibid. Francisc. Ferrar. in c. 32.* Hæc omnia paucis expressit Anselmus. *Creata*, inquit, *verius in verbo Monolog. c. 35.* sunt, & intelligentia Creatoris, quàm in seipsis; quanto verius existit creatrix, quàm creata substantia.

6. Verùm defectuositas nostra, ac eorum quæ materia constant, incredibiliter Dei PERFECTIOES arguunt atque illustant: est enim materia imperfectissima; & eo imperfectior, quo ad varias formas, *Materia im-* quibus caret, magis idonea est. Non enim PERFECTIO est, posse *perfecta.* perfici; sed eam formam atque actum esse consecutum, quem habere possis. Id exemplo clariūs clucebit. En auri præstantis ingens massa: ex ea fieri potest Mercurius, & quidem in Mercurio efformato pedes, tibia, femora, pectus, brachia, manus, caput, oculi, aures, os, nasus, ac cetera necessaria sunt. Imperfectum profectò dicemus, si vel vna pars desideretur. Dicis enim: Hæc statua caput habet, deest tamen nasus; oculum habet dextrum, caret sinistro. In massa ergo illa, materia præfens est, & apta ad formas illas omnes; sed eo imperfectior est, quo plures actus ac formas habere potest, quibus interea caret. Idem statui potest in homine. Dicis enim: Hic puer, nondum Baptismo initatus, iustificari potest; insignibus virtutum ornamentis condecorari; fide, spe, caritate firmari; humilitatis, obedientiæ, mansuetudinis, benignitatis laude commendari: possunt in eo iustitiæ, prudentiæ, fortitudinis, temperantiæ cardines inueniri; Religio item, pietas, obseruantia, gratitudo, magnanimitas, patientia, constantia, perseuerantia, cum ceteris virtutum ac donorum præsidij; euadere denique in virum perfectum. Verùm hæc dicuntur in potentia; desunt tamen: ideo imperfectus puer censendus est. Addam, eundem ipsum (vt disertè & eleganter Macarius) in vtero matris fuisse embryonem, & de eo dici *Macarius homilia 15.* potuisse, Erit aliquando, nascetur: de nato verò affirmari, grandiorē ætate & statura esse posse; futurum fortè vt excultus litteris humanioribus, Græcis, Latinis, Hebraicis, Doctoratus, vtriusque Iuris laurea donetur; vel ex generoso milite Chiliarcha, aut etiam ciuitatis aut provincię Præses, Dux, aut denique Imperator Augustus virtute ac meritis euadat. Hæc omnia si actu adessent, PERFECTIOES hic puer multas haberet; quæ quia absunt, & fortè ab ijs longè diuersa atque etiam opposita sectatur, imperfectus dicitur. At in Deo nulla est ma- *Deus est purus actus.* teria, nulla potentia, quæ actu perfici debeat, nihil desideratur: omnia præsentia semper in eo fuerunt; nec vñquam tempus fuit quo dictum

Apoc. i.

Perfectiones
Dei infinita.Psalmo 146.
Psalmo 144.

1. par. 9. 4. 1.

est, Deus erit, erit potens & sapiens; sed dies eius aternitas est, semper fuit omnipotens, Rex sæculorum, Princeps Regum terra, sapiens, bonus, misericors. Quod si aggrediar numerum attributorum eius recensere, numerus me dielque deficient. Et cum virtutes eius innumerabiles sint, tum & singulæ innumerabiles PERFECTIOES actu continent. Ita Prophetę loquibuit: *Et sapientiæ eius non est numerus, & magnitudinis eius non est finis; Regnum tuum, Regnum omnium sæculorum, & dominatio tua in omni generatione & generationem.* Hanc doctrinam D. Thomas paucis verbis exprellit graphicè. Deus, inquit, ponitur primum principium, non materiale, sed in genere causæ efficientis. Et hoc oportet esse perfectissimum. Sicut enim materia, inquantum huiusmodi, est in potentia: ita agens, inquantum eiusmodi, est in actu. Vnde primum principium oportet maxime esse in actu, & per consequens maxime esse perfectum. Secundum hoc enim dicitur aliquid esse perfectum, secundum quod est actu: nam perfectum dicitur, cui nihil deest secundum modum suæ PERFECTIIONIS. Hæc D. Thomas.

Perfectionis in-
communicabilis
rationes tres.D. Thom. 1. p. 9.
6. art. 3.

7. Ex quibus colligitur, Deum non tantum esse perfectum quod omnes illas PERFECTIOES habeat, quæ ipsum in seipso perfectum reddunt; ut quod ipse sit suum esse à nullo dependens, nulla omnino desideret quæ iuvent eius operationes, (nam ea quæ nobis adveniunt ad agendum necessaria, in ipso essentialia sunt: est enim Deus bonitas, sapientia, iustitia; quæ si nobis attribuamus, ea nobis accidere dicemus) ipse quoque finis suus est, & ad aliud non ordinatur, tamquam ad finem: finis verò omnium rerum est; quæ tria capita sunt incommunicabilis PERFECTIIONIS; sed etiam præterea res omnes producere ac conservare possit, tamquam primum principium: vnde certò colligere licet, in eo, actu, rerum omnium PERFECTIOES debere præexistere, quas nec communicare nec conservare posset, si in se eas non haberet. Quæ cum vni & soli Deo competant; euidens est, unicum Deum omni ex parte esse perfectum.

CAPVT II.

*Deum esse PERFECTIIONIS exemplar.*Homo est ima-
go Dei.

HÆC in Deo esse, idcirco ostendimus, ut homo, qui ad imaginem Dei creatus est, in Dei PERFECTIOES oculos convertat; ut qui imago Dei est per naturam, & per gratiam eidem similis, imaginem suam deformatam restituat, & pro virili, Dei PERFECTIOES in se efformet, quibus ei simillimus euadat. Ut enim pictor

piCTOR qui imaginem aut vetustate detritam, aut iniuria violatam pristino splendori restituere vult, ad prototypum recurrit, abrasaque lineamenta ac colores reponit: ita anima, quæ studio PERFECTIIONIS tenetur, si vetustatem suam renouare, aut deformitatem corrigere cupiat, necesse est vt oculos in prototypum conijciat: illic turpitudinem, deformitatem, vetustatem, defectusque omnes suos agnoscat; dissimilitudinem verò ab exemplari tantam, vt in se vix eius vestigium agnoscat. Immensa enim Dei est pulchritudo ac venustas; integritas eadem naturæ & PERFECTIIONVM, quæ ab æterno fuit: quanta ergo animæ cum Deo dissimilitudo!

2. Quæ de re ita eleganter D. Ambrosius: *Illa anima à Deo pingitur, quæ* *Si deformata, quomodo reparari debeat.*
habet in se virtutum gratiam reuertentem, splendorémque pietatis. Illa anima bene picta est, in qua est splendor gloria, & paterna imago substantia. Secundum hanc imaginem erat Adam ante peccatum: sed ubi lapsus est, deposuit imaginem celestis, sumpsit terrestris effigiem. Sed fugiamus hanc imaginem, quæ intrare ciuitatem Dei non potest; quia scriptum est, Domine, in ciuitate tua imaginem eorum ad nihilum rediges. *In Hexamer. l. 6. c. 7. tom. 4.*
Hæc Ambrosius. Hanc eandem similitudinem & dissimilitudinem exprimit etiam D. Gregorius Nyssenus. Hæc, In Genes. ait, similitudo hominis cum Deo, est puritas, beatitudo, carere afflictibus, ab omni prauitate esse seiunctum. D. Augustinus, disputans in quo illa similitudo consistat, ait: Id autem est ipsa ratio; unde Apostolus dicit: Renouamini spiritu mentis vestre, & induite nouum hominem, qui renouatur in agnitionem eius, qui creauit eum. satis ostendens qua parte homo creatus sit ad imaginem Dei; quia non corporeis lineamentis, sed quadam forma intelligibili mentis illuminatæ. Hæc ille. Ergo secundum Augustinum homo per ignorantiam & peccatum Deo dissimilis efficitur, per conformationem verò cum Creatore constat eundem renouari. Concludam præclara quadam D. Bernardi adhortatione animam alloquentis: O anima *De interiori mea, si vis amari à Deo, reforma in te imaginem eius, & amabit te; repara in te*
similitudinem eius, & desiderabit te. Consilio namque sanctæ Trinitatis ad imaginem suam creauit te Creator tuus; quod nulli alteri ex creaturis donauit, vt tanto eum diligentius diligeres, quanto mirabilius ab eo te conditam intelligeres. Considera ergo nobilitatem tuam: quoniam sicut Deus ubique est totus, omnia viuificans, omnia mouens, omnia gubernans; ita tu in corpore tuo ubique tota es, illud viuificans, mouens, & gubernans. Et sicut Deus est, viuus, & sapit; ita tu secundum modum tuum es, viuus, & sapis. Et sicut in Deo sunt tres personæ, Pater, Filius, & Spiritus sanctus; sic & tu habes tres vires, scilicet intellectum, memoriam, & voluntatem. Et sicut ex Patre generatur Filius, & ex utroque procedit Spiritus sanctus; ita & ex intellectu generatur voluntas, & ex his ambobus procedit memoria. Et sicut Deus est Pater, Deus est Filius, Deus est Spiritus sanctus, non tamen tres Dij, sed vnus Deus, & tres personæ;

sona; ita anima est intellectus, anima voluntas, anima memoria, non tamen tres anime, sed una anima, & tres vires. Ex quibus anima viribus quasi excellentioribus iubemur Deum diligere, ut diligamus eum ex toto corde, ex tota anima, tota mente, id est, toto intellectu, tota voluntate, tota memoria, hoc est, toto affectu, sine defectu, cum discretionis intuitu. Hæc Bernardus.

3. Verum Deus nouerat paucos esse, qui adeo lynceos haberent oculos, ut de eius PERFECTIIONIBVS meditari essent: multi enim similes sunt viro consideranti vultum natiuitatis suæ in speculo; legunt, audiunt Dei verbum, meditantur obiter & per transennam, & immemores abeunt. Pauci verò perspiciunt ac penetrant legem perfectam libertatis; satisque eis est, si aliquid de ea sciant, ne in colloquiis ignari habeantur; experientiam verò, vel sensum rerum diuinarum habent aut nullum, aut exiguum: & licet attendant nonnulli, ac diligentiam aliquam adhibeant; quia tamen Deus excelsus est, & lucem quandam inhabitat inaccessibilem, nec omnes idonei sunt ad sublimia illa Dei arcanæ consideranda; idcirco semina quædam naturæ nostræ indidit, ac legem impressit animis hominum, eamque incredibiliter auxit ac illustrauit accessione gratiæ supernaturalis, virtutum infusarum, ac donorum spiritualium. Ut Deus imitatus videatur Principem nobilissimum, filium procul ablegantem: quem cum sui memorem perpetuò habere velit; tabulam ei quandam, effigiem nempe suam, viuis & maximè insignibus coloribus depictam, in qua lineamenta, virtutumque eius splendor, stemmata quoque ac decora omnia reluceant, tradit; in ea domus illius parte collocandam, vnde in eius oculis quodammodo incurrat assidue; sicque paternorum monitorum, factorum, ac virtutum memoriam numquam valeat deponere. Ita æternus ille genitor indelebilem animis hominum ideam atque effigiem impressit; quam intuentes à patria extorres filij, parentis amantissimi, eiusque voluntatis memoriam perpetuò foueant atque retineant. Non absimilem considerationem adfert Theodoretus. Quemadmodum, inquit, si quispiam Rex cum maximam urbem excitasset, multisque & varijs operibus adornasset, imaginem suam, maximam, decentissimamque, in urbis medio collocaret, ut hac imagine Regem huiusce urbis auctorem conditorémque indicaret, quem omnes urbis habitatores venerarentur, & gratias agerent, quod sibi urbem construxisset: eodem modo Deus, postquam mundum condidit, hominem ad imaginem suam à se creatum, in eo tamquam imaginem propriam collocauit, cui omnes creature deferuissent. Hæc ille. Verum æquum non est, ut omnes creaturæ Deum in sua imagine agnoscant ac venerentur; homines verò qui

Lex vetus imago imperfecta, minimèque sufficiens.

* Exod. 19.

4. Hanc doctrinam Deus olim testatam voluit, cum * in monte Sina legem in tabulis lapideis secundò sculpsit, excitatis tonitru, fulgure,

&

& horrendo boatu; vt homines oculis auribusque haurirent ac sentirent exterius, quod interius apprehendere non poterant. Verum parum id iuuuit: nam Apostolus de hac voluntatis diuinæ cognitione sic statuit; tantum abest vt illa præsidio fuerit; vt etiam occasionem vel peccandi, vel grauius peccandi præbuerit: quod legis seruandæ scientiam obligationemque renouauerit; voluntatem verò hominis instabilem, fragilem, infirmam, multisque vulneribus fauciam, allato gratiæ præsidio nullo modo sanauerit. Audiamus Apostolū. *Lex iram operatur: Rom. 4. ubi enim non est lex, nec prauaricatio. Quid ergo dicemus? Lex peccatum est? Rom. 7. Absit; sed peccatum non cognoui, nisi per legem: nam concupiscentiam nesciebam, nisi lex diceret, Non concupisces. Occasione autem accepta, peccatum per mandatum operatum est in me omnem concupiscentiam: siue lege enim omne peccatum mortuum fuerat.* Hæc ille. Lex ergo antiqua, etsi speculum quoddam sit, cum ad maculas faciei nostræ deformatæ videndas, tum ad normam quandam vitæ degendæ desumendam: sufficiens tamen non fuit ad maculas illas abstergendas, neque ad vitæ roburque muneribus obeundis largiendum, cum & ipsa muta mortuæque loqui ac præire non posset.

5. Quapropter volens Deus prolixè prospectum ignorantia & infirmitati hominis, ipsum prototypum & exemplar in mundum mittere, Filium suum, dignatus est, Patris nempe veram viuamque imaginem: *(Ipse enim candor est lucis æternæ, & speculum sine macula Dei maiestatis, & Sap. 7. imago bonitatis illius)* vt non tantum speculando homines crassi Dei PERFECTIOES viderent; sed & oculis corporis conspicerent ea, quæ mente nequirent in natura diuina perscrutari. Ita enim Dominus Moyse, cum exemplar ac ideam præscripsisset Sanctuarij: *Vide, (inquit) Exod. 25. & omnia facito iuxta exemplar quod tibi in monte monstratum est.* Id ipsum diuinus Paulus repetijt, ostendens Moyse hæc in figura contigisse; nobis *Heb. 8.* verò IESVM Christum in loco eminentissimo PERFECTIOIS exemplar perfectissimum propositum. Vnde alio loco: *Estote imitatores Ephes. 5. Christi, sicut filij carissimi.* Et D. Petrus, *Christus, inquit, passus est pro nobis, 1. Pet. 2. vobis relinquens exemplum, vt sequamini vestigia eius: qui peccatum non fecit, nec dolus inuentus est in ore eius.*

6. PERFECTIOES ergo, quas Deus vult nos imitari in se, tanquam prototypo, sunt: *a. Peccatum non facere; dolum in ore nostro non inueniri. b. Et quamuis humilitatis virtus quodammodo eum dedecet, quod nulli possit subesse; eam idcirco assumpsit naturam, in qua non indecorè virtutem illam, quam summopere adamauit, exerceret, & nos ad sui imitationem alliceret. c. Pari modo, cui in cælo obediret, non erat: ideo d. semetipsum humiliavit, factus Patri obediens usque ad mortem: is, inquam, qui, cum in forma Dei esset, rapinam non arbitratur, esse se equalem Deo. Ditissimus quoque erat: e. Eius enim est terra, & plenitudo eius; dixe-* *Perfectiones Dei in Christo representata. a 1. Carere peccato & dolo. b 2. Humilitas. c 3. Obedientia. d Philip. 2. e Psal. 23.*

B

ratque

Psal. 49.

ratque olim, Non accipiam de domo tua vitulos, neque de gregibus tuis hircos. Quoniam mea sunt omnes fere silvarum, iumenta in montibus, & boves. Cognoui omnia volatilia celi, & pulchritudo agri mecum est. Diues ergo cum esset, condicionem eam assumpsit, in qua dicere posset: Ego autem mendicus sum, & pauper. Supra modum eidem carnis integritas placuit: & cum sine corpore laudem humanæ castitatis ferre non posset, corpus induit demonis externo ludibrio obnoxium; ut & in eo de infirmitate nostra triumpharet, nosque illud encomium reportaremus: Hi sunt qui cum mulieribus non sunt coinquinati; virgines enim sunt, & sequuntur Agnum quocumque erit.

4.
Paupertas.
Psal. 39.

5.
Virginitas.

Greg. hom. 16.
in Euang.
Apo. 14.

1. In nativitate Christi.

6.
Caritas.

7.
Benignitas.
Tit. 2.

8.
Sobrietas.
Sedultus.

9.
Iustitia.
a Matth. 3.

10.
Pietas.
b Ioan. 8.
2. In Vita Virtutes congeste,
c Act. 1.
d Matth. 11.
e Matth. 8.

Ioan. 28.

Cant. 7.

7. Aspice ergo, ô homo, in exemplar quod tibi Deus proposuit imitandum. Intra domunculam, imò antrum Bethleemiticum. Illic videbis Deum humilem, pauperem, virginem ex virgine, obedientem Patri, subiectum legibus. Eius considera caritatem immensam, qua se pro inimicis incommodis obicit innumeris. Illic denique apparet benignitas & humanitas Salvatoris nostri Dei, & quidem omnibus hominibus: ut abnegantes impietatem, & secularia desideria, sobrie, iuste, & pie vivamus in hoc seculo. Ipse namque sobrietatem docet:

Parvulusque lacte pastus est,
Per quem nec ales esurit.

Docet & iustitiam: a sic enim decet omnem impleri iustitiam; erga Deum, erga homines, pro hominibus. Ecquis magis pius, quam qui dicere potest: A me ipso facio nihil; sed sicut docuit me Pater, hæc loquor: & qui me misit, mecum est, & non reliquit me solum; quia, quæ placita sunt ei, facio semper?

8. Cæpit ergo IESVS facere, ut liberius postmodum docere eadem posset, ac dicere, d Discite à me quia mitis sum, & humilis corde; atque in monte sublimem illam doctrinam Apostolis nobisque promulgare: Beati pauperes spiritu; beati mites, qui lugent, qui esuriunt & sitiunt iustitiam, misericordes, mundi corde, pacifici, persecutionem patientes. Respondit ergo doctrina factis; & in eo tantum discrepavit, quod annis tribus dumtaxat docuerit, fecerit verò, quæ docuit, annis triginta-tribus, & quidem adeo multa, ut de his ita scripserit D. Ioannes: Sunt autem & alia multa quæ fecit IESVS; quæ si scribantur per singula, nec ipsum arbitror mundum capere posse eos, qui scribendi sunt, libros. Pauca tamen scripta sunt, & quidem vix alia, quam quæ trium annorum spatium exercuit; nec ea quidem omnia: & quæ scripta sunt, adeo referta sunt virtutum exemplis, ut pæne verba singula vim contineant exerantque eximia, documenta rara, maximeque illustra; ut non immerito eius humanitati illud Salomonis adscribi posse videatur, Venter tuus sicut aceruus tritici. In aceruo tritici non solum ipse cumulus integer, sed & grana singula vim germinandi continent; & quidem non modo culmum unum, sed ex vna enata radice culmos plures, &

& spicas; grana autem adeò multa, vt subinde gramen vnum reddat fructum centesimum. Talia sunt verba singula Seruatoris, singula virtutes, vt, si à terra menteque frugifera excipiantur, ac considerentur, vnum erit instar centum; & centena alia germinabit, fietque ex grano cumulus, qui sufficiet vniuerso orbi ferendo & alendo, infinitisque alijs cumulis coaceruandis absque numero & terminio.

9. Deficeret me tempus, si vel compendio virtutes persequi vellem, quæ in passionis vnico die emicuerunt. Nec facile perspiciuntur, nisi ab his qui inuolucrum ac corticem aperiunt: latent enim vt in malo granato densa, ordinata, sapida, sanaque grana, sed inuoluta cortice ignobili; nec ea gustantur nisi à purgato palato, & oculis exposita, fracto demum cortice, sedulo meditationis studio.

O quanta lumina, quales gemmae, quæ decora latebant sub spinoso capite, sub deformato Filij Dei corpore! Numera vniuersi Oceani guttas, subducas numerum granorum arenæ quæ in maris litore densissimæ visuntur; computa quot in cælis astra reluceant, quot in immenso æternitatis circulo dies inuoluantur: tot in Deitate PERFECTIOES, tot in Christi humanitate, velut sub cortice contemptibili, virtutes condensatæ, ordinatæ, sapidæ, sanæque delitescunt; vt meritò de hac dici possit: *Sicut cortex mali punici; ita genæ tuæ, absque eo quod intrinsecus lateret.* Adiurata quoque cælestis Sponsa, qualis esset dilectus eius ex dilecto, respondit: *Dilectus meus candidus & rubicundus, electus ex millibus.* Caput eius aurum optimum. Cornea eius sicut elata palmarum, nigra sicut cornus. Oculi eius sicut columba super riuulos aquarum, quæ lacte sunt lotæ. Genæ eius sicut arcola aromatum, confite à pigmentarijs. Labia eius lilia distillantia myrrham primam. Manus eius tornatiles aureæ, plena hyacinthis. Venter eius eburneus, distinctus sapphiris. Crura illius columna marmorea, quæ fundatæ sunt super bases aureas. Guttur illius suauissimum, & totus desiderabilis. Vides quàm Scriptura vitur incredibilibus metaphoris, vt eius internam, corporisque mystici, (vti Patres sancti interpretantur) quamuis à capite ad calcem dilaniati atque deformati, pulchritudinem exprimat; & ostendat tantas eius esse PERFECTIOES, quantas nec Angeli, nec humana mens, nedum lingua aut calamus, possit non dicam explicare, sed ne quidem adumbrare. Et sicut in Deo attributa infinita sunt, quorum singulorum summa PERFECTIO est, atque immensitas; ita & in Christo, vera Patris effigie, eadem PERFECTIOES nobis representatæ expressæque sunt, & ad praxim propositæ; (alioquin propè inaccessiblees & inimitabiles, & eæ quidem infinitæ) vt tardioribus ingenijs opus non sit supra vires ingenij effingere formas incognitas idearum cælestium, quas nec lippientes mortalium oculi contueri, nec humana infirmitas efformare, capere, aut imitari valeat.

CAPVT III.

Homines emulari PERFECTIONES Dei admirandas; eas verò qua ad imitationem proposita sunt, auersari.

Perperam imitantium Dei Perfectiones formula.

I.

D. Thom. l. de diuinis moribus parag. ultimo.

Serm. 2. de Ascensu Domini.

Luc. 4.

Ruina superbia, qua Deo homines facit dissimiles.

Isaia 14.

Gen. 3.

Dan. 2.

Luc. 14.

Proverb. 29.

ENIMVERO contingit non rarò, homines, qui se PERFECTI ONIS studio teneri ac salutis zelo duci arbitrantur, cùm de reformatione imaginis suæ agitur, non ea in Deo querere, quibus Deo similes euadant; sed ea sectari dumtaxat atque ambire, quæ soli Deo conueniant maximè: nempe imitantur ea, quæ suspicere deberent; quæ verò imitanda veniunt, tamquam humiliora despiciunt atque contemnunt. In Deo sunt Maiestas, Celsitudo, Imperium, Dominium rerum omnium, Nobilitas, Diuitiæ sublimes, Felicitas, Gaudium, Vita sine fine duratura. Illi Maiestati, tamquam primo principio, finique ultimo, debetur laus, honor, gloria, amor, obedientia, reuerentia.

2. Hæc homines imitari non renuunt, & in se exprimere, si possint: in his Deo quàm simillimi esse cupiunt, titulos Maiestatis, Celsitudinis, Dominationis, Principatus ambientes; quare D. Bernardus exclamat: *Operueritas! ô abusus filiorum Adæ! quia cùm ascendere difficillimum sit, descendere autem facillimū; ipsi & leuiter ascendunt, & difficiliter descendunt, parati ad honores & celsitudines graduum Ecclesiasticorum ipsis etiam Angelicis humeris formidandos. Adsequendum autem te, Domine IESV, vix inueniuntur qui vel trahi patiantur, qui velint duci per viam mandatorū tuorum.* Hæc Bernardus. Heu quot bella ob huiusmodi fumum suscepta! quot centena hominum millia trucidata! quot vrbes euerse! quot profusæ opes, pauperum vsibus opportuniore! *Vnde enim bella & lites in vobis! nonne hinc? ex concupiscentiis vestris, qua militat in membris vestris? Concupiscitis, & non habetis; occiditis & zelatis, & non potestis adipisci; litigatis & belligeratis, & non habetis.* An hi ergo propterea, quia bella mouerunt, Deo similes euaserunt, & in sedes beatas cum diademate & purpura inuecti exceptique sunt? Hoc olim dixerat Lucifer: *In calum conscendā, super astra Dei exaltabo solium meum, ascendam super altitudinem nubium, similis ero Altissimo.* Heu quàm Deo & forma, & loco, & moribus dissimilis est! Et primus Parens, simili motus infania, similitudinem Dei appetijt. At quàm alius vel etiam à seipso euasit! Et tu, Nabuchodonosor, qui diuinitatem tibi soli arrogabas, quàm procul à deitatis gloria excidisti! Ita est, ita est: mentiri veritas non potest. *Qui se exaltat, humiliabitur; & qui se humiliat, exaltabitur. & Superbum sequitur humilitas; & humilem spiritu suscipiet*

cipiet gloria. Sequitur enim: *Quomodo cecidisti de celo Lucifer, qui mane orie-* *Isaia 14.*
baris? corruisti in terram, qui vulnerabas gentes? qui dicebas in corde tuo: In
calum conscendam, sedebo in monte testamenti. Verum tamen ad infernum detra-
hēris, in profundū lacū. Adā quoque dixit Deus: Ecce Adam quasi vnus ex no- *Gen. 3.*
bis factus est, sciens bonum & malum. Certē cum in honore esset, non intellexit: Psal. 48.
comparatus est iumentis insipientibus, & similis factus est, non Deo, sed illis.
 Contra Nabuchodonosor verò detonuit Daniel: *Cum bestijs ferisq; erit Dan. 4.*
habitatio tua, & fenum quasi bos comedes, & septem tempora mutabuntur super
te, donec scias quod dominetur Excelsus in regno hominum.

3. Affectant quoque mortales nobilitate excellere, nulli subesse, im-
 perare quàm plurimis, florere diuitijs, perpetua voluptate perfun-
 di, & ea, quæ ne honesta quidem est, felicitate quantumvis trans-
 eunte beati, atque in his æternitatem optare. Cur ita? hæc nempe in
 Deo sunt, cui quo similiores, eo perfectiores sumus. Cerebri exilis
 hoc argumentum est: nam & fatui, Principes haberi volunt; & galli
 gallinacei, omnibus dominari. Verum non huiuscemodi PERFE-
 CTIONES diuinæ ad imitandum propositæ sunt. Quæ igitur? *Inspice, Exod. 27.*
& fac secundum exemplar quod tibi in monte monstratum est. Dicit verò viuū
exemplar: Discite à me, quia mitis sum, & humilis corde; & non erit opus *Matth. 11.*
multis contentionibus, bellis, & denique humiliatione, sed inuenietis
requiem animabus vestris. Discite à me, inquam, non mundum fabricare, non *August. serm.*
cuncta visibilia & inuisibilia creare; sed quia mitis sum, & humilis corde. *10. de verbis*
Domini, sub
initium.

4. Falleris quoque, si, quia Deo laus & honor debetur & gloria, pu-
 tas tibi fas esse laudes tuas promulgare, aut ab alijs procurare, vaneque
 gloriari. Ego, ait, *primus & nouissimus: ego Dominus, hoc est nomen meum: Isaia 41.*
gloriam meam alteri non dabo. Ecce vos estis ex nihilo, & opus vestrum ex eo *Isaia 42.*
quod non est. Quid ergo superbis terra & cinis? Recordare tibi dictum: *Isaia 41.*
In sudore vultus tui vesceris pane tuo, donec reuertaris in terrā de qua sumptus *Gen. 3.*
es: quia pulvis es, & in puluerem reuertēris. Soli ergo Regi seculorum immor- *1. Tim. 1.*
tali, inuisibili, soli Deo honor & gloria in secula: nobis autem confusio faciei. Dan. 9.
 Si verò gloriari cupis, gloriare in Domino, ait Apostolus. *Non enim qui 2. Cor. 10.*
seipsum commendat, ille probatus est; sed quem Deus commendat, Glorifica
ipsum, & ipse honorabit te. ait enim: Quicumque glorificauerit me, glori- *1. Reg. 2.*
ficabo eum; qui autem contemnunt me, erunt ignobiles.

5. Deus enim similis est parenti cuidam optimo, qui & si plures *Dei amor erga*
 filios habeat, quos vnice diligit, lubentiùs tamen adest paruulis, *humilis.*
 quos amore teneriore prosequitur: & si quem infirmari audiat, accu-
 rit, & quantum potest solatio est, verbis, præsentia, ope, & opera;
 & si petatur vbi gentium assiduè parens ille detineatur, dicetur,
 infirmo semper adeste, assistere paruulis, eisq; colludere. Ita &
 Deus, etsi vbique sit, tamen ad pauperculum, & contritum spiritum, *Isaia 66.*

Matth. 29.

Matth. 11.

Prou. 8.

Psal. 33.

Psal. 146.

Psal. 145.

Psal. 144.

Psal. 118.

Prou. 3.

Psal. 137.

Christus quomodo Rex hic esse voluit.

Matth. 3.

Luc. 1.

Matth. 17.

Ioan. 18.

Psal. 2.

Ioan. 18.

Matth. 18.

Matth. 20.

& tremement sermones eius respicit; vocansque paruulos, *Sinite*, ait, paruulos, & nolite eos prohibere ad me venire. *Venite*, inquam, ad me omnes qui laboratis, & onerati estis, & ego reficiam vos. Non est ergo mirum, si tam sublimis Pater, tam excelsus Dominus, humilia respiciat, quia adest laborantibus & oneratis. Fallimini, ô elati animo, si Deum occupatum altissimis cælorum sedibus rati, sublimes illuc oculos intenditis: videri non potest ab elatis mortalium oculis. Quæritis ergo ubi sit? *Ludens*, ait, in orbe terrarum, & delicia mea cum filiis hominum. Vultis scire ubi sit? *Iuxta* est Dominus ijs qui tribulato sunt corde, & humiles spiritu saluabit. *Sanat contritos corde*, & alligat contritiones eorum. Dominus soluit compeditos, Dominus illuminat cecos. Propè est Dominus omnibus inuocantibus eum, omnibus inuocantibus eum in veritate. Demissos humilis intuetur, & intellectum dat paruulis, & cum simplicibus sermocinatio eius. Vos cominus intueri non potest: sed quia altiores corda extulistis, vertice cælum attingentes, cogitur vos à longè prospicere. Etsi enim excelsus sit Dominus, humilia tamen respicit, & alta à longè cognoscit.

6. Appetis ergo titulos, honores quæris & gloriam, imperia ac dignitates? Deum non imitatis; qui vult vt omnia facias *secundum exemplar* quod tibi in monte monstratum est. De quo, cum tinctus esset aqua in Iordane à Ioanne, ipse ait: *Hic est Filius meus dilectus, in quo mihi bene complacui*; ipsum audite. Haud dubiè, absque cuiusquam iniuria, titulos ac dignitatum decora sibi vèdicare potuisset adhuc inter homines mortalis. Quid ni? nam Deo mandante Angelus matri eius quippiam de regno insinuauerat, vnde decepti Apostoli arbitrati sunt esse regnaturum. *Hic erit magnus, & Filius Altissimi vocabitur*: & dabit illi Dominus Deus sedem David patris eius, & regnabit in domo Iacob in æternum, & regni eius non erit finis. Rex ergo erat. Omnino Rex, & Regis magni Filius, qui se ideo tributum soluere non debere D. Petro asseruit. Nihilominus noluit regnum suum esse de hoc mundo: & cum eum Regem Iudæi vellent eligere ac constituere, fugit; ratus se eum Regem esse, de quo Regius Propheta: *Ego autem constitutus sum Rex ab eo super Sion montem sanctum eius, prædicans præceptum eius*. Quod confirmauit respondens Pilato interroganti, *Ergo Rex es tu?* Tu dicis quia Rex sum ego: ego in hoc natus sum, & ad hoc veni in mundum, vt testimonium perhibeam veritati. Huius nominis speciositate delusi vanaque spe lactati Apostoli, Christo regnum Israëliticum restitutum iri putauerunt. Iis quoque ambientibus principatum in restauratione regni Dauidici, aduocans IESVS paruulum, statuit eum in medio eorum, & dixit: *Amen dico vobis, nisi conuersi fueritis, & efficiamini sicut paruuli, non intrabitis in regnum cælorum*. Aliàs verò à filiis Zebedæi cognatis suis ambientibus, iure propinquitatis, primam & secundam regni sedem, petijt, *Potestis bibere calicem, quem ego bibiturus sum?* quasi

quasi dicat: Regnum meum in hoc consistit, sicut & dignitates eorum qui mihi obsequuntur, non ut purpura induci nationibus imperemus, sed ut passionum calicem hauriamus, ac moriamur. Ante passionem, contendentibus Apostolis quis eorum maior esset, benigne quantumuis importunis & intempestiuis respondit: *Reges gentium dominantur eorum; & qui potestatem habent super eos, benefici vocantur: vos autem non sic; sed qui maior est in vobis, fiat sicut minor; & qui precessor est, sicut ministrator. Nam quis maior est, qui recumbit, an qui ministrat? nōne qui recumbit? Ego autem in medio vestrum sum, sicut qui ministrat.* Denique paulo ante eius ascensionem iisdem sollicitis, ac quaerentibus, *Domine, si in tempore hoc restitues regnum Israel?* respondit: *Non est vestrum nosse tempora vel momenta, quae Pater posuit in sua potestate; sed accipietis virtutem superuenientis Spiritus sancti in vos, & eritis mihi testes in Ierusalem, & in omni Iudaea, & Samaria, & usque ad ultimum terrae.* quasi dicat: Cogitatis de stemmatibus & splendore regiae cuiusdam curiae; ego verò de regno spirituali, cuius consummatio erit post supremam resurrectionem. Sed non est vestrum id temporis nosse. Cogitate de cruce, contumelijs, martyrio; quia debetis mihi esse testes coram aduersarijs meis, qui me crucifixerunt, & usque ad terminos terrae: & hoc ipsum in hoc mundo mihi vobisque regnare est.

Luc. 22.

Ab. 1.

7. Inuisum ergo Domino regnandi semper fuit nomen, ne ambitio fidelium animos occuparet. Vnde mirum non est, si sollicitatus à satana, in monte præcelso omnia regna mundi & gloriam eorum ostentante, diuino honori vniuersa posthabuerit, dicens: *Dominum Deum tuum adorabis, & illi soli seruiēs.* Et id quidem fecit ut nos exemplo suo instrueret, nec gloriam immensam, nec omnia orbis regna hominem mouere debere ad ambiendos titulos, qui in hac peregrinatione parum profunt; obsunt verò maxime, si cum Dei iniuria acquirantur; tantumque abest ut nos Deo similes faciant, atque perfectos, ut potius subinde defectuosos, monstruosos, & satanae quàm simillimos reddant. Quod D. Bernardus Eugenio Papæ sedulò inculcat, ita scribens: *Sed est insipientia quæ ipsam quoque iam propemodum stultam fecit sapientiam fidei. Quomodo & Ecclesiam pene totam hoc virus inficit! num dum quique quæ nostra sunt quaerimus, sit ut inuicem inuidentes, inuicem prouocantes, exerceamur ad odia, animemur ad iniurias, armemur ad lites, cauilemus ad dolos, feramur ad detractiones, prorumpamus ad maledicta; opprimamur à fortioribus, opprimamus infirmiores. O ambitio, ambientium crux! quomodo omnes torquens, omnibus placentes? nil acerbius cruciat, nil molestius inquietat, nil tamen apud miseros mortales celebrius negotijs eius. An non limina Apostolorum plus iam ambitio quàm deuotio terret?* Hæc & plura Bernardus.

Regni nomen
Christo mortali
inuisum.
Matth. 23.

Ambitio detestanda.

Lib. 3. de contra-
fide. post insti-
tuta.

8. Est & alia æmulatio, & quidem inter perfectos, quæ tamen non paruum

Ambitio spiri-
tualis.

1. Cor. 12.

Ibidem.

1. Cor. 13.

Perfectiones
Dei a Deo, a
Christo, ab A-
postolis petenda.

1. A Deo.
a Matth. 5.
b Luc. 6.
c Matth. 5.

2. A Christo.

a Pet. 1.
Matth. 3.
Luc. 9.

Ioan. 8.
Matth. 16.
Ioan. 12.

Matth. 19.

Luc. 14.

Matth. 19.
Luc. 10.

paruam imperfectionem arguit. Detexit illam B. Paulus, cum, diuini Spiritus allatis gratijs, propensiores nonnullos esse declarat ad ea quæ admirationem pariunt, quam quæ sanctitudinem. Numquid omnes Apostoli? numquid omnes Prophetæ? numquid omnes Doctores? numquid omnes virtutes? numquid omnes gratiam habent curationi? numquid omnes linguis loquuntur? numquid omnes interpretantur? Hæc enim speciosa sunt, & coram plebeijs sanctitatis præferunt illustrem imaginem. Apostolus tamen hæc postponit solidis virtutibus. *Emulamini*, inquit, *charismata meliora. Quæ meliora? En, ait, adhuc excellentiorem viam vobis demonstro. Quam? Viam perfectæ caritatis. Si enim linguis hominum loquar, & Angelorum, caritatem autem non habeam, factus sum velut as sonans, aut cymbalum tinniens. Et si habuerim prophetiam, & nouerim mysteria omnia, & omnem scientiam, & si habuero omnem fidem, ita ut montes transferam, & si distribuero in cibos pauperum omnes facultates meas, & si tradidero corpus meum ita ut ardeam, caritatem autem non habuero, nihil mihi prodest.*

9. Quæ ergo sunt illa charismata meliora? quæ PERFECTIOES nobis ad imitandum propositæ? Respondeo quasdam esse quibus Christus vult nos conformari Patri suo cælesti; deinde quas in seipso expressit; denique quas Apostoli in Christo obseruauerunt ac didicerunt. *Estote ergo vos perfecti, sicut & Pater vester cælestis perfectus est. Sed qua ratione? Estote misericordes, sicut & Pater vester cælestis misericors est. Ego dico vobis non resistere malo: sed si quis te percusserit in dexteram maxillam tuam, præbe illi & alteram. Diligite inimicos vestros, benefacite his qui oderunt vos: ut sitis filij Patris vestri, qui in calis est; qui solem suum oriri facit super bonos & malos, & pluit super iustos & iniustos. Hæc nos Patri nostro cælesti conformes faciunt.*

10. Iussit & Pater cælestis ut Filium eius audiamus: nempe in monte Thabor voce delapsa ad eum (ait Petrus) à magnifica gloria: Hic est Filius meus dilectus, in quo mihi complacui; ipsum audite. Quibus verbis ipsum oculis nostris exemplar constituit, ad imitandum quicquid in eo confpexerimus, aut ab eo audiuerimus. Clamat ergo Christus: Ego sum lux mundi: qui sequitur me, non ambulat in tenebris. Si quis vult post me venire, abneget semetipsum, & tollat crucem suam, & sequatur me. Qui amat animam suam, perdet eam; & qui odit animam suam in hoc mundo, in vitam æternam custodit eam. Qui mihi ministrat, me sequatur. Si vis perfectus esse, vade, vende omnia quæ habes, & da pauperibus, & habebis thesaurum in calo; & veni, sequere me. Si quis venit ad me, & non odit patrem suum, & matrem, & uxorem, & filios, & fratres, & sorores, adhuc autem & animam suam, non potest meus esse discipulus: & qui non baiulat crucem suam, & venit post me, non potest meus esse discipulus. Sunt eunuchi qui seipso castrauerunt propter regnum celorum. Qui potest capere, capiat. Denique: Qui vos audit, me audit; & qui vos

vos spernit, me spernit. His omnibus consilia, quibus PERFECTIO comparatur, exposuit: vt, qui inter eius discipulos annumerari velit, exuat se mundo, diuitijs, amore sui, libertate proprii corporis, his omnibus alijsque rebus se abdicet, quibus alioqui licite vsurus fuisset; inducat verò eorum loco odium sui, abnegationem propriæ voluntatis, iudicii, totiusque animi, quem subicere debet Superiori, vt Christi vicario; nullam denique in hoc sæculo beatitudinem reputet aliam, quam multa pati, Domini sui instar & causa, dicentis: *Beati eritis cum maledixerint vobis homines, & persecuti vos fuerint, & dixerint omne malum aduersum vos, mentientes, propter me: gaudete & exultate, quoniam merces vestra copiosa est in caelis.* Matth. 5.

II. Apostoli quoque, quæ in Magistro suo viderunt & obseruarunt, imitati sunt, & nos ad eorundem imitationem prouocarunt. In primis D. Paulus. *Imitatores (inquit) mei estote, sicut & ego Christi: aspicientes in auctorem fidei, & consummatorem IESVM, qui proposito sibi gaudio sustinuit crucem, confusione contempta. Recogitate enim eum, qui talem sustinuit à peccatoribus aduersus semetipsum contradictionem: vt ne fatigemini, animis vestris deficientes.* Scribēs verò ad Corinthios, eum dona quædam admiranda, (vt diximus) quibusdam à diuino Spiritu communicata, in vtilitatem corporis Ecclesiæ, exposuisset; videretque nonnullos propensiores esse ad æmulationem talium donorum, quam illarum virtutum, quæ non admirationem, sed PERFECTIÖNEM pariunt; *Emulamini, ait, charismata meliora: & adhuc excellentiorem viam vobis demonstramus.* insinuans caritatem esse & consummationem & vinculum PERFECTIÖNIS: quod virtutes omnes in se quodammodo contineat, finisque sit virtutum omnium; quorum officia omnia ad se rapit & exercet, & velut catenam quandam virtutes ceteras aggregat, annectit, atque conglutinat: ijsque & hominum lumbos præcingit, corpus induit & componit, capiti gratiam addit, & instar torquis collum adornat; hominum animos denique sic colligat atque constringit, vt multitudinis credentium sit cor vnum, & anima vna; omnes vnum sint in Deo & cum Deo; vnde idem Paulus ait: *Caritas patiens est, benigna est; caritas non emulatur, non agit perperam, non inflatur, non est ambitiosa, non querit quæ sua sunt; omnia suffert, omnia credit, omnia sperat, omnia sustinet.* Nunc autem manent fides, spes, caritas: tria hæc; maior autem horum est caritas. Quod vno verbo dici potest: Caritas aduersatur omnibus vitijs; omnium virtutum imperat atque exercet officia. Apostolus verò hîc præcipuarum virtutum nomina complexus est, & quidem Theologicas (quas vocant) expressè, nempe fidem, spem, & caritatem; ceteras tacite posuit. Vnde merito de ea dici potest, quod Sapientiæ octauo: *Sobrietatem enim & prudentiam Sap. 8. docet, & iustitiam, & virtutem seu fortitudinem, quibus utilius nihil est in* 3. Ab Apostolis. 1. Cor. 11. Heb. 12. 1. Cor. 13. Col. 3. 1. Tim. 1. 1. Cor. 13. Prov. 1. Act. 4. Ioan. 17. 1. Cor. 13. Virtutes Theologicas, fides, spes, caritas. Sap. 8.

C

visa

Cardinales:

a. Amb. lib. 1.

Offic. c. 14.

b. Prosp. lib. 3.

de Vita con-

templat. c. 18.

c. Greg. lib. 2.

Moral. c. 36.

d. Aug. lib. de

Genesi contra

Manichaeos.

e. Amb. lib. de

Parad. cap. 3.

f. Easii partes.

g. 2. Cor. 6.

h. 1. Pet. 2.

vita hominibus. Hæ sunt virtutes principales, & velut ceterarum fundamentum & cardines; idcirco & Cardinales vocantur à D. ^a Ambrosio, ^b Prospero, ^c Gregorio Magno. ^d D. Augustinus tropologicè has virtutes explicās, eas significari vult per quatuor flumina Paradisi; sicut & D. Ambrosius libro de Paradiso: nam & paradisum Ecclesiæ irrigat, & omnes riui decurrentes ex ijs promanant. Ceteræ enim virtutes morales ex his profuunt, tamquam partes, vel subiectiua, vel potentiales, vel integrales. De his Apostoli varijs locis prolixè tractarunt in Epistolis suis; vti idem Apostolus: *Exhibeamus nosmetipsos sicut Dei ministros in multa patientia, in castitate, in scientia, in longanimitate, in suauitate.* Et Princeps Apostolorū: *Subiecti estote omni humana creatura propter Deum: siue Regi, quasi præcellenti; siue Ducibus, tamquam ab eo missis. Omnes honorate: fraternitatem diligite: Deum timete: Regem honorificate. Serui subditi estote in omni timore dominis; non tantum bonis & modestis, sed etiam dyscolis. Hæc est enim gratia, si propter Dei conscientiam sustinet quis tristitias, patiens iniuste. Quæ enim est gloria, si peccantes & colaphizati suffertis? sed si bene facientes patienter sustinetis, hæc est gratia apud Deum: in hoc enim vocati estis. Hæc pauca de multis, vt fundamenta PERFECTIIONIS acquirendæ saltem attigisse sufficiat.*

12. Hæ sunt Dei PERFECTIIONES; in eius Filio IESU Christo vera Dei imagine impressæ, nobis ad imitandum propositæ; non autem prophetare, loqui linguis, miracula facere, dominari populis, rapi in tertium cælum. Id enim à nobis non exiget Dominus in die iudicii; multique dicent: *Nōne in nomine tuo prophetauimus, demonia eiecimus, virtutes multas fecimus?* Quibus Deus respondebit: *Numquam noui vos. Discedite à me, qui operamini iniquitatem.*

13. Finem ergo loquendi, ait Sapiens, pariter omnes audiamus. Deum time, & mandata eius observa: hoc est omnis homo. Et Christus: *Non est discipulus super magistrum; perfectus autem omnis erit, si sit sicut magister eius.*

CAPVT IV.

Deum esse PERFECTIIONIS auctorem.

Deus auctor
est perfectionis.

Psalm. 32.

1. Cor. 1.

HAVD erit iam difficile statuere, Deum esse PERFECTIIONIS auctorem; cum constet esse auctorem rerum omnium, & in primis naturæ, quæ subiectum esse debeat PERFECTIIONIS: vt ne in minimo quidem quisquam gloriari possit, ac dicere, *Manus nostra excelsa, & non Dominus, fecit hæc omnia. Quid enim habes quod non accepisti? si autem accepisti, quid gloriaris, quasi non acceperis?* Omnis nam-

qnc

que domus fabricatur ab aliquo: qui autem omnia creauit, Deus est. Sed & si *Heb. 3.*
quid præstans est in natura, sunt illæ animæ potentia, intellectus & vo-
luntas. Deus autem in utero matris & corporis partes format, & ani- *Deus auctor*
mam pro suo arbitrio creat, & vnit corpori: nec pendet à generis no- *natura.*
bilitate, sed omnia disponit secundum sapientiæ suæ consilium. For-
maui te, ait, seruus meus es tu Israel; ne obliuiscaris mei. Hæc dicit Dominus Isaia 44.
redemptor tuus, & formator tuus ex utero; Ego sum Dominus, faciens omnia,
extendens celos solus.

2. Quod si verò naturam hominis perfectam in se ponamus, quid *Natura non*
tum? ne sic quidem gloriari potest; quæ nihil in actum posset educere, *sufficiens prin-*
nisi Deus ipse concurreret, ac tamquam agens principalis actum perfici- *cipium Perfe-*
ceret. Sicut enim res, quæ cum sunt, esse non possunt, nisi ut sint Deus *ctionis.*
illis esse tribuat; ita etiam ut conseruentur, moueantur, & agant, ne-
cesse est ut illis intimè præsens sit, ac cooperetur, motioni & actioni esse
quoque tribuat. Vnde si Philosopho dicere licuit, *motum & mouens simul* *Lib. 7. physc.*
esse oportere; longè magis Deum nobis coniungi necesse est, cum eius *D. Thom. 1. p. q.*
virtute, tamquam causæ primæ ac principalis, opera nostra actum vi- *8. 4. 1.*
tamque habeant: qua cessante, nec vssit ignis in fornace Babylonica; *Dan. 5.*
nec manus Ieroboam flecti potuit, quam in Prophetam minitantem *3. Reg. 19.*
extenderat. Vnde iure cum Isaia fateri cogimur: *Omnia opera nostra ope-*
ratus es nobis, Domine. *Isaia 46.*

3. Quid si dicam, naturam magna ex parte PERFECTI O N I RE- *Natura Perfe-*
pugnare; eam quærere sese, non Deum PERFECTI O N I S aucto- *ctioni repu-*
rem; eius propensiones à virtute longissimè dissidere? Id verò certissi- *gnat.*
mum est. Natura quidem bona est, sapienterque à Deo condita: sed
corrupta, non paruas molestias virtutis studio creat. Hinc à Deo mo-
nemur: *Sub te erit appetitus eius, & tu dominaberis illius.* Et Sapiens: *Post* *Gen. 4.*
concupiscentias tuas non eas, & à voluntate tua auertere. Si præstes anima tua *Ecl. 11.*
concupiscentias eius, faciet te in gaudium inimicis tuis. Sensus item & cogita- *Gen. 8.*
tio humani cordis in malum prona sunt ab adolescentia sua. Ecce qui seruiunt ei, *Iob 4.*
non sunt stabiles; & in Angelis suis reperit prauitatem. Quanto magis hi qui
habitant domos luteas, qui terrenum habent fundamentum, consumentur velut
à tinea! Caro etiam concupiscit aduersus spiritum, & spiritus aduersus carnem: *Gal. 5.*
hæc enim sibi inuicem aduersantur; ut non, quacumque vultis, illa faciatis.

Quid mirum, cum Apostolus dicat iræ filios nos fuisse? Natura ergo
corrupta, non modò non iuuat, sed etiam obsistit, repugnat, ardua vir-
tutis fugit consilia, & abhorret; obiecta denique habet, sequiturque
contraria. Non ergo natura hominem perficit, sed PERFECTI O
N I S studium naturam incuruam releuat, corrigit, ac restituit. Quare
non à nobis tamquam auctoribus PERFECTI O speranda atque pe-
tenda est, sed ab eo qui hominem rectum creauit, qui que ei recreare
potest

Psal. 50.

potest eor nouum, & spiritum rectum in eius visceribus renouare.

Sine gratia ho-
minem stare
aut perfici non
posse.

4. Quod si demus hominem aliquem naturæ beneficio utcumque perfectum, & præclaris ornamentis muneribusque è naturæ fonte de promptis illustratum ac firmatum; nihilominus id certa fide statuen- dum est, illum ipsdem præsidij nec diutius stare, nec perfici vilo modo posse, ea PERFECTIO NE quam requirit eius finis vltimus, qui est Deus bonorum remunerator. Quod enim ex nihilo est, sine Dei spe- ciali auxilio redit in nihilum: & corpus, quod corrumpitur, aggrauat ani- mam; & terrena inhabitatio deprimit sensum multa cogitantem. Multi nomi- nantur sapientes apud Ethnicos, qualis Socrates, Plato, Diogenes, Cato Maior, Marcus Tullius, qui multa præclare egerunt, dixerunt, scripse- runt: perfectos tamen eos quis dicet, cum constet nullum finem super- naturalem vel agnouisse, vel intendisse; summum bonum statuisse stu- dium voluntatis suæ, ac gloriam humanam, quam rebus omnibus præ- tulerunt; vitam quoque vitij multis contaminasse: quæ quantumctique occultare nisi sint; fieri tamen non potuit, quin se proderent, vel factis,

Sap. 9.

Perfectio Phi-
losofhorū qua-
sit.

LaFont. lib. 5.
diu. in bit.
cap. 15.
Theod. lib. 3.
Grac. affect.
Aug. lib. 8. ciu.
cap. 12.
Laërt. in vita
Plat.
2 Cic. lib. 5. epi-
stola 12.

(vt ex multis constat auctoribus) vel etiam scriptis, quæ mira vanitate asperferunt. Attexam vnicum exemplum M. Tullij, qui insatiabili glo- riæ cupiditate flagrans L. Lucceio a ita scribebat: Coram me tecum hæc ea- dem agere sepe conantem deterruit pudor quidam pane subrusticus: quæ nunc ex- promam absens audacius; epistola enim non erubescit. Ardeo cupiditate incredi- bili, neque (vt ego arbitror) reprehendenda, nomen vt nostrum scriptis illu- stratur & celebretur tuis. Non enim me solum commemoratio posteritatis ad spem quandam immortalitatis rapit, &c. Et paulo inferius: Neque tamen ig- noro quam impudenter faciam, qui, vt me ornes, postulem. Quid si illa tibi non tantopere videntur ornanda? Sed tamen qui semel verecundiæ fines transierit, eum bene & nauiter oportet esse impudentem. Itaque te planè etiam atque etiam rogo, vt ornes ea vehementius quam fortasse sentis, & in eo leges historia negli- gas; amorique nostro plusculum etiam, quam concedit veritas, largiare. Quod si à te non impetro, cogar fortasse facere quod nonnulli sepe reprehendunt: scri- bam ipse de me. Hæc ille. Sapientibus hisce vt vera sapientia, ita vera PERFECTIO defuit. Cui argumento est, quod humilitatis, quæ vir- tutum omnium fundamentum est, non tantum nomen, sed & rem planè ignorarunt. Ideo cum cognouissent Deum, (ait Paulus) non sicut Deum glorificauerunt, neque gratias egerunt, sed euanuerunt in cogitationibus suis, & obscuratum est insipiens cor eorum: dicentes enim se esse sapientes, stulti facti sunt. Labilis quoque & infirma natura est, si gratiæ præsidio non ful- ciatur. Hinc in grauissima crimina prolapsi sunt, & tradidit illos Deus in desideria cordis eorum, in immunditiam; vt contumelijs afficiant corpora sua in semetipsis. Ignota quidem ea fortè fuere, dum viuerent: attamen mani- festa erunt in die iudicij, quo omnes sapientes cum stulta sua sapientia prolixius

Rom. 1.

Ibidem.

prolixiùs confundantur. Ex quo colligo, non modò perfectos esse non posse, qui naturam præfidijs humanis excolere nituntur; sed etiam à bonitate naturæ immaniter prolabi, ni cælitus iuuentur, ac gratia diuina stabiliantur.

5. Id etiam locum habet in ijs qui fidem susceperunt: eos nimirum *Perfectio politici.* falli, si per opera in speciem bona mores aulicos, factaque præclara, humano tantum ac temporali fine sibi proposito, ad PERFECTIIONIS culmen posse se peruenire arbitrentur. Multi enim à puero instruuntur, non minus studiosè quàm curiosè, urbanitatem præferre in conuersatione, decentiam in incessu, corporisque compositione, honestatem in moribus: & bene quidem, si cetera non desint. Cauent supra modum ne superbi videantur; de se demissè loquuntur; primas cedunt alijs; nolunt haberi tenaces; plura quàm habeant, aut facturi sint, pollicentur; à motibus iracundiæ coram hominibus cauent diligentissimè; quidquid denique virtus præscribit interiùs, exteriùs æmulari, simulare (inquam) satagunt; & ferè vbique sanctitatis simulacrum conferunt, moresque compositos, præterquam in Templis coram tremendis Mysterijs, vbi rusticos barbarosque mores produnt; & ædibus suis tecti sine arbitris, vbi cum domesticis effratè bacchantur. Hi tamen accurati perfectique putantur, sed ea PERFECTIO non est. Vocat enim huiusmodi Christus sepulcra dealbata, quæ parent hominibus pulchra, *Matth. 23.* intus verò plena sunt ossibus mortuorum. Et quamuis vitia nulla essent, quia tamen naturæ limites non transgrediuntur ea, Christiana PERFECTIO non est. *Qui non intrat per ostium in ouile ouium, sed ascendit abunde; ille fur est, & latro.* Christus est ostium ouium: actiones ergo quibus perficimur, à fide & virtutibus Christi merito intus proficisci debent. Hinc D. Augustinus: *Fuerunt quidam Philosophi de virtutibus & Tract. 45. in* *varijs subtilia multa tractantes, diuidentes, defini. ntes, ratiocinantes, accura- loan.* *tissime concludentes, libros implentes, suam sapientiam buccis concrepantibus ventilantes; qui etiam dicere auderent hominibus, Nos sequimini, sectam nostram tenete, si vultis bene viuere. sed non intrabant per ostium; perdere volebant, mactare, & occidere.* Hæc Augustinus. Talis pænè doctrina est aulicorum, quorum finis in honore quærendo ac conseruando versatur. Ideo statuunt, illum rebus omnibus, etiam salutis propriæ, Dei honori & amicitia, præferendum; satiulque esse, duello sese æternæ damnationis periculo exponere, quàm PERFECTIIONIS aulicæ leges violare.

6. Itaque Deo PERFECTIO nostra tribuenda est: qui exemplar *Vnde vera Perfectio.* nobis Filium suum proposuit, in quo quid agendum, quid fugiendum sit, intuemur; quem si ducem sequamur, nullo modo aberrabimus. Illius quoque meritis vitam quandam diuinam atque auxilia opportuna, naturam ipsam exuperantia, nobis largitus est. Sic enim Christus lo-

Ioan. 15.

quitur: Ego sum vitis, vos palmites: qui manet in me, & ego in eo, hic fert fructum multum; quia sine me nihil potestis facere. PERFECTIO ergo nostra à Deo oriri ac procedere debet, sicut & perfectio membrorum à capite, & corporis à spiritu, qui illud informat. Si ergo manemus in Christo ut in capite, & ipse in nobis ut spiritus animam nostram quodammodo informans; feremus fructum copiosum: alioquin nihil amplius, quàm palmitem à vite, aut membrum à corpore auulsum, aut corpus anima destitutum ferre videmus. Hinc D. Augustinus: Ne quisquam putaret saltem paruum aliquem fructum posse à semetipso palmitem ferre, cum hæc dixisset, Hic fert fructum multum; non ait, Quia sine me parum potestis facere; sed, nihil potestis facere. Sive ergo parum, sive multum, sine illo fieri non potest, sine quo nihil fieri potest.

Tract. 81. in Ioan.

Que Perfectio-
nem præcedant
ac supponan-
tur.

1. Lumen in
intellectu.

Lib. de grat. &
lib. arbit. c. 6.
& 7.
1. Cor. 3.

2. Voluntatis
excitationes.

Psal. 94.
Voluntas sub.
inde gratia
excitanti re-
pugnat.

Lib. 83. Quæst.
2. et.

7. Cuius ratio est: PERFECTIO multa requirit, & ea quidem omnia pendent à gratia supernaturali, Ostendimus enim naturam ex se insufficientem esse ad delendum peccatum, passionibus domandas, virtutes in excellenti gradu comparandas. Et quidem in primis requiritur ut homo iustus sit: iustitiam verò multa debent præcedere: numquam enim de peccatis deferendis cogitabis efficaciter, nisi tibi Deus cogitationem illam suffecerit; quod D. Augustinus probat testimonio D. Pauli: Non quod sufficientes simus cogitare aliquid à nobis, tamquam ex nobis; sed omnis sufficientia nostra ex Deo est.

8. Præter lumen verò quo cogitationes animis nostris excitantur, eleuari ac roborari debet etiam voluntas, impedimenta quæ cum à passionibus, tum ab hoste generis humani, tum ab obiectis sensuum carnisque illecebris exorta remoueri. Nec illico peccator Deo impellenti victas manus porrigit. Idcirco clamat Propheta: Hodie si vocem eius audieritis, nolite obdurare corda vestra, sicut in exacerbatione. Et queritur Dominus: Quadraginta annis proximis fui generationi hæc, & dixi, Semper hi errant corde. Ipsi verò non cognouerunt vias meas: quibus iuravi in iramea, si introibunt in requiem meam. Et hi quidem non tantum citò Deum non admiserunt, sed numquam: quia Deus neminem cogit. Fauoris est quod vocet; malitiæ nostræ, quod vocanti non obtemperemus. Ad illam cœnam (inquit D. Augustinus) quam Dominus dicit in Euangelio paratam, nec omnes qui vocati sunt, venire voluerunt; neque illi qui venerunt, venire possent, nisi vocarentur. Itaque nec illi debent sibi tribuere, qui venerunt, quia vocati venerunt: nec illi qui noluerunt venire, debent alteri tribuere, sed tantum sibi, quoniam, ut venirent vocati, erat in eorum libera voluntate. Propterea & si quisquam sibi tribuit quod vocatus venit, non potest sibi tribuere quod vocatus est: qui autem vocatus non venit, sicut non habuit meritum præmij ut vocaretur, sic inchoat meritum supplicij cum vocatus venire neglexerit. Hæc ille. Quidam ergo omnino non venerunt, quidam tardiùs, quidam celerius:

celerius: omnes tamen qui acq̃uierunt, diuina gratia acq̃uierunt.

9. Illud quoque inter beneficia singularia referendum, quod Deus subinde congruenter vocat. Constat enim ex præcedenti D. Augusti- *Gratia duplex.*
 ni testimonio, distingui gratiam in sufficientem & efficacem. Ideo enim
 puniendos ait Augustinus, quod gratia vocationis sufficienter dispo- *Alia sufficienti.*
 ti erant vt venirent, venire tamen neglexerunt. Illi ergo sufficientem
 gratiam acceperant; & qui venerunt, efficacē. Illam quoque priorem
 habuerūt patres annis quadraginta in deserto. Illam eorum filij in terra
 promissionis, quibus Dominus dixit: *Quid ultra debui facere vineæ meæ, Isaias 5.*
& non feci? an quod expectaui vt faceret vinas, fecit autem labruscas? Et ci-
 uitati Ierusalem: *Quoties volui congregare filios tuos, quemadmodum gallina* *Matth. 23:*
congregat pullos suos sub alas, & noluisti! Et S. Stephanus iisdem: *Dura cer-* *Act. 7.*
nice & incircumcisis cordibus vos semper Spiritui sancto resistitis; sicut patres
uestri, ita & vos. Reprehendit eos quod officio defuerint, nec tamen
 illud præstare sine gratia poterant: habebant ergo sufficientem, alio-
 quin ineptè reprehenderet. Et quidem Deus se non defuisse asseuerat;
 illos verò, vt & patres, Spiritui sancto semper resistisse. Denique, *Ego* *Apoc. 3.*
sto ad ostium, ait, & pulso: si quis aperuerit mihi ianuam, intrabo ad eum.
 Cur pulsas, Domine? vis intrare, an non? si non, cur pulsas? si vis, cur
 mihi non das gratiam? nam sine gratia tua tibi aperire non possum. Aut
 gratiam ergo tuam largiris, aut rides me, stultèque pulsas; quia pulsan-
 do nec intrare vis, nec me tibi aperire. Liberum quidem mihi relin-
 quis aperire vel non aperire, cum dicis, *Si quis mihi aperuerit;* tamen si
 nolis intrare, nec gratiam dare, mihi videris illudere, & mandas quod
 factu mihi est impossibile. Hæc gratia sufficiens datur omnibus. Iussit
 enim Dominus omni creaturæ Euangelium prædicari: quod si in nobis *Matth. 28.*
 efficaciter non operetur, id vitio nostro fit, vt de vocatis ad cœnam iam *Marc. 16.*
 diximus, vtque idem Augustinus testatur: *Noluit Esau, & non cucurrit: sed* *Lib. 1. ad Sim-*
& si voluisset, & cucurrisset, Dei adiutorio peruenisset; qui ei etiam velle & cur- *plac. 92.*
rere vocando præstaret, nisi, vocatione contempta, reprobus fieret. Hæc ille.
 Qui enim à Deo mouetur, si faciat quod in se est, si oret, si motionem
 persequatur, efficaciter à Deo mouebitur. ait enim Dominus: *Petite, &* *Matth. 7.*
dabitur vobis; querite, & inuenietis; pulsate, & aperietur vobis. Et Prophe-
 ta Regius: *Voluntatem timentium se faciet, & deprecationem eorum exaudiet,* *Psalm. 144.*
& saluos faciet eos.

10. Quos tamen Deus peculiari fauore prosequitur, mouet congruen- *3. Gratia*
 ter, mouet efficaciter, sicque vt effectus sequatur. Quis autem repre- *efficax.*
 hendat Dominum, & dicat, Cur ita facis? Dominus est, nulli obligatur,
 omnes autem ipsi. *An oculus tuus nequam est, quia ipse bonus est?* Mouet *Matth. 26.*
 ergo, quos vult, efficaciter. Ita Apostolus loquitur: *Nam quos præsciuit,* *Rom. 8.*
hos.

Lib. de prædest.
sanct. c. 9.

hos & prædestinavit; quos autem prædestinavit, hos & vocavit; & quos vocavit, hos & iustificavit. Vbi que hic effectus sequitur: nam hæc gratia, ait D. Augustinus, à nullo duro corde respuitur; ideo quippe tribuitur, ut cordis duritia primitus auferatur. Novit enim Deus, nostræ libertatis auctor, quique illi adest intimè, quò illa propendeat, quid fugiat; quæ rationes illam moueant, quæ alienent; quibus abduci, quibus adduci possit. Hinc illi facile est, huc illucve illam flectere vel abducere. Igitur D. Augustinus: *Non volentis, (inquit) aut currentis, sed misereantis est Dei, qui hoc modo vocavit, quomodo aptum erat eis, qui secuti sunt vocationem.* Et infra: *Cuius miseretur, sic eum vocat, quomodo scit ei congruere, ut vocantem non respuat.*

Lib. 1. ad
Simpl. q. 2.

Libertas sal-
natur cum
gratis effici.

Lib. 1. ad
Simpl. q. 2.

II. Præparat ergo Dominus rebellem voluntatem sufficienter ut sequatur si velit; subinde etiam efficaciter ut velit, sine detrimento tamen libertatis. Etsi enim in Dei potestate sit, sic præuenire libertatem, ut voluntatem propellat ac prædeterminet præter consuetum agendi modum, liberæ naturæ convenientem; non solet tamen sapientissimus Deus naturarum condiciones sine grauissima necessitate aut ratione mutare. Hinc D. Augustinus: *Aliter (ait) Deus præstat ut velimus, aliter præstat quòd voluerimus. Ut velimus enim, & suum esse voluit, & nostrum; suum vocando, nostrum sequendo. Quòd autem voluerimus, solus præstat: id est, posse bene agere, & semper beate vivere.* Hæc ille. Et hinc videmus, ipsum vello nostrum fieri à Deo; non per Phycicam actionem determinantem voluntatem, sed per vocationem, quæ est moralis inclinatio & impulsio, cui liberè consentimus vel dissentimus.

Concil. Trid.
sess. 6. c. 11. & 13.
Rom. 11.

Lib. de spir.
et lit. c. 34.

4. Gratia
cooperans.

12. Quæ cum ita sint, non est quòd Deum culpemus acceptionis personarum, quòd subinde alijs gratiam congruam tribuat, alijs non; cum nulli quidquam debeat, omnibusque sufficientem gratiam immitat. Quòd si quis se trahi non sentiat, is utique oret ut trahatur. Facienti enim quod in se est, Deus nemini denegat gratiam. Miranda hæc quidem sunt Dei iudicia; idcirco exclamat Apostolus: *O altitudo diuinarum sapientiæ & scientiæ Dei! quàm incomprehensibilia sunt iudicia eius, & inuestigabiles viæ eius! Quis enim cognouit sensum Domini? aut quis consiliarius eius fuit?* Vnde D. Augustinus: *Iam (ait) si ad illam profunditatem scrutandam quisquam nos coarctet; cur illi ita suadeatur, ut persuadeatur, illi autem non ita: duo sola occurrunt interim quæ respondere mihi placeat: O altitudo diuinarum! & Numquid iniquitas apud Deum? Et hætenus quidem, quæ diximus, vni Deo accepta referre debemus.*

13. Ut autem opus in actum exeat, Dei cooperatione ac concursu opus est ad actus singulos: non modò illo naturali, de quo antè diximus; sed postquam Deus per gratiam suam hominis facultates ad potentias excitauit atque erexit ad agendum, coire debet ipse, ac cooperari, tamquam causa prima in genere actuum supernaturalium: nec magis

magis sine ea homo potest operari supernaturaliter, quam sine concursu naturali naturaliter. Hinc D. Augustinus: *Vt velimus, (inquit) sine nobis operatur; cum autem volumus, & sic volumus ut faciamus, nobiscum cooperatur.* Lib. de grat. & lib. arb. c. 17.

14. Et quamuis in actu nos ipsi cum Deo concurramus; tamen Scriptura sic Deo opera nostra attribuit, ut nihil ipsi agere videamur. *Sicut divisiones aquarum, (inquit Sapiens) ita cor Regis in manu Domini: quo- Pro. 21. cumque voluerit, inclinabit illud.* Et Ezechiel: *Auferam cor lapideum de Ezech. 36. carne vestra, & dabo vobis cor carneum, & faciam ut in preceptis meis ambuletis.* Et Apostolus: *Deus est enim qui operatur in nobis & velle, & perficere.* Philip. 2. a Rom. 9. b 1. Cor. 12. c Psal. 84.

a Non volentis, neque currentis, sed misipientis est Dei. b Deus qui operatur omnia in omnibus. c Conuertere nos Deus salutaris noster. Nec mirum quod Deo Scriptura omnia tribuat; nam & nobis subinde videtur totum tribuere, ut cum ait: *Cum metu & tremore vestram Philip. 2. salutem operamini. d Operamini non cibum qui perit. e Facite vobis cor nouum, & d Iean. 6. spiritum nouum. f Conuertimini ad me, & ego conuertar ad vos.* Scriptura, e Ezech. 18. f Zach. 1. inquam, saepe totum Deo attribuit, quia nos causa sumus minus principalis, quae maximè infirma est, & plurimis indiget: sine ea tamen Deus non agit; & qui fecit te sine te, non te iustificat sine te. Deus verò ad opus peragendum longè de suo plura, quam nos, confert: nam potentiam ipsam formauit, verbi gratia voluntatem; vim agendi naturalem eidem indidit; concursum praebet, & quidem independentem ac liberè, ut, si nolit coire, causa secunda casso conatu maneat inanis; praue nit deinde, si actus sit supernaturalis, ac disponit idoneis ac efficacibus suasionibus; tandem impedimentis omnibus sublati concurret, & perficit opus. Quid horum comparatione homo confert ad eliciendum actum? unde mirum non est, si Propheta dicat, *Omnia opera nostra operatus es nobis Domine; & Christus, iugum suum esse suaue, & onus suum leue.* Isaia 26. Math. 11. Vt enim in iugo equorum altior & fortior plus oneris sustinet, fortiusque trahit; alter verò plurimum leuatur, alteriusque auxilio recreatur: ita & in operibus quantumlibet arduis incredibiliter iuuamur & recreamur, dum *Spiritus Christi adiuuat infirmitatem nostram*, altior fortiorque sustinet totum pondus. Hinc Propheta Regius: *In Deo meo (inquit) transgrediar murum.* Roma. 8. Psal. 17. Aequè profectò difficile est homini absque gratia opus bonum facere, atque sine alis murum altissimum transuolare aut transilire. *Omnia tamen possum (ait Apostolus) in eo qui me confortat.* Philip. 4. At misericordias Domini mira operantes in vno peccatore conuerso contemblemur.

Benedictus de Goez, natus in Insula S. Michaëlis vicina Lusitaniae, Ex annu. Provincia Goana annu. 1609. in iuriam militaturus soluit: ubi post aliquot annorum stipendia, mutato consilio, Societatem nostram expetijt, in quam tamquam Coad-

D

iutor

» iutor temporalis admissus est. Mutationis porrò occasionem præbuit
 » huiusmodi prodigiosum euentum. Anno 1583 Lusitana classis cir-
 » ca oram Trauancoranam versabatur. Sesquimillari ab opido Colecht
 » Templum erat cuiusdam pagi, in quod cum Goezius ludis & grauiori-
 » bus vitæ militaris vitijs perditè addictus & pæne desperabundus ingres-
 » sus esset cum commilitone, tabulæ altaris conspectu (illa depictam
 » B. Virginis filium gestantis effigiem cõtinebat) stimulis actus conscien-
 » tiæ, procidit in genua, fusoque copioso lacrymarum imbre, obnixè
 » petijt à Deipara Virgine, vt à filio peccatorum veniam ac remissionem
 » impetraret. Res mira. Ecce infantulus IESVS, in brachijs matris
 » efformatus, vbertim lacrymas lactei coloris effudit, tam copiosas, vt
 » vndique in suppositum altare diffuerent; scilicet vt pœnitens disceret,
 » quàm piè pater misericordiarum, matris accedentibus precibus, quo-
 » dammodò compatièbatur. Rei nouitate attonitus vterque aliquot
 » commilitones in Templum aduocat; ostentum explorant; compe-
 » riunt eum liquorem ex oculis pièti pueruli emanare: dubitationem exi-
 » mebat summa per eos dies siccitas, & æstas in ijs locis præferuida. In-
 » tingunt strophium eo liquore, in pignus veritatis. Concurrere mox
 » quamplurimi, & rem obseruatam festa bombardarum maiorum & mi-
 » norum explosione classarij omnes celebrarunt, ramisque Templum sa-
 » tis alioquin despicabile inumbrarunt. Id contigit anno 1583; & hoc
 » anno 1609, facta diligenti inquisitione à Patribus nostris, veritas com-
 » probata est, cuius etiam vestigia imago ipsa retinet. Hac ergo visione
 » compunctus Goezius, de tota vita apud Patrem Societatis confessio-
 » nem instituit; Religionis ingressum vouit, & in nostram anno insequen-
 » ti, hoc est, 1584, admissus est. Verè miserationes Domini super om-
 » nia opera eius; qui vel minimùm quærentes se & inuitat, & trahit, & re-
 » cipit.

5. *Habitus
 gratia super-
 naturalis.
 Concil. Tri-
 sess. 6. c. 16.
 Ioan. 7.
 Ioan. 4.*

2. *Cor. 1.*

2. *Cor. 10.*

6. *Perseueran-
 tia non cadit
 sub merito.*

15. Vt autem iustificatus conuenienter statui suo operetur, necessarij
 sunt ei præterea vel fontes perpetui, vnde ad agendum vis continenter
 emanet: vel certè motio Dei continua; quæ necessaria non est, si fon-
 tes illi adsint, de quibus Dominus: *Siquis sitit, veniat ad me, & bibat, &
 de ventre eius fluent aquæ viuæ. Qui autem biberit ex aqua quam ego dabo ei,
 fiet in eos aqua salientis in vitam æternam.* Nihilominus visitat subinde
 amicos suos ad proficiendum clementissimus Dominus, & nouo calore
 incendit, incitat, promouet, solatur, lacrymas ciet. *Quoniam sicut in
 eius obsequio abundant passionibus Christi in nobis, ita & per Christum abun-
 dat consolatio nostra: & sicut socij passionum sumus, ita & consolationis.* Om-
 nia autem ista cælitis veniunt, nec est qui gloriari possit, ni vel in Do-
 mino. Gratia enim gratia est, non meritum, aut naturæ debitum.
 16. Ad hæc perseuerantia opus est, ne in pristina relabaris. Nihil
 enim

enim PERFECTIIONIS ita cursum impedit, vt relapsus in vitia: sicut iterata vulnera & maximè letalia sanitatem labefactant, mortem- que conciliant. At perseuerantia sine gratiæ auxilio non habetur, eam- que ex iustitia nemo mereri potest: Deus enim id nemini promissit cer- tum aliquod opus facienti. Nec etiam pluribus operibus ea in præ- miũ respondet, sed singulis singula reddũtur præmia. Vnde plurimi viri, ijque sanctissimi, à perseuerantia exciderunt: vt Saul, etsi eo fuerit ne- *1. Reg. 10.* mo, dum in Regem delectus est, melior; vt Salomon, qui amicus Dei *2. Reg. 14.* appellatus est; vt Nicolaus, de quo in Actis Apostolorum, qui inter pri- *Act. 6.* mos & feruentiores discipulos Diaconus fuerat constitutus; Origenes quoque, olim virtutis exemplar, qui que summo martyrij desiderio fla- grauerat; Tertullianus, & multi alij, qui (vt ait S. Ioannes) fixi velut *Apoc. 12.* astra in celis videbantur, decussi sunt ac præcipientes dati ab impetu fe- rientis caudæ draconis. Donum enim perseuerantiæ non est res aliqua vna, sed tota series auxiliorum quæ à Deo homini conferuntur, vsque in finem; idque varijs temporibus, locis, occasionibus: quæ sanè colle- ctio congesta, sub meritum condigni (vt vocant) cadere non potest. Hinc D. Petrus nos hortatur cum timore & tremore salutem nostram *1. Pet. 1.* operari. Nam *a delicta quis intelligit? & b quis potest dicere, Mundum est cor* *a Psal. 18.* *b Prou. 20.* *meum?*

17. Ex his colligitur, neminem perfici posse sine singulari Dei auxi- lio & gratia. Si verò gratia, Deus igitur minimè obligatur. Cumque vires desint naturæ corruptæ, sequitur *non minùs impossibile esse, hominem perfici naturæ viribus, quàm saxum germinare, arborem ambulare, leonem loqui articulatè, hominem volare, atque in aëre medio consistere;* nosque ingenuè fa- teri summa cum reuerentia, timore, ac tremore oportere, Deum esse PERFECTIIONIS auctorem: qui nisi hominibus etiam iustis adsit, eximioque fauore ac protectione peccandi occasiones amoliatur, libi- dinis impetus frangat, dæmonis artes detegat, illecebras sæculi compri- mat, passionum atque affectionum vim coëcteat, tentationum mole- stias propulset, illustrationes diuinitus immitat, animum ardentibus desiderijs incendat, labilem voluntatem firmet, occasiones exercendæ augendæque virtutis præbeat, certum exploratumque est, nos in PER- FECTIIONIS studio exiguos progressus, aut etiam nullos, esse fa- cturos.

CAPVT V.

Opportunitates PERFECTIONIS adipiscenda à Deo hominibus plurimas offerri.

*Deus auctor est
nostrorum ope-
rum.
a Isaia 26.
b 1. Cor. 12.*

DE O ergo concedendum est, (atque ideo ipsi plurimum obstricti sumus) quod operetur opera nostra, quod omnia operetur in omnibus; hoc est, quod potissima sit pars ac causa operationis PERFECTIONISQUE nostrae. Attamen fidelium omnium collectio non haberet unde tantopere hanc gratiam extolleret, si pauculis Deus eam esse communicatam vellet, nullumque propensae voluntatis suae erga PERFECTIONEM nostram argumentum edidisset. Verum apparuit gratia Dei Salvatoris nostri omnibus hominibus; & se id ipsum optare infinitis argumentis testari non desinit: quod ad excitandos ad studium PERFECTIONIS veros Dei cultores momenti deberet habere plurimum. Solent enim subditi Regis sui non dico mandatum, sed vel nutum ac propensionem tanti facere, ut subinde in euidencia vitae pericula ruere non reformident: quod sacris profanisque litteris exploratissimum est. Dauid optauit aquam de cisterna quae adhærebat portis Bethlenemiticis; quo loco statio erat Philistinorum: nec cuiquam adferre mandauit; sed in praesidio existens, sitibundus in has voces erupit: *O si quis mihi daret potum aqua de cisterna quae est in Bethlechem iuxta portam!* Quo dicto, irruerunt tres sortes castra Philistinorum, & hauserunt aquam de cisterna, & attulerunt ad Dauid. Vnicum Principis desiderium hoc fecit.

*Tit. 2.
Deus Sult om-
nes esse perfe-
ctos.
Obedientia
perfecta sym-
bolum.*

a. Reg. 23.

*Plutarchus
de scito ductis
Regum ac Im-
peratorum.
In Vita Tiberij
& Caij Grac-
chi.
Cic. lib. de ami-
citiis.*

Cum Scipionis Africani virtutem in rebus bellicis ac felicitatem multi mirarentur; quodque paucis militibus ardua quaeque superaret: *Quid mirum?* inquit ipse Scipio; *nullus est toto numero militum est, qui paratissimus non sit ad solius vocis meae sonum in mare sese dare praecipitem.* Non inferioris obseruantiae argumentum, quod de C. Blofio Cumano narrat Plutarchus: *In tumultu enim Civili, post Reges extinctos, Tiberius legem Agrariam ferre ausus, à nobilitate, quae id passa non est, trucidatus est.* Post eius mortem Blofius appellatus, ductusque ad Consules, quod legem promulgasset, respondit, se Tiberij iussu, viri prudentis, populi & Republicae studiosissimi, fecisse. Ad haec Consul Nasica: *Quid si Capitolium incendere iussisset? an id quoque fecisses?* Numquam iussisset hoc, inquit; sed, si iussisset, paruissem: nam pro utilitate populi Romani, nec aliter unquam, erat iussurus. Magna vis est obseruantiae subditi generosi in Ducem; quae caeco animo in omnia, ne iussa quidem, nec latis explorata ratione, sola virtutis ac fidei nixa opinione, ruit ac praecipitat.

2. Enim-

2. Enimvero filij huius seculi prudentiores filijs lucis in generatione sua sunt. *Luc. 16.*

Deus omnia potens, fidelissimus in promissis, inuitat nos ad sui obsequium, promittit regnum, thronos, coronas, gloriam, ac beatitudinem, auxilia ad illa consequenda; mandat vt paucula mandata seruemus; nobis minatur sub interminatione æterni incendij, ni pareamus: & tamen pauci parēt. Inuitat homines ad PERFECTI O N I S solatia, voluptatē, securitatem: & vix vlli, non dico sequuntur, sed ne vix quidem audiunt; & si qui audiant, capere nolunt. Clamat, *Qui potest capere, capiat; multisque auxilium præstat vt capiant; nec capiunt tamen, nec capere volunt.* *Matth. 19.*

3. Non mandat quidem Deus sub pœna amittendæ suæ amicitia alia, quam quæ præcepit ad salutem necessaria; consulit tamen viam excellentiorem, nihilque illi est optatius, quam vt omnes contendant & currant, brauium accepturi, quod Deus reddet vnicique secundum opera sua: idque tot Scripturæ testimonijs inculcat, vt cæci simus, si non videamus; surdi, si non audiamus. Noë placuit Deo pæne solus ante diluuium; quia *vir iustus atque perfectus fuit in generationibus suis, & cum Deo ambulauit.* Ille certè familiaris Principi est, qui cum eo ambulat: & si Princeps sapiens est, debet & ille esse, quem ipse Princeps in familiaritatem suam admittit. Talem Deus habere quoque voluit Abrahamum, cui dixit: *Ambula coram me, & esto perfectus; ponamque fœdus meum inter me & te, & multiplicabo te vehementer nimis.* PERFECTIO enim in amicitia Dei, fundamentum est omnium bonorum, & spiritualium, & temporalium, quæ exinde cælitus veniunt. Hortatur quoque Iosue, diuino actus Spiritu, filios Israël: *Time te Dominum, & seruite ei perfecto corde atque verissimo.* Regius quoque Propheta sibi gratulatur, quod Deus perfecit sibi pedes tamquam ceruorum, & super excelsa deduxerit. Cerui enim inter animalia nobilissimi sunt: habitant solitarij, vagantur in montibus; fortissimis cornuum ramis non tam onusti, quam ornati; eorum carnes eduntur pæne solis Principum & nobilium mensis; celerissimi sunt ad cursum & saltum. Hæc perfectis conueniunt, qui ideo perfectissimi, quod ex Deo nati mundum spernunt ac fugiunt, Deoque familiares sunt; in excello montium contemplationis versantur; contra hostium generis humani machinas virtutum robore fortissimè dimicant; feruentissimè currunt, vt cælum rapiant; eoque saliant animo momentis singulis, & ad ardua quæque adnituntur; & quemadmodum *desiderat ceruus ad fontes aquarum, ita desiderant ad Deum fortem vinum.* *Cerui, Perfectioris Symbolum.* *Deus ad studium Perfectioris nos inuitat.* *Psal. 42.*

4. Nec tantum Deus prodere voluit sibi gratum esse PERFECTI O N I S nostræ studium; sed etiam efficacissimis verbis nos inuitat ad illam capeendam ac sectandam. *Sapientia* (ait Salomon) *foris prædicat, in plateis dat vocem suam, in capite barbarum clamat, in foribus portarum* *Prom. 1.*

Prov. 8.

urbis profert verba sua, dicens: *Usquequo parvuli diligitis infantiam, & stulti ea quæ sibi sunt noxia cupient, & imprudentes odibunt scientiam? & alibi: O viri, ad vos clamito, & vox mea ad filios hominum. Intelligite parvuli astutiam, & insipientes animadvertite. Audite, quoniam de rebus magnis locutura sum. Melior est sapientia cunctis opibus pretiosissimis, & omne desiderabile ei non potest comparari. Mecum sunt divitiæ & gloria, opes superba & iustitia. Melior est fructus meus auro & lapide pretioso, & gemina mea argento electo. Qui ergo inuitat, Sapientia est: omnes autem inuitat; nam locis illis id denuntiat, quibus omnes homines conveniunt. Res præclaras proponit: denique magna præmia promittit.*

Consilia ad
Perfectionem
spectantia in
Veteri Testa-
mento insinua-
ta.
a Isaiæ 56.

5. Et hæc quidem inuitatio generalis est. Descendit & Deus ad particularia consilia, quæ tamen magis novæ quam veteris Legis temporibus conveniunt. Non dicat (ait^a Isaias) Eunuchus, Ecce ego lignum aridum; quia hæc dicit Dominus Eunuchis: *Qui custodierint sabbata mea, & elegerint quæ ego volui, & tenuerint fœdus meum; dabo eis in domo mea & in muris meis locum, & nomen melius à filiis & filiabus: nomen sempiternum dabo eis, quod non peribit.* Inuitat his verbis Dominus ad continentiam voluntariam, metaphora sumpta ab Eunuchis, qui impotentes sunt ad generandum: ideo continentes arido ligno meritò comparantur; impotentia enim illa non à natura, sed à voluntate provenit, ut ex his verbis, *Elegerint quæ ego*

In hunc locum.

volui, colligit D. Hieronymus. Promittitur autem nomen melius à filiis & filiabus: quod Hebraica versio sonat, præ filiis & filiabus; aliquid melius quam erunt filij & filiae: aut, iuxta Septuaginta, Dabo illis, qui carebunt liberis, aliquid melius, quam sit habere liberos; uti interpretantur D.^a Cyrillus Alexandrinus, ^b Augustinus, ^c Basilii, ^d Ambrosius, ^e Gregorius, qui docent Deum nos excitare ad continentiae amorem, propositis ijs præmijs iam commemoratis. Addit D. Augustinus peracutè: quod si quis contendat Isaiam loqui de veris Eunuchis, qui se continent, quia aliter non possunt; & illis promittitur maior gloria, quam iustis coniugatis; certè maiore ratione promittitur ijs qui se continent, etsi possent non continere. Promittitur ergo nomen aeternum; quod sic exponit D. Augustinus: *Quid tergiversaris impia cecitas? quid temporalem tantummodo utilitatem promittis continentibus sanctis? Nomen aeternum dabo eis. Et si forte hoc ipsum aeternum pro diuturno conaris accipere, addo, accumulo, inculco, nec umquam deerit. Quid quæris amplius? Aeternum hoc nomen, quidquid illud est, spadonibus Dei, quod utique gloriam quandam propriam excellentemq; significat, non erit commune cum multis, quamvis in eodem regno & in eadem domo constitutis. Num ideo fortasse & nomen dictum est, quod eos, quibus datur, distinguat à ceteris? Hæc Augustinus. Idem Sapiens prædixit, sed longè speciosioribus verbis. Felix (ait) est sterilis; & incoquinata, quæ nescit thorum in delicto, habebit fructum in respectione*

Sap. 3.

animarum

animarum sanctarum; & spado, qui non operatus est per manus suas iniquitatem, nec cogitavit aduersus Deum nequissima: dabitur enim illi fidei donum electum (donum quoddam singulare, respondens fidei ipsius) & fors in Templo Dei acceptissima. Bonorum enim laborum gloriosus est fructus, & quæ non concidet radix sapientiæ.

6. Verum ne in re adeò difficili, incognita, arduaquæ deficeremus, *Formula ac norma vita perfecta à Christo instituta.* nescientes quæ fieri id posset, cum praxis ferè nulla ab orbe condito visa fuerit; per Filium suum formam statumque vitæ perfectioris instituire dignatus est, collecta paruula discipulorum manu, quibus & priuitas spiritus contulit, & summam ab eis PERFECTIÖNEM exegit: Rom. 8. nimirum omnia temporalia defererent; animo & corpore perpetuò continerent; animam denique, hoc est, voluntatem ac iudicium, Superioris Dei quæ vicarij arbitrio subijcerent. quod vno verbo D. Petrus exprimit: *Ecce (ait) nos reliquimus omnia, & secuti sumus te; quid ergo erit nobis?* Tria enim sunt hominis bona; alia fortunæ, alia corporis, alia animi; quibus homo se priuat, vel etiam exonerat, vt expeditus Duce suum in expeditione militiæ perfectioris sequatur. Nihil ergo homini superest, qui hæc omnia reliquit. His tribus respondent tria status perfectioris consilia ac fundamenta, quibus triplicia illa bona tamquam onera excutuntur, & eis ex diametro repugnant, Paupertas nempe, Castitas, & Obedientia. Christus igitur studiosis PERFECTIÖNIS has virtutes proposuit, & etiamnum proponit: & quidem Paupertatem; *a Si vis perfectus esse, vade, vende omnia quæ habes.* Id ipsum fecerunt omnes Apostoli; alij nauim & retia, alij domum, alij alia: denique nihil retinuerunt. Nec tantum Apostoli sua reliquerunt, repetituri cum vellent, aut retenta potestate alia possidendi: non ita, sed multa dedit, (ait Gregorius) qui nihil retinuit; & longè plura, qui habendi voluntatem deposuit. Verum ille quamplurima & omnia dat, qui voto nuncupato potestatem quippiam habendi præscindit & amputat: quod Augustinus docet Apostolos fecisse, cum exponit, quomodo Petrus, qui paucissima habebat, omnia tamen se reliquisse confidenter asseribat, *Ecce nos reliquimus omnia.* Sed votum illud magis ex Actis Apostolorum & praxi huius instituti colligunt Patres. *Multitudini: (ait b Lucas) votum paupertatis ex Scripturis educitur.* credentium erat cor vnum, & anima vna: nec quisquam eorum, quæ possidebat, aliquid suum esse dicebat, sed erant illis omnia communia. Quod clariù patet ex interitu Ananiæ & Saphiræ, qui communem hanc vitam vouerant, vt ex verbis S. Lucæ satis elucet, *Fraudauit de pretio agri, conscia uxore sua, Anania;* non enim fraudasse diceretur, nisi rem obligatam promissione subripuisset. Deinde dixit D. Petrus: *Anania, cur tentauit satanas cor tuum, mentiri te Spiritui sancto, & fraudare de pretio agri?* Quid est mentiri Spiritui sancto, nisi fallere fidem datam Spiritui sancto? Nec propriè

propriè dicti fuissent mentiri Spiritui sancto quia Petro mentiti erant, in quo erat Spiritus sanctus; (quamquam & id aliquo modo dici posset) sed poena subsecuta aliquid maius fuisse indicat, quàm reatum mendacij, auaritiæ, ambitionis, aut hypocrisis. Fuisse verò voti violati sacrilegium, disertè testantur D. ^a Chrysostomus & ^b Hieronymus. ^c Augustinus quoque, *Si Deo, ait, displicuit detrudere de pecunia quam vouerant Deo,* (nempe Ananias & Saphira) *quomodo irascitur quando vouetur castitas, & non exhibetur?* Idem docet ^d Fulgentius, & alij Patres. ^e Gregorius ad Venantium ita scribit: *Ananias Deo pecunias vouerat, quas postea victus persuasione diaboli subtrahit; sed qua morte multatus est, scis.* Denique ^f Arator:

— Sed quòd mutata voluntas

*Falsi crimen habet; cumque est iam cautio voti,
Stare decet, nec velle prius violare sequenti.
Ius proprium retinere magis quàm demere fas est.
Omnibus exemplum sanxit vindicta duorum,
Ne quis dona vocet, quæ sponsio debita poscit.*

Hæc de Paupertate.

^a Castitatis votum.
^b Luc. 14.
^c Matth. 19.

^a Hæresi 58.
^b In hunc locum.
^c Lib. de sanct. Virg.
^d Obedientia votum.
^e Matth. 16.

^a Lib. 4. de instituto Canob. sine renunt. cap. 35.
^b In Psal. 71.

^a Præmia propo-
sita Perfectio-
nis studiosis.
^b Matth. 19.

7. Omnes verò, quotquot habebant, vxores deseruerunt; quod ex eo colligitur: *Si quis* (ait Christus) *venit ad me, & non odit patrem suum, & matrem, & uxorem, & filios, non potest meus esse discipulus.* Et: *Sunt Eunuchi, qui seipsos castrauerunt propter regnum celorum; qui potest capere, capiat.* Castrauerant ergo se voto Castitatis discipuli; nam solo voto facultas contrahendi matrimonium tollitur ac præcinditur. Ita ^a Epiphanius, ^b Hieronymus, ^c Augustinus, & alij Patres hunc locum interpretantur. Tertia, ^d Obedientia est, quam Christus his verbis comprehendit: *Si quis vult post me venire, abneget semetipsum, & tollat crucem suam, & sequatur me.* Perfecta abnegatio sui, perfecta Obedientia est: sed perpetua esse debet, idcirco votum accedat necesse est, ac spiritualis quædam crucifixio, ne valeat resilire. Tollat, ait, crucem suam: nam, vt Cassianus eleganter, *Verus & perfectus Monachus similis Crucifixo esse debet:* qui enim cruci affixus est, non solum non ambulat quò vult, nec facit quod vult, sed nec potest ambulare aut operari, nisi ab alio moueatur. Idem Augustinus confirmat. *Nemo* (ait) *positus in Monasterio dicat, Recedo de Monasterio: neque enim soli, qui sunt in Monasterio, perueniunt ad regnum celorum; & illi, qui ibi non sunt, ad Deum non pertinent.* Respondetur ei: *Sed illi non vouerunt, tu uouisti.*

8. Constat igitur institutionem hanc à Deo promanare; ipsæque magna præmia promitti, qui sequentur. Quæ? ^a *Habebis* (ait) *thesaurum in celo.* Deinde, *In regeneratione, cum sederit Filius hominis in sede Maiestatis suæ, sedebitis & vos super sedes duodecim, indicantes duodecim tribus Israel.* Centuplum accipiet in hoc sæculo, denique vitam æternam. Hinc

D. Hic-

D. Hieronymus: *Proponit ei yuovo Serus premium, inuitat ad carsum, tenet in manu virginitatis brauium, ostendit purissimum fontem, & clamat: Qui sitit, veniat, & bibat: Qui potest capere, capiat.* *Lib. 1. contra Iovin. Ioan. 7. Matth. 19.*

9. Verum Deus sapientissimus sapientissima ratione PERFECTIO-
NIS instrumenta delegit. Cum enim in caritate viatorum PERFECTIO consistat, & per has virtutes, Paupertatem nempe, Castitatem, & Obedientiam, diuini amoris omnia impedimenta remoueantur, ea nobis vt aptissima atque vtilissima ad PERFECTIONEM acquirendam presidia constituit. *Consilia hac tria, instrumenta Perfectionis, cur a Deo delignantur.*

Radix enim omnium malorum est cupiditas: quem- admodum radix omnium bonorum, Augustino auctore, caritas est. *1. Tim. 6. Serm. 12. de Verb. Domini.*

Omnia autem malorum cupiditas ad tria capita reuocatur, Luxuriam, Auaritiam, & Superbiam: quoniam omne quod est in mundo, concupiscentia carnis est, & concupiscentia oculorum, & superbia vite. Est etenim in homine duplex appetitus: quorum alter concupiscibilis, alter irascibilis. Sed & concupiscibilis appetitus duplex est: alius naturalis, alius animalis. Naturalis appetit ea bona quæ sunt necessaria ad naturam conseruandam, tam in individuo, vt cibum & potum; quam in specie, qualis est actus generationis: & hic appetitus, cum est inordinatus, dicitur incontinentia, & à D. Ioanne concupiscentia carnis. Animalis verò dicitur ille, quo appetimus ea quæ sunt bona secundum æstimationem, vt pecunias, vestes, tapetes pretiosos, & id genus alia, quæ non appetuntur à bestiis, quibus non est appetitus, nisi naturalis: & hic appetitus, cum est inordinatus, dicitur avaritia, vel cupiditas; à Ioanne verò concupiscentia oculorum. Denique appetitus irascibilis appetit excellentiam, quæ apprehenditur vt res maximè ardua: & cum est inordinatus, dicitur à Ioanne superbia vite. Hos igitur tres fontes impedimentorum obstruunt tres illæ virtutes: concupiscentiam carnis, Continentiam, concupiscentiam oculorum, Paupertas voluntaria; superbiam vitæ, Obedientia.

10. At praxin exempla quæ nunc requirimus. Eius profectò adumbrationem videre est in Lege naturæ ante diluuium: maiorem deinde expressionem in Lege Moyse: PERFECTIO verò huius status, & vsus vulgaris, ab Apostolorum temporibus petendus est. Et quidem mundi initio de Enos dicitur: *Iste cepit inuocare nomen Domini.* Ex quo loco colligunt Doctores, hunc Enos instituisse peculiarem aliquem cultum, & sublimiorem quàm esset religio vulgi. Ante ipsum namque etiam Adam, Abel, & Seth Deum inuocauerunt; & tamen dicitur primus coepisse inuocare nomen Domini. *2. Nazaræi deinde, nuncupatis vôtis, seipso Domino consecrabant: ad quorum exemplum Origenes etiam in Ecclesia quosdam seipso totos diuino cultui deuouere solitos scribit.* *2. Nazaræi, Num. 6. Hom. 11. in Leuit.*

Elias quoque & Eliseus sine vxoribus & diuitijs, vt & filij quoque

3. Elias & Eliseus.

E

Prophe-

Epist. 13. ad
Paulum.

Epist. 4.
Ierem. 35.
4. Eliy Rechab

Epist. 13. ad
Paulum.
9. Ioannes
Baptista.
Matth. 11.
6. Maria Chri-
sti mater Goso-
bstrina.
Luc. 1.

Prophetarum, vixerunt. De his ita Hieronymus: *Noster (ait) princeps Elias, noster Eliseus, nostri duces filij Prophetarum, qui habitabant in agris & solitudinibus, & faciebant sibi tabernacula iuxta fluentia Iordanis.* Hæc ille, & plura scribens ad Rusticum. Extat & apud Ieremiam insignis commendatio nepotum Rechab, qui cum eis pater, seu auus, præcepisset ut domos non ædificarent, agros non seminarent, vineas non plantarent, vinum numquam biberent, vitam durissimam quasi extra mundum agerent, omnia diligentissime obseruauerunt: quos etiam Monachorum nostrorum figuram gessisse scribit quoque Hieronymus. Ioannes Baptista ut officio, sic sanctitate ac PERFECTIÖNE omnes antecelluit. Satis id sit, quod de eo Sapientia diuina pronuntiauit: *Non surrexit inter natos mulierum maior Ioanne Baptista.* Sed pratermitti non debet Dei mater, quæ ante proles conceptionem virginitatis voto sese obstrinxerat; audito enim nuntio concipiendæ proles, respondit: *Quomodo fiet istud, quoniam virum non cognosco?* Si enim voto non erat ligata, Angelus replicare poterat: Tu maritum habes, & adhuc iuuentula: quod iam actu non cognoscas, quid mirum? si enim iam non cognoscis, cognoscas postea. Si ergo dicere velit se actu non cognoscere; inepra videtur esse interrogatio. Idem est ergo, ac si dicat quispiam in Quadragesima, Non vescor ouis aut eamibus: id est, mihi vesci non licet. Ita B. Virgo ait, *Virum non cognosco*: Prohibeor cognoscere. Qua lege? diuina an humana? neutra sanè, imò lege naturali iubetur viro reddere debitum. Non erat etiam impotens, aut sterilis, alioqui eam rationem attulisset; nec ætatem generationi aptam excesserat. Qua lege ergo virum cognoscere non potes? non communi: relinquitur ergo id fieri lege particulari voti, qua Deo sese obstrinxerat. Ita Gregorius Nyssenus late in oratione de natiuitate Domini, ^a Augustinus, ^b Beda, ^c Anselmus, ^d Rupertus, ^e Bernardus. Iam ad ^f Apostolos veniamus, qui post Christi ascensionem formam illam, quam à Christo acceperat, mundo inuexerunt; & vbiq; gentium impressam reliquerunt. Constat ex Actis. Omnes etiam, ait ^g Lucas, qui creabant, erant pariter, & habebant omnia communia: possessiones & substantias vendebant, & diuidebant illa omnibus, prout cuique opus erat. Viuebant ergo in communi, & Paupertatem voluntariam profitebantur. ^h Addit: *Neque quisquã egens erat inter illos, quorquor enim possessores agrorum aut domorum erant, vendentes adferebant pretia eorum, quæ vendebant, & ponebant ante pedes Apostolorum; diuidebatur autem singulis prout cuique opus erat.* Hæc sunt incunabula vitæ perfectioris, quæ sensim adoleuerunt, & in ætatem perfectam deducta eam formam splendoremque acceperunt, quem videmus spargi tot iam sæculis per orbem vniuersum, auctore Deo, qui Antonios, Basilios, Benedictos, & postea Bernardos, Franciscos, Dominicos, & ad hæc vsque tempora semper

^a Lib. de sanct.

^b Virg. cap. 4.

^c In cap. 11. Luc.

^d De excel. Virg.

cap. 4.

^e Lib. 3. in Cat.

^f Serm. 4. sup.

Missus.

^g 7. Apostoli.

^h Act. 2.

ⁱ Act. 4.

semper nouos excitauit; qui, tamquam boni magistri, discipulis quamplurimis PERFECTIÖNIS regulam & exemplo proponerent, & instituto firmarent.

II. Extiterunt quoque illustres vocationes ad sectandam vitam perfectiorem: & in primis Abrahami, qui pater fidei deinde appellatus, iussus est patriam deserere, ei que dixit Dominus: *Egredere de terra tua, & de cognatione tua, & de domo patris tui, & veni in terram quam monstrabo tibi.* Sed quid, quod vnicum filium, spem suæ familiæ, quem suscepit effectis & suis & vxoris viribus, immolare atque interficere iussus, vocanti paruus? Magnæ PERFECTIÖNIS fuit, patriam deseruisse; maioris certe, filium, & talem filium, secare in partes, Deo que immolare. Alia vocatio est Ioannis Baptistæ in utero existentis, cui merito hæc Ieremiæ verba congruere videntur: *Priusquã te formarem in utero, noui te; & antequam exires de vulua, sanctificauit te, & Prophetam in gentibus dedi te.* & quæ Propheta Isaias de seipso: *Dominus ab utero vocauit me, de ventre matris meæ recordatus est nominis mei, & posuit os meum quasi gladiũ acutum.*

Christus enim ex utero matris suæ Ioannẽ in utero Elisabeth proprio appellauit nomine. Sensit ac cognouit Ioannes Christum Redemptorem suum vocantẽ, donatus nimirum ante tempus vsur rationis; & ad iustificationem citò quidem, sed verè sese disposuit: id enim significant verba illa, *Exultauit in gaudio infans*; gaudium enim est animi excitatio, proueniens ex apprehensione boni præsentis. Apprehendit Ioannes Redemptorem suum esse præsentem, audiuit vocantem; repletus est Spiritu sancto, exultauit; non instar emotæ mentis, sed in gaudio: vnde vocanti se, & ad statum præcursoris ac prædicatoris perfectissimum deputanti, respondit: *A, a, Domine Deus; ecce nescio loqui, quia puer ego sum.*

Et Dominus ad eum: *Noli dicere, Puer sum; quoniam ad omnia, quæ mittam te, ibis, & vniuersa, quæcumque mandauero tibi, loquẽris.* Cognouit id eius mater Elisabeth, quæ, repleta Spiritu sancto, secreta vteri sui detexit, dicens: *Ecce enim ut facta est vox salutationis tuæ in auribus meis, exultauit in gaudio infans in utero meo.* Et pater filium recens natum intelligentem (vt testatur Origenes) allocutus est: *Tu puer, Propheta Altissimi vocaberis; præibis enim ante faciem Domini, parare vias eius.* Quot in hac vocatione miracula! Profectò sanctitas & PERFECTIÖ viri subsecuta vocationem prodigiosam probauit, & verò PERFECTIÖNIS eminentia eidem respondit. Hæc omnia prolixè Chrysostomus & Ambrosius in Lucam. Sequuntur vocationes Apostolorum admirandæ, cum duodecim quidem, quæ immediatè à Filio Dei factæ sunt; tum verò maximè B. Pauli, quæ adeò efficax atque admiranda fuit, vt hominem blasphemum, persecutorem, ac iuratum Christiani nominis hostem, insipientem, minasque reipsa spirantem, in vas electionis

*Maria Mag-
dalena.*

commutarit, ad tertium cælum rapuerit, & Apostolum, doctorem, pa-
trem fidei ac religionis reddiderit. Taceo Mariæ Magdalene mirando
modo vocatæ & conuersæ subsecutam PERFECTIÖNEM, cetero-
rumque quos Scriptura commemorat. Historiæ sacre plenæ sunt:
Monasteria sexus vtriusque, totus denique orbis plura exempla produ-
ceret, quàm humana capere litteris mandare posset industria. Tot
vocati sunt ad PERFECTIÖNIS gloriam, quot ad Religionis statum
vocati: at horum quis subducet numerum? Sed & seculares excludi
non debent, qui sanè subinde multis Religiosis de sanctitatis & PER-
FECTIÖNIS laude nihil concedunt. Ne verò recentiores negligere
videat, aliquot è multis illustriores hîc attexam.

*Vochirones vo-
schirores.*

13.

Initio Cisterciensis Ordinis, anno nimirum 1104. adolescens
quidam Lugduni, & litterarum & PERFECTIÖNIS, cuius incredi-
bili desiderio flagrabat, admodum studiosus, quadam nocte visionem
ardentissimis suis votis congruentem habuit. In valle, vt sibi videba-
tur, constituto, ac circumspicienti, primùm occurrit fluuius, qui ar-
duum ac præruptum montem alluebat. Eleuans autem oculos, pro-
spexit in eo monte ciuitatem tantis tamque varijs ædificiorum, tur-
rium, moeniumque ornamentis illustrem, vt illius aspectus oculos ani-
mumque intuentium raperet, teneret, videntem verò neutiquam satia-
ret. Subit & desiderium vrbis illius adeunda, sed interiacebat ingens
ille fluuius. Quid ageret? dum traiectum animo versat, videt duo-
decim pauperes in ripa fluminis, lauantes vestimenta sua: quos inter
quidam splendidissima veste, alijsque multum dissimilis, ceteros in
ablutione vestium iuuabat, & quidem vicissim vnum post alium. Læ-
tus adolescens ad hunc accessit, Quinam, inquit, estis vos? quid agi-
tis? ecquænam ciuitas illa superior, quæ sua pulchritudine adeo oble-
ctat oculos mentesque mortalium? Respondit ille: Hi pauperes, pœ-
niturine ducti, peccata sua eluunt, & ego Filius Dei, IESVS Christus,
eis opem fero, sine cuius auxilio nec hi, nec alij, aut abluui, aut quid-
quam boni operari possunt. Ciuitas hæc pulchra, quam cernis, para-
disus est, in qua viuo & regno. Vbi verò quispiam vestes purgauerit,
pœnitentiamque egerit, eum bene sperare iubeo; nam haud dubiè in
illam admittetur. Tu hætenus viam quæstisti: certo scias, præter hanc
non esse aliam, quam hos pauperes sectari tenereque conspicias. His
dictis visio disparuit, mirante iuvene, sed quid sibi vellet ignorante.
Absoluto ergo studiorum cursu rediens in patriam, Episcopo Cabilo-
nensi, sibi familiari, visionem enarrauit. Suasit ille, mundo nuntium
remitteret, & Ordinem religiosum, vitæ in posterum degendæ, delige-
ret: præ ceteris tamen exorientem Cisterciensem familiam commen-
dauit. Venit Cistercium, locum incultum, desertum, siluosum, com-
moratio-

morationem denique hominum inter feras. Ianua Monasterij, sed dicam potius tugurioli, ex viminibus confecta erat: malleus ferreus appendebat, cuius sonitu ianitor compellabatur ab intrare volentibus. Aduenit ille pulsu euocatus, & caput demittens adolescentem salutauit. Hic ianitorem intuitus agnouit, memor se eum inter lauantes vestimenta sua vidisse. Iussus est Abbatem totumque Conuentum accedere. Hi ipsi erant, quos ad ripam fluminis viderat, omnesque admirabundus agnouit. Abbatis illico pedibus aduoluitur, perfususque lacrymis historiam narrat, & pro admissione obtinenda supplicans, voti compos factus est: qui breui tempore usque adeo virtutibus auctus est, ut ad Prioris officium assumi sit meritus. Addam alterum, sed recentius, nostri que temporis. Ioannes Nunnus, Hispanus nobilis, ex Gulmanorum familia, a qua & D. Dominicus oriundus, is est, qui primus Patriarcha in Indiam destinatus a Pontifice Maximo, multis confectus laboribus, magnam suae virtutis veraeque sanctitatis opinionem posteris reliquit. Cum ergo iuuenis anxius de vitae genere deliberans, integro anno a B. Virgine postulasset sibi a Deo certam viuendi viam ac rationem indicari, quam securè tenere sequique posset, apparuit dormienti Dei mater, augusta specie, comitata duobus Societatis IESV Patribus, nempe Petro Fabro, vno ex primis decem, & Francisco Strada: is est, qui, mortuo Baccalaureo Hosio, B. Ignatio e monte Cassino redeunti occurrit, a quo in locum Hosij in Societate susceptus est. Insistenti ergo coram Nunno ardentius pro certo vitae cursu cælitus designando, intulit cæli Regina: *Vis seruire filio meo usque ad defatigationem?* Cui Nunnus: Omnino, Domina. *Sequere ergo*, ait illa, *hos viros*. Ostendit verò illi comites suos, Patres Fabrum & Strada, ac disparuit. Nunnus verò suspicatus est ex habitu viros illos esse Societatis IESV, sed sibi prorsus ignotos: nec Domina indicauit quo eos loco inueniret. Quare partim anxius, partim lætus cælesti visitatione, reliquum suae patronæ Virgini Matri commendauit. Contigit verò ut iter facienti duo Societatis Patres temere occurrerent, visoque habitu eos aggressus est; cumque de admissione mentionem intulisset, tum Pater Faber, *Vis, inquit, seruire Christo usque ad defatigationem?* Qua interrogatione percussus, venit in mentem verborum Virginis Matris, quæ eisdem verbis usa fuerat: *Vis seruire filio meo usque ad defatigationem?* Ille, velut certam vocationis suæ tesseram reputans, oculos in vultum vtriusque defixit, & eos agnoscens, procidit eis ad pedes, obtestans ut se ad Societatem admitterent; narrataque totius vocationis serie, admissus est summa sua & Patrum consolatione. Haud absimile est, ac memoria dignissimū, quod P. Franciscus Ribera scriptis consignauit de Catharina Godinez, nobilissima virgine; quæ cum mundi relictis illecebris

2. Vocatio recentior.

Petrus Maffaeus in Vita B. Ignatij. lib. 2, c. 6.

In Vita Mariæ Tereſæ, lib. 3. cap. 34.

» atque honoribus, incredibili Religionis ineundæ desiderio æstua-
 » visa est in somnis videre se in via arctissima constitutâ incedere, vtrim-
 » que præcipitijs formidanda: dumque horreret solitaria, Religiosus qui-
 » dam occurrit ex improviso, habitum Ordinis Carmelitarum Discal-
 » ceatorum gestans; qui blandè inuitatam consolatus, perduxit in do-
 » mum haud procul distitam. In ea Sanctimoniales magno numero vi-
 » sebantur: nullumque illic lumen apparebat, præterquam cereorum
 » quos singulæ gestabant manu. Catharina ex illis sciscitatur, cuius Or-
 » dinis sint. Tacuerunt omnes; leuatoque velo, quo facies tegebantur,
 » earum vultus lati hilaresque apparuerunt. Accepta Catharinæ manu
 » Priorissa, Te, inquit, hodie, filia, in sociam nostram deligo. Regulaf-
 » que omnes & Constitutiones Ordinis eidem ostendit. Expergiscitur
 » interea Catharina, tanto perfusa gaudio, ac si paradisi gaudijs inter-
 » fuisset. Hanc visionem longo tempore silentio preffit; nec à quoquam,
 » quæ esset illa Religio, cognoscere potuit: Regulas tamen nonnullas,
 » quas legerat, memoriæ causâ scripto mandauit. Intellexit postmodum
 » ex quodam Patre Societatis nostræ, illum Ordinem, quem depinge-
 » bat, esse Carmelitarum Discalceatorum. Idcirco quamprimum Ma-
 » trem Teresam de sua Monasterij exstruendi resolutione reddit certio-
 » rem; eamque inuitat, quàm citissimè veniat. Occurrerunt interea
 » grauissima impedimenta: & inter cetera, cum Catharina in grauissi-
 » mum morbum incidisset, nec spes vlla foret humanitatis illius ad Reli-
 » gionem admittendæ, fusa oratione tantam spem concepit, vt à Deo de
 » sanitate responsum internè accepisse videretur. Conualuit actutum;
 » sublatiisque diuinitus impedimentis, Mater Teresa aduenit, sex alias So-
 » rores in nouam coloniam adducens. Aderat & laicus quidam eiusdem
 » Ordinis Frater, Ioannes à Misericordia. Catharina primo conspectu agno-
 » uit Sorores omnes illas, & ex eis illas esse asseuerauit, quarum vultus
 » ante annos viginti viderat in somnis. Fratrem verò Ioannem eundem
 » videri Religiosum, qui è viarum angustijs se ad Monasterium Virginum
 » deduxerat. Collatis ergo facultatibus omnibus Catharina cum sorore
 » in fundationem Monasterij, admitti petijt magna instantia, sed in gra-
 » du Conuersarum. Admissa est in gradu primario, sed inuita: nec desti-
 » tit à prosecutione prioris gradus, donec Præsidis accessisset auctoritas.
 » Denique sanctè admodum vixit, ac Priorissa eiusdem Monasterij, quod
 » fundauerat, meritis plena ad beatorum domicilium commigrauit.

14. Quæcumque hætenus dicta sunt, summum diuinæ bonitatis erga
 PERFECTIÖNEM hominis studium arguunt, quæ non tantum
 omnes homines vult saluos fieri, & ad agnitionem veritatis venire, sed volun-
 tatè eis suam sacris litteris insinuat, imò internis aculeis incitat & hor-
 tatur omnes vt sumus perfecti, sicut & Pater noster celestis perfectus est; &
 per

q. Tim. 2.

Matth. 23.

per Filium suum, Redemptorē nostrum, modum ac normam quandam inuexit, ac magistros idoneos constituit ad illam perdiscendā, posterisque tradendam, vocans innumeros interea, qui se excolendos magistris tradant; vt meritō identidem fateri debeamus, *Deum vnicū esse*

PERFECTIONIS auctorem.

CAPVT VI.

Etsi Dei perfecta sint opera, nihil tamen nasci perfectum, sed omnia accessione ac profectu indigere.

ILLA differentia est inter Deum & architectum, quod hic, cum opus excitare disponit, primū omnium ideam in mente concipit, ac format; & eam quidem saepe confusam & indigestam, quam mutare & variare subinde cogitur in operis progressu, quod omnes circumstantias ac euentus mente complecti minimē possit. Opus ei est postmodum materialibus; & hæc aptantur tanto labore, vt singulæ panē particulæ plures operas & temporis longa spatia requirant; antequam totum ædificij corpus coalescat, plures anni transeunt; subinde erecta dirui, ac errores reparari aliquoties opus est; non rarō vel totum corruit, vel sanē hiatus magni ac defectus ruinæ indices obseruantur: Deus vnico momento perficit opus suum, quantumcumque ingens, & si velit, in vltima sua PERFECTIO-NE constituit. Nec id ipsi difficile admodum est: nam esse rerum omnium est, & PERFECTIO-NE earum in se continet. Requiritur ergo tantū vt operi concepto esse suum communicet; nulla indiget præiacente materia; initia, progressus, & consummatio operis, solo eius nutu consummabuntur. Hinc Moyses: *Dixit Deus, Fiat lux; & facta est lux: Fiat firmamentum in medio Gen. 1. aquarum: Germinet terra herbam virentem: Fiant luminaria in firmamento cali: effectus illico secutus est. Ipse enim dixit, & facta sunt; ipse mandauit, & creata sunt.* Cur ita? Est enim Deus vbique, rebusque omnibus intimè præsens; & vt aliquid producat, nullius ope operaque indiget; formam deinde ipse indere potest, & quidem ex nihilo productam. Quod si ex materia producta operari velit, omnes ipsi creaturæ obediunt ad nutum, *Ignis, grando, nix, placies, spiritus procellarum, quæ faciunt verbum eius. Psal. 148.* Quæ quidem omnia Sapiens cum acutiùs considerasset; *Qui viuit in Eccl. 18.* æternum, inquit, *creauit omnia simul.* Quod etsi verissimum est iuxta mentem Ruperti dicentis: *Creauit Deus prius verbo æterno, quod postea simul creata.*

ceret

ceret in opere: creauit in sua sapientia intemporaliter omnia, quæ sigillatim in tempore erat conditurus. Non enim tantum Deus mundum unicum creare posset æterna præordinatione, mentisque conceptione, sed & mille

Lib. 4. sup. Gen.

ad lit. c. 22. &

34. & lib. 11.

ciuit. c. 9. & in

dial. 9. 65. ad

Orosium, c. 26.

2. D. Thomas

s. p. q. 74. art. 2.

b Lib. 1. de Sac.

p. 1. c. 2. & in

annot. elucid.

in Gen. cap. 4.

c Lib. 1. de

Sacr. p. 1. c. 5.

Ecclesi. 18.

motus in vobis

et in aliis

scholasticis

Dei solius ope-

rationes per-

fecta.

Deut. 32.

Ibidem.

Deut. 32.

Deut. 32.

Deut. 32.

Deut. 32.

Deut. 32.

Deut. 32.

Deut. 32.

Deut. 32.

Deut. 32.

Deut. 32.

Deut. 32.

Deut. 32.

Deut. 32.

Deut. 32.

Deut. 32.

Deut. 32.

Deut. 32.

Deut. 32.

Deut. 32.

Deut. 32.

Deut. 32.

Deut. 32.

Deut. 32.

Deut. 32.

Deut. 32.

Deut. 32.

Deut. 32.

Deut. 32.

Deut. 32.

Deut. 32.

Deut. 32.

Deut. 32.

Deut. 32.

Deut. 32.

2. Non tamen nostro more Deus operatur, quo dum præcipitamus opus, illud tantum ex parte efficimus, scatetque mendis & erroribus. Deus perfectissime operatur, & in eius operibus nihil desiderari potest. Date magnificentiam Deo nostro, (id profecto ei soli comperit) quia Dei perfecta sunt opera. Quod duplici modo videtur posse intelligi: eius nempe operationes in genere morum perfectissimas esse, easque omnia bonitatis rationem, quam aliquod opus bonum requirere posset, continere. Rationes enim quibus ad agendum mouetur, æternæ sunt, à lege æterna ac intellectu infinito sapientiæ lumine instructo manantes: vnde nullus error contingere potest; ideoque merito Moyses vocat eum Deum fidelem, quod nec falli nec fallere possit. Voluntati verò eius obuerfatur essentialis bonitas; atque ideo Moyses, cum dixisset, Deus fidelis, addidit, & absque ulla iniquitate, iustus & rectus: malitia enim & iniquitas bonitati eius repugnat; quæ quidem bonitas in quo magis quam in ipso relucet? Haud frustra sanè nomen benignissimum Patris usurpat, & talis agnosci vult; quod Moyses consequenter expressit: Numquid non ipse est pater tuus, qui possedit te, & fecit & creauit te? Finis verò actionum illius est communicatio bonitatis suæ ad æternam suam gloriam, quæ certè ei absque controuersia debetur. Operationis verò materia vel ex se supernaturalis est, ut in toto beneficio redemptionis, iustificationis, prædestinationis, remunerationis bonorum operum; vel certè eò, velut ad scopum, ab infinito eius amore refertur. Prudentia autem

autem in eo tanta est, quæ semper sufficiens & fuit, & est, eritque ad huius orbis gubernationem, & infinitorum aliorum. Scit omnia, præterita, præsentia, & futura. Corda scrutatur, & renes: *infernus enim Prom. 25.* & perditio coram Domino; quanto magis corda filiorum hominum! Non ergo præcipitania interuenire valet, aut ignorantia, ubi consilium ac deliberatio deesse non potest, nec irrepere defectus aliquis circumspeditionis aut circumstantiæ necessariæ. Et hic sensus esse videtur literalis illius sententiæ: *Dei perfecta sunt opera.* Agit enim Moyse contra fal- *Dent. 32.* forum Deorum cultores, & impios Iudæos; ipsorumque idolorum impotentiam, vanitatem, ac turpitudinem detestatur, ac cum Dei veri bonitate, iustitia, ac fidelitate confert, ut suos Iudæos cum ad fidem seruandam alliciat, tum in cultu diuino retineat. *Dei ergo perfecta sunt opera;* non vitiosa, ut nostra; non iniusta, non inquinata peccato aliquo: subiungit enim, *& omnes viæ eius iudicia.* deinde, *Deus fidelis, & absque ulla iniquitate.* Sed quid Iudæi? *Peccauerunt ei, & non filij eius in sordibus.* Ex his conficitur, opera Dei perfecta esse; quia in actiones operationesque eius vitium nullum irrepere potest.

3. Nihilominus etiam de effectibus operationis diuinæ intelligi posse *Omnia Dei opera perfecta.* videtur, perfecta esse Dei opera: siue ea quæ sunt ad intra; & quidem si de internis Dei operibus quæstio sit, qualis cognitio suæ substantiæ, generatio Filij, amor mutuus, spiratio, & similia, sic perfecta sunt Dei opera, ut eis nihil adijci possit: siue ad extrâ; sunt enim infinitæ PERFECTI O N I S, & immensæ durationis. Perfecta sunt & quæ libere circa rerum creaturarum gubernationem facit: qualis creatio & productio rerum, generis humani redemptio, victoria de inferni principibus è cruce reportata, Legis antiquæ promulgatio, & id genus alia; quod D. Thomas disertè exposuit. *Deus (ait) omnia opera sua in summo bene Lib. de diuinis moribus, circa finem.* facit. Opus quippe cali & terræ, Angelorum, & hominum, & aliarum creaturarum, adeo bene fecit, ut melius excogitari non posset. Similiter opus redemptionis (quod nemo alius, in calo, nec in terra, facere potuit, sicut legitur in Apocalypsi) in summo bene fecit, prudenter vincendo diabolum in ligno quo vicerat, sub humana fragilitate semper celans diuinam potentiam: quia si demones cognouissent, ut dicit Apostolus, numquam Dominum gloriæ crucifixissent, id est, crucifigi persuasissent. Similiter quidquid hodie facit, siue peccata vindicet, siue dissimulet propter penitentiam; siue gratiam subtrahat electis, siue conferat; siue fidei animæ quandoque se familiarem, quandoque alienum exhibeat; siue sit ventus, siue sit pluuia; siue aura frigida, siue calida; siue sicca sit via, siue madida; siue terræ fructus abundet, siue pereat; pro illo tempore melius fieri non posset: quia ex nimia caritate & benignitate, immensa sua sapientia, singula debito tempore operatur. Opus verò remunerationis in summo bene faciet, cum singulis peccatis, & singulis membris quæ fuerunt arma iniquitatis, reddet iustam pœnam.

F

Hæc

Gen. 1.
Exod. 20.
2. Reg. 12.

In prafat. oper.
de natur. hift.
ad Vefpafianum.

Deut. 32.
Pfal. 148.

2. Reg. 12.
Pfal. 50.
Iac. 5.

Operum Dei
quadam noci-
ua videntur.
2. Hom. 10. in
Genef.
1. Gen. 1.

Hæc ille. Soli ergo Deo conuenit adeo perfectè operari, vt nemo melius. Illius etiam est dicere: Creauit cælum & terram. Ego eduxi te de terra Ægypti, de domo seruitutis. Ego vñxi te in Regem super Israël, & ego erui te de manu Saul, & dedi tibi domum domini tui. Tempus enim præteriti (vt aiunt) perfecti, PERFECTIÖNEM significat: vnde antiqui pingendi fingendique artifices, vt indicarent opera sua nondum esse perfecta, ea, pendente titulo, inscribebant verbo imperfecti temporis, Faciebat, Pingebat, auctore Plinio. Ex illis (inquit) nos velim intelligi pingendi fingendique conditoribus, quos inuenies, ac soluta opera, pendenti titulo inscripsisse; vt, Apelles faciebat; aut, Polycletus faciebat: tamquam inchoata semper arte, & imperfecta; vt contra iudiciorum varietates superesset artifici regressus ad veniam, velut emendaturo quidquid desideretur, si non esset interceptus. Hæc ille. At Dei perfecta sunt opera. Dixit, & facta sunt; mandauit, & creata sunt. Nos id vsurpare non possumus, vnico solo casu excepto peccati perpetrati. Verè enim dixit Dauid, Peccaui; & nos cum illo: Tibi soli peccaui, & malum coram te feci; id enim verè fecimus & perfecimus. Concupiscentia namque cum conceperit, parit peccatum: peccatum verò cum consummatum fuerit, generat mortem; & illud solum opus nostrum est.

4. Dei ergo solius perfecta sunt opera, etsi quædam ex ijs, quæ fecit, inutilia & nociua esse videantur; quod Chrysostomus a latilimè demonstrat in hæc verba: Viditque Deus cuncta quæ fecerat, & erant valde bona. Considera (inquit) quomodo creaturas omnes verbo OMNIA, simul complexus, omnes simul magna laude profecutus est. Igitur cum Deus, qui res ex nihilo, vt essent, produxit, bonas & valde bonas dicit; quis tam insanus, vt vel os aperire, & contradicere Dei verbis audeat? Quoniam enim in visibilibus non solum lumen condidit, sed & tenebras aduersas luci; & non solum diem, sed & noctem contrariam diei; & in feminibus, quæ ex terra nascuntur, non solum herbas viles, sed & perniciosas; & arbores non solum fructuosas, sed & infructuosas; & animalia non solum mansucta, sed & siluestria & truculenta; & in his quæ aqua produxerunt, non solum pisces, sed & cete, & alias marinas belluas: terra non solum habitabilis, sed & inhabitabilis; & non solum planities sunt & campi, sed & montes & colles; & inter aues non solum domesticæ & altilles, sed & feræ, nullumq; commodum per se adferentes, vt milui & vultures: præterea, in his quæ terra profert, non sunt tantum mansucta & innoxia animalia, sed & serpentes, & lacertæ, & dracones, & leones, & pardi; quin & in aëre non solum pluuia & venti viles, sed & grandines & nives. Proinde sopiantur rationes nostra, & nihil illi vltra præferatur. I doneis autem & crebris argumentis persuasum sit, quod omnia ratione quadam & misericordia ab eo producta sunt, & in summa, nihil temere & absque causa factum. Verum licet nos ob nostræ rationis imbecillitatem ignoremus factorum causam, ipse tamen iuxta suam sapien-

tiarum

tiam & potentissimam misericordiam omnia produxit. Hæc Chrysostomus, qui horum rationem nullam adfert, sed utitur testimonio Scripturæ, cui sine dubio credere conuenit.

5. Mouere magis nos deberent defectus palpabiles, ac imperfectio- *Opera Dei per-*
nes, quæ in cunctis rebus creatis inueniuntur: nihil enim perfectum na- *fecta, si orna-*
scitur, nihil quod non suppetias auxiliumque requirat; & tamen per- *tum spectet*
fecta dicuntur esse Dei opera, ut reuera sunt. *Viditque Deus cuncta quæ* *Gen. 1.*
fecerat, & erant valde bona: & perfecti sunt cali & terra, & omnis ornatu e- *Gen. 2.*
rum. In rerum enim generali productione etsi cuiusque rei naturam ef- *In Timæo.*
sentiamque cum suo ornatu sensim augendo spectarit, vniuersi tamen
rationem in primis Deus habere voluit. Hinc Plato agens de ordine
vniuersi, *Optimi, inquit, ac perfecti opificis erat, optima adducere, & opus perfe-*
ctum producere, ideoque mundum incomparabili pulchritudine decorari:
pulcherrimus etenim rerum ordo, admiranda PERFECTIO rerum est,
& vniuersa venustat. Velut in exercitu quisque seiunctus, inualidus im-
becillisque est, minori que fortitudine. Quod si capita capitibus iunxe-
ris, infractum exercitum conflaueris, qui ex mutua decentique ordina-
tione præcipuum fortietur robur, & ornatum incomparabilem. Hinc
Caietanus in hæc verba: *Viditque Deus cuncta quæ fecerat, & erant valde* *Gen. 1.*
bona. Iudicium (ait) diuinum circa totum vniuersum describitur: & cum sin- *Gen. 1.*
gule res facta visæ fuerint à Deo bonæ, ipsum vniuersum non bonum, sed valde
bonum visum describitur à Deo: & apponitur aduerbium, *ECCÊ,* ad demon-
strandum, non futuram, non expectandam, sed præsentem haberi bonitatem sum-
mam ipsius vniuersi; & significatur per hoc, quod vniuersum est ita bonum, quod
nihil ei deficit, & quod nihil habet superfluum, quod nullam desiderat additio-
nem. Addit Glossa: *Approbat Deus cuncta quæ fecerat, & ordinem ipsum* *In Catena A-*
rerum; & ideo bona erant, & elegantia, & utilia. Nihil enim temere & abs- *loisy Lippom.*
que digna ratione factum est à Deo in toto mundo, etiamsi rationes causasque fa- *in hunc locum.*
ctorum pro fragilitate nostri intellectus ignoremus. Omnia siquidem Deo bona
sunt, & utilia ad finem quem intendit in rebus certè optimum, & omnibus qui
viri illis norunt, nec sunt desides. Hæc sanè, Dei perfecta esse opera, persua-
dent, si mundi totius ornatum PERFECTIÖNEMQUE spectemus;
si finem, quem sapientissimus artifex intendit, consideremus: sed quid
de PERFECTIÖNE singulorum operum? non enim tantum vni-
uersa hæc moles, sed & singula Dei perfecta sunt opera.

6. Illud igitur sciendum est, Deum initio mundi genera & species re- *Singula Dei*
rum condidisse, rebusque singularibus vim quandam generandi produ- *opera, tam quæ*
cendi que res novas indidisse. Cum his in productione actioneque om- *per se efficit,*
ni concurrat ac cooperatur: quia tamen non rarò errores defectusque, *quæ quæ per*
dum agimus, intercurrunt, sæpe etiam contingit manca, prodigiosa, & *causas secun-*
monstruosa enasci. Quædam ergo à Deo solo auctore, quædam è causis *das, quomodo*
perfecta.

secundis oriuntur: & quidem ea quæ per se efformat ac producit, non ita numeris omnibus absoluta censenda videntur, vt nihil accedere possit ad ornatum; soli enim Deo id competit, adeo completum perfectumque esse, vt ad eius essentiam nulla fieri possit accessio. Nec ita statuendum est, quæcumque à Deo fiunt, sic fieri, vt nulla PERFECTIÖNE indigeant, eo quod Dei perfecta sunt opera. Deus condidit cælum; at illud non illico PERFECTIÖNES suas habuit: accessit lux, firmamentum stabilitum, diuisio aquarum sub firmamento & supra firmamentum, duo item luminaria in firmamento cæli, & stellæ innumera. Creauit insuper Deus terram; at primum erat inanis & vacua, destituta omnibus ad quæ possidenda naturalem aptitudinem & quasi propensionem habebat: interiùs carebat seminibus & mineralibus; forinsecus verò hominibus, brutis, arboribus, plantis, quibus habitanda, ornanda, conferendaque: nondum distincta in colles & valles; nondum amnis ac fontibus & venis irrigua; nondum extans & firmata super aquas, sed ijs pressa & operata. Terra ergo verbo Domini facta est; & tamen non fuit vsquequaque perfecta. Quid? nonne & Legis antiquæ auctor est Deus? nonne ideo illa perfecta esse debuit: & tamen de ea dicitur: *Non potuistis in Lege Moysi iustificari. & Christus vos redemit de maledictio Legis. & Nihil ad perfectum adduxit Lex.* Denique Christus non venisse se inquit *soluere Legem aut Prophetas, sed adimplere.* Ergo plena non erat, aliquid PERFECTIÖNIS deerat. Quare huic argumento D. Thomas respondens ita ait: *Nihil prohibet, non esse perfectum simpliciter, quod tamen est perfectum secundum tempus; sicut dicitur aliquis puer perfectus, non simpliciter, sed secundum temporis condicionem: ita enim præcepta, quæ pueris dantur, sunt quidem perfecta secundum condicionem eorum quibus dantur, etsi non sint perfecta simpliciter: & talia fuerunt præcepta Legis; unde Apostolus: Lex paedagogus noster fuit; ubi venit fides, iam non sumus sub paedago.* Deus ergo, iuxta temporis exigentiam, aliqua fecit sapienter & perfecte, quæ alio tempore perfectiora essent; & si perfectus tunc ageret, minùs conuenienter facere videretur, minùsque perfecte: quia alia infantium, alia virorum est condicio. Addam & illud, Legem naturæ habendam esse & re ipsa esse perfectissimam, & tamen Legem naturæ ab infantia studiosè custodienti Christus ait: *Vnum tibi deest; si vis perfectus esse, vade, vende omnia quæ habes, & da pauperibus.* Denique *Lex spiritus vitæ, quæ nos liberauit, nonne & ipsa perfectissima? & tamen scriptum est: Videmus nunc per speculum in ænigmate, tunc autem facie ad faciem.* Alia ergo incipientium, quique sese in Legis diuinæ obseruatione stabiliunt; alia proficientium, & in virtutum scalis conscendentium; alia perfectorum: quamquam huius vitæ progressus ad PERFECTIÖNEM terminum nescit; vtque Deus infinitæ PERFECTIÖNIS & boni-

Gen. 1.

Ibidem.

Mat. 19.
Gal. 3.
Heb. 7.
Matth. 5.

1. 2. q. 98. ar. 2.
ad 1.

Gal. 3.

Matth. 19.
Marc. 10.
Luc. 18.
Rom. 8.
1. Cor. 13.

bonitatis est ad communicanda charismata cælestia, ita & animus hominis insatiabilis desiderij est ad illa quærenda, complectenda, & quodammodo infinite augenda. denique PERFECTIO summa cuiusque rei, est extrema & finalis, cum scilicet ad centrum suum finemque peruenit: & hanc PERFECTIÖNEM nullus assequitur, qui finem ultimum non attigerit. Ceterum nos imperfecti sumus, & defectuosi; & ut pueruli ad staturam grandiore aspiramus. Quid mirum, cum Paulus dicat: *Cum essem paruulus, loquebar ut paruulus, sapiebam ut paruulus?* 1. Cor. 13.

Qua de re ita Hugo de S. Victore: Porro ad id quod Deus dicitur creasse ali- *In annotat. elucid. in Genesim, c. 4.* quid imperfectum aut informe, respondemus non nocere, neque esse inconueniens, quia ad comparationem maioris PERFECTIÖNIS, aut pulchritudinis, quas ipsemet per se, quando oportuit, addidit, dici debet; sicut quotidie facit pueros imperfectos quantum ad augmentum quod sequitur, sed tamen perfectos ad numerum partium, manuum scilicet & pedum, ceterorumque membrorum. Hæc ille.

7. Addam, ad illustrandam Dei sapientiam, adeo perfecta esse ea, *Sapientia Dei in creatura Perfectissime refulcet.* qualiacumque, quæ Deus condidit, nulla ut humana Angelicave industria aut potentia nouæ alicuius speciei muscam (verbi gratia) vel flosculum, sed nec ex speciebus creatis excellentiorem, admirabiliorem, magisque in suo genere perfectam possit producere. Merito profecto exclamat Propheta Regius: *Quam magnificata sunt opera tua, Domine!* Psal. 103. *omnia in sapientia fecisti. Mirabilia opera tua, & anima mea cognoscit nimis. Magna opera Domini, exquisita in omnes voluntates eius. Delectasti me, Domine, in factura tua, & in operibus manuum tuarum exultabo.* Psal. 138. Psal. 110. Psal. 92. Admiranda sanè vel in flosculo Dei sapientia: quis artifex assequi poterit? Mirare in adeo exili flore tot varietates, odorem suauissimum, colorem eximium: quot sinus, quot recessus, quot denticuli, quot folliculi ex vna vagina collecti prodeunt! Sapiens nos ad formicam remittit, ut sapientiam discamus: *Prou. 6.* in qua quid magis mirere, an corpusculi partiumque tenuitatem, an animi magnitudinem? De apibus habet Virgilius: *In tenui labor, at vrg. lib. 4. Georg.* tenuis non gloria. Earum amorem erga fœtus, fortitudinem animorum, industriam scientiamque rei militaris, belli apparatus, artem ædificij erigendi, disciplinam domesticam, teste Plinio, sedulitatem in melle colligendo, aliaque admiranda, quis non suspiciat atque obstupefeat? Quis hominis totam fabricam depingere, quis partes singulas, compagesque corporis, & singulorum membrorum compositionem describere valeat? In hoc utique microcosmo, si in vlla alia re, Dei incredibilis eminet sapientia. Considerate vel vnicum oculum: quo artificio iudicioque capiti defixus est: & quidem in sinu quodam, velut caua pelui, vniuersus globus reponitur; tegitur verò, ne lædi possit acies, palpebra tactu molliore, velut folliculo, quæ contrahi remitti que possit cum *Oculi humani descriptio.*

velis; in cuius crepidine, cartilagine durata, cilia prodeunt, tamquam pilorum valli, arcendis ijs quæ intimè aperto oculo possent inuolare, & vt somno conuiuentibus, cum eo ad cernendum non egemus, tamquam inuolutus conquiescat. Ad latus hircus seu angulus à natura, eijciendis excrementis, relictus est, ac limus vertendis torquendisq; oculis opportunus. Naturæ præterea summus artifex oculos membranis tenuissimis vestiuit & sepsit: quas primùm perlucidas fecit, vt per eas cerni posset; firmas autem, vt continerentur. Sed lubricos oculos fecit, & mobiles; vt & declinarent si quid noceret, & aspectum, quò vellent, conuerterent: aciesq; ipsa qua cernimus, quæ pupilla vocatur, ita parua est, vt ea, quæ nocere possint, facillè vitet. Colores qui pupillam sepiunt, idonei dati ad species recipiendas conseruandasq;: nam in primis albumen iridem cingit; iris circulo pupillam ambit; pupilla denique sublustis, speculi instar, adeò perfectè res obiectas exprimit ac repræsentat, vt ea in illa vitam habere videantur. Quibus optimè substernuntur tunicae quatuor: quarum prima cornea, quæ alba est; altera vnea, quæ vix acinum externo liuore repræsentat; tertia vitrea, ab humore vitreo; quarta crystallina. Natura ijs conseruandis supercilia velut tegmen quoddà opacum suppeditauit, & ad dignitatem fronti conciliandam intercilium depile medium reliquit. Latent præterea oculi vtiliter, & excelsis vndique partibus sepiuntur: primùm enim superiora supercilijs obducta sudorem à capite & fronte defluentem repellunt; genæ deinde ab inferiore parte tutantur subiectæ, leuiterq; eminentes. Nasus ita locatus est, vt quasi murus oculis interiectus esse videatur. *Mirabilia opera tua, Domine, & anima mea cognoscit nimis.* Angustia capituli huius plura exprimere vetant; longè magis ea, quæ de ceteris corporis partibus dici possent, longiùs persequi.

Psalm. 138.

8. Eleganter, vt omnia, Cicero describit ex professo quæcumque rei natura (naturæ verò ascribit, quod Deo erat ascribendum, & quidem ideo quòd Deum ignoraret) attribuit; magnam occasionem præbens assurgendi in admirationem operum diuinorum, ac PERFECTIO-
NIS singulorum. Vbi de celestibus egit, lapsus ad inferiora, Principiò, inquit, eorum quæ gignuntur è terra stirpes stabilitatem dant ijs quæ sustinent, & è terra succum trahunt, quo alantur ea quæ radicibus continentur; obducunturque libro aut cortice trunci, quo sint & à frigidibus & à calidibus tutiores. Iam verò vites sic clauiculis adminicula tamquam manibus apprehendunt; atque ita se erigunt, vt animantes: quin etiam à caulibus brassicisque, si propter sati sint, vt à pestiferis & nocentibus refugere dicuntur, nec eos vlla ex parte contingere. Animantium verò quanta varietas est! quanta ad eam rem vis, vt in suo quæque genere permaneant! quarum aliæ corijs tectæ sunt, aliæ villis vestitæ, aliæ spinis hirsutæ: pluma alias, alias squama videmus obductas; alias esse cornibus

Cicero lib. 2. de natura Deorum, circa finem.
Stirpium descriptio.

Animantium Varietas.

cornibus armatas, alias habere effugia pennarum. & post multa similia: Miluo est quoddam bellum naturale cum corno; ergo aliter alterius, ubicumque nactus est, oua frangit. Illud verò ab Aristotele animaduersum, grues, cum loca calidiora petentes maria transmittunt, trianguli formam efficere: eius autem summo angulo aer ab ijs aduersus pellitur: deinde sensim ab utroque latere tamquam remis cursus auium leuatur: basis autem trianguli, quem grues efficiunt, ea tamquam in puppi ventis adiuuatur: hæc, in tergo prauolantium colla & capita reponunt; quod quia ipse dux facere non potest, quia non habet ubi nitatur, reuolat, ut ipse quoque quiescat. In eius locum succedit ex ijs quæ acquieuerunt, eaque vicissitudo in omni cursu conseruatur. Quæsiuit hic Ethnicus tribus libris Deum, cui hæc posset tribuere: non inuenit: naturæ attribuit, quæ vni, ignoto Deo, cuiusque sapientiæ, accepta referre debuisset.

9. Nec refert quod res huiusmodi subsidia atque adminicula requirant, defectusque quamplurimos patiantur. *Perfecta Dei operatione substantia ac species.* Perfecta nihilominus sunt Dei opera; nam substantia earum integra est, atque perfecta, totamque speciei essentiam ac naturam participat, quæ potissima PERFECTIO est: alioquin, ne ipsa quidem Sacramenta, à Christo Domino instituta, ornamentis suis carere possunt, ac solemnitatibus. Et sanè de Eucharistiæ Mysterio differens Apostolus, *etera, inquit, cum venero, 1. Cor. 11.* disponam. & ipsum Verbum æternum, in vtero Virginis conceptum, non eam statim altitudinem consecutum est, quam anno postmodum trigesimo; ac de eo sic Lucas loquitur: *IESVS proficiebat sapientia, & Luc. 2.* etate, & gratia, apud Deum & homines. Concludam hanc veritatem insigni testimonio doctissimi atque pientissimi viri Dionysij Carthusiani. *In Dent. c. 32.* Vnumquodque (ait) in sua specie, & quantum ad suum substantiale, perfectum est, quia species rerum consistunt in indivisibili; quia se habent ut numeri, in quibus quæcumque unitatis additio siue subtractio variat speciem. Itaque vnumquodque habet quod ad suam specificam requiritur rationem, atque essentialem PERFECTIONEM. In accidentalibus autem oportet proficere. Et hæc tenus quidem de his quæ Deo solo auctore producta sunt.

CAPVT

CAPVT VII.

*Vt omnia imperfecta diuina ordinatione oriantur;
ea ipsa tamen ad augmentum PERFECTIO-
NEM q̃ assurgere, hominiquē pro-
fectum in spiritu suadere.*

*Omnia nasci
imperfecta.*

I.

NON erit iam difficile probare, nihil enasci perfectum, quod ē causis secundis educitur, omniaque accessione & profectu indigere. Crescunt enim in terræ visceribus mineralia inclusa venis quibusdam subterraneis, alunturque terra molliori, seu defæcata quadam materia, quæ duobus veluti muris compacta, thesaurum illum abdit & asseruat; crescunt & stirpes, quæ, à paruo ortæ germine, in immensam altitudinem assurgunt: sed leo nullus vmquam annosus euasit, qui prius catulus non fuerit; & vrsus, informem fœtum ni lambat, vrsi figuram non videbit. Nullus vir natus est, sed infans in pueritiam migravit; deinde adoleuit, à iuuentute in virum mutatus est. Et licet olim creauerit Dominus nouum super terram, quando femina circumdedit virum, hic tamen paruulus natus est nobis, & filius datus est nobis.

Item. 31.

Ysa. 9.

2.

Gen. 1. & 9.

Verum ex nullo principio euidentius id demonstrari potest, quàm ex genesi ortuque rerum omnium; in quo Deus primùm Adamo, ceterisque animantibus, deinde Noë post diluuium, *Crescite, ait, & multiplicamini, & replete terram, & subijcite eam; & dominamini piscibus maris, & volatilibus celi, & vniuersis animantibus quæ mouentur super terram.*

3.

Quæ enim in hoc orbe inferiore à Deo condita sunt, materia constant, cuius natura est, aptam esse ad formas diuersas, quas non illico consequitur. Infans vnius diei non loquitur, non ambulat, non ratiocinatur, cibum non vsurpat. Habet quidem remotam ad illas operationes potentiam; deest tamen forma, actualisque facultas. Eadem ratio est de scientia: nam animus hominis quædam tabula rasa est, apta ad diuersas scientias recipiendas; ijs tamen caret, donec imprimantur & exarentur.

*Cur Deus vo-
luerit omnia
nasci imper-
fecta.*

I.

2. Voluit Deus omnia nasci imperfecta, vt mortales agnoscerent vnicum esse Deum, in quo sunt omnia, cui nihil deest; se verò faterentur indigos, Deo subiectos, nec se Deos opinarentur. Si enim tot maiorum, infirmitatum, calamitatumque segetibus, morti denique obnoxij, se Deos dixere plurimi; si longè plures sese extollunt pauculis naturæ muneribus præditi: quid facerent, si perfecti nascerentur?

Tardè

Tardè quidem, sed iustè Antiochus pronuntiauit: *Iustum est, hominem* 2. *Machab. 9.*
subditum esse Deo.

Deinde diuino consilio imperfecti nascimur, ne Ethnici aut Paga- 2.
 ni, imò & ingrati fideles opinarentur, aut æternum esse mundum, aut
 certè à seipsum habere omnia: quod eleganter expressit Hugo de S. Vi-
 tore. Propterea ceteris rebus prius informis materies facta est, ac deinde for- *Lib. 1. de Sac.*
 mata; ut eo ipso demonstraretur, quòd ab illo prius non existentia accepissent *P. 1. c. 2.*
 essentiam; sine quo modo formam & ordinem non poterant habere confusa. Eo-
 dem modo ipsa rationalis creatura quodam suo modo prius informi facta est, post-
 modum per conuersionem ad Deum creatorem suum formanda. Et idcirco prius
 foris demonstranda informis materia, postea formata; ut, quanta foret inter esse
 & pulchrum esse distantia, discerneret. Ac per hoc admonita est, ne contenta
 esset, eo quòd per condicionem esse à creatore acceperat, donec pulchrum esse at-
 que beatum esse adipisceretur, quod per amoris conuersionem à creatore acce-
 ptura erat. Diuus etiam Ambrosius tractans illa verba, Terra autem erat *Lib. 1. Hexa-*
 inanis & vacua, Quid est, ait, E R A T, nisi ne fortè in infinitum & sine prin- *meron, cap. 7.*
 cipio extendant opinionem suam, & dicant: Ecce quia materia, id est, hyle, sicut
 Philosophi dicunt, etiam secundum Scripturam diuinam non habuit initium?
 Verum hoc dicentibus respondebis, quia scriptum est, Erat autem Cain operans
 terram. Desinant ergo questionem mouere, cum pramiserit Moyses quia fecit
 Deus terram. Erat ergo, ex quo facta est. Terra ergo erat inuisibilis & in-
 composita. Hæc ille. Meritò igitur Deo tribui debet non modò omnis
 PERFECTIO, sed quicquid in nobis est: quia si inuestigemus aucto-
 rem omnium quæ in nobis sunt, enumerando singula, deueniemus ad
 materiam primam, vltra quam nihil reperies.

3. Voluit deinde Deus omnia oriri imperfecta, ut ipsæ creaturæ crea- 3.
 torem suum agnoscerent, & in necessitatibus suis ad eum recurrerent;
 quod certè insensibiles faciunt: quid enim summis caloribus terra ari-
 da fissuris suis aliud anniti videtur, quàm Deum inuocare pluuiæ paren-
 tem? Plantulæ enimvero atque arbuta crescunt, cælumque petunt
 ascensu, ramos & brachia expandunt in amplexum conditoris sui, quasi
 gratias agere niterentur. Quid de bobus dicam? *Oculi omnium* (ait Pro- *Psal. 144.*
 pheta) *in te sperant, Domine; & tu das escam illorum in tempore opportuno:*
aperis tu manum tuam, & implebis omne animal benedictione. Qui dat inmentis *Psal. 146.*
escam ipsorum, & pullis cornuorum inuocantibus eum. Solus homo, qui cun-
 cta quæ in omnibus creaturis sunt participat, ab infimis euectus ad sum-
 ma, ingratus conditorem suum non agnoscit. Cur ita? *Quia incrassatus* *Deut. 32.*
est dilectus, & ideo recalcitrauit: incrassatus, impinguatus, dilatatus, de-
reliquit Deum factorem suum, & recessit à Deo salutare suo. Quid ergo fe-
 cisset, si omnia simul, quæ forent ei necessaria, proximo suo ortu acce-
 pisset? Vult ergo Deus ut tu ipsum conditorem agnoscas, ad se tam-
 quam

G

quam

quam ad patrem recurras, eum, beneficijs acceptis, impensius diligas; ipse tuo recurſu gaudeat, te complectatur, & vt filium obſequentem, præſentem, & aliquid poſtulantem perpetuo videat, quia eius delicia ſunt eſſe cum filijs hominum.

Prou. 8.

4.

Deut. 32.

*Profectus ſeu
accretio ſpiri-
tualis ac mul-
tiplicatio à
Deo præcipitur.*

a Gen. 1.

Lib. 14. ciuit.

Dei, c. 21. 22.

Pſal. 137.

*Hom. 1. in Ge-
neſ. ſub ſinem.*

4. Vult denique hominem creſcere animo & virtute, exemplo deſumpto ex omnibus creaturis: & hoc eſt vnicum eius deſiderium, hæc vnica creationis hominis redemptioniſque humani generis cauſa; hæc ratio è cælo Deum ipſum in ſtabulum, in omnia poenarum genera, in crucem ipſam ignominioſam egit: vbi ſicut aquila pronocans ad volandum pullos ſuos, & ſuper eos volitans, expandit alas ſuas, eoſque portauit in humeris ſuis. Hoc ergo voluntatis ſuæ beneplacitum poſt diem ſeptimum, rebus omnibus conditis, denuntiavit, dicens: *Creſcite & multiplicamini.*

Idipſum quoque intelligi voluit de augmento & proſectu virtutum, vt nonnulli Patres interpretantur, teſte D. Auguſtino. Quidam (ait) volunt hæc verba non ſecundum carnalem ſecunditatem intelligi, quia ſecundum animam legitur tale aliquid dictum, *Multiplicabis in anima mea virtutem.* Hæc ille. Certè Origenes elegantiffimè ad animam transfert. Videamus (ait) quomodo ad imaginem Dei homo factus ſit maſculus & femina. Interior homo noſter ex ſpiritu & anima conſtat. Maſculus ſpiritus dicitur; femina autem anima poſeſt nuncupari. Hæc ſi concordia inter ſe habeant, & conſenſum, conuenientia inter ſe creſcunt & multiplicantur, generantq; filios ſenſus bonos, & intellectum vel cogitationes vtilis, per quæ repleant terram, & dominantur in ea; hoc eſt, ſubiectum ſibi ſenſum carnis ad meliora conuertunt, & dominantur eis, ſcilicet cum in nullo caro contra voluntatem ſpiritus inſoleſcit. Hæc ille.

*Ad proſectum
ſpiritualem
auxilia pro-
mittuntur.*

1. Cor. 9.

1. Cor. 3.

Prou. 12.

Pſal. 2.

5. Nec mirum ſi animus creſcere debeat, cùm omnia corporalia, quæ creſcunt & perficiuntur, in eius gratiam condita ſint. Paratus enim Deus, vt terris pluuiam, animalibus alimenta aliaque ſubſidia, ita & nobis gratiam ſuam ad augmentum præbere. Ita enim ſcribit Apoſtolus: *Potens eſt autem Deus omnem gratiam abundare facere in vobis; vt in omnibus ſemper omnem ſufficientiam habentes, abundetis in omne opus bonum, ſicut ſcriptum eſt: Diſperſit, dedit pauperibus; iuſtitia eius manet in ſæculum ſæculi. Qui autem adminiſtrat ſemen ſeminanti; & panem ad manducandum præſtabit, & multiplicabit ſemen veſtrum, & augebit incrementa frugum iuſtitie veſtre: vt in omnibus locupletati, abundetis in omnem ſimplicitatem, quæ operatur per nos gratiarum actionem Deo.* Quod exemplo demonſtrauit idem Apoſtolus alibi. Ego (ait) plantaui, Apollo rigauit, ſed Deus incrementum dedit. Idem Deus promiſerat per Sapientem: *Radix iuſtorum proficiet.* Nec mirum; illa enim defixa ſecus decurſus aquarum, fructum dabit in tempore ſuo; folium eius non deſluet, & omnia, quacumque faciet, proſpera buntur.

6. Ad

6. Ad hunc profectum nos hortatur Apostolorum Princeps in fine epistolæ suæ, loco epiphonematis. *Crescite (ait) in gratia & in cognitione Domini nostri & Salvatoris IESV Christi.* Modum verò crescendi proponens alibi, *Sicut modò, ait, geniti infantes lac concupiscite; ut in eo crescatis in salutem.* insinuans nos in profectu spiritali similes esse debere infantibus, qui lacrymis, eiulatu, voce qua possunt fractâ, mamillas exposcunt, summo impetu atque ardore in papillas irruunt. Longè etenim nobilius suauiusque est lac quod è Christi hauritur mamilla, cum ad nos paruulos alendos, tum ut crescamus in salutem, ætatemque perfectam. Illud prætermittendum non est, B. Petrum velle nos crescere in gratia & cognitione IESV. Idipsum & D. Paulus inculcat. *Ambuletis (inquit) digne Deo per omnia placentes, in omni opere bono fructificantes, & crescentes in scientia Dei.* Sicut enim in beatitudinis statu visio Dei, eiusque beatificus amor, hominis desiderium complent & satiant: ita etiam sitis acquirendæ gratiæ per bona opera, ac illustrior quædam Dei cognitio, hominem incredibiliter promouent, & quodammodo in statu beato atque perfecto constituunt; qui in hac vita est, semper crescere ac currere, si quo modo apprehendere possit.

Mirum autem hîc fortè alicui videbitur, quòd vterque Apostolus scientiam, quæ operationis ac dilectionis causâ esse solet, easque præcedit, gratiæ & operibus postponat, velitque nos primùm in gratia & multiplicatione bonorum operum crescere quàm scientia. Ita est sanè: etsi enim ex fidei lumine opera virtutum procedant; scientia tamen experimentalis, lumenque sapientiæ, ex caritatis ardore & operum fulgore oritur, & à Deo, qui liberalitate vinci non vult, in præmium meritorum infunditur.

7. Efficacissimo verò argumento vtitur Apostolus Paulus ad nos impellendos ad hoc studium virtutis, cum nos esse de corpore Christi declarat, & augmento nostro Christi corpus dilatari, ampliari, ac perfici; deformitatem verò magnam videri, si crescant alia membra, verbi gratia digiti quatuor, quintus verò contrahatur; aut brachium alterum extendatur, alterum æquè curtum maneat, ac primo natiuitatis die. Sic enim Paulus loquitur: *Veritatem autem facientes in caritate, crescamus in illo per omnia, qui est caput Christus; ex quo totum corpus compactum & connexum per omnem iuncturam subministrationis, secundum operationem in mensuram vniuscuiusque membri, augmentum corporis facit in adificationem sui in caritate.* Item in ædificio Ecclesiæ nos lapides desiderari, hiatumque inueniri, quòd nondum expoliti simus, locusque expectet nostram expolitionem. *Iam enim non estis (ait) hospites & aduenæ, sed estis ciues sanctorum, & domestici Dei, superædificati supra fundamentum Apostolorum & Prophetarum, ipso summo angulari lapide Christo IESV: in quo omnis adifi-*

G 2

catio

Condiciones
accretionis.

1.

Isaia 55.

2.

3.

Apo. 3.

catio constructa crescit in templum sanctum in Domino; in quo & vos coedificamini in habitaculum Dei in Spiritu. Ex quibus omnibus patet, in primis, ut quis crescat & proficiat, vitijs omnibus exuatur opus esse, (quod est primum officium iustitiæ Christianæ) maximè ijs quæ Dei amicitiam excludunt. Ne crescat vrtica, sed, ut ait Propheta, *pro vrtica myrtus*; fructus nimirum pretiosus, & boni odoris. Deinde sollicitè Dei gratiam quærat, conferuet, & augeat. Denique frequenti operum multiplicatione virtutes acquirat & amplifcet, quibus & se perficiat, & Christi corpori ædificioque Ecclesiæ splendore sit & honori. Quid parumne tibi est, membrum esse corporis Christi, qui Deus est, qui regnat in cælis gloriosus? parumne, non hospitem esse, sed ciuem sanctorum, & domesticum Dei, supra fundamentum Apostolorum, imò super ipsum lapidem angularem collocari? crescere in habitaculum Dei in Spiritu sancto? Verùm corpus Christi crescere debet. Si membrum vnum non crescat toto corpore crescente, amputari debet, aut deformitatem adferet corpori adeò perfecto. Crescere debet & Dei templum. Si ædificationi te subtrahis, caue; & tene quod habes, ut nemo accipiat coronam tuam.

CAPVT VIII.

Profectus spiritualis suadetur exemplo Iosephi Patriarchæ.

Gen. 49.

Gen. 39.

Gen. 41.

Gen. 48.

Tria accretio-
nis capita.

8. **E**XEMPLO nobis erit Ioseph Patriarcha, cuius nomen incrementum, accretionem, seu accessionem significat; cui parens moriturus in hæc verba benedixit: *Filius accrescens Ioseph; filius accrescens, & decorus aspectu.* Carus enim in adolescentia parenti, & ipsi præ ceteris in delicijs fuit: toga donatus est polymita, singularis benevolentia indice; quæ fratribus magnum inuidia odijque fomitem ministravit. In Ægyptum venditus, vxoris Putipharis salacioris incontinentia in carcerem compactus est. Profuit ipsi depressio hæc, & ad statum sublimiorem prouexit. Exposito namque Pharaonis somnio, pater patriæ, regni reconomus, & seruator mundi, præconio publico appellatus est. *Filius ergo accrescens Ioseph.* Creuit quoque in filiis suis Ephraim & Manasse, qui inter filios Iacob, seu duodecim Patriarchas, annumerati sunt, sicut Simeon & Ruben. His ergo & *condiciones profectus spiritualis, & modus proficiendi, & consummatio seu apex ac gloria accretionis colliguntur atque exprimuntur ab ipso.*

9. Con-

9. Condiciones porrò profectus tres sunt: quarum prima est, vt, qui ^{Caput 1.} crescere ac proficere vult, carus sit parenti, & si fieri potest, vulgaribus ^{Condiciones} longè superior: id est, præter gratiam, quæ Deo hominem amabilem ^{tres.} reddit, desiderium habeat incensum Deo placendi, ac proficiendi. Vt ^{1. Condicio.} enim nemo crescere augerique possit destitutus vita; sic qui in pecca- ^{Vita spiritua-} to est, spiritu vitæque cælesti destitutus, vitales actiones exercere, ali, ^{lis, eaq; con-} augeri, ac proficere nullo modo potest; sed nec is, qui adeò languidus, ^{stans.} vt labi se identidem in mortem animæ patiat. Is non fallatur: nemo proficere, nemo crescere potest, qui constans non steterit. *Iustus enim* ^{Psalm. 91.} *vt palma florebit, sed plantatus in domo Domini, in atrijs domus Dei nostri.* Hinc versio Hebraica ita sonat, *Filius frugifer Ioseph, filius frugifer iuxta fontem:* quasi velit parens eum crescere ac proficere ad similitudinem fontis, aut instar arboris iuxta fontem aquarum plantatæ. Debet igitur esse arbor, & viuæ quidem; alioquin etiam iuxta decursum aquarum immensum putresceret. Plantata sit necesse est, ac fixa; alioquin alimentum non suget, sed arefcet, fierique idonea flammæ materia. *Quid ex-* ^{Matth. 11.} *istis, ait Christus, in desertum videre? arundinem vento agitatam?* an verò robur altissimè defossum? et si enim non oblit ramis agitari, radix tamen concuti non debet, sed defigi, vt ne moueri quidem possit. Constantiam hoc indicat in eo qui crescere vult. Verum quid si humorem non habeat, etiam plantata, fixa, altè lateque in terram protensa? vbertim non crescit, non profusè, non fructuosè; quia sine gratiæ Dei præsentia, ac cælesti rore, accedente tentatione, rami radixque moriuntur: sed si fons limpidus ac copiosus transcurrat, & subinde idem fontis riuus accrescat, infletur, augeaturque, vires radici accedent maiores, succus per corpus & brachia arboris diffundetur, vnde fructus vberimus oborietur. Ita D. Paulus, qui aruerat huius aquæ defectu. *Gratia Dei (ait)* ^{1. Cor. 15.} *sum id quod sum, & gratia eius in me vacua non fuit, sed abundantius illis omnibus laboravi: non ego autem, sed gratia Dei mecum.*

10. Altera condicio desumitur ex toga polymita, diuersique coloris. ^{2. Condicio.} Qui enim crescere vult, necesse est habeat omnes virtutes Theologi- ^{Virtutum om-} cas, Cardinales, Morales animæ inhærentes, designatas per illam co- ^{nium radices} loris varietatem: quæ varietas adeò connexa est gratiæ habituali, vt hæc sine illa numquam infundatur, sicut indicat Regius Propheta. *Astitit* ^{Psalm. 44.} *(inquit) Regina à dextris tuis in vestitu deaurato, circumdata varietate.* Vestitus iste est vestis nuptialis caritatis, qua induimur in baptismo. *Quicumque enim in Christo baptizati estis, Christum induistis.* Certè per ^{Gal. 3.} Ioseph Christus designatus est, qui, si quis alius, filius accrescens & frugifer fuit, habuitque togam hanc polymitam ab initio conceptionis suæ; quam & in baptismo nobis communicat, cum, exuentes primum hominem cum actibus suis, Christū induimus cum omnium virtutum

elegantissima varietate. Dico hanc virtutum complexionem præsupponi: nam omnis industria ac studium profectus defudat in augendis virtutum habitibus; qui sanè augeri non possunt, nisi existant, & à studio virtutis possideantur.

3. Condicio.
Proficienti
multa solle-
vanda.

Luc. 21.

Ioan. 15.

3. Tim. 3.

Ioan. 15.

Iob 28.

Caput 2.
Proficienti
modus varijs
metaphoris ac
similibus ex-
pressus.

1.

Epist. Iuda.

2.

Iob 31.

Psalm.

11. Verùm hæc invidiæ & odij sæculi huius amatoribus non exiguum fomitem subministrant. Acris enim reprehensio vitiorum est vita immaculata: in ea, vt in fonte limpido, facies maculosas pravi intuentur; quarum etsi maculas probent & diligant, eas tamen ferre non possunt, nec videre, & ab alijs videri nullo modo volunt: ideo virtutis odere studiosos, ac persequuntur; & cum possunt, eos in exilium mittunt. Hoc Christus sapienter, vt omnia, expressit. Tradimini (ait) à parentibus, & fratribus, & cognatis, & amici, & morte afficient ex vobis, & eritis odio omnibus hominibus, propter nomen meum. Cuius alibi reddit rationem: Si mundus vos odit, scitote quia me priorem vobis odio habuit. Si de mundo fuissetis, mundus quod suum erat diligeret: quia verò de mundo non estis, sed ego elegi vos de mundo, propterea odit vos mundus. Non reputet ergo, quicunque ad PERFECTIÖNEM aspirat, se præter virtutis suauitatē ac delicias aduersi nihil inuenturum. Aliter res se habet. Omnes qui pie volunt viuere in Christo IESU, persecutionem patientur. Non est seruus maior Domino suo. Si verò sponte non occurrant aduersa, omnino quærendæ sunt occasiones subiiciendæ carnis, & Putipharis salacem vxorem domandi fugadiq; etsi in carceres religiosos compingi, aut pœnas graues quisque sibi infligere debeat: non enim inuenitur sapientia in terra iuauiter viuentium.

12. Modus verò proficiendi exprimitur pulcherrimis hisce metaphoris, fontis intumescens, arboris iuxta riuum plantatæ, eiusdemque frugiferæ: filius enim frugifer Ioseph, filius frugifer. Vult enim Deus frugiferas arbores, non infructuosas; non homines quibus satis est corpus alere, & instar ligni ampliari ac dilatari; sed qui in sese crescunt, & se ipsis in dies maiores euadant, atque veluti alter Ioseph crescunt in mille millia, Christo filios parientes, in se bonorum operum, & in alijs veros Dei cultores, qui Christum patrem cognoscant, colant, eumque obseruent. Reprobantur enim infrugiferi à D. Iuda. Hi sunt (ait) in epulis suis macule, conuiuantes sine timore, semetipsos pascentes, nubes sine aqua, quæ à ventis circumferuntur, arbores autumnales, infructuosæ, bis mortuæ, eradicae, fluctus feri maris, sidera errantia.

Quod ad fontis incrementum attinet, etiam in potestate nostra est fontis illius seu gratiæ venas augere. Certè D. Iob se hoc fecisse testatur. Ab infantia (inquit) mea creuit mecum miseratio, & de vtero matris meæ egressa est mecum. Quomodo creuit? Hæc ratione, multa nempe opera misericordiæ exercendo. Si negari, (inquit) quod volebant, pauperibus,

peribus, & oculos vidua expectare feci: si comedi buccellam meam solus, & non comedit pupillus ex ea. Docet enim D. Thomas, quod, quotiescumque *D. Thom. 2. 2. q. 114. art. 8.* opus aliquod meritorium iustus operatur, augeatur gratia habitualis, & simul habitus illius virtutis, quam exercemus; quod Sapiens disertè significat, dicens: *Iustorum semita, quasi lux splendens, procedit & crescit Prov. 4. vsque ad perfectum diem.* ducta metaphora à sole oriente & procedente, qui quo magis ad meridiem accedit, eo maiore mundo adfert splendorem: sic & iustorum virtus, procedens operum iustitiæ multiplicatione, usu, atque exercitio, & gratiam reddit auctiorem, & habitum intensiorem; unde lumen quoddam animi & agendi facilitas amplior acquiritur.

Alia crescendi ratio ab arboris, quam riuus alluit, augmento, atque progressu, ascensuque desumitur. Cum enim plantula è germine prodit, exigua est, atque humillima; accretione fit altior, & in arboris celsitudinem assurgit; diciturque creuisse, quando summitas seu vertex remotior fit à terra, caloque propinquior. Sic & puer grandior factus dicitur, cum à terra recessit, & vertice calis vicinior est. Ita etiam hominem profecisse tum demum arbitrare, si à terrenis affectibus cupiditatisque abscesserit, eas oderit, graue illi fuerit gustare, tangere, delectari, ne dicam repenti ventre serpere, in ijs volutari & acquiescere; animo verò sit calo vicinior, & dicat cum Apostolo: *Nostri Phil. 3. conuersatio in calis est. Quæ retro sunt obliuiscens, ad priora meipsum extendo: Ibidem. quæ sursum sunt quæro, ubi Christus est in dextera Dei sedens; quæ sursum sunt Colof. 3. sapio, non quæ super terram.*

13. Ioseph fuisse accrescentem, dum in oculis suis paruus nullam habebat superbiendi occasionem, non admodum magnum videri; sed omni tempore nominis sui significationi respondisse, summum reputari debet. Creuit dignitate, hominum opinione, honore & gloria, prolisque propagatione; creuit & sapientia & virtute, qua & Ægyptum sapientissimè rexit, & patri sanctissimo admirationi fuit. Testatur id benedictio quam ei & filijs impertiuit. Ex quo discimus, eos demum ad dignitatum honorumque apices euehentos, qui impensè PERFECTI ONIS studio & crescendi in virtute desiderio singulari tenentur. Cum enim alios regere atque incendere debeant; id numquam facient, si languidi frigidi que sese ipsi nequeant accendere ac promouere. Quomodo enim à vitijs auocare subditos poterunt, quibus ipsi illigantur? quomodo ad ardua capeffenda inflammare, si flamma careant? si igne? si calore? imò si intus gelidi sint? si nihil exterius, præter zeli simulacrum, affectatæque sanctitatis similitudinem appareat? Illis Iacob non benedixit, vt filio Ioseph, sed maledictionem impertiuit, dicens: *Ruben primogenitus meus, non crescas, quia ascendisti cubile patris tui. Gen. 49.*

Fræda-

Fœdauērat Ruben cubile patris: ij fœdant Dei cubile, qui animum, vbi Deus requiescit, vitijs inquinant; exteriùs ornamenta virtutis ostentant, interiùs excludunt. Ascendunt vitiorum cubilia, à virtutum verò culmine ruunt præcipites.

CAPVT IX.

*Idem profectus & accretio suadetur testimoniis
sanctorum Patrum.*

*Eum qui non
proficit, defi-
cere.
Past. parte 3.
c. 35.*

*Hom. 1. in Ge-
nesim.*

Apoc. 3.

*Epist. 253. ad
Abbatem
Guarinum
Alpensem.*

14. **I**LLVD namque cum sanctis Patribus statuendum videtur, *Eum qui non proficit, deficere; & qui non graditur, retrocedere.* Quod D. Gregorius fusè prosequitur. *Admonendi sunt (ait) qui inchoata bona minime consummant, ut tanta circumspeditione considerent, quia, dum proposita non perficiunt, etiam quæ fuerant capta conuellunt. Si enim quod videtur gerendum, sollicita intentione non crescit, etiam quod fuerat bene gestum decre- scit. Addit appositam similitudinem. In hoc quippe mundo humana ani- ma, quasi more nauis contra ictum fluminis condescendentis, vno in loco nequa- quam stare permittitur; quia ad ima relabitur, nisi ad summa conetur.* Ori- genes verò in illa verba, *Crescite & multiplicamini*, longè grauiùs eos, qui non proficiunt, inculcat. *Iam verò (ait) si anima coniuncta spiritui, atque eius (ut ita dicam) coniugio copulata, declinet aliquando ad corporeas volupta- tes, sensumq. suum in delectationibus carnis inclinet, & aliquando verò videat- ur obtemperare salutariis monitis spiritus, aliquando vitijs carnalibus cedat, talis anima, velut adulterio corporis maculata, neque crescere neque multiplicari legitime dicitur; quoniam filios quidem adulterorum imperfectos scriptura desi- gnat. Talis enim anima, quæ spiritus coniunctione discreta, sensui se carnis & desiderijs corporalibus totam prosternit, velut auersa à Deo imprudenter audiet: Quia facies meretricis facta est tibi, sine pudore affecta es ad omnes.* Vis argu- menti Origenis est, eos proficere non posse, qui perpetua inconstantia agitantur; nunc spirituales, nunc animales; nunc calidi, nunc frigidi; & à spiritu incipientes, in carnem degenerant; de quibus ita Deus que- ritur: *Vtinam frigidus esses aut calidus! sed quia tepidus es, incipiam te euomere ex ore meo.* Verum D. Bernardum audiamus magistra doctum expe- rientia differentem. *Quod si (ait) studere PERFECTIONI, est esse perfectum; profecto, nolle proficere, deficere est.* Vbi ergo sunt qui dicere solent, *Sufficit nobis, quia volumus esse perfectiores quàm patres nostri?* O Monache, non vis proficere? Non. Vis ergo deficere? Nequaquam. Quid ergo? Sic mihi (inquis) vivere volo, & manere in quo perueni: nec peior fieri patior, nec melior. Hoc ergo

ergo vis, quod esse non potest: quid enim stat in hoc seculo? & recte de homine specialiter dictum est, Fugit velut umbra. Et paulo post: Quid prodest Christus sequi, si non contingat consequi? Ideo Paulus aiebat: Sic currite, ut comprehendatis. Ibi tu, Christiane, fuge tui cursus profectusque metam, ubi Christus posuit suam. Factus est obediens usque ad mortem. Quantumlibet ergo cucurreris, si usque ad mortem non peruenieris, brauium non apprehendis. Brauium Christus est. Quod si illo corrente tu gradum sistis, non Christo appropias, sed magis elongas; timendumque est tibi quod ait David: Ecce, qui elongant se à te, *Psal. 76.* Domine, peribunt. Itaque si proficere, currere est: ubi proficere, ibi currere desinis; ubi verò non currere, ibi & deficere incipis. Hinc planè colligitur, quia nolle proficere, non nisi deficere est. Vidit scalam Iacob, & in scala Angelos, ubi nullus residens, nullus subsistens apparuit, sed vel ascendere vel descendere videbantur vniuersi: quatenus palam daretur intelligi, inter profectum & defectum, in hoc statu mortalis vitæ, nihil medium inueniri; sed quomodo ipsum corpus nostrum continuo crescere constat, aut decrescere, sic necesse est spiritu aut proficere semper, aut deficere. Eadem pæne repetit de scala, scribens ad Abbates Sueffione congregatos, & addit: Non habemus hic manentem civitatem, nec futuram possidemus, sed inquirimus. Aut ascendas necesse est, aut descendas: si attentas stare, ruas necesse est. Minimè, pro certo, est bonus, qui melior esse non vult; & ubi incipis nolle fieri melior, ibi tum desinis esse bonus. Hæc Diuus Bernardus.

15. Redeamus ergo ad præceptum illud generale, quod viuentibus omnibus initio mundi denuntiatur: Crescite & multiplicamini. Crescite in vobis, multiplicamini in femine: vos ipsos primùm promouete, virtutum deinde vestrarum semina in alijs multiplicare. Et quidem de profectu nostro in primis cogitandum nobis est, ubi cuncta Dei mandato augeri aduertimus. Frumenti namque semen terræ mandatur, mortuum deinde in culmum assurgit; nec quiescit, donec spicam semenque profuderit. Ad quod imitandum Gregorius nos hortatur, dicens, quod cum bona desideria concipimus, semen in terram mittimus; cum verò operari rectè incipimus, herba sumus; cum autem ad profectum boni operis crescimus, ad spicam peruenimus; cumque in eiusdem operationis PERFECTIO NE solidamur, iam plenum frumentum in spica proferimus. Dicit eodem loco, virtutum gradus gradibus portæ Orientalis adumbrari. Quid gradus sunt huius portæ, (ait) nisi merita virtutum? Nemo enim repente fit summus, sed in bona conuersatione à minimis quisque inchoat, ut ad maiora perueniat. Denique Bernardus: Numquam iustus existimat se comprehensisse; numquam dicit, Satis est; sed semper estur sititque insistiam: ita ut, si semper viueret, semper, quantum in se esset, iustior esse contenderet, semper de bono in melius proficere totis viribus conaretur. Non enim ad annum, aut ad tempus, instar mercenarij, sed in æternum diuino se

Gen. 1.
Accretio & multiplicatio duplex.
1. In se.

Greg. lib. 2. in Ezech. hom. 15.

Epist. dicta ad Guatimum.

mancipat famulatui. Hæc Diuus Bernardus.

16. Vehementer incitari deberemus ad profectum ex hoc capite: quod sicut agricolæ nihil gratius est, quàm laborum suorum messem fructumque percipere; ita nihil gratius Deo præstari potest, quàm ut immensis eius laboribus, quos in promerenda nobis gratia sustinuit, cooperemur, eiusque studia in nobis promoueamus. *Hæc est enim voluntas Dei, sanctificatio nostra.* Quin etiam sanctificationem nostram cibum suum, quo reficitur, esse reputat. *Meus cibus est,* (inquit) *ut faciam voluntatem eius qui misit me, ut perficiam opus eius.* Quod Bernardus, tractans hæc verba, *Qui pascitur inter lilia*, eleganter prosequitur. *At pascens* (ait) *ita puto nihilominus pascitur & ipse, & quidem escis quibus libenter reficitur, profectibus nostris. Cibus eius penitentia mea, & cibus eius salus mea, cibus eius ego ipse. An non cinerem tamquam panem manducat?*

1. Thessal. 4.

Ioan. 4.

Serm. 71. in Cant.

Multiplicatio duplex. 1. In se. 2. Psal. 83.

En Psal. 137.

Multiplicatio varia. 1. Corporea.

2. Temporalis.

3. Vitiosa seu terrena.

17. Vult Dominus nos crescere, sed non tantum; vult etiam & multiplicari. Non enim est satis, nos esse Christianos, fidem in nobis esse, spem, si velis, & caritatem; vult, inquam, in omni virtutum genere augeri ac multiplicari. Quomodo augeri? *Beatus vir* (ait Propheta) *cuius est auxilium abs te: ascensiones in corde suo disposuit, in valle lacrymarum, in loco quem posuit. Etenim benedictionem dabit legislator, ibunt de virtute in virtutem; videbitur Deus deorum in Sion.* Quomodo multiplicari? D. Augustinus non minus copiosè quàm piè prosequitur hanc multiplicationem, explicans hæc verba Psalmistæ: *In quacunque die invocauero te, exaudi me: multiplicabis in anima mea virtutē: vel* (ut ipse legit) *cito exaudi me; multiplicabis me in anima mea virtute.* Sic ergo ait: *Multis modis multiplicatio intelligi potest. Est multiplicatio terrena generationis, secundum primam generationis naturam benedictionem, quam audimus: Crescite & multiplicamini, & implete terram, & dominamini ei.* Sicne ille volebat multiplicari, qui dicebat, *Cito exaudi me?* & ista multiplicatio fructuosa est, & non venit nisi de benedictione Domini. Iam quid dicā de alijs multiplicationibus? Multiplicatus est ille auro, ille argento, ille pecoribus, ille familia, ille possessionibus, ille his omnibus: cum ergo sint multe multiplicationes, quam multiplicationē querit, qui dicit, *Cito exaudi me?* ait enim, *Multiplicabis me.* Expectamus audire in quibus. Audi ergo: *In anima mea.* Non in carne mea, sed in anima mea. Estne adhuc quod addatur, ne fortè & multiplicatio in anima non continuo felicitatem significet? Etenim curis & furijs homines in anima multiplicantur: multiplicatus videtur in anima, in quo etiam multiplicata sunt vitia. Ille tantummodo auarus est, ille tantummodo superbus, ille tantummodo luxuriosus; iste & auarus, & superbus, & luxuriosus: multiplicatus est in anima sua, sed malo suo. Multiplicatio ista egestatis est, non vbertatis. Ergo quid tu, qui dixisti, *Cito exaudi me, & te abstulisti ab omni corpore, & omni terrena re, ut diceres Deo, Multiplicabis in anima mea?* adhuc explana quid desideres. *Multiplicabis me* (inquit) *in anima mea virtute.* Ex-

pressum

pressum votum, expressum desiderium. Si diceret, Multiplicabis me; terrena nescio quæ cogitares: addidit, In anima mea. Rursus, ne in anima vitia cogitares, addidit, Virtute. Hæc Augustinus.

18. Dixit postremò Deus hominibus: Replete terram, & subjicite eam, & dominamini piscibus maris, & volatilibus celi, & uniuersis animantibus quæ mouentur super terram. Subijciendam in primis mandat terram corporis nostri rationis imperio. Significant deinde animantium genera diuersa & ferocia passionibus efferas & vitia indomita in nobis, quibus homines dominari præcipit; quod disertè Chrysostomus explicat. *Quemadmodum* (inquit) *in terra hac spatiosa & lata animantium alia mansuetiora, alia ferociora; ita in latitudine anime nostræ cogitationes alia sunt magis pecunæ & irrationales, alia ferociores & agrestiores: domandæ igitur illæ sunt, & rationis imperio magistrandæ. Et quomodo quis cogitationem ferociorem compescet? Quid dicis, homo? leonibus imperamus, & eorum animos mansuetos reddimus; & dubitas num mentis ferociam in mansuetudinem mutare possis? Quamuis natura bestię feroces sint, & præter naturam mansuetæ; contra tu præter naturam ferox, natura autem mitis. Et qui bestiis id quod natura eis inest auferre, & quod eorum naturæ aduersum inferre potes, id quod natura tibi præstitit conseruare non potes? Iam, quod his admirabilius est, leonum naturæ & alia difficultas inest. Rationis participes non sunt, & nihilominus sæpe videmus eos duci mansuetos per forum, multiq; ex officinis nummos vt mercedem artis & industriæ mansuetario numerant. Anima verò tua ratio concessa est, & Dei timor, & alia vndeque adminicula. Ne igitur prætextus & causationes adfer: potes enim, si vis, mansuetus esse, & placidus, & equus; & ceteris virtutum generibus pollere, vt deinceps docet Chrysostomus.*

19. Refert Isidorus dominium istud ad ordinem hierarchicum, quo alij alijs subiunguntur. Et sanè in republica Christiana diuersi generis homines sunt: quidam vt pisces maris peccata sua desunt, & penitentiam agunt; quidam instar pecorum & iumentorum colla perpetuò in terram demittunt, corpori alendo querendisq; diuitijs occupatissimi. Hi cornua habent, & nonnumquam in suos familiares sæuiunt, & indomitis passionibus indulgent; arma denique comparant, quibus alijs interitum adferant. Sunt & volucres celi homines spirituales, qui ab huius corporis colluie segregati, altius auolant, res omnes caducas sub se intuentur, & in cælum, cælorumq; æternitatem, quam animo præcipiunt, infatigabiliter aspirant. Vult ergo Dominus hominem humilissimi præesse, dominari, regere imperio, solari mœstos, excitare tardiores, pecorumq; more viuentes. Vult enim & hos à terrenis faciibus auocari, erigi, ac diuinis legibus conformari, auctore Psalmista: *Homines & iumenta saluabis, Domine; quemadmodum multiplicasti misericordiam tuam, Deus.* Sed & aues celi regi debent, præsertim pulli clamantes,

Psal. 16.

Psal. 35.

Proficere oportere, qui alijs præsunt.
Psal. 132.

Phil. 3.

Matth. 16.

Eccli. 31.

Ezech. 22.

Gen. 26.

Phil. 3.

1. Cor. 9.

mantes, *Sub umbra alarum tuarum protege nos, ne à miluo rapiamur: additenim Propheta, Filij autem hominum in tegmine alarum tuarum sperabunt.*

20. Illud tamen exploratum est; eum qui hisce præesse volet, & multiplicare semen, crescere & ipsum omnium primum oportere: nam prima benedictio cadit in parentem. *Sicut unguentum in capite, quod descendit in barbam, barbam Aaron, & in oram vestimenti eius.* Qui enim alios regunt, Deo debent esse ceteris cariores ac familiariores; ut facile ab eo obtineant, quod suis volunt impertiri. Si verò sunt studiosi PERFECTI ONIS, qui ea quæ retro sunt obliuiscunt, ad anteriora se conuertunt, & insigniter proficiunt. Idem quoque alijs magno sunt incitamento: cumque maxima sit vis exemplorum; sola insitæ virtutis opinione plus persuadent, quam alij longo verborum circuitu. Irati deinde numinis plagas eorum qui præsunt est à subditis auertere, Deique conciliare beneuolentiam. Quod ceteris efficacius faciunt, qui PERFECTI ONI dant operâ, utpote Deo gratiores. Denique, quidquid sit de alijs, cum prima salutis suæ cura ac ratio habenda sit, *Quid prodest homini, si mundum uniuersum lucretur, anima verò suæ detrimentum patiatur? aut quam dabit homo commutationem pro anima sua? verum quis est hic? & laudabimus eum.* Quæsiui, ait Ezechiel, de eis virum qui interponeret sepem, & staret oppositus contra me pro terra, ne dissiparem eam; & non inueni: & effudi super eos indignationem meam, in igne iræ meæ consumpsi eos.

21. Certè de Isaac scripsit Moyses quòd benedixit ei Dominus, & locupletatus est; & ibat proficiens atque succrescens, donec magnus vehementer effectus est: habuit quoque possessiones ouium & armentorum, & familia plurimum. Egregia hæc figura est, adumbrans ordinem quem in Ecclesia Deus seruari voluit: ut qui ad regendas oues & armenta assumuntur, ad regendam nimirum Christi familiam amplissimam, hi primum omnium benedicti sint à Deo, gratiaque eius excellenti donati, atque Deo sint quàm amantissimi. Tum eant proficientes & succrescentes de virtute in virtutem; efficiantur in gratiæ amplitudine & virtutum gloria magni vehementer: & censebuntur idonei qui ouium & armentorum habeant & familiæ plurimum. Nihilominus, quantumcumque profecerint, adhuc hîc sîstere non debent, necesse est cum Paulo dicant: *Non quod iam acceperim, aut iam perfectus sim; sequor autem, si quo modo comprehendam in quo & comprehensus sum à Christo IESU.* Ad destinatum persequor, ad brachium supernæ vocationis Dei. Ego igitur sic curro, non quasi in incertum; sic pugno, non quasi aërem verberans: sed castigo corpus meum, & in seruitutem redigo; ne forte, cum alijs prædicauerim, ipse reprobus efficiar. O vita beata; quæ ea alacritate currit ad pugnam, à pugna ad victoriam, ut pugnam denique ac victoriam cum æterno triumpho commutet!

Beati

Beati serui illi, quos, cùm venerit Dominus, inuenerit ita facientes: amen dico Luc. 12.
vobis, quòd suprema illa Maiestas præcinget se, & faciet illos discumbere, &
transiens ministrabit illis. Et si in secunda & in tertia vigilia venerit, & ita in-
uenerit, iterum beati sunt serui illi, quoniã super omnia bona sua constituet eos. Matth. 24.

CAPVT X.

*Plurimum adiuumento esse acquirenda PER-
FECTIONI, Temperamenti & Com-
plexionis bonitatem.*

INTER afflictiones, quæ videntur & premunt anhelantes ad Dei con-
spectum & complexum, ea non est minima, quòd nec animus per se
Deo obsequi pro voto valeat, nec corporis status atque condicio
animi votis respondeat; cogaturque pius animus, mixto lacrymis ge-
mitu, sæpe suspiria imo corde promere, ac dicere: *Heu mihi, quia inco-* Psal. 119.
latus meus prolongatus est; quando veniam & apparebo ante faciem Dei mei? Psal. 41.
Corpus enim, quod corrumpitur, aggrauat animam; & terrena inhabitatio de-
primit sensum multa cogitantem. Hæc suspiria & animorum & corporum
lamentantium graphice expressit D. Paulus sub nomine creaturæ ge-
mentis, & ad supremam suam PERFECTIÖNEM aspirantis. Ex-
spectatio, inquit, creaturæ reuelationem filiorum Dei expectat; quæ reuelatio
manifestabitur in die resurrectionis vniuersalis. Quare expectando ex-
spectat? Quia vanitati creatura subiecta est non volens: & tamen patitur se
esse subiectam, propter eum qui subiecit eam in spe: & merito sperat, quia
& ipsa creatura liberabitur à seruitute corruptionis in libertatem gloria filiorum
Dei. Scimus enim quòd omnis creatura ingemiscit & parturit usque adhuc.
Non solum autem illa, & homines vulgares; imò & Christiani quidem,
sed & nos ipsi primitias Spiritus habentes; & ipsi intra nos gemimus, adoptio-
nem filiorum Dei expectantes, redemptionem corporis nostri. Multa ergo im-
pedimenta à corporis mortalis conditione nascuntur, quibus animi
acies ac feruor retunditur, ne ad superiora transuolet, & pro desiderio
studium PERFECTIÖNIS arripiat atque exerceat.

2. Quapropter, etsi solius gratiæ sit, meritorias operationes, aut etiam
quæ nos ad iustitiam & salutem deducunt, moliri; nec ipsa natura vim
vllam ad ea præstanda in se habeat, vti latè superius ostendimus; à Temperamen-
tum & Com-
plexionem à
Deo cõuenien-
tem nancisci,
singulare beno-
ficiũ esse.
singularia tamen Dei beneficia id quoque referri debet, si cui naturam ad virtu-
tem idoneam, si Temperamentum conueniens, si Complexionem temperatam, si
passiones moderatas in ipsius formatione tribuat. Fit enim plerumque, vt in

H 3

ijs

I.
*Similitudo
 accommodata.*

ijs edomandis vires omnes tota vita insumi debeant: quæ si in virtutum acquisitione, passionibus iam compositis atque ordinatis, conferrentur, breui ad apicem magnæ PERFECTIONIS posset perueniri. Vt enim, qui in silua ædificare vult, debet in primis excelsas arbores euertere, aquas vel temerarias, vel stagnantes, aut etiam fontes errantes diuertere, impedimenta amoliri, fundum stabilem querere; quod magnæ impensæ atque operæ est, sitque subinde vt structura stans fulciri debeat, nouaque semper indigeat reparatione, quod fundamentum minimè sano loco ac constanti pro ædificij dignitate iactum sit: ita planè nobis accidit, si quando Complexionem incommodam, Temperamentum sanitati aduersum, passionibus incompositas habeamus; quas vel domare toto vitæ decursu oporteat, vel certè omni tempore cum rebeli natura luctari, & quidem ea non rarò victrice, & nullo aut paruo in virtutis decursu incremento ac progressu.

2.
*Figura.
 2. Esdræ 4.*

Longo tempore durauit restauratio murorum ciuitatis Ierusalem post captiuitatem: quia, dum Iudæi ædificarent, continuum eis negotium erat cum aduersarijs, qui impedire omni ratione nitebantur; vnde manu altera trulla opus promouebant, altera vibrabant gladium. Molestum id quidem, & diuturni temporis opus: nec omnibus tanta constantia est, mēsq; fatigata importunis aut precibus aut obstaculis languescit aut frangitur. Idem nobis euenit, ruinas ædificij nostri spiritualis restaurantibus: si obstant morbi continui, aduersa valetudo, propensio ingens in alteram partem trahentis naturæ, vis propellentium passionum, idque annis quinque, decem, viginti, quinquaginta; quis animus adeò adamantinus, qui vel sustineat impetus, vel etiam in aduersum nitatur, omnesque illas difficultates perrumpat?

*Deum singulari
 providentia
 subinde ad
 formationem
 corporis concurrere.*

3. Quapropter inter eximia ea dona, quæ Deus mortalibus largitur, illud reputari haberi que in primis debet, in ortu suo nancisci Temperamentum consentiens; Complexionem item temperatam, vnde passionum moderatio exurgit, à Deo accepisse. Et verò subinde Deum, rerum omnium architectum, singulari providentia concurrere ad naturæ ad virtutem idoneæ ac temperatæ fabricam, præsertim si quando quempiam ad singularis sanctitatis fastigium aut officij præclari dignitatem destinare voluerit, mihi omnino persuadeo.

4. *Adami &
 Eua.*

Adamum primum parentem, eiusque sociam Euan, optimè temperatos, ac principum humorum coalitione atque harmonia cōpositos, nemo in dubium vocabit, qui meminerit eos manu supremi artificis esse compactos; illum quidem ex nihilo, hanc verò summo miraculo ac mysterio è costa sui coniugis eductam: illum tamquā protoplastum, seu primum omnium, qui futuri erant, hominum genitorem, qui que in eos naturam, quam acceperat, transfunderet; hanc verò, quæ & mater

ter viuentium appellari; & verò debebat esse. Et sanè primus homo, mortalis vitæ parens, secundum hominem, qui caelestem quandam animis vitæ cælitus inuexit, repræsentabat. Huic autem secundo parenti vitæ transfundendæ in filios, PERFECTIOES omnes absque dubio inerant excellentissimæ. Erant ergo in Adamo PERFECTIOES omnes, quæ in natura perfecta ad huiusmodi officij dignitatem sustinendam desiderari poterant. Hanc veritatem suo calculo prima veritas comprobauit. *Vidit Deus, ait Moyses, cuncta quæ fecerat, & erant* Gen. 1. *valde bona.*

Eadem gratia ac priuilegium Abrahamo negari non debuit; quem *2. Abrahami.* Deus ad eam dignitatem prouexit, vt figura esset Saluatoris, pater fidei, parens multarum gentium, caput nominatissimum gentis Iudaicæ.

Quid ni idem dixerimus de Isaac, Iacob, & Moysè? & sanè si de officij dignitate quæstio sit, cessabit omnis difficultas; si de sanctitate, multo magis. Quid, quòd in duobus filiis Isaac, nempe Iacob & Esau, quos mater vno partu fudit, totius orbis nationum in fideles & infideles, Iudæos & Gentiles, partitio; bonorum complexio ac benedictio, malorum reprobatio ac maledictio designatur? Quid, quòd Moyses, Deo familiarissimus, loqueretur *facie ad faciem*, tamquam amicus ad amicum; vir mansuetissimus, ac in omnes beneuolentissimus? Et sanè, si horum omnium mores ex sacris litteris explorare voluerimus, summè compositos & ad virtutem natos reperiemus. *3. Isaac, Iacob, Moyses.*

4. De moribus Iobi Prophætæ Deus summum tulit testimonium. *4. Iobi.* Numquid (ait) *considerasti seruum meum Iob, quòd non sit ei similis in terra,* Iob 1. & 2. *vir simplex & rectus, ac timens Deum, & recedens à malo, & adhuc retinens innocentiam?* Verum etsi hæc commendatio ante omnes eius dolores, afflictiones, summasque calamitates pronuntiata sit; tempore nihilominus totæ suæ calamitatis *non peccauit Iob labijs suis, neque stultum quid* Iob 1. *contra Deum locutus est.* Amicis eius, qui ei multa improperauerant, penam Deus irrogauit, cum acri stultitiæ exprobratione. *Quoniam non* Iob 42. *estis (ait) locuti coram me rectum, sicut seruus meus Iob.* Illud etiam prouidentia specialis in formatione naturæ Iob argumento esse potest, quod de se Domino dixit: *Manus tuæ fecerunt me, & plasmaverunt me totum in* Iob 10. *circuitu;* & sic repente precipitas me? Non esset quid profectò mirandum, si communi naturæ opera formatus in utero, post ætatis annos plurimos (nam proles multas susceperat) præcipitaretur in tot calamitates; nec dicere deberet, *& sic repente precipitas me?* Quid dicis, repente? Moriuntur aliqui in utero matris: alij non citius fusi quàm mortui: denique illi diu vixisse putantur, qui annum quadragesimū attingere potuerunt. At ad ea perficienda, quibus formatus Dei manu ac deputatus fuerat, parum tēporis fluxisse videbatur; ideoque dicit, *& sic repente precipitas me?*

De

5. *Davidis.**Psal. 70.**Psal. 138.**Psal. 21.**Psal. 99.**Psal. 32.*6. *Salomonis.**Sap. 7.**Homil. 4. in lib.
Num.*7. *Ioannis
Baptiste.**Psal. 44.*

8.

*Ostenditur ra-
tione, cur Deus
peculiari pro-
videntia con-
currat ad na-
tura forma-
tionem.*8. *Ratio.*

De Dauide vix relinquitur etiam dubitandi locus: is enim fuit vir secundum cor Dei, caput regni stabiliendi; cuius mores ij fuerunt, vt nihil mansuetius; benignius; patientia laude illustrius inueniri potuerit. Sed & illud non contemnendum, quod cecinit: *Spes mea a iuuentute mea, in te confirmatus sum ex utero; de ventre matris meae tu es protector meus.* & alibi: *Possedisti renes meos, suscepisti me de utero matris meae. denique: Quoniam tu es qui extraxisti me de ventre; spes mea ab uberibus matris meae: in te proiectus sum ex utero; de ventre matris meae Deus meus es tu.* Cœpit enim Deus tunc temporis peculiarem in eum prouidentiam exercere, quoniam ipsi Complexionem ac Temperamentum conflauit, quod virtuti capeffendæ; in eo officio ac dignitate ad quam deputabatur, opportunissimum esset. Denique non tantum id verum esse de se ipse affirmavit, sed & de alijs. *Scitote* (inquit) *quoniam Dominus ipse est Deus; ipse fecit nos, & non ipsi nos.* & alibi: *Finxit sigillatim corda eorum, qui intelligit omnia opera eorum.*

Salomonis Complexio ac naturalis ingenij vis, animi magnitudo, cor instar marini litoris amplissimū, ingens rerum naturalium scientia, aliquid in natura præter consuetum fuisse demonstrant. Illud quoque quod præ ceteris in matris utero diutius hæserit. *Sum quidem* (ait) *& ego mortalis homo, similis omnibus, & ex genere terreni illius qui prior factus est, & in ventre matris figuratus sum caro, decem mensium tempore coagulatus sum in sanguine.* Vnde Origenes asserit hominem ad partum moueri, cum decimus mensis cum triduo excesserit.

Omitto Ioannem Baptistam, qui ex matre sterili & annosa susceptus est: nec sanctitas vitæ, & quæ de eo supra attulimus, aliud possunt arguere. Quod de omnibus qui miraculosè formati ex sterili, vel supra naturæ vires, aut sanctificati in huius lucis vsuram venerunt, statuendum puto. Omitto ergo Deiparam Virginem, quam ipsemet eius filius suis manibus adaptauit, eamque naturæ ac Complexionis PERFECTI O N E M attribuit, ex qua sibi corpus postmodum formare constituerat. Superuacaneum est de Christo disputare, cuius corpus Spiritus sanctus, imò tota sanctissima Trinitas coagmentauit, compegit, ac formauit, *speciosum formæ præ filijs hominum.*

5. Ex his confici posse videtur, conditorem rerum speciali concursu adesse solere formationi corporis eorum, quos ad insignis alicuius sanctitatis aut dignitatis gradum destinauit. Si enim successu temporis excellenti gratia, cum vocando, tum iustificando, tum deinde plurimis sanctitatis indicijs, illustrationibus, visitationibus, consolationibus eximij perfundere Deus cōstituit eum quem ad discit ad suum obsequiū, & perseuerantiæ cumulo ac singulari protectione toto vitæ decursu dignatur; si denique ei in cælo suæ immensæ Maiestatis complexum ac beatam

beatam possessionem decreuit, perfectamque fruitionem bonorum omnium; quæ omnia & summa & incomparabilia sunt præ bonis corporalibus: quid mirum si ei corpus adaptet conueniens, quo ea, ad quæ destinatur, conuenienter quoque exercere valeat? ut enim spiritualia illa eo largitur, quo animam capacem reddat, idoneam, ac promptam ad exequendam suam diuinam voluntatem, cum facilitate, alacritate, & gaudio: quid mirum si corporis partes omnes ac Complexionem ita disponit, ut promptæ ac paratæ nunc voluntati obsecundent & pareant? alioquin frustra gratia tanta opus esset, si per vires corporis ea uti non liceret. Accedit quod beatis corporibus largiturus est qualitates ac condiciones conuenientes statui beatorum: nempe impassibilitatem, ut iugiter atque indefessè in cælo beati Deo seruiant; gloriam & splendorem quem loci & personarum status requirit; agilitatem & subtilitatem, ut tantæ Maiestatis voluntatem ad nutum exequantur: quid ni opus erit, ut eidem Maiestati seruituri in hac vita, corporis ac Temperamenti eas condiciones accipiant, quas status atque officium cuiusque desiderat, ad Domini sui voluntatem exequendam; si non adeo perfectè, saltem quantum officij ratio & viatorum condicio postulat? Qui tam ingentia in patria largiturus est, quid ni in via gradientibus; cum eadem corpora ad gloriam illam destinantur; & ideo ea Deus efformet, ut suo tempore ad immortalitatem æternitatemque capeffendam transformentur?

2. Ratio.

3. Ratio.

Tres enim status sunt, in quibus hominum corpora Dei auxilio supernaturali indigent, ad promptam expeditamque voluntatis diuinæ executionem. ^a Primus est innocentia; in quo corpus hominis adeo conuenienter temperatum erat, ut nulla intemperies, nullus morbus oriri posset; accedente nimirum Dei assidua protectione, ex qua homo impassibilis omnino reddebatur.

Temperamentum hominis iuxta tres status consideratur: nempe, innocentia, beatorum, & natura reparata.

a I.

Status innocentia.

b 2.

Status beatorum.

c Apoc. 21.

^b Alter status, extremus, beatorum est; quorum corpora nullus qualitatum primarum excessus defectusque mutare, nec vlla humorum exuberantia compagem vinculumque illud animæ & corporis soluere alterareque poterit; vnde optimè D. Ioannes: *Absterget Deus omnem lacrymam ab oculis eorum; & mors ultra non erit, neque luctus, neque clamor, neque dolor erit ultra, quia prima abierunt*. Erunt enim beatorum corpora impassibilia: non tantum ratione diuinæ protectionis, uti fiebat in statu innocentia; sed quia omnia, quæ eis nocere poterunt, inuadent ac penetrabunt. Nec patiètur ab intemperie qualitatum; quia nulla intemperies vel qualitatum vel humorum illic erit: quidquid enim terrenum aut mutabile in illis est, absorbebitur noua quadam informatione animæ beatæ, ac vnione cum corpore. Nam vinculum illud, quo nunc omnes corporis qualitates, & Temperamentum, animæque ipsa cum

I

corpore

corpore colligata sunt, (quod quidem dissolubile est) in aliud longè sublimius mutabitur; accipient enim corpora gloriosa cum anima vinculum & vnionem quandam supernaturalem, ratione cuius immutabiliter & inseparabiliter cohæreant: hoc enim postulat status illius æternitatis. Neque ad hæc necessaria est qualitas quædam realiter ab anima distincta, vt * quidam voluerunt; sed sufficit nouus quidam modus vnionis, seu nouus modus informandi ex parte animæ & Temperamenti, & noua ratio recipiendi ex parte corporis. Nec obest, quòd anima nunc tota seipsa informet corpus quantum potest, nec possit perfectiùs informare vel viuificare; absurdumque videri, hominem essentialiter perfectiorem esse post resurrectionem quàm modò sit: nam etsi anima seipsa tota, & quantum potest naturali virtute, corpus suum informet; non tamen quantum diuina virtus sese extendit: potest enim etiam alio modo se tota illud informare, ita vt duplici vinculo cum corpore sit colligata, naturali nempe & supernaturali. Non est quoque absurdum, hominem esse quodammodo perfectiorem post resurrectionem: non quòd anima vel corpus essentialiter perfectiora futura sint; sed vnio erit perfectior, vnde & ipsum corpus perfectiùs viuificabitur.

* Capreolus,
Paludanus,
Richardus à S.
Victore.

3.
Status naturæ
separatæ.

6. Tertius status est medius; eoque pluribus indiget, quo maiora impedimenta in ipsis corporibus morti adiudicatis inueniuntur; ipsique animæ tantum negotij facessunt, vt multis passionibus irretita, non iam libertate sua omnino donata sit, sed velut ergastulo inclusa, vel densis veprium dumeris immerfa, sine cruentis pungentium spinarum aculeis sese mouere vix, ac ne vix quidem, possit. His curandis opportunè veniunt virtutum habitus, frequens diuinæ visitationis, illustrationum, excitationum, auxiliorumque cælestium influxus, & maximè Omnipotentis manus protectio, ne concupiscentiæ flamma, virtutum seueritate veluti quibusdam cineribus conclusa, fomitem sæpius exerat; quo animus totus conflagret, & de eius salute conclametur. Sed hæc non nisi longo labore obtineri possunt. Iuuat verò quamplurimum naturæ compositæ moderatio, ipsumque Temperamentum; quod vel ferocientis naturæ impetus excludit; vel molliores affectionum motus constantia sua frenat & cohibet.

CAPVT

CAPVT XI.

*Valetudinem corporis, animiq³ sanitatem, magno
presidio esse studioso PERFECTI³ONIS.
Quid Temperamentum, & eius partes.*

7. **C**OMPONITVR namque corpus humanum ex quatuor elementis, vti eleganter Augustinus libro de spiritu & anima describit. Humanum (inquit) corpus ex quatuor elementis compositum est: sed in carne & ossibus maximè terra apparet, propter terrenam soliditatem. Aqua in humoribus, aër continetur in pulmone; idcirco semper in motu est, quia ventilabrum cordis est, ne nimio calore consumatur cor, & dissoluatur. Sedes ignis est in corde; & ideo inferius est latum, & superius acutum, quam formam ignis retinet. Quædam vis ignea aëre temperata à corde ad cerebrum ascendit, tamquam in calum corporis nostri; ibique purificata & colata, per oculos, aures, naves, ceteraq³ instrumenta sensuum foras progreditur, & contactu exteriorum formata quinque sensus corporis facit, visum videlicet, auditum, gustum, odoratum, & tactum: qui tangendi sensus ab anteriori parte cerebri ad posteriorem transiens, & inde per cervicem ac medullam spina descendens, per totum corpus diffunditur. Hæc & plura Augustinus, quibus docere nititur, humanum corpus ex quatuor elementis conflari, & singulas partes prædominantis alicuius elementi vim naturamq^{ue} continere. Et quamvis elementorum formæ in eo reipsa non conspiciantur, virtute tamen continentur; & maximè per principes qualitates, quibus elementa singula operationes suas exercent. Ignis est calidus & siccus: aër eidem vicinior, aliquid de eodem participans, calidus est, & humidus: aqua vicissim humida & frigida: terra denique frigida & sicca. En ergo in vniuersum quatuor principes qualitates, calor, siccitas, humiditas, & frigus. Hæ perraro qualitates vsquequaque, sapius autem quodammodo pares confluunt; nempe mediocritate quadam, quæ non vtique indiuidua, verùm latitudine definita limitibus coercetur, in quorum ambitu mixtio continetur. Hos autem vltra citraque interitus est, atque dissipatio. Quæ itaque intra mediocritatis huius limites inciderit principum qualitatū concursio, vt mixtionem, sic & continuò Temperamentum gignit. Est autem Temperamentum, non ipsa mixtio, sed mixtionis ratio; poteritque id earum qua in mixtis elementis sunt principum qualitatū harmonia & concentus definiri. Quocirca Temperamentum concentus quidam est quatuor principum qualitatū ex omnium elementorum permixtione. Harum quatuor naturarum cūm

*Aug. lib. de spiritu & anima, cap. 33.
Corpus humanum compositum ex quatuor elementis.*

Qualitates primæ quatuor.

Temperamentum quid.

æquales vires in vnum coierint, & calidi, frigidi, humidi, sicci que pares sint portiones; temperies illa conficietur, quam Temperatum iustumque Temperamentum dixere, ceterorum normam & regulam: quodcumque autem ab hoc desciscit, & disparibus inter se elementorum viribus continetur, intemperatum immoderatumque appellatur, & intemperies. In ea dispari copulatione fit, ut vnum reliquis tribus excellat, aut ad summum duo præ alijs, nunquam autem tria dominantur.

Lib. 3. de Temperam. c. 3.
Simplicia quatuor Temperamenta:
Calidum,
Frigidum,
Humidum,
Siccum.
Coniugata Temperamentum quatuor.

Innumeras esse Temperamentorum differentias.

8. Quia verò de varietate Temperamentorum agimus, quæ Deus in singulis molitur; totque Temperamentorum differentia sunt, quot hominum facies: attexam quæ hac de re Ioannes Fernelius, doctissimus medicus, scribit. Cum quatuor (ait) sint ex quibus Temperamentum absolute conficitur, singulorum exuperatione *simplices quatuor creantur Temperaturæ*. Calida quidem, in qua calor frigori antecellit, humoris autem & siccitatis æqualitas est: *frigida*, in qua frigus vincit & dominatur: *humida*, cuius humor primas obtinet: *sicca*, ubi humore siccitas potentior est, paribus ijs, quæ in altera oppositione sunt, contrarijs. *Quatuor sunt & coniugatae Temperaturæ*, quæ duorum simplicium exuperantia processerunt, seque extulerunt. Hæ duæ cum sint
» oppositiones limitibus quatuor conclusæ, neque vnius utraque extre-
» mitas possit principatum obtinere, fit necessarium, ut non plures duabus
» excellent. Eodem rationis momento fit, ut *quamvis sex percenscantur*
» *coniugationes*, illarum tamen quatuor dumtaxat possit natura consistere. Hæ
» *sunt calida & humida, frigida & sicca; calida & sicca, frigida & humida*: quas
» coniugatas aut compositas Temperaturas appellant. Nouem igitur sunt
» *Temperamentorum genera*, quæ permixtionis differentias & proprietates
» consequuntur. *Vnum temperatissimum*, quod paribus omnium confla-
» tum portionibus, medium possidet. *Intemperata octo*. Eorum *simplicia*
» *quatuor, totidem composita*. *Temperatissimum*, quod est indiuiduum, & omnis
» *expers latitudinis, quasi punctum intelligitur*. Cetera quæ ab hoc recesserunt,
» longè lateque fusa sunt: neque enim, quæ calida dicimus, omnia
» paria mediocritate interuallo distant, neque aut frigida, aut humida,
» aut sicca vno eodemque omnia sunt ordine. *In compositis porro euincen-*
» *tium qualitatum aut par est recessus, aut alias alia antecellit*. Etenim calidum
» siccumque appellamus, siue illa pari suo ordine, siue calidum sicco præ-
» stat, siue contrà siccum calido. *Vnde intelligitur, octo cum sint imparia*
» *Temperamenta*, vniuscuiusque tamen ex maiore minoreque recessu innumera-
» *bilia fieri discrimina*, ex quorum proprietatibus, tum similibus partium,
» tum infinitæ corporum naturæ & proprietates consurgunt atque con-
» stant. Hæc ille. Ex quibus omnibus, quid Temperamentum, quot-
» que eius sint genera ac partes, sat euidenter declaratur.

9. Quod eo maxime spectat, ut intelligamus, pro cuiusque Temperamenti

ramenti præstantia cuique naturæ condicionem meliorem ac præstantiorem emicare: quod non tantum de vniuersa corporis harmonia, sed & de singulis, vt cerebro, corde, hepate, ceterisque compositi partibus intelligendum venit. Hinc ille memoria, ille iudicio præstat; hic ingenio celeri, leuiori iudicio; generosus vnus, alius timidus, aridus, tardus, tenax, hebes, & obtusus: qui morbi animi sunt, & defectus grauissimi.

Accedit quod qualitatis alicuius primariæ excessus aut defectus sufficiat ad soluendam harmoniam; quorum altero qui laborat, aduersam valetudinem subinde tota vita sua patietur, morbosque ex vno fonte innumerabiles, qui sæpe ante ætatem cum morte commutantur.

Quod ita declarat Augustinus: *Corpus constat ex officialibus membris, officia ex consimilibus, consimilia ex humoribus, humores ex cibis, cibi ex elementis; & nihil horum est anima, sed in istis tamquam in organo agit, & per hoc corpori consulit, & huic vitæ in qua factus est homo in animam viuentem. Quæ cum temperata & ordinata fuerint, & congruunt viuificationi, numquam recedit anima: si vero dis temperata & confusa fuerint, inuita recedit anima, secum trahens omnia, sensum, imaginationem, rationem, intellectum, intelligentiam, concupiscibilitatem, & irascibilitatem.* Hanc harmoniæ inæqualitatem aut solutionem, vnde morborum omnium genera orta sunt, attribunt Poëtæ Pandoræ; cui cum à Ioue pyxis cum omnibus morbis inclusis commissa fuisset, ea aperta, infinitæ illæ morborum quos experimur, & aliorum species in orbem inuectæ sparæque sunt. Nos Pandoram eam vel Adamum arbitramur, cui Deus naturam integram largitus fuerat: & si ea clausa cum gratia originali à transgressione illa mansisset, non ex pestes, morbi innumerabiles, mors denique in orbem inducta fuissent. Hinc Temperamentum magnam cladem passum, totaque corporis fabrica succussionem ingentem accepit: pauci sunt qui non illico intereant; plurimi qui diutissime laborant; qui optimè habeant, per paucos reperies.

ro. Ceterum nemo prosperæ valetudinis ponderat pretium, nisi qui morbis exercetur: & inter summa naturæ beneficia hoc vnum tanti esse debet, vt ex hoc tota vitæ degendæ recteque agendi ratio dependeat. Quid aget, qui vel capite, vel pectore, aut stomachi intemperie, vel hepatis, laborat? Omitto morborum genera contagiosa, anginam item, ardentes febres, lethargum, paralysem, catalepsim, apoplexiam, pleuritidem, stranguriam, & si quæ aliæ sint vel letales vel intolerabiles corporis humani affectiones: vnus solius dentis dolor, aut extremi digiti affecti sensus, sic mentem animumque totum hominis rapit, vt nec legere, nec cogitare, nec vlli rei intendere lubeat: omnes hominis vires & sensus in hoc coeunt, vt dolor pellatur; sin minus, illic hæret cogitatio, mens, oculi, manus, & quidquid in homine est. Magnus thesaurus est

I 3

sanitatis.

Boni Temperamenti Qualitates in ordine ad Perfectionis studium.

1.

2.

Morborum origo.

Lib. de spiritu & anima, c. 15.

Poëtarum opinio de origine morborum. Natalis Comes Mythologia lib. 4. cap. 6.

3. Utilitas boni Temperamenti sanitas. Eius commendatio.

Eccl^{ie} 30.

Prov. 16.

Eccl^{ie} 30.Eccl^{ie} 38.

Ibidem.

Ibidem.

Christum mor-
bos non assump-
pisse cum hu-
mana natura.
D. Thom 3 p. 9
14. 4. 3. & 4.

Morborum in-
commoda.

sanitatis. Ideo Sapiens, *Melior est, ait, pauper sanus, & fortis viribus; quam dives imbecillus, & flagellatus malitia*. Ecquid enim proderunt ei diuitiæ, si eis nec ad splendorem, nec ad luxum, nec ad ciborum delectationem uti, per valetudinem, possit? Pauper verò frusto panis ac frigida fatiatus in lætitiā profilit, vtiliter laborat, & virium suarum fructum percipit. Hinc Salomon, *Dulcedo, inquit, animæ, sanitas ossium*: sicut etiam acerbitas animæ, infirmitas ossium. Non est dolor super ossium dolores; quibus afflictis, nec stare, nec iacere cuiquam fas est. Dicam amplius cum Ecclesiastico: *Melior est mors, quam vita amara; & requies eterna, quam languor perseverans*.

II. In pœnam peccatorum veniunt illa quidem, & nobis repugnantibus; sed obnoxia corpora nostra infinitis agrotationibus, varia ex illis tormenta sustinere coguntur: licet, si possint, iubeantur ea propellere. *Da locum medico, ait Ecclesiasticus; etenim illum Dominus creavit: & non discedat à te, quia opera eius sunt necessaria*. Item: *Honora medicum propter necessitatem; etenim illum creavit Altissimus*. A Deo est enim omnis medela. Et: *Altissimus creavit de terra medicamenta, & vir prudens non abhorrebit illa. Nonne à ligno indulcata est aqua amara? Vnguentarius faciet pigmenta suavitatis, & unctiones conficiet sanitatis*. His conficitur, malum esse quoddam & pœnam, animi corporisque ægritudines, Deoque auctore esse propulsandas: quòd ingentia bona impediunt, quæ quisque vel Deo deferret, vel sibi vel bono communi impenderet sanus & valens. Hinc Christus (auctore D. Thoma) etsi admisit omnes defectus naturales corporis toti naturæ humanæ cōmunes, ut sunt fames, sitis, dolores, mors, quos Damascenus vocat naturales & indetrectabiles passionēs; nullum tamen morbum assumpsit, nec aliquem defectum omni homini non communem: quia hi non conducebant ad redemptionem generis humani, imò impediissent plurimū. Indecens enim fuisset, Redemptorem hominum esse claudum, cæcum, obstipum, aut lepra, morbove comitiali, aut tabe seu pulmonum exulceratione deformari; sicut & defectibus alijs, qui repugnant scientiæ & gratiæ, ut sunt ignorantia, pronitas ad malum, difficultas ad bonum. Accedit quòd ægros sanaturus venerat; illique illico fuisset exprobratum, Medice, cura teipsum. Quo suo exemplo ostendit, sanitatem bonum esse peroptandum, studioque procurandum ac conseruandum, ad functiones, quas ipse, Apostoli, alijsque qui de alijs bene mereri possunt, ac studio PERFECTI ONIS incumbere, ex instituto susceperunt, exequendas.

Hinc omnibus Religionum Patriarchis summa ac prima cura fuit, in Regula statuere, ut infirmorum habeatur ratio maxima, quia Ordinis officia sine sanitate exerceri nequeunt; & dum morbo laborant, alios substitui, qui eorum munia obeant; imò verò, cum communitati

tati

tati seruire ipsi debeant, aliquot alios, qui eisdem seruiant, non sine ordinis domestici incommodo constitui necesse est: quod etsi graue non sit ad breue tempus, graue tamen esse, si plures, & quidem diutius, detineantur aegritudine, nemo est qui non videat. Quid Ecclesiæ utilitatis accessisset, si Apostoli, Apostoliciq; viri, podagra detenti domi, totos Apostolici muneris annos consumpsissent? Quid si Ecclesiastici Politiciue Superiores lectis affigantur, quæ negotiorum executio? quod regimen publicæ rei? quis ius dicet? quis nefarios scelere prohibebit? quis innocentes tuebitur? quis de diuinis rebus verba faciet? quis ignorantes docebit? quis Sacramentorum administrationi vacabit? & si infirmi sint vulgares, qua occasione docebuntur? quis eos malè agentes corripiet? qui ad PERFECTIÖNEM promouebuntur?

12. Ne fallamini insipientes corde, pœnitentiæ tempus in extrema vitæ reiicientes; quasi tunc in manu vestra futurum sit, vt misericordiam Dei fugientē assequamini, & prætermittas bene gerendi occasiones refarciatis feruoris abundantia. Ne fallamini: Deum hoc est tentare. Queritis miraculum vbi necesse non est: vt enim gratiam tibi apud Deum concilies, promendæ lacrymæ sunt, intimo & extremo dolore, inconcusso bene viuendi proposito; opus est igne, flammis, incendio, ad tot turpitudines vitæ præteritæ consumendas; opus lacrymarum flumine, contritione instar ingentis Oceani, ad tot maculas eluendas; opus oratione, ac deuotionis sensu, ad Dei gratiam conciliandam. Vbi hæc omnia reperies? venient è cælo? non venient; nam & tu meritis id non es: & ex te ea prouocare non poteris; quia ad hoc natura eo rerum statu non est idonea; & tibi tunc cogitandum de bonorum dispositione, de prole, de sanitate. Quid? si minima in oculo stipula sic te cruciat, vt nec dormire, nec de tuis rebus cogitare, nec quidquam agere valeas; quid sperandum tibi est, cum dolorum segetes, angustiarum torrentes, afflictionum gurgites, & flumina tentationum animum tuum occupabunt? Solent simpliciores, cum audiunt Prælatum aliquem magni nominis, aut Concionatorem excellentem, aliūve opinionione sanctitatis florentem infirmari, de illo ita statuere: O beatum virum! à Deo amici Dei visitantur; & huius quanta patientia! quàm ardentem Dei conspectum desiderat! quàm immensa orationum in cælos tela detorquet! quas flammæ emittit! haud dubiè eius in cælo tota conuersatio est: spe ac desiderio Deum videt, Deum complectitur. Quid cogitatis, infani homines? & hi mortales sunt: sanctitas præcessisse debuit: sani orare potuerunt; non sani, nihil aliud præstare, quàm dolores ferre patienter: & quis adhuc ad hæc idoneus? Non omnes Iobi, non omnes Tobia, non omnes Dauides. Loquatur de sanctis hæc aliquis, & quid sentiat vobis renuntiet. Fallimini opinione, viri boni: & nos mortales

Pulgi falsa opinio de infirmis sanctis.

*Psalm. 142.
3. Reg. 4.*

Gal. 6.

*Sententia Ec-
clesiastica de se-
nectute minus
apta Perfe-
ctioni.
Eccl. 12.*

Rom. 8.

*Psalm. 147.
Ibidem.*

Eccl. 9.

1. Petri 4.

mortales fumus, & multis miserijs obnoxij. Fateor ingenuè quod est: orare mihi quidem adiacet, perficere autem non valeo: omnia dura, omnia sicca, sicut terra sine aqua; caput meum doleo, caput meum doleo: meditari non possum; obruo sopore & grauedine: quid agam? premor vndique doloribus, nihil præterea in mentem venit; & si quid asciscam, illud illico velut clauus clauis innumeris pellitur. *Dum tempus habetis, operamini bonum. Memento, homo, Creatoris tui in diebus iuuentutis tuae, antequam veniat tempus afflictionis, & appropinquent anni de quibus dicas, Non mihi placent: antequam tenebrescat sol, & lumen, & luna, & stelle, & reuertantur nubes post pluuiam; quando commouebuntur custodes domus, & nutabunt viri fortissimi, & otiose erunt moleptes in minuto numero, & tenebrescent videntes per foramina, & claudent ostia in platea, in humilitate vocis moleptis, & consurgent ad vocem volucris, & obsurdescent omnes filiae carminis; excelsaque timebunt & formidabunt in via, florebit amygdalus, impinguabitur locusta, & dissipabitur capparis; quoniam ibit homo in domum eternitatis suae, & circuibunt in platea plangentes: antequam rumpatur funiculus argenteus, & recurat vitta aurea, & conteratur hydria super fontem, & confringatur rota super cisternam, & reuertatur puluis in terram suam, unde erat, & spiritus redeat ad Deum, qui dedit illum.* Hæc Ecclesiastes. Pluit hætenus ros de cælo salutaris, nubes copiosam gratiæ pluuiam demiserunt. In extremis reuertuntur nubes; protectionis auxiliijque tempus expirat; quia uti noluiisti, dum ultro tibi occasiones offerebantur: nunc ad auctorem suum hæ nubes redeunt. Sol & illustrationes mentis, exempla Sanctorum, lucere desinunt; Ecclesiæ cessant exhortationes; venit tempus afflictionis: quid facies? quid orabis? *nam quid oremus, sicut oportet, nescimus; spiritus autem postulat pro nobis gemitibus inenarrabilibus.* Sed flauit spiritus, & fluxerunt aquæ. Et hæc quidem hætenus. Fugit Auster, surrexit Aquilo: ante faciem frigoris eius quis sustinebit? appropinquauerunt anni de quibus dicas, *Non mihi placent: tristes illi sunt, & incipiunt à senectute, & sensim peiores appropinquant, cum in fine vite, tum in decellu ex hoc corpore; idcirco Sapiens, Quodcumque, ait, facere potest manus tua, instanter operare; quia nec opus, nec ratio, nec sapientia, nec scientia erunt apud inferos, quò tu properas. Illi sanè dies sunt qui non placent. Quòd si viri eximie sanctitatis vix idonei sunt extremis illis temporibus ut sese ad Deum conuertant, de morte, de iudicio particulari, de sententia irrevocabili, de vita præterita, de æterna futura cogitent; quid faciet is, qui imparatus ad Dei tribunal vocatur? Si iustus vix saluabitur, impius & peccator ubi parebunt? Ex his manifestè colligitur, improuidè ac stultè etiam eos agere, qui salutis ac PERFECTI O N I S procurandæ studium in decliuem ætatem reijciunt: illa enim quæ in corpore male sano incommoda atque impedimenta PERFECTI O N I S, eadem & fortè*

fortè maiora in senili reperiuntur: est enim senectus morbus continuus, & malorum omnium congeries, in qua homines solent de sanitate seruanda corporis, non animi, cogitare. Ideo Spiritus sanctus hortatur nos, *memores simus Creatoris nostri in diebus iuuentutis nostræ*. Quæ ætas non ea sola accipienda est, quæ adolescentiam sequitur vsque ad virilem, aut (vt medici quidam dicunt) vsque ad trigesimum-quintum annum, sed ad consistentiam ipsam, (vt vocant) id est, ad annum quadragesimum-quintum, qui est senectutis initium: nam ad hoc vsque tempus durant plerisque vires haudquaquam labefactæ, neque hebescent sensus, neque cani abunde proueniunt. Rationes verò, cur ineptè in id temporis salutis ac PERFECTIIONIS negotium reijciamus, Ecclesiastes multas commemorat: quarum prima est, quam hæcenus pertractauimus; nempe ad PERFECTIIONEM acquirendam opus esse viribus, sanitate, atque alacritate; quibus desideratis, (vt persæpe in senibus) aliò animus facilè abripitur, & in occurrentium calamitatum expulsiōem totus immergitur: idcirco dicit Ecclesiastes, *Antequam veniat tempus afflictionis, & appropinquent anni de quibus dicas, Non mihi placent*. De his senibus Ecclesiastes loquitur potissimum, qui virtutis stadium numquam ingressi, sese vincere, cupiditates domare, virtutum subsidia consequi neglexerunt. Hi ætate ingrauescente displicent sibi, displicent & alijs, quòd morosi, quòd auari, quòd iracundi, quòd morbis varijs oppressi persæpe querantur, sibi graues, alijs molesti. Senectutis ergo anni, afflictionis anni sunt, qui parum placent, & eo maximè displicere debent, quòd minùs idonei homines ordinariè sint ad ea munia peragenda, quæ florente ætate leui labore consequi potuerunt. Altera ratio est, quòd in senectute sensus hominis sensim debilitentur, planeque deficiant: ideo ait, *Antequam tenebrescat sol, & lumen, & luna, & stelle*; tum etenim visus debilitari incipit, sic vt effugiat lucem, neque lumen sustinere possit, ei que solis, lunæ, ac siderum splendor obtenebrescere videatur. Deinde, quòd ea ætate homines destillationibus obruantur: ideo subiungit, *Antequam reuertantur nubes post pluuiam*; significant enim hæc verba perpetuas & admodum incoctiles senum coryzas, quæ ex vaporibus crudis ob defectum caloris enatis, à ventre aut corpore toto ascenduntibus, primùm quidem vt nubes coalescunt, & caput, velut partem microcosmi supremam, occupant; deinde densatæ abeunt in destillationes, & vt quædam pluuiæ diffunduntur. Cùm ergo assiduus quis conflatur catarrhis, successiuis vicibus nunc citra intermissionem destillantibus, nunc recrudescuntibus; perinde est ac cùm mox à pluuiæ alia nubes reuertuntur. Quarta ratio est, quòd alij quoque sensus & mouendi instrumenta fatiscant: quod verbis sequentibus indicat, quando ait, *Commonebuntur custodes domus, & nutabunt*

Senectutem
minùs esse idoneam ad Perfectionem
acquirendam & assequendam.
Ratio 1.

Cic. lib. de senectute.

2.

3.

4.

K

nutabunt viri fortissimi. Sensus corporis custodes dicuntur, quod ad custodiam dati sint, ut accedentibus noxijs, ijsque perceptis, animal sibi cauere possit. *Viri fortissimi* pulchra metaphora dicuntur vis motiua cum suis instrumentis, quibus ad actiones corporales ac translationem utimur. Commouentur ergo custodes domus, & nutant viri fortissimi, cum sensus debilitantur, & crura & tibiae prae corporis pondere vacillant: nimirum exhaustis spiritibus animalibus, cerebroque refrigerato atque exsiccato secundum substantiam, multis verò excrementis obruto, necesse est exiguum facultatis influere in nervos & sensuum organa, atque ea per sese fieri inepta, & ad facultatem excipiendam, & ad exequenda sua munia. Hinc senes facile vacillant, & scipione uti coguntur. Quinta accedit ratio, totius corporis debilitas ex defectu alimenti, quod commodè ingeri non possit; aut, si ingeratur, id certè vel molestè & saepe nauseabundè fiat, vel satis comminutum ac mansum non erit: ait enim, *Et otiose erunt molentes in minuto numero.* Nascimur sine dentibus, & propè sine ijs morimur: excidunt enim, & quidem magno hominis damno, ob radicis ficitatem, & alueorum, quibus clauorum more infixi sunt, amplitudinem, quam defectus nutritionis maxillae & dentium adfert. Molentes, ijsque in paruo numero, ergo otiantur, quod senes edendi cupiditate imminuta tenuius edunt; idque ipsis molestum est, quod dentibus careant, quibus cibum mastitent. Addit sextam rationem, de sensibus particularibus visus & auditus, & faciei immutatione. *Tenebescunt enim videntes per foramina;* hoc est, facultas videndi per oculos: *& obsurdescunt filiae carminis;* hoc est, facultates illae, quae carmen & voces excipiunt. His facultatibus deficientibus, vita paene morte acerbior est; hinc Tobias: *Quale gaudium mihi erit, qui in tenebris sedeo, & lumen cali non video?* De facie verò, *Claudent,* inquit, *ostia in platea, in humilitate vocis molentis.* Facies platea dicitur humani corporis, quod in ea sensus omnes, ut ostia ad plateam, statuuntur, resideant, & omnis ad sentientem animam negotiatio pertinet ad eam confluat, omnes denique cordis affectus declaret, pròdat lætitiā & dolores, spem ac timorem. Hinc Sapiens: *Cor hominis immutat faciem illius, sine in bona, sine in mala.* Senibus verò vox est humilis, ob debilitatem facultatis quae mouet thoracem, quia ad edendam vocem vehemēti expiratione opus est. *Claudent* ergo senes *ostia in platea, in humilitate vocis molentis;* hoc est, ob humilitatem vocis, quam expirationis defectus parit: & faciunt *rari molentes;* inopia namque dentium, articulatam pronuntiationem, (quae magna quoque calamitas est) vehementer impedit. Addamus septimam rationem ex defectu somni, qui, facultatibus fatigatis, æquè paene necessarius est ac cibus. Hoc est quod sequitur, *Et consurgens ad vocem volucris.* De galli cantu intelligit, qui ternis horis cantare solet,

5.

6.

Tobia 5.

Eccl. 13.

7.

folet, quasi motus cæli rationem habeat, & vigilantibus pro horologio fit. Senes ergo peruigilium patiuntur, ob cerebri ficcitatem, & non raro ob dolores affduos, cum aliarum partium, tum vel maximè viarum vrinæ, & ob destillationes & excreatum; adeo vt illis nulla requies fit, & ad res deinde agendas vires & animus deficiat. Sed quis tãdem finis? finis hominis interitus, atque vitæ huius mortalis occasus; cuius signa hæc sequuntur: *Excelsa quoque timebunt in via*; hoc est, mens terrebitur, vbi se homo in mortem præcipitem ire sentiet. Alterum signum: *Florebit amygdalus*. Hæc enim arbor omnium citissimè canescit. Canescent ergo caput ac barba, vt florens amygdalus, redundantia pituitæ in alimento proprio partium circa cutem, propter debilitatem natui caloris. Tertium signum: *Impinguabitur locusta*. Hoc de marina intellige, quæ testacea crusta tegitur. Crescet ergo callosa durities in cute, quasi locustæ testa fiat. *Disipabitur cappar*, quod quartum signum est. Cappar (medicis auctoribus) Venerem instigat. Dissipatur, morte appetente, potentia appetitusque generandi. Emoriente verò virtute illa, sequitur homini denuntiari quod addit, *Ibit homo in domum æternitatis suæ*, siue domus illa felicitatem siue extremam miseriam contineat: vnusquisque enim à morte recipiet prout gessit in corpore, siue bonum, siue malum. Extincto homine, prodit sepulturæ pompa. *Et circuibunt* (inquit) *in platea plangentes*. Sextum mortis indicium est membrorum dissolutio, designata per verba sequentia: *Antequam rumpatur funiculus argenteus, & recurat vitta aurea*. Funiculus argenteus, spinalis medulla, ob neruorum, qui ex ea oriuntur, distributionem, funiculus; ob colorem verò, quo imbuitur, argenteus nominatur. Vitta aurea alio nomine meninx dicitur; estque tenue cerebri inuolucrum, quod totum cerebrum instar vittæ ambit, constringit, & continet. Aurea dicitur non à colore, sed ab vtilitate & pretio. Adhæret indissolubiliter cerebro: quo exsiccat & imminuto, (vt in senibus) contrahitur & corrugatur. Hinc fit vt & cerebrum & meninx à cranio recurat & seiungatur: arefcitque cerebrum, & præ eius ariditate excidunt pili, vt herbæ arefacta terra, fitque caluitium. Porro ad neruos pertinet sensus volūtarius, qui peruat obitque musculos. Cum laxantur quasi funes disrupti, euenit, membra, in quæ subeunt, resolui, ac paralytici pati, siue linguam, siue brachium, siue crus. Dicit ergo, *Antequam rumpatur funiculus argenteus*; hoc est, antequam fias paralyticus: *& recurat vitta aurea*; & contrahatur meninx cum cerebro, & fiat caluitium. Vnum superest: *Antequam* (inquit) *conteratur hydria super fontem, & confringatur rota super cisternam*. Hæc ad vrinam pertinent: quæ primùm quidem exit guttatim, quasi ex rupta hydria, cum senes laborant stranguria; deinde supprimitur omnino, quasi *rota confracta super cisternam*,

Signa mortis in senibus.

1.

2.

3.

4.

Auscenna lib. 2. cap. 102.

Cor. 5.

5.

6.

7.

nam, fitque ischuria. Tum nihil superest, nisi *ut reuertatur puluis in terram suam, & redeat spiritus ad Deum, qui dedit illum*. Hæc Ecclesiastæ insignis concio, quæ appositissimis metaphoris nos hortatur ne studium salutis nostræ ac PERFECTIIONIS amorem in senectutis tempus differamus, ineptum omnino, nulloque modo idoneum. Sed *memento*, ait, *Creatoris tui*: ut ea facias, propter quæ te creauit, & ea complectaris, quibus ad finem, ad quem te destinauit, peruenias: alioqui, si in iuuentute tua Creatoris tui immemor fueris, contingere poterit, ut nec in senectute, nec in morte, vel illius vel etiam tui memor sis. *Percutitur enim* (ut verè Augustinus) *hæc animaduersione peccator, ut moriens obliuiscatur sui, qui, dum viueret, oblitus est Dei*.

Serm. 3. de Innocent. qui est 72. in append. de diuersis. Morbos animi obesse studio Perfectiionis.

Psal. 35. a Epist. 28. ad Hieronymum, deest medium.

13. Venio ad ægritudines animi; qui defectus longè ineptiores reddunt homines virtuti capeffendæ, quam corporales. Peruersum hominem ac deuiū conuerteret ac reduces; sed quid ages cum eo qui phrenesi laborat, continuaque insania, stultitia mentisque ignauia memoriam obliterante. Ab infano, furioso, torpido, ac hebetè quid obtinebis? Sunt & alij, qui adeo rudes & ignaui sunt, ut iudicium nullum habeant, nihil capiant, nihil recordentur; stupidi ut truncus, fungis insipidiores. Multum est, si hi cognoscant esse vnum Deum, de PERFECTIIONE nihil prorsus concipiunt; de quibus tamen mansuetissimus Dauid: *Homines & iumenta saluabis, Domine*. Et D. Augustinus, deplorans hanc miseriā, ita scribit D. Hieronymo: *Tam tardi nonnulli sunt, & obliuiosi, ut ne prima quidem discere litterarum elementa potuerint; quidam verò tantæ sunt fatuitatis, ut non multum à pecoribus differant, quos moriones vulgò vocant*. Magna ergo ad res gerendas, & ad profectum virtutum, temperati sanique corporis accessio est: thesaurus incomparabilis sanitatis, quo tamquam subiecto fundamento magna Deus in ijs, quos illo beneficio dignatur, operatur. Sed hætenus de Temperamentis morbisque; nunc de Complexione ac animi vitijs aliquid dicendum; quod ab instituto nostro alienum non esse, & probat argumentū quod tractamus, & officij mei ratio, cui, Superiorum præscripto, cū rerum spiritualium præfectura, tum infirmorum curandorum prouincia deman data est.

CAPVT

CAPVT XII.

Mores animi sequi Temperamentum corporis.

14. **A**LTERVM quod vehementer virtutis functionibus suffragatur, est Complexio corporis, seu humorum coalitio, cum Temperie ac proportionem debita. Aliud enim Temperamentum seu ratio mixtionis principum qualitarum, aliud Complexio cuiusque naturæ. Nam ab elementorum viribus primò similium partium, ex his deinde corporis vniuersi compositionem ductam esse constat ex dictis: vt proinde palam esse debeat, omnem Temperamenti rationem elementis primùm deberi, his acceptam referri, in ijs sitam esse, vt quæ totius substantiam compleuerint; humores verò, ipsa que superuacanea, corporis partes non esse, sed ab eo dumtaxat cōtineri, ideoque ab Hippocrate contenta nuncupari; quare nullum Temperamentum dici debere biliosum, sanguineum, pituitosum, melancholicum, sed hæc nomina ab humoribus in corpore contentis deriuari.
- Et Propheta quidem Iob, declarans suam ac generis humani plasmationem, ait: *Memento, quæso, quod sicut lutum feceris me. Nonne sicut lac mulisti me, & sicut caseum me coagulasti? pelle & carnibus vestisti me, ossibus & neruis compegisti me.* In luto duo sunt, puluis & aqua: lac quoque ex sanguine fit, sicut & caro ex sanguine generatur. Mixto coagulo densatur lac, &, dum comprimitur, serum erumpit. Comparatur ergo formatio hominis primùm mixtioni aquæ cum puluere, ex quo lutum conficitur; vnde Scriptura dicit: *Formauit hominem de limo terræ.* Deinde comparatur profusioni seu asperfusioni lactis super materia aridiori, & hæc formatio respondet priori pulueris & aquæ mixtioni, ne dicamus ad propagationem seu generationem hanc mulsiōem pertinere, propter decissionem seminis paterni ex omnibus corporis partibus, & coagulari, propter constipationem & congelationem materiæ quam mater subministrat: etsi non pauci de propagatione ac generatione literam hanc interpretentur. Caseus formatus repræsentat hominis corpus, cum omnibus suis partibus: quare humores adiuncti & expressi designant humani corporis humores, ab ipso corpore separabiles; per aquam pituitam, per lac sanguinem, per serum flauam & atram bilem, ob coaguli mixti acerbitem & acrimoniam. Et quia corpus humanum ex elementorum mixtione constatum est, humores ab ijs expressi naturam & conditionem elementorum fortiuntur. Melancholia terræ comparatur, vt pote frigida & sicca: phlegma, seu pituita, aquæ quàm simillima est, quia humida & frigida: sanguis est calidus & humidus;

Complexionem bonam virtutis functionibus suffragari.

Complexionis & Temperamenti differentia.

Formationis hominis descriptio.

Gen. 2.

In humoribus elementorum qualitates expressæ.

idcirco aërei sunt sanguinei, & sæpe per aërem volare videntur, aut à terra sublimes discurrere, vix extremo pede solum attingentes; quod de Camilla refert Virgilius:

Virg. 7. *Æneid.*
in fine.

Hos super adueni Volsca de gente Camilla,
Agmen agens equitum, & florentes ære cateruas,
Bellatrix. non illa colo calathiferae Minervæ
Femineas assueta manus, sed praelia virgo
Dura pati, cursuq; pedum præuoltere ventos.
Illa vel intacta segetis per summa volaret
Gramina, nec teneras cursu lesisset aristas;
Vel mare per medium, fluctu suspensa tumentis,
Ferret iter, celeres nec tingeret aquore plantas.

Ea natura est sanguineorum.

Condiciones
Variarum Com-
plexionum.
Sanguis inter
humores corpo-
ris primas obte-
net.

Auic. 1. 1.
doct. 4. c. 1.

Secundas Pi-
tuita.

Tertias Cho-
lera.
Quartas Me-
lancholia.

Animi mores
sequi Temperie
ac Complexio-
nem corporis.

Clas. 1. titulo
Quod animi
mores corporis
Temperaturas
sequantur.

Phlegmatici somniant non raro, se in puteos fluuiosve prolabi; melancholici, mortuos cernere, eosdem sepeliri ac terræ mandari; biliosi seu cholerici, se carnificinam, cædes, incendia moliri. Sanguis inter humores principem locum obtinet: est enim spirituum, in quibus vita consistit, omnisque operatio vegetatiua, vitalis, & animalis, subiecta materia: deinde, quia sanguis temperatè calidus & humidus conformior est vitæ principijs: denique amplius nutrit & restaurat id quod exhaustum ac deperditum est, quàm ceteri humores. Summa, thesaurus est naturæ; quo perduto, de vita quoque actum est. Secundum probitatis locum sibi Phlegma vendicat, vel quia tempore necessitatis concoctione mutatur in sanguinem, ideoque nullum proprium habet receptaculum, sed cum sanguine mixtum incedit; vel quia vicinior est humido radicali, quod est veluti basis ac vitæ fundamentum. Sequitur tertia, Cholera, quæ naturali calori, quàm diu mensuram seruat, locia est. Vltima ac deterrima, Melancholia, subternitur ceteris, velut fax & sedimentum sanguinis, elongata à principijs vitæ, inimica lætitiæ & liberalitatis, cognata senio & morti.

15. En materia ac lutum, quo supremus figulus vasa præstantissima fingere voluit in honorem: quamquam & ex eadem multa contumelia ministerio seruiant. Hæc enim si temperata fuerint, generant ætatem floridam, venustatem morum, urbanam conuersationem, ac vitæ socialis conformationem. Hoc ipsum Galenus, medicorum parens, multis confirmat, dicens animam perspicaciorem reddi Temperatura commoderatione. Agit verò vniuersim, tam de Temperamenti quàm de humorum Temperie, & addit: Videmus pueros complures, iisdem parentibus ortos, ab iisdem præceptoribus educatos, iisdem alimentis usos, natura tamen quàm longissimè inter se differre. Vnde, quæso, nisi quod diuersæ Complexiones diuersimodè afficiant, non tantum diuersis parentibus ortos, sed etiam vterinos?

vterinos? quid dico? etiam geminos. Quantum discrimen inter Esau
 & Iacob fratres, qui ex eodem patre, eadem matre, eodem pane fusi
 momento! ille pilosus, hic lenis; ille seuerus, hic blandus; ille siluestris,
 hic urbanus, & ad omnem moderationem compositus. Quare idem
 Galenus statuit, *animi mores sequi Complexionem corporis*: & qua quisque *Lib. sup. ci.*
 condicione sit, abunde moribus & propensione testari. Disputans
 ergo cur aliqui vitiosi sint, alij non item; adfert Possidonij sententiam:
in nobis ait inestina quadam vitiorum semina. Et tamquam igniculos del. res-
cere, nec tam nobis a vitiosis cauere, quam vitiorum incrementum restringere. Et
coercere esse opus. Non enim, ut refert Stoicorum opinio, totum extrinsecus in-
gruit in nostros animos vitium, sed plurimum in seipsis homines vitiosi causa ha-
bent; quod extrinsecus aduenit, longè minus est: proinde sanè, consuetudine
praua accedente, secundum partem animæ ratione carentem prauum reddimur; fal-
sis autem opinionibus secundum intellectualem partem imbumur: sicut dum à
bonis sincerisq. viris instrui mur, opiniones quidem verae sunt, mores autem hu-
mani. At in cogitatrice anima parte intellectio stultitiaq. ratione maioris mi-
norisq. euariantes corporis Temperaturas sequuntur: ipsæ autem Temperaturæ
primam in utero generationem, & cibum probos succos parantem habent aucto-
rem. Atque hæc inuicem sese & adaugent, & fouent. Calida namque (exempli
causa) Temperies iracundos facit; inde rursus iracundia ingenitum calorem ac-
cendit, & igneum reddit: contra, qui mediocri Temperatura constant, mediocri-
ter quoque commoti animo, ad probos succos gignendos proficiunt. Non omit-
tam perpulchrum discursum, ad veritatis huius comprobationem,
 quem alibi idem auctor attexit, adferens varias Philosophorum opi-
 niones, quibus probat, non modò corporum Temperiem, sed etiam
 succum haustum in materno corpore, prauamque educationem, imò
 climatū diuerforum condiciones, moribus ingenerandis plurimum
 adferre momenti. Porro ex vitioso (ait) corporis habitu languere animam, ac
 nemini sponte esse malum, sed ob prauam habitudinem corporis, & rudem edu-
 cationem, ac proinde nec debere turpia vituperari, professus quidem est Plato in Plato.
 Timæo: Aristoteles autem secundo de partibus animalium ipsius animæ vires ma- *Aristoteles.*
 terni sanguinis sequi Temperiem existimat: qui rursus libro de historia anima-
 lium innuit, instrumentariorum partium figurationem animæ moribus accom-
 modari, ac proinde ex illa reconditos hos agnoscere. Hippocrates etiam in libro de *Hippocrates.*
 aquis, aëre, ac regionibus ait, eos qui plagam Septentrionalem incolunt, aut *Mores plerum-*
 etiam montana loca, agrestissimis moribus esse præditos: Asiam autem regionibus *que sequi na-*
 ceteris longè clementiorem existere; in eaq. omnia multo grandiora ac meliora *turam regio-*
 nasci; mores hominum tum mitiores, tum ad agendum promptiores esse, ob Asia- *nis.*
 tici calidam optimam Temperiem; haberi tamen illic magis imbelles homines, quàm
 in Europa. In summa verò, species & mores hominum ait plerumque naturam
 regionis sequi. Hæc ibi. Denique initio libelli quem de hac rescripsit *Lib. cit.*

ex

Genes. 4.
Ioan. 15.

ex professo, ita incipit: *Quemadmodum ex cibo & potu, nec non ex quotidianis exercitationibus, bonam corpori conciliamus Temperiem; sic etiam ex hac, ad virtutem animæ comparandam, nonnihil emolumentum attulerimus.* Verum diceret aliquis neminem ergo vituperandum, laudandum neminem; quia non à prava voluntate, vel bona, mali bonive reputari debemus, sed à pravo Temperamento. Non ita est; sed bonos facit animus integer, alios deprauat sua prava voluntas. Vehementer tamen iuuat propensam ad malum voluntatem deprauatæ naturæ condicio: temperata item multa impedimenta remouet à virtutis complexu. Profitemur tamen, in deprauatis hominum moribus decretum illud diuinum vigere semper oportere, *Sub te erit appetitus eius, & tu dominaberis illius:* & in compositis naturis, *Sine me nihil potestis facere.* Sed audiamus quid Ethnicus ille dicat, huic obiectioni respondens. *Ceterum qui cunctos homines virtuti comparanda idoneos, & qui nullum iustitiæ amantem esse arbitrantur, (quod est nullum finem naturalem statuere) utrique hominum naturam ex dimidio tantum cognoscunt.* Neque enim omnes iustitiæ hostes, neque omnes amatores nascuntur; ob corporis Temperaturam utrique tales geniti. Ac sanè, qui talia asserunt, subinde petunt, quo videlicet iure quispiam debeat laudari, vituperari, odio haberi, aut amari, cum probus aut improbus non suo apte ingenio, sed à Temperatura sit factus, quam ab alijs causis quisque accepisseprehenditur. Quia, scilicet respondebimus nos, omnibus hoc nobis inest, ut amplectamur bona, ambiamus, amemus; malum abominemur, atque procul arceamus. Ex quo patet, etiam Ethnicum hunc liberam electionem boni & mali in homine agnouisse; & virtutis bonitatem, vitijque turpitudinem, eligenti ac facienti ascribendam esse.

CAPVT XIII.

Deteriorem Complexionem eiusq; vitia perfectioni acquirenda remoram ac impedimenta plurima obicere.

Sanguineorum
Complexio, eorum
vitijs.

16. **S**ED ad particularia descendamus; ac de vitijs, quæ ex singulorum humorum copia prædominante proueniunt, explicemus. Et in primis de sanguineorum Cõplexione id medici statuunt: sanguinem spiritus alacres ac perfectos gignere; quo fit ut sanguinei & lætitia exilient, & in risum & cachinnos soluti fundantur, spiritum minimè teneant, alios ad idem faciliè prouocent, fabulis delectentur, & nugis, ne dicam insulis, scurrilibus, & inuerecundis sermonibus. Beni-

Benigniores etiam sunt, & affectibus indulgent suis, & alienis. Si vini potus accesserit, multa effutiunt, quæ secreta esse oporteret: & quia proniores in benevolentia insinuanda ac colligenda, arcana producant, & sua consilia detegunt. Solemne illis est, *de se suisq; multa prædicare, & subinde falsa, imò & cum irrisione audientium militem gloriosum imitari*; rebus serijs tractandis pondus omne detrahere, & in iocum omnia vertere. Cantu capiuntur, & si artem calleant, alijs recreationem nituntur adferre: quia & canunt libenter ipsi, & non illibenter volunt audiri. Proni sunt ad libidinem, ob ingenitum calorem humido permixtum. Potationibus capiuntur, & cibis lautioribus libenter vescuntur; quia similia similibus conseruantur: his enim sanguis conficitur, & calor conseruatur. Omnia pæne concurrunt libidinum incitamenta: animi læticia; ingenij vis & aptitudo artibus discendis; benignitas in vultu ac moribus, ob sanguinei humoris clementiam; oris decus; verborum eloquentia, ac dicendi facilitas; color venustus, cum serena semperque subridenti facie. Vnde Hippocrates, *Quibus, inquit, concessum est puriore sanguine frui, frequenter ij vident, & florida facie apparent, colore venusto; rubro nimirum, & cum splendore; non rubeo fusco, quo tinguntur vinorum generosiorum potatores.* Accedit audacia, quam prouocat calor sanguinis; & corpulentia, egregiaque forma, qua præditi esse solent. *Multitudo enim carnis rubæ (vt Auicenna 2.1. doctrina 3. c. 3.)* ait quidam Philosophus) cum decenti firmitate & non laxitate eius, significat Complexionem calidam & humidam, qualis est sanguinea: quia multitudo carnis rubæ attestatur super fortitudine virtutis assimilatiua & multitudine sanguinis, quæ vigent & inualescunt humido & calido. Idem scribit Galenus. *Lib. 2. Temperam.* His ergo omnibus etfi, ubi adest gratia cælestis cum Temperie, magna præstantur, & sanguinea excellentissima Complexionum est, quali putatur fuisse præditus D. Ioannes Euangelista, qui aptissimè à Christo dilectus fuit, & appellatus discipulus quem diligebat I E S U S; (erat enim reuera amabilis, & quidquid scripsit aut dixit, nihil aliud quàm amorem & dilectionem sapere ac sonare videtur) si tamen naturæ relinquimur, & humor ille præ ceteris exuberet, domi iuratum fouemus hostem, & in visceribus nostris alitur, qui quærendæ P E R F E C T I O N I grauissima impedimenta obijciat.

17. Cholera, seu flaua bilis, suos animo morbos etiam ingenerat: est enim calida & sicca, sicque ignem facile concipit; qui inclusus, aut re-
tentus, impetum facit, dum exilit, & euertit omnia. Sunt ergo cholericici impetuosissimi. Sat etiam constat, cholericos ambitiosos esse, & honoris cupidos; primas expetere sedes; conari præferre sese omnibus, nullius ferre posse imperia: superfluous enim calor animum ad arrogantiam & temeritatem excitat. Sunt iidem admodum edaces ac multi-
uori:

L

uori:

uori: intentior enim calor, qui ipsis inest, magis digerit, & maiorem solutionem facit. Dicuntur esse magnanimi, elati, superbi, iniurias tollerare non posse. Sunt præter modum iracundi, ob ebullitionem sanguinis circa cor, faciliemque cholerae commotionem: quæ enim sicca sunt, flammam faciliè concipiunt. Dicuntur astuti esse, fallaces, ac deceptores: quod tenuitas & caliditas humoris cholerici deceptionis modos eis prolixè suppeditet. Prodigii sunt in muneribus largiendis, ubi præsertim honoris consequendi aut dignitatis spes affulget. Audent denique quæcumque, & maximè ardua aggrediuntur, ad quæ cupiditate impelluntur, ob nimium calorem, & maximè cordis. Et hi quidem morbi ab hoc fonte nascuntur; qui quantopere obfint moderationi ad PERFECTIIONEM requisita, nemo non videt.

*Complexio
phlegmatica.*

18. Non defunt & sui morbi phlegmaticis, qui maximè proueniunt ob debilitatem caloris natiui: soluuntur enim instar aquæ, quæ & humida ac frigida est, & sic ex parte calori repugnat, qui tamen vires fulcit, erigit, & roborat; hinc pituitosi, torpidi, pigri, somnolenti, & tardi, longiori somno capiuntur, & ad otia magis quàm ad studia propendunt, torpentibus nimirum ob frigiditatem instrumentis, auctore Galeno. Sunt etiam obtusi hebetisque ingenij: vt enim intelligendi facultas & ingenij vigor ex innato calore nascitur; ita tarditas & hebetudo à contrario, nimirum frigido, exordium capiunt. Sensus quoque tam interni quàm externi obtusiores sunt; nihilque in eis est pulchrius mole corporis, quæ excessu humidi & frigidi confurgit: & quod in sanguine pingue, leue, & tenue residet, vtriusque est materia; cumque id venæ extra se transmiserint, ubi in frigidas particulas incidit, in ijs concrefcit, & in adipem conuertitur.

Complexio melancholica.

19. Deteriora est melancholia; quæ, si temperata non fuerit, mores hominum deprauat, & eò quidem vsque, vt subinde prostratos merore adigat ad laqueum. *Felix*, ait Sapiens, *qui non habuit animi sui tristitiam.* & Salomon: *Tristitia viri nocet cordi.* &: *Spiritus tristis exsiccatur ossa.* Hac absorptus Antiochus somnum omnem ac lætitiā amisit. Nec voluit Apostolus incestuosum Corinthium grauius affligi, *ne forte tristitia abundantiore absorberetur.* Sunt enim melancholici tristes, propter spiritus melancholicos, turbidos, & tenebrosos; sicut ex opposito homines læti sunt ob spiritus alacritatem. Sunt etiam taciturni, paucorumque verborum, ob frigiditatem; sicut nimia garrulitas prouenit ex caliditate. Sunt suæ sententiæ tenaciores, ob siccitatem; à qua non faciliè se diuellit ac dimoueri patiuntur. Nec placari possunt, si offendantur. Voluunt, reuoluunt animo suspiciosè ac temere aliorum dicta fatæ. Nihil sibi fore tutum arbitrantur, facileque percelluntur: omnia tuta timent; quod nimirum atra bilis, rationalis animæ arcem occupans,

*Eccl. 14.
Prou. 25.
1. Mach. 6.
2. Cor. 7.*

pans, timorem inducit. Neque id mirandum est, cum videamus in rebus externis, inquit Galenus, nihil magis quam tenebras hos perterrefacere. Si *De simp. causa* igitur simile quippiam rationali parti anima circumfundatur, hominem semper timere necesse est, utpote qui semper timoris causam in corpore circumferat. Quod enim nobis extrinsecus accidit, cum ambiens nos aer vastissimis tenebris fuerit obscuratus; id melancholicis ab intimo corpore erumpere videtur, occupante cerebrum ipsam et atra bile, vel vapore quopiam melancholico. Hæc ille.

Eadem causa est multorum scrupulorum animi: qui morbus, si quis *Scrupulosi* *Varq.* alius, hominis mentem adeo præcipitat, ut ne sapientes quidem sibi constent, & instar puerorum à iudicio excidisse videantur. Nonnulli, quidquid agant, peccare timentes, in nulla re peccati materiam discernunt; longisque discursibus occupati, postea referunt historias in quibus ne umbra quidem culpæ alicuius appareat. Alij arbitrantur, quidquid in imaginationem venit, in mentem venisse: & quia phantasiam habent non minus capacem quam tenacem, fit ut appetitus sensitivus, qui necessario sequitur apprehensionem imaginationis, moueatur, sensumque natura exprimat: illum rati consensum, cogitationes omnes quas putant mente pertractasse, & voluntate rationali probasse, ad peccati consensum referunt; cumque infinitæ occurrant, omni die, hora, momento perplexi sic viuunt, ut non viuant, sed vitam miseram trahant. Nonnulli grauissimis fœdioris voluptatis agitationibus vexantur assidue, quasi res ipsas videant, quasi voluptas inhæreat. Occurrunt & terribiores cogitationes, blasphemæ, hæreticæ, odij sacrilegi, in Deum, in Sanctos, tremendam Eucharistiam; de morte sibi consciscenda, adferenda parentibus; & similes animi affectiones, quæ adeo internum hominem mordent, pungunt, & afficiunt, ut vel subinde cruentent, vel graui tristitia animum suffundant, vel à suauis internæ vnctionis dulcedine ad carnificinam deducant: & licet abactæ auolare videantur, muscarum importunarum instar indefinenter recurrunt. Sunt & non pauci, qui libenter in omnia flagitiorum genera profiliunt, nullo scrupulo, nulla conscientie religione; sed quando ea Sacerdoti exponenda sunt, adeo cruciantur explicatione circumstantiarum, ut modus non sit conscientie placandæ. Quod & pijs animis accidit non raro, in exponendis reculis quæ vix speciem umbramque peccati admittunt. Horrent Dei iudicium; inferni fauces sibi inhiare putant; se damnandos illico pronuntiant; consilia solatiaque omnia habent suspecta; diuersorum aures consulunt, & nesciunt acquiescere: quia in cognitione morbi laborant, qui non est in legis æternæ violatione, sed in vlcere quod animam exulceratam depascitur. Arbitrantur etiam, mali remedium esse confessionum reiterationem frequentem, cum nihil perniciosius sit: est enim agritudo hæc similis scabiei prurientis ac mordi-

*Remedia con-
tra scrupulos.*

serem, st.

cantis, cuius affricatio voluptatem parit eximiam; sed id remedij morbum non sanat, imò recrudescere facit, non sine magno periculo inflammationis admodum perniciosæ, & dolorem penitudinemque improbæ voluptatis relinquit. Confessio hæc repetita affricatio est prurientis scabiosæque conscientia; meritoque de ea dici potest, *Curauimus Babylonem, & non est sanata.* Imò certe tales exponunt se periculo grauioris morbi, affectam partem intempestiuo remedio proritantes: neque enim repetitiones illæ, atque exaggerationes inculpatæ conscientia, remedia sunt, sed ruina ac interitus; quin etiam mania ac demencia viam sternunt, ni probis medicis fidem habeant. Verum corporum medici subinde proficiunt bono consilio, salutari medicamento; erga scrupulosos spiritualibus medicis plus patientia opus est, quam medicamenti: nam & illi non credunt dicenti, & medicinam non applicant; & si reprehendas, patientissimi sunt, minusque apprehendunt consilia, quam muscæ ventilabra; nam quidquid excutias, semper redeunt. Quem ex hoc ligno facies Mercurium, quomodo hunc idoneum putas PERFECTIONI capeßendæ, cum omnes eius conatus, cogitationes, vires, consilia in id incumbant vno, decem, viginti, & triginta annis, vt vel vnicam molestiam amoliantur, nec possint? quò ergo vltra progredi dabitur?

*Complexionum
mixtionem.*

Nihil hîc dico de Complexionum varietate, humorum coniugatione ac mixtione: vt enim de Temperamento diximus, sic de humorum cognatione dici potest; & varias esse nempe hominum condiciones, & quasdam ceteris deteriores, quæ, quidquid impurum atque improbum in alijs est, in vnum coaceruasæ videantur. Et hos minüs idoneos ad virtutem esse, nemo in dubium vocabit.

*Complexionem
malam obstaculo
esse studio
virtutis,
ratione probatur.*

20. Est ergo beneficium ingens, sana & integra frui valetudine, eoque Temperamento ac Complexione, vt studio virtutis nulla aut certè pauciora impedimenta obstant. Quî fiet enim, vt, qui lætitia perpetuò gestiat, vel mœrore tabescat, vel torpeat ingenio, aut denique desiderijs exæstuet, modum virtutis normamque teneat, extrema vitet, compositus maneat, & regulam in actionibus obseruet? Verum est, ratio & mentis dominium multa possunt; & psittacum doces suum *χέει*, & lupum cicurabis, & cani canistrum impones: sed bestia sunt, ne fidas; & psittacus facillè idioma suum recantabit, & lupus semper sibi similis est, & canis, si, quod deuchit, voretur ab alijs, sui non erit immemor; denique

Naturam expellas furca, tamen usque recurret.

At recursus ille, preces importunæ, sollicitatio, propensio molesta est, amor est & pondus: & nos molles sumus, tam diu molestas importunasque preces, a nobis præsertim promanantes, constanter ferre non possumus,

sumus, acquiescimus, victasque damus manus. Et verò fateri debemus, mores animi, Complexionem sequi corporis, nisi viribus altioribus fulciamur: & hæc quidem D. Paulus suo calculo comprobatur. *Sero enim Rom. 7.* (inquit) quia non habitat in me, hoc est, in carne mea, bonum: nam velle, adiacet mihi; perficere autem bonum, non inuenio. Non enim quod volo bonum, hoc facio; sed quod nolo malum, hoc ago. Video autem aliam legem in membris meis, repugnantem legi mentis meæ, & captiuantem me in lege peccati, quæ est in membris meis. Infelix ego homo, quis me liberabit de corpore mortis huius? gratia Dei per IESUM Christum, Dominum nostrum.

21. Non intendimus hac prolixa disputatione de Temperamento & Complexione corporis instituta, ad PERFECTIÖNEM acquirendam necessaria, illorum fouere curas ac sollicitudines, qui toti in valetudinem curandam incumbunt, medicinis stomachi vires conuellunt, omnibus malis laborant, quibus alios detineri audiunt; quibus minimus dolor, maximi morbi vel prænuntius, vel præsentis indicium est; quorum palato nullus cibus arridet, nisi is qui est in optatis; quorum ventri numquam potest satisfieri; quos exilis doloris sensus ab omni officio auocat illico; quorum nullus alius sermo, quàm de aduersa valetudine, eaque varia. Indecorum sanè est, athletam spirituales seruare palato, indulgere ventris desiderijs; & loco studij PERFECTIÖNIS medicinæ aut curando corpori operam dare. Hoc medicis relinquendum est, & ijs qui præstant. Si adhibita sint opportuna remedia, nihilque supersit explorandum, ad patientiæ asyllum recurrendum est, & aliquid diuinæ providentiæ relinquendum. Hinc D. Bernardus prudenter monet: *Hic fouea est, quæ nolo vos lateat. Insidiatur enim voluptas sanitati, & tam subtili malignitate prosequitur, ut vix ea quis possit cauere, vel mouerit. Quod si voluptati seruitur, hoc iam de natura non est, sed sub natura, quæ morti manus dat, cum magistræ constituit voluptatem. Inde etiam est, quod multi ad tam bestiales & rebelles impetus descenderunt, vel (ut dicam verius) sic ceciderunt; ut voluptatem præferant sanitati, & illis ipsis sepius voluerunt, quæ sciunt difficiles & acutissimas subsequi passiones.* Hæc Bernardus. Certè sancti Patres, qui de varijs varia scripserunt, de nulla re parcius, quàm de curanda valetudine; (etsi moderata cura sua laude non careat) sed in eo elaborant, ut nobis persuadeant, mortificationem corporis, animæque sanitatem, præferendam esse valetudini; quæ sola parum iuuat acquirendæ pietati, teste B. Paulo, qui dicit: *Cum infirmor, tunc potens sum. & Infirma mundi elegit Deus, ut confundat fortia. & Corporalis exercitatio ad modicum utilis est, pietas autem ad omnia utilis est.* Plurimi quoque sancti viri in graui corporis languore & infirmitate præstantissima quæque gesserunt: qualis D. Gregorius in Pontificatu, quamuis cum assidujs stomachi doloribus conflicaretur; & S. Lydvina incredibiles

*Reprehenditur
manis sollicitudo
do valetudinis,
& cura nimia.*

*Sermon de triplici
genere bonorum,
& Sigmundus
super
cogitationibus;
qui est inter
Sermon de diuer-*

*2. Cor. 12.
1. Cor. 1.
1. Tim. 4.*

Act. 14.
Ioan. 15.

morbos tota ferè vita perpeffa, egregia patientiæ & sanctitatis monumenta reliquit. Quid ni & nos à nobis ipsis aliquid patiamur, cum & mortales esse nos deceat esse memores; & per multas tribulationes oporteat nos intrare in regnum Dei, nec sit seruus maior Domino suo? denique omnes sancti quanta passi sunt tormenta, ut securi peruenirent ad palmam martyrij!

CAPVT XIV.

Passiones animi à Complexione praua factas immoderatiores, PERFECTIONI querenda esse impedimento.

Passiones animi
ori ex in-
temperie cor-
poris.
Similitudo
apla.

22. **V**ENIO tandem ad id quod in hoc tractatu postremum non est; & quod inter multa, quæ virtuti aduersantur, propemodum primas obtinet: nempe, *animi passiones ex dicta intemperie oriri, excitari, vireſq; omnes assumere*. Vt enim venæ, si vacuæ sint, aut certè solius frigida potione refocillantur, non admodum turgescunt; incredibiliter verò inflantur, si generosioris vini liberali potu satientur: sic & animi affectiones, si solo phlegmate aut melancholico humore nutriantur, languescunt, & quasi frigida, & suo qualicumque calore seruando contentæ, non erumpunt; sin verò humoris sanguinei aut cholerici viribus vehantur, alanturque vberius, ferociunt, & instar ignis conclusi exiguo fomite admoto, impetum faciunt, non sine strepitu & incommodo, cum illius à quo flamma exeritur, tum eorum in quos exilit ac intorquetur. Sed de his paulo altius repetendum est: in

Appetitus du-
plex.
Intellectus.

Sensitiuus.

Passiones quæ
discantur.

2 Lib. 9. ciuit.
cap. 4. & lib.
14. cap. 7. & 9.
D. Thom. 1. 2.
q. 23. a. 4. &
q. 25. a. 4.
Passiones 11.
D. Thom. sup.

homine nempe duplicem esse appetitum; quorū alter intellectiuius appellatur, alio nomine voluntas, soli animæ rationali inhaerens; vnde ponitur in parte superiori; alter, à sensu cui inhaeret, (inest enim toti composito, ex anima & corpore, vnde constituitur in parte animæ inferiori) sensitiuius dicitur; & habet potentias duas, alteram concupiscibilem, alteram irascibilem. Harum motus, seu operationes, passiones dicuntur; quod per illas potentia corporali quadam immutatione alteretur, & quasi patiatur: quia verò subinde rectam rationem turbare tenebrasque offundere soleant, perturbationes appellantur. Censentur à D. Augustino & D. Thoma numero vndecim: quarum sex resident in potentia concupiscibili, nempe amor, desiderium seu concupiscentia, odium, fuga seu abominatiō mali, delectatio, quæ & gaudium nuncupatur, dolor vel tristitia; quinque reliquæ sunt in irascibili, videlicet spes & desperatio, audacia & timor,

ira

ira denique, quæ & indignatio zelusq; dicitur. Oriuntur hæc perturbatio-
nes cum ex obiecto aliquo bono, tum ex malo per imaginationem ani-
mæ præsentato. Res enim bona obiecta, tamquam principium acti-
uum, primum omnium prorit animum, attrahit, & inclinât ad se: hæc
propensio *amor* dicitur. Quod si illico non obtineatur, incitat appê- *Amor.*
titum ad illam procurandam: hoc est *desiderium*. Quam si obtineat, *Desiderium.*
efficiet in anima quietem & pacem; & dicitur *delectatio seu gaudium*, quæ *Gaudium.*
est animi lætitia ob præsentiam boni possessi. Eundem ex oppposito
effectum gignit res mala appetitui exposita per imaginationē: & primo
quidem auersionem, qua conatur eam à se remouere; & dicitur *odium*. *Odium.*
Sequitur deinde studium rem illam propellendi; & dicitur *fuga seu abo-* *Abominatio*
minatio mali. Quod si malum adhærescat, nec possit repellere, nascitur *mali.*
dolor seu tristitia. Quod si bonum appetitui obiectum arduum sit, sed *Tristitia.*
ita conceptum, vt obtineri queat; efficiet in potentia irascibili *spem* il- *Spes.*
lud consequendi: contrâ verò *desperationem*, si concipiatur quasi obti- *Desperatio.*
neri nequeat. Rursum si appetitui malum obijciatur, quod ægre de-
pelli possit, & tamen homo confidat se depulsum; nascitur *audacia* in *Audacia.*
appetitu: sin minus, *timor*. Si verò malum sit reipsa vel imaginariè *Timor.*
præsens; furrigit se *ira* contra malum, malique auctores, & tum illud, *Ira.*
tum hos tollere nititur è medio.

23. Quantum hæc perturbationes noceant animæ quieti & tranquil-
litati, quæ ad virtutem capeffendam apprimè necessaria est; quantum
& sanitati corporis; adeò omnibus notum est, vt hæc veritas probatione
non cgeat. Toti enim composito, animæ nimirum & corpori, ac eius
organis insunt; & cum sæuiunt, vires tam corporis quàm animi exhau-
riunt ac fatigant incredibiliter, vno eodemque telo simul corpus &
animam conficientes. Ponamus hic aliquot passionum exempla, &
vim efficacitatemque perspiciamus.

*Ab amore incipiamus. Apeme Bezacis siue (vt Iosephus) Rhapsacis *Passiones Vir-*
Themafini filia, concubina Darij Persarum Regis, à Rege præ ceteris *tutis studio esse*
amata, ita vt dextera affideret, & de capite diadema auferret, sibi que *impedimento,*
imponeret, Regis malam sinistra manu feriret, cum interea Rex eam *probatum ex-*
hiant ore intueretur, arridenti arrideret, & succensenti blandiretur, *emplis.*
quo sibi eam reconciliaret. Quo argumento vsus Zorobabel, apud *a I.*
Esdram, mulieres maiores Rege vires habere pronuntiauit: non mu- *Amoris Vir.*
lieres, inquam, sed passionem vel amoris vnicam Regibus imperare. *b Lib. 11. Antiqu.*
Quis hoc crederet, nisi Esdras testaretur? *Desiderij* impotentia non *Iudac. c. 4.*
minus afficit animum, nec quidquam turpe aut difficile agnosci per- *2.*
mittit. Esau famelicus à venatione rediens, lentis edulio ius suæ pri- *Desiderij.*
mogenituræ fratri Iacobo vendidit. Iacob desiderio Rachelis æstuans, *Gen. 25.*
laborem obsequij quatuordecim annorū sine sensu labentis temporis *Gen. 29.*
susti-

Matth. 27.
Abbr. 1.

1. Reg. 13.

3.
Gaudij.
Titus Luuius
lib. 21. initio.
Valer. Max. lib.
9. cap. 12. Plu-
tarch. in Vita
Hannib.

4.
Tristitia.
1. Reg. 4.

1. Mach. 6.
D. Greg. Naz.
in oratione 3.
qua est 1. in-
nest. in Iulian.
sbiq. Pamel. &
Nonnus.
2. Lib. 29. c. 8.
Antiq. leſ.

5.
Timoris.
1. Reg. 25.
In Pompeio.

6.
Ira.
1. Reg. 25.

4. Reg. 6.

fustinuit. Quid? ô impudentia! auri cupiditate Iudas discipulus Mes-
siam & Redemptorem orbis argenteis triginta vendidit: sed quæ mer-
ces finisque infani desiderij? abiens laqueo se suspendit. Amnon tan-
to desiderio sororis Thamar captus est, ut ei stuprum inferret, & incestus
sui poenam ferret; necem nimirum, quam ei frater eius Absalom attulit.
Profectò cupiditate incensis nulla religio, nihil sacrum, nihil inau-
sum relinquitur, quod suo scelere sacrilego non temerent.

Quid de gaudij ac lætitiæ efficacia dicam? Victis ad Thrasimenum
Romanis, eaque clade indicata, sollicita & anxia multitudo sese ad por-
tas effudit, viri promiscuè & feminae, quæ suorum fortuna esset explo-
raturi. Varij hîc sciscitantium affectus, ut quisque de suorum morte
aut vita certior factus esset. Mulierum multo maiores planctus & gau-
dia extitere: quarum vna sospiti filio ad ipsam portam facta obuia, com-
plexu eius expirauit; altera, cum falso mortis filij nuntio mœsta domi
federet, ad primum conspectum redeuntis exanimata est.

Sæua bestia tristitia quid non facit? Heli Sacerdos, cladis teterri-
mæ Philisthæo bello acceptæ, captæque Domini arcæ, nuntio consternatus,
audita triginta millium Iudæorum, & duorum, qui in ea acie steterant,
filiorum cæde, solio præceps datus mortem obiit. Antiochus Epipha-
nes è Perfide fugatus, cum Lyfiâ quoque Ducem à Iudæis victum cog-
nouisset, in cœore animi in varios morbos incidens, miserè periit. Re-
fert Cælius Rhodiginus, Aristotelem in Chalcide Euripi septies die ac
nocte reciprocantis naturam admiratum, causas altius secum libran-
tem, cum minùs voti compos euaderet, animi ægritudine contraxisse
morbum, ex quo non conualuit ampliùs. Sunt qui prodant in fretum
dedisse præcipitem se, hincque natum elogium: *Quoniam Aristoteles
non cepit Euripum, Euripus cepit Aristotelem.*

Non minorem vim habet timoris affectus, præsertim inopinatus.
Nabal timore concepto irati Dauidis, quem ingratus contempserat, il-
lico mortuus concidit. Illud etiam dignum memoria, quod de Iulie
Cnæi Pompeij vxoris tristi casu Plutarchus narrat. Cum enim in co-
mitijs ædilitijs nonnulli ad manus venissent, & circa Pompeium non
pauci occisi essent, cruore resperfus mutauit vestes; quas domum re-
ferri ut fortè Iulia vterum gestans conspexit, extimuit, & suspicans
mortem mariti, animo defecit, & ex illa turbatione abortijt.

Dicam postremò de ira, ceteris prætermisiss, ne in re clara prolixior
sim. David Rex alioquin benignissimus, qui velut ex professo hostes
suos diligere videbatur, Nabal tamen superbiam & ingratitude
cum ferre non posset, ira incensus, eum cum tota familia ad interne-
cionem deleuisset, nisi Abigail, Nabal vxor, ipsum placasset. Idem Io-
ram Israelitano Regi accidit; qui Samariæ obsessus à Benadad Rege
Syriæ,

Syriæ, cùm fames maxima ciuitatem inuassisset, contra Eliseum Prophetam tanta ira exarsit, eo quòd Deum pro liberanda vrbe non exoraret, vt miserit satellites, qui ei caput præciderent; sed pœnitentia ductus, satellites reuocauit. Multa irati facimus, quæ sani mente ne cogitare quidem auderemus: quid enim iratus non audet, etiam si vitam prodigere debeat? denique Valentinianus Imperator (inquit S. Hieronymus) cùm aduersus Sarmatas Quadosque propter Illyrij vastationem in consistorio sæuus infremeret, & totius gentis excidium rigidus minaretur, sanguine erumpente discrepuit.

*Epist. 29. ad Prasilium
Diac. tomo 3.*

24. Hæc ergo monstra omnia domanda erunt à tirone: si namque natura ferox, si immanis, si libidinosa, si effrenata labore audacia, si vimbram suam horreat, si odij ac vindictæ tenax, si effusa in lætitiâ dissolutionem se non contineat, si denique perturbationibus dictis obnoxia sit in gradu aliquo intensiori; vbi requiem ac tranquillitatem necessariam ad virtutes recipiendas, augendas, atque exercendas inueniet?

*Declaratur rationibus, passionibus impedire perfectionem.
1. Ratio.*

Si B. Paulus vitiorum incitamenta peccatum nominat, eisque ascribit omnem suam infelicitatem, dicens, *Si autem, quod nolo, illud facio; tam non ego operor illud, sed quod habitat in me peccatū: infelix ego homo, quis me liberabit de corpore mortis huius?* & tamen perturbationes moderatiores in ipso erant, quàm in nobis; & minus loci in eius animo, ob maxima diuinæ gratiæ munera, & protectionem singularem, inueniebant: quid de nobis statuimus, quos & grauissimæ oppugnant passionibus, & plurimæ perturbant infirmitates; vulgari tantum gratia & protectione donatos? D. Augustinus lamentatur cum Paulino in quadam epistola eandem calamitatem, in qua ita ad eum scribit: *Quid vberius, & veracissima confessione plenius, quàm illud est in quadam epistola tua, vbi naturam nostram non in fine mansisse vt condita est, sed vitiatam esse per illum generis humani patrem, humiliter deplorasti, dicens: Pauper ego, & dolens, qui adhuc terrena imaginis squallore concretus sum, & plus de primo quàm de secundo Adam & carnis sensibus, & terrenis actibus refero. Quomodo tibi audebo me pingere? Erubescō pingere quod sum, non audeo pingere quod non sum: odi quod sum, & non sum quod amo. Sed quid misero mihi proderit odisse iniquitatem, & amare virtutem; cùm id potius agam quod odi, nec elaborem piget id potius agere quod amo? Ipse discors & intestino bello distrahor, dum spiritus aduersus carnem, caro aduersus spiritum dimicat, & lex corporis lege peccati legem mentis impugnat.* Hæc & plura Paulinus lamentatur, & Paulum imitatus exprimit ad viuum passionibus animi omnis generis, quibus vel à virtute abducimur, vel etiam ad peccandum inuitamur.

*2. Ratio.
Passiones peccatum appellata.
Rom. 7.*

*Epist. 106. ad Paulinum
contra Pelag.
in fine.*

Quæ quidem non lædunt, si non admittantur: sed quia importunæ, molestæ, assiduæ, & vrgentes sunt, & sæpe potentissimæ, quis non lædatur aliquando? quis non frangatur? & quis ijs pellendis atque excludendis

*3. Ratio.
Passiones quando sint peccatum.*

M

dendis

Conclusio.

dendis occupatus strenuam virtutibus acquirendis operam nauare, exercendis sese impendere, perficiendis dedere se poterit? Magno ergo beneficij loco quisque reputet, si naturam Complexionemque temperatam accipiat, quæ acquirendæ PERFECTIO sit idonea; & toto vitæ decursu occupari non debeat in amoliendis teterrimis passionum monstris ac portentis, quæ miseros mortales vel trahunt ad interitum, vel immaniter torquent & affligunt, omni que corporali & spiritali solatio destitutos relinquunt.

CAPVT XV.

*Deum ab hominum Temperie aut Complexione,
ut aliquem perficiat, non dependere; sed
eius gratia pessimum quemque
optimum posse euadere.*

25. **I**D postremò, non obstantibus ijs quæ de naturarum intemperie dicta sunt, magnitudini diuinæ potentia tribui debet, quòd, quantumcumque quispiam inconditis deprauatisque moribus sit, summa labore intemperie, Complexione deterrima, ac passionibus immoderatis, Deo hominibusque sit inuisus; si diuina gratia deinde mentem occupet, voluntatem emolliat atque informet, mira in homine fiat mutatio; & talis quidem, ut non rebellem naturam, sed maximè temperatam ex matris utero hausisse atque attulisse videatur. Id cum experientia notissimum sit, tum ex sacris Scripturis facillè declarabitur. Cum enim D. Ioannes venturum Messiam annuntiaret, & ingratissimis Iudæis denuntiaret gratiam in Gentiles transfusum iri, teste Diuo Gregorio; ^a Potens est, ait, Deus de lapidibus istis suscitare filios Abrahæ. Lapidibus hi (inquit ^b Origenes) nos significant, quia ad similitudinem lapidum obdurantes corda nostra renuimus veritatem. Et ^c D. Gregorius: In Scriptura sacra aliquando lapides in malo, aliquando in bono, accipi solent: nam cum lapis pro insensibilitate ponitur, dura per lapides corda signantur; unde & per Ioannem dicitur, ^d Potens est Deus de lapidibus istis suscitare filios Abrahæ: qui videlicet nomine lapidum corda Gentilium designat, dura tunc atque insensibilia per infidelitatem. Et per Prophetam Dominus pollicetur, dicens: Auferam cor lapideum de carne vestra, & dabo vobis cor carnum. At Gentilium quàm multi barbari! quàm efferæ, quàm immanes, quàm truculentæ bestia! Hinc à Scriptura pardi, serpentes, dracones, lupi nominantur. Et tamen quàm

*Sanari gratia
intemperiem,
prauamque
Complexionem,
declatur
Scripturis.*

*Lib. 29. Moral.
cap. 22.*

a Luc. 3.

*b Hom. 14. in
Ierem.*

*c Lib. 18. Mo-
ral. cap. 20.*

d Luc. 3.

Ezech. 36.

quàm præclara & speciosa de ijs prædicantur à Prophetis! *Letabitur*, ait Isaias, *deserta*, & *exultabit solitudo*; *germinans germinabit letabunda*. *Isaia 35.*
 &: *Latere sterilis, quæ non parit; crumpe & clama, quæ non parturit; quia* *Isaia 54.*
multi filij deserte, magis quàm eius quæ habet virum. item: *Habitabit lupus* *Gal. 4.*
cum agno, & pardus cum hædo accubabit. &: *Dabo in solitudinem cedrum,* & *Isaia 11.*
spinam, & myrthum, & lignum oliuæ. &: *Ponet Dominus desertum Sion quasi* *Isaia 41.*
delicias, & solitudinem quasi hortum Domini; gaudium & lætitia inuenietur in
eo, gratiarum actio, & vox laudis. Quibus verbis Spiritus sanctus admi-
 randam in hominibus mutationem significat, vt qui duri & crudeles
 instar leonum, vrsorum, & luporum, fædi tamquam hædi, maculosi vt
 pardi, insensati vt bos aut vitulus ante gratiæ susceptionem, tristes vt in
 solitudinem relegati, superbi vt cedri, infructuosi vt arbores siluestres,
 horum iam mutato animo, omnes corporis simul qualitates mutatz vi-
 deantur, vsque adeo, vt *habitare possit agnus cum lupo, & hædus cum pardo*
accubare. Addit Propheta: *Vitulus, & leo, & ovis simul morabuntur, &* *Isaia 11.*
puer paruulus minabit eos: vitulus & vrsus pascentur, simul requiescent catuli
eorum; & leo quasi bos comedet paleas; & delectabitur infans ab ubere super fora-
mine aspidis, & in cauerna reguli, qui ablactatus fuerit, manum suam mittet.
 Vis admiranda gratiæ Dei, quæ adeo hominem mutet, vt is qui fuit, non
 ille ipse esse censeatur. Magnus artifex Dominus, & medicus incom-
 parabilis; hinc Isaias: *Reuertentur Aegyptij ad Dominum, & placabitur* *Isaia 19.*
eis, & sanabit eos. Denique impietas impij non nocebit ei, in quacumque *Ezech. 33.*
die conuersus fuerit ab impietate sua. Hæc mutatio cum appareat in vni-
 uersa Ecclesia, tum maximè in sancto aliquo religioso Ordine: vbi licet
 ex omni natione, mira morum varietate, officiorum ac negotiorum ge-
 storum differentia, nullo discrimine collecti sint, tamen viuunt com-
 munitè, & nulli ampliùs leones, pardi, vrsi, lupi, aut ferociore boues
 ibi sunt, sed omnes euaserunt agni, aut innocentes vituli; nec vnus co-
 medit carnes, alius fenum, alius paleas, *sed leo quasi bos comedit paleas,* *Isaia 11.*
 omnes eadem mensa fruuntur, nec superior inferiorem in ciborum
 quantitate aut qualitate antecellit: *multitudinis denique credentium est cor* *Ath. 4.*
vnus, & anima vna; nec quisquam aliquid suum esse dicit, sed omnia sunt com-
munia. Inter miracula mundo edita non est hoc maius, nec in quo se
 Deus magis ostendit absolutum hominum dominum, qui de ijs pro-
 nutu & beneplacito suo possit disponere, & ab extrema animi corpo-
 risque indispositione ad extremum splendorem vtriusque hominis sta-
 tum nullo negotio reuocare. Verè dixit Propheta: *In manu eius sunt* *Psalm. 94.*
omnes fines terræ. Impij enim & iusti distantia cum extremis mundi par-
 tibus merito conferuntur: at quia in manu Dei sunt, facile ei est vtram-
 que manum distantiam coniungere, & extrema in suis manibus com-
 ponere. Quid mirum? figulus est, & de eadem massa facere potest

vas in honorem & in contumeliam; non tantum ex terra virgine, sed etiam postquam decocta sunt vasa, & in contumelia vsu pæne consumpta, rursus emollire, & in vasa gratiæ transformare. Quid ni? nam & fictores crystallorum in fornace ex frustis noua vasa restitunt. Et ipse est fictor egregius: *mittit crystallum suum sicut buccellas*; & in camino caritatis effractas vires animi corporisque de integro restituit, ac in vasa electionis transmutat.

*Idem rationibus probatur.
Ratio 1.*

26. Etsi enim quispiam pessimæ Complexionis sit, & vitæ profligatæ, deploratis moribus, longo vsu ac consuetudine roboratis; remanent tamen in homine virtutum semina, rationis radius, igniculi iustitiæ, rectæ conscientia scintillæ, quibus nonnumquam illustratus atque excitatus ad se redeat, & condicionem suam deploret: & vellet ille quidem se aliter habere, sed id consequi non potest, ob virium imbecillitatem, difficultatem, multitudinemque ingruentium tentationum, ac Complexionis deprauatæ pondus pertrahens in aduersum. Deinde ipsum rationis lumen, quod est initium ac basis bonæ actionis, ne quidem in grauissimis peccatoribus extinguitur: offunditur quidē vitiorum nebulis; tollantur vitia, lampas illa perillustis irradiat solito more, & maximè si cæleste lumen affulgeat. Accedit quod Deus gratia sua vires augere possit, ac corroborare, tentationum impetum auertere, animo ea solatia immittere, quibus incitatus etiam cum voluptate luctetur, ad victoriam consequendam, & virtutes acquirendas, Deo placendum, & gloriam æternam demerendam. Quod si vires sufficiant, prauitas Complexionis remanebit quidem aliqua, sed ad virtutis exercitium, meritum incrementum, & PERFECTIIONIS trophæum reportandum.

Ratio 2.

Adde quod, qui peccat, magna ex parte ex ignorantia delinquit: & inter perditissimos quosque reperies, qui aliorum auctoritate, aut suasionibus speciosis, aut cupiditate inflammati potius, quàm prudentes & scientes sese precipitent; & ubi eos erudiri contingit, ac instrui, improbis actibus modum ponunt. Ita fuit D. Paulus blasphemus Ecclesiæ persecutor, æmulator ardentior paternarum traditionum. Certè ei animus erat optimus; & si sciuisset Christum esse Messiam, (vti nouit postea) numquam eum fuisset persecutus, vt euentus ipse docuit. Iudæorum quoque plurimi ignorantia laborantes in Christi mortem conspirarunt, principum ac doctiorum auctoritate atque iudicio nixi ac permoti. *Si enim cognouissent, numquam Dominum gloriæ crucifixissent.* & Petrus ait: *Nunc, fratres, scio quia per ignorantiam fecistis, sicut & principes vestri.* Principes quidem inuidiæ ac vindictæ cupiditate excæcati, turba promiscua principum exemplo ac rationibus inducta.

*1. Cor. 3.
Act. 3.*

Ratio 3.

Denique constat passionibus ideo malas esse, quod cæcæ in libidines & flagitia

flagitia æquè ac in virtutum opera prorumpant, voluntatis imperio, aut dissimulatione: quæ si rationis regula & prudentiæ norma regerentur, vitio carerent; nam & amare, & desiderare, & frui re honesta & fine laudabili, honestum & laudabile est. Odisse etiam licet quod rationi & æquitati repugnat; illud ipsum fugere, irasci, ac vim repellere, si inferatur; & audenter aggredi ardua, constantiæ & fortitudinis impulsu.

27. Itaque duo hîc requiruntur: sanctitas finis, seu intentionis purgatio; & sanatio voluntatis. Si enim passiones ad eum finem dirigantur, qui opus cohonestet; illud eo nobilius erit, quo intensius atque ardentius: & hoc ipsum efficiet ac promouebit affectio adiuncta potentiæ naturali; licet enim Deum intensissimè amare, ardentissimè desiderare, in ipso quiescere ac latari. Hoc fecit Dauid, cùm dixit: *Quemadmodum desiderat ceruus ad fontes aquarum, ita desiderat anima mea ad te Deus. Sitiuit anima mea ad Deum fontem viuum: quando veniam & apparebo ante faciem Dei?* & alibi: *Si oblitus fuero tui Ierusalem, obliuioni datur dextera mea. Adhæreat lingua mea faucibus meis, si non meminero tui.* Quia verò peccata amorque proprius, concupiscentia item carnis & oculorum, ac superbia vitæ impediunt; ijs vehementer irasci, cùm nos impugnant, ac vim vi repellere, honestum est, atque laudabile. Ad id hortatur nos idem Propheta: *Irascimini, & nolite peccare:* licetque Christum imitari, & flagellum nodosum intorquere in eam partem, quæ tales aduersarios foueat. Et sanè si res indecora ac deformis tantum valeat, vt animum amore sui rapiat, occupet, ac teneat; quanto magis virtutis honestas, Dei pulchritudo ac bonitas, in qua natura suis principijs aliquid conforme reperit, & in quam quadam propensione tendit, beatitudinem suam inuentura!

Vt enim exercitus prædonum, cuius dux nihil præter cædes, incendia, vastitates, furta, & latrocinia comminiscitur, nihil vtilitatis, sed damni plurimum adferre potest, quàm diu in hoc ipsum incumbit; si verò dux ipse, mercede potentissimi Regis conductus, animum mutet, & scopum aliò conuertat, Regis præscripto in omnibus pareat, impium latrocinium in iustum bellum commutet, non iam patriæ pacem populationibus perturbabit, non cædem ac vastitatem inferet, non prædasaget, sed tranquillitati Reipublicæ consulat, damna auertat, quin etiam aduersarios fugabit, regiones tuebitur, summamque pacem & securitatem inducet; & quo ducis illius potentiores ac generosiores erunt prædones, eo fortiores vicissim in Regis erunt obsequio: ita cùm passiones velut latrunculi ac prædones quidam à deprauata voluntate reguntur, cùm membra illi omnia parent, omnes animi corporisque vires, incredibilem bonorum omnium, virtutum nempe, meritorum,

Rom. 6.

cælestiumque donorum adferunt vastitatem, & malorum innumera-
bilibus segetem inuehant; at si voluntas hominis mutata merere Deo
velit, illius præceptis obsequi, & in eum scopum omnes animi neruos
ac conatus affectionesque conuertere, passionibus, quæ aliàs animæ in-
teritum adferebant, præsidio erunt, pacem ac securitatem inducent, ad-
uersarios expellent, ac virtutes propugnabunt. Hoc est quod Apo-
stolus ait: *Sicut exhibuistis membra vestra seruire immunditiæ & iniquitati
ad iniquitatem; ita nunc exhibete membra vestra seruire iustitiæ in sanctifica-
tionem.* Seruiunt enim peccatores iniquitati, dum rem in se deformem
amplectuntur: verum eis satis non est turpe aliquid eligere & operari,
nisi illud etiam in aliū finem dirigant; in quo duplex apparet turpi-
tudo. Id etiam spectant, ut stabiliant propositum in quo versantur, ne
turpitudinem quam delegerunt, quamque vehementer depereunt,
breui cogantur deferere; & hoc quoque seruire est immunditiæ & ini-
quitati ad iniquitatem. Vult ergo Apostolus omnia membra nostra
seruire iustitiæ in sanctificationem, ut bona sit res quam aggredimur, &
melior fiat desiderio & conatu perseverantiæ, maiorisque & amplioris
in dies sanctificationis.

2.
*Voluntatis sa-
natio.*

28. Alterum quod requiritur, est voluntatis mutatio, sine qua nihil
omnino fiet: est enim dux huius exercitus; quo obtento, exercitum
tibi concilias & possides. Illa imperat potentijs, facultatibus, affecti-
bus, membris, ac toti corpori; & quod imperat, fit, si id in illius sit po-
testate. Sola libera est, & agit quod vult: reliqua carent libertate, &
pro stipendio utrique, vitio ac virtuti, merent; nihil perdunt de viribus,
vbicumque seruiunt. Hoc accedit, quod, qui Deo seruiunt, accessione
noui spiritus ardentiores euadant, maiorisque ac certioris laborum
præmij expectatione feruorem augeant: tantum mutatur dux rector-
que exercitus, qui dirigit acies in fines alios, & milites ei totis viribus
dicto sunt audientes. *Quare admodum iuuat Complexio, quæ antè oberat.*
Quæ enim inflectebat ad impuros Veneris amores, adiuta spiritu nouo,
& imperio voluntatis, tota in rerum æternarum amores, in diuinæ boni-
tatis complexus transfunditur. Conuersatio & amica & læta incredi-
biliter ad Dei caritatem eos allicit, quos cupit demereri: funiculi enim
infracti sunt amor & lætitia, ac vehementer colligant ac vinciunt
animos haud dissimiles. Qui verò Complexione sunt frigidiori, si non
adeò valeant ingenio, modestia tamen, castitate, humilitate, parato
obsequio plurimum profunt: excitant enim ardentis spiritus incita-
menta, ac torporem excutiunt. Qui autem generosi erant, non mutat
eorum naturam gratia, sed perficit: ijque strenuè in seipsos læuiunt;
aggrediuntur ardua, constanter agunt ac perficiunt. Vtitur denique
Deus suis instrumentis, quantumcumque retusis; nec difficile illi est,
hominem

*Complexio pra-
ma per gratiam
restaurata,
virtutis partes
quomodo in-
uet.*

1.
Sanguinei.

2.
Phlegmatici.

3.
Cholerici.

*Melancholici
gratia restau-
rantur.*

hominem doloribus oppressum erigere, imò & morbis plurimis affectum lætitia perfundere, iudicium illustrare, mentemque sanctis cogitationibus imbuere, & voluntatem dulcedine spiritualis vñctionis implere.

CAPVT XVI.

*Abundanti gratia Complexionem deterio-
restaurari, exemplis declaratur; hominem
tamen non omnino passionum op-
pugnatione liberari.*

29. **N** I H I L ago, si hæc exemplis non illustrem. Non fuit difficile Spiritui sancto, rudes & agrestes Apostolorum mores expolire, & Petri choleram ad constantiam ardentemque erga Magistrum amorem reuocare. Taceo Paulum, cuius ira non intra Ierolymorum muros se continebat, sed domos, ciuitates, prouincias furibunda peruadebat; rapiebat innocuos ad necem, cui ipse infania crudeliter consilio, opera, animo & voluntate concurrebat. Deus lupum in agnum conuertit, & ira in animi fortitudinem iam ordinata commigravit.

Vnum è vetustioribus adferam. Manasses, optimi parentis Ezechia filius, cum ei successisset in regnum, patris virtutes suis vitijs exæquauit: coluit idola, somnia obseruauit, artes maleficas exercuit, Domini per os Prophetarum loquentis minas denuntiationesque contempsit. Ob hoc ab Assyrijs captus, & catenis atque compedibus vinctus, abductus est in Babylonem. At postquam eum suorum factorum penituit, in alium virum planè mutatus est: simulacra, quæ posuerat, euertit, aras destruxit, & restaurato altari victimas & pacifica immolauit, suisque præcepit vt Dominum Deum Israël colerent. Quis non eius naturam permutatam diceret? In bonum ex pessimo conuersus, in liberum ex seruo, in Regem ex captiuo, euasit in virum virtutibus multis præditum, ex homine qui ex multis sceleribus conflatus esse videbatur.

Præclarum illud Bonifacij mutati monumentum, qui cæcis amoribus Aglaes Romanæ matronæ captus, diutius ei sese miscuerat. Deus vtrumque hac peste liberauit: mox finem perniciosæ voluptati statuentes, sub Diocletiani persecutione Roma Tarsum commigrarunt penitentia causa; illicque distractis ijs quæ secum attulerant in pios vsus,

1.

*Apostoli gratia
Spiritus sancti
in corpore &
animo adiuti.*

2.

*D. Paulus.
Act. 8. 9. 22.
Gal. 1.*

3.

*Manasses.
4. Reg. 25.*

4.

*Bonifacius.
Breuiar. Rom.
14. Maij.
Sur. tomo 3.
5. Iunij.*

vsus, illa Monasterium intrauit, cælestem professura vitam; hic ad conquirenda & sepelienda Martyrum corpora animum adiecit, eorumque vincula exosculatus; eos vehementer hortabatur vt constanter supplicia perferrent, quod breuem laborem sempiterna requies consecutura esset. Grauiissimis & ipse tortus supplicijs, tandem securi percussus est. Eum sequenti die quærentes socij, cum martyrio affectum cognouissent, corpus vnguento conditum Romam portandū curarunt. Aglae, certior facta ab Angelo, obuam ei prodijt, mixtis gaudio lacrymis; Ecclesiamque deinde eius nomine ædificauit. Ipsius denique continentiam & sanctitatem miraculis benignissimus Deus comprobauit.

30. Sed hi metas humanitatis non exceſſerunt. Leones & lupos cicuratos fortè cupitis: faciam quod optatis; & leonem primò, deinde lupum diuinitus mansuefactos, postmodum homines leonibus & lupis immaniores ad lenitatem cælitus reuocatos comprobabo.

5.
Leo S. Gera-
simi virtute ci-
suratur.
In Prato spirit.
cap. 107.

Abbati Gerasimo saucius leo obuus factus cum esset in silua, gemebundus pedem, cui spina infixæ erat, tumidū, pænæque putridū, medendum porrexit. Extracta spina Gerasimus linteo pedem inuoluit: quod quia fecisset, posita ferocitate leo sanctum virum secutus est, nec ab eo vnumquam recedere voluit. Contentus interea pane & insulsis leguminibus, (carnibus abstinens, contra leonis condicionem) curam asini, dum ad pascua aquamque deportandam è Iordanis flumine mitteretur, velut prudens agas, mandato Gerasimi suscepit. Contigit in pascuis asinum paulo longius abscedere, & ab Arabe quodam mercatore abduci mercibus onustum. Redeundum erat ad Monasterium, nec asinum leo inueniebat. Verecundiam perditæ asini cum ferre non posset, quasi penitens & lacrymabundus redit ad Monasterium, culpamque fateri videbatur; cui Gerasimus: Benedictus Deus; asinum comediſti; officium ergo eius laboremque subibis in aqua vehenda. Subijt sanè strenuè, nec illibenter. Misertus quidam leonis, sancto viro nummos emendo asino nouo numerauit. Contigit deinde priorem asinum tritico onustum iuxta Iordanem transeuntem deduci ad sanctam ciuitatem: qui, viso leone, statim accurrit: occurrit & leo gestiens; mercatores verò cum tribus camelis in Monasterium abegit: leonis itaque innocentia & ipso euentu cognita est, & ipse gratulabundus eam testari nitebatur. Ex eo tempore nomen Iordanis consecutus est, & annis amplius quinque egit in Monasterio instar canis officiosi. Mortuo Gerasimo, (aberat fortè leo à Monasterio, dum moreretur) cum eum per domum quæreret, rugiebat, & dolorè præseferbat incredibilè. Sabbatius, Gerasimi successor, cum animal mulcere niteretur, & aliter placare non posset, duxit ad sepulcrum Gerasimi. Ibi leo ingenti dolore affectus, terram rictu quatiens, recedere noluit; nec quieuit, donec in
magistri

magistri sepulcro vitam quoque suam deposuit.

31. Admirandum illud est, quod in ciuitate Eugubina fecit D. Franciscus. Cum enim lupus quidam immanis ciuitatem ipsam quodam modo obsedisset, vixque homines vel turmatim gradientes impune praterirent; superuenit S. Franciscus: statuit lupum aggredi: egres-
sus oppido, cum truculenta bestia accurrisset, (ciuibus e turrium & ædium fenestris prospicientibus, velut funestum quoddam prælium) lupum vocauit, ferocemque belluam signo crucis compescuit. Ille exinde caput demittens, instar agniculi ad sancti viri pedes sese prostrauit. Cumque voracitatis & illatæ vastitatis eum redarguisset, & querelas ciuium ei exposuisset; indicauit ei se venisse vt pacem inter ciues & ipsum componeret. Pacis condiciones posuit, vt nemo ciuium ei noceret in posterum, omnes illatas iniurias remitterent. Lupus capitis inclinatione, aurium, caudæ, & totius corporis gesticulationibus annuebat. Adiunxit vir beatus: Ex parte tua cauebis cuiquam damnum inferre; quod si præstiteris, præter condiciones iam positas insuper tibi polliceor alimoniam numquam defuturam, cuius defectus ac famem hanc in te rabiem solet excitare. Lupus, ac si intelligeret, signis omnia probare videbatur. Petenti dexteram in signum fœderis, sancto viro dextrum pedem porrexit. Inuitantem in oppidum, vt coram patetis condiciones firmaret, velut agniculus secutus est. Fit concursus totius ciuitatis. Ibi D. Franciscus grauiter denuntiavit populo, huiusmodi plagas à Deo immitti puniendis mortalium criminibus: alios esse in inferno lupos; rabiem inferni barathri ardentisque fornacis voracioris rictu infausto huius belluæ, quæ præter vitam mortalem auferre nihil possit. Tunc exposuit quas cum lupo extra portas iniisset condiciones vtriusque pactas. Eadem probarunt ciues. Iisdem quoque iudicijs, quæ ediderat, assensus est lupus, pedemque rursus poscenti B. Francisco eleuauit, & in eius manu reposuit. Omnes lætitia exilientes, benedixerunt Dominum. Lupus verò instar blandientis canis dietim ad ianuas singulorum portionem emendicans, quocumque iret, gratissimus adueniebat, & excipiebatur in ædibus cum applausu. Nullus vquam eum canis allatrauit, nulli & ipse vquam ferox visus est. Post duos annos, annis grauior, mortuus est, magno populi dolore, & eo maximè, quòd D. Francisci modestiam in se quodammodo exprimeret, ac eius sanctitatem in memoriam reuocaret. Verè non erit impossibile *Luc. 1. apud Deum omne verbum*. Si ergo crudeles bestię ad voces sanctorum virorum mansuescunt, cur barbari homines barbariem non ponerent mandante Numine?

En ergo aliquot propono, in quibus maxima Dei elucet gratia, & ubi abundauit delictum, superabundauit gratia. ^c Latro quidam Dauid

N

nomine

6.

Lupus rabidus
mandato sancti
Francisci man-
suescit.

In Chronico
Minorum Gal-
licè edito Paris.
anno 1608.
lib. 2. c. 39. in
Latino lib. 10.
cap. 29.

a7.

David latro:
num princeps.

b Rom. 5.

c In Prato spir.

c ap 143.

» nomine apud Hermopolim plurimos expoliabat, plures etiam inter-
 » ficiebat, ita ut nullus ei in his crudelitatis operibus conferri posset. Die
 » quadam, dum exerceret latrocinia cum socijs plusquam triginta, ad
 » mentem rediens, compunctus est corde, relictoque consortio abijt ad
 » Monasterium: quarit de Abbate: interrogatus quid vellet, Monachus,
 » ait, fieri volo. Recusante Abbate ingressum, eo quod senex esset, & de-
 » licatæ vitæ affluetius minus par esset laboribus & abstinentiæ religiøsæ,
 » feruens animo in hæc verba erumpit: Ego sum David princeps ille la-
 » tronum; idcirco huc veni, ut descam peccata mea: si me suscipere re-
 » nueris, Deum testor, ad priorem redibo vitam; assumptisque mihi so-
 » cijs, Monasterium hoc funditus euertam. His auditis, suscepit eum
 » Abbas; tondensque eum, habitum religiosum induit. Hic in humili-
 » tate, obedientia, abstinentia, alijsque virtutibus tantum profectum fe-
 » cit, ut inter septuaginta Monachos (tot erant in illo Monasterio) tam-
 » quam exemplar singulare emicuerit. Quodam tempore, dum in cella
 » esset, Angelus Domini his verbis eum interpellauit: David, David, re-
 » misit tibi Deus peccata tua, & eris ex nunc signa faciens. Cui David:
 » Credere non possum, omnia peccata, quæ arenam maris numero exce-
 » dunt, tam breui tempore mihi à Deo esse remissa. Iterum Angelus:
 » Sicut Zachariæ non credenti mihi propter incredulitatem suam lini-
 » guæ vsum ademi; ita & tibi faciam, erisque amodo mutus. David, humi
 » se prosternens, Angelum hoc modo compellat: Cùm essem in sæculo,
 » nefaria scelera faciens, & sanguinem humanum fundens, loquebar;
 » modò, quando seruire Deo volo, laudesque illi offerre, tunc linguam
 » meam, ne loquar, ligabis? Ad quem Angelus: Cùm implebis psalmo-
 » diæ canonem, loqueris; præter canonem verò penitus tacebis. Quod
 » & factum est, plurimaque per illum Deus miracula fecit.

8.
*Moses latroci-
 nij; antè in-
 famis.
 a Lib. 6 c. 29. &
 Trip. hist. lib.
 8. cap. 1.*

32. Addam alium. Moses (ut refert ^a Sozomenus) cùm seruus esset, &
 propter culpam domo expulsus, latrocinio se dedit, homicidia multa
 fecit. Conuersus ad mentem, Anachoreticam vitam amplexus est,
 Æthiops mutauit pellem, pardus maculosos colores suos. Sex annis
 per totam noctem stans orauit, neque genibus inclinatis, neque oculis
 somno clausis. Insuper caritatis officia sedulus exercuit: noctu enim
 circuibat cellas Monachorum, & lagenas singulorum aqua implebat,
 cùm procul inde decem aut viginti aut triginta stadijs manaret.

Ita qui prius homicidijs formidandus fuerat, factus est amabilis; &
 qui graui infamia laborabat, sanctitate illustis; qui denique quondam
 rapinis terram infestauerat, regnum cælorum rapuit. Felices latrones,
 qui feruore magnaque vi spiritus cælus rapiunt. Addam aliud non om-
 nino generis eiusdem.

9.
*Babylas mi-
 mus & magus.*

33. Babylas quidam Tarsi Ciliciæ mimus professione, & magus, vir
 flagi-

flagitiosissimus, duas concubinas tenebat. Multa pro dæmonis arbitrio, quo utebatur, familiariter, siue cum eo, siue cum alijs nefariè transigebat. Ingressus quodam die Ecclesiam, auditoque Euangelio quod ad pœnitentiam hortatur, *Pœnitentiam agite, appropinquauit enim regnum cælorum;* ita compunctus est, vt redierit domum, & suis concubinis, Quo, inquit, amore, quàm æquabili, vtramque complexus sim, fat su- perque animaduertistis; iam mutatus aliud de meis rebus cogor statuere. Quæcumque labore consecutus sum, per me licet (iam Monachus fio) accipite. Illæ, oratione huius permotæ, responderunt cum lacrymis: Et nos in flagitijs tibi sociæ fuimus, erimus & pœnitentia. Omnibus ergo in pauperes erogatis, incorruptè deinceps, castè, sanctèque vixerunt. Hunc Babylam antiquus auctor Ioannes Moscuscus dicit se vidisse, venerabilem, modestum, & verò clementissimum virum. Quis hunc hominem fuisse flagitiosissimum dixerit? *Hæc certè Psal. 76. mutatio dextera excelsi: nam meretrices & latrones multos præcedent in regno cælorum.* *Marth. 21.*

34. Postremum è viris scientia illustribus aliquot adiungam. Exemplum memorabile habemus in Iafone Mayno Mediolanensi, qui missus Papiam, vt iuri ciuili operam daret, vitijs omnibus, & alex potissimum, ita fuit deditus, vt omnia cum hospite decoqueret, & iuris codicem in membranæ scriptum, magno emptum pretio, feneratori tradere cogeretur; ipse demum sordida in toga, capite tonso, & turpi tinea deformis, omnibus ridiculus erat: sed maturè & peracerbè castigatus, Deo auctore, seipsum collegit; tantaque deinde contentione in studijs sese exercuit, vt omnibus mirabilis euaderet. Exin, suggestu dignus, Institutiones enarrauit. Concessit deinde Patauium; sed euocante Ludouico Sfortio Ticinū reuersus, cum laude vsque ad vltimā senectutem docuit.

Concludam in Michaelæ Steno, qui Dux Venetorum fuit: cuius vita cum adolescentiā liberior esset, & ad luxum nimiamque libertatem propensior, mutatis cælitis moribus & fortuna in iuuentute, ita nimiam licentiam castigauit, summisque honoribus, grandi iam ætate, & Verona & Patauio Veneto imperio adiectis, maritimisque etiam rebus auctis, principatu suo tertium-decimum post annum functus est, vt Antonij Venetij Ducis in eo iustitiam non desiderares; nec Thomæ Moceniri, quem præcessit, prudentiam ac bonitatem requireres. *Non Isaiæ 59. est ergo abbreviata manus Domini, vt non possit mortuos suscitare, & ex Luc. 3. lapidibus filios Abrahæ procreare.*

35. Illud tamen prætermitti non debet, quòd, etsi subinde à prauis moribus ad vitæ purioris institutum Deus aliquem traducat, eum tamen non illico ab omni passionum molestia liberet. Manent in iustificatis passionum reliquiæ, manent habitudines ac propensiones ad

IO.

Iafon Maynus.
Iouis in Elogijs.

II.

Michael Stenus.

In sanctis fomites & impugnationes remanere ostenditur.

Virg. 6. Eneid.

I.

Scripturis.

Ephes. 4.

2. Tim. 2.

Eccla. 11.

2. Cor. 12.

malum, sed debilitatæ, & quodammodo emortuæ. Quare nemo fidat sibi, & maximè si vel diutius vel ardentius alicui vitio adhaferit, aut natura admodum rebellis sit. *Facilis descensus Avernus est.* Idcirco nos Spiritus sanctus hortatur, ut tota vita in vitioforum habituum mortificationem incumbamus. Ita D. Paulus monet ut deponamus secundum pristinam conversationem veterem hominem, qui corrumpitur secundum desideria erroris. & ad Timotheum scribens, licet bene sanctum, *Inuenia, inquit, desideria fuge, sectare verò iustitiam, fidem, caritatem.* Ecclesiastes quoque: *Aufer iram à corde tuo, & amoue malitiam à carne tua.* Imò & D. Paulus, alioquin perfectissimus, malo carnis suæ spiritu agitatus ait: *Et ne magnitudo reuelationum extollat me, datus est mihi stimulus carnis meæ angelus satanæ, qui me colaphizet; propter quod ter Dominum rogaui ut discederet à me, & dixit mihi, Sufficit tibi gratia mea.*

2.

Rationibus.

I.

2.

*Lib. 50. hom. in
hom. 21. in fine,
edit. Parisien.
anno 1532.*

Psalm. 115.

3.

*Concil. Tridēt.
sess. 5. decret. de
pec. origin.
in Psal. 64.*

Illa enim vna ratio est, cur Deus non illico omnem impugnationem tollat, ut nos in humilitate contineat. Deinde nobis opus est aliquo exercitio, ut ad Deum recurramus laceffiti, & orantes donorum omnium largitorem agnoscamus, ne ob ingratitudinem nos relabi permittat. Hoc Augustinus exponens latius, Nos, ait, *fratres carissimi, agnoscite iniquitates nostras, quantum possumus contra malas concupiscentias repugnemus; ieiunijs, vigilijs, orationibus, languoribus, elemosynis mala, quæ fecimus, redimamus; & cum Dei adiutorio ita bonis operibus studeamus insistere, ut nos ad peccata pristina non possint concupiscentia nostra retrahere, sed perseverantes in omni bono, cum Propheta gratias referentes dicamus: Dirupisti vincula mea, tibi sacrificabo hostiam laudis.* Remanent præterea illi stimuli ut meriti occasionem nobis præbeant, quemadmodum Concilium Tridentinum de concupiscentia, quæ à baptismo in nobis remanet, declaravit: unde D. Augustinus, *Primò, ait, concupiscentia carnis sequentes duxit nos, postea renitentes traxit nos, deinde accepta gratia cepit nos nec ducere, nec trahere, sed adhuc contendere nobiscum; post contentionem erit & victoria, modò te, etsi oppugnat, non expugnet.*

36.

Exemplis.

I.

*Polychronius.
Theod. in hist.
sanctorum Pa-
trum, cap. 24.*

Theodoretus, Episcopus Cyri, de Polychronio sic scribit: *Mortificabat se aspero cilicio, vilis, & nullius pretij habitu; sicq; inopem vitam agebat, ut nec necessarium quidem semper haberet nutrimentum; ac totam noctem vigilis precibus stans consumebat: ad augendam autem mortificationem habebat in cella truncum ex quercu, (quem fatetur Theodoretus vix se potuisse tollere) hunc noctu diuq; imponebat humeris, & sic in oratione perstabat. Paupertatem*

tanto

tanto studio coluit, ut existimaret quouis regno magis expetendam. His alijsq. id genus exercitijs in extremam usque aetatem usurpatis, ad tantam Dei notitiam continuamq. rerum diuinarum memoriam peruenit, ut mentem à contemplatione diuelli non posset: quare & cum his, qui ad ipsum subinde ventitabant, paucis differens, non poterat in animum inducere, ut cogitationem à calis deduceret. Hæc ibi.

37. Palladius quoque scribit, Macharium Alexandrinum, domandi sui causa, toto sexennio nihil præter cruda holera & legumina humectata sumpsisse: viginti diebus & noctibus tectum non ingressum, ut somnum vinceret; cum interdiu quidem arderet æstu, noctu verò frigore rigeret: deinde, cum aliquando ei molestiam exhibuisset spiritus fornicationis, nudum sex menses sedisse in palude Scetes, quæ est in vasta solitudine; & à culicibus, quæ magnitudine æquant vespas, toto corpore ita demorsum, ut videretur leprosus. Addit autem, ad humiliandum se, duorum modiorum sportam arena plenam, humeris impositam, per totam solitudinem deportare solitum. His alijsque exercitationibus corporis tantam apud Deum promeruit gratiam, & ad tam sublimem & constantem peruenit Dei cognitionem, ut sæpe noctem cum die in solius diuinitatis contemplatione detineretur.

Hoc ad extremum, ex ijs quæ dicta sunt, constitutum maneat: videlicet, etsi fertilem idoneamque Deus Complexionem efformare possit in materno utero, si tamen non faciat, meminisse oportet quod diximus, *Non est abbreviata manus Domini*; quodque Anna mater Samuelis *Isaia 59.* aiebat, *Deus mortificat & viuificat, deducit ad inferos & reducit. Dominus 1. Reg. 2.* pauperem facit & ditat, humiliat & subleuat; suscitaturq. ex puluere egenum, & de stercore eleuat pauperem; ut sedeat cum principibus, & solium gloriæ teneat.

2.
Macharius
Alexandrinus.
Pallad. in his-
tor. Lausica,
sect. 17.

CAPVT XVII,

*Vulnera ac morbos animi, nisi per gratiam Medi-
diatoris sanentur, PERFECTIÖNEM
excludere. Primum vulnus explicatur.*

QVIA cœpimus naturæ nostræ infirmitatem depingere, & pauca pro rei magnitudine de mortalis corporis condicionibus attulimus; de animæ, quæ pars potissima est, infelici statu, & (ut dicam veriùs) casu, de vulneribus ac morbis, nonnulla quoque dicenda sunt. Proderunt ea nostri instituti primo fundamento, quod in animi demissione collocatur; magnique refert, eam de nobis opinionem *Humilitatis materies,*

N 3

initio

initio concipere, quam in progressu retinere deceat. Quod etsi intendam in primis; longè tamen magis hanc tractationē fuscipio, vt Christi IESV extollam gloriam, merita deprædicem, eleuem nostra, hominumque confusionem oculis omnium obijciam, & cognoscat omnis caro, quia *non est aliud nomen sub calo datum hominibus, in quo oporteat nos saluos fieri; & vt sine ipso factum est nihil, ita sine ipso fieri nihil posse; gratiamque Dei esse vitam æternam.* Dicat ergo aliquis: *Dives sum, & locupletatus, & nullius egeo.* Respondebitur tanè: *Nescis quia tu es miser, & miserabilis, & pauper, & cæcus, & nudus.* Nec mirum; nam incidimus in latrones, qui nos despoliauerunt. Quid enim amisimus per lapsum primi parentis? magna profectò & multa.

*Alb. 4.
Ioan. 1.
Rom. 6.
Apoc. 3.
Luc. 10.*

Omnes homines in primo parente & fuisse, & peccasse.

2. Nec difficile erit id nobis persuadere, si consideremus primum parentem non vt priuatum partes vnius singularis hominis agentem, sed vt caput generis humani causam corporis vniuersalis & membrorum singulorum sustinentem, si rem bene gerat, non sibi tantum acquirere, sed & toti posteritati; & si infelicitè agat, id damno omnium, qui ex eo orientur, fieri. Vt enim qui causam reipublicæ alicuius tractat, legitimè ad hoc deputatus, ei, pro qua agit, vincit aut cadit: sic & primi parentes, à summo Principe caput Orbis constituti, causam ac veluti personam repræsentabant omnium qui aliquando futuri erant; & victores nepotibus vincebant, & lapsi filijs posterisque suis labeantur. Hoc ipsum D. Paulus testatur, cum quærit peccati originem, in vno capite communem culpam reponens. *Sicut (ait) per vnum hominem peccatum in hunc mundum intrauit, & per peccatum mors, & ita in omnes homines mors pertransiit, in quo omnes peccauerunt.* Ergo omnes peccauimus. Quæ voluntate? nostra? nequaquam; nam hæc non erat: sed eius *in quo omnes peccauerunt*; quia omnes in illo, tamquam deputato legitimè qui communem ageret causam, deliquerunt.

Rom. 5.

Primum parentis peccando tria malorum genera incurrisse.

Luc. 10.

1.

2.

3.

Iob 16.

3. Quid demum amisimus, vnde pauperes, miseri, & miserabiles, cæci & nudi nuncupemur? Christus Dominus, qui malis his tamquam bonus Samaritanus præsens adfuit, & remedium attulit, aptissima similitudine declarauit, primum parentem, cum descenderet ab Ierusalem in Iericho, incidisse in latrones, qui despoliauerunt eum. Hoc primum; addit & secundum, eosdem nempe *grauiter illum sauciassè*: accepit enim vulnera letalia quatuor in internis animi potentijs, in quibus præcipua vis ad agendum consistit; tot denique plagis confixerunt, vt abierint mortuo propemodum relicto. Quæ tria si exposuerimus, faciliè miserabilem statum, nuditatem, egestatemque nostram agnoscemus. Graphicè Iob de calamitatibus suis disserens, aptissima figura id ipsum expressit. *Ego (ait) ille quondam opulentus, repente contritus sum: tenuit cernicem meam, confrexit me, & posuit me sibi quasi in signum: circumdedit me lanceis suis, conuul-*
nerauit

nerauit lumbos meos: non pepercit, & effudit in terram viscera mea. Hæc Iobo acciderunt, prospera fortuna in finistram versa, repente instar vuae in torculari confiecto, proculcato, ac detrito; omni bonorum expresso succo vi & pondere grauissimæ calamitatis. Sed quis hoc fecit? Respondet Iob: *Dominus dedit, Dominus abstulit; sicut Domino placuit, Iob 1. ita factum est. Irruit in me quasi gigas.* Sed quomodo eum aggreditur? *Iob 16.* tenet ceruicem eius instar inualoris aut luctatoris, vt eum deinde prosternat ac confringat. Circumdedit illum iaculis & sagittis in eum contortis, & quidem ea copia, vt ijs infixis hispidus totus horresceret; quemadmodum esse solet, qui in signum & scopum propositus est: nec modò exteriùs extrema cute dissecuit, intimis quoque vulneribus transfixit, lumbos ac renes traiecit; quid? imò fellis folliculum dirupit, & viscera discerpfit. Et vt oculis tangas, quod licet, & manibus, totus tabe & sanie, quæ ex felle per totum corpus aspersa est, manat ac diffluit, intimisque visceribus morbisque fœdissimis putrescit. Denique *con- Iob 16.* cecidit illum vulnere super vulnus; quia mille complicatis malis afficitur, & infinitis concisionibus discerpta sunt ac dilacerata omnia. Qua, quæso, eloquentiæ maiore vi exprimi potuit parentis nostri infortunium? Latrones enim seu dæmones, eum aggressi, præstantissimum quod in eo erat, abstulerunt.

Tria in ipso considerare possumus naturæ munera: vnum, quo ipsa natura constat; qualia sunt naturæ principia, ratio, facultates item seu potentia animæ, intellectus & voluntas: alterum, quod ex naturæ rationalis principiis oritur, nec cum brutis commune est; propensio nempe ad bonum consequendum, auersio, odium, atque abominatio mali: tertium, quod in primo parente toti generi humano collatum est, fuit iustitia; & ea quidem, quam parens in filios transfudisset.

4. Hoc munus, si Dei scopum consideres, quo omnes homines ad beatam sui possessionem destinauit tamquam finem vltimum, naturæ statum ac limites excedentem, erat quodammodo connaturale. Non enim voluit Deus hominem in natura nuda consistere, vtque præter finem naturalem nihil præterea intenderet. Non ita; sed destinauit ad finem omnino supernaturalem; ideoque eum super naturæ statum ac condicionem eleuauit per gratiam & iustitiam, infusus vnà ijs virtutibus, quæ & intellectum ad rerum diuinarum cognitionem assequendam attollerent, & voluntatem ad agendum conformiter naturæ eleuata roborarent. Hæc gratia homines facit Dei filios; non modò quia Deus naturæ auctor est, sed auctor gratiæ & gloriæ, eaque nos adoptat in filios, ac progignit excellentiori ac sublimiori generatione, communicata nimirum naturæ suæ diuinæ participatione. De hoc statu ita scribit D. Petrus: *Quomodo omnia nobis diuinæ virtutis suæ, quæ ad vitam*

*Tria natura
bona in ho-
mine.*

1.

2.

3.

*Hominis natura
ram ad super-
naturalem fla-
rum initio ele-
uatam, nec in
puris natura-
libus consistere.*

2. Pet. 1.

vitam

vitam & pietatem donata sunt, per cognitionem eius qui vocavit nos propria gloria & virtute, per quem maxima & pretiosa nobis promissa donavit; ut per hæc efficiamini diuina consores naturæ. Hic status sanè non est naturalis, sed longè sublimior; aliumque finem, subsidia, facultatesque continet, quàm quæ natura sibi relicta suis functionibus exequendis requirit.

Zob 1. & 2.

*Quibus bonis
homo spoliatus
sit.*

Zob 1.

Gen. 3.

Ibidem.

*D. Thomas 1. 2.
q. 85. a. 3.*

Simile.

5. Ex his tribus muneribus duo propemodum sublata sunt: nam quæ naturam ipsam constituunt, eiusque proprietates emanantes, aduersarius non sustulit, nec potuit; sicut ultra substantiam temporalem, & corporis afflictionem, iubente Domino, diabolus Iob nocere non valuit: sed facilis & propensus animus erat ad virtutis functiones, horrebat vitium, nec quidquam erat quod ordinem perturbaret. Hoc amisit; hoc torque, qui ex collo dependebat cum gratia & decore incredibili, spoliatus est. Tertium verò, cuius valor incomparabilis erat pretij, iustitia dicitur originalis, quæ & ipsum Adamum Deo gratum reddebat, & nos reddidisset; quæ appetitum inferiorem, phantasiâ, membrâque omnia corporis subijciebat, ac vincebat rationis imperio. Hæc omnino sublata est. Optimè dixit Iob: *Nudus egressus sum de utero matris meæ, & nudus reuertar illuc.* Nuditatem in hanc lucis vsuram attulit Iobus, quam post præuaricationem expertus est Adam & Eva. Viderunt enim quod nudi essent, & fecerunt sibi perizonia, ad tegendam nuditatem suam: nec modò se nudos viderunt, sed & senserunt se nudos; erant enim & prius nudi quàm peccarent: & videbant, sed non sentiebant, infamem rebellionem; eam ideo quasi non videbant. Senserunt ergo in se dissolutam harmoniam ac ordinem quem gratia originalis conciliabat inter partes superiores & inferiores, & aperti sunt oculi amborum.

Huic iustitiæ coniunctæ erant virtutes omnes, quibus vita spiritualis constabat, infinita dona cælestia, Dei singularis protectio, ius ad æternam beatamque hereditatem, vitæ immortalitas, carentia malorum omnium. His omnibus, vno infelici casu, spoliatus est primus parens. Nudus ergo erat Iob ex utero matris egrediens corpore & animo. Hoc vulnus etiam inter quatuor alia non censeatur, funestissimum tamen est, origo & fons omnium malorum, quodque ad mortem inferendam sufficientissimum est. Id suo more nervosè D. Thomas ita declarat: *Per iustitiam originalem perfectè ratio continebat inferiores animæ vires, & ipsa ratio perficiebatur à Deo, ei subiecta. Hæc autem originalis iustitia subtrahitur per peccatum primi parentis, & ideo omnes vires animæ remanent quodammodo destituta proprio ordine, quo naturaliter ordinantur ad virtutem: & ipsa destitutio vulneratio dicitur naturæ.* Hæc ille. Vt enim in regno aliquo, cum Regi parent Principes, Prætores, alijque subordinati subditi, ac denique infimi, omnia regni munia optimè diriguntur, pax & quies in eo viget

viget, & sanum illud reipublicæ corpus esse censetur; quod si ordo ille tollatur rebellionē aliqua inferiorum contra superiores, regnum illud magnum vulnus accepisse dicitur, & interitui esse proximum: ita etiam perdita originali iustitia, quæ ordinem illum continebat, rationem subijciendo diuino imperio, & cælestibus donis perficiendo, ad rite decenterque mouendas continendasque vires inferiores, has quoque rationi subdendo, vt non rebellarent, promptissimè verò iussis parerent, perijt pax omnis, & vulnus naturæ inflatum est, quod ei mortem attulit.

6. Alia vulnera quatuor à Doctoribus censentur, de quibus ita D. Thomas: *sunt (inquit) quatuor potentie animæ, quæ possunt esse subiecta virtutum: scilicet ratio, in qua est prudentia; voluntas, in qua est iustitia; irascibilis, in qua est fortitudo; concupiscibilis, in qua est temperantia. In quantum ergo ratio destituitur suo ordine ad verum, est vulnus ignorantie: in quantum voluntas destituitur ordine ad bonum, est vulnus malitie: in quantum irascibilis destituitur ordine ad arduum, est vulnus infirmitatis: in quantum verò concupiscencia destituitur ordine ad delectabile moderatum ratione, est vulnus concupiscencie.* Hæc D. Thomas.

Vulnera quatuor homini inflata.

D. Thom. 1. 2.

q. 85. a. 3.

7. Sed de singulis aliquid dicendum est. Læsa est intelligendi facultas telo ignorantie & erroris, quamquam & error ab ignorantia oritur, & tamen vulnus immane est. Cum enim nihil clarius sit, quam Deum rerum omnium auctorem esse, cui cultus, honor, & amor debeatur; homines tamen sibi Deos manibus fabricant, coluntque vitulos, statuas, imò & cacodæmones, nec verentur profiteri quod olim Iudæi: *Hi sunt Dii tui Israël, qui te eduxerunt de terra Egypti.* Singuli quoque peccatores sibi genios efformant, quos sequuntur & amant, quibus nihil est deformius: denique dicunt bonum malum, & malum bonum; letantur cum male fecerint, & exultant in rebus pessimis. Vulnus est, & eo deterrius, quo minùs agnoscitur; & non agnoscitur, quia error est, & is ipse ignoratur.

Vulnus primum in intellectu, idque multiplex.

I. Erroris.

Exod. 32.

Prou. 2.

Sed quis magnitudinem vulneris ignorantie sine lacrymis explicet? Altum admodum est, & enorme. Infantia nostra ac pueritia instar hinnuli capræ saltantis consumuntur, & bestiis ipsis in multis miserabilioribus sumus; quod optimè D. Augustinus obseruauit. Pulli (ait) etiam minutissimi & currunt, & matres agnoscunt; nec sugendis uberribus cura & ope admoventur aliena, sed ea ipsi in maternis corporibus loco abditio posita mirabili facilitate nouerunt. Contra homine nato, & nisi ope nutriendis admotis labris papillæ uberris ingerantur, nec ubi sint sentiunt, & iuxta se iacentibus mammis magis possunt esurientes flere quam sugere.

2. Ignorantia.

Lib. 1. de pecc. meritis & re-mis. cap. 38.

Accedit fatuitas quædam subinde in adultioribus, de qua supra copiosè diximus; in alijs verò difficultas discendi tanta, vt malint ignorantie

3. Fatuitatis.

a. Cap. 12.

O

Lib. 22. ciuit.
cap. 22.

rantia pœna multari, quàm discendi laborem sustinere: nam, vt bene D. Augustinus, *Sine labore nihil scimus, discimus cum labore*; & plerique sic discendi laborem fugiunt, vt malint in perpetuis ignorantia tenebris versari, quàm laborem subire ad discendum necessarium. Adiungit: *Quid aliud indicat horrenda quedam profunditas ignorantia, ex qua omnis error existit, qui omnes filios Adam tenebroso quodam sinu suscipit, vt homo ab illo liberari sine dolore, labore, timore non possit?* Et hæc quidem illa sunt, quæ à studio cognoscendi homines deterrent.

4.
Ignorantia
finis ultimi.

Sed ignoret homo plurima quæ in rerum natura abditissima existunt, vtinam saltem naturali lumine illico finem suum agnosceret! Ignorat homo miser finem suum, in cuius consecutione beatitudo consistit; & sic ignorat, vt numquam de eo cogitaturus sit, nisi diuinitus adiuuetur. Et quot inter fideles eum ipsum vel ignorant, vel planè, quid sibi velit, nesciunt! Maxima pars hominum ab ipso non dico fine supernaturali, sed vel à naturali aberrant turpissimè, eumque in rebus infamibus constituunt: cuius rei testes esse possunt & hominum viuendi ratio, & Philosophorum sententiæ variæ de summo bono, de quibus Augustinus disputat libris de ciuitate Dei. Quid autem miserius fingi potest ignorance proprii finis, hoc est, veri & summi boni?

Lib. 19. ciuit.
cap. 1. & seq.

5.
Ignorantia
mediorum ad
finem conse-
quendum.

Et quamuis multi finem illum non ignorent, cæcutiunt tamen in cognitione earum rerum, per quas ad beatam vitam perueniri potest; vt meritò credi possit, potissimam orbis, imò & fidelium, partem ignorance rerum ad fidem vel Legem Dei seruandam necessariarum perditum iri.

6.
Ignorantia
rerum agenda-
rium.

8. Sed & ea vtcumque cognoscant homines, quàm multa in particularibus negotijs occurrunt, de quibus dubitant an æquitati repugnent necne! Quis enim est tam prudens, qui non sæpenumero hæciter atque hallucinetur in deliberatione rerum agendarum, præsertim circa locum, tempus, modum, personas, aliasque circumstantias, vt sese vix possit resoluerè? vnde non immeritò Sapiens, *Cogitationes*, ait, *mortalium timide, & incerte providentiæ nostræ*.

Sap. 9.

7.
Ignorantia
rerum natura-
lium.

Nec mirum nos cæcutire in rebus spiritualibus; hæremus enim uero in rebus naturalibus, etiam ijs quæ sub sensu cadunt, aut quas naturali lumine assequi possumus. Cum enim hominis proprium munus sit contemplari res omnes, & ex earum cognitione ad cognitionem conditoris alcèdere; & cum insitum sit à natura incredibile sciendi desiderium:

Arist. lib. 1.
Metaph.
Cicero lib. 1.
Tuscul. quæst.

(*Omnes enim homines naturaliter scire desiderant*, vt Philosophus ait: quod M. Tullius alijs verbis exprimit elegàter; *Naturâ*, ait, *inest mentibus nostris incredibilis quedam cupiditas veri videndi*) tanta tamen est imbecillitas mentis humane, vt ne formicæ quidem naturam perfectè nouerit: quod

Basil. epist. 158.

Basilii, scribens ad Eunomium, probè declarat. Quapropter verè dixit

dixit Ecclesiastes: *Cuncta res difficiles; non potest eas homo explicare sermone:* Eccl. 1. & 3.
& mundum tradidit disputationi eorum, vt non inueniat homo opus quod operatus est Deus ab initio vsque ad finem. Quàm verò obscuram ac tenuem de Deo notionem acquirere possit humanum studium, testantur tot portentosa opinionēs Ethnicorum de natura Dei; qui eò vsque progressi sunt, vt etiam cepis & alijs diuinitatem attribuere non dubitarint.

8. Sed demus res omnes naturales alicui perspectas esse, & in philosophia naturali ipsum primum parentem aut Salomonem superare: Ignorantis sui.
 9. nonne mirum est, verum tamen, quod ait ^a Hugo de S. Victore cum ^a B. Bernardo: *Multi multa sciunt, & seipsos nesciunt?* Ceteræ mentes Angelicæ se ipsæ cognoscunt perfectè; humana mens nihil minùs. Quid? ^b Bern. de interiori domo, cap. 21. & 22.
 non modò naturam suam, verbi gratia vnionem animæ cum corpore, modumque informationis, (quotusquisque enim est, præter eruditos, qui hæc nouerit?) compositionem item humorū & temperamenti, numerum ossium, venarum & nervorum colligationes & compagem cum carne & ossibus, accretionis & decretionis, nutritionis ac generationis arcana, principū partium officia, morborū causas, & similia, sed ne quidem cogitationes suas, & actus quos elicit internos, capit ac discernit. *Delicta quis intelligit?* (ait Propheta) *ab oculis meis munda me.* Infelix omnino cōdicio, vt ille ipse, qui propria volūtate malè agit, non possit sæpe discernere an verè peccauerit, deliberatè consenserit; quantum, & quoties. Qui ergo fieri potest, vt ille vitā rectè instituat, & egritudinibus suis medicinā faciat, qui seipsū non nouit, nec scit an & quo morbo laboret, & sæpe in morbi tuitione & peccati defensione sanitatē suam collocet?

Interea idem ipse, qui in suis delictis cæcus est, in alienis scrutandis oculatissimus est. Quod vitium, dupliciter deforme, vigere etiam inter eos, qui PERFECTI ONI dant operam, affirmat ^a Chrysostomus. Indagationis mali alieni.
 Talibus loquitur Christus, cum ait: ^b *Quid vides festucam in oculo fratris tui, & trabem in oculo tuo non vides?* Inde data est occasio fabulæ de duabus ^a Lib. de com-
 manticis, quarum anterior aliena vitia, posterior propria continet. ^b Matih. 7.
 Sed non videmus (inquit ille) *mantica quod in tergo est.* Catullus in Scauronte.
^a *Perfius Sat. 4.*

Vi nemo in sese tentat descendere, nemo;

Sed præcedenti spectatur mantica tergo!

Magna hæc miseria est: nam vitia propria cognoscere, semper est vtile, sæpe autem necessarium; aliena scrutari, vix vñquam vtile, sæpe numero noxium ac perniciosum.

Accedit huic infirmitati alia non leuior: quòd inuiti, alienissimo tempore, subindè ridicula, inepta, inania voluamus animo; & ea ad eò sæpe sic hæreant, vt nulla ratione discuti ac obliterari possint. Deplo-
 rant hanc miseriam Patres sancti, quòd tēpore orationis, cum soli, minime soli; & taciti, cum multis loquamur; eaque veniant in mentem,

O 2

quæ

*Dial. contra
Luciferianos,
cap. 6.*

quæ ne cogitantes quidem inuenire possemus. D. Hieronymus, *Nunc,* inquit, *creberrime in oratione mea aut per porticus deambulo, aut de fenore com-
puto, aut abductus turpi cogitatione, etiam quæ dictu erubescenda sunt, gero.*

*Lib. 10. Confes-
s. 35. in fine.*

Fortè D. Hieronymus in persona aliorum loquitur. Augustinus in Confessionibus, *Cum,* inquit, *in huiusmodi rebus conceptaculum sit cor no-
strum, & portat copiose vanitatis caeruas, hinc & orationes nostræ saepe inter-
rumpuntur ac turbantur, & ante conspectum tuum, dum ad aures tuas vocem
cordis intendimus, nescio unde irruentibus nugatorijs cogitationibus res tanta
præciditur. Hæc ille. Merito itaque ait Apostolus: Vanitati creatura
subiecta est non volens.*

Rom. 8.

II.
*Corporis neces-
sitates tempus
ad agendum
præcipientes.*

Addam denique, quòd, cum mens nostra æterna sit, ei que perpetua operatio deberetur, attamen quàm diu in hoc corpore est, ne median quidem temporis vitæ nostræ partem sibi potest vendicare: nam infan- tia ipsa in primis, & pueritia detrahenda, & tertia, decrepita ætas, quæ saepe inepta est, & morbis continuis obnoxia; quibus ætatibus mens aut nihil aut admodum parum operatur. His iungendæ sunt noctes, quæ somno occupantur integræ. Refectioni corporis, & relaxationibus animorum, plures horæ, dies, & menses exiguntur. Necessitatibus alijs corporum intercurrentibus lubenter homines indulgent liberalius. Quantulum ergo est, quod intelligentiæ ad opus suum relinquitur! quàm denique exiguum, quàm exile, si continuam negotiorum molem, importuni velut ætus fluxu ac refluxu, mentibus nostris inuictam consideres! Quid de Deo, de rebus æternis, de salutis suæ summa cogitanti supererit?

*Iob 16.
Psal. 48.
Iob 16.*

10. Ecce quot in vno vulnere tela confluerint. Dicat ergo cæcus, miser, & miserabilis homuncio: *Ego ille quondam opulentus, cum in honore
essem, non intellexi; comparatus sum iumentis insipientibus, & similis factus sum
illis; repente contritus sum. Contendere cum Deo volui: temeritatis
meæ pœnas luo. Et sanè longè impar eram tanto giganti: ipse sola manu
tenens ceruicem meam, prostravit & confregit me. Hinc, fracta cer-
uice, stupidus & cæcus euasi; factus sicut equus & mulus, quibus non est
intellectus. Philisthæi mihi oculos eruerunt, quia in Dalilæ sinu requief-
cens aduersarijs fortitudinem meam exposui: cumque hostibus meis,
qui in meam coniurauerant perniciem, essem ludibrio, posuerunt me
sicut signum ad sagittam. Heu, quoties confixus sum vel in vnico ca-
pite! etsi mihi oculi mille, vix vnus superesset immunis à tanta segete
telorum, quæ densissimè aduersarij certa manu in me collinearunt. Hinc
cæcus prostratusque iaceo, quærens lucem. En ergo alterum Iob, vn-
dique confixum, vndique exulceratum. Huius ignorantia ac cecitatis
miseram condicionem exponit D. Augustinus. Cum magnum malum,
inquit, homines putent oculorum cecitatem corporaliū, qua lux ista retra-
hitur;*

*Psal. 31.
Iudic. 16.*

*August. in
Psal. 9.*

bitur; quantam ergo poenam patitur, qui secundis rebus peccatorum suorum eo perducitur, ut non sit Deus in conspectu eius, & contaminetur vix eius in omni tempore, id est, cogitationes & consilia eius immunda sint! & remedium adferens ait: Totus mundus cecus est. Ideo venit Christus illuminator, quia Lib. 50. hom. in hom. 43. diabolus fuerat excacator. Omnes cecos nasci fecit, qui primum hominem cepit. Currant ad illuminatorem, currant, credant, accipiant lutum de salina factum. Salina quasi verbum est, terra caro est. Lauent faciem. Baptizantini, ut & illuminemini. Hæc Augustinus. Sed tolerabile foret, si solus oculus esset faucius, voluntas quoque oppidò vulnerata est.

CAPVT XVIII.

Ponuntur alia tria animi vulnera.

II. **E**T quidem intellectui inflicto vulnus, voluntati, quæ alioquin cæca est, non minùs officit, quàm si eodem ipsa fuisset telo confixa. Si enim à cæco ducatum tollas, in mille pericula præcipitas: aut si videnti lumen extinguas, vel auferas, non erit is cæco melior. At intellectus, oculus voluntatis est: & eodem telo, quo læsus est, sublatus est voluntati ducatus; lumen quoque sapientiæ extinctum, ne cælestia videat. Quomodo ergo homo in rebus eligendis ac gerendis in mille pericula non ruet? duplici ergo oculo excacatus est homo, naturali ac diuino. Etsi enim primus parens peccando fidem non amisit, nobis tamen amisit, omnesque eius filij cæci nascimur.

12. Ad hæc innatus simul est amor sui, per quem ex eadem voluntate pulsus est amor Dei: & hic amor, quem *Philantropia* vocant, origo & fons malorum omnium est; eoque solo homo malus dicitur esse. Nec aliunde bonus es, ait Augustinus, si bonus es; nec aliunde malus es, si malus es; nisi quod Lib. de substantia dilect. c. 2. tom. 4. vel bene vel male amas quod bonum est. Nam omne quod est, bonum est: sed cum illud, quod bonum est, male amatur; illud bonum non est, & hoc malum est. Hoc facit amor sui, qui omnia bona ad se trahit, & à fine, ad quem referre deberet, amantis auocat intentionē, generatque *carnis concupiscentiam, diuitiarum cupiditatem, & superbiam vitam*; quæ tres filiae amoris proprij, omnia vitiorum genera creant, eademque latissimè generatione propagant. De eo multa Patres: nec satis multa dici possunt, quia grauiori telo sauciari homo non potuit, aut voluntas profundius confodi; cum & ipsum telum infausi amoris, tela noua in ipso vulnere proferat, ut voluntatem infinitis modis conuulneret. Vnicum audiamus Augustinum, ceteris omisissis. Quid (ait) amor ipse tot rerum vanarum atque Lib. 22. de ciuit. cap. 22. noxiarum? ex quo mordaces curæ, perturbationes, maiores, formidines, insana

*Voluntatis
vulnera.*

I.
*Amisio ducatus seu oculi
tam naturalis
quàm superna-
turalis.*

2.
Amor sui.

*Lib. de substantia dilect. c. 2.
tom. 4.*

*Amoris sui
filiae tres.*

gaudia, discordia, lites, bella, insidia, iracundia, inimicitia, fallacia, adulatio, fraus, furtum, rapina, perfidia, superbia, ambitio, inuidia, homicidia, paricidia, crudelitas, sania, nequitia, luxuria, petulantia, impudentia, fornicationes, adulteria incesta, & contra naturam utriusque sexus, tot stupra atque immunditia, quas turpe est etiam dicere, sacrilegia, hereses, blasphemiae, periuria, oppressiones innocentium, calumnia, circumventiones, prauaricationes, falsa testimonia, iniqua iudicia, violentiae, latrocinia. & quidquid talium malorum in mentem non venit, & tamen de ista vita hominum non recedit. Verum haec hominum sunt malorum; ab illa tamen erroris & peruersi amoris radice venientia, cum qua omnis filius Adam nascitur. Haec Augustinus. His quid addi possit, non video.

3.
Difficultas resistendi tentationibus, & bene agendi.

Simile.

Prov. 2.

Iob 15.

Simile.

Lib. 22. de ciuit.

cap. 22.

Ecclesi. 39.

13. Aliud voluntatis vulnus agnoscimus in difficultate quam experimur tum in vitijs superandis, tum in virtutum actibus exercendis. Res enim omnes pondere quodam in suum finem feruntur: & ea, quae naturae suae consentanea sunt, arripiunt auidè, impedimenta omni vi, qua possunt, propellunt; & ad ea, quae naturae repugnant, ægre ac difficulter impelluntur: ut ignis sursum vergit, lapis deorsum, aer inclusus erumpit: denique haec suo impetu euertunt moles grauissimas, quae ipsorum fluxum motumve præpediunt. Finis hominis naturalis, si voluntatem spectes, est; rationem ducem sequi: & virtus ideo naturae attributa, ut potentiam iuuaret, & ea cum voluptate ageret. Est ergo & virtus secundum naturam, & vitium naturae repugnat. Deberet igitur homo & libenter bene agere, & cum voluptate virtutem excolere, ægre ac difficulter ad vitia impelli. Id non experimur in nobis: nam & ægre vitijs repugnamus, difficulter iustitiam, clementiam, benignitatem exercemus, cum voluptate vitijs adhærescimus. Ergo læsa voluntas est, eiusque natura ac condicio immutata. *Homines latantur cum male fecerint, & exultant in rebus pessimis: bibunt quasi aquam iniquitatem.*

Equi generosi solo verbo gradiuntur, insiliunt in hostem, freno amplius quam calcari indigent: at asini, atque equi degeneres, impelli debent subiectis calcaribus, minis, clamoribus; & vel tum quidem vix incedunt. Ergo defunt vires, concidit animus, aut læsa gradiendi facultas. Nos certè equi degeneres sumus tam in prima ætate quam in adulta, quos multa præcepta, comminationes, poenae propositae impellere debeant, cum ad bene agendum, tum ut à vitijs coërceamur. De paruulis ita loquitur Augustinus: *Quid sibi volunt multimodæ formidines, quæ cohibendis paruulorum vanitatibus adhibentur? quid pedagogi, quid magistri, quid ferulae, quid lora, quid virga, quid disciplina illa, qua Scriptura sancta dicit dilecti filij latera esse tundenda, ne crescat indomitus, domariq; iam durius aut vix possit, aut fortasse non possit? quid agitur his pænis omnibus, nisi ut debelletur imperitia, & praua cupiditas refrenetur; cum quibus malis in hoc saeculum*

saeculum venimus? Nōne hinc apparet in quid velut pondere suo preclinis ac prona sit vitiosa natura, & quanta ope, ut hinc liberetur, indigeat? Hæc ille. Quid verò significant maiora illa tormenta, quæ legum seueritas maioribus excogitauit; cruces, secures, patibula, rota, ignes, & alia id genus, nisi sæuitiam tantam omnino esse necessariam contra pronitatem humanæ voluntatis ad malum? nam tanta in abundantia vanæ cupiditatis, quæ sese prodat in pueris, huius lucis vſuram intramus, ut rarissimus ille sit, qui, si permittatur & viuere vt velit, & facere quod lubebit, non in ea facinora ac flagitia, quæ modò commemorauimus, vel cuncta vel plurima prorumpat ac perueniat. Quanta profectò miseria illa erit, à miseria magna liberari non posse, nisi per aliam longè deteriore ac maiorem miseriam ac calamitatem!

14. Hoc etiam magnum vulnus in voluntate latere perspicitur, quòd ea eius sit peruersitas, vt ad auctorem suum colendum, verum Deum, principium, ac finem suum; tardissima sit, etiamsi maiestatem suam Deus infinitis miraculis patefaciat; ad colendos verò falsos Deos promptissima, etiamsi de eorum diuinitate nihil omnino cognouerit. Certè Philosophi multi, *cū cognouissent Deum*, ait Paulus, *non sicut Deum glorificauerunt*. Sed parum est: *Mutauerunt gloriam incorruptibilis Dei in similitudinem imaginis corruptibilis hominis*. Transeat, deterius est quod addit: *Volucrum, quadrupedum, & serpentium*. O incredibilem hominum dementiam! Hebraei quoque verum Deum per innumera- bilia signa & prodigia cognitum leuissimè fastidiebant, & ad sacrifican- dum falsis Dijs etiam filios suos promptissimi accurrebāt. Quare Deus per Ieremiam exprobat Iudæis inconstantiam in vero Deo colendo, cū Ethnicici in cultu falsorum Deorū retinendo constantissimi essent. *Transite (ait) ad insulas Cethim, & videte; & in Cedar mittite, & considerate vehementer, & videte si factum sit huiusmodi, si mutauit gens Deos suos; & certè ipsi non sunt Di; populus verò meus mutauit gloriam suam in idolum*.

15. Descendamus nunc ad vulnus tertiæ facultatis, quæ appetitus dicitur irascibilis, & quidem in parte animæ inferiori. Cū enim hæc facultas homini data sit, vt imperatī rationi tamquam miles armatus in vſum spiritalis belli obediat, & sit quasi neruus quidam animi, vt loquitur D. Basilii, fortitudinem constantiamque ac robur ad res bene & ordine gerendas tribuens; vulnus est quod plerumque accidit, vt imperium animæ sponte inuadens, hominem penitus conuertat in feram, eumque cogat impetu ferri, insilire, rabie vt canes affici, pungere vt scorpiones, mordere vt serpentes. Nascitur nobiscum ista pestis, & in ipsa infantia apparere incipit. *An, inquit Augustinus, pro tempore etiam illa bona erant, stendo petere etiam quod noxiè daretur; indignari acriter non subiectis hominibus; liberis, & maioribus, hisque à quibus genitus est, multisque*

4.
*Propensio ad
malū, falsosq;
Deos colendos.*

Rom. 1.

Psal. 105.

Ierem. 2.

*Appetitus ira-
scibilis vul-
nera.*

I.
*Fera barbaries,
Orat. de ira,
qua est hom. 10.*

*Lib. 1. Confes.
cap. 7.*

præterea

præterea prudentioribus, non ad nutum voluntatis obtemperantibus, feriendo nocere; nisi quantum potest, quia non obeditur imperijs, quibus perniciosè obediretur? Ita imbecillitas membrorum infantilium innocens est, non animus infantium. Vidi ego & expertus sum zelantem paruulum: nondum loquebatur, & intuebatur pallidus amaro aspectu collataneum suum. Hæc ibi.

2.
Negligentia in rebus ad salutem pertinentibus.

16. Et quamquam ita sit, vt belluino more homo subinde sæuiat: graue tamen & illud vulnus est, quod sæuiat rei noxiæ acquirendæ causa, aut certè transeuntis ac temporalis boni; in ijs verò quæ ad beatè viuendum cum in hac tum in futura vita pertinent, negligentissimus sit. Cum enim exploratum sit, huius vitæ beatitudinem in virtute perfectam sitam esse, & simul experiamur viam ad perfectam virtutem esse difficilem; ratio postulat, vt magno studio, animique contentione, in hanc rem incumbamus. Si namque, qui magnum studium adhibent, non sine labore perueniunt; quid fiet de illis qui nullum adhibent? Hic ira, feruore, hic contentione ac robore opus esset: sed ad hæc homo immobilis insensibilisque est. Accedit, quod, cum animam esse immortalem naturaliter cognoscamus, par esset, vt nihil sapius, nihil diligentius, nihil maiori cum sollicitudine tractaremus, quàm quid nobis sit euenturum post mortem. At contrà plerique hominum nihil minùs curant, quàm de virtutibus acquirendis, vel beatitudine sempiterna; &, quod magis est mirandum, ne in extrema quidem senectute, cum certum est mortem longè abesse non posse, studium adhibere incipiunt ad procurandam salutem. Tanta videlicet obliuio, tantus sopor, tanta dementia genus humanum vitio primæ præuaricationis oppressit.

3.
Diligentia in querendis temporalibus.

Non ita se res habet in temporalibus lucris captandis, telumque nouum meritò vocauerim immoderatam hanc sollicitudinem. Qui enim in veris & summis bonis querendis supra modum negligentes sunt, iidem in comparandis falsis, inanibus, ac fugacibus attentissimi. Quam calamitatem humani generis non solum noster Ecclesiastes multis in locis deplorat, sed etiam Ethnicus ille, qui Satyras suas ita inchoauit:

*Persius Sat. 1.
Lib. 22. de ciuit.
cap. 22.*

O curas hominum! o quantum est in rebus inane!

Et quoniam (vt Augustinus ait) *desidia, segnities, pigritia, negligentia vitia sunt utique quibus labor fugitur; cum labor ipse, etiam cum est utilis, pœna sit*, ideo, siue labore desidiam vincimus, siue desidia laborem fugimus, semper miseri sumus.

*Appetitus concupiscibilis
vulnus.*

Rom. 7.

17. Vltimum vulnus in appetitu concupiscibili reperitur, & vocatur concupiscentia; quæ post amissam originale iustitiam soluta, contra spiritum pugnat assidue. Hinc nascitur intestinum illud bellum, quod vsque ad mortem finiri non potest; ideo clamat Apostolus: *Infelix ego homo, quis me liberabit de corpore mortis huius?* Quantum autem imperium hic affectus in rationem acceperit, & contrà quàm debiles sint vires rationis

rationis aduersus impetum huius indomitæ feræ, testatur vita plurimorum adolescentum, qui tam immenso voluptatum turpissimarum incendio flagrant, vt pæne ad insaniam redigantur; testantur nouæ & inauditæ libidinum adinventiones, quibus concupiscentia hominum longè superat cupiditates bestiarum; adeò vt Plutarchus, qui opusculum scripsit, *Quod bruta ratione utantur*, meritò aliud edidisset, quo demonstraret homines in bestias transformatos esse. Testantur ieiunia, vigiliæ, sacci, humi cubationes, spinarum aculei, aliaque id genus, quibus viri sancti tamquam armis cælestibus, vt hoc malum reprimerent, utebantur; testantur denique horribiles tragœdiæ, quæ singulis ætatibus, & in omnibus mundi partibus, occasione carnalis concupiscentiæ acciderunt. Certè in Scripturis horrorem incutiunt, quæ de Samphone, Salomone, Dauide leguntur exempla: quorum primus fortitudine, secundus sapientia omnibus anteibat; tertius ad fortitudinem sapientiam quoque, sanctitatem, & pietatem planè singularem adiunxerat. Hæc de vulneribus.

CAPVT XIX.

Explicantur undecim animi morbi.

18. **D**E morbis quoque animi aliquid dicendum est: quorum primum locum sibi facile vendicat inconstantia quædam, instabilitas, & mollities animi, qua fit vt non possit quispiam diu in rebus arduis constans persistere: iam vult, iam non vult; vna eademque voluntas perpetua pugna ac contentione discinditur. Res ceteræ, siue superiores, vt Angeli; siue inferiores, vt pecudes; semper idem volunt aut nolunt; persequuntur bonum, malum fugiunt: homines verò rem eandem modò volunt, modò nolunt; modò neque planè volunt, neque planè nolunt. Placet adulterium, dicit incontinens; sed nolo, quia lex prohibet. Neque solùm pars inferior cum superiore, sed superior secum ipsa configit. *Vnde hoc monstrum*, ait Augustinus, *& Lib. 8. Confess. cap. 9.* quare istud? Luceat misericordia tua, & interrogem, si fortè mihi respondere possint latebra pœnarum hominum, & tenebrosissima contritiones filiorum Adam, vnde hoc monstrum, & quare istud. Imperat animus corpori, & paretur statim; imperat animus sibi, & resistitur. item: Ego cum deliberabam vt iam *Cap. 18.* seruirem Domino Deo meo, sicut diu disposueram, ego eram qui volebam, ego qui nolebam, ego ego eram. Nec plenè volebam, nec plenè nolebam: ideo mecum contende-bam, & dissipabar a meipso; & ipsa dissipatio me inuito quidem fiebat, nec tamen ostendebat naturam mentis alienæ, sed pœnam meam.

19. Ægritudo animi altera est ipsa corporis nostri mortalitas, quæ he- *2.* *Mortalitas corporis.* betat

P

Sap. 9.

berat sensus, frangit animi robur, auocat à custodia & vigilantia, facit vt animo non possumus semper æquè excubare: *Corpus enim, quod corrumpitur, aggrauat animam; & terrena inhabitatio deprimit sensum multa cogitantem.* Grauedinis huius causæ duæ assignantur: altera, corporis mortalitas ac corruptio; quæ etsi in fine ipso terminetur, omni hora tamen ac momento fit; serpitque sensum, sicut flamma oleum consumit; & dum lucet, seipsam conficit. Altera causâ, intima corporis animique consociatio, quæ multas vtriusque partis cogitationes ingerit. Hæc grauant ac deprimunt animum, & ad peccati lapsum inclinant multis sollicitationibus; ex quibus cum sese voluntas extricare non valeat, oppressa pondus sequitur. Compositio hæc ac coniugatio corporis & animi nobilis est quidem, sed contagiosa: vicinæ nimirum sunt partes. Harum altera alteri malum suum communicat: animus infirmus & languens corpus infirmum ac languidum facit; & corpus affectum, afficit animum, ac debilitat. Accedit, hominem ex nihilo procreatum esse. Quid nihilo infirmius? abyssus infirmitatis est, tendit & ducit ad mortem, redit in se, resoluitur in nihilum. *Abyssus abyssum inuocat.* Corpus morte ac corruptione, animus peccato, quo nihil inanius, dissoluitur. Nihil ergo mirum, si animus ex coniunctione morientis assidue corporis morbum contrahat, & in peccatum propendeat.

Psalm. 41.

3.
Fastidium proprii status.Rom. 36. in
Euang.4.
Quod sine peccato viuere non possumus.

20. Grauis etiam morbus est fastidium quoddam proprii status: magnum enim argumentum est corruptionis voluntatis humanæ, quod nemo forte sua contentus viuat, sed laudet diuersa sequentes. Id enim signum est ægritudinis manifestæ. Ceteræ namque res, si habeant quæ natura ipsarum requirit, facile acquiescunt, neque mutationem vllam expetunt: ægotantium verò proprium est, nunc vnum, nunc alterum velle; fastidire cibos, lectum; modò huc, modò illuc impatienter se conuertere. Nos, inquit S. Gregorius, *nati in huius peregrinationis arumna, huc fastidiosi iam venimus, nescimus quid desiderare debeamus.* & infra: *Fastidio ergo nostro tabescimus, & longa inedia peste fatigamur.*

21. Alia ægritudo est febris quædam spiritalis, quæ certis temporibus recurrit, etsi sani subinde videamur & simus. Ea est lapsus & relapsus in peccatum, quodque nemo sine peccato possit viuere: & quidem nemo, nisi Dei gratia renouetur, omnia peccata mortalia vitare potest; venialia verò nec renouatus quidem, nisi priuilegio singulari. Quare ita proprium hominibus videtur esse peccatum, vt vulgò dici soleat, Humanum est peccare: vt se quidam excusans,

Persuasit nox, amor, vinum, adolescentia; Humanum est. & alius:

— *Nemo sine crimine viuuit.* item:

— *Vitijs nemo sine nascitur; optimus ille est,*

Qui minimis vrgetur. —

Sicut

Sicut ergo qui tertiana vel quartana laborat, internum quendam *Simile.*
ignem fouet, qui substantiam ipsam depascitur; redit certis tempori-
bus, mutat & nonnumquam horam paroxysmus, præuenit vel sequitur
quasi Euripus quidam fluens ac refluxus; & miramur cur ita eueniat,
cùm alijs temporibus homo ceteroquin propè sanus sit, cibus sapiat,
ambulet, multa que agat, quæ ante pauculas horas non poterat: & nos
ita sana mente & in abundantia nostra statuimus, *Non mouebo in æternum; Psal. 29.*
Nemo me separabit à caritate Christi, non tribulatio, non angustia, non gladius; Rom. 8.
confitemur, proponimus, constituimus, & pæne vouemus; vix locum
deseruimus, omnino contraria proposito verba, facta, desideria fundi-
mus, propositi immemores. Sunt & qui lacrymis vberimis inconti-
nentiam aliudve nefas detestentur, velut ad illud numquam redituri.
Durat hæc constantia breui tempore; & sæpe miratur infirmus qui fiat,
ut infania illa & sic redeat, & sic deprimat animum, quem inuictum &
infractum arbitrabatur. Magna hæc est voluntatis ægritudo, ut, cùm
nemo peccare possit nisi velit, & nihil magis sit in potestate hominis
quàm velle, tamen non possit semper bene velle, & per hoc absque
omni peccato viuere.

22. Infirmitas alia est, quæ ex consortio contagione quadam nasci-
tur. Nec enim soli vitandi sunt qui peste laborant, sed & qui ipsis ad-
esse solent, & in eodem domicilio commorantur: & mundus domus
quædam est, quæ pestiferos multos continet; & nos in eadē domo com-
moramur, intectis conuiuiamus, cum iisdem edimus, bibimus, & dormi-
mus. Quis fiet ergo ut & aërem pestiferum non hauriamus, & magno
periculo vita nostra spiritualis non laboret? Idcirco monet nos D.
Ioannes: *Nolite diligere mundum, neque ea quæ in mundo sunt. Si quis dili-* 1. Ioan. 2.
git mundum, non est caritas Patris in eo. Quod si cui desit caritas Patris,
ille sanè admodum infirmus, imò mortuus est: Qui enim non diligit, ma- 1. Ioan. 3.
net in morte. Et D. Iacobus, Adulteri, ait, nescitis quia amicitia huius mundi 1. Iac. 4.
inimica est Dei? Quicumque ergo voluerit amicus esse sæculi huius, inimicus Dei
constituitur. Et D. Bernardus: Periclitatur castitas in delicijs, humilitas in De conuers. ad
diuitijs, pietas in negotijs, veritas in multiloquio, caritas in sæculo nequam clericos, cap. 30.
Fugite de medio Babylonis; fugite, & saluate animas vestras. Hæc ille.

23. Quid possint verò aliena consilia, (qui alius morbus est) norunt
cùm plurimi priuati homines, tum florentissimæ respublicæ, quæ ma-
lignorum consilij præcipientes corruerunt. In priuatis perimouendis
valet in primis parentum auctoritas, & eo magis, quo cariores sunt; de-
inde magistrorum; denique familiarium. Illud autem supra modum
mirandum est, non modò hebetes, ignaros, minimeque prudentes pra-
ui consilij decipi, sed & sapientes subinde regi ab homine imperito, ab
illo pendere in omnibus; & ne quidem errorem suum videre etiam
tunc,

Luc. 7.

Rom. 1.

Simile.

Job 21.

Psal. 5.

2. Nocet rebus
publicis.

1. Machab. 1.

Isaem. 44.

7.
Exempla malo-
rum.

tunc, cum in graues aliquot lapsus ignorantium consilijs inciderint. Sunt & nonnulli, qui nullius sapientis admittunt consilium, seipsos audiunt solos. Non est qui turpius peccet, quam ij qui sapientes sunt apud semetipsos: & merito *sapientia iustificata est à filijs suis*; putantes se esse sapientes, stulti in operibus suis deprehenduntur. Congerunt opes, ædificant palatia, excitant mausolea, testamenta scribunt, suo præclaro solum vti iudicio; quæ cum à morte cōsiderantur, carent executione, & effectum nullum fortiuntur. Morbus est, quo plerique mortalium laborant. Vt enim halitus pestilens afflatu respiranti virus ingerit: sic & consiliarij præui pestem animis & mortem adferunt. Idcirco Iob Deum rogabat: *Consilium impiorum longè sit à me*. Eorum enim os tetram exhalat mephitim: *Sepulcrum enim patens est guttur eorum, linguis suis dolose agunt, iudicet illos Deus*. Idem accidit reipublicæ corporibus, cum Principes improborum aut adulantium linguis nimium tribuunt. Iudæorum consilium fuit contra religionem: *Eamus, & disponamus testamentum cum Gentibus; quia, ex quo recessimus ab eis, inuenerunt nos multa mala. Et bonus visus est sermo in oculis eorum*. Ex hoc consilio totius religionis euersio consecuta est. Idem fuit consilium populi Israëlitiçi apud Ieremiam, qui in persona Domini ei exprobrat cum graui obiurgatione cultum idolorum. *Sermonem (inquiunt) quem locutus es ad nos in nomine Domini, non audiemus ex te, sed facientes faciemus omne verbum quod egredietur de ore nostro, ut sacrificemus Regine celi, & libemus ei libamina*. Ex quo consilio ruina ingenti populus prolapsus est, abductusque in captiuitatem, terraque eius hostibus tradita. Quid ergo mirum, si in animo priuati hominis morbus ex malo consilio enascatur, cum & regna, & prouinciæ, & religio ipsa funditus à prauis consulatoribus impulsæ corruant, & orbis terrarum vniuersus infinitis calamitatibus conficiatur?

24. Huc accedit septimus morbus, alienorum exemplorum, quæ vim suadendi habent maximam. qui enim peccantes videt, in duos errores labitur: primum namque aliter de ea turpitudine, quàm antea, iudicat; ipsaque deformitas peccantis vel nobilitate, vel scientiæ opinione, vel dignitate amicta, nouam formam omnino induit, aut certe magna ex parte speciosiore. Alterum non minorem vim habet: cum enim innocens animus arbitraretur fieri non posse, vt homines rem adeò exosam atque inuisam amplecterentur; summa verò facilitate, imò summo ardore ac studio in voluptates videat prorueri; quod impossibile factum putabatur, id modò & possibile, & facile, & familiare, & vsitatum, & delectabile, & faciendum proponitur, & quidem efficaciter, & immenso quodam pondere, auctoritate nempe viri principis, sapientis, multitudinis. Plato non admittebat in sua republica Homeri libros, quod

quòd tales Deos ac Deas fingeret, quales nemo filios aut filias suas esse veller; nimirum sceleribus multis obnoxios. Ideo quoque nos monet Moyſes: *Non ſequèris turbam ad faciendum malum, nec in iudicio plurimorum* Exod. 23. acquieſces ſententiæ, ut à vero deus. & Eccleſiaſticus: *Qui ſe iungit fornicarijs, erit nequam. Putredo & vermes hereditabunt illum, & extolletur in exemplum maius.* Eccle. 19.

25. Omitto carniſcinam illam perpetuam, (quæ octaua eſt infirmitas) quæ à carnis noſtræ incentiuſ exoritur, non modò in ijs qui adhuc peccatis ſeruiunt, ſed etiam in iuſtificatis hominibus. Affligit iuuenes, inſequitur aduſiores; viros ac ſæpe decrepitos vrget; non parcit infirmis; dies nocteſque tela ſua exacuit; ſanctiſſimis operibus inſiſtentes exagitat; orantes & tremenda Myſteria adeuntes perſequitur; à profanis locis ſancta ſanctorum non diſcernit; ingerit ſe impudenter ſerijs cogitationibus; vitur ſenſibus externis ad expugnandum animum; formas rerum pulchritudine obijcit; ea quæ nobis in ſolacium data ſunt, vertit in laqueum; illecebris ciborum, veſtium, opum, honorum, & quidquid mundus continet, languentem animum conatur allicere, tenere, atque inuoluere. Ecquis morbus grauior moleſtiorque iuſtis hominibus poteſt accidere? De hoc ita Auguſtinus: *Hanc pugnam non expeririuntur in ſemetiſiſ, niſi bellatores virtutum, debellatoresque vitiorum. Non expugnat concupiſcentiæ malum, niſi continentia bonum.* Si ergo infirmantur continentes & iuſti, quid ni oppreſſi dicantur iniuſti? vnde addit Auguſtinus: *Sunt autem qui legem Dei omnino neſcientes, malas concupiſcentias nec in hoſtibus deputant; eiſque miſerabili cecitate ſeruientes, inſuper etiam beatos ſe putant ſatiando eas potius, quàm domando.* Lib. de continent. c. 3. tom. 4.

Quòd ſi huic neceſſitati naturali acceſſerit impotentia conſuetudinis, quæ nona eſt ægri tudo, & ab Auguſtino quaſi ſecunda & quaſi affabricata natura dicitur; quanta futura eſt calamitas! quis tyrannidi huic reſiſtet? Conſuetudinis malo difficile reſiſtitur; vnde ait S. Auguſtinus: *Vehementius vidua quàm virgo, vehementius meretrix, quando caſta eſſe voluerit, quàm qua ſemper fuit caſta, conſigit; & tanto ampliùs in ea ſuperanda volũtas laborat, quanto ei maiores vires conſuetudo dedit.* Non ergo Iob immeritò queritur: *Circumdedit me lanceis ſuis.* Heu quot telis tota hominis anima tranſfixa eſt! *Conuulſerunt lumbos meos.* Quibus medicinam adhibens Dominus ait: *Sint lumbi veſtri præcincti.* & peritè quidem: nam luxuriæ libidinisque ſagittis conſixi, malagmate ac fomento caſtitatis indigebant. Addit Iob: *Non pepercit, & effudit in terram viscera mea.* Non pepercit ſanè cruentus hoſtis, iniuriæ diuinæ vindex: effudit rabiem ſuam, & poſt necem mille vulnera infixit, fuſa que ſunt hominis viscera in terram, & omnem affectum, quem in Deum transferre ſolebat, terrenis amoribus implicauit. Lib. 6. Muſica cap. 7. tom. 1. Lib. 6. contra Iul. cap. 7. im- preſſ. antiqua, & 8. edit. Plãt.

- IO. 26. Decimus morbus est, quod traditi sumus in potestatem principis tenebrarum, qui vel in paruulorum corpora subinde impetum facit, eosque miserè vexat & cruciat; omnium verò mentes sollicitat, mille nocendi vtens artibus; die noctuque *circuit, querens quem deuoret*. Aggressus primos parentes, vndique etiam armatos vicit, primo quidem & facili congressu. *Consurrexit satan contra Israël, & concitauit David vt numeraret Israël*. Quid? & ipsum Dei Filium adorsus tertio fortè vicisset, si vinci potuisset. Adfuit extremis Christi temporibus, & petijt vt Apostolos cribraret sicut triticum. Effecit aliquid: sed Christus pro Petro rogauit, vt non deficeret fides eius; ipse tamen turpiter lapsus est, omnesque discipuli contra fidem datam relicto Domino aufugerunt. Denique Apostolus, depingens nobis eius naturam, fortitudinem, industriam, experientiam, *Induite, ait, vos armaturam Dei, vt possitis stare aduersus insidias diaboli: quoniam non est nobis colluctatio aduersus carnem & sanguinem, sed aduersus principes & potestates, aduersus mundi rectores tenebrarum harum, contra spiritualia nequitiae, in caelestibus*. Nos caro sumus & sanguis, quibus nihil est infirmius; nam & caro transuerberari potest, & sanguis fundi, & simul anima cum sanguine: non ita aduersarius; quia spiritus est immortalis. Singulis deinde nostrum pugnandum est, ac decertandum: hi infiniti sunt nequam spiritus. Nos solitarij & deserti: hi principes sunt, quibus multi obediunt & obsequuntur. Nos imbecilles: illi potestates. Nos priuati: illi rectores. Videntes nos oppugnant: illi tenebrarum rectores à nobis in tenebris absconditi videri non possunt. Nos corporales ac palpabiles: illi carent corpore, vt tangi non possint, nec laedi. Nos simplices ouiculæ: illi ex omni nequitiae ac malitiae genere conflati. Nos in terra versamur, nec fugæ locus relinquitur: illi in caelestibus, in aëre absconditi auolant. Nos infernè deteriori ad pugnandum loco constituti: illi supra nos, capitibus nostris imminet. Nos, qua forma nobis pugnandum sit, ignoramus: illi & cominus & eminus pugnant; nec à nobis vel cominus vel eminus peti possunt, quia altius abscedunt, quàm vt balistis vel tormentis tangi valeant; & quidquid cadit ex eorum manibus, in caput nostrum certò deuoluitur. Genus hoc morbi crudelissimum est; nec curari sanarique potest, donec vestem hanc carneam exuerimus, & similes simus Angelis Dei, qui in cælis habitant. Interea tamen quis euadet?
- II. 27. Quod si his omnibus accedat vltimo loco inordinata quædam affectio, quæ ex varia corporum intemperie ac complexione nascitur; quæ fiet vt tam importunis vrgentibusque tentationibus & illusionibus resistat homuncio?
- Initio Ordinis B. Francisci Ruffinus quidam, insignis nobilitate, sed nobilior virtute ac Religione, impugnatus grauitor animo est de sua præ-

Demonis insidias ac impugnaciones.
1. Pet. 5.
Gen. 3.
1. Paral. 21.

Luc. 22.

Ephes. 6.

Antithesis pulchra.

Marc. 13.

Inordinata affectio, quæ ex varia corporum intemperie ac complexione nascitur.

Ruffini Franciscani tentatio grauis de prædicatione.

prædestinatione; suggerente cacodæmone, ipsum nempe ad beatorum sedes destinatum non esse, frustra que Religionis officijs insistere. Durauit oppugnation hæc diebus pluribus; quibus mærore ac tristitia absorptus, propemodum victus est: pugnam nihilominus suam B. Francisco detegere ausus non est; orationes tamen consuetas minimè intermittebat. Auxit tristitiam pænæque prostrauit diffidentem animum dæmon, obiecta specie Christi Domini in cruce defixi, atque dicentis: Quid, Ruffine, te minimè inter beatos destinatum pœnis precibusque frustra conficis? Mihi utique, non filio Petri Bernardonis, in hac re credendum est: quamquam quid opus est vt super hoc negotio iudicium illius exquiras? ego enim sum Dei Filius; ego scio quos elegerim. Ipse Franciscus, tu, & quicumque eum sequuntur, ad æternas pœnas damnati sunt. Abiit pseudo-Christus, relictis ingentibus tenebris in animo Ruffini, magnæque à Francisco alienatione; quem ideo celare omnia constituit. Sed cuncta, Spiritu sancto auctore, didicit Franciscus; qui, misso Fratre Masleo, Ruffinum accersuit ad se. At Ruffinus, Quid mihi, inquit, & Fratri Francisco? Masleus, vir Deo plenus, maligni spiritus dolos agnoscens, benignè Ruffinum increpat, Francisci merita, sanctitatem, beneficiaque sibi ac mundo collata exaggerans: tandem expugnauit Ruffinum, & secum adduxit. Quem eminus conspiciatus Franciscus, O Ruffine, inquit, cui credidisti? Et seriem tentationis coram retexens, monuit ne suggestionibus impij cacodæmonis in posterum aurem præberet, dictisve nefariis acquiesceret: Christum esse non posse, qui animum ab omni bono opere auocaret, qui ad desperationem prouocaret; confiteretur ergo peccatum suum, nihil de orationis bonorumque operum studio remitteret, fore vt molestia hæc in consolationem verteretur. Ruffinus, videns & arcanas mentis cogitationes & dæmonis præstigias detectas, resoluitur in lacrymas, perniciosi silentij à se pœnas exposcit: demum, confirmatus animo, ad siluam iuxta Assisium, vbi Cœnobiolū rerum diuinarum commentationi opportunum erat, rediit. Oranti, & lacrymarum imbre perfuso, pseudo-Christus iterum adfuit, dicens: Quid proderunt, Ruffine, lacrymæ ac gemitus? quid pœnæ quibus te crucias? Credis filio Bernardonis, qui ab æternis flammis te non eripiet. Cui Ruffinus, Aperi, inquit, os tuum; & quamquam te Christum deprædices, ausim in verbo Francisci fæces meas in illud iniicere. Indignabundus dæmon disparuit quidem, sed montem lapideum instar tempestatis eleuauit, lapidumque sese collidentium atque ignem inuicem excitantium tam horribili fragore detonuit, vt B. Franciscus cum sociis admirabundus ad prodigium conspiciendum concurreret. Hic Ruffinus demum manifestè aduertit se ab hoste deceptum fuisse, rediitque secundo ad Franciscum cum pudore;

*S. Antonius
parte 3. tit. 24.
cap. 7.*

pudore; humique prostratus, & culpam fassus, solatio perfusus à Francisco est remissus, ac quietus demum remansit. Quodam die, dum orans maderet lacrymis, adfuit Christus Dominus, eiusque animum miro liquefecit amore, & adiunxit: Bene fecisti, fili, qui Francisco credidisti. Tibi Magister & Dominus tuus apparere volui; & hoc signum tibi erit, quia numquam de cetero tristis eris. Et benedixit illi, tanta dulcedine spiritus perfuso, mentisque eleuatione adeò absorpto, ut die nocteque illa, ad cælestia raptus, sui compos minimè esse videretur. Benedictioni respondit euentus: eam enim sanctitatē, vitæ innocentiam, & res diuinas contemplandi assiduitatem assecutus est, ut B. Franciscus de eo diceret, ipsum beatorum albo, et si viatorem, adscriptum esse.

28. Ex his facile colligi potest, quid possit homo viribus suis relictus, præsertim post casum, spoliationem, quatuor vulnera præcipuis animæ potentiis inflicta, animo denique toto tot morborum telis confixo. Denique, omnia illa mala, si per Mediatoris gratiam non sanentur, omnino PERFECTIONEM excludere, satis superque probatum esse videtur.

CAPVT XX.

Gratia Mediatoris IESV Christi hominis vulnera morbosque restaurari, & ipsum PERFECTIONIS studio aptum idoneumque postliminio reddi.

INFIRMVM vidimus; quæramus medicum: consideratis vulneribus, ipsdemque letalibus, vel mortuum vel seminecem iudicauimus; quæramus saluatorem. Relictus est solus, prostratus: præterit Sacerdos, nihil ei profuit; Leuita quoque eum prætermisit incurius: quid enim ageret? nec Lex, nec Prophetæ (ut exponit Augustinus) mortuum excitare potuerunt, ac sanare. Quæramus ergo Samaritanum, cui salus hominis cordi sit, qui vigilet, & ad quem longo tempore clamatum est: *Custodi me, Domine, ut pupillam oculi, sub umbra alarum tuarum protege me.* Salutem enim nostram vni Christo IESV, Dei Filio, acceptam debemus. *In hoc sanè apparuit caritas Dei in nobis, quoniam Filium suum unigenitum in sit Deus in mundum, ut viuamus per eum.* Tulit namque infirmum, & iumento imposuit humanitatis suæ, & tamquam bonus pastor pro ouicula perdita animam suam offerens, eandem humanis incumbentem ad caulas gregemque reportauit. Sed læsus erat.

Primum

Luc. 18.

Lib. 3. Hypo-
gnost. contra
Pelag. cap. 8.
tomo 7.

Psalm. 16.

1. Joann. 4.

Primum vino vulnus abluit; ita enim medicorum iudicio fieri conuenit: asserunt enim vlcera ac vulnera vniuersa præterquam vino humectari aut etiam madefieri non oportere; nam vinum & purgat quàm optimè, & vulnus roborat, putredinemque abstergit. Oleo deinde perunxit: tum ne calor noxius irreperet; tum vt dolorem leniret, denique vulnus curaret, & sanitati moribundum restitueret. *Misericordiam Psal. 109. & iudicium cantabo tibi, Domine.* Hoc est: Oleum & vinum vulneri meo infudisti. nam oleum misericordiam, vinum iustitiam designat. Nec prius oleum infudit, quàm simul vinum haberet præ manibus. Mirabilis in Deo seueritas; qui ignoscere noluit, nisi Dei Filius pateretur. *Proprio Filio suo non pepercit Deus, ait Apostolus, sed pro nobis omnibus tradidit illum.* Hoc decretum prodidit ipse per Prophetam: *Propter scelus Isaiæ 53. populi mei percussit eum.* Respuit namque Deus omnem aliam satisfactionem; nec acquieuit, donec Filius sese in iniuriæ compensationem offerret. Dicit hoc ipse Filius per Prophetam suum: *Sacrificium & Psal. 39. oblationem nolui; tunc dixi, Ecce venio.* In capite libri scriptum est de me, *ut facerem voluntatem tuam: Deus meus, volui.* Hoc vinum rigidè peccata Patrum veteris Testamenti absterfit: quot enim bella, quot plagas, quot cædes illis intulit! Non Deus misericordiarum tunc, sed Deus Sabaoth, Dominus exercituum illi nomen erat: imposuit tamen & oleum misericordiæ. Quid & in vino posito misericordia magna relucet: nam emortuum hominem deferere atque à se proicere poterat; & iustitiæ rigorem non homini, sed Filio suo imposuit. Ideo fortè Euangelista prius oleum quàm vinum infudisse describit.

2. Oleum istud è cælo nostris vulneribus allatum est, & ab æterno præparatum: designat enim, teste Basilio, Dei gratiam, medicamentum diuinum planè, ac naturam excedens, quo vulnera nostra curantur, oculi cæcorum aperiuntur, & famelici reficiuntur, dolores huius vitæ mitigantur, calor noxius carnalis cõcupiscentiæ extinguitur. Hæc omnia facit oleum: medetur morbis, lumen fouet, in cibum quoque assumitur. Sed corporibus oleum, animis gratia Saluatoris admouetur. Hoc gratiæ oleo omnia morborum sanantur genera: *cæci vident, Matth. 21. claudi ambulant, leprosi mundantur, mortui resurgunt, pauperes euangelizantur.* En ergo reparandi hominem lapsum, pænæque depositum suscitandi, ratio.

3. Et, ne quis sibi quidquam attribuat, gratia inde sibi nomen desumit, auctore D. Augustino, quod gratis & sine meritis detur; vnde à D. Paulo debito opponitur. ** Ei autem, inquit, qui operatur, merces non imputatur secundum gratiam, sed secundum debitum.* item: *b Si autem gratia, iam non ex operibus; alioquin gratia iam non esset gratia.* Vnde D. Augustinus: *Itaque, fratres carissimi, si vita nostra bona nihil aliud est quàm Dei gratia, 8. tom. 7.*

Olei gratia notationes.

In Psal. 44.

Matth. 21.

Gratia nomen.

August. de

Serb. Domini

serm. 61. cap. 1.

a Rom. 4.

b Rom. 11.

Lib de gratia

& lib. arb. cap.

Q

*Vita aeterna
cur gratia di-
citur.*

gratia, sine dubio & vita aeterna, quae bona vita redditur, Dei gratia est; & ipsa enim gratis datur, quia gratis data est illa cui datur: sed illa cui datur, tantummodo gratia est; haec autem quae illi datur, quoniam premium eius est, gratia est pro gratia, tamquam merces pro iustitia. Vbi D. Augustinus & gratiam opponit meritis, & omnes praedestinationis effectus gratiae attribuit, ratione primae gratiae, quae gratis data est.

*Gratia tres no-
tiones.*

I.

*Generalis.
Epist. 95. post
initium.*

3ap. 18.

*2.
Gratia non in-
dignis data.*

*Joan. 1.
Luc. 8.
Psalm. 44.*

*3.
Gratia Christi
Saluatoris in-
dignis data.*

Rom. 3.

Rom. 6.

*August. in En-
chir. cap. 106.
& 107.
Merita nostra
gratia vocantur.*

4. Porro singula Dei beneficia, tam ea quae naturae complexu continentur, quam quae ipsam excedunt, gratiae nomen merentur; quod absque meritis nostris ac debito ea nobis diuina benignitas ac prouidentia largiatur, vti D. Augustinus, gratiae diuinae singularis patronus, declarat, dicens: *Quadam non improbanda ratione dicitur gratia Dei quae creati sumus, & de hoc tanto beneficio creatori nostro gratias agere debemus; unde merito & ista gratia dici debet, quia non praecedentium aliquorum operum meritis, sed gratuita Dei bonitate donata est.* Haec ille. Et Sapiens eodem sensu loquitur. *Propter hoc (inquit) & tunc in omnia transfigurata, omnium nutrici gratia tua deserviebat.* Itaque magna gratia est, quod Deus prouidentia sua, tamquam mamilla quadam communi, vniuersum orbem alit.

Sunt quidem haec, fateor, magna Dei dona; sunt tamen & alia Dei beneficia, quae naturae ordinem excedunt, quibus merito proprium gratiae nomen tribuitur; vt gratia originalis, gratia Christi humanitati collata, ob quam dicitur *plenus gratia & veritate*; & Lucas dicit, gratiam Dei fuisse in illo; & Dauid, diffusam esse gratiam in labiis eius. Et haec quidem gratis datur; quis enim sibi quidquam mereri potest dum non est? sed qui accipiunt, non indigni sunt. Tamen, quia de reparatione hominis lapsi agimus, & qui accipiunt, indigni accipiunt, imò poenas & tormenta promeriti sunt; & quia etiam Christi merita extollere intendimus, tamquam salutis nostrae auctoris & assertoris; de iis beneficiis loqui constituimus, quae & naturam excedunt, & indignis, perditis, ac merito damnatis indebita sunt, Christi quoque meritis conferuntur: de quibus Apostolus, *Iustificati, ait, gratis per gratiam ipsius, per redemptionem quae est in Christo* IESU. Non minus euidenter idem Apostolus alibi idipsum declarat: cum enim dixisset, *Stipendium peccati mors*; non adiunxit, *Stipendium iustitiae vita aeterna*; quod antithesis requirere videbatur, & (auctore Augustino) sine dubio adiunxisset, si de homine ante lapsum locutus fuisset; sed addidit, *Gratia Dei vita aeterna.* Tamen enim vita aeterna sit merces operum, eam tamen gratiam appellare maluit sanctus Apostolus, vt intelligeremus ipsa etiam merita nostra esse Dei merita. Neque id solum quod sine Dei gratia nulla possunt esse liberi arbitrij merita, sed quia post Adae ruinam noua quadam ac singulari Dei gratia liberandum fuit liberum arbitrium à captiuitate

uitate & seruitute peccati; quod per merita & gratiam Domini nostri IESV Christi factum est.

5. Præparatio verò gratiæ illius cœpit ab æterno Dei amore, quo nos *Gratia æterna.* ante mundi constitutionem dilexit: in cuius gratiæ laudem & gloriam nos à Deo prædestinatos esse atque electos in adoptionem filiorum, testatur Apostolus. *Prædestinavit nos (inquit) in laudem gloriæ gratiæ suæ. Ephes. 1.* Ex hoc amore, tamquam fonte, promanant cuncta illa beneficia vocationis, iustificationis, conseruationis, quæ in tempore accepimus: nam *Gratia temporalis.* quos prædestinavit, ait Apostolus, *hos & vocauit; & quos vocauit, hos & iustificauit. Rom. 8.*

Itaque vocatio prima reparationis gratia est, ideoque primùm omnium constituit Apostolos, Prophetas, Doctores, quos instruxit gratia *Gratia gratis data, & earum finis.* miraculorum, prodigiorum, dono gubernandi, dicendi copia, & quidem linguis diuersis; his tamquam opportunis & efficacibus præfidijs vocat, suadet, & allicit eos, quos inuitatos ad gloriam suam vult: quod testatur D. Paulus. *Diuisiones (inquit) gratiarum sunt, idem autem Spiritus. 1. Cor. 12.* Et quosdam posuit Deus in Ecclesia primùm Apostolos, secundo Prophetas, tertio Doctores, deinde virtutes, exinde gratias curationum, opitulationes, gubernationes, genera linguarum. Quæ quidem gratia donum est super- *Gratia gratis data quid sit.* naturale, absque vlllo debito ad aliorum spiritualem salutem præcipue collatum. Verùm parum proderit Euangelij prædicatio, miracula, linguarum genera; nisi Deus internè iuuet peccatorem, vt vocantem audiatur, excitetur, & surgat.

6. Et Deus internè prædicat, illuminat, mouet, vrget speciali quadam gratia; quæ aliud non est, quàm motio quadam diuina, qua homo ad operationes, quæ naturam eius aliquo modo superant, adiuuatur. Actio hæc Dei est excitantis, vocantis, sollicitantis hominem, vt videat, sequatur, & faciat. Sicut si cui nobili & ingenuo suadeatur vt regnum *Simile.* Hispaniæ, vel Papatum, ad quem electus est, admittat: ita intimis motibus ad regnum cœlorum quærendum & capeßendum, quod ab æterno Deus electis suis præparauit, inuitat. Et hoc quidem actuale auxilium, ijs præsertim qui in statu peccati sunt, omnino necessarium est ad actus illos qui naturam superant, non autem ad eos qui naturæ vires non excedunt; quales sunt, intelligere, appetere res humanas.

Excedunt verò vires naturæ omnino & absolutè actus virtutum *Vires naturæ tria actuum genera superant.* Theologicarum, Fidei nempe, Spei, & Caritatis; quæ non acquiruntur per iteratos ac frequentatos actus, sed diuinitus in animam infunduntur. *1.*

Excedunt quoque vires naturæ quadam, quæ ratione status peccati, aut infirmitatis, superari non possunt. Vt enim ægrotus ingentem *Simile.* molem eleuare non poterit absque alterius ope, quam tamen ipse *2.* idem,

Q²

idem, si sanus esset, facile moueret: ita homo per peccatum debilitatus multa non potest sine auxilio speciali efficere, quæ tamen in statu innocentia facile perfecisset. Talia sunt, heroica facinora aggredi, tentationibus grauib. resistere, & alia, de quibus statim dicendum erit.

3. Subinde vires nostras excedunt & alia quædam non omni ex parte, sed ratione alicuius circumstantiæ, modi, loci, temporis, personæ. Verbi gratia, incontinens in bona aliqua Religione facile abstinebit à lapsu, quod præstare non poterit in conuictu perditorum adolescentum, vel in domo ubi occasio lapsus offerretur. Sicut enim qui loco opportuno stat, & vtraque manu vitur, mouere potest grauem molem; quam sine auxilio non poterit, si incommodè ad eam impellendam stet, aut alteram manum impeditam habeat: ita poterit homo iustus præceptum aliquod diuinum facile adimplere, si nulla grauior tentatio accedat; quod alioquin nullo modo sine auxilio speciali facere poterit. Ex his nouem potissimum gratiæ specialis Prærogatiuas sancti Patres, salutem nostram gratiæ Mediatoris tribuentes, constituunt; quarum prima est:

Signific.

Gratiæ specialis Prærogatiua nouem.

1. Prærogatiua.

Rom. 8.

Epist. 93. inter epist. D. August.

Can. 5.

D. Thom. 1. 2. q. 109. a. 8.

Lib. de corrept. & gratia, c. 12.

Solis naturæ viribus, hoc est, sine speciali Christi gratia, omnia præcepta secundum substantiam operis impleri non posse. Diuina namque Scriptura docet, Legis obseruationem tribuendam esse gratiæ Christi. *Quod impossibile erat Legi,* ait D. Paulus, *in quo infirmabatur per carnem; Deus Filium suum misit in similitudinem carnis peccati, & de peccato damnauit peccatum in carne, ut iustificatio Legis impleveretur in nobis.* Innocentius primus, scribens ad Concilium Mileuitanum, hanc doctrinam confirmat. *Negantes (ait) auxilium Dei, iniquiunt hominem sibi posse sufficere, nec gratia hunc egere diuina: quæ priuatus, necesse est diaboli laqueis irretitus occumbat, dum ad omnia vitæ perficienda mandata, sola tantummodo libertate contendat.* Et Synodus Mileuitana, Item placuit, inquit, *ut quicumque dixerit ideo nobis gratiam iustificationis dari, ut, quod facere per liberum arbitrium iubemur, facilius possimus implere per gratiam, tamquam, etiamsi gratia non daretur, non quidem facile, sed tamen possimus etiam sine illa implere diuina mandata, anathema sit.* Huius veritatis rationem adfert D. Thomas. Natura enim humana, per peccatum primi hominis deprauiata, auersa est à Deo, & conuersa ad creaturas, & præsertim ad se. Proinde finem vltimum vel actum, vel habitum, vel certè propensione quadam, in creatura, non in Deo, constitutum habet. Quare ubi quæpiam agenda occurrunt, vel euitanda, ex fine illo præconcepto, quasi naturali quodam pondere, in malum propendit, ad bonum verò non nisi violenter rapitur. Quare vis quædam necessaria est, quæ & in contrarium nitatur, & efficiat ut animus perpetuò vigilet, præmeditetur, & contra propensionem & amorem proprium decertet. Quod moraliter esse impossibile, & ratio & experientia conuincit. Quod si D. Augustinus affirmat, ipsum etiam hominem iustificatum,

ficatum, nisi is diuina gratia indeclinabiliter & inseparabiliter ageretur, ob naturæ infirmitatem sine dubio casurum; quanto nos id maiori ratione affirmare debemus de homine infideli, & qui solis vitur viribus naturæ per peccatum corruptæ & vitiatæ!

7. Secunda Prærogatiua: Nullum naturæ viribus mandatum seruari posse, 2. Prærogatiua. si tentatio grauior incumbat; nec ullam tentationem veram ac vehementiorem humanis viribus posse superari. Poterat quidem primus parens in statu naturæ integræ omne peccatum mortale vitare, poterat & veniale, & quidem ad longissimum tempus, sine gratia habituali; nempe de solo auxilio quod ad integritatem illius status pertinebat: illud enim sufficiens erat ad operandum totum naturæ bonum, & ad vitandum omne malum rectæ rationi contrarium. Res iam non ita se habet, in natura per lapsum debilitata ac corrupta: Scriptura namque diuina omnem victoriam in tentatione soli Deo solet tribuere. *Impulsus, ait Dauid, euer-* *Psal. 117.*

sum ut caderem, & Dominus suscepit me. Ego dixi in abundantia mea, Non mouebor in æternum. Auertisti faciem tuam à me, & factus sum conturbatus. *D. Thom. 1.2.9. 109. a. 8.*

Suadet Christus quoque esse orandum. *Orate, ait, ut non intretis in tentationem.* &: *Cum oratis, dicite, Et ne nos inducas in tentationem.* *Orat & Matth. 26.*

Regius Propheta: *Adiutor meus esto, ne derelinquas me.* Illud quoque Salomonis, *Sciui quoniam aliter non possem esse continens, nisi Deus det,* *Psal. 26. Sap. 8.*

tentationes pertinet; nam sine tentatione haud difficile est continere.

Hinc D. Cyprianus, *Quando, inquit, rogamus ne in tentationem veniamus,* *De orat. Dominica.*

admonemur infirmitatis & imbecillitatis nostræ; dum sic rogamus, ne quis se insolenter extollat, ne quis sibi superbe atque arroganter assumat. & infra: *Vt, dum præcedit humilis & submissa confessio, & datur totum Deo, quidquid suppliciter cum timore & honore Dei petitur, ipsius pietate præstetur.*

Item Auctor operis imperfecti, *Sicut naus, ait, fracto gubernaculo illuc ducitur, quod tempestas voluerit: sic & homo, diuina gratia auxilio perditio per peccatum, agit quod non vult, sed quod diabolus vult.* *Homil. 37. 38. Matthæum. Simila.*

Denique Ambrosius, explicans illud Psalmi, *Hæc omnia venerunt super nos, nec obliui sumus te;* *Quis, inquit, est tam fortis, ut nequaquam in tentatione moueatur, nisi Dominus adiutor ei assistat?* *Psal. 43.*

8. Tertia Prærogatiua: Longiori tempore tentationes etiam leues superari, 3. Prærogatiua. solis naturæ viribus non posse, quin interdum homo succumbat, & peccet.

Et enim homo cum solis naturæ viribus ita se habet ad leues impugnationes respectu longi temporis, sicut se habet cum auxilio speciali extra gratiam habituale ad quasuis tentationes longo tempore superandas: verum cum auxilio speciali extra gratiam non potest diu quasuis tentationes ita superare, ut non peccet; alioquin solis naturæ viribus posset homo diu esse sine peccato mortali, quod omnino Patribus improbat: contingit namque non rarò, ut longo tempore nulla grauior tentatio occurrat.

4. Prærogatiua. 9. Quarta Prærogatiua: Multas esse tentationes adeò graues, vt illas homo sine gratia speciali ne ad breue quidem tempus superare possit, ita vt non succumbat. Hoc Apostolus innuit, cum ait: Fidelis Deus, qui non patietur vos tentari supra id quod potestis. Sunt ergo tentationes, quas homines suis viribus superare nequeunt.

5. Prærogatiua. 10. Quinta Prærogatiua: Hominem destitutum interna iustitia, cum auxilio quod datur promiscuè, diu tentationibus non posse resistere, quin nouum peccatum mortiferum contrahat. Peccatum (ait Ieremias) peccauit Ierusalem, propterea instabilis facta est. Quod D. Gregorius confirmat, cum ait: Peccatum si citius pœnitendo non tergitur, iusto iudicio omnipotens Deus obliuiscatur peccatis mentem etiam in culpam alteram permittit cadere; vt quiflendo & corrigendo noluit mundare quod fecit, peccata incipiat cumulare. Vt enim

Thren. 1.
Homil. 11. in
Ezechiel. post
med. & lib. 25.
Moral. cap. 13.
Similia.

1.

2.

3.

qui vel læditur, vel infirmatur, subito labitur, ob vires deficientes vacillare cogitur pedibus; & sicut ille, cui caput malleo contusum, vertigine impellente in varia rapitur; vt denique ebrius, cui cælum terraque vertitur, huc illucque titubat; & hos omnes leuissima compulso prostermit, facile etiam capita, crura, aliasque corporis partes allidunt, ac sese grauius fauciant: sic & his, qui letaliter peccant, vires illico ad confitendum subtrahuntur; caput seu ratio velut malleo tunditur ac turbatur; inebriantur, & non à vino; ad singula titubant, & res leuissima instabiles deijcit. Quàm malè ergo sibi prospiciunt homines, qui, peccato mortali admissio, confessionis ac pœnitentiæ remedia non statim arripiunt, in menses & annos differunt! vnde mirum non est, si infirmi in rebus agendis vacillent, & si sæpius in varia vitia labantur; si difficulter resurgant. Pulcherrima est comparatio iusti & impij apud Dauidem. Iustus depingitur tamquam arbor plantata secus decursus aquarum, quæ fructum suum fert in tempore suo, cuius folium vel vnicum non defluet; nulla ventorum vi euelli illa potest; stat & contra fluminis impetum. Quòd si arbor radicem adeò altam fixamque habeat, vt etiam folium fortissimè adhærescat; quanto magis ipsa arbor integra immota stabit! Ita iustus in bono per gratiam stabilitur, vt proficiat; & nisi velit, deijci non poterit quibuscumque tentationum procellis. Non sic impij, non sic: comparantur enim puluisculis quos ventus proijcit à facie terræ, quia minima tentatione superueniente superantur.

Comparatio
iusti & impij.
Psal. 1.

Idem.

11. Sed quid dicemus de homine iusto? certè verba illa Saluatoris, Vigilate & orate, vt non intretis in tentationem, quibus Apostolos hortatus est; & Paulus ad Philippenfes, Cum metu & tremore salutem vestram operamini; satis indicant periculum nobis imminere, si præsidio Dei, quod inuocare monemur, careamus.

6. Prærogatiua. Est ergo Prærogatiua sexta: Non posse diutius hominem iustum per habitus supernaturales in bono perseverare, aut peccatum omne vitare mortiferum, sine Dei

Dei speciali auxilio. Quod Concilium Tridentinum his verbis determinauit: *Si quis duxerit iustificatum vel sine speciali auxilio Dei in accepta iustitia perseverare posse, vel cum ea non posse, anathema sit.* Ardua enim res est in bono perseverantia; magnaque moles, tot tentationum procellas, tot aduersariorum tela, tot machinas inuicto animo sustinere. Nec interni habitus virtutum sufficientes sunt, qui interdum admodum sunt remissi: & licet intensi forent, propensio tamen naturæ infirmæ, concupiscentiæ, ac prauorum habituum potentior est; nec agunt habitus nisi in hostem manifestum. Præuenit verò non rarò tentatio rationem; & eam pæne antè decussit, quàm aduertat ipsa, aut internis viribus uti possit. Vnde triplici nobis auxilio speciali opus est: primum diuina protectione, qua Deus hominem custodiat, compefcendo dæmonem, ne nos quantum velit & possit præstringat, nè opera nostra impediatur: amoueat quoque diuina manus peccatorum occasiones, & impugnationes, cum internis, ut concupiscentiæ fomitem; tum externas, quas mundus obijcit. Sicut enim agricola semen terræ mandatum, ne ab auibus auferatur, custodire debet: ita Deus suam gratiam, semen quàm optimum futurorum operum cordibus nostris insitum, ne vel putrescat vel euanescat incuria, dæmonumque malitia auferatur, sollicitè conseruet necesse est. Hinc D. Ioannes: *Omnis qui natus est ex Deo, non peccat; quoniam semen eius manet in eo.* Cuius vis à Deo conseruata valet plurimum tum ad tentationes propulsandas, tum etiam ad opera virtutum concepta exercenda. Alterum auxilium est diuina excitatio, qua Deus sanctis inspirationibus spiritum illuminat, & voluntatis pias affectiones & complacentias immittit; quibus illam excitat ac roborat, ad vincendas hostis insidias, & ad virtutem capeffendam. Tertium est diuina cooperatio, qua Deus ut auctor gratiarum cooperatur ad omne opus bonum supernaturale, partim per auxilium præueniens, ut influxum habere possit in nobis; partim cooperando ipsis naturalibus potentijs, intellectui videlicet & voluntati, ut in opus supernaturale valeant influere. Et hæc cooperatio haud absimilis cooperationi naturali: pertinet tamen ad ordinem gratiæ, ac naturam excedit, estque omnino indebita.

Hæc tria, spectata infirmitate nostra, omnino illi necessaria sunt, qui infusus virtutum habitibus caret; homini verò iusto saltem primum & tertium, ad omnia opera supernaturalia, præter habitus infusos. *Nisi enim Dominus edificauerit domum, in vanum laborauerunt qui edificauerunt eam. Nisi Dominus custodierit civitatem, frustra vigilat qui custodit eam.* Deus enim domum ædificat, cum mentem nostram vel ad iustitiam disponit, vel virtutum operibus fabricam attollit spiritualem; in quo notatur excitatio & cooperatio diuina: custodit verò, cum dæmonem impedit, coëreect

Conc. Trid. sess. 6. can. 22.

Triplici auxilio opus esse ad opera bona faciendâ, & tentationes superandas.

I.

Ruardus Tapp. per. art. 7. de lib. arb. pag. 307.

a Simile. 1. Ioan. 3.

2.

3.

Nisi Psal. 126.

coërcet tentationes: sine quibus auxilijs (vt exponunt Hilarius & Ambrosius) nos frustra ædificamus & vigilamus.

7. Prærogatiua. 12. Prærogatiua septima: *Non solum hominem iustum sine auxilio speciali diutius non posse persistere in bono omnis virtutis, omnig. tentationi resistere, quin turpiter labatur; sed ne in una quidem tentatione, si saepe recurrat, & ea notabilem difficultatem contineat.* Non opus est alia probatione, quàm ijs quæ de vulneribus & morbis animi, ac corporis complexione diximus: summa enim est humana fragilitas; quæ nisi iuuetur, quantumcumque habitibus fulciatur, haud dubiè stare non poterit.

2. Machab. 9. 13. Quid verò de viris perfectis dicam? Iustum est, omnem hominem subditum esse Christo; dignum est, vt in nomine IESU omne genu flectatur,

8. Prærogatiua. celestium, terrestrium, & infernorum. Est ergo Prærogatiua octaua: *Neminem quantumcumque iustum atque perfectum, etiam cum auxilio speciali, quod ordinariè confertur, posse omnia venialia excludere longiori tempore sine priuilegio, et si singula vitare possit.* Non intres in iudicium cum seruo tuo Domine,

Psal. 142. ait Propheta; quia non iustificabitur in conspectu tuo omnis viuens. Apostoli

idem fatentur: *In multis offendimus omnes.* &: *Si dixerimus quoniam peccatum non habemus, ipsi nos seducimus, & veritas in nobis non est.* Hoc enim

9. Prærogatiua. 14. priuilegium non peccandi post Christum Concilium Tridentinum soli beatæ Virgini tribuit, & decernit tribuendum. Ea est verò nostra fragilitas, quæ peccati fomite, ex insidijs adoriente, assiduè præuertitur, vt, si vel minimum adhærescat, mentem contamineat, vt nec excubare perpetuò, nec molestiam ferre constanter, nec se odisse adeò sapienter possit, quin aliquid sibi indulgeat. Et verum est quod Sapiens scriptum reliquit: *Non est homo iustus in terra qui faciat bonum, & non peccet.*

14. Ultima restat Prærogatiua, quæ summum habet momentum. Si adeptis gratiam perseuerantia in finem vsque decreta foret, vtique re-

spirare liceret: *at non volentis, neque currentis, sed miscentis est Dei;* & iubemur cum metu & tremore salutem nostram operari. Cur ita? Deus enim est

(subiungit Apostolus) *qui operatur in nobis & velle, & perficere pro bona voluntate.* Cum autem alij perseuerent, non tamen ad metam vsque; alij & longo tēpore, & vitam in iustitia finiant; alij denique paulo ante

mortem conuersi, consummati in breui multa expleant tempora: primi perseuerare absolutè non dicuntur; illi maximè perseuerantes censendi sunt, qui Deo grati è vita recedunt, siue hora tertia venerint, siue hora vltima.

9. Prærogatiua. decima: *quantumcumque manè vel serò quispiam veniat, & hinc decedat, nemo sine singulari Dei beneficio censendus est aut perseuerasse, aut in iustitia decedere.* Vt ergo in iustitia quispiam extremum vitæ diem claudat, singulari Dei beneficio indiget; quo diuina illa bonitas ita impedimenta omnia amoliat, ceteraque ita disponat, vt re ipsa talem exitum fortiat.

Vnde D. Augustinus, *Restat, ait, in his bonis vsque in finem perseuerantia;* que

August. lib. de bono vel malo perseu. cap. 17.

que frustra quotidie à Domino poscitur, si non eam per gratiam suam in illo, cuius orationes exaudit, operatur. En prerogatiua gratiae Christi specialis; sine qua non dico saluari, sed nec quidem bene agere, imò ne cogitare quidem diuina possumus.

15. De generali auxilio dicerem, nisi de eo nonnulla capite quarto, & quidem speciatim, dicta forent. Illud non omittendum, generale auxilium propriè ad ordinem superiorem virtutum non pertinere, sed dari à Deo, auctore naturae, ad ea opera quae per naturales potentias exercentur, & ad finem, qui cum natura proportionem habet, referuntur. In omnibus actibus concurrir, siue bonis, siue malis: nam in his quod materiale & positium, id & bonum est, & sine Deo cooperante fieri non potest. Et quamuis omni ex parte debitum non sit, est tamen debitum ex aliqua condicione. Cum enim Deus res creatas extare & operari voluerit, æquum est vt eis non deneget auxilium, sine quo nec se ipsae quidem mouere, nec omnino aliquid possent efficere.

Auxilium generale.

16. Ex quibus omnibus difficile apparet, vt statuamus vtrum maior occasio nobis præbeatur nos ipsos demittendi, per pensis cum infirmitate nostra, tum infinitis peccatorum nostrorum meritis; an verò Christum IESVM, assertorem nostrum, diligendi, cuius liuore sanati, cuius doloribus & angustijs liberati sumus, cuius meritis gratiam consequimur, cuius morte viuificamur. Vtrumque sanè: & humiliari nos conuenit, & cum Paulo dicere, *Qui non diligit Dominum nostrum IESVM Christum, anathema sit.* Sed de gratiae specialis officijs dicendum aliquid est.

Isaia 53.

1. Cor. 16.

CAPVT XXI.

Hominis superiores potentias gratia Mediatoris IESV Christi ad diuinas operationes restaurari.

17. PRIMVM gratiae specialis officium in excitando hominis torpore versatur: & quia voluntas hominis caeca est, à mentis illuminatione orditur, & clamat: *Surge qui dormis, & exurge à mortuis, & illuminabit te Christus.* Ipse enim est lux vera, quae illuminat omnem hominem venientem in hunc mundum: ostendit homini peccati foeditatem, virtutis pulchritudinem, vanitatem rerum pereuntium, celsitudinem diuinæ maiestatis, eminentiam scientiae, immensitatem promissionum eius, poenas impijs reseruat, breuitatem & incertitudinem

Gratia specialis officia.

I.

Præuenit conatus nostros.

1. Illuminando peccatores.

a Ephes. 5.

b Ioan. 2.

R

Luce. 15.

vita nostræ; denique rationibus efficacibus suadet Deo parendum, ipsique esse seruendum. Hanc lucem habuit filius prodigus, cum ei venit in mentem patris sui & seruorum qui in eius ædibus abundabant panibus, & miseriam suam agnouit; quæ collata cum priori statu, quem habuerat olim apud patrem, expressit vocem illam: *Quanti mercenarij in domo patris mei abundant panibus, ego autem hæc fame pereo! surgam, & ibo ad patrem meum.* Denique victus tam salutari suatione, iuit ad patrem.

2. Illuminan-
do iustos.
Psalm. 42.

Illuminat quoque iustos, Deoque caros, qui ab eo lumen requirunt, uti faciebat Dauid: *Emitte lucem tuam, & veritatem tuam.* & ex auditum se fatetur: *Ipsam deduxerunt, & adduxerunt in montem sanctum tuum, & in tabernacula tua.*

3. Consolando
eosdem.

Visitat etiam subinde amicos suos, & incitat ad progressum in spiritu; simul solatur pusillanimes, ut magno animo institutum persequantur; memoriam præteritorum factorum reficit, & æterni præmij artham summa cum voluptate coniunctam delibare facit.

2.
Voluntatem
excitat: hinc
gratia excitat.

Hæc simul voluntatem iuuant plurimum; quæ cum cæca sit, oculis intellectus & lumine gratiæ indiget. Et quamuis sit libera ut possit Spiritus diuini consilia ac suasionem repudiare, conuincitur tamen subinde intellectus, euidencia argumentorum, & promissorum diuinorum præstantia, rei obiectæ pulchritudine; ut ipsa voluntas summo desiderio in rem propositam ruat, diuina gratia eleuata ac subnixa. Nouit enim Dominus voluntatem inflammare, roborare, & ad rem aggrediendam perficiendamque commouere. Hæc omnia præueniunt actionem, & voluntatis determinationem, libero interea remanente arbitrio ad sequendum inuitantem, aut relinquendum.

3.
Eandem adiu-
uat: hinc gra-
tia adiuuans,
& eius officiū.

Apta similitu-
do.

Quod si sibi persuaderi permittat voluntas hominis, opus ad hoc illi est auxilio ulteriori, quod gratiam vocant adiuuantem. Huius officium est, voluntatem sic fouere, ut influere valeat in opus, & simul cum eadem coire. Nam & gratia sine potentia agere non potest, cum sit actus vitalis; nec potentia ea, quæ superioris ordinis sunt, exercere sine auxilio gratiæ adiuuantis. Quod hæc explicari potest similitudine. Semen non potest vnâ cum humore terræ producere germen, nisi sol adiuuet. Gratia præueniens est quoddam semen diuinum; voluntas instar terræ, quæ illud recipit: opus hæc est auxilio solis. Ut ergo semen non potest vnâ cum humore terræ producere germen, nisi sol cooperetur & adiuuet: ita etiam gratia excitans non potest vnâ cum viribus voluntatis producere consensum, nisi Deus, sol iustitiæ, adiuuet & cooperetur illi gratiæ excitanti. Pertinet tamen gratia adiuuans ad gratiam præuenientem: nam etiam posita gratia adiuuante, adhuc in potestate liberi arbitrij est consentire vel dissentire; ut velimus tamen ipsa est adiuu-
mentum: ita enim precamur quotidie: *Actiones nostras, quasumus, Domine, adspi-*

Oratio Eccla-
sæ.

adspi-

adspirando praeueni, & adiuuando prosequere. Et D. Augustinus, *Quod ad Deum*, ait, nos conuertimus, nisi ipso excitante & adiuuante non possumus. *Lib. 2. de pecc. meritis, cap. 5.*
 Diuus quoque Bernardus, *Conatus*, inquit, nostri ad bonum & casti sunt, si non adiuuuntur; & nulli, si non excitentur. Denique Concilium Tridentinum, *Disponuntur*, ait, ad iustitiam, dum excitati diuina gratia, & aduti, *Lib. de gratia & lib. arb. sub finem, sess. 6. cap. 6.*
fidem ex auditu concipientes, libere mouentur in Deum.

18. Si verò voluntas persuaderi sibi renuat, quod potest quidem; non defuit tamen ex parte Dei studium, ac beneuolentiae paternae proluxa significatio: sed imputent sibi homines, quod Deum ducem sequi noluerint; dicit enim Iob: *Ipsi fuerunt rebelles lumini, nescierunt vias eius, nec reuersi sunt per semitas eius.* Excusari enim uero poterant nescientes vias eius, & quod ideo per eius semitas minimè reuersi essent: sed iam excusari non possunt, quia rebelles lumini fuerint, quod ipsis illuxit. Dicit idem Iob: *Auferetur ab impijs lux sua.* Habuerunt ergo lucem: alioquin quomodo sua, si in eorum non erat potestate? fuit tamen, sed ea uti noluerunt. Hoc ipsum Christus confirmat. *Hoc est autem iudicium, (ait) quia lux uenit in mundum, & dilexerunt homines magis tenebras quam lucem.* Omnis enim qui male agit, odit lucem, & non uenit ad lucem, ut non arguantur opera eius. Christus erat lux mundi, & hanc lucem diffundebat in tenebris; erat in potestate hominum illam intueri; sed quia tenebrarum amabant opera, & ea uideri nolebant, ideo lucem auersabantur. Non deerat ergo lux: nam erat lux uera, qua illuminat omnem hominem uenientem in hunc mundum. Quando dicit, omnem, neminem excludit; hinc D. Chrysostomus: *Si illuminat omnem hominem uenientem in hunc mundum, quoniam pacto tot homines sine lumine permanent? neque enim omnes Christum cognoscunt: quomodo ergo illuminat omnem hominem? Illuminat profecto quantum in ipso est: si qui autem sponte sua mentis oculis conuenientibus ad huius lucis radios aciem dirigere noluerunt, non ex luminis natura in tenebris persisterunt, sed malitia sua, qui sponte tanto se dono indignos reddiderunt.* Sunt ergo homines, quibus lux affulget, & tamen intueri nolunt. *4. Eadem gratia sufficienter tantum excitat subinde: hinc gratia sufficiens. 2. Iob 24. 1. Ex parte intellectus.*

19. Non defunt enim ex parte voluntatis diuini motus, Isaia Propheta teste. *Habitatores Ierusalem, & viri Iuda, indurate inter me & vineam meam.* Quid est quod ultra facere debui vineam meam, & non feci ei? an quod expectanti ut faceret uuas, & fecit labruscas? Quid expectas, Domine? sine auxilio tuo non potest uitis uuas proferre. Respondet Dominus: *Quid debui facere vineam meam, & non feci?* Si enim gratia ad opera bona producenda defuisset; respondissent utique Iudaei: Domine, plantasti quidem vineam, & ex ea fructum expectasti; sed debuisses etiam circa illam admouere quae necessaria erant futurae vindemiae, & gratiam eorum animis instillare, sine qua fructum edere non valent. Sed quis id respon-

respondere potuit, cum Deus dicat se nihil pretermisisse eorum quæ ad cultum vineæ spiritualis pertinerent: sufficienter igitur moti homines à Deo saepe refragantur, & se malunt quam Deum ducem sequi.

Gratiam sufficientem omnibus dari.
Rom. 10.

Sap. 11.

Psalm. 118.

Lib. 2. c. 26. de Vocazione Gentium.

8. ess. 6. cap. 11.

Ibidem cap. 13.

Hæc gratia omnibus pro loco & tempore datur, nulli petenti negatur; & qui illam habet, Dei consilia ad effectum potest deducere, si velit: *Omnis enim quicumque inuocauerit nomen Domini, saluus erit.* En duo signa vniuersalia: Sufficiebat *Omnis*, sufficiebat *Quicumque*: vtrumque posuit; ne peccatores excludi, ne rejici Gentiles putentur. Nec solum hic gratia sufficiens promittitur, sed & efficax, & salus ipsa, ex illa permanens. Salomon verò amplissimè hoc explicat: *Misereris (ait) omnium, quia omnia potes; & dissimulas peccata hominum propter penitentiam. Diligis enim omnia quæ sunt, & nihil odisti eorum quæ fecisti: nec enim odians aliquid constituisti aut fecisti. Quomodo autem posset aliquid permanere, nisi tu voluisses? aut, quod à te vocatum non esset, conseruaretur? Parsis autem omnibus; quoniam tua sunt, Domine, qui amas animas.* En quoties *Omnis, Omnia, Omnium* repetit. Et hos statuitur non odisse, sed amare; quos tamen non amaret, si vel gratiam negaret sufficientem, vel rite petenti efficacem recufaret. Vnde D. Ambrosius explicans illud, *Miser cordia tua, Domine, plena est terra*; Sol, inquit, iustitia omnibus ortus est, omnibus venit, omnibus passus est; & omnibus resurrexit: si quis autem non credit in Christum, generali beneficio ipse se fraudat; ut si quis, clausis fenestris, radios solis excludat. Et D. Prosper, *Gratia quidem Dei, ait, omnibus iustificationibus principaliter præminet, suadendo exhortationibus, mouendo exemplis, terrendo periculis, incitando miraculis, dando intellectum, inspirando consilium, corq; ipsum illuminando, & fidei affectionibus imbuendo.* & infra: *Quæ opitulatione per innumeros modos, siue occultos, siue manifestos, omnibus adhibetur: & quod à multis refutatur, ipsorum est nequitia; quod autem à multis suscipitur, & gratia est diuina, & voluntatis humane.* Hæc ille. Quare etsi antè dixerimus sine gratia Redemptoris in statu naturæ corruptæ mandata omnia impleri non posse, nec tentationes superari; ita tamen verum est, ut etiam certum sit ex parte Dei numquam deesse nobis gratiam, aut re ipsa & actu, aut certè in potestate nostra esse illam asciscere, quæ oranti, pulsanti, petenti non denegabitur. Hoc Concilium Tridentinum ita decernit: *Nemo temeraria illa & à Patribus sub anathemate prohibita voce uti presumat, Dei præcepta homini iustificato ad obseruandum esse impossibilia: nam Deus impossibilia non iubet, sed iubendo monet & facere quod possis, & petere quod non possis, & adiuuat ut possis.* & capite decimo-tertio: *Nemo sibi certi aliquid absoluta certitudine polliceatur, tametsi in Dei auxilio firmissimam spem collocare & reponere omnes debent: Deus enim, nisi ipsi illius gratiæ defuerint, sicut cepit opus bonum, ita perficiet, operans velle & perficere.* Hæc ibi: vbi euidenter gratiam nobis non deesse declaratur; & quamuis monen-

monentem subinde non sentiamus, in potestate tamen nostra esse ea media adhibere, quibus eam acquiramus, faciendo quod possumus, & orando vt Deus adiuuet infirmitatem nostram. Desumus verò nobis, cum expectamus, donec Deus non rogatus nos impellat ad quæ agenda voluerit.

20. Hæc gratia sufficiens & est, & meritò appellatur. Non enim Deus semper mouet quantum potest; sicut nec semper permittit aduersarium nos premere quantum velleret & posset. Non tenetur deinde singulis Deus efficaciter suadere; magnaue nobis præstatur gratia, quod inuitemur ab eo, parato longè plura præstare, si prima consilia audiamus & complectamur. Nec iudicat Deus expedire æternis suis rationibus, semper primo quoque motu nos, sine difficultate, magna adoriri, tentationes grauissimas propulsare: sic enim multi, Deum huius beneficij auctorem ignorantes, sibimet victoriam adscriberent, Deum negligerent, spem in ipso non reponerent, &, quasi ab ipso non dependentes, dicerent, *Manus nostra excelsa, & non Dominus, fecit hac omnia.* *Deut. 32.* Sufficiens est, inquam: nam possumus cum ea bene agere, si velimus. Et licet cum ea sola non agamus, non deest tamen nobis gratia simul ad petendum auxilium; & Deus paratior est ad nos iuuandos, & gratiam efficacem largiendum, quàm ipsi simus ad eam postulandum: paratus est enim omnibus inuocantibus se auxiliari, promouere concepta desideria, denique victoriam de inimicis tribuere. Cum enim varijs locis Propheta Dauid id ipsum experientia doctus exprimat, dicens, *Sperant in te qui nouerunt nomen tuum, quoniam non dereliquisti querentes te Domine;* *Psal. 12.* *Ego autem in misericordia tua speraui, exultabit cor meum in salutari tuo;* *Psal. 123.* *Et tardo Domino, qui bona tribuit mihi; Qui timent Dominum, sperauerunt in Domino, adiutor eorum & protector eorum est;* *Psal. 90.* tum maximè Psalmo nonagesimo, qui quodammodo omnipotentiam speranti in Deo polliceri videtur; regitur enim huiusmodi *protectione Dei cæli*, hic verò illum *scapulæ* incumbentem tuetur, circumdat scuto, ab infinitis malis liberat, sternit à latere mille, à dextris decem millia, calcitrat aspidem & basiliscum, leonem & draconem debellat, denique, *Clamabis ad me, ait, & ego exaudiam eum; cum ipso sum in tribulatione; eripiam eum, & glorificabo eum;* *quodammodo omnipotentem.* vult tamen in hisce omnibus inuocari, in se sperari, alioquin nihil dabit.

21. Non tamen ideo abbreviata est manus Domini; vt non possit, cui voluerit, eam gratiam immittere, quæ non tantum sufficiens sit, nihil verò efficiat, nihil operis sequatur; sed sic suadeat, vt persuadeat; non quidem applicando potentiam ad opus, sed efficacibus rationibus inflectens liberam potentiam ad sequendum, consiliumque amplectendum, quod à Spiritu sancto suggeritur. Differt enim à sufficienti: quod gratia

R 3

gratia

gratia *sufficiens* ea sit, qua Deus hominem vocat & excitat, & iuuare dirigendo, protegendo, cooperando paratus est, vt reuera possit ille qui sic excitatur, vocatusque est, velle credere, velle conuerti, velle bonum aliquod præstare, tamen reipsa nihil sequitur, id est, non vult credere, conuerti, aut bonum illud præstare; *efficaci* verò Deus ita hominem vocat, excitat, & iuuare dirigendo, protegendo, cooperando paratus est, vt infallibiliter reipsa velit ipse, qui sic excitatur & vocatur, vt reipsa credat, conuertatur, bonum faciat. Ita vocatus est Matthæus, Paulus, Zachæus, Magdalena: vnde mirum non est, si Apostolus dixerit, *Gratia Dei sum id quod sum*. De hac gratia idem Apostolus toto capite nono Epistolæ ad Romanos disputat, cum exponit, reprobatis Iudæis Gentiles ad fidem vocari, ostendens ex vna Rebecca duos filios natos, de quorum altero dicitur, *Iacob dilexi*; & *Maiores seruiet minori*; adferens & illud Moysi, *Miserebor cuius miserebor, & misericordiam præstabo cuius miserebor*. Denique, *O homo*, ait, *tu quis es, qui respondeas Deo? Numquid dicit figmentum ei qui se finxit: Quid me fecisti sic? An non habet potestatem figulus luti ex eadem massa facere aliud quidem vas in honorem, aliud verò in contumeliam?* Denique exclamat: *O altitudo diuitiarum sapientie & scientie Dei, quam incomprehensibilia sunt iudicia eius!* De eadem D. Augustinus, *Ex quo*, ait, *apparet, habere quosdam in ipso ingenio diuinum naturaliter munus intelligentie, quo moueantur ad fidem, si congrua suis mentibus vel audiant verba, vel signa conspiciant.*

22. Efficacia tamen illa non consistit in præmotione voluntatis, quæ eandem physicè determinet: quis enim locus libertati relinqueretur? prædeterminare etenim terminum sonat, opponitur verò esse in termino, & liberè agere; nam libertas designat actum nondum inchoatum, determinatio verò voluntatem applicatam ad agendum, & iam reipsa agere: vnde in actionibus instantaneis non tantum actus erit inchoatus, sed etiam terminatus ac finitus, antequam voluntas libertate sua vti possit; eritque in termino ad quem, cum esse debeat in termino à quo. Est enim libertas terminus à quo libera actio manare debeat: Deus verò conuenienter naturis rerum sese accommodat, & homines trahit eo modo quo solent homines trahi, inuitando & alliciendo ad consensum eliciendum, quod Augustinus pulcherrimâ comparatione persequitur. *Ranum viridem* (inquit) *ostendis omi, & trahis illam; nuges puero demonstrantur, & trahitur. Si ergo ista, quæ inter delicias & voluptates terrenas reuelantur amantibus, trahunt, quoniam verum est, trahit sua quemque voluptas; non trahit reuelatus Christus à Patre? Quid enim fortius desiderat anima, quàm veritatem?* Hæc ille. Vnde patet efficacitatem gratiæ non in dicta præmotione voluntatis consistere; sed quòd Deus eo modo trahat atque alliciat, quo nouit voluntatem secuturam, quod

D. Au-

1. Cor. 15.

Rom. 9.

Gen. 25.

Exod. 33.

Rom. 9.

Rom. 11.

Lib. 2. de bono
Sol dono per-
seuer. cap. 14.Trab. 26. in
Ioan.
Apta similitu-
do.

D. Augustinus expressit his verbis, suprà citatis: *Si congrua suis mentibus vel audiant verba, vel signa conspiciant*. Nouit enim Deus cuiusque arbitrij vires; quibus si accedat gratiæ congruæ subsidium, voluntas hominis infallibiliter, liberè tamen, inuitantem sequetur.

Efficacis gratiæ effectus sunt duo: facit enim vt *velimus*; efficit item, vt, quod voluerimus, *impleamus*. Illa vocatur gratia *operans*, hæc *cooperans*; de quibus Augustinus, *Ipse, vt velimus*, inquit, *operatur incipiens, qui volentibus cooperatur perficiens*. & infra: *Sine illo, vel operante vt velimus, vel cooperante cum volumus, ad bonæ pietatis opera nihil valeamus*. Hæc autem nolim quispiam sic intelligat, vt, cum D. Augustinus gratiam operantem nominat, velit solum Deum operari, & non simul potentiam humanam cooperari: non enim Deus potest se solo velle in nobis sine nobis, ac supplere seipso actum formalem; sicut etiam nequit efficere vt sine albedine per ipsum paries albescat; nam velle, & operari, formaliter est actus vitalis. Operantem vocat gratiam, quæ à præueniente, disponente, & excitante absque hominis opera, distinguitur, & re ipsa incipit operari; ceterum cooperatur & voluntas hominis, quæ operari aut incipere non posset ex se, sine Dei gratia adiuuante & simul operante. Cooperantem verò vocat, quæ post velle, seu resolutionem, totum opus cum voluntate perficit. Addo gratiam operantem ab opere, quod efficit, denominari, suppresso respectu ad potentiam quæ cooperatur; sicut & voluntas interdum operans dicitur, etiam si gratia cooperante indigeat: alioquin gratia operans, quæ sine voluntate agit, non ad opus, sed ad gratiam excitantem pertinere videretur.

Ex his videre est, qua ratione diuina bonitas infirmas animæ nostræ vires restaurare incipiat, & quidem ante iustitiam: quomodo verò post adeptam sanctitatem easdem perficiat ac restauret, iam videbimus.

CAPVT

Gratia efficatis effectus duo.

Lib. de gratia & libero arbit. cap. 17.

1. Gratia operans quid.

2. Gratia cooperans.

CAPVT XXII.

*Animam hominis, tum in ipsa essentia, tum in
potentijs, nobilissimis gratia ornamentis
illustrari.*

Gratia habi-
tuali tituli.

I.

Vestis seu habi-
tur vocatur.

Iob 1.

Isaia 13.

Gal. 3.

Rom. 13.

Ephes. 4.

Gratiam habi-
tuali esse in
essentia anima,
et dare vita
spirituali esse
diuinum, et
ex ea oriri ha-
bitus.

Lib. Eccles. hie-
rar. c. 2. part. 1.

23. **Q**UAE hucusque diximus, omnia iustitiam solent precedere; nihil verò de gratia illa, quæ animæ essentiam exornat, diximus. Eam vocant sancti Patres vestem quam diuinam, qua animæ essentia vestitur. Vt enim filij Regum prætexta induuntur, qua ab alijs distinguuntur: ita qui filij Dei sunt, per gratiam inhaerentē, vestem accipiunt, qua à filijs perditionis discernuntur. Dicebat Iob: *Nudus egressus sum de utero matris meæ.* Certè, vt nuditatem corporis omittamus, nudus erat animo, vestem nullam habebat; nam originalem perdidit: quod & singuli nostrum dicere coguntur; solus ille vestitus in mundum intrauit, qui ex virgine natus est, Spiritus sancti virtute conceptus. At qua veste? vtique villosa; erat enim Agnus: & cum in passione tonderetur, (sicut enim agnus ad occisionem ductus est, & coram tondente se obmutuit) Spiritus sanctus vellus lanamque collegit, meritaque eius contexuit, & vestes innumeras confecit ijs vestiendis, qui filij Dei futuri erant; & quia ij Regis æterni filij, purpureas eiusdem Agni sanguine reddidit. Hinc Apostolus ait: *Quicumque in Christo baptizati estis, Christum induistis.* vellera nimirum diuini Agni. Hortatur nos idem: *Induimini Dominum IESUM Christum.* &: *Exuite veterem hominem, & induite nouum, qui secundum Deum creatus est in iustitia, & sanctitate veritatis.*

Et meritò vestis vocatur, quia habitus est inhaerens animæ, non in motu quodam transeunte consistens, sed nouum quoddam animæ esse superaddens, quod à natura habere nullo modo potuit. Vt enim anima dat esse naturale corpori, & ex ipsa potentia fluunt, quæ sunt actionum instrumenta; sic & gratia, quæ anima quædam est spiritualis, & spiritus supernaturalis, dat esse animæ supernaturale, & ex ipsa quodammodo fluunt virtutum infusarum habitus, qui sunt principia proxima operationis supernaturalis. Vt enim in rebus naturalibus distinguuntur tria, esse, posse, & operari; quorum tertium à secundo, & secundum à primo dependet: sic & in rebus supernaturalibus distinguenda sunt tria; esse quod habetur per gratiam, posse quod habetur per virtutes infusas, & operari, quæ sunt ipsæ actiones, verbi gratia, Fidei, Spei, Caritatis, & aliarum virtutum. Hinc D. Dionysius Areopagita scribit, hominem non posse diuina operari, nisi prius adeptus

adeptus fuerit statum siue esse diuinum: sicut & nos opera humana non antè operari incipimus, quàm homines esse cœperimus. Eodem modo opera & habitus diuini præexigunt esse diuinum: est enim habitus, auctore Philosopho, *dispositio perfecti ad optimum*. Perfectum autem id vocat, quod est dispositum secundum naturam. Quare cum natura humana non sit ex se disposita ad opera supernaturalia, neque ad ea naturalem propensionem habeat; necessario exigitur aliquid, quod eleuet & supernaturaliter perficiat naturam humanam, ut in eam habitus supernaturales infundi queant: & ea gratia est, quæ animæ essentiam exornat, nouoque quasi spiritu induit. Id insinuat D. Paulus, cum ait: *Quis enim hominum scit quæ sunt hominis, nisi spiritus hominis, qui in ipso est? ita & quæ Dei sunt, nemo cognouit, nisi Spiritus Dei*. Nos autem non spiritum huius mundi accepimus, sed Spiritum qui ex Deo est. & Ioannes ait: *Quod natum est ex carne, caro est; & quod natum est ex Spiritu, spiritus est*. Quod nascitur, accipit nouum esse.

Hic ergo spiritus est diuinum illud esse, quod Spiritus sanctus generat in nobis; & quodammodo forma dici potest animæ. Ut enim corpus sine anima mortuum est, & viuum informari ab anima dicitur: sic & anima quadam notione quasi corpus quoddam mortuum est, dum hac vita destituta est; & spiritus Dei, seu gratia & affectio inhærens, forma suo modo æstimari potest. Vnde D. Iacobus: *Sicut corpus sine spiritu mortuum est, ita & fides sine operibus mortua est*. Si fides, quæ donum est supernaturale, mortua est, id est, informis est, sine caritate; quanto magis anima sine gratia informis erit! nam opera ista à gratia inhærente procedere necesse est, sine qua nulla vitalia opera (de quibus ait Apostolus) manare possunt ab anima, utpote mortua & vitæ experte.

Est ergo gratia vita animæ; & Spiritus sanctus, à quo nobis spiritus Christi diffunditur, spiritus viuificans appellatur. Gratia deinde nos Dei filios efficit; unde D. Petrus: *Renati non ex semine corruptibili, sed ex incorruptibili, per verbum Dei viui*. & D. Iacobus: *Genuit nos verbo veritatis, ut simus initium aliquod creaturæ eius*. Et quia filij, diuinæ naturæ participes efficitur; eiusdem enim naturæ sunt pater & filius: hinc D. Petrus *confortes nos esse asserit diuinæ naturæ*. Quid mirum? nam & filij Dei sumus, & nondum apparuit quid erimus.

Ex hac gratiæ adoptione sequitur, nos Patri nostro dilectos esse; unde D. Ioannes ait: *Cum dilexisset suos, qui erant in mundo, in finem dilexit eos*. Certè ij erant sui, quos genuerat verbo veritatis. Et idem Ioannes hortatur nos & ut diligamus Deum, quoniam prior dilexit nos.

Gratia nos heredes regni celestis adscribit: nam si filij, & heredes; heredes quidem Dei, coheredes autem Christi. licet addat Apostolus hanc

Arist. libro 7.
Phys. text. 17.

1. Cor. 2.
Ioan. 3.

2.
Gratia est forma anima; seu vita spiritualis.

Iac. 2.

3.
Anima vita gratia appellatur.
a In Symbolo Nicano.
b 1. Petri 1.
c Iac. 1.
d 2. Petri 1.
e 1. Ioan. 3.

4.
Nos per gratiam Deo caros effici.
f Ioan. 13.
g 1. Ioan. 4.

5.
Filij efficitur & heredes.

S

CON-

Rom. 8.

condicionem: *Si tamen compatimur, ut & conglorificemur.* Compati enim necesse est, si fides profitenda, si tentationibus resistendum, si eius mandatis explendis adsit obligatio, si virtutis alicuius exercitium vigeat, diuino humanove iure. Et tum quidem cum Apostolo Paulo dicere licebit: *Bonum certamen certavi, cursum consummaui; in reliquo reposita est mihi corona iustitiae, quam reddet mihi Dominus in illa die iustus iudex; non solum autem mihi, sed & ijs qui diligunt aduentum eius.* Quod si verò post gratiam susceptam nulla sese (ut in paruulis contingit) pugnandi præbeat occasio, & defungi contingat eum qui filius & heres est Dei, coheres Christi; quamuis merita tunc Deus non coronet, gratiam tamen suam coronabit, quæ & in Christo & in omnibus membris eius coronam meretur.

6.
Gratia excludit peccatum.

Gratia, vbi cumque est, excludit peccatum, quod animæ mortem infligit: est enim lux, quæ tenebras pellit; est medicina, quæ morbos animæ propulsat; est limpidissima aqua, quæ sordes omnes eluit.

7.
Gratia causa iustificationis.
Rom. 5.

Gratiæ quoque tribuenda est iustificatio nostra: confert enim animæ nostræ iustitiam, unde iusti & sancti vocemur & habeamur. *Iustificati*, ait Apostolus, *ex fide, pacem habeamus ad Deum per Dominum nostrum IESUM Christum.* & ne putes per solam fidem iustitiam aduenisse, addit postea: *Spes non confundit; quia caritas Dei diffusa est in cordibus nostris per Spiritum sanctum, qui datus est nobis.* Ergo Spiritus sancti gratia est quæ nos iustificat, & caritatem cordibus nostris infundit.

Ibidem.

8.
Sedes in anima nostra Deo preparat.
2 P^{ri}mo. 79.

Gratia exornat animam nostram, Deique sedem ac thronum efficit. Est enim anima iusti sedes sapientiæ. Gratia ergo illa ipsa sedes est, in qua Deus requiescit, sicut *sedet super Cherubim*, velut Magister imperas omnibus creaturis, longè maiori dignitate quàm magister discipulis: nam Cherub Magistrum significat. Gratia ergo illustrissima sedes Dei, in qua diuinus Magister sedet, docens animam, & singulis iustorum potentiis & partibus imperans ac dirigens.

9.
Corpora nostra dedicat diuina Maiestati.
Rom. 12.

Nec animæ tantum sanctitatem hanc gratia impertit, sed etiam corporibus nostris, ut & ipsa Deo dicata ac consecrata esse censeantur. Ita nos hortatur Apostolus: *Obsecro vos ut exhibeatis corpora vestra hostiam viuentem, Deo placentem, rationabile obsequium vestrum.* Non vult amplius Deus sibi offerri animalium corpora mortua, sed viua hominum membra: at certè viuunt per solam gratiam; non enim gratius est corpus peccato mortuum, quàm sit animalis bruti oblatio. Est præterea corpus nostrum per hanc gratiæ infusionem templum diuinæ Maiestatis, sacrarium Spiritus sancti. *Nescitis*, ait Paulus, *quia templum Dei estis? Cur ita? Quia Spiritus Dei habitat in vobis. Si quis autem templum Dei violauerit, disperdet illum Deus: templum enim Dei sanctum est, quod estis vos. Quid? & membra singula sanctificantur præsentia tanti hospitis, in throno*

1. Cor. 3.

throno gratiæ sedentis. *An nescitis, inquit, quoniam membra vestra templum sunt Spiritus sancti, qui in vobis est, quem habetis à Deo, & non estis vestri? empti enim estis pretio magno: glorificate & portate Deum in corpore vestro.* 1. Cor. 6.

Gratia thesaurus est incomparabilis; thesaurus sufficiens est ad cælestè regnum comparandum: & certè, quicumque illum habent, *a par- ticipes sunt amicitia Dei*, qua sanè nihil pretiosius reputari debet in mundo. O quanta cura hic thesaurus conseruandus est! si enim pereat, perit nobis vita, perit mundus, pereunt omnia. Ideo nos monet Apostolus, sciens quàm fragili vase ille contineatur: *Habemus thesaurum istum in vasis fictilibus*. Materia huius vasis terrea est; & licet decocta in vtero matris durior euaserit, fragilis est tamen, & mollis caro, & in molli carne inconstans animus. Heu, quoties multorum animi fracti! quoties à gratiæ vita exciderunt! Vasa ergo nostra fragilia sunt; thesaurus ingens sollicitos nos faciat oportet, ne illum perdamus.

24. Præclara sunt hæc commendandæ gratiæ elogia: alia, nec inferiora, audiamus; mirabiles nempe quas in animo gratia facit mutationes. In primis voluntatem ad Deum conuertit à rebus caducis, vt eum diligat; & vniuersam eius legem inuiolabiliter seruare constituat: quæ mutatio tanta est, quanta potest esse maxima; vt ille qui versus Occidentem erat progressus longius, festinet reuerti in Orientem; qui summo frigore algebat, ardores immensos concipiat. Mutat etiam iudicium: nam nouis principijs nititur; pulsâ mundi sapientia, diuinam sequitur; statum denique internum, & subinde externum, totumque hominem exuit, ac nouum assumit. Qualitates etiam hominis mutantur. Vt enim ferrum natura sua durum, obscurum, ponderosum, frigidum, si ignem concipiat, ignis condiciones omnes induit; mollescit etiam, & in formas varias confluere potest; lucet vt ignis; leuius est, & igneas scintillas emittit; ardet, & calorem intensissimum vsurpat, fortiusque quàm ignis ipse adurit: sic & animus noster, lapide ferroque durior, tenebris ipsis tetrior atque obscurior, pondere suo ad terræ centrum propemodum demersus, glacie denique frigidior, adueniente gratia cordis duri- tiem soluit, cælesti lampade illustratur; excussa peccatorum sarcina, ac pondere terreni amoris, assurgit ad diuina, cælestia contemplatur; flagrat adeo diuino amore, vt cogitationes, verba, opera eius sint *lampades Canti. 8. ignis atque flammæ*, nec aquæ multæ vanitatum valeant extinguere caritatem, nec tentationum flumina obruere.

In corpore quoque non minor mutatio quàm in animo conspicitur: *Mutationes in delicijs enim succedunt graues pœnæ, & quidem spontaneæ, flagella- corpore.* tiones, macerationes, humi cubationes, ieiunia; honoribus verò fuga sæculi, humilitatis studium, vestis contemptibilis, nouorum amicorum confociatio, conuersatio honesta, modestia in moribus, totiusque oris

corporisque compositio spectabilis. Diuitiarum amorem paupertatis studium calcat; profundit opes in egenos, sui cura neglecta. Ecquæ maior mutatio posset accidere?

In statu.

*Lib. 1. epist. ex
Regist. indist.
9. cap. 5.
Rom. 4.*

Isaia 62.

1. Reg. 10.

1. Reg. 13.

3. Reg. 4.

Simile.

Matth. 3.

12.

*Ex gratia,
quasi essentia
anima, oritur
potentia: Unde
actus superna-
turales.*

13.

*Gratia fonti
comparatur.
Aqua.*

Joan. 4. & 7.

Sed & statum hominis mutat mirandum in modum: ex vili filio Adæ, filio proditoris, Princeps nobilis diuinæ Maiestatis fit, à cubiculo, à secretis. Potest Rex nobilitate quempiam donare, re ipsa tamen nihil in eo mutat: sed gratia ipsa nobilitatis insigne quoddam est ac fundamentum. D. Gregorius de se sic scribit: *Ecce serenissimus dominus Imperator fieri simiam leonem iussit; & quidem prouisione illius vocari leo potest, fieri autem leo non potest.* Deus verò, qui *vocat ea quæ non sunt, tamquam ea quæ sunt*, & cuius velle est posse, insignia nobilitatis conferre potest; & hominem immutare, sic vt, quod non erat, sit; & qui simia erat, fiat leo; teste Isaia: *Non vocaberis ultra Derelicta, & terra tua non vocabitur amplius Desolata, sed vocaberis Voluntas mea in ea.* Ad hunc modum, cum Saulem, Dauidem, Salomonem ad regnum vocauit, eorum immutauit animos, spiritusque generosos ac regios contulit; Dauidi quidem cor secundum cor suum, Salomoni verò *latitudinem cordis quasi arenam quæ est in litore maris.* Denique quæ maior homini mutatio potest accidere, quàm vt consors sit naturæ diuinæ, diuinæ puritatis & sanctitatis imitator? Itaque sicut Alchymistæ cuprum, argentum, & alia metalla (vt aiunt facilius quàm veriùs) in aurum conuertunt: ita (quod hominibus impossibile est) Deus quotidie verè facit in Ecclesia sua, cum homines ex impijs iustos, ex terrenis cælestes, ex carnalibus spirituales diuinusque facit. quod D. Ioannes Baptista non ab simili comparatione vsus declarauit, cum dixit: *Potens est Deus de lapidibus istis suscitare filios Abraham.*

25. Et hi quidem gratiæ effectus ad animæ spectant essentiam, & eam perficiunt, reparant, atque exornant; vis tamen eius latiùs patet, quàm vt in anima otiosa atque immobilis hæreat: verùm, vt diximus, sicut ab animæ essentia potentia, quibus ea suas operationes exercet; ita & ab anima ista spirituali, quæ in animæ naturalis essentia residet, potentia quamplurimæ oriuntur atque profluunt. Vt enim nobilior est diuina illa vita quàm humana, nobilioresque ac magis arduæ eius operationes: sic & plures potentias ac facultates suppetere necesse est, vt opera sua mortales cum facilitate valeant exercere.

Itaque gratia fonti comparatur, & aquæ quidem viuientis, limpida, & salientis. Hoc facit gratia, quæ vt aqua quædam lauat & abstergit quidquid fordidum & immundum est; refrigerat quoque animos nimio calore libidinum æstuantem; sitim desideriorum mundanorum extinguit; saturat verò iustitiæ famem sitimque accessione consolationis internæ; & quia limpida est, facies hominibus repræsentat suas, ex-

primit

primit maculas, & næuos, qui fortè conscientiam deformarent, manifestat; excitat etiam intuentes ad bibendum, ad faciem detergendam, amandamque puritatem ac munditiam.

At aqua hæc viuæ esse dicitur, non stagnans, estque in perpetuo *Et quidem* motu, quia gratia otiosa non est, & si operari renuit, gratia non est. *viua.* Motus hic, vitæ euidens est argumentum: vitam enim animæ, cui inest, tribuit, & motum potentijs ad vitales operationes exercendas. Ideo & fons nominatur, ex quo multi riui riuique profluunt; quibus animorum prata, plantæ, arbores, proficiendi desideria, virtutes, potentiæ denique ipsæ irrigantur: quin & in ijs singulis non vnus, sed riui plures delitescunt; quot enim virtutes infusæ, tot riui è quibus opera virtutum profiliunt.

Hinc huius fontis aqua saliens à Christo nominatur, & verè, quam *Aqua salientis.* quam spiritali sensu, ducta metaphora à fontibus artificiosis, qui in *Ioan. 4. & 7.* hortis amœnitatis & voluptatis causa confitis excitantur: deriuata namque ex altiori loco per canales aqua, (non enim supra originem salire potest) & in varios tubulos distributa, nunc in pluuiam spargitur, nunc in teli formam exploditur, nunc temere fuscq; labitur, vt quispian interdum ab inopinato se & aspergi & perfundi miretur, interdum etiam per fistulas quasdam incredibilis artificij musica harmonia aures mulceri. Fons ergo per Spiritum sanctum in essentiam animæ diffunditur, qui in potentijs naturalibus diducitur; & in ijs tot riuiolos constituit, quot virtutum habitus. Ex his opera profiliunt virtutum; quibus asperguntur homines rore diuini verbi, & quidem persæpe inopinato, vel peracuto iaculo confodiuntur: est enim *Dei verbum penetra-* Heb. 4. *bilis omni gladio ancipiti, pertingens vsque ad diuisionem animæ & spiritus,* compagum quoque *& medullarum; estq; discretor cogitationum & intentionum* cordis. *Concreuit etiam subinde vt pluuiæ doctrina* Sanctorum, vt fundere gratiam ore, oculis, totoque vultu ac corpore videantur. Ceterum virtutum ille confluxus tantum concentum in iustorum animis efficit, vt harmoniam audire videre, & psalterium decachordum. Hanc gratiæ melodiam describit Apostolus. *Fructus (ait) Spiritus sunt cari-* Gal. 5. *tas, gaudium, pax, patientia, benignitas, bonitas, longanimitas, mansuetudo, fides, modestia, continentia, castitas.* O quàm insignis melodia! connexæ etenim virtutes sunt, & nulla deesse debet, in hac harmonia; vnaque prudentia hanc lyram dirigit, vt in concentu nihil desiderari possit: pro loco verò & tempore tubuli aperiuntur, fiuntque opera virtutum, quæ magna vi ac feruore erumpunt, eoque feruentius, quo copiosior aqua in tubis, gratiaq; in potentijs reperitur. Huius fontis architectus Christus est, & illum stabilis, eum ait: *Qui bibit ex aqua hac, sitiet iterum; qui autem* Ioan. 4. *biberit ex aqua quam ego dabo ei, fiet in eo fons aquæ salientis in vitam æternam.*

Aqua perennis.

Aqua perennis est, nisi peccato aliquo hunc fontem aliò deriuēs, aut extinguas; salit enim in vitam æternam: nam opera æternæ vitæ præmio compensantur; nec fons ipse siccabitur, fluētque iugiter, donec gratia in gloriam æternam commutetur. Salit etiam aqua hæc in vitam æternam: nam opera ex eo facta ad thronum vsque diuinæ Maiestatis ascendunt, & ibi acceptantur, sempiterna donanda beatitudine.

Dicet aliquis: Qua ratione ad cælum vsque erumpit atque ascendit, cum fons ipse in essentia animæ resideat, nec origine sua altius aqua possit conscendere? At non ita est: quæ namque in anima gratia residet, non origo primigenia censenda est; è cælo fons iste dimanat, originemque ducit. Qui sedet ad dexteram Patris, ipse est fons vitæ, ille plenus gratia & veritate, est *fons hortorum, puteus aquarum viuentium, quæ fluunt impetu de Libano*. Libanus seu candidus factus est in cruce, lotus aqua corporis sui, cum *vnus militum lancea latus eius aperuit, & continuò exiuit sanguis & aqua*. Hæc cisterna non siccabitur in æternum: nam & alius in ipso fons perennis est, iugiter è diuino sinu profluens, teste Psalmista: *Quoniam apud te est fons vitæ*. Hic crescit in ingentem fluiuium, qui totum Paradisum irrigat: *Fluminis enim impetus latificat ciuitatem Dei*. Hinc defluxit aqua nostra viuā, diffusa in cordibus nostris per Spiritum sanctum. Quid mirum ergo, si fluuius à mari deriuatus ad mare recurat, & saliat aqua in vitam æternam?

Cant. 4.

Ioan. 19.

Psal. 35.

Psal. 45.

14.

A gratia fonte quatuor in anima potētias fluuij deriuantur.

a Gen. 2.

1.

2.

3.

26. Initio mundi (vt refert Moyses) *fluuius egrediebatur de loco volutatis ad irrigandū Paradisum, qui inde diuidebatur in quatuor capita*. Fluuius hic gratia est, quam Deus in animæ centro collocat; ex qua flumina quatuor deriuantur: quorum primum in Intellectū influit; ibique nascitur riuulus fidei, si antè excitatus non erat; prudentiæ deinde, sapientiæ, scientiæ infusæ, ac ceterorum donorum intellectualium, quibus ipse Intellectus restauretur & perficiatur, ignorantia rerum diuinarum errorque abigatur.

Secundum flumen Volūtati congruit, quæ plurimos in se riuulos virtutum continet, spem nimirum, caritatem, iustitiam, religionem, orationem, & cetera quibus cuique (hoc est, Deo in primis, sibi, ac alijs) quod suum est, redditur. His Voluntas prona ad peccatum sustollitur ac roboratur, cum ad opera virtutum ardua ex se cum delectatione elicienda, tum ad tentationes generosè propulsandas atque euincendas; pellitur amor sui, vt regnet amor Dei, qui omnia vitiorum monstra conuellat ac destruat.

Tertium flumen eam partem occupat, quam vocant *Irascibilem*, & in ea turgescunt quoque riuuli, fortitudo, patientia, longanimitas, perseverantia, ceteraque fortitudinis partes.

Quar-

Quartum replet Voluntatem, vt est appetitus *Concupiscibilis*. Ex eo profluunt riuuli temperantiæ, castitatis, sobrietatis, modestiæ, alijsque id genus, quibus decorum in homine nascitur in rebus agendis, ac ornamenta plurima prælucent. Hæ ergo virtutes omnes, velut flumina quædam caelestia, à fonte gratiæ deriuantur, quibus fidelis animæ paradisus irrigatur, fructusque germinat bonorum operum copiosos.

Gratia denique arbori comparatur, & meritò arbori vitæ; tum quia immortalitatem impertit, tum quia omnium fructuum, qui ab hominibus eduntur, radix est; ex qua cetera, quæ in arbore visuntur, promanant. Radix ergo arboris est gratia; truncus, ex quo brachia manant, caritas: rami, qui sæpe prodeunt ex paucis trunci brachijs, sunt virtutum habitus, qui vel in Intellectu vel in Voluntate diuinitus infusi resident. Ex his folia, flores, fructus, verba sensata, desideria, conatusque incipientium, facta denique heroica prodeunt. Sic ergo potentiæ superiores copia virtutum supernaturaliū reparantur, roborantur, ac inuictæ contra tentationum impetus redduntur. Quæ omnia, & alia longè plura atque maiora, illi gratiæ, cuius iam officia laudesque percensuimus, ascribenda sunt.

4.

15.

Gratia arbori
comparatur.
a Gen. 2.

CAPVT XXIII.

*Inordinationem potentiæ inferiorum auxilio
gratia Christi reparari.*

27. SED quid de inordinatione virium inferiorum, quæ rationi insidiantur, eamque rebelles præuertunt ac supplantant? quis modus vt in gratiam cum ratione redeant, & rectitudo deperdita redintegretur? Id profectò sine singulari Dei priuilegio, quod post Christum illibata Virgini Matri concessum est, nulli potest mortalium contingere in hac vita: nam Apostolus ipse, qui in tertium cælum raptus fuerat, *Video, ait, aliam legem in membris meis, repugnantem legi mentis* Rom. 7. *meæ, & captiuam me in lege peccati.* Hæc lex aculeum habet, & pungit etiam antequam aduertas: & si minimum inhæreas, vel dissimules, noxam contrahis. Deinde, nemo liber est à peccato, vitæque omnia potest, quàm diu nouerit illi, omnium malorum origini, legi nempe peccati, excludendæ modus non est relictus. Hinc Concilium Tri- Sess. 6. can. 23. *dentinum: Si quis dixerit hominem semel iustificatum amplius peccare non posse, neque gratiam amittere; atque ideo, cum qui labitur & peccat, numquam* Concupiscentia
fomite sine spe-
ciali priuilegio
carere neminè. *verè fuisse iustificatum; aut contrà, posse in tota vita peccata omnia, etiam* venialia,

Specialis gratia *net Ecclesia; anathema sit.* Non est tamen diffitendum, singulari Dei gratia multis donatum esse, ut vel rarò grauiiores libidinis, iracundiæ, inuidiæ, opum habendarum, & similibus cupiditatum illecebras sentiant, vel in vno genere aut etiam pluribus liberi sint: quod in viris sanctis ac perfectis docet experientia. Vnde D. Augustinus: *Concupiscentijs carnis non consentire, magna laus est; quas non habere, magna PERFECTIO est.* Homines ergo perfecti his molestijs carere possunt. Quis credat D. Ioannem Baptistam, qui, *ciuium turmas fugiens, petijt antra deserti terneris sub annis, ne leui saltem maculare vitã famine posset,* molestas rebellionis sensisse, & incentiua carnis, superbiæ, auaritiæ, graues item ad virtutum opera difficultates habuisse, cum ea non sine voluptate vsurpasse Scriptura ipsa renuntiet: Non defuerunt quoque, qui, in studium PERFECTIIONIS incumbentes, ab vnus pluriũmve defectuum impugnatione post aliquot saltem conuersionis annos liberi fuerunt, præsertim domita magno ardore incredibilibusque penitentijs passionum impotentia. Neque enim omnes propendent ad auaritiam, ad libidinem; non omnes ad superbiam, aliãue flagitia. Hæc PERFECTIO apud antiquos Patres, de quibus Cassianus, Theodoretus, Palladius, *impassibilitas* vocabatur; per quam cõ PERFECTIIONIS veniebãt, ut paruas admodũ difficultates persentiscerent in virtutum exercitio: vix vlli motus in eis excitabantur, aut certè rarò, nec admodum diuersi.

2. In quo genere Equitius Abbas Valeriæ Prouinciæ, egregius Dei athleta, (de quo D. Gregorius in Dialogis) vehementer profecit: qui cum ægerrimè ferret se subinde nocturnis immunditijs contaminari, tantum ieiunijs & oratione apud Deum effecit, ut dormienti visus sit Angelus quippiam, velut fellis folliculum, aut potiùs vasa seminaria, vel quid simile, in eius corpore amputare; quo sublato, omni molestia toto vitæ tempore liberatus est; & (ut D. Gregorij verbis utar) *ita alienus exstitit à tentatione, ac si sexum non haberet in corpore. Qua virtute fretus, ex omnipotentis Dei auxilio, ut viris antè præerat, ita cepit postmodum feminis præesse: nec tamen discipulos suos admonere cessabat, ne se eius exemplo in hac re facile crederent, & casuri tentarent donum quod non acceperant.*

3. Idem D. Thomæ Aquinati concessum fuisse adhuc iuueni narrat Ioannes Garso: qui cum Ordinem S. Dominici contra parentum voluntatè esset ingressus, & parentes ex insidijs raptum in arcem S. Ioannis reduxissent; ad labefactandum eius animum, procacem iuenculam in cubiculum miserunt. Ipse castissimus iuuenis, arrepto titione, cum alia arma non essent ad manum, illam terruit ac fugauit: interea eodem titione (quod imago, cui accederet, ibi deesset) crucis figuram pinxit,

1.
Ioannis Baptistæ.

Matth. 3.

2.
Castitatis commendatio in Equitio.
2. Lib. 1. Dialogi.
cap. 4.

3.
Thomas Aquinas.
In vita eius, & Breuiarium Romanum.

pinxit: Feruentissima deinde oratione ad Deum fusa, cum in somnum incidisset, per quietem sentire visus est sibi ab Angelis constringi lumbos; quo ex tempore omni postea libidinis sensu tota vita caruit.

Non absimile est, quod Gregorio Nazianzeno Athenis philosophiæ operam danti contigit. Cum enim iuuenis castitatis laude vehementer flagraret, duæ eleganti forma virgines dormienti apparuerunt: quas cum castitatis instinctu oculo toruiore respexisset, tum illæ, blâde accedentes, illum complexæ sunt: Non est, aiunt, quod timeas, bone iuuenis; nos Sapientia & Continentia nominamur, quas impensè diligis; ideoque ad te missæ sumus, quia in te gratissimum nobis domicilium præparasti: age quod agis. His dictis disparuerunt.

28. In alio quoque genere plurimū valuerunt alij Sancti; vt B. Franciscus, ac eius socij, quorum studium & industria in eo maximè defudauit, vt omnem habendi cupiditatē, & gloriæ ambitionisquæ fastum, in omni & earum semina, prorsus delerent ex animis. quæ vel in ipso nascens Ordinis exordio deleta fuisse, res ipsa atque eorum vitæ decursus satis declarant: illud in primis, (vt de B. Francisco loquar) quod à voto emissio largiendæ omnibus elemosynæ nulli poscenti negauerit, quin etiam, quidquid haberet, pauperibus largitus sit, desiderio PERFECTI O N I S Euangelicæ consequendæ; quod denique coram Episcopo Assisinate bonis omnibus cesserit, reiectis etiam vestibus, vt liberior dicere posset, *Pater noster qui es in calis*; nolueritque toto vitæ tempore vel tangere pecunias; & quæ ipse cum summo paupertatis amore seruare constituit, ea ab omnibus sui Ordinis alumnis in perpetuū seruari inuiolabili lege sancierit. Eo in seruire spiritus (vt scribunt D. Bonauentura & D. Antoninus) cum adhuc esset in habitu sæculari, vani honoris prostrata spe, Assisij despectus, deformis, & squalidus propter ieiunia & pœnitentias incedebat: non pauci, insanum rati, luto & lapidibus impetebant, innumerisque lacebant iniuriis, patientissimè interim omnia, hilari serenoque vultu, ac si surdus mutusque fuisset, tolerantem. Obseruauit hæc Bernardus, vir sapiens, nobilis, & opulentus, à cuius consiliis tota ciuitas pendebat; nec putauit tantam patientiam, mundi quæ contemptum, duorum annorum constantia probata, diuina virtute carere posse: inuitatum ergo Franciscum ad cœnam rogauit vt & ea nocte domi suæ quiesceret. Annuenti lectum parari curauit in eo cubiculo, in quo lampas semper ardere solebat; ipseque in eodem loco sibi sterni mandauit, vt Francisci sanctitatem exploraret: quam dissimulare volens Franciscus, cubiculum ingressus inconcinne in lectum profiliit, dormitabundo similis. Bernardus vicissim suo tempore decubuit; & cum nonnihil quieuisset, altum se dormire ac stertere simulans, Francisco liberè agendi occasionem præbuit. Franciscus,

4.

Gregorij Nazianzenus Virginalis castitas. Ruffinus in prologo in libros S. Greg. Nazianzenus, in edic. Bill. habetur ante Orat. 49. & ipse S. Greg. in carmine lugubri de anima sua calamit.

a 5.

D. Francisci & sociorum paupertas & humilitas.

B. Bonau. lib. 1. Vita S. Franc. cap. 2. S. Antoninus parte 3. tit. 24. cap. 7.

Matth. 19.

Matth. 14.

Luc. 9.

S. Bonavent.
lib. 1. Vita S.
Francisci, c. 3.

ciscus, Bernardum ratus sopitum esse, surgit è lecto, & facie ac manibus in cælum protensis atque defixis tanto ardore orare cœpit, ut ignescere putaretur; fundensque vim ingentem lacrymarum, tota nocte nihil visus est aliud agere, quàm identidem in hæc verba prorumpere, *Deus meus & omnia*: & id quidem ideo dicebat, quòd Prophetico spiritu cognosceret, diuinam bonitatem periclitanti mundo, studio pauperum Religiosorum, quorum Ordinem excitabat, opitulari velle. Videbat hæc interea, audiebat, ac diligentissimè obseruabat omnia Bernardus, & supra quàm dici potest Spiritu diuino incensus constituit sæculo valedicere. Quod prima luce patefacienti, Magnam, ait Franciscus, rem aggredieris, Bernarde: Dei super ea consilium exquirendum est; quod hac ratione fieri poterit. Adeamus domum Episcopi, cui vicinus habitat Sacerdos probæ vitæ: hunc dicere sacrum curabimus; eleemosyna numerata, atque eo in hunc finem audito, ad tertiam vsque in oratione perseuerabimus, petentes à Deo ut in apertione libri Missalis beneplacitum suum nobis manifestare dignetur. Factum est. Sacerdos ergo, signo crucis se muniens, primum aperuit Missale in nomine Domini nostri IESU Christi, illudque occurrit supremo folio: *Si vis perfectus esse, vade, vende omnia quæ habes, & da pauperibus*. Secundum, aperto libro, occurrit: *Si quis vult post me venire, abneget semetipsum, & tollat crucem suam, & sequatur me*. Tertium aperiienti illud obuium fuit: *Nihil tuleritis in via, neque virgam, neque peram, neque duas tunicas*. Tum Franciscus, En, inquit, Bernarde, voluntatis diuinæ certum indicium. Vade, perfice quod à te exigit: ipsi summa laus & gloria, qui Euangelicam vitam nobis ostendere dignatus est. Opulentus erat Bernardus, & incredibiliter pecuniosus. Vendidit tamen omnia, collectamque pecuniam cum Francisco per domos viduarum, orphanorum, peregrinorum, Religiosorum deferens, comite vbique Francisco, distribuebat. Siluester quidam cuius Assisij, auaritia incitatus, cum hæc dispergi videret, accessit ad Franciscum, ei que, Et tu, inquit, pro lapidibus quibusdam, ad Ecclesias reparandas coemptis, nondum plenè satistecisti. Miratus hominis auaritiam Franciscus, memor tamen Euangelij, omni poscenti tribuendum esse suadentis, è sinu Bernardi manum impleuit, dicens Siluestro: *Si hæc non sufficiunt, addam & plura*. Abiit quidem Siluester: sed vesperi fordes suas agnoscens vehementer indoluit, proposita sibi Francisci sanctitate, ac feruore Bernardi, tribusque noctibus contemplatus crucem auream procedentem ex ore Francisci, cuius extremitates à terra vsque ad cælum, brachia ad mundi fines protendi videbantur, & ipse sua omnia pauperibus erogauit, & Francisco adiunctus est; eo que PERFECTIIONIS deuenit, ut (sicut de Moyse legitur) loqueretur Deo, tamquam amicus ad amicum suum.

6.

Serapionis
apathia.
a In hist. Lau-
siaca, sect. 73. in
Biblioth. sacra.

T₂

total

tota familia reperit, seque illi reuendit. Ibi patrem familias & domesticos omnes, ab execrabili secta intra duos annos ad matris Ecclesiam finem reuocatos, veris Christi Domini filijs adiunxit.

7.
B. Ignatii Loiola continentia eximia argumentum.
2. Lib. I. cap. 2.

Ad hæc Maffei duo refert de B. Ignatio, Societatis IESV fundatore; & in primis, quod nocte quadam vigilanti augustissima specie ac beatissima luce fulgens Maria Regina Angelorum, cum paruulo IESV, non modò sese palam ostenderit, verum etiam incredibili benignitate spectandam aliquamdiu præbuerit. Quo viso mirificè recreatus B. Ignatius, tantum repentè odium fastidiumque concepit eorum quæ apud cæcos mortales prima putantur, ac præsertim quæ cum inhonesta voluptate coniuncta sunt, vt omnes rerum illarum quamuis diuturno vsu ac verustate corroboratas imagines ex hominis memoria confestim aspectus ille deterferit.

8.
Quis Victoria contra cenodoxia seu inanis gloria titillationem.
2. Lib. I. cap. 10.

Alterum est de inanis gloriæ molestia, quæ ægritudini corporis adiuncta incredibiles animi dolores attulerat: denique, ait Maffei, diuino presidio detestabile hoc ingrati animi vitium ita debellauit, euulsitque, radicatus, vt postea, quotiescumque salus animarum aut Dei gloria postularet, sua non minùs bona quam mala, sine vlla prorsus cenodoxia titillatione, palam & ingenuè expromeret.

Hos ergo Patres quis dicet tali rerum statu ambitionis aut avaritiæ spiritu pulsatos esse? Quòd si qui reperiantur, vt multi reperiuntur, qui non modò superbiæ fastum, avaritiæ sordes, carnis molliem pedibus proculcent, sed etiam in omnibus Deo, superioribus, æqualibus, & inferioribus se subiiciant, infima quæque appetant, paupertatem carius quàm matrem complectantur, carnem ieiuniis & ciliciis affligant, & quidem maiori voluptate atque ardore, quàm qui infans amoribus oblectantur; quis huiusmodi molestis fomitis iaculis impeti, & non potius ad primi parentis statum accedere censebit? Certè primus parens leui tétatione edendi pomi cum vxore lapsus est: hi ne summis quidem delicijs capiuntur, etiam non vetitis; & si eas gustare cogantur, reddunt insulas & inspidas, multa que alia, quæ sensibus contraria sunt, & non sine summo incommodo ferri possunt, quærunt, comminiscuntur, ac tamquam delicias amplectuntur; pro quacumque re, vel etiam admodum leui, quæ Dei voluntati vel rationi repugnet, mortes & multas & atroces potius subire parati sunt, quàm animam peccato contaminent. Imò ne tyranni quidem torquendis martyribus tot genera excogitare potuerunt tormentorum, quot PERFECTI ONIS studiosi rationes corpusculi affligendi adinuenerunt. Illud ex dictis conficitur: si homines, Christi auxilio, tres illos capitales inimicos, superbiam vitæ, concupiscentiam oculorum, & concupiscentiam carnis, ex quibus cetera vitiorum portenta promanant, ita subiugare potuerunt, vt vix insurgere

gere valerent; quid censere oporteat de ceteris, cum capite truncato reliqua membra cadere necesse sit.

29. Verum quia priuilegium illud omni fomite & impugnatione carenti B. Virgini concessum est, an ne ratio aliqua esse posset modum illum cognoscendi & assequendi; si non omnino, saltem ex parte, uti de Sanctis iam declarauimus? Video tres modos fomitis extinguendi à Patribus proponi: quorum primus est, per solam extrinsecam Dei assistentiam, seu Spiritus sancti protectionem, manentibus tamen viribus animæ veluti habitualiter inordinatis. Hoc Spiritui sancto difficile non est: unde cum nihil in rerum natura moueri possit, nisi Deus ut prima causa rebus intimè præsens simul cooperetur; si primus hic motor cooperationem suam subtrahere velit, quod Deo admodum facile est, appetitus sensitivus numquam rebellabit, numquam mouebitur sine rationis imperio. Verum hic modus tamquam imperfectior, utpote qui omnia in Deo, nihil in subiecto constituat, præter inordinationem, iis tribuendus non est, qui omnino fomite caruerunt, nempe Christo Domino, B. Virgini Matri, & primis parentibus: nam & hoc modo fomes in nobis ligari posset, sine ullo ornamento intrinseco.

Secundus modus perfectior quidem, & nobilior, fit per virtutes infusas in excellenti gradu, & habitus internos, inclinantes appetitum superiorem & inferiorem in bonum fidei & rationi conforme. Verbi gratia, excellenter humilis laudem omnem abhorret; castus detestatur impudicitiam; spiritus pauper non modò diuitias contemnit, sed ne tangere quidem vult, nec earum curis implicari; vir patiens occasiones sustinendi quærit, & si non inueniat, sibi pœnas infligit; vir egregiè sobrius à cibis etiam licitis abstinet; interdum, mortificandi sui causa, cibis delicatioribus amara quædam atque acida, ad tollendum saporis ac voluptatis sensum, commiscet, qui gradus extremus est in virtute temperantiæ: unde isti longissimè absunt à vitijs contrarijs.

Accedit quòd vsu longiori etiam appetitus sensitivus, in quo propriè virtutis ratio non inuenitur, ad virtutem assuescat, & assuetudine, cum voluptate, etiam sensui repugnantia appetat & exerceat; nasciturque in eo affectio quædam, (ea vis est necessitudinis partium inferiorum cum superioribus in vtramque partem) quæ se trahi patiatur ac regi rationis ductu, ut equus freno, ut canis loro, & quidem cum facilitate & delectatione. Hunc modum dixi perfectiorem ac nobiliorem, sed æquè sufficiens non est: quod verissimè esse reperiemus, si, quæ sexta, septima, octaua, & nona gratiæ Prærogatiua diximus, attentius consideremus; fragilitas etenim humana maior est, quàm ut etiam intensissimi virtutum habitus, & earum vsus, præuenientes naturæ motus impedire possint. Tentationum occasiones, hostium multitudo, industria,

Fomitis extinguendi rationes tres.

I.

Per assistentiam Dei extrinsecam.

2.

Per virtutes infusas. Est Caietani & aliorum in 3. part. Diui Thom. q. 27. a. 3.

dustria, experientia, impugnationum varietas, præponderant omnibus viribus ac vigiliis nostris: ferit enim à tergo concupiscentia, & imprudentem aggreditur: Cogitatio, quæ in imaginatione est, necessario mouet appetitum sensituum, quantumcumque homo repugnet; nec perfecte frenare in nostra est potestate. Sæpe verò pæne prius canis hic momordit, quam ratio habitibus uti possit; qui agere non possunt nisi in hostem manifestum, sicut nec ratio, nec voluntas humana, in quibus fundantur: vnde si quispiam B. Virginem intensione habituum ac virtutum æquaret, ne ille quidem ab inordinatione potentiarum inferiorum liber censendus esset, si diuina deesset protectio. Imò bona fortè naturæ dispositio, quoad illas motuum concitationes, subinde plus prodest, quam copiosior gratia inhærens sine auxilij specialis protectione: nam gratia habitualis, etsi ornamentum quoddam sit animæ eiusque potentijs inhærens, non tamen propriè agit, nisi ut se in potentias, per quas operationes suas exercet, infundit. At virtutes præsupponunt cognitionem vsumque potentiarum, in quibus consistunt; quæ cum præueniantur, impossibile est hominem solis illis habitibus internis sic hostibus resistere, ut non subinde dentes morsusque atque aculeos concupiscentiæ sentiat.

3. Tertius ergo modus est ex utroque cõpositus: nempe copia donorum interiorum, quibus mens miro modo roboretur, & à vitijs prorsus abhorreat; quo fiet ut sponte ac deliberato animo nulla ratione vel committat, vel permittat, quantum in se est, aliquem motum exoriri, cum in anima, tum in ipso corpore. Sed, ut dixi, hoc non sufficit: requiritur protectio ac custodia Dei singularis, qua dæmonē arceat, contineat appetitum, ne sese moueat, & si occurrat occasio, illuminatione quadā mentis ac opportuno consilio intellectum instruat, efficacia media suggerat ad repugnandū, vincendumque tentationem: dat enim Deus metuentibus se significationem, ut fugiant à facie arcus; tum voluntatem roborat, ut vel hosti resistat, vel, quod agendum Deus inspirat, amplectatur.

His præfidijs Christus Dominus ac eius sanctissima mater vallati, nec peccarunt, nec vllus in eis motus insurgere potuit. Hoc tamen addendum: in Christo Domino hanc immunitatem longè excellentiori modo quàm in vllis alijs fuisse, & quidem triplici de causa. Primò, ex vi propriæ conceptionis: non enim per virtutem feminalem, sed ex purissimo intemeratæ virginis sanguine propagatus est, ideoque peccato originali non erat obnoxius. Deinde, ex vi beatitudinis: non enim viator tantum erat, sed etiam comprehensor. Denique, ratione vnionis hypostaticæ, quæ ne vmbra quidem peccati admittebat.

30. Sed quis ad hæc idoneus? Nullus sanè: est tamen quatenus sperare tentareque liceat, si non adeò perfecte, quantum saltem per Dei gratiam

*Per vtrumque
auxilium.*

Psalm. 59.

*Christus triplici
de causa à
fomite peccati
immunus fuit.*

1.

2.

3.

*Gradus ad de-
bilitandum fo-
mitem.*

gratiam licebit. Magna moles est, & non opus dici vnius: nec enim solet Dominus Deus eam sanctitatis eminentiam primo quoque tempore largiri, etiamsi faces ardentissimas tironi subinde admoueat. Hi ergo gradus seruandi sunt.

In primis, vt studiosus PERFECTI O N I S ab omni peccati labe animam suam egregie expurget.

Deinde firmissimè statuatur, vitia omnia, quantumcumque leuia, vitare, idque pro virili præstet; & notas quasdam constituatur, vt, erratorum numero deprehensio, & à se pœnas exigat pro meritis, & lapsuum numerum minuat ac corrigat.

Tertiò, Sacramentorum adhibeat subsidium, quo & gratia augeatur, & ex gratiæ accessione protectio quoque diuina accedat prolixior.

Quartò, in suscipiendis Sacramentis non vltimū suum finem constituatur, quasi in sola habitualis gratiæ amplitudine consistat PERFECTIO, quæ tamen vitiorum radices non euellit, nec admodum minuit; sed omnes animi neruos adhibeat, vt prauos vitæ superioris & naturæ corruptæ habitus euellat. Quod studium, vt longè difficillimum, atque maximè arduum, arripiunt pauci, multi vel deferunt, vel sensim negligunt; præsertim quia aut ratio contumacissimi hostis pellendi cuiuslibet peruia non est; aut, si non ignoretur, tamen & nos ipsos amamus nimium, & ea quæ nostra sunt, viresque infirmas non rarò & labiles constantia deserit. Enimuero certum est, nihil tam arduum esse, tam firmum, tam inueteratum, quod Christi virtus non deprimat, generosus animus non comminuat, constantia non labefactet.

Cutia canat lapidem, non vi, sed saepe cadendo.

Euelluntur arbores altissimæ, & metalla rudia leuigantur, complanantur, expoliuntur.

Quintò, euellendo tetras illas fibras, sensim quidem virtutes inducuntur, studiū tamen particulare oportet adhibere, vt longo vsu, exercitio præsertim interno, frequentibus actibus, & quidem ex omni habitus latitudine elicitis, virtutes augeantur, altasque illæ ipsæ in animo radices agant, vt cum facilitate spiritualis athleta ardua quæque exerceat, tentationes repellat, & longè procliuior sit ad bene recteque agendum, quam antè ad peccandum, cum in vitium propenderet.

Sextò, magna ex parte nostra requiritur vigilantia, & eo quidem maior, quo demissiùs de nobis opinari debemus, nos nimirum auxilio Dei esse & indignos & indigos: sicque excubandū nobis est, ac si Deus victoriam, cuius testis esse vult & agonothesa, soli industriæ nostræ ac labori relinquere velle videretur. Illudque ideo obseruandum valde, ne motibus hisce rebellibus occasionem causamque præbeamus: etsi enim voluntati rectè dispositæ ij repugnent, eidem tamen adscribentur, si causam

1.

Vitiis ex-
purgatio.

2.

Venialium pec-
catorum fuga.

3.

Sacramentorum
subsidium.

4.

Euulsio prauo-
rum habituum.

5.

Virtutum in-
ternum exerci-
tium.

6.

Vigilantia.

causam præbuerit; qui enim causam alicuius effectus producit, censetur & effectum velle producere. Exempli gratia: *Cum Pericles* (inquit *Lib. 1. Officiorum, sub finē.* Cicero) haberet collegam in prætura *Sophoclem poetam, hūc, de communi officio conuenissent, & casu formosus puer præteriret, dixisset q̃ Sophocles, O puerum pulchrum! At, inquit Pericles, prætorem, Sophocle, non solum manus, sed etiam oculos abstinere habere decet. Quæro vnde motus ille. Sanè non aliunde ortus, quàm ab aspectu inordinato. Simile esset, si quis oculos coniceret in iuenculas formosiores, elegantes adolescentulos intueretur, manus aut alias corporis partes tractaret, audiret curiosius verba minùs honesta: is sanè, si moueatur, sibi imputer. Item qui vanè de genealogia parentum, de opibus, de eorum potestate, de se suisque rebus multa prædicaret, si tunc sagitta inanis gloriæ volante feriat, et si eam nolit, vult tamen in causâ: qui in mensa oculos circumducit, & singulos cibos considerat, si inordinato appetitu feratur, oculis adscribat, qui sæpe animam intuentis deprædantur. Denique, *qui amat periculum, in illo peribit. Eccli. 3.* Nec admodum ille sibi beneuolentiâ Dei conciliat, eiusque auxilium promeretur, qui, quod in se est, ad vitandum peccatum non facit, sed in causâ peccatum ipsum procurat, spe nixus, sed vana, Deum auxilio futurum. Non ita, sed iuuantem se Deus adiuuat, &, si quis manum operi admoueat, præsto est omnibus inuocantibus se.*

In annuis prouincia Goana, anno 1609.

Abassini Æthiopes (vt scribunt ij qui in locis illis versantur) in Sacerdotibus Christianis præ ceteris suspiciunt castitatem; cum eorum „Religiosi, quos habent plurimos, sint impurissimi. Ipse Rex, fratri „suo Proregi Tigræ colloquens, eosdem Ecclesiæ Romanæ Sacerdotes „Angelos esse asserbat. Antistes quidam Religiosus, Reginæ seu Imperatricis magister, cum esset apud Reginam cum nostris, percunctatus est quo vterentur remedio, quæue medicina, vt sic essent casti. Cum „responsum esset adhiberi orationes, pœnitentias, & sedulam sensuum „custodiam, Illa, inquit, ratione tutò tale monile seruat. Placuit responsum Reginæ; nec immeritò: nam etsi nemo continens esse possit, nisi Deus det; Deus tamen continentiam nostram non seruat, nec nos infans concupiscentiæ motibus liberat, nisi & nos ipsi opportunis præsidij iuuare conemur.

7. Fiducia in Deum.

In serm. de diuersis, serm. de Serbis Habacuc cap. 2. Super custodiam meam stabo, post medium.

Septimò, etsi vires omnes conferre debeamus ad vincendum, tamquam si nobismetipsis relictis victoria de hostibus reportanda foret, nihilominus ita in Deum fiduciam omnem conicere necesse est, ac si ex nobis nihil planè possemus, vt & nihil sine Dei auxilio possumus. Ideo sæpe ad Deum recurrendū est; ita enim monet D. Bernardus: Nos „ergo, fratres, (obsecro) super custodiam nostram stemus, quoniam tempus militiæ est. Nec in sterquilinio huius miseri corporis, sed in corde ubi Christus habitat, in iudicio & consilio rationis sit conuersatio nostra: ita sanè, vt non in ipsa habeamus

habeamus fiduciam, nec fragili innitatur custodia, sed figamus gradum in munitionem firmissimam petra, Christo totis viribus innitentes, sicut scriptum est: *Qui statuit supra petram pedes meos, & direxit gressus meos.* Hæc Bernardus. *Psalm. 30.*
Et quidem matutino tempore infimis precibus rogandus est, ut auxilio esse velit. Id etiam Angelo custodi commendandum est. Adhibenda quoque protestatio: si quis motus exurgat à concupiscentia, vana gloria, ira, inuidia, & similibus, nolle omnino id à se prodire, velle detestari ex animo; & quæcumque à dæmone, carne, mundo obijci poterunt, abominari: largiri Deus dignetur gratiam assidue vigilandi, ipsumque inuocandi opportunis temporibus, totamque spem in ipso collocandi; non permittat à se vitiis occasionem aniamque præberi; vires denique sibi sufficiat, ut ad eius gloriam de hostibus victoriam reportet. Id matutina oratione serio feruenterque agendum erit.

Nec id modò, sed generosus pugil dabit operam ut propositi frequenter sit memor. Si rem aggredi debeat alicuius momenti, ubi præsertim alicuius lapsus esset periculum, non incipiat, quin prius tabernaculum Dei in se commorantis accesserit, opem implorauerit, & eius consilium super ea re quaesierit. Si feminam conuenire oporteat, si lasciuum adolescentem, si aduersarium, si mensa adeunda, si ex loco superiori dicendum, si conferendum differendumque animosius, hæc & similia non adoriatur imparatus. Cum Ecclesia sæpe repetat vericulum illum, *Deus in adiutorium meum intende*; signo salutifero pectus muniat, tum *Psalm. 69.*
magna cum modestia incipiat, pergat alacriter, & generosè conficiat, ut non tam rem suam quam Dei negotium agere videatur. Quòd si, dum agit, se pulsari sentiat interius, non curet, pergat ex animo; & quod cepit solius Dei intuitu, inuidia dæmonis laceffitus non omittat.

Requiritur postremò Dei protectio; quæ utique non deerit, si humiles fuerimus, & tamquam paruuli optimum patrem timuerimus. De hoc D. Augustinus in Psalmum centesimū-secundum, *Secundum altitudinem cali a terra corroborauit misericordiam suam super timentes se*; *Quia, inquit, si aliquando potest calum abscondere se à protectione terre, aliquando poterit Deus non protegere timentes se. Attende & calum: ubique atque undique protegit terram; & nulla pars terra est, quæ non celo protegatur. Peccant homines sub celo, faciunt omnia mala sub celo, tamen proteguntur celo. Inde lux ad oculos, inde aer, inde spiritus, inde pluuia ad terram propter fructus, inde omnis misericordia è celo. Tolle auxilium cali à terra, statim deficiet. Sicut ergo protectio cali permanet super terram, sic protectio Domini permanet super timentes eum. Times Deum? super te est protectio ipsius.* Hæc Augustinus: ex quibus videre est, Dei protectionem deesse non posse, modò ipsi non defimus nobis, si humiles & timentes ad eum recurramus.

V

Augetur

*Qua diuinam
protectionem
augeant.*

a 1.

*Gratia & Vir-
tutum incre-
mentum.*

b 2.

*Diligentia no-
stra.*

c 3.

*Caritas prote-
ctionis men-
sura.*

d *Prouer. 8.*

Augetur verò Dei protectio cum virtutum incremento & gratiæ; quo enim Deo cariores sumus, eo maior eius cura erga nos atque protectio. ^b Crescit quoque cum cura diligentiaque, quam ad ea vitanda, quæ Deum offendunt, adhibemus; nihil enim mercede dignum indonatum prætermittit, nec se patitur liberalitate superari. ^c Denique protectionis gradus caritate in Deum nostra metiri possumus; quo enim Deo sumus cariores, eo maiorem de nobis ostendit sollicitudinem, idque meritò: nam quo Deum intensius diligimus, eo magis timemus ne ab eius amicitia excidamus; eo diligentius ipsius opem imploramus, & eo ipse libentius eam nobis impertit; ait enim: ^d *Ego diligentes me diligo; & qui mane vigilauerit ad me, inueniet me.*

His subsidijs nonnulli sancti Patres ad magnum sanctitatis fastigium peruenerunt, rabidos concupiscentiæ morsus ac stimulos magna ex parte euaserunt, & propemodum ad primi parentis innocentiam redierunt. In pugna tantum discrimen aliquod est, quòd Adamus hoste iatus caruerit, verum virtute, gratiæ amplitudine ac robore nihil ei posterius non pauci concesserunt. Et hi quidem nos ad imitationem prouocant. Audet S. Paulus, & dicit: *Imitatores mei estote, sicut & ego Christi.* Curro, non quasi in incertum: sic currite, ut comprehendatis. Sed hæc pauca pro opportunitate: spectant enim ad praxim, quare in librum secundum ea reijciemus.

Id ex dictis conficitur: *Gratia Domini nostri IESU Christi hominis vulnera morbosque sanari, potentius superiores ad diuina peragenda restaurari, animam hominis nobilissimis gratiarum ornamentis illustrari, mentem ac voluntatem præstantissimis virtutum luminibus ac gratijs condecorari, muniri, roborari, denique totum hominem PERFECTIONIS studio aptum idoneumque restitui; cuius beneficij auctori, Deo Patri, & Filio eius IESU Christo, & Spiritui sancto, gloria in sæcula. Amen.*

CAPVT XXIV.

De quadruplici hominis vita, naturali, peccati, gratia, & aeterna.

*Quinque erro-
res circa ani-
mae originem.*

I.

*Lib. de heres.
cap. 6. 70.*

Ex hoc cognoscimus quantum vulnus per peccatum originis acceperit homo in intellectu, quòd ne sui quidem principium, nec suarum actionum originem pernoscere umquam potuerit. Et sanè de animæ ortu quot errores emerferunt! Voluerunt nonnulli, Augustino auctore, animas humanas particulas esse diuinæ substantiæ, proinde

inde nec creari, nec traduci à parentibus. Ignoscendum fuisset Stoicis id opinantibus, sed turpius hic error à Philone Iudæo defenditur; qui etiam Gnosticis, Manicheis, Priscillianistis lampada tradidit. Non minus turpiter hallucinatus est Plato, quem diuinum nominarunt, qui humanas animas à Deo quidem creatas fuisse, & ex nihilo; sed omnes simul cum Angelis; deinde fastidio quodam affectas bonorum illorum spiritualium, quibus in cælo fruebantur, amare cœpisse res terrenas, atque à Deo idcirco in corpora tamquam in carceres compingi. Origenes (quod mirere) lapsus est in hunc errorē; eumque damnauit Concilium Bracarense primum, & D. Leo sanctique Patres reprehenderunt. Censuerunt nonnulli, animas quidem in cælo cum Angelis non fuisse, sed cum iisdem conditas quibusdam locis asseruari, ac deinde modò vnā, modò alteram ad corpora transmitti. Quam stultè id quidem, D. Hieronymus in quadā epistola satis exprimit. Visi sunt alij amplius sapere, asserentes, vti corpora à parentum corporibus, ita & animas ab eorundē animabus generatione traduci. Hoc insipienter Tertullianus; quem secutus est Apollinaris, teste D. Hieronymo. ^a Formauit enim Deus hominē de limo terre, & inspirauit in faciem eius spiraculum vitæ; animas verò bestiarum fecit materiales, dicens, ^e Producat terra animā viuētem in genere suo, iumenta, & reptilia, & bestias terre. Quæstio de ortu animæ (fateor) difficilis est; & D. Augustinus censuit originē latere, neque facile esse definiendum. Quamquam fides iam dubitandi locum non relinquit, asserens nempe animas à Deo creari, & infundi singulorum corporibus dispositis ad animæ rationalis susceptionem.

² Tota ferè cohors Philosophorum in quæstione de animæ immortalitate vel errauit, vel certi aliquid vix statuere ausa est, vacillans in omnibus, & multa lumine naturæ comminiscens, quantum excogitare potuit. De principijs naturalibus sic definiuerunt, vt ne iam quidem constet de eorum veritate. De vita humana, principio motuum omnium, norunt vix aliquid Philosophi. An in corpore fiat concoctio ciborum; crescant corpora vi alimenti, decrescant defectu natiui caloris; vnde potentiæ nascantur; sintne in anima potentiæ aliquæ; qua ratione moueantur; cuius imperio partes omnes corporis agantur; pauci cognoscunt. Quomodo ergo nossent in nobis esse vitam spiritualement? quomodo peccatum principatum interdum tenere? Deum excludi, regnare hostem terribilissimum? quod tamen magni refert ad vitam Christianè instituendam, & maximè ad PERFECTIIONEM assequendam, ad discernendos spiritus; qua sine cognitione vita spiritualis ne quidem potest consistere.

2. Quia verò mortales oculos aperire nolunt; quòdque in eorum obtutus sese intrudit atque ingerit, videre recusant; ex vita naturali

Philo lib quem inscripsit, Quod deterius potiori insidari solet.

2.

Lib. 1. de principijs, cap. 7. tomo 1.

Conc. Brac. c. 6. tomo 2. Conc.

Leo epist. ad Turbium, c. 6.

a 3.

Epist. ad Marcellinum, inter epistolas Augusti. 27.

b 4.

c Epist. cia

d Gen. 2.

e Gen. 1.

5.

Augusti libris 4. de orig. ani-

ma, tomo 7.

f Veritas de origine animæ rationalis.

g Philosophorum sententia de animæ immortalitate.

naturali ceteras vitas depingere statui.

*Vita naturalis
descriptio.*

*Potentia ex
anima essentia
confluunt.*

*Anima in
actionibus con-
spicitur.*

*Lib. 1. Offi-
cium.*

*Ovidius lib. 1.
Metamorph.*

*Lib. 22. ciuit.
c. 24. circa me-
dium.*

Nemo sanæ mentis in dubium reuocat se viuere, tametsi normam rationemque viuendi ignoret. Conflatur vita naturalis ex coniunctione corporis & animæ, quæ tamquam forma corpori dat esse & vitam. Ex animæ essentia confluunt potentiæ seu facultates; è quibus operationes manant, tum internæ, tum externæ. Ab eadem anima motus omnis oritur; & quòd oculos aperiri, manus contrahi, pedes incedere, hominem flere vides, ridere, emittere voces nunc significantes, nunc omnino nudas & notionis expertes, scias hæc ab vna anima latente produci. Sed quomodo latet? cur potius non ais eam ipsam in aperto esse, ac videri? Prodit omnino sese, & si spiritus non esset, eam oculis corporeis conspiceres: signa tamen abdita latentisquæ animæ fat superque obseruas, & eam ratione præsentem esse discernis. Quanta differentia irati ac pacati, exultantis contractique animi, iocantis ac pugnantis pugilis! pæne in vultu gestuque corporis annuentem aut renuentem iudicas; & quid intimo latet animo, vultus ipse sæpe, vel tristis vel hilaris, grauior vel leuior, vox remissior aut excitatior manifestat; vt eleganter Cicero. *Ex oculorum, ait, obtutu; ex superciliorum aut remissione aut contractione; ex maestitia aut hilaritate; ex risu; ex locutione; ex reticentia; ex contentione vocis, ex submissione; ex ceteris similibus facile iudicabimus quid eorum aptè fiat, quid ab officio naturarum discrepet.* Hæc ille. Videmus ergo animi motiones; & quid ex recta ratione, quid ab inordinato affectu oriatur, iudicamus. Intuere vultum infirmi; præstolare donec animam emiserit; solo oris aspectu mortuum dicis, animam decessisse: & nescio quomodo ipsa in vultu etiam dormientis sese præsentem esse denuntiet. Hanc vitæ humanæ harmoniam ex anima & corpore colligatam (quòd in ea lumen quoddam rationis vel ex ipsius corporis officij effulgeat) Philosophi diuinam esse censuerunt: nec modò in hisce inferioris ordinis rebus considerandis occupari, sed supra cælos animam versari, & cælestia quædam rimari in ipso corpore, idque operibus factisque demonstrare. Hinc hominis forma non prona, sed recta, corpus erectum, vt sit facilis ad cælos prospectus: sicut poëta quidam describit:

*Prona, cum spectent animalia cetera terram,
Os homini sublime dedit, calumque tueri
Iussit, & erectos ad sidera tollere vultus.*

Quod pie Augustinus explicans ait: *In ipso corpore nostro, quamuis nobis sit cum belluis mortalitate commune, multisque etiam reperiatur infirmius, quanta Deibonitas, quanta prouidentia tanti Creatoris apparet! Nonne ita sunt in eo loca sensuum & cetera membra disposita, speciesque ipsa ac figura atque statuta totius corporis ita modificata, vt ad ministerium animæ rationalis se indicet factum?*

Non

Non enim ut animalia rationis expertia prona videmus esse in terram, ita creatus est homo; sed erecta in celum forma corporis admonet eum, quæ sursum sunt, sapere. Porro mira mobilitas quæ linguæ ac membris attributa est, ad loquendum & scribendum apta atque conueniens, & ad opera artium plurimarum officiorumq; complenda, nonne satis ostendit quali anima ut seruiret tale sit corpus adiunctum? Hæc pauca de multis quæ D. Augustinus adfert in hanc sententiam.

3. Hoc rationis lumen in anima, vitæ naturalis primo principio, posuit Deus, ut solem in mundo, qui microcosmo præluceret, & singulariter hominis vitam inter animalia degentem illustraret. Ex quo noua & plura quidem lumina ut à sole stellæ & astra oriuntur, quibus natura humana miro splendore coruscat. Cum enim anima hominis sit imago superni Numinis, primique & æterni legislatoris, signatum est quoque super hanc imaginem lumen vultus eius.

Ab hoc vultus diuini lumine, quo Deus omnia intuetur & iudicat, leges omnes ortum habent, & in eius imagine, hominis nempe anima, descriptæ sunt. Et primum quidem illud principium ceterorum basis est; Bonum esse prosequendum, fugiendum malum: omnes enim hoc norunt, hoc fatentur, hoc prædicant; ex eo omnes naturæ pendent leges: nam quæ bona sint, quæ mala, ipsa ratio, quæ legislatorem agit, non obscure præscribit ac designat.

Et bona quidem, alia vtilia, alia honesta censentur. Eorum quæ vtilia, quædam communia sunt cum viuentibus, qualia sunt viuere, crescere, alimenta fugere; quædam homini cum animalibus, ut conseruatio speciei per sexuum commixtionem; quædam denique soli homini propria, ut est viuere secundum rationem: est enim proprium bonum hominis, ex rationis norma actiones suas dirigere. Ex hac propensione prosequendi boni, diuersæ nascuntur leges: ut, Vitam esse conseruandam; & ex hac aliæ, Cibo, alimentis, & somno eandem sustentandam esse; Si vis inferatur, vim vi esse repellendam. Inclinator quoque ex prima & generali lege prosequendi boni ad seipsam in specie conseruandam. Hinc lex generis humani propagandi: ex quo principio sequuntur leges, Vxores nempe legitimas à nonnullis saltem sibi copulandi; Non more pecudum generationem esse debere communem, ut proles agnoscat & conseruetur; Prolem esse educandam; Legitimè denique in parentum hereditatem succedere. Inclinator & ad bonum honestum; vnde hoc principium nascitur, Vitam ex rationis nutu esse instituendam.

Ex hoc duo noua principia emergunt: Vnum Deum colendum esse; &, Quod tibi fieri nolis, alteri minimè faciendum. Ex prioribus prodeunt præcepta primæ, ut vocant, tabulæ: Nulli, excepto immortali Deo, diuinos

Rationis lumen microcosmum, & sol mundum, illustrat.

Psal. 4.

Lex natura vnde oritur.

Legum primū principium boni membra.

A bono querendo bonorum quadā similia, & stilium genera tria.

Leges ab Gtiti educta.

1.

2.

3.

4.

5.

6.

7.

8.

Leges ab bono nullo duplices. Præcepta primæ tabulæ.

*Præcepta se-
cunda tabula.*

*In hoc esse se-
mina virtutū.
a Homil. 9. in
Hexamer. ante
mediū.*

*Virtutes qua-
tuor cardinales
unde oriuntur.*

Simile.

*Vita humana
breuitas & mi-
seria.*

Gen. 3.

diuinos latriæ honores esse deferendos; Et si quem Deum in testem vocaueris, non falsum, sed verum inuoces, cum veritate, iudicio, ac reuerentia; Certum illius cultui tempus attribuas, quo & agnoscas, & venereris, & inuoces. Ex altero principio nascuntur præcepta alterius tabulæ, quibus statuitur, Vt parentes tuos ames, colas, & obserues; Vitam alteri non adimas, non pudicitiam, corporisque decus, non bona temporalia, non famam: & hæc ne voluntate quidem; nam etiam turpe est velle, quod recta ratione cauetur ac prohibetur fieri: hæc enim prudenter nemo vult sibi ab altero irrogari.

4. Sunt & in eadem ratione semina quædam virtutum naturalium, referente a Basilio; vt inclinatio quædam ad Religionem, pietatem, iustitiam, veritatem, amorem Dei naturalem & proximi: quæ semina non sunt tantum desideria pertinentia ad salutem, (vt videtur sensisse Cassianus) sed in intellectu quidem est lumen rationis seu σοφίης, dictans homini euidenter harum virtutū officia; & in voluntate, naturalis quædam propensio & incitatio ad hæc obeunda. Dicuntur autem semina virtutum, quia ex his, tamquam primis rudimentis, virtutes oriuntur & succrescunt.

Prodeunt ex illis quatuor illæ virtutes, quæ velut cardines internam naturæ PERFECTIÖNEM fulciunt; Prudentia in intellectu, Iustitia in voluntate, in appetitu irascibili Fortitudo, in concupiscibili Temperantia: ex quibus ceteræ virtutes morales propagantur, hominemque ijs vtentem componunt & perficiunt, &, vt Deo & hominibus quod suum cuique est reddat, efficiunt. Si quis ergo rationem ducem audiat ac sequatur, his ornamentis vitam suam illustrat atque componit; in ijs anima ipsa inuisibilis cernitur, & incredibiles amores in internis intuentium oculis excitat. Vt enim res tenuis, exigua, vel obscura per crystallum perspicaciùs conspicitur; & maior illustriorque apparet: sic & anima per illustrissimas virtutum species & illustrior efficitur; & re ipsa inuisibilis in oculis mortalium, visibilis conspicuaque redditur.

5. Hæc in vita naturali præclara sunt; & seruient, spero, vt in ea tamquam in speculo ceteras spirituales vitas intueri liceat. Sed quia homo à gratia, in qua stabilitas eius ac consummatio consistebat, excidit; excidit etiam à felicitate vita humana, suasque habet misérias & calamitates; quas nihilominus amat infelix, & præfert excellētiæ amoris diuini, opibusque spiritualis vitæ, in qua sola saluari bearique poterit; sine qua omnes mundi sapiētes cum omni sua scientia, ingenijs, rebus gestis præclarissimis, stulti obscuriq; meritò reputabuntur. Ab huius amore Deus nos volens auertere, multa in diuinis litteris memoriæ prodidit, & illud in primis: *In sudore vultus tui vesceris pane tuo, donec reuertaris in terram*

de qua sumptus es; quia pulvis es, & in puluerem reuertèris. Illud, denec, bre-
uissimum est: omnes enim morimur, & quasi aquæ dilabimur in terram, quæ 2. Reg. 14.
non reuertuntur. Et quidem à primo ortus nostri momento dilabi inci-
pimus tamquam aquæ, & absorpti à terra imbibimur numquam emer-
suri. O brevis vita, quæ à suo ortu diffluit, & quasi momento spargitur,
nec amplius apparet! vnde sapientissimus Iob: *Dies mei velocius transie-* Iob 7.
runt, quam à texente tela succiditur, & consumpti sunt absque ulla spe. He-
sterini quippe sumus, ait idem Iob, (nam heri nati, hodie morimur) & ig- Iob 8.
noramus quoniam sicut umbra dies nostri sunt super terram. At umbra num- Iob 14.
quam in eodem statu permanet. Amplius dicit Rex Dauid. Ecce (ait) men- Psal. 38.
surabiles posuisti dies meos, & substantia mea tamquam nihilum ante te. Ita est:
exactis enim diebus, si eos metiri velimus, & substantiam nostram, iam
transierunt, & ad nihilum redacta sunt; vnde nihil ponderis, ne mo-
mentum quidem, in balance adjicient. Sed graue est quod addit: *Om-* Psal. 89.
nes dies nostri defecerunt, & in ira tua defecimus. Si enim & diebus & sub-
stantia deperdita deficiamus in ira eius, quid ex nobis supererit? Id fanè
de quo Saluator: *Bonum erat ei, si natus non fuisset homo ille.* & Sapiens: *Matth. 26.*
Quid necesse est homini maiora se querere, cum ignoret quid conducat sibi in vita Eccl. 7.
sua numero dierum peregrinationis suæ, & tempore quod velut umbra præterit?
aut quis ei poterit indicare quid post eum futurum sub sole sit? Moritur enim
nobis mundus, dum morimur; & quasi non essent quæ in eo fiunt, nos
ea scire non possumus. Denique *numerus dierum hominum ut multum* Eccl. 18.
centum anni: quasi guttæ aquæ maris deputati sunt; & sicut calculus arenæ, sic
exigui anni in die æui. En comparati anni singuli singulis guttis aquæ, &
calculis arenæ. Ecquid ergo minus, quid leuius excogitari potest?
6. Et hæc vita est brevis & misera, quam adeò amamus, ob quam
conseruandam omnia exponimus, neglecta animæ vita æterna, & ex
memoria prorsus deposita, de qua ita D. Augustinus: *Labores & pericula* Epist. 45. ad
& exitia huius transitoria vita si pro eadem vita quandoque finienda subeuntur, Arment. Ripa-
ut mors eius non omnino auferatur, sed paululum differatur; quanto magis pro rium.
æterna subeunda sunt, ubi mortem nec natura sollicitè cauet, nec ignauia turpiter
timet, nec sapientia fortiter sustinet! nulli quippe erit, quæ non erit. Habeat
igitur te vita æterna in dilectoribus suis. Nonne cernis, hæc vita miserabilis &
egea quàm vehementes habeat quantumq; sibi obliget amatores suos? qui ta-
men, periculo eius sæpe turbati, citius eam finiunt eo ipso quo finire formidant,
& mortem dum declinant, accelerant; veluti si quisquam fluuiò rapiendus ir-
ruat, latronem bestiamve fugiendo. Lactant in mare tempestate sauiente ali-
quando & alimenta; & ut viuant, proijciunt vnde viuant, ne cito finiatur quo
vel in labore viuatur. Quantis laboribus agitur, ut longiore tempore laboretur!
& mors, cum impendere ceperit, ideo cauetur, ut diutius timeatur. Nam inter
tot casus fragilitatis humanæ quàm multæ mortes timeantur! quarum cerè una
cum

cum venerit, restat ceteras non timeri: & tamen fugitur una, cum omnes timeantur. Quibus excruciantur doloribus, qui curantur à medicis, & secantur! Numquid ut non moriantur, sed ut aliquanto serius moriantur? Multi cruciatus suscipiuntur certi, ut pauci dies adjiciantur incerti. Et nonnumquam ipsis doloribus victi continuo moriuntur, quos mortis timore suscipiunt. Et cum omnino non eligant vitam finire ne doleant, sed dolere ne finiant, accidit eis ut doleant & finiant: non solum quia & sanati utique vitam finiunt post dolores, quæ tantis pœnis comparata nec sempiterna esse potest, quia mortalis est; nec diuturna, quia tota brevis est; nec de ipso brevi spatio sui secunda, quia semper incerta est; verum etiam quod aliquando eam dolore finierunt, quam ne finirent, dolore voluerunt. Habet etiam hoc magnum malum, ac vehementer execrandum & horrendum, nimis amor vitæ istius, quod multi, dum volunt paulo diutius vivere, graviter offendunt Deum, apud quem est fons vitæ: atque ita, dum ab eis frustra qui necessario futurus est vitæ finis metuitur, illinc prohibentur, ubi sine fine vivitur. Huc accedit, quia vita misera, etiam si posset esse perpetua, nullo modo beatæ vitæ etiam brevissimæ comparanda est: & tamen isti, amando miserrimam ac brevissimam, perdunt beatissimam ac sempiternam; cum in ipsa hac, quam male diligunt, hoc velint, quod in altera perdunt: quia utique in ista nec miseriam diligunt, nam beati esse volunt; nec brevitatem, nam eam finire nolunt; sed tantum quia vita est, sic amatur, ut sepe propter eam (licet miseram & brevem) beatæ & sempiternæ amittatur. Hæc Augustinus. Vitæ namque naturalis finis mors est; quæ nihil est aliud, quam consortij animæ cum corpore initi dissociatio ac dissolutio, & certa quidem & infallibilis: sed separatio hæc neutrius partis interitus is est, qui adimat extinguatque omnia; manet enim animus, nec moritur; nec corporis excitandi spes potest excidere Christiano homini. Quare cum æterna vita supersit, sic vivamus, ut non frustra nati, non temere naturæ dona tam excellentia à Deo accepisse videamur.

psal. 35.

Mors naturalis
vita contraria.

CAPVT XXV.

Vitam peccati immanem esse tyrannidem.

Vita naturalis 7.
quid sit.

Ex his concipimus quid sit vita naturalis, quæ (ut collectim dicamus) aliud nihil esse videtur, quam substantia quedam spiritualis, quæ se spiritualiter & corporaliter movet ac perficit, quæque tribuit homini ut sit, estque facultatum, quibus operatur, origo, illisque melius omnium operationum principium. Videamus nunc an similitudine quadam peccati vitam si non ad vivum describere, saltem aliqua ratione adumbrare valeamus; nam & eius cognitio non parvam nobis utilitatem adferet.

Est

Est ergo vita peccati habitudo quædam spiritualis, quæ animum contaminat, Vita peccati facultates occupat & inficit, mouet intellectum, voluntatem, omniâq. corporis quid. organa ac membra: facit vt, qui filius Dei sit, euadat flagitiosus; filius iræ, filius perditionis, filius diaboli; estq. malorum omnium, quæ vel in animo sunt, vel ex homine prodeunt, origo ac principium.

Esse in primis talem in homine vitam, primùm omnium probandum est, ne initio nostra vacillet oratio. Ait enim D. Paulus: *Sicut peccati vitam, probatur. Rom. 5.* regnauit peccatum in mortem, ita & gratia regnet per iustitiam in vitam eternam. At gratia est animæ vita, vbi ipsa regnat: est ergo peccatum animæ vita, vbi regnat in nobis. Verùm non quodlibet peccatum vitalis est animæ, sed illud quod viuut, quod regnat: concupiscentia enim post Baptismum peccatum est, sed vitam non habet. Vt ergo fides sine caritate aut gratia mortua est in semetipsa, ita etiam concupiscentia dimissa culpa ac voluntate peccati mortua est, & vitam non habet: alioquin & Paulus filius mortis & peccati fuisset; ait enim: *Si Rom. 7.* autem, quod nolo, illud facio; consentio Legi, quoniam bona est: nunc autem iam non ego operor illud, sed quod habitat in me peccatum, id est, peccati fomes & concupiscentia; quæ quamuis vitam non habeat, & mortua esse censetur quo ad culpam, non tamen quo ad velitationem, & exercitium nobis relictum. Vt enim serpens dissectus in partes parum quidem nocere; attamen si accesseris, adhuc mordere potest: & sicut candela, extincta flamma, domum quidem non faciliè incendit, tamen igniculum fouet adhuc vrentem: sic & concupiscentia, etsi emortua, pungit tamen, & sæpe cruentat, si audiamus; & igniculus vrit, & si materiam aridam inueniat, etiam flammam in ea excitabit. Quamuis ergo concupiscentia peccatum dicitur, quia à peccato orta ad peccatum inclinatur ac proritat; nihil tamen damnationis est ijs qui sunt in Christo IESU, *Concupiscentia vocatur peccatum. Rom. 8.* qui non secundum carnem ambulant.

Verùm si regnet peccatum, ergo viuut: actus enim vitæ sunt imperare, regere, regnare, leges condere & edere, habere subditos quibus quispiam mandet, & cui obtemperetur. At peccatum regnat; alioquin quispiam mandet, & cui obtemperetur. At peccatum regnat; alioquin cur nos hortaretur Apostolus ^a ne regnet peccatum in nostro mortali corpore? ^b Et seruos habet, Christo Domino auctore: *Peccati seruitus ac tyrannis prima. a Rom. 6. b Secunda ratio, seruitutis. c Ioan. 8. d Rom. 6.* Qui facit peccatum, seruus est peccati. Ait quoque Apostolus: ^d Nescitis quoniam cui exhibetis vos seruos ad obediendum, serui estis eius cui obeditis, siue peccati ad mortem, siue obeditionis ad iustitiam? Diuus item Petrus, de falsis Prophetis loquens, Libertatem, ait, illis promittentes, cum ipsi serui sint corruptionis: *a 2. Pet. 2.* quo enim quis superatus est, huius & seruus est.

Vt ergo Princeps aliquis, varios seruos habens, huic mandat, Fac similitudo 1. hoc, & facit; illi præcipit, Vade illuc, & vadit; alteri, arma sumat, & aduersarium interimat, & paret: ita & peccatum dum viuut, dum regnat

X

in

in nobis, præcipit seruo suo, homini peccatori, ut id, quod habet in delicijs, faciat, & facit. Et primò satis illi est fecisse semel: tum duplicat, multiplicat, centuplicat lapsus; initio quidem ita secretò, ut à nemine videatur, &, orta minima suspitione, seruus suffunditur rubore ac verecundia. Deinde mandat fieri sine timore; denique sublata fronte, inuerecundè, impudenter, nullo Dei hominumque respectu. Et hæc quidem in vno genere; sed turpitudine vna aliarum subsidiū requirit: cœpit ab vna, addita est deinde altera, & tertia, & decima, & centesima; & sic vnico peccato, tamquam domino, centum aut etiam mille alia seruiunt; & toties replicantur, quoties dominus ipsanit & mandat; & quia semper insanit, (quæ enim sanitas esse possit in morte viuenti?) in peccati obsequio miser homuncio (quem Deus orbis Principem considerat) perpetuò versari cogitur. Et ut prædo in ædibus primū priuatis, & ijs quidem in quibus inhabitat, furti tirocinium ponit, deinde in vicinas ædes irrumpit, tum tota grassatur vrbe, denique etiam vias obsidet regias; ita peccatum, seu voluntas peccato mancipata, timet initio vel in actum Venereum aliūve consensum præbere; sat illi & abunde est, si cogitando delectetur; id euadit familiare, pergit vlteriùs, optat tantum, optat (inquā) quod nec ausit nec velit omnino exercere; vult postmodum, sed non audet; verum mandat dominus seruo, Fac hoc, & facit; Vade, occasiones quare, sollicita,ingere te, verecundiam postpone, & vadit. At impediatur. Sume, ait dominus, arma, obuios quosque sterne, viribus vtere tuis & meis: & seruus paret. O potentē dominum, cui mundi caput ita obsequitur, ut nec Deus ipse, cui omnia debemus, æterna pollicens tantundem obtinere possit! Ideo indignabundus exclamat Paulus: *Ne exhibeatis membra vestra arma iniquitatis peccato*. Proh dedecus ac infamiam! non est facultas in homine vlla, quæ in obsequio peccati non impendat sese, & superimpendat. Intellectus modos malè agendi excogitat: volūtas omni ardore fertur in bonum optatum; mandat phantasia, illaque repræsentat permulta; appetitui habenas laxat, & instar equi in fœditatem omnem profilit: adiungunt sensus omnes dispositi delicias domino suo paratas excipere, inducere, ac deferre: adsunt membra omnia, os, dentes, vox, manus, pedes, brachia, lacerti, ut seruiant. Si quis sese obijciat & impediatur, erunt & arma, quibus & sese tueantur, aliosque offendant. Si gladius absit, dentes & ungues vices supplebunt. Manus instar mallei collecta tibi caput obtundet, pes furore armatus sicut equus inopinatò impetet calcibus. Denique omnia hæc membra arma sunt, ut misella anima feriatur, confodiatur, trucidetur, & infelicissimè intereat. Quid dementius, quid tetrius dici excogitarique potest? At peccatum hoc facit, cum regnat, teste eodem Apostolo: *Exhibuistis membra vestra seruire*.

Similitudo 2.

Rom. 6.

Eadem.

seruire immunditia, & iniquitati ad iniquitatem.

8. Milites ergo habet peccatum; & sibi repugnantes distinet, atque *Tertia ratio*
prehenfat, si capere omnino non possit. Cepit orbem vniuersum, & *seruitutis.*
in carcere ac seruitute diutissime tenuit. Cum autē detinet, tot catenis
inuoluit atque obstringit, vt etiā soluti, soluti omnino esse non possint.
Hoc sit exemplo. Primus parens pactum iniit cum peccati primo au-
ctore ac principe diabolo, qui nos omnes licitatus pretium obtulit vni-
uersi orbis, voluptatem, quæ colligi poterat ex esu vel etiam morsu vni-
co pomi vnus. Magni fecit id pretij parens noster, nosque omnes ven-
didit. Princeps verò mendacij tradidit nos peccato, filio suo primo-
genito, immanissimo tyranno; cui totus pæne mundus ab exordio ser-
uiuit. Horum seruorum aliqui nouum obsequij stipendium postula-
runt, vt mancipiorum instar planè adstricti seruirent. Venit postmo-
dum Christus Filius Dei, qui peccatum cruci affixit, vt illud destrueret,
& catenas omnes dissolueret. Fecit. *Vetus homo noster*, ait Paulus, *cruci-* *Rom. 6.*
fixus est, vt destrueretur corpus peccati. Item: *Et vos, cum mortui essetis in* *Col. 2.*
delictis, & præputio carnis vestræ, conuiuificauit cum illo, donans vobis om-
nia delicta; delens quod aduersus nos erat chirographum decreti, quod erat con-
trarium nobis, & ipsum tulit de medio, affigens illud cruci; & expolians princi-
patus & potestates traduxit confidenter, palam triumphans illos in semetipso.
Magna potestas Filij Dei, qui tyrannum & patrem eius debellauit, eo-
rumque vires comminuit. Nihilominus sanctus Apostolus, *Lex*, ait, *Rom. 7.*
spiritualis est; ego autem carnalis sum, venundatus sub peccato: quod enim ope-
ror, non intelligo: non enim, quod volo bonum, hoc ago; sed, quod odi malum,
illud facio. Nunc autem iam non ego operor illud, sed quod habitat in me pecca-
tum. Condelector enim legi Dei secundum interiorem hominem: video autem
aliam legem in membris meis, repugnantem legi mentis meæ, & captiuantem me
in lege peccati. Ego ipse mente serui legi Dei, carne autem legi peccati. O dura
captiuitas, quam etiam summi Dei amici à tyranno patiuntur! Si iusti
iugum ferre nequeunt, quomodo ferent qui alligati iugo seruitutis
quasi in incude malleorum ictus sentiunt?

9. At milites hi carent stipendio? Nequaquam. *Stipendia peccati* *Quarta ratio,*
mors, ait Apostolus. &: *Quem fructum habuistis tunc in illis, in quibus nunc* *stipendia pec-*
erubescitis? Infaustum stipendium, infausti domini; vt seruus, quia *cati.* *a Rom. 6.*
optimè domino seruiuit, ideo cruci infami figendus sit; & viuus, &
numquā moriturus, æternū viuētibz ignibus summa cum infamia
ac desperatione debeat conflagrare. O insensati mortales, quis vos fa-
scinavit obedire tam immani bestię? tam truculento leoni? tam insa-
tiabili perditionis vestræ gurgiti? Vbi sensus? vbi ratio? vbi vel exiguus
humanitatis radius? Si post hanc tyrannidem saltem vos beatos effi-
ceret, vel certè vobis nihil mali contingeret! Non est ita. In omne
X 2 genus

genus malorum præcípites itis, Dei beatissimi amicitiam perditis, dissipatis hereditatē cui nulla potest comparari, vitam profunditis quæ terminum nescit vel durationis, vel delectationis, ac felicissimę voluptatis. Christus clamat, Reficio; hostis clamat, Deficio: & tu reficientem deseris, destruētem sequeris.

Quinta ratio,
immanis do-
minatus.
Rom. 6.

Gen. 4.

10. Sed eò, vnde digressa est, redeat oratio. Peccatum dominus est, & quidem vbique dominari vult, vbique primas tenere; alioquin Apostolus non diceret: *Peccatum vobis non amplius dominabitur; non enim sub lege estis, sed sub gratia.* Dominabatur ergo cū essemus sub lege. *Sub te erit appetitus eius*, ait Dominus, *& tu dominaberis illius.* Reprehendebat Cain, quod permisisset appetitum peccati dominari in se. Ita enim est, vbique dominari vult; quamuis immanis ac barbarus, vbique dominatum obtinere: & inuenit adeò amentes, vt se illi subijciant? Rationem, si possit, è sua sede deturbat, vel impotentibus desiderijs, vel graui perturbatione, vel etiam ebrietate & crapula. Cur ita? Quia solus dominari vult, nec consortem admittit imperij. Quid? imò ne quidem Deo vult cedere. E corde hominis, si valeat, Deum eiusque gratiam exterminabit; & si sedem vmquam fixerit, difficulter inde auelletur. Si modus esset, Deum ipsum è cælo deturbaret, protereret, ac destrueret: ij enim sunt peccati conatus, vt Deum perdat, conterat, & in nihilum redigat; quia omnibus dominari vult.

Solus vt in vacua regnet Basiliscus arena.

Sexta ratio, in
iustis passio.

2. Cor. 12.

Septima ratio.

Ad iustificatos ipsos venio. Sunt in animis iustorum præstantissima dona gratiæ & virtutum: at sint virtutes intensissimæ, sit gratia inhærens in summo gradu; vna passio vehementior, etsi tantummodo reliquæ ac vestigium huius domini sit, & seruus quasi effectus atque emeritus, tamen supereminere vult omnibus; plusque incommodi adfert subinde, quàm multorum annorum fructus ex virtutum collectus operibus. Queritur de hoc seruo D. Paulus. *Ne (inquit) magnitudo reuelationum extollat me, datus est mihi stimulus carnis meæ angelus satana, qui me colaphizet.*

Quid si regnet in animo hominis, pulso gratiæ præsidio? Tum demum sanè, quantumcumque præstantia naturæ munera inueniat, toti homini dominatur, rabiem suam exerit in homines, in bruta, in rupes. Interdum domum euertit, voce, manibus, calcibus, armis, flamma, furore conuellit omnia, quia dominari vult.

Sint in vna domo mille pacifici; vnus hominis vnica proteruita turbabit omnes, pacem auferet, omnes suæ libidini volet subijcere. Vnius fufurrionis maleuolentia aulam Principis sanctissimi, vrbes item, regiones, regna subuertet, conuelleret, ac solo æquabit. Inquieti Religiosi lingua maledica sanctissimos alioquin viros exasperabit; filij-familias ebriosi

ebriosi incontinentia, familiæ totius ordinem quietemque confunder. At hi omnes vnicum habent peccatum: & idipsum est quod statui-
mus, dominum hunc solum præesse velle, nemini cedere, turbare, per-
dere, sternere omnia, nihil ordinatum, quietum, factum tectumque re-
linquere; appetit primas cathedras, & primos accubitus in mensis, &
vult in foro saluari, lautè tractari, indui *purpura & bysso, epulari quotidie* *Luc. 16.*
splendide, nihil patitur sibi deesse commodorum. Manus eius contra
omnes, & omnium contra ipsum. Habet de singulis quod dicat, re-
prehendi nullo modo vult; supra modum laudari, quia dominus est, &
omnibus dominari appetit. *Dentes leonis, dentes eius, interficientes ani-* *Eccli. 21.*
mas hominum: quasi romphæa bis acuta omnis iniquitas, plage illius non est sa-
nitas. *a Molares eius ut catuli leonis: b sicut rugitus leonis, ita & terror Regis* *a Ioc. 1.*
huius. Nam parem neminem leo, neminem superiorem admittit. So- *b Preu. 20.*
lus Rex dominatur, & rugitu suo cuncta animalium genera prostermit.
Quod si initio blandus catulus est, leonis tamen catulus est, tandemque
aliquando *fit leo, & discit prædam capere, & homines deuorare; viduas facere,* *Ezech. 19.*
& ciuitates eorum in desertum adducere. Talis est peccati dominatus.

II. Diximus in vita naturali rationem agere præsidem imperij, actio- *Obstata ratio,*
nibusque omnibus tamquam æquam regulam præesse; & bene: at in *furor pro ra-*
vita peccati, *fit pro ratione voluntas;* summa rationum esto, Ita placet; *tionem.*
totque soles rationis irrationalis sunt, quot voluntatum fluctus, quot
passionum monstra, quot cæca desideria. At quid illa operantur præ-
ter confusionem & mortem? *Cum essemus in carne,* ait Apostolus, *passio-* *Rom. 7.*
nes peccatorum, quæ per Legem erant, operabantur in membris nostris, ut fructi-
ficerent morti. Hi sunt consiliarij qui consuluntur, quibus creditur, qui-
bus paretur. Exterminant consilium omne sanum & rectum, delibe-
rationem nolunt, iudicium abijciunt, præcipitantiam hisce præfe-
runt omnibus. Sed si cæcus cæco ducatum præstet, nonne ambo in foveam *Matth. 25.*
cadunt? *Luc. 6.*

Est & hic tyrannus legislator, legesque conduntur pro libidine, &
quidem conformes illi legi de qua D. Paulus: *Video aliam legem in mem-* *Nova ratio,*
bris meis, repugnantem legi mentis meæ, & captiuantem me in lege peccati. *iniqua leges.*
& Lex spiritus vitæ in Christo IESU liberauit me à lege peccati & mortis. *Rom. 7.*
At *Rom. 8.*
quas leges, quas tabulas hic legislator suis condet subditis? Basis om- *Leges peccati.*
nium hæc est: *Nemo carnem suam odio habuit, sed nutrit & fouet eam.* *Lex* *Ephes. 5.*
ergo fit: Curam tui primam soliusque ducito. Statue ædificij tui bases
tres, in quibus felicitatem summumque bonum constituas; honores
nempe, diuitias, ac voluptatem. Si per ostium nequis intrare, irruet per
fenestram, & domus sublimia occupa. Marsupijs plenis, horreis ac pe-
nuarijs cructantibus, animæ tuæ gratulare de beatitudine acquisita.
Tene quod habes, ne alius accipiat erumenā tuam. Denique *Exiguum* *Sap. 2.*

Et cum tadio est tempus vite nostrae, & non est refrigerium in fine hominis. Venite ergo, fruamur bonis quae sunt, & utamur creatura tamquam in iuventute celeriter. Vino pretioso & vnguētis nos impleamus, & non praeceat nos flos temporis. Coronemus nos rosis, antequam marcescant: nullum pratum sit, quod non pertranscat luxuria nostra. Nemo nostrum exors sit luxurie nostra; ubique relinquamus signa letitiae: quoniam haec est pars nostra. Opprimamus pauperem iustum, & non parcamus viduae, nec veterani reueremur canos multi temporis; sit autem fortitudo nostra lex iniustitiae. Connubij verò lex Domus Caritatis esto, cuius & proles & parentes communes sunt. Crescite & multiplicamini, & replete terram. Ventrem vnicum tibi Deum deligito ac colito. Fidem serua quam diu tibi utile est; si inutile, perfidiam nullam puta.

Gen. 1.

Schola Machiavellica
praecepta.

Iura, periura, secretum prodere noli.

Nullum scelus reputa, quod vel abditum est, vel ad magna viam aperit. Sic versare, quasi potentiam omnem vereri videaris; sic age, ut, si valeas, omnem potentiam tibi subternas, nulli pareas. Tibi soli lex esto: iura vel humana vel etiam diuina nulla, nisi quatenus eorum observatio honori vel bono sit. Adempti aut etiam tacti honoris, vel iniuriae tibi illata auctorem in medio tollito. Si secretum non possis, ferto quidem, & vultu benevolentia simulata occasionem expectato, donec supplicium gravitate poenae vindicta tarditas exaturat & compensarit. Qui tibi non faueat, ferto neminem.

Decima ratio
coniugium pec-
cati & carnis.

12. Nemo verò mirari debet tales condi leges: ille idem prae potens dominus in thalami sociam carnem sibi coniugavit; ex quo connubio sobolem educit copiosam. Illam amat incredibili amore: & sanè fidelis ei coniux est, complacetque in omnibus. In utroque coniuge (vti in vita naturali virtutum semina esse diximus) vitiorum semina haud fecus quam in cœnoso bufonum stagno densè volutantur.

Proles.
Psalm. 7.
Isaia 59.

Proles sanè copiosa: nec mirum; nam vterque perpetuò parturit iniustitiam, concipit dolorem, quid ni parerent iniquitatem? Oua aspidum supponunt ac rumpunt, & serpentes ac dracones recludunt. Qui comederit de ouis eorum, morietur. Hi enim vesani parentes serpentes sunt & dracones, ouaque in mentibus nostris & ponere & fouere conantur, imò & rumpere atque excludere. Oua sunt eae suggestiones, ac praua furtiuæque consilia, quæ animis nostris persæpe identidem obtrudunt aut recondunt: & quidem ea fouent in nobis, dum tacitè & ex insidijs nos adoriuntur; rumpunt verò, dum palàm impetum faciunt. De quibus D. Iacobus: Vnusquisque tentatur à concupiscentia sua abstractus & ille-ctus: deinde concupiscentia cum conceperit, parit peccatum; peccatum verò cum consummatum fuerit, generat mortem.

Iacobi. 1.

Primogenitus
peccati.
Gal. 5.

Primogenitus horum coniugum est amor sui inordinatus, & hic superbiam, avaritiam, & immunditiam generat, hi autem serpentium & draconum filij cetera omnia vitiorum portenta; ita enim D. Paulus:
Manifesta

Manifesta sunt opera carnis; qua sunt fornicatio, immunditia, impudicitia, luxuria, idolorum seruitus, veneficia, inimicitia, contentiones, emulationes, ira, rixa, dissensiones, secta, inuidia, homicidia, ebrietates, comestiones, & his similia, quae prae dico vobis, sicut praedixi, quoniam, qui talia agunt, regnum Dei non consequentur.

13. Hæc omnia homines cæci non vident; nauulos sanctorum acutissime discernunt, & defectus naturales iustorum exaggerant: vident aliorum animas in omnibus, in vultu, in manibus, in incessu, & eos viuere statuunt, de vita & moribus eorum iudicant, & non vident se mortuos esse Deo, viuere diabolo, se mancipia teterrimo domino seruire. Vbi frons tua, ô sapientissime hominum? vbi prudentia? O quam sapienter Apostolus: *Prudentia carnis, mors est! Væ qui sapientes estis in oculis vestris, & coram vobismet ipsis prudentes*: nam in alienis omnibus estis fatui. Ipsa claudet oculos vestros, ait Isaias; Prophetas & principes vestros, qui vident visiones, operiet. Item: *Sapientia vestra & scientia vestra decepit vos*. Sed quid ait Scriptura? *Perdant sapientiam sapientium, & prudentiam prudentium* reprobabo. Nonne stultam fecit Deus sapientiam huius mundi? *Sapientia huius mundi stultitia est apud Deum*. Scriptum est enim: *Comprehendam sapientes in astutia eorum*. Hæc est illa prudentia, quæ omnes peccatorum actus dirigit. Bene Christus Dominus: *Si oculus tuus (inquit) fuerit simplex, totum corpus tuum lucidum erit; si autem oculus tuus fuerit nequam, totum corpus tuum tenebrosum erit*. Oculus enim purgatus & lucidus res agendas ac tractandas optimè nobis repræsentat; quod oculus puluere aut prauo humore aspersus, aut tectus macula notabili, facere non potest. Intellectus noster, vt interpretatur D. Chrysostomus, oculus est, quem prudentia puriorem & clariorem reddit. Hic si puluere amoris rerum transcurrentium, aut humore carnalium desideriorum, aut denique graui peccati & erroris macula labefactetur, defectu luminis, actionum nostrarum corpus obscurum erit, & in graues incidemus errores. Si enim *lumen quod in te est, tenebre sunt; ipse tenebræ quantæ erunt!* & si errore ac mendacio regaris; ipsa opera quæ ex se lumen non habent, nisi ab intellectu & prudentia, quanta obscuritate atque errore laborabunt! Si stulto regimen Reipublicæ committas, quid censes de illa futurum?

14. Quare, vt aliquando concludam, *debitores sumus non carni, vt secundam carnem viuamus*: quid enim ipsa de nobis merita est? Quot nobis molestias facessit! Quid, quod cum Dei aduersario fœdus iunxit, in nostram coniurauit perniciem? *Si enim secundum carnem vixeritis, moriemini*. In quo ergo debitor es carni? vt secundum eam viuas? Ipsa pellex est peccati, quæ in te mortem operabitur: ille tyrannus est, qui non regere, sed tibi dominari cupit, & perdere. Memor semper esto consilij

Rom. 6. consilij Apostolici: *Non regnet peccatum in vestro mortali corpore. Etenim*
Hom. 11. in cap. 6. ad Rom. *absurdum planè (ait Chrysostomus) atque indecens, ad calorum regnum vo-*
catos pro Regina peccatum habere; vocatos ut cum Christo regnent, peccati ca-
ptivos esse malle: perinde ac si quis, diademate à capite abiecto, intemperijs acta
mulieri mendicæ ac pannos æ servitutem servare velit. Hæc ille, sed elegan-
Hom. 9. in cap. 3. epist. 1. ad *tius alibi ac copiosius. Et si quis (ait) sit dives, etsi genere nobilis; est vilibus*
Corinth. ad *& ignobilibus vilior, quando captus fuerit à peccato. Quomodo enim et si quis*
Verba: Nescitis *regnauerit, fuerit autem servus, est barbaris omnibus inferior; ita etiam in pec-*
quia templum *cato. Barbarum enim est peccatum, & tyrannidem exercens in animam nescien-*
Dei estis. *tem parere semel captam, sed in perniciem eorum qui ipsam suscipiunt. Nihil est*
enim aequè inconsideratum atque peccatum, nihil adeo amens & stultum & vio-
lentum. Omnia euertit, & confundit, & perdit quocumque insilierit. Est visu
deforme, importunum, molestum, graue: & si quis pictor ipsum effingeret, non
mihî videretur aberrare, ipsum sic effingens; mulierem quandam forma belluina,
barbaram, ignem spirantem, inincundam, nigram, quales externi poetæ depin-
gunt Scyllas: manibus enim innumerabilibus nostras apprehendit cogitationes
& ratiocinationes, & ex improviso ingreditur, & omnia discerpit & dilacerat,
sicut canes clanculum mordentes. Hæc ille: quæ prosequitur elegantissima
descriptione auari hominis. Denique cum dæmone peccatum con-
ferat his verbis: Peccatum dæmonie peius eijciamus. Dæmon siquidem non om-
In epist. ad *nino spoliatur regno calorum, sed subinde fit ut & prosit modesto & vigilantî: pec-*
Rom. cap. 15. *catum vero omnino excludit; voluntarius quippe dæmon est peccatum, sponta-*
neusq; insania. Hæc Chrysostomus. Quibus omnibus pæne cuncta, quæ
sal. *diximus, complexus est.*

Mors peccati. 15. Huic vitæ contrariatur mors peccati: quod secundum genus
 mortis est, estque separatio letalis peccati ab anima; quæ à morte natu-
 rali in hoc discrepat, quod per solam partium compositi separationem
 interitus ac mors sequatur. Non est ita in destructione peccati: alia
 vita introduci debet, quæ vitam illam funestam eijciat; de qua Christus
 ait: *Luc. 11.* *Cum fortis armatus custodit atrium suum, in pace sunt ea quæ possidet; si*
autem fortior eo superueniens vicerit eum, vniuersa arma eius auferet, in quibus
considebat. Introducitur verò fortior armatus cum noua vita, per Dei
gratiam, aut singulari animi dolore, aut Sacramentorum susceptione,
aut martyrij voluntaria perpeffione, adhibita aliqua pœnitentia. In
Christi Domini morte ac resurrectione forma aliqua mortis huius ac
ordinis elucet: ipse enim traditus est propter delicta nostra, & resurrexit pro-
pter iustificationem nostram. Christus ergo in cruce moritur, & nos pec-
Per Christi *cato morimur: morti succedit resurrectio, & peccati nostri remissio-*
mortem figu- *ni iustificatio & resurrectio quædam à morte sufficitur, gratia in nobis*
ratur. *vitam nouam excitante. At Christus resurgens ex mortuis iam non mori-*
Rom. 6. *tur, mors illi ultra non dominabitur. Quod enim mortuus est peccato, mortuus*
est

est semel; quod autem viuit, viuit Deo. Ita & vos (subiungit Apostolus) existimate, vos mortuos quidem esse peccato, viuentes autem Deo, in Christo IESU Domino nostro. Non autem sic viuentes, vt in mortem relabamini; sed viuentes Deo, qui non moritur, & conformes Christo, qui rediuuius eo à morte remotior est, quo Patri in gloria similior. *Qui ibidem.* enim mortui sumus peccato, quomodo adhuc viuemus in illo? Vetus homo noster crucifixus est, vt destruat corpus peccati, & ultra non seruiamus peccato. *Qui enim mortuus est, iustificatus est à peccato.* Vis ergo iterum mori, vt iterum crucifigaris? Christus semel crucifigitur, semel moritur, *mors ibidem.* illi ultra non dominabitur. Ergo dedecet nos iterum Deo mori, viuere peccato. Et hæc sanè spem æternæ retributionis in nobis excitare debent, & constantiam: *si enim complantati facti sumus similitudini mortis ibidem.* eius, simul & resurrectionis erimus.

Nec verò miretur quis, quòd diximus fortem armatum pelli oportere à superueniente potentiori; ita enim fit. vt namque tenebræ pellantur, superuenientes solis radij id efficiunt; & prius quidem adueniunt, quam ipsæ tenebræ recedant: vt verò splendor ipse locum ipsum vestiat ac informet, prius tenebræ pulsæ concipiuntur. Sic etiam in genere causæ efficientis, vt loquuntur Scholastici, gratia prius peccati tenebras propellit; sed in genere causæ formalis, obscuritas peccati loco cedat necesse est, priusquam gratia animam ipsam compleat atque exornet. Accedit quòd resurrectio spiritualis sit noua vita, quæ mortem peccati planè sequitur. Ex quibus patet, telum, quo peccatum confoditur, esse Dei gratiam, qua hoste teterrimo pulso nouum regnum inducitur, nouaque vita, quæ resurrectionis nomine exprimitur; quòd homo peccato mortuus, Deo & gratiæ ipsius reuiuiscat: de qua vita modò dicendum erit.

Ad 1.2.9. v. 13. & 1. & 2.

CAPVT XXVI.

Vitam spiritualem seu gratia & dici & verò moueri debere à spiritu, eodemq; ab alijs discerni.

16. **V**ITAM in anima nostra reperiri quæ alia sit à vita naturali, tam Christianis certum esse statuo, vt id ipsum sole clariùs videri possit. sed quia pauci in hanc regiam, præsentia summi Regis illustrissimæ, ingrediuntur, assueti tenebris mundi huius, nec sine dolore hunc splendorem ferunt, radios verò intueri nullo modo possunt; ideo caligantes oculi laborem fugiunt, dolorem exhorrescunt. Si quando videndum eis est, vtuntur sole qui terram irradiat; vtuntur

Spirituales pauci cur esse velint.

Y

oculis,

oculis, subinde intellectu & ratione, etsi multi perrarò, imaginatione plurimi, & in plerisque rebus: quid mirum si cæcutiant ad solis interni splendorem, si lippientes præstringantur oculi, si acie palpitent? noctuæ enim sunt, & tenebras amantes lucem fugiunt, laboremque excutientes suauissimo Dei lumine priuantur. Hi ergo iuuandi sunt: idcirco vitam naturalem descripsimus, ut similitudine quadam spirituales possint agnoscere.

Vitam esse in nobis spiritua-
lem.
a. 1. Ioan. 3.
Col. 3.
Ibidem.
Ioan. 1.
1. Ioan. 3.
Col. 3.
Ioan. 1.
Ioan. 3.
Ephes. 5.
2. Tim. 3.

17. Nihil euidentius à Scriptura asseritur, & à Patribus. Dicit enim D. Ioannes, *a nos ideo translatos esse de morte ad vitam, quoniam diligimus fratres.* Mortui enim sumus, non vitæ corporali defuncti, sed peccati vitæ decussa in vitam meliorem translati; quod D. Paulus euidentius explicat his verbis: *Mortui estis, & vitæ vestra abscondita est cum Christo in Deo.* Non ita oculis patet; quia in Deo, qui huius vitæ pars est præcipua, latet: spiritus enim Deus est; & vitæ hæc spiritualis, non corporalis. Cum autem Christus apparuerit vitæ nostræ, tunc & nos apparebimus cum ipso in gloria. At qui sunt huius vitæ auctores? qui parentes? Ex Deo nati sunt, ait Ioannes. & alibi: *Nos filij Dei sumus, & nondum apparuit quid erimus.* quia vitæ nostræ abscondita est cum Christo in Deo: nati, inquam, non ex sanguinibus, neque ex voluntate carnis, neque ex voluntate viri, sed renati ex aqua & Spiritu sancto, in utero matris nostræ Ecclesiæ, quam Christus impensè dilexit, & seipsum tradidit pro ea, ut illam sanctificaret, mundans lauacro aquæ in verbo vitæ, ut exhiberet ipse sibi gloriosam Ecclesiam, non habentem maculam, aut rugam, aut aliquid huiusmodi, sed ut sit sancta & immaculata; & ut nos similiter sancti simus, nati ex sanctissimo patre & sancta matre, sponsa Christi, columna & firmamento veritatis.

Hæc vitæ rationalis est; hoc enim supponitur: est namque spiritualis, ornamentum ac PERFECTIO vitæ naturalis. Hinc nos hortatur Apostolus, ut rationabile sit obsequium nostrum; & addit, *ne conformemur huic sæculo, sed reformemur in nouitate sensus nostri.* quibus verbis indicat naturalem vitam esse deformatam, reformari verò posse ac perfici per spirituales; sensibus quoque inueteratis novos sensus substituendos: nam & hæc vitæ sensus habet; alioquin cur diceret Dauid, *Gustate & videte quoniam suavis est Dominus?* & si odoratum non haberet, cur diceret Sapientia, *Ego quasi vitis fructificanti suauitatem odoris?* & si tactus voluptate non caperetur, cur anima amantissimo suo Domino diceret, *Osculetur me osculo oris sui?* & si auditu non vteretur, cur Dauid se ad audiendum excitaret, dicens, *Audiam quid loquatur in me Dominus Deus?* Signum item vitæ est motus: mandat autem Deus Abrahamo, *Ambula coram me, & esto perfectus.* Noë quoque, pater eius, cum Deo ambulasse dicitur; sicut & Enoch. Denique Apostolus hortatur nos, ut in nouitate vitæ ambulemus; & addit circumstantias, *Sicut in die (inquit) honeste,*

ne vlla nocturna, indecens, & indecora conuersatio intuentium oculis displiceat. Respiratio etiam vitæ indicium est: & Rex Dauid, *Os in-7. Respiratio.* quit, *menum aperui, & attraxi spiritum*: nempe, quia mandata tua desiderabam. Vt enim animalia in aëre viuentia spiritum cordi refocillando attrahunt ac remittunt: sic ij qui vitam de cælo trahunt, requirunt aërem diuinum, diuini Spiritus refocillationem, quo confortatur hominis cor; quod fit cum vltro citroque homo Dei voluntati summo desiderio acquiescit, & Deus vicissim voluntatem timentium se facit, de- *Psal. 144.* precationes eorum exaudit, & saluos eos efficit.

18. Qui viuunt naturalem vitam, eam alimento sustentant. Huic vitæ, *8. Natiuitas seu Baptismus.* quam in Baptismi fonte adipiscimur, paratus cibus est; & animis sua quoque cibi potusque appetentia est. *Qui enim edunt me,* ait Sapien- *Ecclesi. 24.* tia, *adhuc esuriunt; & qui bibunt me, adhuc sitient.* Sed pueris cibi molliores conueniunt; ideo Sacramento Confirmationis muniuntur ac *9. Cibus paruulorum & grandum, seu Confirmatio & Eucharistia.* roborantur, atque ideo dicitur paruulis: *« Cibus sum grandum; cresce, & manducabis me. »* Ego sum panis viuus, qui de cælo descendi: si quis manducauerit ex hoc pane, viuet in æternum. *2. August. in Confess. Ioan. 6.* Caro mea verè est cibus, & sanguis meus verè est potus. Si quis in morbum incidat, ei medicamento opus est: & morbis animi suum remedium est, cum refrigerio spiritus, & solatio spiritualium medicorum. *10. Medicina morborum, Penitentia & extrema Vnctio.* Insufflauit enim Dominus, medicus orbis, Spiritum sanctum in Apostolos, vt & peccatū remitterent, & sanarent ægrotos, ac solarentur: & ad abstergendas morborum reliquias Vnctio extrema relicta nobis est; quæ etiã vires confert ad hostis insidias detegendas, eumque in extrema lucta debellandū. Sed quid si patres desint, qui spirituales filios generent? Non sanè desunt; cur alioqui Ioannes Apostolus diceret: *« Filioli mei, non diligamus verbo neque lingua, sed opere & veritate? »* & D. Paulus: *« Filioli, quos iterum parturio, donec formetur Christus in vobis. item: Si decem millia pedagogorum habeatis in Christo, sed non multos 11. Filiorum propagatio, Ordo & Matrimonium. d. 1. Ioan. 3. c. Gal. 4. 1. Cor. 4.* patres; nam in Christo IESU per Euangelium ego vos genui. Verum quia generatio spiritualis naturalem præsupponit, & qui nascuntur denuo, primum nasci corporaliter debent; ideo huic propagationi non deest suus quoque fructus vberimus, vt & parentes simul naturales sint & Christiani genitores; quam virtutem ac donum in contractu ac Sacramento Matrimonij iusti recipiunt, ad augendam vitam quam in se continent, eamque fouendam in sobole, quam ex aquis Baptismi, submerso peccato originis, tamquam nouam prolem Dei que filium susceperunt.

19. Sed ad vitæ huius principia propiùs accedamus. Anima nostra *12. Analogia Vita naturalis & spiritualis, atque huius partes.* vitæ naturalis primum principium est: propter quod actus primus ab Aristotele definitur. Vt ergo illa iuncta corpori vitam humanam efficit; sic & gratia, iuncta animæ nostræ, vitam spiritualem generat. De

Iuan. 12.

1. Iuan. 4.

Rom. 1.

Gal. 2.

In Psal. 70.

serm. 2.

Lib. de Verbis

Apost. serm. 13.

cap. 6.

Serm. de Vita

Et 5. sensibus

anima.

In cap. 9. Luc.

Coloss. 3.

Iuan. 1.

Añ. 3.

13. Analogia

Vita spiritualis

cum quatuor

partibus nobi-

lioribus cor-

poris.

I.

Corde.

Ezech. 36.

hac Christus: Ego sum resurrectio & vita: qui credit in me, etiam si mortuus fuerit, uiuet; & omnis qui uiuit, & credit in me, non morietur in aeternum. Filium suum unigenitum misit Deus in mundum, ut uiuamus per eum. Iustus autem ex fide uiuit. Denique, *Viuo autem*, ait Paulus, iam non ego, uiuit uero in me Christus. Hinc D. Augustinus, *Dua sunt*, inquit, *vita; una corporis, altera anima. Sicut vita corporis est anima, sic vita anima Deus. Quo-* modo si anima deferat, moritur corpus; sic anima moritur, si deferat Deus. Idem alibi: *Vnde uiuit caro tua? de anima tua. Vnde uiuit anima tua? de* Deo tuo. *Vnaqueque harum secundum vitam suam uiuit. Caro enim sibi non est* vita, sed anima carnis est vita: anima sibi non est vita, sed Deus est anime vita. Anima ergo debet secundum Deum uiuere: non enim est debitor carnem, ut secundum carnem uiuat. Ergo quae secundum Deum debet uiuere, si secundum seipsam uiuat, deficit. Tunc autem recte uiuit caro secundum animam, si anima uiuat secundum Deum. Et D. Bernardus: *Considera, o anima, quid impendas* corpori tuo, & inuenies sine dubio quodam vitam ei sensumque ministras: & vitam quidem inuenies in toto corpore uniformem, neque enim aliter uiuit oculus quam articulus; sensum uero non ita. *Quare ergo ut tibi quoque anima tua (quae est sine dubio Deus tuus) similia largiatur. Neque enim uiuere dicenda est ani-* ma, quae ueritatis non habet cognitionem, sed adhuc mortua est in semetipsa; quemadmodum & ea sine sensu, quae necdum habet dilectionem. Est ergo anima *vita ueritas, sensus caritas. Hae Bernardus, qui quinque sensibus ex-* ternis suum assignat etiam sensum spirituales internum. Denique Ambrosius Christum appellat vitam nostram cum D. Paulo. Sic enim Christus vita nostra est, quia nobis gratiam promeruit, quae vitam animae tribuit. Cum enim D. Ioannes dixisset ipsum esse plenum gratia & ueritate, adiecit: *Et de plenitudine eius nos omnes accepimus, & gratiam* pro gratia; quia lex per Moysen data est, gratia & ueritas per IESUM Christum facta est. Et Petrus disertè Christum vitae auctorem vocat. 20. Est ergo gratia animae vita: solet uero anima ad conseruationem vitae uti partibus quatuor praecipuis; corde, cerebro, hepate, & pulmonibus. Beneficio cordis membra omnia vitali calore fouet anima, ac omnibus spiritus vitales diffundit; hepatis ope sanguinem conficit, ac corpus nutrit; cerebri auxilio mouet corporis membra; pulmonum adminiculo cor alioquin natura calidius refrigerat. In corde omnium primum ac postremum vita insidet; eoque mortuo, animal non uiuit. Animae spiritualis cor caritas est, quae spiritus vitae per omnia membra dispergit; & si spiritus in homine spirituali non sit, certò scias ipsum non uiuere. Hinc per Prophetam Ezechielem ait Dominus: *Au-* feram cor lapideum de carne uestra, & dabo uobis cor carneum; & spiritum meum ponam in medio uestri, & faciam ut in praeceptis meis ambuletis, & iudicia mea custodiatis, & operemini. Spiritus enim est ipsa gratia, seu anima spiri-

tualis,

tualis, qua vita interna constat, quæ facit ut in præceptis Dei ambule-
mus, & iudicia eius custodiamus. Vbi spiritus non est, ibi certum est
nec vitam nec caritatem esse. Imò solemus nuncupari spirituales à spi-
ritu, non utique humano, sed diuino. Nascimur enim hoc spiritu, teste
Psalmista Regio. *Emitte (ait) spiritum tuum, & creabuntur.* qui? spiri- *Psal. 103.*
tuales, utique à spiritu. Et D. Paulus originem vitæ huius à spiritu, &
quidem infuso, manare testatur. *Non enim, inquit, accepistis spiritum Rom. 8.*
seruitutis iterum in timore, sed accepistis spiritum adoptionis filiorum, in quo cla-
mamus, Abba pater. Ergo per spiritum hunc filij spirituales sumus. Idem
scribens ad Galatas, *Hoc solum, ait, à vobis volo discere: ex operibus Legis Gal. 3.*
spiritum accepistis, an ex auditu fidei? Sic stulti estis, ut, cum spiritu caperitis,
nunc carne consummemini?

Est ergo spiritus qui vitam dat homini internam, qui informat, qui
caritatem producit & accendit, ut vim illius spiritus foras tamquam
ignis exerat. Illum petit Ecclesia, dum ita orat: *Excita, Domine, in Ec-* *In Octaua S.*
clesia tua spiritum cui B. Laurentius Lemita seruiuit, ut eodem nos repleti studea- *Laurentij.*
mus amare quod amauit, & opere exercere quod docuit. Illud omnium pri-
mum à Deo petendum est: ex bono enim spiritu tota vitæ spiritualis sa-
nitas exurgit. Idcirco Salomon hunc spiritum postulauit. *Inuocanti, Sap. 7.*
ait, *& venit in me spiritus sapientia.* Nihil præterea petijt Eliseus à do-
mino suo in celum assumendo, quàm ut duplex veniret in se spiritus
eius. Nec nobis negabitur, quandoquidem & Christus suggerit ut eum
gnauius petamus. *Quanto magis, ait, Pater vester de calo dabit spiritum bo-* *Luc. 11.*
num petentibus se! Apostolis verò quid primum omnium misit Domi-
nus, & quid spirituales eos effecit? certè Spiritus sanctus: alioquin illi-
terati & animales erant, rudes & impoliti; spiritu tamen feruentes,
ignei, nubibus celeriores, tonitruis haud absimiles euaserunt, accensi
nimirum igne quem Deus in terram misit, quem accendi diffundique
voluit. Is vnice nobis petendus est. Hic sufficit vires, hic corroborat
animum, hic magna & ardua aggreditur, seque esse in homine factis
ipsis testatur. Ita orabat David: *Cor mundum crea in me Deus, & spiritum* *Psal. 51.*
rectum innoua in visceribus meis. Ne proicias me à facie tua, & spiritum san-
ctum tuum ne auferas à me. Redde mihi letitiam salutaris tui, & spiritu prin-
cipali confirma me. quem si obtineat, paratum se ostendit ad spiritum
hunc diffundendum, egregiaque opera patranda. *Docebo, inquit, ini-*
quos vias tuas, & impij ad te conuertentur. Requiritur ergo in vita spiri-
tuali cor, & quidem feruens, quod valeat spiritus vitales per corpus
transfundere.

21. Verùm quid proderit cor homini, si cerebro, id est, lumine ac mo- *2.*
deratore, careat, quo motus omnes excitentur ac dirigantur? Vita ergo *Cerebro.*
spiritualis suum cerebrum habet, suas intelligentias, & in primis fidei
lumen,

Fidei necessitas.

Habac. 2.

Psal. 12.

*Lumina spiritalia, seu oculi.
Primum lumen fides.*

Matth. 24.

Fidei usus.

lumen; cuius operatio adeò necessaria est, ut oculorum obtutus in capite: sic intellectus in anima rationali; eiusque defectu, insani & fatui amentesque sapientissimi quique coram Deo reputantur: estque principium spiritualium operationum, sine quo nec Deum amare, nec sancte operari, nec denique vlla ratione saluari possumus. Ideo Habacuc: *Ecce qui incredulus est, non erit recta anima eius in semetipso.* Ignorat enim natura finem suum, opusque habet directore, qui sursum tendere doceat; alioquin ad infima semper demergitur, vel *in circuitu ambulat*, in quo nec principium nec finis inuenitur.

Ipsa ergo fides est quæ animum attollit supra naturam, ac docet ut interno oculo in cælum intendat, & rationibus nitatur in agendo; non naturalibus modò, sed maximè diuinis: hæ enim sunt solidissimæ & irrefragabiles; naturales verò pertrahunt in fines humanos, inanes & vanos, actusque ipsos in ordine naturalium actionum relinquunt, qui vel mali vel non meritorij sunt. Accedit quòd hisce frequenter decipiamur, cum fallaces sint; rarò etiam fit ut efficaciter persuadeamus alijs, quòd à Deo moueri debeant homines ad agendum: rationes verò supernaturales efficaciores sunt, iisque nituntur fundamentis, quæ refutari ac conuelli non possunt, & intellectum conuincunt. Iste oculus non fallit; certior est lumine solis, oculo corporis, & quolibet intellectu creato, etiam Angelorum. Obiecta enim subinde possunt aliter apparere, quàm reuera sint; etiam oculus malè affectus malè iudicat: sed lumen fidei, quæ prima nititur veritate, falli non potest, nec fallere.

Cælum & terra transibunt, verba primæ veritatis non præteribunt.

Verùm cum ceteris certior sit hic oculus, tamen cur vitimur frequentius & assentimur securius luminibus hisce corporis mendacibus? Si proficisci lubet, aperio oculos; si de vita, si de re familiari, de defensione honoris agatur, mentem attollo, seriò cogito, voluo & reuoluo; cur interea luminis adeò certi fideique præsidium negligo? Sanè plurimi mortalium, & quidem qui fidem profitentur, fide non magis vtuntur, quàm si à fidelium grege seiuncti essent, aut certè fides vlla non esset: Signum est ergo eos vel non viuere, vel sponte ruere velle in suum exitium. Longa & periculosa est via quæ ducit ad æternam vitam: quì ibis non apertis oculis? quot putas sunt præcipitia? quot hiatus? quot cauernæ quas fodiunt aduersarij tui? & si cogitas de vita temporali, eiusque subsidijs, cur non de vita æterna? Cur finis hic non assidue obuersatur animo, cum vita tua via sit tenebrosa, quæ ad finem illū tendit, & sine luce in tenebris ambulare non possis? Si fide vt oculo vtereris, Deum vbique præsentem videres, caueres ne quid cogitares; diceres, faceres, quod Maiestatis eius oculos offenderet: si fortè lapsus fuisses, saltè cum templum ingredereris, crucifixi Christi videns effigiem,

effigiem, spinis coronati, verberibus attriti, vulneribus confossi, fide excitatus indubiè dicentem audires hæc pro te Dominum tuum sustinuisse, exprobrantem tibi delicias, mollitiem, impietatem, inconstantiam, ingratitude; denique quidquid libidinosè, iracundè, nefariè egisses, id tibi diuino Spiritu improperari; vnde tibi calcar simul subiceretur vt in te exardesceres, ad pedes Sacerdotis accideres, & sanus domum redires. Alioquin, si sopita fidei lampade incedas, allidèris frequentius ad enormes scopulos; non tibi sacra, non profana, non verbi Dei fulmina, non Mysteria tremenda (quæ immotus, excors, & inuerecundus, quasi in foro stares, aut coram statua insensibili, conspicias) ampliùs proderunt, quàm si tu ipse statua esses insensibilis, nihilque de suprema illa Maiestate dignum homine Christiano conciperes.

22. Sed ad alios mentis oculos transeo. Præter hanc fidei lucem, caritatem comitatur sapientia, quæ & fide illustrior, & maiores thesauros secum deuehit. De hac Salomon cum dixisset se super salutem & speciem dilexisse, & proposuisse pro luce habere illam, addidit: *Quoniam Sap. 7. inextinguibile est lumen illius; venerunt autem mihi omnia bona pariter cum illa, (comitatur enim caritatem, quæ virtutes omnes suo quasi sinu complectitur) & innumerabilis honestas per manus illius, (omnium enim operum, quæ accepta caritate exercemus, honestas à sapientiæ luce splendet) & letatus sum in omnibus; quoniam antecedebat me sapientia, & ignorabam quoniam horum omnium mater est. Infinitus thesaurus est hominibus: quo qui vult sunt, participes facti sunt amicitie Dei.*

Ex hac lex caritatis procedit. Quàm præstans legislator! Si felices putentur respublicæ quibus sapientes imperant; quàm felices animæ quibus præest sapientia, quæ à diuino Spiritu haurit quidquid habet! Fons sapientiæ, inquit Ecclesiasticus, *verbum Dei in excelsis, & ingressus Eccli. 8. illius mandata æterna.* In homine riuus quidam legis & sapientiæ æternæ est, & mandata æterna cum illo de cælis defluerunt.

Agit ergo sapientia in mente legislatorem, & præsidet rebus omnibus diuinis, & luce sua demonstrat. Prima eius lex est, Deum esse diligendum, eundemque esse timendum. Vt enim ex sole calor ac splendor promanat; ita ex gratia, sole animæ nostræ, sapientiæ lumen & calor amoris diuini procedit: & quia timor & amor ab eodem vtero manant, & vnus sine altero esse non potest, soror caritatis est timor Domini; qui subinde nihilominus amoris mater dici solet, sicut & sapientiæ. Idcirco Sapiens ait: *Dilectio Dei, honorabilis sapientia. & Radix sapientiæ est timere Dominum. & rami illius longæui. Oritur enim ipsa sapientia ex timore; non tantum ex germana caritatis sorore, sed etiam ex imperfecto timore. Initium enim sapientiæ timor Domini, & cum fidelibus ibidem.*

in vulua concreatus est. Nobilitatur idem ipse timor Domini & perficitur accessione caritatis & sapientiæ; nec ampliùs timor seruilis, sed filialis est: ita fit vt filij nobiliores sint parente, & ab ipsdē parens nobilitetur ac perficiatur. Hunc præscribit sapientia, internus legislator, in primis, hunc commendat, hunc attollit, vt caritatis fratrem germanum, cum quo perpetuò graditur, & cui inseparabiliter adhæret. Idcirco Sapiens sic eum commendat, vt non radix tantum, sed corona ac ornamentum sapientiæ sit. Corona (ait) sapientiæ timor Domini, replens pacem & salutis fructum. Timor Domini gloria, & gloriatio, & latitia, & corona exultationis.

Ecclesi. 1. Est ergo legum omnium prima & maxima: *Diliges Dominum Deum tuum ex toto corde tuo, & ex tota anima tua, & ex omnibus viribus tuis, & ex omni mente tua; & proximum tuum sicut teipsum.* In his duobus mandatis vniuersa Lex pendet, & Prophetæ. Omnes enim leges, tam diuinæ quàm humanæ, ac virtutum omnium, eò tendunt, vt Deo, nobis, & proximo, cuique quod suum est, reddamus. Fert ergo præterea leges omnes, quas Christi gratia, & caritas quam in nos effudit Spiritus sanctus, continet. Caritas quippe secum pertrahit virtutes omnes supernaturales, & infinita dona atque auxilia, quibus anima tum ornatur, tum perficitur, iuuaturque in virtutum exercitijs. Sapientia singulis his virtutibus lumen suum præfert; & quis finis, quod medium, quæ obligatio sit, suo splendore commonstrat. Hanc Paulus vocat legem spiritus vitæ. Lex (inquit) spiritus vitæ liberauit me à lege peccati & mortis. & D. Ioannes vnctionem vocat, quod gratia Spiritus sancti oleo comparetur, quod lucet & vngit; resque impolitas & asperas leuiget, atque instrumenta rubigine obducta abstergat, animæque nostræ facultates incultas, ad virtutis exercitia lentas, ac rebelles, grato quodam lumine atque vnctione demulceat ac inflectat. quod eleganter Regius Propheta expressit, dicens: *Lex Domini immaculata, conuertens animas; testimoniū Domini fidele, sapientiā præstans paruulis. Iustitiæ Domini rectæ, lætificantes corda; præceptum Domini lucidum, illuminans oculos. Timor Domini sanctus, permanens in seculum seculi; iudicia Domini vera, iustificata in semetipsa. Desiderabilia super aurum & lapidem pretiosum multum, & dulciora super mel & fauam.* Quibus omnibus & Legis inclinationem & facilitatem ex sapientiæ vnctionisque præsentia in diuinæ Legis obseruatione exaggerat: lenit enim incredibiliter hæc vnctio, & saporem ipsis virtutum exercitijs alioquin amariotibus infundit. Qua de re D. Bernardus gratiosè (vt solet) super Cantica. *Licet namque (ait) & sapientia potens, & virtus suavis existat; vt tamen proprias quibusque reddamus vocabiles significantias, vigor virtutem, sapientiam placiditas animi cum spiritali quada suauitate demonstrat.* Hanc puto ab Apostolo designatam, ubi post multa hortamenta pertinentia ad virtutem addicit quod sapientiæ est: *In suauitate, in spiritu sancto.* Igitur stare, resistere,

viii

vim vi repellere, quæ utique in partibus virtutis deputantur, honor quidem, sed labor est. Non est enim idipsum, honorem tuum laboriose defendere, & quietè possidere: non est idem, virtute agi, & virtute frui. Quidquid virtus elaborat, sapientia fruitur; & quod sapientia ordinat, deliberat, moderatur, virtus exequitur. Sapientia scribe in otio, ait Sapiens. Ergo sapientia otia negotia sunt; & quod otiosior sapientia, eo exercitior in genere suo. E regione virtus exercitata clarior est; eoq; probator, quo officiosior. Et si quis sapientiam virtutis amorem definierit, non à vero deniare videbitur. Vbi autem amor est, labor non est, sed sapor. Et fortè sapientia à sapore denominatur, quod virtuti accedens quoddam veluti condimentum sapidam reddat, quæ per se insulsa quodammodo & aspera sentiebatur.

Ecclesi. 38.

23. Sed ad tertium mentis supernaturale lumen venio, cui prudentiæ nomen est, cuius tota vis in cõsilijs suggerendis, in actibus virtutum ad finem suum dirigendis, in impedimentis rerum gerendarum detegendis atque amoliendis consistit; vocatur enim à Philosopho recta ratio agibilium, à D. Augustino rerum bonarum & malarum & neutrarum scientia: estque aurigæ similis, qui currû trahit per vias planiores, fugit cœnosa sinus, vallium stagna, collium rupes, & ad finem deuehit præstitutum; est & naui gubernator, sedensque in puppi, Syrtis & Charibides vitans, portum querit; est denique dux belli, ostendens quid, quando, vbi, qua ratione, cur agendum, confiligendum, dissimulandum, fugiendum, aggrediendum, omittendum. De hac ita loquitur Paulus: Prudentia spiritus, vita & pax.

Tertiū lumen
Prudentia.

Lib. 6. Ethic.
cap. 5.
Lib. 83. quest.
in 31. tom. 4. &
lib. 1. de libero
arb. c. 13. tom.
1 ex Cic. lib. 1.
Officiorum.
a Similia.

Rom. 8. 14.

Hæc prudentia eo nobilior est humana, quod hæc à natura, illa à Deo inhabitante proveniat. Humana potest fallere & falli; hæc eo certior & constantior, quod ab eo proveniat, qui nec falli nec mutari potest. Sicut ergo in rebus agendis ea quæ ad cognitionem spectant, à fide, à sapientia peti oportere reputamus; ita cõsilia ac directiones à prudentia requirenda esse; nec illius infrequentiore vsum requiri, quam fidei, si rite, sapienter, perfecteque agere velimus. Parum enim prodest diuina cognoscere, si malè, temere, & imprudenter agamus: quare à Deo nos dependeamus necesse est, in omnibus ad ipsum tamquam ad tabernaculum recurrentes; sæpeque dicamus cum Sapiente: Emitte, Domine, sapientiam de sede magnitudinis tuæ, ut mecum sit, & mecum laboret; ut sciam quid acceptum sit apud te omni tempore. omni, inquam, tempore, non vno anno, semel, aut aliquoties; non in die nec in gradibus operibus tantum, sed in omni opere & tempore. Sic Tobias sapienter filium suum erudiebat. Omni tempore, ait, benedic Deum, & pete ab eo, ut vias tuas dirigat, & cõsilia tua in ipso permaneant.

Sap. 9.

Tob. 4.

24. Varia alia sunt lumina quæ Deus immittit, pro loco, tempore, & necessitate, eaque frequentissima: parum enim iuuarent interna illa dona,

Quartū lumen
actuale à Deo
missum.

Z

dona,

Matth. 5.

dona, si sol iustitiæ, qui solem suum oriri facit super bonos & malos, & pluit super iustos & iniustos, persæpe faciem suam non ostenderet; & verè ostendit: si enim homo attenderet, sanè cognosceret nullum umquam tentari, quin solis illius radius aliquis diffundatur cælitus, & consilium suggerat; nihil à quoquam agi alicuius momenti, quin diuinus Spiritus, si modò non præcipitemus, viam ad rectè sapienterque agendum aperiat; aut, si quid fugiendum, ad minimum dubitandi occasionem præbeat. Ad quid verò tantillum? vt nempe maius lumen à Deo accipias, si modò petieris. Imò profectò ne cogitantibus quidem consiliorum optimorum lux sæpe oboritur, eaque suggerit, quæ ad Dei obsequium, boni communis vtilitatem, quæ ad nostrum priuatorumque cōmodum faciunt. O si oculos non clauderemus! ò si videremus spiritualement illum solem, illuminantem omnem hominem venientem in hunc mundum, vbique lucentem longè splendidiùs quàm sol iste corporeus! In tenebris lucet, & tenebræ eum non comprehendunt. Ideo tenebræ videntur, quia tenebri-cosus habemus mentis oculos: ceteroquin vbique Deus lux est, & tenebræ in eo non sunt vllæ.

Ioan. 1.

1. Ioan. 1.

Psal. 15.

Simile.

3.

Hepar seu meditatiō distribuit cuique virtuti ac facultati suum alimentum ac nutritionem.

moral. 1. 1. 1.

moral. 1. 1. 1.

moral. 1. 1. 1.

Certò crede, & nullatenus dubita: frequentius Deus internis facibus nostræ mentis oculos perstringit, quàm solem videamus: sed cæci sumus, & liget oculi non desint, videre tamen vel nolumus omnino, vel certè negligimus. Docet id experientia, quam à sanctis viris discimus, Dauidis mihi sufficiet vnica auctoritas, & Regis quidem in regno amplissimo occupatissimi. Providebam, ait, Dominum in conspectu meo semper; quoniam à dextris est mihi, ne commouear. Similes enim sumus ijs qui in cæco carcere luminis nihil vident; viderent tamen, si egredi vel- lent; & quia carcerem & tenebras amant, suauissimo solis lumine destituuntur. Et nos, carcere corporis huius detenti, tenebras cum carcere diligimus, diuinum aërem illustratum & latissimè patentem negligimus, & à tenebris in tenebras demergimur.

25. De corde & cerebro diximus, de hepate dicamus. Hepar conficit sanguinem, ex quo nutritio & naturæ reparatio conficitur, & per totum corpus distribuitur. Sunt enim quædam virtutes omnino necessariæ, sine quibus vita spiritualis ali conseruarique non potest; & in primis meditatio, quæ hepar quodammodo dici potest, quæ sanguinem conficit spiritualement, & eum per totam animam, eiusque facultates, potentias, & virtutes infinitas distribuit: masticat enim diuina pabula, & virtutum exercitia, & coquit calore caritatis, ac singulis virtutum habitibus alimentum incrementique occasionem porrigit. Quare spirituales esse non possunt, qui res diuinas non ruminant, de ijs sedulo cum Deo non conferunt, & verò nunquam cogitant. Hinc non bona concoctio, nulla nutritio, καχεξία, malusque habitus, ac animi desperatio:

ratio: non enim aliter vmquam venit in mentem, quid Deo, quid hominibus debeamus, in quo deficiamus, qua ratione ad virtutem excitabimur, quomodo proficiemus, nisi meditationis exercitio; hinc frequentes casus in grauiā peccata, subinde etiam leralia. Nihil ergo sic vitam spiritualem consolidat, nihil ita stabilis ac corroborat, sicut pia ac feruens rerum diuinarum meditatio, quæ nobis defectus obicit, obligationem erga Deum exponit, desideria rerum æternarum conciliat, foeditatem peccati depingit, virtutis pulchritudinem repræsentat, denique vitiorum omnium fibras suadet esse euellendas, Dei caritatem ac virtutum amorem inserendum, & assiduo labore augendum ac perficiendum.

26. Quod de pulmonibus diximus, optimè orationi congruit: quæ non infrequentior esse debet, quàm pulmonum aspirationes ac respirationes: ijs enim cælesti aëre cor hominis incredibili modo refocillatur; nullusque vmquam ad Deum aspirat, quantumcumque breuiter, quin attrahat nouum spiritum, cor confortet, gratiam augeat, & in Deo, si ita affuescit, conquiescat.

4.
Pulmones orationem designant.

27. Concludam hanc sententiam cohortatione D. Pauli feruentissima: *Si spiritu viuimus, spiritu & ambulemus*. Multi sunt qui non ambulant: si causa queritur, ea est, quia spiritu non viuunt. Viuebat Paulus spiritu, qui dicebat: *Viuo autem, iam non ego, uiuit uero in me Christus*. &: *Quicumque Spiritu Dei aguntur, hi sunt filij Dei*. Viuunt, in-

Spiritu uiuere & ambulare quid.
Gal. 5.
Gal. 2.
Rom. 8.
Non ibidem.

quam; & si Spiritu Dei acti, Patris nomen inclamant; unde addit: *Non enim accepistis spiritum seruitutis iterum in timore, sed accepistis spiritum adoptionis filiorum, in quo clamamus, Abba pater*. Ipse enim Spiritus testimonium reddit spiritui nostro quod sumus filij Dei: si autem filij, & heredes; heredes quidem Dei, coheredes autem Christi. Verum hæc quidem de anima; quid

verò de misero hoc corpore, in quo tamen uiuit & imperat ille Spiritus?

Respondet Apostolus: *Quod si Spiritus eius, qui suscitauit IESVM à mortuis, habitat in uobis; qui suscitauit IESVM Christum à mortuis, uiuificabit & mortalia corpora uestra, propter inhabitantem Spiritum eius in uobis*. Et

ibidem.

quia in hoc corpore infirmitates multæ sunt, Spiritus adiuuat infirmitatem nostram: nam quid oremus, sicut oportet, nescimus; sed ipse Spiritus postulat pro nobis gemitibus inenarrabilibus; & per IESVM habemus accessum ad Patrem. at quomodo? in vno Spiritu. Magnus thesaurus est hic Spiritus:

ibidem.

illum custodite; uiuat, ardeat; Spiritum nolite extinguere. Tenet in manu

Ephes. 6.

Apostolus gladium Spiritus, quo deturbat quaquauersum aduersarios;

Ephes. 6.

denique corroboramur per Spiritum in interiori homine. Bene docet, in-

Ephes. 3.

quies, Paulus; sed in quo spiritum suum prodit? *Veritatem dico in Christo, non mentior; testimonium mihi perhibente conscientia mea in Spiritu sancto;*

Rom. 9.

quoniam tristitia mihi magna est, & continuus dolor cordi meo: optabam enim

Rom. 8.

Gal. 6.

2. Cor. 4.

Inopia spiritus,
defectum & vi-
tiorum multo-
rum esse cau-
sam.

1. Thessal. 5.

Rom. 8.

Gal. 6.

Gal. 5.

Lib. de nouo
canto, cap. 4.
rom. 9.

ego ipse anathema esse à Christo pro fratribus meis. Magna sanè vis spiritus, magna caritas. Et postquam multa de spiritu capite octauo ad Romanos dixisset, ita concludit: *Quis ergo nos separabit à caritate Christi? tribulatio? an angustia? an fames? an nuditas? an periculum? an persecutio? an gladius?* (sicut scriptum est: *Qui propter te mortificamur tota die, estimati sumus sicut oves occisionis*) sed in his omnibus superamus, propter eum qui dilexit nos. & in fine epistolæ ad Galatas, De cetero, ait, *nemo mihi molestus sit: ego enim stigmata Domini IESU in corpore meo porto.* & alibi, *Semper, inquit, mortificationem IESU in corpore nostro circumferentes, ut & vita IESU manifestetur in corporibus nostris.* Semper enim nos, qui viuimus, in mortem tradimur propter IESUM, ut & vita IESU manifestetur in carne nostra. Non ergo tantum D. Paulus verbis prædicat spiritum ac caritatem, sed factis ipsis probat.

Si igitur caritas, eiusque vigor & vita, desideretur in nobis, & causam scisciteris; en in promptu est: desideratur enim spiritus. Cur orare nescis, eleemosynam dare, ignoscere delinquenti, laborantibus opitulari? Diuinus, inquam, desideratur ille spiritus, qui se semper operibus manifestat. Cur non sapit lectio spiritualis? cur desipit meditatio? cur in verbi Dei enuntiatione languor & marcor fastidiosè nauscat? Deest verè spiritus. Cur propendes ad obiecta sensuum, lubenter à creaturis solatiola emendicas, otiosus orbem circumcurfas, mensis lubens diutius assides, officia diuina ut prolixiora fastidis, labores auerfarris, de sanitate solum cogitas, teque infinitis morbis oblitum opinaris, indulges quantum potes somno, quieti, lusui, recreationibus, de quibus audis auide, & te in ijs audiri & credi cupis? Hæc omnia ex spiritus indigentia proueniunt. Idcirco graui oratione insistit Apostolus: *Spiritum nolite extinguere.* His verò omnibus spiritus feruoris extinguitur, & reuiuiscit spiritus carnis. Sed *debitores sumus non carni, ut secundum carnem viuamus: si enim secundum carnem vixeritis, moriemini; si autem spiritu facta carnis mortificaueritis, uiuetis.* Nolite errare: Deus non irridetur. quæ enim seminauerit homo, hæc & metet: quoniam qui seminat in carne sua, de carne & metet corruptionem; qui autem seminat in spiritu, de spiritu metet vitam æternam. Spiritu ergo ambulate, & desideria carnis non perficietis. Si igitur spiritu viuimus, spiritu & ambulemus. Apparebit nos spiritu viuere, si opera nostra spiritu magno, ardenti, & incenso perficiantur. At vide an vel etiam ambules, num iaceas, num loco hæreas, an lentè ambules, num retrocedas, aut etiam aberres. *Tria sunt* (ait Augustinus) *hominum genera quæ Deus odit: remanentem, retro redeuntem, & aberrantem.* Ab his tribus generibus malis, Domino adiuvante, vindicetur & defendatur gressus noster. Iam verò cum ambulantes sumus, alius tardius ambulat, alius celerius, ambo tamen ambulant. Excitandi sunt ergo remanentes, retro redeuntes reuocandi, errantes.

errantes in viam ducendi, tardi exhortandi, celeres imitandi. Et infra: *Quis est qui non proficit? qui se putauerit esse sapientem; qui dixerit, Sufficit mihi quod sum. Qui sunt & retro redeuntes? qui ex continentia reuertuntur in immunditiam, qui ex sancto & singulari bono proposito virginis diuertuntur in turpitudines voluptatis, & corrupta mente corrumpunt simul & carnem. Hos increpat Apostolus Petrus, dicens: Melius illis erat non cognoscere viam salutis, 2. Pet. 2. quam cognoscentes retro respicere. O malum respicere retro! Vxor enim Loth, qua liberata est à Sodomitis, contra præceptum retro aspexit; quod euaserat, perdidit. Nec immerito in statuam salis repente conuersa est, vi fatuos suo etiam exemplo condiret. Qui sunt & aberrantes? Omnes hæretici, qui, relicta veritatis via, errando per desertum latrocinantur, & animas captant in peccatum, præpediuntque, ne quis ad patriam valeat peruenire. Hæc ille.*

Si ergo spiritu viuimus, spiritu ambulemus. Spiritus & ambulare, & celeriter ire, & currere monet & iuuat, ad brauium reportandum: & si quisquam horum nihil faciat, eum quis non concludat non habere spiritum? Animam hominis videmus, non in se, sed in opere. Si quis strenuè, si generosè, si heroicè agat, magnanimum dicimus; si ardua aggrediatur, si ferat labores, si ad difficillima quæque sese obijciat, constantem, fortem, inuictum reputamus, & præclara animi excelsi indicia prædicamus: at si languidè feratur, si marcidè, si inerte, iacentem animum habere, inertem, desidem, torpidum, prostratum, vix denique animum habere, aut pæne emortuum iudicamus. Non agnoscitur spiritualis vita, nisi ex spiritu; nec spiritus, nisi ex operibus spiritus. Prodit se nimis citò animalis homo, qui nec percipit ea quæ sunt Spiritus. 1. Cor. 2. Dei, nec facit quæ sunt Spiritus Dei; nec enim habet Spiritum Dei. Si quis autem Spiritum Christi non habet, hic non est eius; non viuit anima illa, Rom. 8. non spirat diuina, vim spirituales non exerit, inter eos est de quibus S. Iudas loquitur, animales, Spiritum non habentes. At nemo viuens mortuus haberi vult, vitam, actiones, opera, quantum potest, ostentat. Spiritualis verò homo vitam, opera, feruorem probare non potest, nisi spiritu ambulet. Si ergo spiritu viuimus, spiritu & ambulemus. Gal. 5.

28. Huic vitæ contrariatur mors animæ spiritualis; quæ nihil aliud est, quam separatio gratiæ seu spiritus diuini ab anima; de qua Ezechiel: *Anima quæ peccauerit, ipsa morietur.* & Sapiens: *Os quod mentitur, Sap. 1. occidit animam.* D. Paulus etiam, *Nescitis, ait, quoniam eua exhibetis vos seruos ad obediendum, serui estis eius cui obeditis, siue peccati ad mortem, siue obediuntis ad iustitiam?* Denique Iacobus: *Concupiscentia cum conceperit, Iacob. 1. parit peccatum; peccatum verò cum consummatum fuerit, generat mortem.* Pro hac morte extinguenda Filius Dei mortuus est. Pretium vitæ sanæ magnum, quod homines tamen parui faciunt. Nunc de vita aeterna discamus.

CAPVT XXVII.

Qua sit vera vita.

- Vitam peccati
& damnatorum,
vitam non esse
dicendam.*
29. **T**RES vitas descripsimus; quarum vna sanè mors dicenda est, non vita. Quis enim peccati vitam dixerit vitam? nisi aeternis ignibus peccatorem deputatū viuere censeat aeterna vita, quia peccati vita aeternum vigeat, nec supplicij extinguetur aeternis, et si ipse maximè velit. Verum talis vita in tormentis, id nominis non meretur; nec eam Scriptura dignatur vitæ nomine, sed mortem aeternam indigitat, ut grauius diserteque Augustinus. *Habebunt, inquit, impij in cruciatibus vitam: sed qui viuunt in tormentis, cupiunt (si fieri possit) finire talem vitam, & nemo eis dat interitum, ut nemo auferat cruciatum. Sed vide Scripturam loquentem & discernentem. Non est dignata talem vitam vocare vitam. In cruciatibus, in tormentis, in ignibus sempiternis, noluit appellare vitam, ut ipsum nomen vitæ laudis sit, non mororis; ut, ubi- cumque audis vitam, tormenta non cogites: nam in tormentis esse semper, aeterna mors est, non aliqua vita. Ipsam vocant Scriptura mortem secundam. Post hanc primam, quam omnes humane conditioni debemus, & mors secunda & mors vocatur; & nemo ibi moritur: satius & melius dixerim, nemo ibi viuunt. In doloribus enim viuere, non est viuere. Et paulo post: Ergo illa vita in tormentis, non est vita; & illa vita sola est, quæ beata: nec beata esse potest, nisi fuerit aeterna. Et inferius: Ergo vita, quæ aeterna & beata: quia, si non aeterna, nec beata; si autem aeterna in pœnis, nec vita. Et alibi: Vitam aeternam dicimus, ubi est sine fine felicitas. Nam si anima in pœnis viuunt aeternis, quibus & ipsi spiritus cruciabuntur immundi; mors illa potius aeterna dicenda est, quam vita: nulla quippe maior & petior est mors, quam ubi non moritur mors. Sed quod anime natura, per id quod immortalis creata est, sine qualicumque vita esse non potest; summa mors eius est alienatio à vita Dei in aeternitate supplicij. Hæc Augustinus. Si ergo damnatorum vita, quæ aeterna est, in qua tamen peccator non moritur, & vermis eius ac ignis non extinguitur, vita non est; quāto minùs vita peccati in hac misera vita dicenda erit vita! Et hæc vita mors prima meritò dici potest: tum quia reuera vita gratiæ per illam opprimitur; tum quia ex illa mors, quam naturæ debemus, profluxit; tum denique quia illam mors aeterna, quæ secunda & vltima est, subsequetur. Et hæc omnia aeternæ vitæ, de qua deinceps acturi sumus, ex diametro opponuntur.*
- De diuersis ser-
mone 112. de
martyribus
qui Massa can-
didis vocitan-
tur, c. 5. tomo 10.
edit. Plant.*
- Apoc. 20.*
- Lib. 6. de ciuit.
cap. 54.*
- Marci 9.*
- Peccati Vita
mors prima,
damnatorum
secunda appel-
latur.*
- Humana Vita,
mortalis &
breuis, misera,
incerta, non est
Vita dicenda.*
30. Vita verò humana, et si similitudine tituloque vitæ non careat, comparatione tamen spiritualis & aeternæ non tam vita quam mortis via est appellanda. Quod si eam vitæ nomine velis insignire, mortalem

talem vitam veriùs appellabis quàm vitam: quippe quæ ne momentum quidem vitæ habeat certum; certoque sit certius, hinc esse emigrandû, & quidem incertissima hora; cumque hora illa venerit, non tam vixisse videberis, quàm momento ad mortem euolasse. Quod perpèdens Augustinus, pluribus ostendit vitam æternam solam vitam dicendam esse; & quòd ista vita mortalis, in qua modò sumus, ex illius vitæ comparatione mors esse conuincitur, quippe quæ tanta mutabilitate variatur, & nulla stabilitate firmatur, cursuque breuissimo terminatur: & ideo vera vita dicenda non est, nisi æterna, quæ sola vita est beata. *Non ergo* (vt concludit sanctus ille Doctor) *est beata vita, nisi vera; & non est vera, nisi beata vita; nec beata vita est, nisi æterna.* Itaque D. Augustinus hanc vitam mortalem non habet pro vera: nec beata esse potest, quia mortalis est, quia perpetua non est; quod enim sempiternum non est, anxietate non caret: vt si in epulis beatitudinem colloces, earumque fructio finem habeat, illius expectatio exitusque memoria dolorem gignit, ac tristitiam, quæ in beata vita non est.

31. Idem tamen de vita gratiæ statui non debet, quæ à diuinis litteris & vitæ, & beatiæ, & æternæ insignibus condecoratur. *Qui fecerit iudiciū & iustitiā*, ait *Ezechiel, vita viuet, & non morietur.* & Christus: *Qui verbum meum audit, & credit ei qui misit me, habet vitam æternam; & in iudiciū non venit, sed transijt à morte in vitam.* item D. Ioannes: *Qui habet Filium, habet vitam; qui non habet Filium, vitam non habet.* denique D. Paulus, *Semper*, ait, *nos qui viuimus, in mortem tradimur propter IESVM;* 2. Cor. 4. *vt & vita IESV manifestetur in carne nostra mortali.* Ergo mors in nobis operatur, vita autem in vobis. Meritò enim vita vocatur, quia communicatio est vitæ increatæ: cum namque de Verbo æterno dixisset Ioannes, *In ipso vita erat;* addidit, *Et vita erat lux hominum.* ergo vita illa nobis communicata est, vtique per gratiam Dei. Deinde D. Petrus gratiam, qua viuimus, vult esse diuinæ naturæ consortium ac communicationem: natura autem diuina, vita est; erit igitur & eius participatio.

Omnium denique actionum nostrarum supernaturalium meritò Christum auctorem agnoscimus; qui longè plura confert ad vnius actus productionem, quàm humana infirmitas: vitales verò sunt omnes actiones illæ quidem, sed non solius vitæ naturalis; debet ergo in nobis esse vita quæ vitam naturalem excedat; quæque, ea sublata, vt ab ea minimè dependens, superstes maneat, atque interitum nesciat.

32. Est & beata vita hæc: sed eius beatitudinis excellentia nondum in quiete consistit; in arena, in puluere, in cursu, in labore, in tolerantia tota est: nondum ad metam peruénit; à carceribus modò soluitur, & vt currat expeditiùs, ab omnibus se abstinet; quodque est in statu beatitudinis

Vitam gratia esse veram vitam, probatur.

I.

in Scripturis.

a Ezech. 18.

b Ioan. 5.

c 1. Ioan. 5.

2. Cor. 4.

Ioan. 8.

2. Pet. 1.

2.

Ratiōne.

Eandem esse beatam.

Matth. 5.

In quo via bea-
tudo cōsistat.

Matth. 5.

Psal. 149.

Matth. 5.

Ibidem.

Homilia 8. in
o. 4. ad Ephes.

Ephes. 4.

1. Cor. 12.

titudinis omnia possidere, hinc summæ felicitatis est extremè inopem esse. Idcirco dicuntur beati pauperes spiritu, ipsorumque esse regnum celorum. Item in patria Regum more, ij audenter loquentur, qui olim humiles fuerunt; tunc enim iudicabunt sancti gentes: hinc verò, beati lugent. Denique in gloria sancti, omnium bonorum vbertate perfusi, malum nullum sentiunt, imò nec metuunt quidem: summa verò hinc beatitudinis nostræ hæc est, Beati qui persecutionem patiuntur propter iustitiam; beati estis cum maledixerint vobis homines, & persecuti vos fuerint, & dixerint omne malum aduersum vos, mentientes, propter me: gaudete & exultate. Certè magna beatitudinis tessera est, posse in perpeffionibus gaudere; & si ausim, maiorem dicerem PERFECTIÖNEM nostræ beatitudinis beatorum gloria: ij enim omni malo carentes, præsentia summi boni circumfusi, gaudendi ansam habent maximam, tristitiæ nullam possunt prætere; nos, solo ingenti aceruo dolorum locupletes, gaudium, præter spem futuræ mercedis, habemus nullum; & tamen Christus in vitæ spiritualis circumlatrantibus malis, tamquam beatis, Gaudete, ait, & exultate. Certè vitam aliquam esse in homine beatam hoc argumento Christus comprobare videtur. Idipsum Chrysostomus fusè & eleganter testatur, de catena Pauli disputans, dum explicat illa verba, Ego vinctus in Domino. Magna, inquit, & quæ vim magnam habet, dignitas, & regno, & consulatu, & quibusvis alijs maior; quod quidem dicit etiam scribens ad Philemonem: Cum sim Paulus senex, nunc autem vinctus in Christo. Nihil est enim æquè præclarum, atque vincula propter Christum, atque catena sanctis illis manibus imposita. Vinctum esse propter Christum, est præclarior quàm esse Apostolū, quàm esse Doctorem, quàm esse Euangelistam. Si quis amat Christum, nouit quod dicitur: si quis in Dominum insanit, & eius amore vritur, nouit vim vinculorum; maluerit esse vinctus propter Christum, quàm habitare celos. Quous auro splendidiore eis ostendebat manus, & quous Regali diademate: non enim tam splendidum facit caput vitta ex gemmis composita ei imposita, quàm catena ferrea propter Christum. Tum erat Regijs vinctorum carcer præclarior, atque aded ipso calo. quid dico Regijs? habebat enim vinctum Christi. & infra: Hoc fortasse est præclarior, quàm sedere à dextris hoc est magnificentius, quàm sedere super duodecim sedes: & quid dico de humanis? me pudet conferre diuitias & mundum aurum cum vinculis. Et paulo post: Nihil est illa catena beatius, nihil est melius, quàm male pati propter Christum. Non tam beatum existimo Paulum quòd raptus sit in paradysum, quàm quòd coniectus sit in carcerem: non tam eum censeo beatum quòd raptus sit in tertium celum, quàm eum censeo beatum propter vincula. Hæc ille. Et sanè Chrysostomus iuxta mentem Pauli loquitur, qui in hoc solo gloriabatur. Si gloriari, inquit, oportet, quæ infirmitatis meæ sunt gloriabor. & meritò:

merito: nam sedere ad dextram Dei, opus est bene merentis Dei de nobis; non nostrum, qui à Deo id accipimus: at perpeti aduersa pro Christi gloria, heroicum facinus est bene de Deo merentium. ita D.

Petrus: *Si quid patimini propter iustitiam, beati. Hæc est enim gratia, si pro-* 1. Petri 3.
per Dei conscientiam sustinet quis tristitias, patiens iniuriæ. Quæ enim est glo- 1. Pet. 2.
ria, si peccantes & colaphizati suffertis? sed si bene facientes patienter sustinetis,

hæc est gratia apud Deum. Concludam eiusdem Apostoli verbis: Carissimi, 1. Pet. 4.
communicantes Christi passionibus gaudete, ut & in reuelatione gloriæ eius gau-
deatis exultantes. Si exprobramini in nomine Christi, beati eritis: quoniam quod
est honoris, gloriæ, & virtutis Dei, & qui est eius Spiritus, super vos requiescit.
Nemo autem vestrum patiat ut homicida, aut fur, aut maledicus: si autem ut
Christianus, non erubescat; glorificet autem Deum in isto nomine.

33. At vita beata æterna sit oportet: quomodo beata est vita spiritua- *Vitam spiri-*
lis, quæ toties amittitur: & sanè si vniquam perpetua atque immutabi- *tualem esse*
lis probari debuit, in ijs id profectò accidere decuit, quos Deus præstan- *æternam, pro-*
batur.

tissimos in virtutum splendore condiderat, aut ad sibi complacendum
delegerat; quales fuerunt Angeli, quales primi parentes, qualis Rex
Dauid, quem Deus secundum cor suum inuenisse se profitetur; qualis 1. Reg. 13.
Salomon, cuius sapientia & animi latitudo arenæ maris comparatur. 3. Reg. 4.

At Angeli coram eo non fuerunt stabiles; quanto minùs filij hominum, 1ob 4.
eorumque parentes, ex molli carne & luto compositi! Nihilominus
Scripturæ sacræ hanc vitam beatam nuncupant. Est enim gratia forma *I.*
huius vitæ: illa verò, Paulo auctore, *Scripturis.*
vita æterna est. Et qui manducat *Rom. 6.*

panem de cælo datum, *viuet in æternum.* Christus deinde dat potum
qui iugiter satiat, dicens: *Omnis qui bibit ex aqua hac, (nempe quæ scatu-* *Ioan. 4.*
rit ex fonte Iacob) sitiet iterum; qui autem biberit ex aqua quam ego dabo ei,
fiet in eo fons aquæ salientis in vitam æternam. Fons Iacob perennis est:

ergo Christi gratia iugis erit. *Hæc est vita æterna, ait alibi Christus Do-* *Ioan. 17.*
minus, ut cognoscant te solum Deum verum, & quem misisti IESVM Chri-
stum. quem locum de cognitione per fidem & vita gratiæ intelligunt
D. Hilarius & Cyrillus Alexandrinus: & videtur esse sensus literalis. *a Lib. 3. de Tri-*
nitate, circa med.

Denique caritas nunquam excidit.

Dicitur ergo hæc vita sempiterna, quia æternæ vitæ radix & causa
est: *a* nullus enim æternum viuet, qui priùs vitam gratiæ & spiritus non
habuerit. *e* Est via ad æternam vitam, ac ratio eam assequendi: nemo
enim Deum vniquam videbit, nec beatitudinem assequetur, qui priùs
hic per fidem Deum non cognouerit. *f* Est vita æterna, quia ex natura
sua immortalis est, sicut & natura diuina, cuius est participatio; vnde
D. Petrus ait: *Qui secundum misericordiam suam magnam regenerauit nos in* *1. Pet. 2.*
spem viuam, per resurrectionem IESV Christi ex mortuis, in hereditatem in-
corruptibilem, & incontaminatam, & immarcescibilem, conseruatam in calis in
vobis.

Aa

vobis.

vobis, qui in virtute Dei custodimini per fidem in salutem, paratam reuelari in tempore nouissimo.

4.

Rom. 8.

1. Cor. 13.

1. Ioan. 3.

Ibidem.

5.

2. Pet. 1.

6.

Vita corporum
quomodo aeterna.

2. Ioan. 12.

Rom. 8.

Lib. 4. aduers.
Irenaei, cap. 34.

Aeterna deinde, quia nullus eam potest nolentibus eripere, non Angeli, non vis humana, non mundus, non tormenta: solum peccatum potest eam dissoluere; sicut & primi parentes immortales erant, solaque transgressio mortales effecit. Ideo D. Paulus constantissime asseuerat: *Quis nos separabit à caritate Christi? tribulatio? an angustia? an fames? an nuditas?* Respondet verò: Nihil utique poterit. Vita enim spiritualis peccato resistit; à peccato, tamquam peste exitiali, quae illi mortem adferat, abhorret. Eodem modo loquitur D. Paulus de caritate: *Caritas patiens est, non agit perperam, non est ambitiosa, non querit quae sua sunt, non cogitat malum, non gaudet super iniquitate.* quia tantum abest ut inclinet ad vitia, ut etiam omnia persequatur, & quantum in se est, destruat: quod coniunctissima sit Spiritui & gratiae internae per quam renascimur, & adoptamur in filios Dei. nec à peccato vita illa vlla ratione promanat, teste D. Ioanne. *Omnis, ait, qui in Christo manet, non peccat. Qui facit peccatum, ex diabolo est. Omnis qui natus est ex Deo, peccatum non facit, quoniam semen ipsius in eo manet; & non potest peccare, quia ex Deo natus est.* Quantum ergo est ex parte Dei & gratiae, numquam peccabimus; nam *Christus*, ut ait idem Ioannes, *apparuit ut peccata nostra tolleret, & peccatum in eo non est*: nos verò ex eo nati naturam parentis sequimur; & semen eius tendit in vitae conseruationem, sicut & semen diaboli in mortem animae. Cum ergo semen hoc & gratia peccatum excludant, sequitur eius vitam esse immortalem & aeternam.

Denique aeterna est vita gratiae, quia (ut statim dicemus) eadem in caelo perseverat, cuius in terra coepit initium. Illic *in corruptibilis, & incontaminata, & immarcescibilis* efficitur non tantum ex parte gratiae, sed quia ipsa anima hic mutabilis & inconstans, illic immutabilitatem, stabilitatem, & constantiam induit.

Simili ratione & corpora nostra numquam moritura dicuntur à Christo, et si re ipsa moriantur. *Omnis, ait, qui vivit, & credit in me, non morietur in aeternum.* nempe post resurrectionem: tunc namque homines amplius non morientur, in primis morte spirituali: quia gratia, quae animae vita est, consummata aeternum consistet; ex animae verò gloria & immortalitate, in corpus rediuiuum redundante, eam gloriam & immortalitatem induet, quam eis nulla duratio detrahat, nulla aeternitas debeat, nulla succedens auferat vita. Nunc verò aeternitate dicuntur corpora nostra donata, quia semen immortalitatis attactu gloriosi corporis Christi in Eucharistia acceperunt, & Spiritui illi domicilium praeberunt, qui *I E S U M suscitauit à mortuis*: sed aeternitatem illam in spe poscidemus, nondum in re. Hinc Irenaeus: *Quomodo car-*

1317

nem dicunt in corruptionem deuenire, & non percipere vitam, (id est, non resurgere) qua à corpore & sanguine Domini alitur? & infra: Corpora nostra, Eucharistiam percipientia, iam non sunt corruptibilia, spem resurrectionis habentia.

34. Hæc verò etsi vera sint, vt verissima; tamen ex parte nostra nondum securi sumus, cum thesaurū istum habeamus in vasis fictilibus; & homo 2. Cor. 4. nesciat vtrum amore an odio dignus sit, sed omnia in futurum seruentur incerta: Eccl. 9. & si iustus vix saluabitur, impius & peccator vbi parabunt? Iob, quem Deus 1. Pet. 4. laudauit præ ceteris hominibus, asserens non esse ei similem in terra, cum tamen de suo statu cogitat, ipse, Quasi tumentes, inquit, super me Iob 31. fluctus timori Deum: at timor ille tempestatis, quando fluctus instar montium assurgunt, & naui agitata ac capitibus nauigantium imminet, horrendus admodum est. Anxietas igitur illa multum de vitæ nostræ beatitudine detrahit, & meritò ad vitam omnis mali timorisque expertem aspiramus; vnde D. Augustinus: Tota vita ista intelligentibus De Serbis De- tribulatio est: sunt enim duo tortores animæ; non quidem simul torquentes, sed mini ser. 42. cruciatu alternantes. Horum duorum tortorum nomina sunt timor & dolor. Cum tibi bene est, times; cum male est, doles. Saculi huius quem non decipit prosperitas, non frangit aduersitas?

35. Illa nihilominus vita, quam hic tanto cum timore & tremore ducimus, si conseruata Dei amicitia hinc demigrauerimus, statum æternum accipiet, & in sempiternam commutabitur, eritque æterna ac beata vita. Si enim subiectum vitæ illius, quæ gratia est, spectemus; incorruptibilis est: & in ipsa, vita spiritualis; & in hac, æterna fundatur. 7. Ratio. Gratiam habitualē remanere in patria præbatur. Si enim PERFECTIOES naturales, vt scientiæ & virtutes humano labore acquisitæ, in cælis remaneant ad ornatum; longè magis charismata cælestia, à Deo infusa, cum ipsa disponant animam ad statum beatitudinis. Hinc Patres dicunt Deum esse vitam animæ, quod nimirum per gratiam se illi coniungat, & esse planè diuinum tribuat: & illud quidem esse vitæ principium ac fundamentum est, & ex quo potentiæ spirituales virtutesque tamquā ex animæ spiritualis essentia oriuntur; cumque vsus virtutum habitusque in patria remaneant, quis in dubium reuocare possit ipsum fontem ac originem remanere? Gratia deinde illa habitualis nos filios Dei efficit, & per consequens heredes, ipsaque ius illud ad gloriam continet. Deferet ergo ius illud secum anima tamquam pretium salutis suæ, & tesseram beatitudinis, vt, ea visa, coronam 2. Tim. 4. iustitiæ ei iustus iudex restituat. Denique nemo admittitur ad cœnam 3. illam sine veste nuptiali, quæ nihil aliud est quàm caritas, ac gratia hæc, quæ animæ ornat essentiam; sine qua nullum ornamentum in anima remanet. Viuet ergo anima post hanc vitam. 8. Ratio. Modus quo anima vnitur cæle.

“Sicut igitur, cum Deus in hac peregrinatione vnitur animæ per gratiam

A a 2

tjam

tiam & virtutes supernaturales, (qui inusitatus naturæ modus est vnionis, quod nouo modo in nobis existere incipiat) vitam in homine spirituales esse censemus: ita & in cælo cum Deus per eandem gratiam, sed iam consummatam, intimè sese animæ commiscet ac coniungit, incipere animam dicimus veram vitam viuere, quia Deum nouo modo, & quasi nouum esse spirituale recipit; quod est sanè primum fundamentum vitæ beatæ, origo ac fons omnium operationum quæ postmodum sequuntur: illa enim gratia stabilimentum accipit, statum, & firmitudinem. Et vt corpus in die resurrectionis, per nouam informationem animæ, planè diuinum & cæleste, perfectum ac indissolubile temperamentum accipiet: ita & anima per operationem diuinam, qua Deus se illi indissolubiler adiungit, quasi nouum esse diuinum accipit, in quo, quidquid beatitudinis deinde sequitur, fundatur, & homo cum Deo indissolubili nexu coalescit. Intimè amantium hoc est, vt animo, quatenus fieri potest, conglutinètur; non tantum præsentia corporali, sed & intima necessitudine. Ita est: Deus namque, qui amicitiam nobiscum nouo fœdere confirmat, non tantum per amorem ac cognitionem nobis adiungitur, aut per præsentiam suam, sed intima coniunctione cum animæ nostræ essentia, substernendo basim in qua actus beatifici sequentes veluti conquiescant; quæ gratia est confirmata. Vnde sequitur, vnionem illam, per quam Deus ita vnitur nobis, vt beati simus, debere esse aliquam animæ PERFECTI O N E M intrinsecam: est enim beatitudo interna & inhærens beati PERFECTIO; aliàs per denominationem solam extrinsecam homines dicerentur beati.

36. Viuit ergo anima post hanc vitam; sed quàm beatè? beatiùs quàm in hac vita mortali, in qua nihilominus omnes beati esse volunt, & multa optant, in quibus, si ea adipiscantur, se beatos futuros putant; quæ tamen vbi adepti sunt, ea minimè sufficere reperiunt. Hinc D. Augustinus: *Omnis homo, qualiscumque sit, beatus vult esse: hoc nemo est qui non velit; atque ita velit, vt præ ceteris velit; imò, quicumque vult cetera, propter hoc vnum velit. Diuersis cupiditatibus homines rapiuntur; & alius cupit hoc, & alius illud. Diuersa sunt genera viuendi in genere humano; & in multitudine generum viuendi alius aliud eligit & capefit: nemo est tamen, quocumque genere vita electo, qui non beatam vitam cupiat. Beata ergo vita communis est omnium possessio; sed quàm veniatur ad eam, quàm tendatur, quo itinere tentò perueniatur, in controuersia est: ac per hoc, si queramus beatam vitam in terris, nescio utrùm inuenire possimus; non quia malum est quod querimus, sed quia non in loco suo querimus. Alius dicit: Beati qui militant. negat alius, & dicit: Beati qui agrum colunt. & hoc negat alius, & dicit: Beati qui in foro populari claritate versantur, causasq; defendunt. & hoc alius negat, & dicit: Beati qui iudicant.*

*Diſſo ſerm. de
martyribus qui
Maſſa candida
Gocſantur, c.
2. & 3.*

inducant, & potestatem habent audiendi & discernendi. negat hoc alius, & dicit: Beati qui nauigant multas regiones; discunt multa, colligunt lucra. Videtis, carissimi, in omni illa multitudine generum viuendi non placere vnum omnibus, & tamen beata vita placet omnibus. Hæc ille. Perfecta beatitudo ergo hic expectari non debet, sed alibi quæri, vbi possit inueniri. In cælis inuenies; in Deo, qui summum bonum & beatitudo nostra est.

Sed quid? otiosi ac quieti erimus in cælis? sufficiet sola animæ vnio per gratiam consummatam cum Deo? ceterum in pace in idipsum dormiemus & requiescemus? Non est ita: viuemus etenim.

Argumentum vitæ ex operatione metimur; & si perpetua actio sit, *Ratio, ex operatione beatorum dulcia.* si vitam quoque perpetuam esse concludimus. Nec beati essemus, si omni operatione vacaremus: non enim beatitudo nostra consistit in sola vnione habituali, per gratiam consummatam, aut alia dona habitualia; hæc namque ad operationem referuntur, vltimaque animæ PERFECTIO gratiæ ac donorum illorū intrinseca operatione consummatur, nempe vt homo intelligat, amet, & fruatur. Accedit quod beatitudo nostra sit participatio beatitudinis essentialis summi æternique Dei: at Deus non censetur beatus qua ratione existit, sed quatenus amat, videt, & seipso fruitur. Id euidentius elucet in anima Christi, cuius beatitudo non consistit in vnione hypostatica, licet illa perfectissima sit in genere rei existentis; sed in visione ac fruitione Verbi increati. Illi ergo beati habendi non sunt, qui, præclaris facultatibus ac diuinis muneribus præditi, otiosi quiescunt, sed qui, vt perfectissimus Deus, (qui purissimus actus est) agunt assidue, & vtuntur donis cælestibus, ad eum finem, propter quem instituta donataque sunt.

Nec putandum est operationes illas à Deo infundi, sic vt potentia *Operationes beatorum non infunduntur à Deo.* nihil agant, non operentur, sed solus Deus. nam beatitudo nostra in actione mentis consistit: ac de ratione actus immanentis in potentia, & vitalis, est, vt effectiue procedat à potentia, quam viuificat ac vitaliter informat; viuere enim est ab intrinseco operari, beatitudo verò est actio vitalis, qualis est amor beatificus, visio, fruitio, gaudium. Viuit ergo & beatè viuut homo agendo & vtendo ijs facultatibus, quæ ad beatitudinem capeffendam concessæ ei sunt: nam quomodo beatitudo est vita æterna, si homo vitaliter non operatur, & gratia habitualis delitescat otiosa, nec potentias ad agendum moueat? Potentiæ quoque quomodo desides conquiescunt in eo qui infinitè eas amat & beat, tot tantisque donorum aceruis cumulat? Aliter statuit Propheta Rexus: Beati, ait, qui habitant in domo tua Domine, in sacula sæculorum laudabunt te. Psal. 83. Laudant beati Deum, & incessanter clamant: Sanctus, sanctus, sanctus Apoc. 4. Dominus Deus omnipotens, qui erat, & qui est, & qui venturus est.

37. Operantur ergo beati, si vniquam; & multa suppetunt quæ videant,

A a 3

*Operationes
beatorum extra
Deum quæ &
quales.*

deant, cognoscant, & exerçant; & (vt ad thronum diuinæ Maiestatis procedat pedetentim oratio venerabunda) in primis (extra Deum) seipsam anima statumque suum considerat, cælorum latitudinem, terrarum exilitatem, Angelorum studium & industriam in ordinandis motibus cælestium globorum scitè, distinctè, tempestiue, ac secundum spatia temporum; generationem item ac corruptionem rerum naturalium; hominum curas ac sollicitudines in tuenda ac conseruanda vita, rebusque pereuntibus aggregandis.

Sed nihil ita placet vt beatorum societas, & meritorum singulorum consideratio: hæc tamen nondum animam exfatiant, nec in his beatitudinis natura atque essentia consistit. Multi excellentes ingenio, illustres scientia, docti experientia cælos adeunt. Eo lumine ac viribus, quibus natura præditi, agere possunt. Quod si infusa scientia vt velint, supernaturalis erit operatio, nondum tamen beatifica; nam beatitudinis essentia in consecutione summi boni vltimique finis versatur: ideo illa sola operatio pertinere potest ad naturam beatitudinis, quæ propriè Deum respicit, & circa summum bonum versatur; ceteræ verò operationes non beatificæ non inutiles propterea sunt, sed beatis, qui in omni scientia & virtute locupletes sunt, liberæ sunt, & ad beatitudinis complementum & ornamentum accidentarium seruiunt: verum comparatione earum quibus beati reddimur, similes sunt lumini candelæ, lucente sole meridiano; aut lampadi exiguæ eo loco in quo faces innumeræ collucunt; aut sicut panis aridus famelico quidem, sed inter mensas dapibus refertas.

CAPVT XXVIII.

*Eam veram esse vitam, quæ beata est; eandemque
in Dei comprehensione consistere, ex qua bona
omnia profluunt, quæ animam satient.*

Exod. 19.

Matth. 11.

Marc. 19.

Psal. 79.

Exod. 3.

38. **Q**uæ hæcenus diximus, hominem beatum non faciunt. Per-
mitte ergo, Domine, vt (licet indigni, tremebundi tamen, vt
debet) propius accedamus. Etsi enim populus tuus hor-
ruerit accessum montis Sinai, dicens Moyse, *Loquere tu nobis; non loqua-
tur nobis Dominus, ne forte moriamur*: tamen te auctore, te inuitante labo-
rantes & oneratos, confidenter accedam paruulus, & in numero paru-
ulorum, quos complecteris impensè, dicam, *Ostende nobis faciem tuam,
& salui erimus*. Si rubus es incombustus, en calcæamenta de pedibus de-

deposui, inuolucra mundanarū cogitationum. Ascendam cum Moyse ad montem; & si facie ad faciem te videre nequeam, nube saltem interlucente, ac per speculum, & in enigmate, mihi te contemplari liceat. 1. Cor. 13. Tibi dixit cor meum: Exquisiuit te facies mea; faciem tuam, Domine, requiram. Psal. 26. Ne auertas faciem tuam à me, & ne declines in ira à seruo tuo.

Primus igitur actus beatificus est visio summi boni, finis que vltimi; *Visio primus actus beatificus.* quo autem pacto hoc fiat, crassiori comparatione accipe. Visio est, à visione corporali ducta similitudine: quemadmodum ergo videamus ea, quæ oculis obijciuntur, considerandum est. Quatuor ad visionem corporis alicuius requiruntur. *In visione quatuor requiruntur.* a. Primū est res obiecta, b. alterum potentia quæ visionem elicit, c. tertium applicatio aut vnio rei videndæ cum ipso organo; vniri enim debet cum sensu res ipsa quæ sensu percipitur: ut cum lapidem tangis, manui admoues; cum panem gustas, palato applicas; cum vides, audis, odores percipis, quia duriorum corporum intimam vnionem organi teneritudo non admittit sine suo incommodo ac interitu, species rerum visu, auditu, & odoratu percipiendarum sufficiunt, quæ potentij vnitæ sensationem efficiunt. Quartum quod in visione requiritur, est lumen, quod inter rem visam & videntis organum intercedit medium. *a 1. b 2. c 3. 4.*

Hæc omnia in beata diuinæ Maiestatis visione reperiuntur. Res namque quæ conspicitur, est summū bonum; in cuius possessione finis hominis vltimus consistit. Nihilominus eius excellentiæ est ac ordinis, ut infinitis gradibus humani vires excedat: d. sublimiorē obiectū, quod est summum bonum. tamen oculum, quo Deum contueamur, non habemus; e. nam oculus corporis ne per Dei quidem infinitam potentiam eleuari potest ad id videndum, quod extra obiectum eius constituitur. Ut enim oculus gustare, odorari, audire non potest; nec auditus videre, aut de saporibus iudicare; quia id ab eius obiecto secernitur: sic nec oculus corporeus (auctore s. D. Augustino, qui in sententiæ suæ suffragium Athanasium, Gregorium Nazianzenum, & Ambrosium adducit) spiritum potest intueri: de luce enim & coloribus, non de spiritibus, iudicat aut discernit. *I. Obiectū, quod est summum bonum. d 2. Potentia intellectus. c Oculo corporis Deum non possit videri. Epist. 111.*

Maior difficultas est in tertio, nimirum in vnione rei obiectæ cum intellectu, seu potentia visiva spiritali: non enim species efformari potest Deum infiniter representans, alioquin ea foret infinita. Verum nec sapientia, æquè infinita & immensa, hac specie indiget, ut sese videndum præbeat; modos habet sufficientes, ut sese mentium oculis vniat: est namque intimè præsens ut rebus omnibus, ita maxime menti beatorum, suæque præsentia sufficit intellectui seipsam, veram imaginem, formamque viuentem: & quia intellectus humanus imbecillior est, obtusior, ac humilior, quàm ut possit ad tantæ, tam celsæ immensæque...

ſæque Maiestatis ſublimitatem aſſurgere, nec modò ad radios illos palpitaret, ſed omnino ab eiufdem opprimeretur gloria, eleuatur vi quadam diuina operante ac fulciete intellectus inopiam; vt, quod humanis viribus nullo modo poſſet, poſſit tamen diuino ſubſidio, labentes vires ſubleuante & adminiculante. Sicut enim impoſſibile eſt hominem rebus fidei aſſentiri quæ naturæ cognitionem ſuperant; deferere item parentes, poſſeſſiones omnes; complecti vitam cælibem, cum profeſſione perpetuæ caſtitaſis; deſectari illicitas omnes voluptates ex animo, ſolo Chriſti I E S V intuitu, ſine adminiculo gratiæ diuinæ eleuantis hominem ad operanda quæ naturæ vires excedunt: ita omnino impoſſibile eſt intellectum humanū incomprehenſibilem Deum ſenſu interno apprehendere; niſi ipſe incomprehenſibilis vires modumque ſufficiat, viſibilemque noſtræ infirmitati ſeſe inclinando efficiat.

4. Quartum quod expetitur in viſione beatifica, lumen gloriæ nuncupatur. Huius munus eſt, potentiæ inſufficientiam adiuuare, & habitu quodam intimè inhærente confortare. Videmus ſculptores, vt res tenuiſſimas perſpicuas ſibi faciant, perſpicilijs multiplicatis res minimas viſibiles reddere, quas nudo oculo non viderent. His potentia viſiua fulcitur & erigitur, vt videat, & quidem cum facilitate, quod alioqui ne videret quidem. Sic & lumen gloriæ illuſtrat oculos, vt inuiſibilis Deus viſibilis appareat. Et ſicut ad res fidei credendum habitu fidei, quo perpetuò & ad nutum vtimur, nobis opus eſt: ita etiam, vt beati Deum videant cum facilitate & delectatione, lumen gloriæ infunditur, & ea quidem meſura, quæ fuit gratiæ & caritatis, quam è terris in cælum quiſque deportauerit. De hoc ita D. Mattheus: *Venturus eſt Chriſtus in gloria Patris ſui cum Angelis ſuis; & tunc reddet unicuique ſecundum opera eius.* Id quod reddit operibus tamquam æquam operum mercedem, eſt gloriæ lumen, per quod quiſque eo clariùs & euidentiùs Deum infinite pulchrum ac bonum intuetur ac participat, quo id pluribus ac maioribus operibus aucta gratia promeruit.

39. Vbi ergo depolita corporis ſarcina, ô anima Chriſtiana; omni vitiorum labe deterſa ad beatas illas ſedes perueneris, obſtupeſces primum mundum ſolemque aſpicere quem numquam videris, baſilicam Imperatoria auguſtior, Regem in decore ſuo ſplendentem. Rapiſeris primo aſpectu incredibili deſiderio poſſidendæ, complectendæ, tenendæ tantæ pulchritudinis; intueberis, inquam, inuiſibilem, complectèris immenſum & incomprehenſibilem; ſummo quod eſſe poſſit bono, toties à te cupito, perfruere. Quàm admirabile, quàm nouum, quàm latum, irreuerberato obtutu Deum ipſum aſpicere, ſanctiſſimam Trinitatē, Deum vnum natura, perſonis trinum, eiufque omnes P E R F E C T I O N E S, infinitam potentiam, ſapientiam, bonitatem, gloriam;

4.
Themen gloria.
Simile.

Matth. 16.

viſio Dei bea-
tifica. & eorum
quæ in Deo
ſunt.

riam, immensitatem vbique diffusam intueri! Considerabis inexhaustam caritatem, qua omnes beatos complectitur ac beat. Tu ruēs in amplexus eius, & ipse rursus excipiet te, & ad oscula oris sui amplexusque admittet: intrabis & penetrabis gaudiū Domini tui: tenebis illum, nec dimittes, in excessu clamans, *Domine, bonum est nos hic esse; hic in pace, hic in idipsum dormiam & requiescam.* O dies, quando illucesces? *Matth. 27. Psal. 4.* Quam tādiosa est lux solis prae tui desiderio! O sol oriens qui nescis occasum! O lux illa optata, qua tibi dicitur, *In domum Domini ibimus!* O Ierusalem qua aedificaris ut ciuitas, cuius participatio eius in idipsum! O ibimus! O idipsum! Quam lato nuntio excipiemini ab anima Deum toto animo diligente! Sed quando veniam & apparebo ante faciem Dei? *Fuerunt mihi lacrymae meae panes die ac nocte, dum dicitur mihi quotidie, Vbi est Deus tuus? Hæc recordatus sum, & effudi in me animam meam; quoniam transibo in locum tabernaculi admirabilis, usque ad domum Dei. In voce exultationis & confessionis, sonus epulantis.* Nec mirum si in spe lætetur fidelis anima, in spe tristetur: spes enim qua differtur, affligit animam. In spei tamen suæ certitudine confisa, exultat intimè; & pusillanimitatem suam arguens, blandè sese corrigit ipsa: *Quare tristis es anima mea, & quare conturbas me? Spera in Deo, ne desperes: videbis mirabilia amici tui, qui fidem suam non fallit.* *Psal. 41.*

40. Quamquam verò hæc Dei visio sola sufficiat ad assequendam beatitudinem, etsi nulla alia apparerent; tamen, quia Deus speculum est sine macula perlucidum, beatis res quamplurimas repræsentat.

Ad quæ consideranda ita nos hortatur D. Hieronymus: *Egredere, queso, paulisper de carcere, & præsentis laboris ante oculos tuos tibi pingere mercedem, quam nec oculus vidit, nec auris audiuit, nec in cor hominis ascendit. Qualis erit illa dies, cum tibi Maria mater Domini choris occurrerit comitata virginis? cum post rubrum mare submerso cum suo exercitu Pharaone tympanum tenens præcinet responsuris, Cantemus Domino, gloriōse enim honorificatus est, equum & ascensorem proiecit in mare? Tunc & ipse Sponsus occurret, & dicet: Surge, veni proxima mea, speciosa mea, columbamea; quia ecce hiems transijt, pluuia abiit sibi. Tunc & Angeli mirabuntur, & dicent: Quæ est ista prospiciens quasi diluculum, speciosa ut luna, electa ut sol?* *Epist. 22. ad Eustoch. in fine.*

41. Visio Dei etsi fons & origo sit omnis beatitudinis, & copia bonorum omnium quæ in cælis possidentur, inde tamquam ab Oceano effluens; si tamen sola consideretur, sine amore beatifico, beatam animam non facit, nec satiat. Ut autem cognoscas qua ratione anima Deum comprehendat, possideat, & beatitudinem consequatur, concipe primum ab intellectu eleuato Deum videri tamquam summum bonum: sequitur deinde amor beatificus ex cognitione ac visione beatæ procedens. Hoc amore beatifico summum bonum impensè diligitur, sicut ipsa quoque visio; utpote qua tamquam manu seu brachijs

Bb

sumum

summum illud bonum teneatur. Prima illa visio nondum hominem beat, quia nondum voluntas amore beatifico, qui ex visione Dei clara oriri debet, bonum summum amavit. At quia illud necessario voluntas amat, mandat intellectui ut illud tamquam supremum ac summum bonum suum retineat, possideat, & inseparabiliter complectatur. Nec sufficit praecessisse amorem Dei à viatore elicito: debet enim summum bonum, & sub ea ratione, & aestimari, & amari; alioquin non comprehendetur cum effectu beatitudinis. Accedit quòd visio, ut habeat rationem comprehensionis, praesupponit amorem tamquam dispositionem subiecti. Non potest autem dispositio quae praeterijt, & non est, quidquam actu facere ad hominem beatificandum. Amor ergo beatificus ex visione emanans, proxima dispositio est ad comprehensionem, in qua beatitudo nostra consistit.

*In comprehen-
sione duo obser-
vantur.*

Psal. rez.

2. Cor. 9.

Philip. 3.

2. Cor. 13.

Hæc comprehensio duo complectitur. Vnum est, appetitus nostri completum esse desiderium, eo quòd iam teneat illud quod ardentissimè concupiuit; quodque amet id, quod intimè unitum sibi desiderat. Alterum est, quòd res illa amata teneatur, non ab appetitu illo quidem, sed à manu, brachijs, aut ea facultate quae apta est consequi ac tenere rem concupitam. Amas opes, & eas deinde consequeris? appetitus tuus eas non apprehendit, sed manus. Iacob Rachelem annis quatuordecim optauit; potitus est optatis: sed brachijs uxorem complexus est, non appetitu. Teneris concentus musici desiderio? cõprehendis non desiderio, sed aure. Denique suspiras ad Dei conspectum? satiabitur in bonis desiderium tuum: at desiderium illud non tenet, sed oculus. *In studio currunt omnes, sed vnus accipit brauium.* quomodo? sanè coronam reportat in capite, discum in manu, torquem in collo. *Sequitur*, ait Paulus, *si quo modo comprehendam.* Sequeris, Paule, pedibus; comprehendes pedibus? Nequaquam: sed *videmus nunc per speculum in enigmate, tunc autem facie ad faciem*; oculis tenebo, quem desiderio & affectu prosequor.

Quòd si teneas id quod non diligis, bonum illud praesens minimè te beabit. Si enim musicam odi, si opes, si Rachelem, si quemlibet hominem; horum mihi molesta praesentia est, infelicem me potius quam beatum efficiunt. Ergo visio sola, sine amore, beatitudinem non efficit. Quis, quaeso, beatus, qui, quod non vult, possidet; cuius consecutio grauis & acerba? Idem omnino esset, si quis per absolutam Dei potentiam videret clarè, & tamen Deum non amaret, vel etiam odisset. Is profectò per eam visionem summam quandam intellectus PERFECTI O N E M esset adeptus, beatitudinè minimè. Nec profectò beatum se reputaret quispiam tenendo illum quem odisset, & cuius praesentia summo opere torqueretur. Cur ita? Quia ut bonum suum non apprehendit,

hendit, in illud appetitu non tendit, non mandat potentia apprehensuæ tenere quod inuitè possidet. Ideo enim dicimur comprehendere, quòd ex vi appetentis desiderij facultas aliqua teneat simul ac comprehendat bonum suum. Hinc D. Augustinus: *Beatus non est, nisi qui* Lib. 13. de Trim. c. 5. in fine. *& habet omnia quæ vult, & nihil malè vult.* Ergo velle & amare præsupponitur, vt bonum ipsum teneatur ac comprehendatur.

42. Proinde, si rectè ratiocinabimur, etsi comprehensio ex vi sua distinctè non potius visionem quàm auditionem aut olfactionem designet, sed solum habere bonum eo modo quo natum est haberi; sic vt visio aliud non significet aut connotet, quàm claram visionem rei propositæ, possessionem neutiquam; nihilominus tamen manus, seu instrumentum ac facultas, qua voluntas seu amor beatificus cōsequitur summum bonum, est visio. Scriptura namque diuina beatitudinis nostræ coronam per visionem, manifestationem, apparitionem nobis exprimit. *Cum apparuerit*, inquit D. Ioannes, *similes ei erimus, quoniam videbimus eum sicuti est.* Et Regius Propheta: *Quoniam apud te est fons vitæ, & in lumine tuo videbimus lumen.* &: *Satiabor cum apparuerit gloria tua.* Qui differant visio & cōprehensio. Denique quam mercedem Moyſis laboribus respondentem pollicitus est Dominus? *Ego ostendam*, ait, *omne bonum tibi.* Id etiam Patres confirmant. ^{1.} *a* Basilii in primis. *Summi boni, ait, contemplatio, & virtutum luculentissima cognitio, Angelorum thesaurus est.* ^{1. Ioan. 3. psal. 35. psal. 16.} *b* Cyrillus Alexandrinus ita scribit: *Nihil verà Dei contemplatione est pretiosius, quandoquidem nos summa beatitudinis hæc facit participes.* & mox: *In diuinorum contemplatione nostra felicitas est.* Denique ^{Exod. 33.} *c* D. Augustinus: *Illà cognitione, illà visione, illà contemplatione, a satiabitur in bonis anima desiderium.* ^{2.}

Huic rei suffragatur ratio ^{3.} *d* D. Thomæ, qua probat in appetitu beatitudinem non consistere. Nam operatio appetitus vel antecedit consecutionem boni, & est desiderium; vel subsequitur, & est delectatio: desiderium verò dici non potest boni consecutio, bonique possessio, quia desiderium boni absentis est; neque potest dici quoque delectatio, nam ea præsupponit consecutionem boni, adeptamque eiusdem possessionem: illius enim obiectum est bonum iam obtentum.

Accedit, possessionem Dei secundum rectam rationem maximè per se expetendam esse: delectatio verò non est maximè expetenda propter se; dignitas namque delectationis æstimatur ex ea operatione, quam comitatur. Vnde si delectatio beatorum sit bona, id ideo fit, quòd ex comprehensione Dei, quæ optima operatio est, consequatur. Hinc Aristoteles dicit delectationem se habere ad operationem ex qua sequitur, sicut se habet decor ad iuuentutem. Quare optimè statuit D. Thomas operationem esse finem delectationis, non autem ad delectationem, tamquam ad finem, operationem referri; cum ea quasi vehiculo

culo quodam utamur, ad res cum facilitate gerendas. Ideo enim Deus immiscuit quibusdam operationibus delectationem, ne ab animantibus negligerentur, cum essent necessariae ad conseruationem indiuidui vel speciei; ut videre est in operatione comedendi & generandi.

Relinquitur ergo, in intellectu esse actum illum, quo Deus comprehenditur, tenetur, & possidetur; esseque visionem beatificam; praesupposito tamen voluntatis imperio, quae ea potentia utitur tamquam manu ad retinendum illud bonum, quod summum & esse, & sibi esse, apprehendit. Quare etsi amor non sit proprie de essentia, tamquam pars essentialis formae seu operationis quae beatificat; tamen est quodammodo de essentia, quia est essentialiter requisitus ad essentialem beatificationem: est enim veluti dispositio necessaria, tum ex parte subiecti, ut visio possit beare; tum ex parte Dei tamquam obiecti, ut proponatur, aestimetur, & teneatur per modum summi boni.

*Calistum Vita
solam beatam
esse, & satiare
omni ex parte.
a Psal. 16.
b Psal. 102.*

*I.
Ex parte pos-
sessionis.
Prov. 15.
Cant. 5.*

Manual. c. 7.

Sent. 17.

Ex parte loci.

43. Beatam ergo vitam quaeris? hic inuenisti. ^a Satiabor, inquit Propheta Regius, cum apparuerit gloria tua. ^b Satiabitur verè in bonis desiderium tuum. Quid vis? quid optas? quid desideras? viuere vis, non vis mori? fic viue, ut aliquando beatè viuas: nam viuere, & non beatè viuere, genus mortis est, vel via ad mortem. In caelis viues non moriturus. Illic beatè viues: nam nec mala patieris, nec pati poteris; quia nulla sunt. Ibi quod optabis possidebis, & possidere desiderabis; pelli possessione non poteris: & hoc te satiabit, hoc te recreabit. *Secura mens quasi inge-
conuiuium. Comedite amici, dicit Dominus caeli & terrae, & bibite, & inebriamini carissimi.* Conuiuium hoc finem non habet: nihil illi triste succederet: quod hodie est, aeternum erit. Ideo exclamat Augustinus: *O vita
sempiterna, & sempiternè beata, ubi gaudium sine mœrore, requies sine labore,
dignitas sine timore, opes sine amissione, sanitas sine languore, abundantia sine
defectione, vita sine morte, perpetuitas sine corruptione, beatitudo sine calamitate;
ubi omnia bona in caritate perfecta; ubi species & visio facie ad faciem; ubi
plena scientia in omnibus & per omnia; ubi summa Dei bonitas cernitur, & lu-
men illuminans à sanctis glorificatur; ubi praesens Dei Maiestas conspicitur, &
hoc vita cibo sine defectu mens intuentium satiatur; vident semper, & videre
desiderant; sine anxietate desiderant, & sine fastidio satiantur; ubi verus sol
iustitiae mira suae pulchritudinis visione omnes reficit, & ita vniuersos celestis
patriae ciues illuminat, ut luceant ipsi super omnem solis splendorem, immortali
adherentes deitati, & per hoc immortales & incorruptibiles facti, iuxta pro-
missionem Saluatoris: Pater, quos dedisti mihi, volo ut ubi ego sum, & illi sint
mecum, ut videant claritatem meam.* Ex parte ergo Dei, qui summum bonum est, omne genus boni complectens, & malorum omnium pericula excludens, satiatur beata vita.

44. Sed quid locus ipse? Tria video à diuina prouidentia hominibus assignata

assignata esse commorandi domicilia: quorum à secundo præstantia & magnitudine primum, à tertio verò secundum multis partibus superatur. Primum est maternus uterus, angustijs & condicione miserabilis, in quo sine matris tuisque incommodis, & vitæ discrimine, vix delitescere potes, nec ultra paucos menses commorari; luce cares; fædo alimento sustentaris, non humano solitoque terrigenum more. Alter locus magnitudine & præstantia tantum exsuperat priorem, ut vix cum eo comparationem admittat; estque tota mundi huius latitudo. Si tamen tertium consideres, nimirum beatorum sedem, certè angustior mundus est eidem collatus mulieris utero, matrice fædior, ac impuris menstruis deterior. Hinc exclamat *Propheta: O Israël, quam magna est domus Dei, & ingens locus possessionis eius! magnus est, & non habet finem; excelsus & immensus.* Quòd si numerum perpendis electorū, pauci sunt ad reprobos comparati; qui nihilominus in angustissimum locum compinguntur. Quàm ergo spatiosè habitabunt beati, tam ingenti circumfusa immensaque cælorum amplitudine!

Excellentissimus quoque locus est, si situm spectes, qui mirabilis, excelsus, & commodus est. Quid enim mirabilius, quàm globum intueri medium, qui à nullo sustentetur? Equis enim orbis sustentat, præter Dei manum fortissimam? Quid mirabilius, quàm cælum diuersis contrariisque motibus cieri, eosdemque mortalibus tempora definire, ut ne hilum quidem inordinatum tot annorum millibus reperias, vereque dixerit Rex sanctus, *Ordinatione tua perseverat dies, quoniam omnia seruiunt tibi?* *Psalm. 118.* Quia verò locus altus est, ab omni morborum contagione malorumque discrimine ac timore incolæ liberantur. Nullæ turres, scalæ, machinæ, tormenta bellica, telaque, vlla vi, eò possunt torqueri aut pertingere. Muri ac portæ ex lapidibus pretiosis compositi ac vallati.

Commodissima etiam mundi parte locus ille situs est, nempe in capite mundi: nos hîc in pedibus volutamur. Capiti, ut corporis humani præfidi, hæc tria deferri solent: honos, cura, ac delectatio. *b* Hinc corona capiti imponitur, & in faciem primum honoris causa oculos conijcimus. *c* Cura maior, quàm ceteris partibus, in eo, utpote principe, tuendo fouendoque ponitur, ex quo salus corporis pendeat. *d* In capite denique vigent omnes sensus, & omnium sensuum delectationes. Cælum empyreum caput est mundi. Beatis itaque honos deferretur, & quidem cuique pro meritis; ab omnibus sanè qui in cælesti palatio degunt, ut & generatim à mortalibus; speciatim tamen quibusdam qui beatitudinis suæ maiora hîc monumenta reliquerunt. Cura quoque maior est: nam in brachijs diuinis conuiescunt. Omnes denique delectationes, quibus sensus humanus capitur, assatim circumfluunt, eosque perfundunt. Pauca D. Ioannes de loci huius præstantia

Tria domicilia hominibus à Deo destinata.

1.

Uterus maternus.

2.

Mundus.

3.

Beatorum sedes excellentiss.

1.

Quia amplissima.

a

Baruch 3.

2.

Ob situm excellentem.

1.

Mirabilem.

2.

Altum.

3.

Commodum.

Tria capiti deferri solita.

b

Honor.

c

Cura maior.

d

Delectatio.

Apoc. 21.

pro dignitate ita scribit: *Duodecim portæ, duodecim margaritæ sunt, per singulas; & singula portæ ex singulis margaritis: & platea ciuitatis aurum mundum, tamquam vitrum perlucidum: & templum non vidi in ea; Dominus enim Deus omnipotens templum illius est, & Agnus: & ciuitas non eget sole neque luna, ut luceant in ea; nam claritas Dei illuminauit eam, & lucerna eius est Agnus.*

3.
Ex parte sociorum.

45. Quid de societate beatorum dicam? ne vnus quidem dyscolus est, qui alios perturbet, omnes boni, omnes perfecti. Communicatio item est meritum ac gloriæ, bonorumque omnium; vt, qui minor sit in gloria, omnium aliorum laudibus bonisque perfruat nullo eorum detrimento. *Ibi, ait Gregorius, hymnidici Angelorum chori: ibi societas supernorum ciuium: ibi dulcis sollemnitatis à peregrinationis huius tristi labore redeuntium: ibi prouidi Prophetarum chori: ibi iudex Apostolorum numerus: ibi innumerabilem martyrum victor exercitus, tanto illic letior, quanto hic durius afflictus: ibi confessorum constantia præmij sui perceptione consolata: ibi fideles viri, quos à virilitatis suæ robore voluptas sæculi emollire non potuit: ibi sanctæ mulieres, quæ cum sæculo & sexum vicerunt: ibi pueri, qui hic annos suos moribus transcenderunt.* Hæc Gregorius.

4.
Ex parte beatorum.
Duplex amor, beneuolentia & concupiscentia: utrumque satiari.
2. Psal. 41.
Matth. 5.

46. At quid ex parte beatorum? an illi satiantur? omnino satiantur: duplex enim in illis est appetitus seu amor; alius beneuolentiæ seu amicitia, alius concupiscentiæ. Hi perpetuo, dum in via sumus, anhelant ad fontem illum, de quo Dauid: *“Sitiuit anima mea ad Deum fontem viuum, quando veniam & apparebo ante faciem Dei?” &: Quemadmodum desiderat ceruus ad fontes aquarum, ita desiderat anima mea ad te Deus.* Hac siti tenentur, qui etiam hic beati esse dicuntur; nempe qui *esuriunt & sitiunt iustitiam, & quibus promittitur quoniam saturabuntur.* Amor caritatis & beneuolentiæ est, quo non nobis sed amico amamus & diligimus. Hoc flagrant tres pueri in fornace Babylonica, in medijs flammis cantantes: *Benedicite omnia opera Domini Domino, laudate & superexaltate eum in sæcula.* Alter amor Deum complectitur quidem, sed sibi; vt illo fruatur summo bono, sed suo.

Daniel. 3.

Apoc. 22.

Psal. 35.

Psal. 45.

Simile.

Beatorum ergo amor & sitibundum desiderium satiatur in cælis visione Dei, summi boni; ibi enim est fons vitæ, auctore D. Ioanne. *Et ostendit mihi fluuium aquæ vitæ, splendidum tamquam crystallum, procedentem de sede Dei & Agni.* Ibidem fluuius instar torrentis decurrit, *letificans ciuitatem Dei;* quo potantur omnes. at quomodo? haud secus quam mater sitiienti filio porrigit vbera; quibus visis, puer ore manibusque irruit in papillas, ac brachijs nunc matrem, nunc vbera complectitur ac detinet. O quàm suauiter potat, qui à diuinis illis vberibus pender, summoque complexu adhæret! Suge sitibunde, fons ille exhauriri non potest. Sicut ergo infantis desiderium expletur vñione ac fruitione vberum

vberum maternorum: ita & cælitates omne suum desiderium fruitione tanti tamque immensi boni exsatiant.

Id clarius in internis animi actibus elucescet. Sicut enim is qui sciens *Simile.* tiam summo ardore prosequitur, eam demum tenet ac possidet intellectus operatione; nec alius explendi desiderij in nobis relinquitur modus: (ea enim est natura potentiae cognoscendi, ut rem cognitam sibi vniat, & in se quodammodo detineat per cognitionem, & maxime per visionem, quæ est perfectissima cognitio) sic & desiderium nostrum expletur Dei conspectu ac complexu, & quidem amoris amicitiae: quia *Amor amicitia expletur.* ideo beati esse volumus, ut non tam nobis beatitudo nostra bono sit, quam amico; omneque bonum nostrum, tam internum quam externum, eidem optamus. Hinc Angeli cum senioribus perpetuo concinunt Deo laudes in conspectu throni: *Benedictio, & claritas, & sapientia, & gratiarum actio, honor, & virtus, & fortitudo Deo nostro in secula seculorum, Amen.* *Apo. 7.* Optant etiam amici præsentiam: nisi enim præsens sit cum omnibus bonis suis, amor iste nec quietus est, nec satiatur. Per hanc præsentiam bona dilecti quodammodo fiunt amantis, etsi eam non ob suum, sed dilecti commodum appetat; præsentia verò hæc statuitur per visionem: quare visio explet desiderium amoris amicitiae.

Exsatiat quoque eadem amorem concupiscentiae: quod enim hoc *Amor concupiscentia expletur.* amore maxime appetimus, est, perfectam habere præsentiam vniomnemque infiniti boni, quam nobis præsentem efficit visio beatifica. Appetit denique quilibet summam sui PERFECTIÖNEM in omnium rerum genere: at visio Dei maxima est hominis PERFECTIO, fons & origo reliquorum; de ea enim certissime dici potest, *Venerunt mihi omnia sap. 7.* bona pariter cum illa. Ex hac nepe amor beatificus oritur, in beatitudinis consecutione ac perpetuitate necessarius: ex eadem & lætitia incomprehensibilis, quæ est decor beatitudinis & vltima PERFECTIO necessario resultans ex possessione boni amati. Et quia vera beatitudo perpetua est, & immutabilis; ideo perpetuum & immarcescibile gaudium beatorum sit, necesse est.

CAPVT

CAPVT XXIX.

Vitam beatam eam demum solam esse, quæ æterna sit: eandemq; esse finem ultimum, virtutis ac perfectionis præmium.

Aug. in Psal.
118. serm. 19. 10-
mo 8.

Calirū Vitam
æternam esse.

1.
a Ioan. 8.
2.
3.
b 1. Cor. 13.

5.
Stātus æterna
patriæ Unde
pendeat æter-
nitatis.
c Psal. 26.

Heb. 6.

47. **V**ITAM, qua cælitates perfruuntur, esse beatam, sat constat ex dictis, si modò æterna sit: nam, vt D. Augustinus ait, *Tum verè viuam, quando nihil potero timere ne moriar. Ipsa enim & sine ullo additamento dicitur vita, nec intelligitur nisi æterna & beata vita, tamquam sola dicenda sit vita; in cuius comparatione ipsa, quam dicimus, mors potius appellanda quàm vita. Neque ait hic Propheta, In æternum viuam; vel, Beatè viuam: quasi aliud non sit viuere, quàm sine ullo fine & sine ulla miseria viuere.* Hæc Augustinus. Hanc autem beatam vitam æternam esse, & testatur & promittit nobis, qui mētiri non potest, qui dicit se oībus suis vitam æternam daturum. Quid namque huic vitæ beatæ finem allaturum putatis? an quia anima ipsa interitum patiatur? nequaquam: ipsa immortalitate & incorruptibilitate prædita est. Nec gratia amitti poterit, quia *caritas numquam excidit*; quæ in cælis stabilitur & consummabitur. Illius quidem amissio primum parentem ex paradiso ablegauit: sed non sicut donum, ita etiam præmium; hæc namque consummatio ciues æternæ patriæ nos constituet.

4. Ex parte Dei mutatio nulla esse potest: est enim ens entium, *a & c*, immortalis & incorruptibilis. Quomodo enim deficiet is, qui omnibus & esse & vitam tribuit? qui bonorum operum remunerator, verax vtique in promissis haberi vult, nec fallere potest, cum ipse prima sit veritas.

5. Accedit quòd status illius vitæ stabilis sit, & vocetur *terra viuentium*, quòd in æternum stet, & qui in ea pedes figunt, infernè non labantur, nec à vita excidant. Sed & vitæ huius status nexus indissolubiles multi sunt, ac sola dirimuntur morte; quemadmodum in hac vita qui legibus matrimonij, vel votorum sollemnitate roborantur. Imò elementa, si centrum suum sortita fuerint, non mouentur vīquam; pe-
tunt verò omnia supremum suum locum vbi conqueſcant. Cur ergo homini sua quies summa non esset, & quidem legibus cælestis cōnubij, quod hic contractum sollemni fide est, teste Apostolo Paulo. *Homines, ait, per maiorem sui iurant; & omnis controuersia eorum finis, ad confirmationem, est iuramentum. In quo abundantius volens Deus ostendere pollicitationis hereditibus immobilitatem consilij sui, interposuit iusiurandum; vt per duas res*

res immobiles, quibus impossibile est mentiri Deum, fortissimum solatium habeamus.

Est quoque status hic non modò beatitudinis, sed & finis vltimi. Si finis, non est quò tendas; si vltimus, non superest quò vltius adspires. Hic ergo quies est, & aeterna quidem; quæ quia beata, vita aeterna dicenda erit.

At fortè hominis titubabunt pedes, & inconstantia vacillabunt, vti viatoribus contingit. Nequaquam; *stantes enim erunt pedes nostri in Psal. 121. atrijs tuis Ierusalem*: nam tunc homo assecutus erit summum bonum, quod per visionem detinebit; ex ea enim amor summi boni necessariò sequitur: quod nobis non contingit ex cognitione naturali, vel fidei, quia nondum possidetur summum bonum; nec etiam ex spe, quæ quia repræsentat futurum, & per varias quidem & arduas difficultates acquirendum, & obscurè, in speculo, in ænigmate, non ita necessariò diligitur; at in patria beato intimè præsens est, illud ipsum tenet, possidet, clarissimè condiciones eius cognoscit, nullaquæ difficultas assecutionis conseruandæ intercurrit. Idcirco voluntas impetu quodam ruit in eius amplexus, tenet, & indissolubiliter ei adhæret.

Adde neminem esse qui velit esse miser: omnes volunt esse beati, & quidem propensio hæc naturali quodam pondere necessariò omnibus à natura impressa est: & si aliter quis loqueretur, contra mentem se loqui facile sentiret ac conuinceretur. Verùm magni refert in quo beatitudinem tuam colles. *Trahit sua quemque voluptas*, sua beatitudo. Si veram proponas, si summum & verum bonum, quia eius acquisitio ardua est, & difficilis; amabit quidem quispiam summum bonum, sed oderit adiunctum malum, laborem nempe & difficultatem, sine qua summum bonum acquiri non potest. Hic verè beatitudinem suam & absolutè non amat: si enim amaret, amaret & media illa, sine quibus illam acquirere nullo modo potest. Ceterùm quilibet necessariò vult esse beatus. Quid si fuerit? vult & permanere, & quidem necessariò. Nec beatus permanere potest, nisi Deum diligat: ideo necessariò vult & diligit & Deum, & beatitudinem suam. Si Deum non amaret verè, non esset perfectissimè beatus; quia bonum quod non amatur, non potest perfectè beare.

Deinde lætitia sequitur possessionem illam præsentis summiq; boni, quæ etiam fit vt seiungi nolit beatus: nam etsi beatus non desinere esse beatus videndo solum & amando summum bonum, decor tamen & vltima PERFECTIO beatitudinis desideraretur.

Constat insuper promitti fructus corollasque eximias ijs qui in arduis atque heroicis actibus excelluerunt, lætandi videlicet exultandique anam singularem. Fructus illi promittuntur à Propheta Isaia: *Isaia 9.*

Cc

Læta-

6.

Deus in calomatur necessariò, non ita in terra.

7.

Beatitudinem necessariò amat.

8.

Lætitia beatorum.

9.

Fructus calæstes.

Psal. 125.

Matth. 26.

Matth. 19.
Vnde fructus
oriuntur.IO.
Laureola.
Psal. 125.Finis hominis
quis, & si dif-
ferat a beati-
tudine.Lib. 2. contra
aduersarium
Legis & Proph.
c. 7. ante med.
tomo 6.
alibi Psal. 39. cōc.
s. de principio
Psal. in initio.
b. 1. Cor. 13.
c. Matth. 16.

Letabuntur sicut qui letantur in messe, sicut exultant victores capta praeda, quando diuidunt spolia. & à Vate Regio: Euntes ibant, & flebant, mittentes semina sua; venientes autem venient cum exultatione, portantes manipulos suos. Duplex enim causa letandi occurrit; de labore emenso, & de fructu laborum qui percipitur abundantius: & quidem omnibus beatis id continget, diuerso tamen gradu; promittit enim Dominus singulis *denarium durum*, seu præmium essentialiale, ac præterea laborum quorundam atque operum specialium fructus; alijs *centesimum*, alijs *sexagesimum*, alijs *trigesimum*. Qui enim spiritu illustriores fuerunt, & à carnis illecebris remotiores, uti virgines, (nam operatio carnis hebetiores animos in spiritualibus facit) centesimum; qui verò sese nonnumquam miscuerunt corporis voluptatibus, minusque ideo spirituales fuerunt, quales viduæ, sexagesimum; qui denique continentia dumtaxat coniugalis immaculato toro contenti, ut coniuges, castè vixerunt, trigesimum fructum reportabunt. Sed & ij qui *cunctis* generose *ibant, & flebant, mittentes doctrinæ semina; venient cum exultatione, portantes laureolam & manipulos* collectarum spicarum in manibus suis; animas, inquam, multas, quas Deo adiunctas secum in horreum summi Patris-familias deportabunt. Simili lætitiæ laurea donabuntur martyres, & ea admodum illustri ac præstanti; sua quoque virgines, qui se, mundum, ignitaque hostis nequissimi tela peruicerunt: gloriosè denique omnes beati perpetuis trophæis de hostibus triumphabunt.

48. Est ergo cælestium fors & condicio vita, eaque vera, eademque beata, denique æterna; ideoque sola vera, quia præter eam nulla æterna est. Illud tamen omitti non debet, quòd non modò ea possessio beatitudo nostra sit, sed & finis ultimus. Beatitudo causam non dicit: nam & Deus beatus est, suæque beatitudo, sed causam finemque non habet; ipse est sua beatitudo, & finis omnium. Finis enim includit rationem causæ: finis quippe dicitur, propter quem omnia fiunt, quæcumque aliquo fiunt officio, uti definit Augustinus; & addit alibi, duobus modis finem dici, vel quo fit ut non sit quod erat, vel quo fit ut perfectum sit, quod inchoatū erat. Sic beatitudo nostra finis est vitæ nostræ, finis miseriarum; & *cum venerit quod perfectum est, euacuabitur quod ex parte est*. Hæc scribo PERFECTI ONIS studiosis, ut prospiciant quid tandem sibi obtentum velint in fine: Deus reddet unicuique secundum opera eius, non amplius. Si quis nihil egerit, nihil obtinebit; & lugebit in inferno, se nihil egisse, cum exiguo labore vitam æternam promereri, æternas pœnas posset effugere.

Qui verò fœcordia sua, post adeptam iustitiam in purgatorium ignem se delabi permiserit, cum nonnullo studio tam horrendas pœnas euadere potuisset, incredibili dolore ipse suam ignauiam accusabit. Dicunt

cunt plerique: Velim esse in locis purgatorijs. Quid optas, miser? optas ut sis miserior: si quid optare velis, opta ut in cælis sis, ibi eris beatus. Malum est esse in locis infernis, Dei visione vel tantisper priuari, acerbissimis pœnis detineri. Finis tuus ille non est; non centrum illud est anima, sed alicuius corporis grauioris. Malum est ergo illic versari: nam ab eo petimus liberari, & Ecclesia supplicibus votis & sacrificijs à Deo id postulat. Respice finem: oculis intentis brauium intuere.

Si purgatorium incendium euadere non potes, conare saltem; si potes, bene est. Et sanè si PERFECTIÖNEM toto animo persequaris, id tibi certò sperare licet: te pœnas ignis purgatorij neutiquam experiturum; aut, si fortè locis illis remanendū sit, te præter desiderij sitim & dilationis beatæ patriæ pœnam nihil perpeffurum. Tales fuerunt, quos Beda commemorat in visione Driethelmi. Quis enim credat, benignissimum IESVM animas, amantissimas sponsas, quæ omni conatu minima delicta deuitant, & ut hoc possint, multis pœnis corpora sua afficiunt, paratæ interim pro Dei gloria infinitis mortibus constantiam suam vel ad minimum peccatum vitandum probare, sponsas, inquam, suas pro verbulo otioso, vel distractione in oratione irrepenite, acerbissimo igne combusturum, sicut latrones hîc comburuntur pro enormibus sceleribus?

Malè etiam te quodammodo habebit in cælo, quòd post te pæne nullum reliqueris, te præuertant omnes, & longior à supernis gradibus excelsi throni tua socordia atque incuria remanseris. Itaque age quod tunc actum velis, & tunc gaudebis, tibiq; sancti omnes gratulabuntur de tui victoria, de animi magnitudine, de rebus fortiter & præclare gestis. Magna res PERFECTIO; labores, afflictiones, & lacrymas multas requirit, abnegationem sui, mortificationem sensuum, perpetuam pœnitentiæ crucisque baiulationem, curam & vigilantiam indefessam; denique quoniam mortificamur tota die, estimati sumus sicut oves occisionis: Psal. 43. & sed merces magna est; nec enim oculus vidit, nec auris audiuit, nec in cor hominis ascendit, quæ præparauit Deus ijs qui diligunt illum. Rom. 8. Isaia 64. 1. Cor. 2.

Hiscæ tam sublimes opes, tam excellens gloria, tantum regnum emittur & comparatur. Venale est, ait Augustinus, venale est, quod habeo. Dicit tibi Deus: Eme illud. Quid habes venale? Requiem, inquit, venalem habeo; eme illam. Dicis ei: Quantum valet? Pretium eius labor est. Quanto labore digna est requies quæ non habet finem! Si verum vis comparare, & verum iudicare, æterna requies æterno labore rectè emitur. Verum hoc est: sed noli timere; misericors est Deus. Si enim haberes æternum laborem, numquam peruenires ad æternam quietem. Ergo, ut aliquando peruenias ad id quod emis, non in æternum laborandum est; non quia non valet tanti, sed ut possideatur quod emitur. Digna est quidem emi labore perpetuo, sed necesse est ut labore temporali ematur.

Cc 2

Decies

Purgatorium
duplex: alter
ignis, alterum
desiderij.
Lib. 5. cap. 13.
hîst. tom. 3.

In Psal. 93. post
medium.

Decies centena millia annorum habent finem; quod tibi dabo, dicit Dominus, non habet finem. Qualis misericordia Dei! nec dicit, Decies centena millia annorum labora; non dicit, Vel mille annos labora; non dicit, Quingentos annos labora; sed, Cum viuis, inquit, labora in paucis annis. Inde iam requies erit, & finem non habebit. Et adhuc audi. Domine, secundum multitudinem dolorum meorum in corde meo exhortationes tuae incundauerunt animam meam. Et paucos annos laboras, & in ipsis laboribus non deest consolatio, non desunt gaudia quotidiana: sed noli gaudere in saeculo, gaude in Christo. Ecce quantum pretium damus: quodammodo vnam siliquam ad accipiendum thesauros sempiternos. & alibi: Quia amant homines viuere in hac terra, promissa est illis vita; & quia multum timeant mori, promissa est illis aeterna. Quid amas? Viuere. Hoc habebis. Quid times? Mori. Non patieris. Hoc sufficere visum est humana infirmitati; ut diceretur, Habebis vitam aeternam. Caput hoc mens humana; utcumque ex hoc quod agit, quod futurum est caput. Sed quantum caput ex hoc paruo quod agit? Quia viuit, & mori non vult: amat vitam aeternam, vult semper viuere, numquam mori. Sed & illi qui torquebuntur in paenis, velle habent mori, & non possunt. Non ergo magnum est diu viuere, aut semper viuere; sed magnum est beatè viuere. & capite sequenti: Amemus vitam aeternam, & ex eo nouerimus quantum pro vita aeterna laborare debemus; cum videmus homines amatores praesentis vitae temporalis atque finiendae sic pro illa laborare, ut, quando venerit mortis metus, quidquid possunt faciant, non ut auferant, sed ut differant mortem. Quantum laborat homo, quando mors imminet, fugiendo, latendo, quidquid habet dando, & se redimendo, laborando, cruciatus molestiasque, sustinendo, medicos adhibendo, & quidquid aliud homo potest! Videte quam consumptis laboribus & facultatibus suis, ut aliquantum viuatur, potest facere; ut semper viuatur, non potest. Si ergo tanto labore agitur ut aliquantulum plus viuatur, quomodo agendum est ut semper viuatur! Ponamus ergo nobis ante oculos talem vitam, cum promittitur aeterna, ut remoueamus ab illa quidquid hic molestum patimur: facilius enim inueniemus quid ibi non sit, quam quid ibi sit. Et tamen venale est. Eme, si vis. Nec multum exastues de re magna propter pretij magnitudinem. Tantum valet, quantum habes. Noli querere quid habeas, sed qualis sis. Res ista te valet; tantum valet, quantum es tu. Te da, & habebis illam. Quid exastuas? quid turbaris? numquid quae siturus es te, aut empturus es te? Ecce tu qui es, qualis es, da te illi rei, & habebis illam. Sed malus sum, inquit, & fortè me non accipit. Dando te illi, bonus eris. Et huius fidei promissionis, te des, hoc est bonum esse. Cum autem bonus fueris, pretium ipsius rei eris, & habebis non quod dixi solum, salutem, incommutatam, vitam, & sine fine vitam: non hoc solum habebis, adhuc alia tollo. Non enim ibi erit lassari & dormire, esurire & sitire, crescere & senescere; quia nec nasci erit, ubi numeri integri inuent. Numerus qui est, ipse est: nec opus est, ut augeatur, quis non ibi sit ut minuat. Ecce quanta tui, & nondum dixi:

De Verb. Do-
mini fer. 64. c. 1.

Ibid. cap. 2.

dixi quid ibi erit, quia illud nec oculus vidit, nec auris audiuit, nec in cor hominis ascendit. Vnde enim ascenderet in cor meum ut dicerem, quod in cor hominis non ascendit.

Concludam denique Doctoris eiusdem verbis: Omnia si oporteret nos quotidie tormenta perferre, si ipsam gehennam longo tempore tolerare, ut Christum in gloria sua videre possemus, & sanctis eius sociari, nonne dignum esset pati omne quod triste est, ut tanti boni tantæque gloria participes habeamur? Insidentur ergo demones, parent suas tentationes, frangant corpus ieiunia, premant carnem vestimenta, labores grauent, vigilia exsiccent, clamet in me iste, inquietet ille vel ille, frigus incuruet, conscientia murmuret, calor urat, pectus ardeat, corpus doleat, infletur stomachus, palleat vultus, infirmitas totus, deficiat in dolore vita mea, & anni mei in gemitibus; ingreditur putredo in ossibus meis, & subter me scateat, ut requiescam in die tribulationis, & ascendam ad populum accinctum nostrum. Quæ erit enim iustorum gloria, quam grandis sanctorum lætitia, cum unaquæque facies fulgebit ut sol! cum ordinibus distinctis populum Dominus in regno Patris sui cæperit recensere, & meritis ac operibus singulorum promissa præmia restituere, pro terrenis cælestia, pro temporalibus sempiterna, pro modicis magna prestare! Hæc Augustinus: quibus addam quod refertur in gestis Fratrum Prædicatorum de duobus iuuenibus, qui pari adipiscendæ PERFECTIØIS ardore excitati, relicta patria à qua simul oriundi erant, Religionē inierunt. Vterque & constantiā, & virtutem, & pietatem probauit suam. Altero tamen eorum morbo decumbente, spemque euadendi nullā relincente; alter, cum se in aliena regione destitutum iri solatio existimaret, nūtabundus tum demum insinuauit infirmo, sibi admodū fore difficile perseverare. Ager verò solari pusillum animum, quod Deo ita visum esset: polliceri deinde ne vel à morte quidem se ei defuturum; reuerfurū quoque; & de statu suo certiorē redditurū. Decessit ergo, & oranti post mortem socio apparuit subtristi specie. Quærenti verò quemadmodum se haberet, Non optime, ait. causamque sciscitanti, Patior, inquit, quippiam, non aliam, ob causam, quàm quod, cum noui focci de more darentur Fratribus, ac ceptis nouis veteres occultabam, contra Regulæ statutum, puritatemque paupertatis religiosæ. dixit etiam eosdem latere etiam nūm ad pedes læticæ; rogare se ut eos ad Superiorem deferat, isque reatum in Capitulo expositum absoluat, ac orationibus sacrificijsque expiari faciat. Factum hoc est, ut petijt. Lætissimus demum apparuit socio, magno splendore coruscans, eductumque foras ad planitiem dum solatur, & ad constantiam hortatur, ecce fulgentissimorum hominum cohors, summo ordine magnas cruces humeris deferentiū, in montem traiciens, cælum conscendebat. Nouitius in admirationem raptus, illico in felicissimam illam turbam oculos conijcit; & dum eos aspectu prosequi-

Ita Gerardus
de Fracheto in
Vitis Fratrum
Præd. probatis
ab Humberto
Ord. Mag. Ge-
ner. in comitijs
Parisijs celeb.
anno 1266.

» tur, succedit deinde alius cuneus beatorum, gestantium manibus trium-
 » phales cruces, quas nulla difficultate gestabant. Auxit admirationem
 » iuxta ac lætitiā hic ordo militum, priores ponē sequentium, calo-
 » rumque cellā petentium; sed continere præ gaudio sese vix potuit, cum
 » tertius ordo successit, duplo maior: nam singulis sua crux à florentissimo
 » quodam iuvene præferebatur; cumque præcedentes turmas sequeren-
 » tur, & Angelus defunctum novitium cum sua cruce ad iungendum sese
 » alijs accerseret, socius eius, Non ita, inquit, abibis, priusquam rei gesta
 » seriem, triumque gloriosorum ordinum triumphos explicueris. Bea-
 » tus iuuenis, Quoscumque vidisti, ait, tribus hisce distinctos ordinibus,
 » omnes beata ciuitate donatos esse certò scias. Qui primi comparuere,
 » insignes crucibus quas baiulabant humeris, ij sunt, qui ætate proue-
 » ctiori sese Dei obsequio manciparunt; ideo longas latasque cruces,
 » præteritarum scilicet consuetudinum velut onera quædam, deportare
 » coacti sunt. Secunda cohors est eorum qui media ætate virtutem com-
 » plexi sunt; & ij cruces gestant manibus, utpote portatu leuiore. Qui
 » verò agmen clausurunt, nec cruces nec laborem sese tulisse insinuant;
 » quia in tenera ætate, spiritus mundi illecebris, PERFECTIIONIS ar-
 » cem ingressi, Angelicè vixerunt, totūque iugi Dominici pondus eorum
 » Angeli sustinuerunt, non ipsi. Si perseueraueris, nobis adiungèris, &
 » beatus eris: ego verò Dei gratia cum illis ascendo. Bene vale. Quibus
 » dictis, alios secutus est, Angelo suo duce, eiusque crucem ferente.

Ex his facillè cognoscimus, quæ vita, quæ sit vera, quæ beata; & sanè
 eam solū esse beatam, quæ æterna est, vnicamque illius vitæ capeffen-
 de viam ac rationē esse, quam Christus & verbis & vita ipsa nos docuit;
 nimirum virtutis PERFECTIIONIS que studium. Quòd si ea labore
 non careat; exiguus tamen labor est, qui tanto præmio compensatur.
 Nec virtutis ac PERFECTIIONIS in hac vita nobilissimū atque am-
 plissimum præmium desiderari posse videtur, cum ipsa amatores suos
 diuitijs celestibus, ornamentis, honore, gloria, excellentique voluptate
 copiosè beet ac cumulet. Si enim sola virtutis cognitio incredibiles
 amores excitat, ob eiusdem pulchritudinē singularem; quid PERFEC-
 TIONIS ipsius non visio modò, sed possessio, sensus, ac cōplexus,
 quæ virtutum omnium venustates ac voluptates continet? De ea mè-
 ritò dici potest, quod milites Holofernis visa Iudith pulchritudine di-
 cebant: *Quis contemnat populum Hebræorum, qui tam decoras mulieres ha-
 bent; ut non pro his meritò pugnare contra eos debeamus?* Nulla virtus est,
 quæ venustatem Iudith decore ac forma non superet. Quid ergo ipsa
 PERFECTIO, quæ virtutum omnium venustates splendoremque
 continet? nōne meritò pro illa contra omnia impedimenta, labores,
 difficultates, tentationes pugnabimus? Si amanda beatitudo; hæc via
 bea-

Iudith 10.

beatitudo à sacris Doctoribus appellatur: qua qui fruitur in hac vita, præstantissimum quod hîc haberi potest consecutus est. Sed de hac modò prolixiùs dicendum.

CAPVT XXX.

PERFECTIONEM non consistere in Dei Inactione in anima nostra essentiam delapsa, omni humana actione exclusa: amorem etiam concupiscentia non esse PERFECTIONEM.

NEOTERICI quidam PERFECTIONEM constituunt in Inactione seu actione Dei, delapsa in essentia anima Deo prorsus derelicta veluti in prædam, ut de ea, quod libuerit, faciat. *Neotericorum sententia de quaestione Perfectionis.* Qui actus diuinus amoris infinitus ubi in animam illapsus est, omnem actus nostri imperfectiōnem pellit; regnatq; PERFECTIO, quæ in actu nostro consistere non debet, sui proprii boni plus æquo appetentior. Duo namque illa Inactio connotare videtur. Primò, exclusionem nostræ actionis, tamquam imperfectæ, & obnoxie cupiditati amoris proprii; ut Inactio idem sit quod non actio, seu actionis negatio. *Inactio Dei quid.* Secundò, folius Dei actionem in anima nostræ essentiam illapsi, ibique agentis.

Quare actus fidei, spei, odij proprii, resignationis perfectissimæ, caritatis quantumcumque intensa, & quidem quæ omnem defectum excludat, omnium virtutum desiderium, mandatorum quoque diuinorum votum contineat, ardorem denique ac zelum profundendi temporalia omnia, & vitam, patiendo quantumlibet graua tormenta, ad illustrandam Dei gloriam, dispositiones tantum sunt ad PERFECTIONEM; nec caritas illa PERFECTIO est, sed sola Inactio quæ subsequitur, calitus demissa in centrum anima desertæ liberrimo Dei beneplacito. Quæ quidem Inactio non est actus amoris elicitus, qualis esset aspiratio, aut ardens in Deum desiderium, aut oblatio actualis sui totius in obsequium diuinæ Maiestatis; sed simplex sui desertio ac derelictio veluti proiecta alicui, qui animam abripit, solo deserentis sese præuio consensu, ex quo de cetero anima passiuè se habeat, solaq; remaneat passio simplex sanctæ operationis, amorisq; infiniti. Et hæc Inactio omnium actionum, quantumcumque perfectarum, finis est, non medium; sine qua PERFECTIO vera non est. Explicant hoc similitudine puelli brachijs paternis contineri portatique gestientis: in quo puerulo duo requirunt; desiderium hoc primum duntaxat, &

consensum deinde, dum rapitur amore ac brachijs paternis: atque hac tantum initio; quod superest, actus Dei est, filium suum exosculantis: in filio tamen letitia resultat ingens, & complacentia duorum, basia, amoris indicia, vltro citroq; deferentium.

Henrici de Gã- 2.

daus sententia
de beatitudine.

Quodlib. 15.

q. 12.

Lib. de cal. hier.

cap. 7.

Arbitror hos sententiam quorundam de beatitudine conari ad viatores transferre, dicentium hominem fieri beatum per quandam vnionem diuinæ essentia cum essentia animæ, quam vocant illapsum; eamque conflari vi amoris, qui amantem in amatum transformandi efficacitatem habet maximam, auctore D. Dionysio Arcopagita. Modum verò hunc præscribunt: primum enim aiunt, animam Deum videre, illico in amorem rapi; ex quo amore sequi intimam essentiarum vnionem, essentiamq; animæ vi amoris trahi in essentia diuinæ abyssum; hanc inuadere ac penetrare, vt & ipsa à Deo inuaditur ac penetratur: quo fit, vt anima perfectius videat & amet, quam ante vnionem hanc essentiarum. denique concludunt beatitudinem propriè non esse aliquid existens in beato, sed Deum ipsum esse beato unitum.

Pæne simile est quod hi beatitudini viæ adscribunt: in hoc tamen differunt, quòd hi nullam operationem ponant post vnionem illam, sed potiùs quietem, fruitionem, ac delectationem, non vt suas, sed vt Dei actiones; illi verò & ante vnionem illam beatificam, & post, eosdem actus visionis amorisque requirunt, quamquam perfectiores post vnionem. In illo quoque conuenire videntur, & maximè cum Ioanne à Ripa, qui beatitudinem vult in quadam operatione consistere, sed ea increata & infinita, intellectui communicata; ipsam namque visionem increatam, qua Deus se videt & possidet, communicari & vniri intellectui nostro, vt Deum videat: hi verò amorem communicari animæ essentia; tumque hominem perfectum censerì, quando operari sua operatione desinit. quod mirum tamen dictu est, cum in essentia animæ nulla possit esse talis operatio, quæ solis potentijs tribuenda est. Verùm actu increato non minùs concinnè Deus operabitur, si quidem id fieri possit, in essentia animæ, imò in aëre, quàm in potentijs: nam actio increata Deus est, qui nec à loco, nec à potentia nostra dependet.

3. Frequens est hic loquendi modus apud quosdam spirituales viros, qui de Theologia mystica scripserunt: Deum anima essentialiter vniri; eam in Deum transfundi & transformari; vnionem cum Deo fieri sine medio. Quæ commodè intellectu Catholicum sensum admittunt; pariunt tamen nonnullis, qui distinguere nesciunt, non paruas tenebras, & contentionibus aniam præbent non minimam, dum in modo loquendi quisque in suo sensu vult abundare. Hac occasione illud explicabo quid sit, animam Deo essentialiter vniri. Multa magna que primo aspectu dici videntur, nihil tamen vel magni, vel noui. Quid illud? Deum

Animam Deo
essentialiter
vniri, quid.

Deum essentialiter ac realiter esse vbique, ac omnibus intimè adesse, *id fr 3. modis.*
 essentiam, existentiam, vitamque rebus tribuere: & hic est primus mo-
 dus, quo Deus animæ, vel anima Deo coniungitur. Altero modo Deus
 vnitur animæ rationali per donum aliquod supernaturale, quo illam na-
 turæ suæ participem facit; non tamen proximè & immediatè essentia-
 liter vnitur, sed interiacente gratiæ adminiculo. Sic Patres ac Scho-
 lastici aiunt nos Deo vniri per fidem & caritatem. Vnitur denique
 Deus actibus internis virtutum, quibus anima Deo appropinquat, &
 affectibus ac desiderijs sese ei deuincit, sicut duo amici vnus animus esse
 dicuntur. Etsi ergo per solam gratiam habitualement quispian Deo con-
 iunctus esse censeatur; multo tamen magis per actus, qui vita partim di-
 uina, partim humana, sunt ab habitibus infusis (qui ad actionem refe-
 runtur, tamquam vltimam suam PERFECTIÖNEM) elicit; & qui-
 dem cum à nobis, tum à Deo, qui ad actus singulos supernaturales sin-
 gulariter concurrat. Hoc autem (vt rem paulo altiùs repetamus) du-
 plici ratione fieri posse videtur. Vna ordinaria est: cum nempe diui-
 num lumen intellectum nostrum præuenit, & Deus singulari gratia ex-
 citat voluntatem atque concursu suo cooperatur agendo; tum vt causa
 prima & vniuersalis in ordine rerum naturalium; tum vt auctor gratiæ,
 causaque vniuersalis in genere rerum supernaturalium. Et quidem,
 quoad illam illustrationem intellectus, aliquando momentanea est: sed
 tunc Deus, magnus artifex, tam multa tamque sublimia ac stupenda co-
 momento suggerit, vt ea multis diebus litteris mandari haud facillè pos-
 sint. Item tam efficaciter voluntatem breuissimo illo spatio mouet,
 tantamque animus haurit lætitiā ac voluptatem, vt nec verbis expri-
 mi, neque cogitatione possit vllō modo comprehendere. Hi actus eli-
 ciuntur à potentijs humanis: sed liberi non sunt, eo quod præueniant
 rationem, & nobis non aduertentibus, imò subinde repugnantibus, ad-
 ueniunt; vt patet in D. Pauli Christum persequentis conuersione. Eli-
 ciuntur tamen à potentijs humanis; quia repugnat, actum nostrum
 existere, & eundem non esse vitalem. Visio namque, intellectio, cogni-
 tio, item timor, desiderium, spes, actus vitæ omnino censendi sunt: in-
 tellectus tamen lumine illo vti non potest sine vsu imaginationis, tam-
 quam instrumenti sui; vnde statim recurrit ad phantasmata, vt res con-
 cipiat; sicut oculo vis imaginatiua vtitur ad res corporales recipiendas;
 & manu vtimur ad res apprehendendas ac continendas, quæ aliās ex-
 ciderent. Illustratio quoque illa aliquando est diuturnioris durationis, *aliquando lon-
 gioris duratio-
 nis.*
 non momentanea, omninoque à Deo pendet, & gratuita eius boni-
 tate; ideoque illam vel impertit, vel remouet, quando vult. Nihilo-
 minus etiam tunc non censetur homo supra consuetū sanctorum mo-
 dum eleuari; & vt diuina illa & abdita mysteria concipiat, necessario
 indiget

*Auxilium ac
 concursus Dei
 in actibus su-
 pernaturalibus
 duplex.*

*1.
 Ordinarius.*

*Est aliquando
 momentanea.*

*Intellectum in-
digere phantaf-
matibus.*

*1. Cor. 13.
Prophetarum
visiones imagi-
nariae.
a Ierem. 1.
b Ezech. 1.
c Dan. 2.
d Apoc. 6.*

2.

*Extraordina-
rius.
Raptus quid.*

2. Cor. 12.

*In raptu actus
non infundit,
sed a potentijs
elicit.*

*Quomodo homo
possit se ha-
beat.*

Cant. 3.

indiget adminiculo imaginationis, sicut in omnibus actibus fidei, cari-
tatis, & aliarum virtutum; ita enim D. Paulus: *Videmus nunc per speculum
in enigmate.* Prophetæ quoque subinde in reuelationibus suis res imagi-
nario modo conspiciunt, siue in somnis, siue vigilantes; vt cum ^a Ieremias
vidit ollam succensam, virgam vigilantem; & ^b Ezechiel quatuor ani-
malia, quorum quatuor facies vni, quatuor facies alteri; & ^c Daniel sta-
tuam ex varijs metallis conflata; ^d Ioannes equos, album, rufum, aut
nigrum: eæ namque species erant rerum corporalium & corporales.
Hæc tamen non è potentia intellectus vel phantasiæ eruantur, sed di-
uino miraculo intellectui representantur. Altera ratio stupendo ple-
na miraculo, moræque longioris est: cum Deus aliquem auocat à sen-
sibus, immittens species atque imagines, non ex rerum corporearum
colluue concretas, sed planè cælestes ac diuinas. Gratis enim dicitur,
excludendas in raptu omnimodas figuras, species, ac imagines, sine
quibus ne Angeli quidem spiritualia, resque tam naturales quam super-
naturales, cognoscunt. Verum longè sublimiori modo tunc hominem
subleuat, quam priori. Sic D. Paulum ad tertium cælum siue in cor-
pore, siue extra corpus, abreptum putamus. Lumen tamen illud, aut
species intelligibiles supernaturales, non sunt actus, (quod aliqui ima-
ginantur) sed obiecta actuum, iuncta cum gratia adiuuante ac subleuante
infirmiorem potentiam nostram, quæ naturalibus viribus ad tam subli-
mem statum nullo modo potest assurgere. Similiter cum voluntas ex-
citatur atque inflammatur cælesti hac visitatione ac solatio, putandum
non est ipsam actum non elicere, aut ipsam gratiam abundantiam & in-
fluxum esse actum hominis; auxilium istud est, quo actus perficitur,
non autem actus infusus. Perspicuum verò est, animum sic eleuatum
facillimè imò sine labore agere, ob copiam auxilij, & vbertatem gratiæ;
suauiter enim equitat, quem gratia Dei portat: nihilominus actus illi
eliciuntur ab intellectu & voluntate, in quibus formaliter inexistunt, &
à quibus vitaliter promanant: & per huiusmodi actus homo Deo con-
iungitur, ei que firmissimè adhæret; animusque quasi brachijs duobus
Deum, vt summum bonum, modo aliquo præsentem complectitur ac
detinet. quod Sponsa in Canticis his verbis exprimit: *Tenus eum, nec di-
mittam.* Hæc tamen vnio non est essentialis; quia non potest essentia-
liter anima Deo vniri, vt statim dicemus. Nec etiam est in essentia ani-
mæ; nam essentia animæ, vt à potentijs distinguitur, nullam habet
operationem, estque velut humanum corpus, quod detractis brachijs
femoribusque, atque euulsis sensibus, instar trunci remanet. Differt
tamen hæc secunda ratio à priori: quod in ratione ordinaria intellectus
vi imaginaria vtatur, seu phantasmatis; secunda verò præter species
intellectuales, supernaturali virtute infusas, nullam imaginem haustam
à sen-

à sensibus, aut ex phantasiæ fonte depromptam, accipiat. Vtraque tamen agendi ratio perficitur in animæ potentijs, & per earum actus homini Deus arctissimo vinculo vnitur, vt solent amicorum animi interna quadam necessitudine conglutinari; & quo diuturniores atque intensiores ij fuerint, eo nos feliciores. Vnde sancti in cælo beati sunt, quòd actu perpetuo Deo adhærescant; meritòque Rex pius exclamat: *Beati Psal. 82. qui habitant in domo tua, Domine, in secula seculorum laudabunt te.* Per solam verò animæ essentiam hominem essentialiter Deo vniri, nulla ratione intelligi posse videtur.

4. Præter tres supradictos modos, & ex his conflatas vniones, alia assignari non potest, qua Dei essentia essentialiter vniatur cum anima nostra. Vt enim duo aliqua simul existentia, & veluti sese penetrantia, proximè vniantur, necesse est illorum alterū suum esse alteri communicare, & ex vtroque tertium quoddam conflare, vt videre est in calore aquam, in anima corpus, & in Verbo diuino naturam humanam penetrante; hæc enim non habent nouam aliquam vnionem cum ijs quæ ab ipsis penetrantur, nisi quia suum esse illis communicant: at Deus proprium esse suum animæ non communicat, neque ex vtroque quippiam vnum exsurgit.

Addere fieri non posse vt vnio diuinæ essentia cum essentia animæ sit substantialis; non enim essentialis est, qualis inter corpus & animam: non est etiam hypostatica, qualis est Verbi cum natura humana: neque potest esse accidentalis; quia anima non potest immediatè à diuinitate accipere esse accidentale, cum ipsa sit perfectissima substantia: qualis ergo erit vnio illa essentia diuinæ cum essentia animæ?

Denique si illis enthusiasmis Deus de nouo vniatur animæ noua vnione essentiali, id fieri debet per mutationem Dei aut animæ: non Dei vtique, quia immutabilis est; fit ergo per mutationem animæ, ac proinde necesse est aliquod donum gratia animæ aduenire, Deum verò essentialiter non vniri.

Dices fortè mutari animam, non quòd fiat aliqua in ea qualitas, sed quia nouo modo sese habet, dum ab essentia diuina magis penitus quæ inuaditur ac penetratur. Verum aliter res se habere videtur; nam penetratio per intimam præsentiam & veluti inexistentiā mutuam perpetuò existit, (*In ipso enim viuimus, & mouemur, & sumus*) & quidem tanta, quanta esse potest maxima. Sicut in mysterio incarnationis, si humana natura existisset ante assumptionē à Verbo, & nulla fuisset in ea facta mutatio, nec accepisset aliquem nouum modum intrinsecum, non potuisset nouo modo vniri Verbo, quod antea erat ei intimè præsens.

Hanc veritatem clarissimè atque appositissimè explicat D. Augustinus

D d 2

Lib. 2. contra
Maximum,
cap. 12. tomo 6.
2. Matib. 5.

Act. 17.

Ephes. 5.

Infundi à Deo
actum amoris
in essentiam
animæ, tribus
modis posse in-
telligi.
1. Modus.
Perfectionem
non consistere
in auxilio su-
pernaturali.

stinus his verbis: Cum dicit Dominus, ^a Estote perfecti, sicut & Pater vester
caelestis perfectus est: non vult illos Deo in unitate naturæ coniungere, tamquam
illorum & illius una eademq; natura sit; sed perfectos vult esse in natura sua,
sicut Deus perfectus est in sua, quamvis diuersa, non una. Quod, nisi in ipso
simus, omnino esse non possumus. Non sicut in illo sunt omnes, quia ipse continet
omnia quæ creauit, propter quod dictus est non longè positus ab vnoquoque no-
strum; sed sicut in illo sunt tales, qualibus dictum est, Fuiſtis aliquando tenebræ,
nunc autem lux in Domino. Hæc Augustinus. Ex quibus patet, impro-
priam esse locutionem dicentium, animam, cum Deo fruitur, & solatio
ac visitatione caeleſti exardescit, vniri Deo essentialiter; cum ne qui-
dem de natura Christi humana id asseri possit: non enim natura huma-
na in Christo essentialiter vnita est naturæ diuinæ proximè, sed Verbo.
Quòd si ergo ne Christi quidem naturæ id concedi potest, multo mi-
nus nostræ.

5. Videtur etiam admodum improprie dici, infundi animæ actum
amoris infiniti. Actus enim ille, qui Inactio dicitur, aut actus erit eli-
citus à Deo infinitus; aut creatus extra potentiam seu voluntatem ho-
minis; aut elicitus quidem à voluntate humana, sed singulari Dei con-
cursu. Si hoc postremum: non tantum Inactio illa erit summa homi-
nis PERFECTIO, sed etiam actus caritatis obedientialis, imò & actus
fidei, & (quod amplius est) actus timoris Dei à grauissimo peccatore
elicitus: non enim humana virtute, sed planè diuina ope, in ani-
mam infusa elici debet. Non ergo pij illi homines de auxilio ac
concursu supernaturali intelligunt illam Inactionem: alioquin aut ni-
hil noui diceretur; aut certè verum non esset, Inactionem esse homi-
num PERFECTIÖNEM. Accedit, subinde in recenter conuersis,
nondum excussis passionibus ac infinitis defectibus, plus voluptatis ac
quietis, plus ardoris subsidijque; indiciorum beneuolentiæ diuinæ,
quàm in ijs qui in PERFECTIÖNIS statu prouecti sunt, quique pæ-
ne omnes defectus ac animi perturbationes exuerunt, inueniri: erunt
ergo ij statim perfecti, quia Inactionem illam perfectius recipiunt?
4. Quid dicam de peccatoribus grauissimis, meretricibus, & concu-
binarijs, qui tanto æstu & voluptate illico rapiuntur, vt nullo suo
pæne labore poenitentias grauissimas subeant, lacrymas vbertim fun-
dant, sponte ruant in flagella, à pedibus Confessarij auelli non pos-
sint: hinc censendi erunt assecuti PERFECTIÖNEM; quia signa
longè maiora diuinæ beneuolentiæ, quàm iusti quidam, experiuntur?
Aliud ergo per Inactionem significatur, quàm auxilium speciale, quod
omnibus actibus supernaturalibus tribuitur: nam morum mutationem,
euulsionemque omnium imperfectionum, actum caritatis, ac resigna-
tionis perfectissimæ, tamquam necessariam dispositione prærequirunt.

6. His

6. His addo, complexus illos diuinos, si speciali tantum concursu fiant, nihil esse aliud, quam delectationem prouenientem ex praesentia Dei amantissimi Patris, singulari quodam lumine ac perfecto amoris seu caritatis actu apprehensi; atque ad eam omnes virtutū & habituum actus referri volunt. Atqui delectatio & quies in finibus constitui non debent; cum omnium Theologorum iudicio, maxime D. Thomae, aut medijs misceantur, aut certe obtineri non possint, nisi cum eo quod ut finis expetitur atque acquiritur. Quare quies & delectatio percipiuntur in illa visitatione caelesti; quia anima hominis per veram caritatem, in qua hominis consistit PERFECTIO, Deum praesentem habet, eumque talem apprehendit & experitur superueniente incredibili solatio, immenso gaudio & quiete, testibus illius praesentiae ac beneuolentiae murae. Ergo quies illa, seu Inactio, PERFECTIO nostra esse non potest.

Accedit quod gaudium, vulgi opinione, propter insignem sensus voluptatem longè pluris fieri soleat, quam actus ille per quem acquiritur: effert enim (si magnum est) hominem ac transmutat secundum affectum, & diffundit sese; subinde etiam paene mentem eripit. Sicut enim dolor ita afficit internos externosque sensus, ut ad se totum hominem rapiat: sic & vehementius gaudium cogitationem affectumque abripit; plusque sese exerit, quam res ipsa quae delectationem illam induxit. Verbi gratia: qui edit fameliens, de comestione ipsa non cogitat; & quod agrotus esset molestum edere, illi non est; imò ne per imaginationem quidem molestiam illam apprehendit, edendive laborem: & tamen, si non ederet, voluptatem non sentiret. Sic qui rem amatam videt, qui tangit, qui audit, non solet reflectere super actione sua, quae tamen causa est voluptatis exerta; eaque actione sublata, omnis voluptatis corrumpitur sensus. Ex quo patet, vulgò & pluris fieri voluptatem quae ex aliquo actu percipitur, quam actum ipsum; & oculos in delectationem homines solere conuertere, etiam si saepe ignorent unde quibusve rationibus ipsa delectatio oriatur. Ita fit in diuinis illis visitationibus. Ideo finem in delectatione vulgò constituunt, non in actione quae delectationem parit & quietem. Ex vehementi enim amoris vi, qua anima Deum sibi deuincit ac conglutinat, oritur quies & delectatio: tolle amorem, tolle actum illum quo Deus tenetur, corrumpitur omnis delectatio ac suauitas quam experiris. Pono exemplum hominis sic eleuari & absorpti caelesti voluptate, ut simile quid numquam expertus sit. Illo rerum statu data opera desinat ipse cogitare de Deo, desinat amare, vel animo solo pecuniam attentè numeret; tota illa spiritualis fabrica momento abripitur, sicque ruit, ac si numquam fuisset. Non igitur quies illa ac voluptas pro fine habenda est, nec PERFECTIO dicenda,

Dd 3

cenda,

*Perfectionem
non consistere
in quiete & de-
lectatione.*

1.

*a Lib. 3. conf.
Gent. cap. 23.*

2.

*Voluptatem
pluris fieri sub-
go, quam actum
per quem ipsa
generatur.*

cenda, sicut nec in beatitudine gaudium quod ex possessione summi boni nascitur: nam gaudium non est finis hominis, nec eius beatitudo; omnis quippe eius dignitas ex operatione illa pender, qua Deus possidetur. Hinc fit ut in actibus amoris vesani delectatio ac quies turpis sit, quia amor ipse turpis est. Iudicium ergo de quiete ac delectatione quasi finibus actionum nostrarum, vulgi iudicium est ex sensu iudicantis. Aliter rem sese habere conuincunt ea quæ diximus.

2. *Modus.*
Inactionis seu
Perfectionem
non esse actum
creatum.

7. Ad alterum venio: quod cum illa Inactio non sit solum auxilium speciale, ac eximius quidam concursus diuinæ visitationis, (nihil enim noui diceretur, idque esset vel etiam cum peccatoribus comune) discutiendum est, num forte esse possit quidam actus à Deo creatus, & animæ vehementer amanti beneque dispositæ infusus, quo tamquam diuina ac infinita agendi vi, sine suo villo labore ac operatione, Deo optimo Patre perfruatur; ne, si operatione utatur propria, sese quippiam humani commodi immisceat. Primum peto an Inactio hæc actio sit. Actio est. Peto iterum cuius illa sit, Dei an hominis. Dei utique est, non hominis. Peto tertio qui vocetur, visio an amor. Non visio, quia visio hominis est, illuminatio Dei: atqui actus iste actus Dei est; non est ergo visio. Accedit quod visio sit in intellectu, Inactio verò in animæ essentia esse dicatur: non est ergo Inactio visio; sicut gratia habitualis, quæ est in essentia animæ, non est cognitionis actus. Non etiam est amor, quia & iste excluditur. Estne quies? Est. Peto vterius an omnimoda quies, ut nulla sit cogitatio aut amoris actus in homine. Si nullus actus in anima remaneat, credibile non est quippiam superesse, ipsamque planè esse otiosam, innascique illud quod Doctores vocant in spiritualibus otium perniciosum; quæ stupiditas quædam est animæ nihil cogitantis. Et gratis dicitur, posse animam sine cogitatione amare: nam, cogitatione omni sublata, corrui omnis actus voluntatis, ut iam diximus; multo magis si anima omni planè actu suo careat: nam anima sine potentijs instar trunci est; sicut corpus sine vllis sensibus, somnoque sopitum: videretur ergo potius dicendum, quietem illam esse amici possessionem ac fruitionem, & per consequens esse actum voluntatis; nam fruitio & gaudium actus sunt voluntatis ab ea elicit: non ergo Inactio illa erit actus creatus & infusus, sed gratia singulari cum potentia concurrente productus.

An Deus actum
creare possit.

8. Verum redimus ad priorem modum, qui non videtur esse ex mente illorum auctorum, utpote qui hominis actum omnem eliminant. Sed intelligi non potest quomodo Deus actum vitalem creare possit sine cuiusquam vita ac potentia viuentis, quam vitaliter informet: fruitio enim & delectatio sunt actus vitales. Ex quo ergo prodeunt? Si enim Deus infundere potest talem actum vitalem in animam hominis

(vra

(vti censet Occam, b Marilius, & Paludanus de actu beatitudinis) a In 1. dist. 9. 2.
eundem in aere poterit constituere; sicque aer dicetur videre, amare, b In 3. q. 10. a.
& frui; sicut & caput hominis, si actus ille in illud velut globus deuol- 2. In dub. incid.
uatur: quod omnino absurdum est, & inintelligibile, vt statim di- concl. 4. & 6.
cemus. c In 4. dist. 49.
9. Illud ergo, quod tertio loco supererat, constituendum est; nimi- 3. Modus,
rum Inactionem illam non esse actum creatum, sed increatum & infi- Inactionem seu
nitum, quo benignissimus Deus in animam hominis illabatur, solusque Perfectionem
operetur, & sua creatura pro arbitrio ac beneplacito tamquam suo in- non esse actum
strumento rationali vtatur. Verum hic loquendi modus non est ad- increatum.

1. modum conformis definitioni Concilij Tridentini, quo contra Luthe- Sess. 6. can. 10.
rum & Osiandrum definitur, *nos non esse formaliter iustos per iustitiam Christi*. At si PERFECTIO nostra consistit in Inactione seu actione
Dei increata, non est in nobis iustitia, sed in Deo: nec inhæret; nam si
perturbatio superueniat, desinimus esse perfecti, quia nulla quies super-
est. Deinde, quantumcumque perfectus, potest amittere iustitiam: at
Dei actus infinitus cessare non potest, sicut nec Deus mutari. Accedit
quod fructio infinita sit ipse Deus: at implicat contradictionem, Deum per Deum supplere
seipsum supplere effectum operationis seu actus vitalis, idque duplici de causa: non potest ef-
fectum opera-
tionis vitalis,
duplici de cau-
sa.
1. quorum prima est, quod in actu vitali includatur esse causam formalem,
seu informare potentiam: debet enim actus vitalis informare poten-
tiam a qua elicitur; vita namque debet esse in viuente: Deus verò ra-
tionem causalis formæ absque controuersia supplere non potest; id
enim summæ imperfectionis est, vt antè declarauimus. Altera causa
est, quod actus vitalis non possit dare esse potentia, neque eam infor-
mare, nisi ab ipsa effectiue procedat; quod repugnat fructioni ac dele-
stationi increata.

10. Quid ergo est demum illa Inactio, in qua consistet PERFECTIO? Si quidem de actione Dei in nobis operantis agatur, septem
Inactiones notare possumus. Inactio Dei sep-
tem modis con-
cipi potest.

1. Vna est, quam Deus operatur per gratiam præuenientem etiam in
grauissimis peccatoribus. Et sanè si quæstio sit de Dei actione operan-
tis sine cooperatione voluntatis; præuentio illa qua Deus animam no-
stram præoccupat, siue lumine immisso, siue impulsu voluntatis, præ-
ceteris maxime Inactio dicenda erit: nulla enim actio est supernatura-
lis in qua minùs operamur, in qua Deus magis solus operetur; nam
primi illi motus liberi non sunt, sicut nec in peccati seu fomicis moti-
bus primò primis: vnde meritò, præ ceteris, præmotiones istæ Inactio-
nis merentur nomen.

2. Agit deinde Deus in nobis, cum pœnitentiæ gradibus sensim ad iu-
sticiam tendimus, fide, timore, spe, amore seruii, detestatione pecca-
torum:

torum: his enim Deus concurrere debet, & nobiscum operari; ideoque Inactiones illi virtutum actus dici possunt, & multo magis (quod tertium Inactionis genus est) actus virtutum spei, caritatis, odij suiipius, adepti iam iustitia.

4. Illæ quarto loco ponendæ singulares Dei visitationes, de quibus *Cant. 5.* Sponsa in Canticis: *Anima mea liquefacta est, ut dilectus meus locutus est.* Mollescit enim cor durum, imò instar ceræ liquefcit, ac in suauissimas lacrymas resolvitur, Deoque quodammodo miscetur, ob affectus excitati teneritudinem; quod viris perfectis subinde accidit: non negat tamen idipsum benignissimus Deus etiam bene imperfectis. Cur ita? quia Dominus est, quia ita placet, quia tironem suum hac esca velut hamo inescare vult, & sensim ad PERFECTIÖNEM adducere. Inactio est, fateor; non tamen tollit liberum arbitrium: nec Deus solus agit; anima enim tunc & amat, & gaudet, & Deo fruitur, non magno quidem suo conatu, abundantia nempe gratiæ pondus sarcinæ nostræ velut equo subleuante ac deportante: agit tamen homo, & actus vitales elicit.

5. Omitto pro quinta actum Dei creatum in animam illapsum. Omitto & pro sexta actum increatum; qui si infundi posset animo, veræ essent Inactiones, & quidem propriæ dictæ.

7. Vltimus est raptus, sub quo aliquæ prophetiæ & reuelationes sublimiores comprehendere possunt. Hoc homo super se eleuatus, nec sensibus vititur, nec phantasmatibus ad operationes intellectus eliciendas: his enim Deus sufficit quasdam species intellectuales, quibus mens illustrata videt, gustat, audit Dei arcana, quæ non licet homini loqui; & quo clariùs ea intuetur, eo amat ardentius, eo suauius delectatur. Hæc Inactio non est actus creatus infusus, nec etiam increatus, sed vbertas quædam & profusio diuinæ benignitatis sese amicissimæ Sponsæ communicantis.

II. Præter has septem in hac mortali vita nullum Inactionis genus reperio: his enim homo passiuè se habet, sed diuersis gradibus. In quo tandem horum PERFECTIO constituenda est? Non in raptu primùm; nam raptus nusquam proponitur tamquam PERFECTIO nostra, ut qui non sit in hominis potestate: est enim miraculum manifestum, ut homo absque phantasmate intelligat; nec species illæ intellectuales, quæ à Deo communicantur, in hominum sunt potestate. PERFECTIO deinde nobis debet inhærere, nec temporum varietate diuelli, ut, qui iam perfectus est, illico nulla sua culpa desinat esse perfectus. Denique desperarent omnes, si hæc Inactio proponeretur tamquam PERFECTIO nostra; cum plurimi sint, qui nec id capiant quidem; nec Deus etiam statuit eum fauorem elargiri, ut patet experientia:

rientia: si enim omnes rapti essent, desciscendum esset ab omni opere, & sine cibo viuendum; nulli essent agricolæ, nulli pistores, nulli sartores: quæ viuendi ratio futuræ vitæ reſeruatur; paucis exceptis,

— quos æquus amant

Iuppiter, aut ardens euexit ad athera virtus.

Virgil. lib. 6.
Æneid.

12. PERFECTIO non consistit in diuinis excitationibus; non in actibus pœnitentium; non in plerisque actibus virtutum, vt fidei, spei, ac cuiusvis caritatis, quia hæc non excludunt maximas imperfectiones; nec in actibus quoque creatis extra potentiam, nec etiam increatis, quia tales nullos esse probauimus; nec denique in illa vnione cum Deo, ac quiete, quam quarto loco collocauimus, si eam ab actu veræ caritatis separe, quod pij auctores faciunt: ^b nam fruitio illa Dei nihil aliud est quam decor atque efflorescentia amoris, & ab ea pendet velut à causa. ^c Separatur deinde delectatio in hac miseriarum valle frequentissimè ab anima, actusque summæ caritatis ab illa suauitate. Perfectus erat Iob, & tamen horrendè Deum timebat, sensumque nullum delectationis aut quietis fortè toto tempore afflictionis suæ expertus est. Perfectus Dauid, & tamen, *Seruite, ait, Domino in timore, & exultate ei cum tremore.* Christus denique in cruce derelictus à Patre nullam perfectæ caritatis dulcedinem percipiebat vt viator. Et tamen hi omnes erant perfecti. Adde, experientia teste, inueniri non paucos, qui, etsi puritati ac PERFECTIONI diligentissimè incumbant, tamen tota vita sua consolationes illas eximias experti non sunt. Certè, si cetera non desint, nemo negabit, tales perfectos esse censendos: solatia enim illa à Dei benigna manu promanant; nec à nobis dependent, nec in nostra sunt potestate, quidquid egerimus. Interdum diuina solatia arbitramur motiones naturæ, sensus delectationum, meditationis ac orationis temporibus: quæ in complexione sanguinea sæpius excitantur quam in melancholica; etsi fortè PERFECTIONES longè maiores sint in hisce durioribus quam mollioribus corporibus. Scriptura sacra, Patres, ipsa demum Ecclesia Catholica non est admodum sollicita nos excitare ad Inactionem tamquam PERFECTIIONIS culmen, sed ad bene agendum. *In mundo, ait Christus, pressuram habebitis; sed confidite, ego vici mundum.* Hortantur ergo hi ad pugnandum, ad multa patienter toleranda pro Christo, ad fiduciam in Dei benignitate reponendam, ad constantiam in Dei lege seruandam. Illud omitti non debet, Inactionem illam multis esse incognitā, obscuram, ac difficilem intellectu; imò præmissis nihilominus hisce omnibus vixdum constare quid sit. Nemo verò fertur in incognitum. Clara, obuia, perspicua debet esse PERFECTIO, vt appeti possit: alioquin tirones despondent animum solā ignotæ PERFECTIIONIS recordatione. Ad me-

Perfectionem non consistere in excitationibus ad virtutē, non in actibus pœnitentia, nec plerisque virtutum actibus. a Delectatione non esse Perfectionem.

b 1.

c 2.

Psal. 2.

3.

4.

Ioan. 16.

5.

Ec

tam

6. tam mihi currendum est; brauium agnoscam oportet, quod ad currendum me inuiteret. Delectatio denique, ut diximus, actionum nostrarum finis esse non potest, cum ad amorem conseruandū eiusque usum referatur, non amor ad delectationem; sicut in beatitudine gaudium non est finis hominis, sed decor quidam ex eo resultans, seruitque in hæsioni ac possessioni ut conuenienter illi statui fiat.

Gaudium quod ratione vocetur beatitudo.

13. Non negauerim tamen gaudium vocari beatitudinem, quia gaudium consummatum supponit consecutionem summi boni: est enim suauissima quædam affectio ac quies inde proueniens, ex præsentia nempe & possessione summi boni; estque vltima PERFECTIO resultans ex beatitudine, non tamen in qua consistat beatitudinis essentia. Quod autem animus non quiescat absente gaudio, est; quia, quando gaudium abest, summum bonum non potest esse præsens: eo enim præsentem, non potest non naturali quadam dependentia illa affectio emicare. Ita & in beatitudine viæ; eo tamen excepto, quod, quia summum bonum nondum clarè possidetur & in suo fonte & termino, speque tantum salui facti sumus, videamus illud in speculo tantum, & in ænigmate. Ideo fit ut non semper resultet delectatio, nec emicet decor ille, qui ex beata visione necessariò exoritur. Si tamen per diuinam potentiam restingeretur gaudium in beatis, permanente visione & amore, (ut Melchior Canus improbabiliter factum esse existimat in Christo tempore passionis) tunc homo verè adhuc beatus esset, & summi boni possessionem haberet; careret tamen veluti quadam beatitudinis naturali condicione, seu propria passione. Multo ergo magis in viatore non necessariò resultat ex beatitudine viæ illa sensibilis delectatio, quæ tentationibus multis obnoxia est, ideoque minùs digna ut excellentia PERFECTIIONIS in ea constituatur.

Lib. 12. de loc. 6. 14. in fine.

14. Quare, etsi scientiam mysticam (quam pæne à prima atate colui) amem, suspiciam, vehementer laudem, & ad cælos usque extollam, utpote quæ multas spirituales opes contineat, ipsamque PERFECTIIONEM in suo fonte degustet; exercitio quoque omnium virtutum infusarum, heroicis conatibus, mundo, carne, dæmone, amore proprio, passionibus subactis, caritatis finem (quatenus fieri potest) in omnibus assequatur, ad eumque omnia referat: in multis tamen falluntur tiro-nes; nec ij modò, sed persæpe & nonnulli sæculares, qui directioni nullius subiecti, etsi in ea prouecti, suo tamen ingenio plus æquo tribuunt atque indulgent: qui nisi humiles sint, & sese spirituali directori regendos lubenter committant, incidunt in tentationes varias, in desideria vana & inutilia, illusiones funestas, contentiones varias, quæ mergunt hominem in interitum, ut in Erone alijsque spiritualibus viris antiqui Patres obseruarunt.

a Palladius in Laus. hist. sect. 29. 30. 40. 42. tomo 7. Bibl. sacra.

15. Ex

15. Ex quibus patet, PERFECTIÖNEM in Inactione à perfectio Amorem concupiscentia non esse Perfectiönem.
 actu caritatis separata constitui non posse, sed in ipsa potius caritate;
 non tamen omni: est enim quidam Dei amor qui ad ipem, virtutem
 Theologicam, pertinet; ex quo desiderium nascitur, ac intentio, timor
 item non acquirendæ beatitudinis, spes demum adipiscendæ suo tem-
 pore. Hic amor non est PERFECTIO: timor enim (nempe serui-
 lis, qualis est spei) non est in caritate, sed perfecta caritas foras mittit timo-
 rem. Amat deinde amor iste Deum tamquam bonum, non Dei, sed
 suum: non quod inordinatè Deo abutatur, quem ad se tamquam me-
 dium transferat; sed cum indigus sit & imbecillis, Deus verò perfectè
 liberalis & opulentus, eius benignitate vitur ad inopiam suam suble-
 uandam, imbecillitatem stabiliendam, omneque bonum suum asse-
 quendum. At nobilius est Deo merere proprijs expensis, amicitia Dei
 solo intuitu; qui amor beneuolentiæ est, non concupiscentiæ: quæ ca-
 ritas amicitia in Deum tendit vt summum bonum, cui in omnibus,
 etiam sine præmio, imò cum summis infinitisque incommodis adhæ-
 rescere, eique in omnibus nititur complacere. De qua ita Bernardus: Lib. de diligen-
 Non sine premio diligitur Deus, et si absque præmij intuitu diligendus sit. Va- do Deo, ante
 cua namque vera caritas esse non potest; nec tamen mercenaria est, quippe non medum.
 querit quæ sua sunt: affectus est non contractus, nec acquiritur pacto, nec acqui-
 rit; sponte afficit, & spontaneum facit. Verus amor seipso contentus est: habet
 præmium, sed id quod amatur; nam quidquid propter aliud amare videaris, id
 planè amas quod amoris finis pertendit, non per quod tendit. Paulus non euange-
 lizat vt comedat, sed comedit vt euangelizet; eo quod amet non cibum, sed
 euangelium. Verus amor præmium non requirit, sed meretur. Præmium sanè
 necdum amanti proponitur, amanti debetur, perseveranti redditur. Hæc Ber-
 nardus. Amor verò concupiscentiæ, licet bonus & sanctus, (tendit
 enim in Deum, illumque honorat, dum ab illo sese dependere & sine
 eo consistere non posse profitetur, sensimque ad verum amicitia amo-
 rem inducit) mercenarius tamen est, eumque proprii commodi cogni-
 tio, merces ac lucrum progignunt, atque ex natura sua ad bonum
 amanti inclinant. Adde quod talis amor sine caritate non sufficiat,
 nec amantem saluare possit, magnæque præsumptionis sit, eum sperare
 atque expectare, quem vera caritate non diligas. Quod de spe seu
 amore concupiscentiæ statuo, idem de ceteris virtutibus constituen-
 dum est, quæ sine caritate mortuæ sunt.

1.

1. Ioan. 4.

2.

3.

CAPVT XXXI.

PERFECTIONEM in Caritate consistere.

*Præclara res
non sine labore
acquiruntur.*

- 1.
- 2.
- 3.

Ætela. 1.

*Exercitia seu
ludi in cam-
pō Olympico
quinque.
Natalis Comes
lib. 5. cap. 1.*

*Georg. lib. 3. &
Æneid. lib. 5.*

*Cæstus Ende
dictus.*

*Virgil. Æneid.
lib. 5.*

*Quid mūdani
homines patiā-
tur pro inani
& corruptibili
præmio.*

16. **N**IHIL Deus in hoc mundo præclari hominibus propo-
situm esse voluit, cuius assecutio non insigni labore consta-
ret, ac industria. Non eruuntur auri argentive de fodinis
metalla, nisi & labore, & expensis innumeris: & qui addit scientiam, quæ
in præclarioribus mortalium bonis censenda est, addit & laborem. Quis
denique sceptræ & diademata virtute consecutus est, quin prius vires
exhauserit, facultates suas effuderit, vitæ denique mille periculis expo-
suerit? Virtute nihil est præclarius, nihil illustrius PERFECTIO:NE:
quæ si mortalibus cognita foret, atque obuia, omnium ad se animos ra-
peret; nec quisquam vllis laboribus, pœnis, ac doloribus ad eam asse-
quendam parceret. Sæculi huius homines, vmbra eius concipien-
tes, quid non faciunt?

Olim in campo Olympico ludi fuerunt instituti ab Hercule, exci-
tandis ad virtutem hominum animis: in quibus quinque exercitia præ-
cipuè vigeant, de quibus Homerus Iliade penultima; quæ Simonides
hoc carmine comprehendit:

Ἄλμα, ποδωκίην, δίσκον, ἀκοντὰ, πάλην.

Primus est saltus; alter cursus; tertius discus, qui proijciebatur ad me-
tam; quartus iacula seu pugna quam cæstum vocat Virgilius; vltima
erat lucta. Hi incredibilia patiebantur, præsertim qui lucta vel cæstu
gloriam præmiumque quærebant; & vt reliqua omittam, quanta im-
manitas in cæstuum ludo! Cæstus, à cædendo dictus, claua erat instar
flagelli, ex loris bubulis congestis, globis plumbeis aut ferro granibus;
quibus athletæ sese mutuò diuerberabant, aut (vt verius dicam) mem-
bra vicissim comminuebant: vni namque iam caput obtundebatur, iam
effractis maxillis, aut cranio, dentes cerebrumve excutiebantur; alter,
conuulsis scapulis, ictus immanitate succumbens sub onere fatiscebat;
alius denique, fracta ceruice, ruebat mortuus. Describit hæc Virgilius
elegantè, & quidem de Entello sic ait:

Sic deinde locutus

In medium geminos inani pondere cæstus

Proiecit, &c.

Obstupere animi tantorum ingentia septem

Terga bonum plumbo insuto ferroq, rigebant.

Et post pauca, de pugna differens:

Ostendit dextram insurgens Entellus, & aliò.

Exultat.

*Extulit: ille ictum venientem à vertice velox
Prædidit, celeriq; elapsus corpore cecidit.*

Entellus vires in ventum effudit, &c.

Sed læsam aliquem audiamus:

*At illum fidi aequales, genua agra trahentem,
Istantemq; utroque caput, crassumq; cruorem
Ore reiectantem, mistosq; in sanguine dentes,
Ducunt ad naues.*

Qua vi autem percuterent, ex hoc collige, quod victor Entellus suo
cæstu taurum victoriæ præmium interfecerit.

*Dixit, & aduersi contra stetit ora iuueni,
Qui donum adstabat pugna; duosq; reducta
Librauit dextra media inter cornua cæstus
Arduus, effractusq; illisit in ossa cerebro.
Sternitur exanimisq; tremens procumbit humi bos.*

Deus bone! quis mortalium gloriari potest se pro Deo tanta aut talia
fecisse? *Nondum usque ad sanguinem resististis*, ait Paulus. Sed quod præ- *Heb. 12.*
mium? quæ merces? Respondet Paulus: *Et illi quidem ut corruptibilem* 1. Cor. 9.
coronam accipiant, nos autem incorruptam. Horum exercitiorum meminit
Paulus; omnium quidem in generali, cum ait: *Omnis qui in agone conten-* *Ibidem.*
dit, ab omnibus se abstinere. Tum enim nec bibendi censebant esse tem-
pus, nec edendi; non procurabant opes; non indulgebant voluptati-
bus; omnia postponebant; hoc vnicum sibi proponebant, *Age quod*
agis. In particulari verò Paulus non meminit saltus, nec disci ad me-
tam projiciendi; expressè cursus meminit. *Nescitis*, inquit, *quod ij qui in* *Ibidem.*
stadio currunt, omnes quidem currunt, sed vnus accipit præmium? sic currite, ut
comprehendatis. Luctæ meminisse videtur nomine agonis & contentio-
nis, cum ait: *Omnis qui in agone contendit.* Exuebantur nudi, omni-
que veste abstinebant; ne teneri, vel deijci, aut prosterni possent. Sed cæ-
stum modum expressit euidenter, dicens: *Sic pugno, non quasi aërem* *Ibidem.*
verberans. Summa enim ars atque industria athletarum erat, declinare
ictum, ut cassus vel in terram caderet, aut aërem verberasse diceretur.
Paulus hoc exercitium flagellationi corporis accommodat, & modum
pugnandi nos docet, flagellum tamquam cæstum se apprehendisse asse-
rit: sauebat, tamquam generosus athleta, non in alium, sed in pro-
prium corpus; quod quia ictus diffugere non poterat, non verberabat
aërem, sed egregie tundeat eorum suum. *Castigo*, inquit, *corpus meum, Ibidem.*
& in seruitutem redigo.

Quid ergo miseros illos pugiles accendebat, ut adeò dura suscipe-
rent, exponentes se malis innumeris, ac euidenti vitæ periculo? Coro-
na, lausque aliqua spectantium; & quidem corona corruptibilis: sed

1. Cor. 12.

Caritatis Via
maximè subli-
mis.
Ecclesi. 1.

1. Cor. 9.

Caritas quid.
a Lib. 3. de do-
ctrina Christi.
cap. 10. sub fin.
De Caritate
Perfectionem
constituit pro-
batur.

I.

Scriptura.
b Col. 3.

c 2.

Ex Patribus.
d Lib. de bono
patient.
e Lib. 4. aduers.
haeres. cap. 25.
f Serm. de Fide,
Spe, & Carit.
qui subiungi-
tur hom. in
epist. S. Pauli
ad Cor. tom. 4.
g 1. Ioan. 4.
Sine Caritate
ceteras Virtutes
non prodesse,
uis maior esse,
& cum ea cete-
ras dari.

unicus accipiebat brauium, verbera quamplurimi multa & horrenda. Quod infani homines pro umbratili corona ac laude subibant, nos à diuina edocti sapientia subeamus (Deo Agonotheta vidente) ad PERFECTIONEM consequendam. Merces nostra amplior ac nobilior est. Ideo D. Paulus: *Amulamini charismata meliora; & adhuc excellentiorem viam vobis demonstro.* Quam? Caritatem. Quomodo viam, cum PERFECTIONIS vinculum Caritatem esse velit? Est vtrumque, & vinculum PERFECTIONIS, & via excellentior; sed de viâ PERFECTIONE agimus: viatores enim sumus, &, quidquid agimus in via, ambulantes agimus. Non est tamen via sublimior, nec status (si status in via esse possit) celis vicinior, Caritate; quæ demum in cælis, etsi cetera desint, nos in Dei throno collocabit. Ideo Sapiens loquens de timore, qui ex riuo eodem, quo diuinus Amor, exoritur, *Timor Domini* inquit, *gloria, & gloratio, & letitia, & corona exultationis*. En coronâ quam Deus summus Agonotheta noster promittit ijs qui PERFECTIONI assequendæ insignem operam nauabunt. Idcirco, ô generose Christi athleta, de Caritatis laudibus dissero, ne curras in incertum, ne corpus tuum flagellando frustra agere videare, sicut is qui aërem verberat; sed scias quid in meta sis inuenturus, quid consecuturus, quid tecum in cælum deportaturus.

17. Hanc coronam exultationis, gloriam, & gloriationem, seu PERFECTIONEM nostram, arbitramur esse Caritatem; quam a D. Augustinus describit motum animi ad fruendum Deo propter ipsum, & se atque proximo propter Deum. De hac virtute adeò illustria ac præclara diuinæ pagine Patresque prædicant, tot rationibus illam extollunt, vt meritò in ea huius vitæ PERFECTIONEM esse constitutam nemo inficias ire audeat.

Et primùm quidem, quòd virtutum sit perfectissima, diuinæ litteræ constituunt. *Super omnia*, ait b Paulus, *Caritatem habete, quod est vinculum PERFECTIONIS*. Præfert etiam idem Apostolus Caritatem spei & fidei, quæ tamen Theologicæ virtutes sunt; asserens ceteras virtutes nihil sine Caritate prodesse. e Hinc a Diuus Cyprianus: *Caritas fraternitatis vinculum est, fundamentum pacis, tenacitas, & firmitas unitatis; quæ & spe & fide maior est.* e Diuus Irenæus maximum vocat præceptum à Patre perfectò datum. f Diuus Chrysostomus item, *Quid*, inquit, *Caritate sublimius esse poterit, cum ipsa Caritas Deus sit?* sicut g Ioannes Apostolus loquitur, *Deus Caritas est.* vt, etiamsi quid comparaueris, parum sit; si quid sociaueris, minus; dum Caritas Deus est, cui comparabile nihil est. Inchoatur in mundo, perficitur in cælo; queritur in sæculo, inuenitur in regno. Hic enim nec fides cepta perficitur, nec spes proposita consummatur. Esse enim fidelem, Caritatis est bonum: sperare quod promissum est, amare

amare est Christum. Caritas enim est quæ & fidem adiuvat, & spem sibi sociat, & utrique secum Deo muneranti assignat. Sola est, inquā, quæ & fidem excitat, & spem longanimum reddit, & utrique semet sociam exhibet & magistrā: cum ipsis ad Christum pervenit: ipsis tunc PERFECTIONE cessantibus, sola in sanctis regna celestia possidebit. Denique Augustinus: Apostolus Paulus, cum contra opera carnis commendare vellet fructum Spiritus, à capite hoc posuit. ^a Fru- ^{In Evang. S. Ioannis tract. 87. in initio, 10. mo g.} ctus, inquit, Spiritus Caritas est. ac deinde cetera tamquam ex isto capite exorta, & religata contextuit, quæ sunt gaudium, pax, longanimitas, benignitas, bonitas, ^{a Gal. 5.} fides, mansuetudo, continentia. Quis autem bene gaudet, qui bonum non diligit unde gaudet? quis pacem veram nisi cum illo potest habere, quem veraciter diligit? quis est longanimis, in bono perscueranter manendo, nisi ferueat diligendo? quis est benignus, nisi diligat cui opitulatur? quis bonus, nisi diligendo efficiatur? quis salubriter fidelis, nisi ea fide quæ per Dilectionem operatur? quis utiliter mansuetus, cui non Dilectio moderetur? quis ab eo continet unde turpatur, nisi diligit unde honestatur? Merito itaque Magister bonus Dilectionem hic sepe commendat, tamquam sola percipienda sit; sine qua non possunt prodesse cetera bona, & quæ non potest haberi sine ceteris bonis, quibus homo efficitur bonus. Hæc Augustinus.

Perfectissima ergo virtutū ^b est Caritas, & sine ea (ut ait D. Thomas) ^{b D. Thomas. 1. 2. q. 66. a. 6. c. 1. 2. q. 65. ar. 2. & 4. d. 3.} cetera esse non possunt. ^d Excellentissimo namque modo quo potest in hac vita Deum attingit: etenim sic Deum amat propter seipsum, sic eius honorem ac gloriam querit, optatque ut ei bene sit, ut nihil admixtum proprii habeat commodi; unde proximè ac purissimè nos Deo bono increato, ut in se consideratur, vnit atque agglutinat. Ex quo sequitur, spe perfectiorem esse, utpote quæ Deum amet ut est hominis bonum, cum hoc nempe respectu, quod hominis rationibus conducat. Præstantior etiam est fide, quæ Deum, ut est prima veritas, tantum attingit, & id quidem obscure. Non enim Deum cognoscit ut in seipso est, sed ut à nobis apprehendi potest per figuras & ænigmata; Caritas verò tendit in Deum quodammodo ut in seipso est, eiusque honorem, gloriam, & bonum super omnia procurat & promouet. Hæ tres virtutes Theologicæ vocantur, quod eorum obiecta circa Deum versentur; ceterisque virtutibus, quæ vel ad eius cultum, vel ad cuiusque PERFECTIONEM, aut aliorum bonum communemque utilitatē referuntur, dignitate præstent & antecellant. Quare cum Caritas obiecti dignitate ac præstantia ceteris præferatur, in ea PERFECTIO, non in aliarum aliqua, reponenda videtur.

18. Accedit, nihil esse inter dona celestia, quæ mortalibus concessa sunt diuinitus, quod ad naturā Dei propius accedat, quàm gratia, quæ naturæ diuinæ quædā participatio est. Nihilominus Caritas nobilior gratia est, ac præstantior; est enim actus ipsius gratiæ, eiusque finis &

P E R-

PERFECTIO. Hinc Doctores tradunt, Caritatem, qua Deum formaliter diligimus, esse quandam participationem diuinę Caritatis, quę Deus est: & Caritatem nos facere Deiformes; supra hominem conuersari in cęlis, & conuenire cum Deo & Angelis. Quidquid verò diuinę litterę ac Patres gratiæ habituali tribuunt, tribuunt iđem & Caritati: vnde concludunt^a nonnulli, gratiam & Caritatem aut solo nomine distingui; aut, ^b si differentia sit, eam realem non esse, sed tantum formalem. Censent denique alij, nec realiter nec formaliter, sed sola ratione distingui.

^a Durandus in
2. Sent. dist. 27.
^b Alex. de Ales.
in Sum. Theol.
p. 3. q. 69. memb.
2. a. 4. & alij.
Gratia & Ca-
ritatis collatio.

1.
c. Prou. 8.
d. Ioan. 14.
e. 2.
f. Luc. 7.
g. Sess. 6. cap. 7.

3.
x. Ioan. 3.
1. Ioan. 4.

4.
1. Ioan. 3.
Super canon.
epist. S. Ioan.
hem. 7. tom. 9.

5.
Rom. 5.

6.
Rom. 13.

7.
Iacob. 1.
Lib. 15. de Trin.
cap. 18. tom. 3.

8.
1. Cor. 13.

Gratia nos Deo gratos efficit; efficit & Caritas. ^a Ego, inquit Sapientia, diligentes me diligo. & ^d Qui diligit me, diligitur a Patre meo.

^e Gratia à peccato iustificamur; iustificatio quoque Caritati adscribitur. ^f Remittuntur ei peccata multa, quoniam dilexit multum, ait Christus. & ^g Concilium Tridentinum formalem causam iustificationis Caritati mentibus nostris infusę acceptam refert.

Gratia vocatur animę vita, vti peccatum mors eiusdem; de Caritate sic scribit D. Ioannes: *Qui non diligit, manet in morte.* & : *Scimus quoniam translati sumus de morte ad vitam, quoniam diligimus fratres.* Gratia nos in Dei filios regeneramur & adoptamur: idem efficit Caritas; nam *omnis qui diligit, ex Deo natus est.*

Gratia nos à peccato præseruat, & inter Dei ac diaboli filios discernit: præseruat quoque ac discernit Caritas; nam *omnis qui natus est ex Deo, (ait Ioannes) peccatum non facit, quoniam semen ipsius in eo manet; & non potest peccare, quoniam ex Deo natus est. In hoc manifesti sunt filij Dei, & filij diaboli.* Hinc D. Augustinus: *Qui non diligunt Deum, alieni sunt, Antichristi sunt; & quamuis intrent Basilicas, non possunt numerari inter filios Dei, quia non pertinet ad illos fons ille vitę. Habere baptismum & malus potest; accipere Sacramenta corporis & sanguinis Domini & malus potest; habere nomen Christi, & vocari Christianus, & malus potest; habere autem Caritatem & malus esse non potest.*

Gratia donū illud est, per quod Spiritus sanctus in nobis habitat: at Caritas Dei diffusa est in cordibus nostris per Spiritū sanctum, qui datus est nobis. Gratia fons est & radix omnium virtutum; est & Caritas, Apostolo teste. *Plenitudo, ait, Legis est Dilectio.*

Gratia in extremo iudicio filios regni à filijs damnationis separabit; nullus enim cum gratia perit, nullus sine gratia saluatur: at Iacobus Apostolus statuit coronā vitę repromissam esse diligentibus Deum; ac D. Augustinus, *Sola, inquit, Caritas diuidit inter filios regni, & filios perditionis æternę.*

Gratia donum Dei omnium est maximum: at Apostolus anteponit Caritatem omnibus alijs donis; & monet nos vt super omnia Caritatem

tatem habeamus, quod est vinculum PERFECTIONIS. Hinc Diuus *Col. 3.*
 Augustinus: Nullum est isto Dei dono excellentius. & paulo post: Dantur *Lib. 15. de*
 & alia per Spiritum sanctum munera, sed sine Caritate nihil prosunt. & alibi: *Trin. cap. 18.*
 Adde Caritatem, prosunt omnia; detrahe Caritatem, nihil prosunt cetera. *tom. 3.*
 Quale bonum est Caritas ista, fratres? Quid pretiosius? quid luminosius? quid *De Verbis Do-*
 firmius? quid utilius? quid securius? & alibi: Quisquis habet Caritatem, ut *mini ser. 50. c.*
 quid illum mittimus longè ut videat Deum? Conscientiam suam attendat: si paulo post ini- *2. & 3.*
 tium. *In Psal. 149.*
 ibi Caritas habitat, Deus ibi habitat. Vult illum fortè videre scientem in calo:
 habeat Caritatem, & in eo habitat sicut in calo. Quod incredibili verbo-
 rum pondere idem D. Augustinus exaggerat diuersis locis, & maxime
 in quadam epistola. Caritas in omnibus Dei donis, inquit, ita excellit, ut *Epist. 143. ad*
 etiam Deus dicta sit. Explicans autem verba D. Ioannis iam citata, Deus *Julian. tom. 2.*
 Caritas est, addit: Quid amplius dici potuit, fratres? si nihil omnino disceremus *1. Ioan. 4.*
 per ceteras paginas Scripturarum, & solum hoc unum audiremus de voce Spiri- *In epist. can. 8.*
 tus Dei, quia Deus Caritas est, nihil amplius quærere deberemus. Ex post mul- *Ioan. tract. 7.*
 ta: Nescio utrùm magnificentius nobis Caritas commendari possit, quam ut di- *Ibidem tract. 9.*
 ceretur, Deus Caritas est. Brevis laus, & magna laus; brevis in sermone, &
 magna in intellectu. Quam citò dicitur, Deus Dilectio est! Et hoc breue est: si
 numeres, unum est; si appendas, quantum est! Deus dilectio est. Et qui manet
 in Caritate, in Deo manet, & Deus in illo manet. Sit tibi domus Deus, & esto
 domus Dei: mane in Deo, & maneat in te Deus. Manet in te Deus ut te con-
 tineat, maneas in Deo ne cadas; quia sic de Caritate dicit Apostolus, Caritas 1. Cor. 13.
 numquam cadit. Hæc Augustinus.

Gratia nihil maius efficere potest, quàm ut hominem Deo coniun- *9.*
 gat arctissimè: coniungit & Caritas; vnde D. Paulus, qui dixit, Quis *Rom. 8.*
 nos separabit à Caritate Christi? dicit etiam, Qui adhaeret Domino, nempe *1. Cor. 6.*
 per Caritatem, unus spiritus est cum eo. Hoc latissimè explicat, sed ad
 viuum, D. Bernardus. Iam verò, ait, animæ reditus est conuersio eius ad *Serm. 83. in*
 Verbum; reformanda per ipsum, conformanda ipsi. In quo? In Caritate. Ait *Cant. circa me-*
 etiam: Estote imitatores Dei, sicut filij carissimi, & ambulate in Dilectione, sicut *dium.*
 & Christus dilexit vos. Talis conformitas maritat animam Verbo, cum, cui vi- *Ephes. 5.*
 delicet est similis per naturam, similem nihilominus ipsa se exhibeat per volun-
 tatem, diligens sicut dilecta est. Ergo, si perfecte diligit, nupsit. Quid hac con-
 formitate incundius? quid optabilius Caritate? qua sit, ut, humano magisterio
 non contenta, per temet, o anima, fiducialiter accedens ad Verbum, Verbo con-
 stanter inhareas, & Verbum familiariter percuncteris, consultesq; de omni re;
 quantum intellectu capax, tantum audax desiderio. Verè spiritualis sancti q;
 connubij contractus est iste. Parum dixi, contractus; complexus est: complexus
 verè, ubi idem velle, idem nolle, unum facit spiritum de duobus. Hæc Diuus
 Bernardus.

19. Gratia amicitiam cum Deo conciliat: at numquid legimus, Vos *10.*
 amici *Ioan. 15.*

F f

Sap. 7. amici mei estis, si feceritis quae ego precipio vobis? Infinitus, ait Salomon, est thesaurus sapientiae; (haec tamquam lucifer praesentem Caritatem denuntiat, à qua lumen suum accipit) quo qui vti sunt, participes facti sunt amicitiae Dei. Talem sponsa in Canticis vocat Dominum, cum ait: Talis est dilectus meus, & ipse est amicus meus, filia Ierusalem. Hanc ob causam Propheta Regius in spiritu Apostolos vocavit amicos. Nimis, ait, honorificati sunt amici tui, Deus. quod & Christus postmodum verbo confirmavit. Iam non dicam vos servos, inquit; vos autem dixi amicos. Passim anima sponsa vocatur; alijsque nominibus, quibus amicitia arctissima includitur, ut filiorum, fratrum, domesticorum, sociorum Dei. *Psal. 138.* *Ioan. 15.* *Seff. 6. cap. 10.* In quo sensu Concilium Tridentinum iustos vocat simpliciter Dei amicos. Amicitia namque amicorum, est mutua benevolentia in bonorum quadam communicatione.

Et haec inter Deum & homines reperitur: nam Deus fluentia gratiae suae ac seipsum diuersis modis homini communicat, & vicissim homo in Dei bonum & obsequium, quidquid accepit, refundit ac retribuit; in quo amicitiae natura consistit.

Lib. 3. Offic. cap. 16. in fine. *Amicitia condicio.* 20. Quin & D. Ambrosius testis est, conditiones amicitiae inter Deum & hominem reperiri: quarum una est, ex duobus vnum efficere, & quasi in duobus corporibus vnicam animam collocare. Hinc amicus dimidium animae dicitur; quod D. Augustinus de Nebridij amicissimi amissione scribit pijsimè. Mirabar, inquit, ceteros mortales vivere; quia ille, quem quasi non moriturum dilexeram, mortuus erat: & me magis, quia ille alter eram, vivere illo mortuo mirabar. Bene quidam dixit de amico suo, Dimidium animae meae. nam ego sensi animam meam & illius vnam fuisse animam in duobus corporibus: & ideo mihi horrore erat vita, quia nolebam dimidium vivere; & ideo fortè mori metuebam, ne totus ille moreretur, quem multum amaueram. Haec ille; ex quo vis amoris vnitiva elucet: rapit enim amor cogitationem, rapit & affectum; quid demum superest? sed de hoc in Priuilegijs Caritatis.

Ex duobus vnum facere. *b. Lib. 4. Confess. cap. 6.* 21. Altera condicio est, quod inter amicos mutua benevolentia intercedere, eaque officijs varijs internae amicitiae testibus constare, foveri, augeri que debeat; & amor ipse exterius vltro citroque intimae necessitudinis quasdam scintillas exerat, & voluntatis propensae semina diffundat: alioquin multae suspiciones, quae inter amantes se facile oriuntur, haud rarò profilirent, amicitiamque dissoluerent; quis enim eum amauerit, à quo vtrum & quemadmodum ametur dubitet? hinc Aristoteles apertos debere esse ac cognitos asserit amantium animos; ut se & amari, & vicissim amare, vtrique testatum sit. quod & in Dei hominumque Caritate usu venire constat: quis enim de Dei in nos benevolentia queat dubitare, cum eius misericordia plena sit terra? qui dilexit nos, & lauit nos à peccatis nostris in sanguine suo. Et certè, si Deum dili-

2. Amicitia condicio, mutua benevolentia iudicatur. *Lib. 8. Ethic. c. 2. in fine.* *Psal. 32.* *Apo. 14.*

diligimus, certi sumus nos ab eo diligi: nam & Amor iste Amoris in nos diuini fructus est. Sacra demum litteræ nos bene sperare iubent. Si cor nostrum non reprehenderit nos, (ait Ioannes) fiduciam habemus ad 1. Ioan. 3. Deum; & quidquid petierimus, accipiemus ab eo: quoniam mandata eius custodimus, & ea, quæ sunt placita coram eo, facimus. Accedit hanc esse amici vocem: Ego diligentes me diligo. &: Qui diligit me, diligitur à Patre meo; Prou. 8. & ego diligam eum, & manifestabo ei meipsum. Deus etiam sat scit an ipsum Ioan. 14. diligamus, cui arcana animarum nostrorum notissima sunt.

Id tantum in nobis forsan dubitationis umbrâ mouere potest; quòd, an Deum verè diligamus, certi esse non possimus: nescit etenim homo Eccle. 9. utrum Amore an odio dignus sit.

Multa nihilominus indicia sunt, quibus Dei Caritas & beneuolen-
tia nobis innotescit: illud in primis, pro virili eam diligentiam adhi-
buisse Sacramentis obeundis, quæ iudicio Confessarij prudentis sufficit:
firma deinde voluntate peccatum detestari; malle etiam tormenta omnia
mundi subire, quàm Dei amicitiam perdere. Testimonium quoque
conscientiæ maximum ad id momentum habet: sicut & visitationes calitus
emisse; ipse enim Spiritus testimonium reddit spiritui nostro quòd sumus filij
Dei: studium orationis ac familiaritatis cum Deo in spiritualibus exerci-
tj: mortificationis domandarumque passionum inextinguibilis fames:
odium sui non vulgare: desiderium ingens videndi Christum amantissimum
Dominum: zelus ardens perfequendorum vitiorum ac peccatorum,
tum in se primum, tum & in alijs: PERFECTIO NIS assequenda stu-
dium inextinguibile: Amor Christi tenerrimus & infatiabilis: Deumque
honorandi atque eius gloriam promouendi ardor ac cura singularis: martyrij
subeundi, multaque pro nominis diuini illustratione patiendi, eximia
propensio ac cupiditas. In vulgaribus item timor peccandi filialis: fre-
quentatio vsusque Sacramentorum continuus iuxta & religiosus, cum
desiderio profectus spiritualis: magna ac frequens cum Deo communicatio
in oratione: experientia providentiæ diuinæ prolixa super nos, cum in
prosperis tum in aduersis rebus: longo tēpore letali peccato caruisse: lu-
beater animū suum spirituali directori manifestare, ne quid lateat quod
oculos diuinæ Maiestatis offendat: longissimè abesse à proprio iudicio &
voluntate: Amor singularis erga res diuinas, Ecclesiastica mysteria, Dei
verbum ac conciones. Hæc sanè moraliter certos faciunt, nos à Deo
diligi, & vicissim nos Deum diligere: quamuis infallibiliter nemo sciat
utrum Amore an odio dignus sit; ea enim condicio amicitie viatorum est,
vt, quia cognitio obscura est, etiam Amor sua formidine non careat. i Eccl. 9.
Sed quis amicorum in humana amicitia certus est de alterius beneuo-
lentia? quoniam natura se quærat in omnibus, & pauci sunt qui intus ij sint,
quos exterius sese produunt. Ecquis deinde hominum, corda aliorum

Amicitia di-
uina in nos in-
dicia.

- 1.
- 2.
- 3.
- 4.
- 5.
- 6.
7. 8.
- 9.
- 10.
- 11.
- 12.
- 13.

Alia indicia
conscientiæ
mundæ, Deo
que grata.

- a 1.
- b 2.
- c 3.
- d 4.
- e 5.
- f 6.
- g 7.
- h 8.

intueri potest: quid ergo mirum si in diuina, cum ne in humana quidem amicitia certi sumus de mutua beneuolentia, qui & de nostra ipforum erga alios nonnumquam ipsi certi esse non possumus, & dubitandi secretas occasiones habeamus?

3. Amicitia
condicio.
Amici pauci
delegantur.

Vult etiam Aristoteles, (quæ tertia amicitia condicio est) legem amicitia esse, ut ea ad paucos deriuetur, & si fieri potest, singularis sit. Hoc & Caritas præscribit, & ex parte nostra magnam non habet difficultatem, qui omnem nostrum Amorem in vnum Deum transfundimus; & si quid diligamus, illud in ipso ac propter ipsum diligimus, nec etiam in Deo (cuius Amor infinitus est) difficultas potest inueniri: etsi enim omnes diligat, nihil decedit alteri, quod vni vel pluribus elargitur; nec in eo id locum habet, *Pluribus intentus minor est ad singula sensus*, quia infinita intelligentia est, & in eo infinita sunt omnia.

4. Amicitia
condicio, æqua-
litas inter ami-
cos.

Lib. de Amici-
tia.

22. Æqualitas in amicitia, quarta condicio est, eamque desiderat Aristoteles. Certè nonnulla esse debet, etsi non deceat nimis exigue & exiliter ad calculos omnes amicitia condiciones vocare. Nihil tamen obest, nec decoro amicitia refragatur, si inferior dignitate cum superiore amicitiam conglutinet: quod eleganter Lelius apud Cicero- nem amicitia cultoribus præscribit. *Sed maximum est in amicitia, inquit, superiorem parem esse inferiori: saepe enim excellentia quadam sunt, quibus erat Scipionis in nostro (ut ita dicam) grege. Numquam se ille Philo, numquam Rutilio, numquam Mummio anteposuit, numquam inferioris ordinis amicis. Quintum verò Maximum fratrem, egregium virum, omnino sibi nequaquam parem, quod is anteibat ætate, tamquam superiorem celebrat, suosque omnes per se esse posse ampliores volebat. Quod faciendum imitandumque est omnibus: ut, si quam præstantiam virtutis, ingenij, fortune consecuti sint, impertiant eam suis, communicentque cum proximis: ut, si parentibus nati sint humilibus, si propin- quos habeant imbecilliores, vel animo, vel fortuna, eorum augeant opes, eisque honori sint & dignitati. Ut igitur ij qui sunt in amicitia coniunctionis, necessitudine superiores, se æquare cum inferioribus debent: sic inferiores dolere non debent se à suis amicis aut ingenio, aut fortuna, aut dignitate superari. Hæc ille.*

Nolim in amicitia personis tantum esse discrimen, ut mancipium Regis amicum esse vocandum putem: nisi Rex ipse seruo, qui multis erga Regiam maiestatem officijs fidem, ingenij præstantiam, virtutemque suam abunde probauit, singulari gratia manumisso, nobilitatis insignia, opes, dignitatesque conferat, aut etiam in filium adoptet. Quod non raro accidisse historiae testantur. Sicut nihil vetat, quin Princeps aliquis ignobilem puellam in focariam primum, deinde in pedisequam suæ matris, denique nobilitatam, & dignitatibus auctam ac ornatam, etiam in sponsam associet. Impares sumus, & inæquales, si naturam nostram peccato inquinatam, & seruituti mancipatam spectemus.

lon-

longeque maior est inæqualitas vt cum Deo amicitiam contrahamus, quam mancipij cum Rege: verum *an oculus tuus nequam est, quia ille* *Matth. 20.* *bonus est?* quos vult, nobiles facit, dignitate præstantes, & sanctitate illustres, immensa eius bonitate nostræ disproportionis & inæqualitatis defectus supplente. Quid si ergo nobilitatos cælesti gratia, si ditissimis cælestium donorum ornamentis inelytos, ad regni sui cõmunionem, ad filij adoptiui decora, hereditatis portionem, vel etiam in sponsam adscribat: quis contradicet ei? vnde D. Bernardus cum dixisset, *Nec verendum ne disparitas personarum claudicare in aliquo faciat conuenientiam voluntatum, quia Amor reuerentiam nescit; ab amando quippe Amor, non ab honorando, denominatur: honoret sanè qui horret, qui stupet, qui metuit, qui miratur; vacans hæc omnia penes amantem: Amor sibi abundat; Amor, ubi venerit, ceteros omnes in se iraducit & captiuat affectus; propterea quæ amat, amat, & aliud nouit nihil;* adiungit paulo post: *Adde quod iste sponsus non modò amans, sed Amor est. numquid honor? contendat quis esse; ego non legi, legi autem quia Deus Caritas est; & non quia honor est, aut dignitas, legi: non quia* *1. Ioan. 4.* *honorem non vult Deus, qui ait, Si ego pater, ubi est honor meus? Verum id pater; sed si sponsum exhibeat, puto quia mutabit vocem, & dicet, Si ego sponsus, ubi est Amor meus? Hæc & plura Bernardus in hanc sententiam.* *Mat. 21.*

Est namque Deus, & Dominus, & pater; sed nos quoque & fratres, & sorores, & matres esse voluit: hi enim uero ad amicitias contrahendas idonei sunt. Hinc Diuus Hieronymus: *Amicitia parum accipit, aut facit.* *In cap. 7. Neth. chæa super Ger. 18, Nolite credere in amicos.*

Adde quod admodum inæquales esse possint æquales, si, qui superior est, se demittat, & inferiorem attollat. Demisit se summus & immensus Deus; & propter nos egenus factus est, cum esset diues. Dominus omnium, se seruum fecit: qui in forma Dei, Deoque æqualis, obediens factus est usque ad mortem, mortem autem crucis: qui optimus, & ab omni peccati labe immunis, cum sceleratis reputatus est. Quid se *vermem & non hominem* esse asserit, *approbrium hominum, & abiectiõnem plebis.* *Simundi* sapientes requiras, hi non modò talem Deum nobis dicent superiores non esse, sed multis mortalibus inferiorem, nihilque ad æqualitatem desiderari. In hoc rerum statu se constituit, vt mendicam naturam nostram, peccatorum ceno contaminatam, lauacro aquæ in verbo vitæ *Ephes. 5.* mundans sanctificaret, sibiq; gloriosam exhiberet, non habentem maculam aut rugam, dignam quæ in sponsam deligatur. En verba sponsi mendicam inuitantis: *Audi filia, & vide, & inclina aurem tuam, & obliuiscere populum tuum, & domum patris tui, & concupiscet Rex decorem tuum.* *Audiuit: quid fecutum est? ornata est mendica in modum filia Regis. Omnis, inquit* *ibidem.* *Propheta, gloria eius filia Regis ab intus, in simbrijs aureis circummicta varietatibus. At decet vt habeat Regium comitatum. Adducentur Regi*

Ef 3.

vix.

Isaia 61. *virgines post eam, proxima eius adferentur tibi: adferentur in letitia & exultatione, adducentur in templum Regis. Sed quid de nuptijs & mendicæ coronatione? de Reginæ inauguratione? quid de letitia ac vestibus nuptialibus? Sic mendica hæc, & focaria, sibi apud Isaiam gratulatur: Gaudens gaudebo in Domino, & exultabit anima mea in Deo meo; quia induit me vestimentis salutis, & indumento iustitiæ circumdedit me, quasi sponsum decoratum corona, & quasi sponsam ornatam monilibus suis.*

3. Amicitia con- 23. Quinta amicitie condicio est, voluntatum & iudiciorum confor-
ditio, voluntatum mitas: vult enim amicus, & æquum reputat, quod amicus sapiens
tum conformitas. æquum bonumque iudicat ac vult. hoc quoque conforme est legi Caritatis, singulari Dei & hominis amicitia. *Psalm. 144.* *Voluntatem ipse timentium se faciet, & deprecationem eorum exaudiet, denique saluos faciet eos: & nos vicissim Caritate incitati conformamus nos voluntati diuinæ, quotidieque dicimus, Fiat voluntas tua, sicut in celo & in terra.*

Matth. 6. Accedit sexta condicio, communicatio nempe consiliorum ac secretorum, quæ etiam inter Deum & homines mutua Caritate deuinctos reperitur. Dei hæc verba sunt ad Abraham, qui amicus Dei appellatus est. *Num celare potero Abraham quæ gesturus sum? & Christus ad amantissimos discipulos: Omnia quaecumque audiui à Patre meo, nota feci vobis. Videt quidem ipse cordium nostrorum arcana, decet tamen vt & nos sponte illi patefaciamus, & animam nostram in conspectu eius effundamus. Id monet Rex sanctus. Effundite, ait, coram illo corda vestra: Deus adiutor noster in æternum. Hoc enim amicitia requirit, vt infirmior ad potentiorē recurrat, opem auxiliumque postulaturus & accepturus, & vicissim pro nouo beneficio beneuolentiam aucturus, animique gratitudinem.*

7. Amicitia Septima condicio amicorum in bonorum communicatione consistit: amicorum enim omnia sunt communia. Quod si humana id præstat amicitia, omnium maximè Caritas. Deus in primis officio amici numquam deest, & quidquid habet, communicat. *Omnia vestra sunt,* ait Apostolus: *tamquam nihil habentes, & omnia possidentes.* Cælum, elementa, creaturasque omnes sensibiles, insensibiles, iumenta, & animalia omnia in vtilitatem nostram condidit Deus, Angelos custodiæ nostræ deputauit, tamquam administratores spiritus, in ministerium missos propter eos qui hereditatem capient salutis. Denique sic Deus dilexit mundum, vt Filium suum vnigenitum daret: vt omnis qui credit in eum, non pereat, sed habeat vitam æternam. Spiritum quoque suum effudit in nos abunde, vt naturæ suæ participes efficeret, vt adoptionem filiorum reciperemus. Videte (ait Ioannes) qualem Caritatem dedit nobis Pater, vt filij Dei nominemur & simus. Quam sui communicationem ex parte Dei D. Thomas paucis his verbis comprehendit:

Se

*Se nascens dedit socium,
Conuescens in edulium,
Se moriens in pretium,
Se regnans dat in premium.*

Quòd si adeò profusè dilectissimum Filium suum nobis largitus est Pater, & (vt ait Paulus) etiam proprio Filio suo non pepercit, sed pro nobis omnibus tradidit illum, quomodo non etiam cum illo omnia nobis donauit? Rom. 8.

Ex parte nostra omnia quoque in Dei obsequium Caritatis lege profundimus: & maximè Religiosi, qui voto paupertatis Deo bona omnia temporalia largiuntur, vel eius amore sese ijs abdicant, habendi etiam potestatem exuentes; voto castitatis corpus Deo consecrât; animam, intellectû, & voluntatem obedientiæ vinculo adstringunt, parati vitam, omniaque sua, in Dei gloriam & amorem profundere, non semel, sed omni hora, die, & momento, dicentes: *Quoniam propter te mortificamur tota die, estimati sumus sicut oves occisionis.* & cum Apostolo: *Quis nos separabit à Caritate Christi? tribulatio? an angustia? an fames? an nuditas? an periculum? an persecutio? an gladius? Neque mors, neque vita, neque Angeli, neque principatus, neque virtutes, neque instantia, neque futura, neque fortitudo, neque altitudo, neque profundum, neque creatura alia poterit nos separare à Caritate Dei, quæ est in Christo* I Psal. 43.
Rom. 8.

I E S V Domino nostro. Amicorum octaua condicio est, commodis proprijs minimè insistere, sed amici. Hoc Caritas facit, ac in primis Domini nostri *I E S V* qui, cum inimici essemus, reconciliauit nos Deo: quanto magis amicos conciliabit! *Descendi de calo, ait, non vt facerem voluntatem meam, sed voluntatem eius qui misit me.* item: *Meus cibus est, vt faciam voluntatem eius qui misit me.* & voluntas Patris erat, vt nullum ex ijs, quos ei dederat, perderet, sed resuscitaret in nouissimo die. Omnes ergo laborum suorum fructus ad nostram vtilitatem retulit. 8. Amicitia: condicio, non suis, sed amicis rationibus insistere.
a Rom. 5.
b Ioan. 6.
c Ioan. 4.

Et quamuis Deus omne bonû nostrum nosque ipsos ad gloriam suam referat, id nihil de iure amicitiae detrahit; sicut nec cum duo amici officia mutua ad honorem sui Principis referunt, aut ad Deum honorandum. Hoc enim amicitia nostra ac ratio honesta postulat, vt cuique suum tribuatur, iurisque cuiusque ratio sedulo habeatur: non enim tantum amici personam Deus sustinet; sed talis amici, qui etiam finis vltimus hominis sit. Adde quòd in diuinæ gloriæ exaltatione ac procuratione non modò Dei, sed & amicorum eius vtilitas ac gloria procuratur ac promouetur, vt eleganter docet D. Augustinus. Lib. 1. de doctrina Christi. cap. 31. & 32.

Quare, si amici Dei esse velimus, non quæ nostra, sed quæ *I E S V* Christi sunt, quæque eius gloriam spectant, querere ac promouere, officij nostri intelligamus: vt nobis ampliùs non viuamus, sed amico; sicut ait Apostolus: *Caritas Christi urget nos: quoniam pro omnibus mortuus est.* a. Cor. 5.

1. Cor. 4.

1. Cor. 9.

1. Cor. 13.

9. Amicitia
cōdictio, mutua
confidentia.
1. Petri 5.

Psal. 124.

1. Cor. 4.

est Christus; ut & qui viuunt, iam non sibi uiuant, sed ei qui pro ipsis mortuus est & resurrexit. & alibi: Nos stulti propter Christum, vos autem prudentes in Christo; nos infirmi, vos autem fortes; vos nobiles, nos autem ignobiles. Usque in hanc horam & esurimus, & sitimus, & nudi sumus, & colaphis cedimur, & instabiles sumus, & laboramus operantes manibus nostris; maledicimur, & benedicimus, &c. & alibi: Cum liber essem ex omnibus, omnium me seruum feci. Itaque, sicut docuerat Paulus Caritatem non querere quæ sua sunt, ita facto ipso exprimere voluit.

Amicorum confidentiam, vltimam ponemus ex condicionibus amicitiae: ut nimirum securitatem vnus alteri præster. Hoc utique facit Caritas: nam omnes spem nostram conijcimus in Deum, quoniam ipsi cura est de nobis: nec veri Dei amici anxio timore premuntur, quasi reprobandi sint; imò, quoniam confidunt in Domino, erunt immobiles sicut mons Sion: non commouebitur in æternum, qui habitat in Ierusalem. Montes in circuitu eius, & Dominus in circuitu populi sui, ex hoc nunc & usque in seculum. Deus etiam securitatem magnam ostendit, cum gratiam suam in arrham & præmium incōparabile, imò seipsum cōcedit animis nostris, omnesque gratiarum suarum thesauros homini committit, mysteria maxima, ac eorum dispensationem, filiosque, quos amat impensè, regendos tradit; vnde D. Paulus ait: Sic nos existimet homo, ut ministros Christi, & dispensatores mysteriorum Dei. Hic iam queritur inter dispensatores, ut fidelis quis inueniatur.

CAPVT XXXII.

*Caritatem esse beatitudinem, ac proinde PERFECTI-
TIONEM: quod itidem allatis octo eiusdem
insignibus ac titulis probatur.*

Tertia ratio 24.
principalis, qua
probatnr Caritatem esse Perfectionem.

Caritatem esse
beatitudinem
vra.

I.

HACTENVS Caritatē contulimus cum gratia; cui, ut vidimus, nihil concedit Caritas vel dignitatis, vel PERFECTI-
TIONIS: cumque nihil ad diuinę naturę participationē ac vnionem adducat fortius, propius adiungat, nos denique Deo præ ceteris donis cælestibus arctius deuinciat, in ea PERFECTIO reponenda est; & si lubet, etiam ea beatitudo, quam in hac peregrinatione consequi possumus, collocanda.

Ea namque PERFECTI-
TIONIS nomen meretur virtus, quæ nos in hac vita, quatenus liceat, beatos efficit. Sicut enim in patria PERFECTI-
TIONIS titulis meritò ornanda est illa operatio, quæ, ut omnium perfectissima, nos perfectissimè Deo, bono increato, adiungit ac con-

conglutinat indissolubili nexu, quæque fons & radix est omnium bonorum, quibus anima deinde exuberat ac circumfluit, quæ nos denique beatos facit: sic & in via eam virtutem atque operationem PERFECTI ONIS prærogatiua ornandam putamus, quæ & perfectissima sit, nosque firmissimo nexu increato bono adstringat, ex quo omnia gratiarum fluentia promanent, & quantû ratio viæ patitur, nos efficiat beatos. Eam verò virtutem Caritatem esse arbitramur: eius enim operatio perfectissima est; quia perfectissimo modo tendit in Deum, quod *D. Thom. 1. 2. 9. 66. a. 6.* viatoris proprium est. Et licet spes & fides in Deum tendant, non ea tamen excellentia; vnde D. Paulus dixit, *Maior autem horum est Caritas: 1. Cor. 13.* ideoque meritò beatitudo viæ appellanda; nam beatitudo, in quocumque spectetur statu, debet esse status illius perfectissima operatio. Illa est, inquit D. Paulus, *maior horum Caritas.* Hinc D. Augustinus: *Deus Lib. 83. Quest. igitur, & animus quo amatur, Caritas proprie dicitur purgatissima & consummata, si nihil aliud amatur.* *2. 36. tom. 4.* Hæc Augustinus.

Accedit, maximam PERFECTI ONEM hominis in hac vita esse, perfectè munus obire viatoris ad cælestem patriam contendentis: is enim est finis noster, dum in hoc viuimus statu. Hoc verò munus non consistit in consecutione, apprehensione, ac possessione summi boni, sed in cōtentione, cursu, ac conatu; in accessione & appropinquatione ad illud infinitum bonum, tamquam vltimum terminum. Hoc verò munus exercet Caritas, & nos ad cursum incitat, & ad Deum perfectissimè tendere atque adspirare cōpellit. Eius enim functiones tendunt in Deum, vt est in seipso immensus, infinitus, summeque bonus, & sub excellentissima ac purissima ratione; nempe propter ipsum purissimè, & sine respectu vllò priuati commodi.

25. Beatitudinem quoque meritò vocarim Caritatem, quòd ei beatitudinis effectus optimè quadrent; vnit enim animos nostros summo bono, quatenus condicio mortalitatis nostræ permittit: ita enim Christus Patrem rogat vt simus cum illo vnum, sicut ipse & Pater vnum sunt; quod per Caritatem efficitur. Ex ea quoque, tamquam fonte, omnia deinde bona profluunt, virtutes, diuina protectio, visitationes cælestes, cōmunicatio bonorum cum beatis, cum omnibus qui Deum timent. quod de seipso Vates Regius testatur: *Particeps ego sum omnium timentium te.* Adde quòd omnes hominis operationes viuificet, & in Deum dirigat: & sicut beati Deum tamquam finem vltimum contemplantur, sic & Caritas finem sese ceteris virtutibus ac præceptis exhibet. Denique eius operationem perfectam maxima sequitur delectatio, quæ huius beatitudinis decor ac fructus est; quod Apostolus his verbis indicat: *Fructus autem Spiritus est Caritas, gaudium, pax, patientia.* *Gal. 5.* sed de his latius in titulis Caritatis, quos iam aggredior, hisque subijcio.

G g

Primùm

Quarta ratio
principalis.
Insignia Cari-
tatis seu tituli.

I.

Esse via beati-
tudinem.

a Chrys. lib. de
incomprehen-
sibili Dei natu-
ra, hom. 1. in
princ. tomo 5.

b Serm. de Fide,
spe, & Carit.
tomo 4.

c In tract. Cen-
sum cap. de
doctr. Saria, &
de humil. com-
paranda, c. 90.

d Titulus, 26.

e Legi.

f Matth. 22.

g In Enchirid.

h c. 121. tom. 3.

i c. a. Tim. 1.

j c. Consiliorum.

k 1. Cor. 7.

l Virtutum.

m Gal. 5.

n Rom. 5.

o 1. Cor. 13.

p

q

r

s

t

u

v

w

x

y

z

a

b

c

d

e

f

g

h

i

j

k

l

Primū ergo inter insignia, decora, ac ornamenta Caritatis beati-
tudinem collocamus, quod ea in se omnes prerogativas ac titulos con-
tineat: nam *beatitude est status omnium bonorum aggregatione perfectus*.
Hinc Chrysostomus a vocat Caritatē bonorum omnium radicem & fontem
& parentem. item: b Sola, ait, Caritas eterna est, quia cum Deo in sanctis est,
& ideo maior est. Denique nullum charisma sine Caritate perfectum est, nullum
donum sine Dilectione aptum. Omnia quae Spiritus sanctus deuotis impertit, aut
Caritate perficiuntur, aut sine Caritate effectum nullum sortiuntur. Denique
ipsum martyrium sine Caritate impleri non potest, licet sine martyrio Caritas
sola perfecta sit. At D. Ephraem c solus pro omnibus hanc veritatem
explicet. Serna, ait, Caritatem ut pupillam oculorum. Lux & vita in ea sunt:
serua eam. Gaudium est omnibus adherentibus ei; diuina est possessio, Ange-
licaq; dignitas: tene eam. Si dilexeris eam, renouabitur ut aquila inuentus tua: si
seruaueris eam, erit tibi exultatio coram Angelis Dei. Si eam dilexeris, prospe-
raberis in cunctis operibus tuis: si dilexeris eam, inhabitabit in te gratia Dei,
eritq; gratia instar fontis distillantis medicamenta hominibus, bonusq; odor eius
cor tuum exhilarabit. Columna haec est omnium virtutum; nullus in ea reperi-
tur dolor mortis; iustitiam & fortitudinem, patientiam & pacem docet; do-
mus Dei est: eam serua. Haec Ephraem. quae omnia beatitudinis sunt
proprietates, quas hi sancti Caritati attribuunt.

Alterum decus seu titulus Caritatis est, quod finis sit omnium.
Et quidem primū finis Legis est vniuersae; & in his duobus mandatis, ait
Christus, vniuersa Lex pendet, & Prophetæ. qua de re ita d Augustinus: Om-
nia præcepta diuina referuntur ad Caritatem; de qua Apostolus: e Finis autem
præcepti est Caritas de corde puro, & conscientia bona, & fide non ficta. Omnis
itaque præcepti finis est Caritas: id est, ad Caritatem refertur omne præceptum.
Quod verò ita sit vel timore poenae, vel aliqua intentione carnali, ut non refera-
tur ad illam Caritatem, quam diffundit Spiritus sanctus in cordibus nostris, non-
dum sit quemadmodum fieri oportet, quamuis fieri videatur. Caritas quippe ista
Dei est, & proximi, & utique in his duobus præceptis tota Lex pedit, & Prophe-
tæ: adde Euangelium, adde & Apostolos; non enim aliunde vox ista est, Finis præ-
cepti est Caritas. Quaecumque ergo mandat Deus, & quaecumque non iubentur,
sed spiritali consilio monentur, (ex quibus vnum est, Bonum est homini mulie-
rem non tangere) tunc rectè fiunt, cum referuntur ad diligendum Deum, &
proximum propter Deum, & in hoc seculo, & in futuro. Haec Augustinus.

Est etiam finis virtutum omnium; quia ad finem suum referre potest
singularum virtutum actus, & eos imperare. Ideo Apostolus dicit fidem
per Caritatem operari; spem non confundere, quia Caritas Dei diffusa est in cor-
dibus nostris. Caritas patiens est, benigna est, Caritas non emulatur. Quid
mirum? nam exercere potest omnium virtutum actus, & ad se referre;
quia virtutum omnium finis est.

Est

Est & finis Scripturarū: eò enim diriguntur, vt Deum proximumque diligamus; vt eleganter D. Augustinus: *Quidquid salubriter mente concipitur, vel ore profertur, vel qualibet diuina pagina sculpsitur, non habet finem nisi Caritatem.*

Finis est creaturarum omnium, quæ ad Caritatis communicationem à Deo conditæ sunt.

Est finis hominis, qui à Deo destinatur, vt Deum suum diligat, ei que feruiat. Nec vnquam in hoc mundo, nedum in altero, beatus erit, si Amori creatoris sui defuerit. Denique si Deus finem sibi præstitutum haberet, ille Caritas esset. Et sanè *omnia propter semetipsum operatus est Dominus.*

27. Ex hoc sequitur aliud insigne Caritatis: summum esse præceptum, præceptorum & consiliorum complexionem ac consummationem: quare Chrysostomus, *Nostri*, ait, *Caritatis quanta sit vis? certè Christus reliquis prodigijs ac miraculis posthabitis, quæ ab Apostolis edenda essent, In hoc, inquit, cognoscent omnes quod discipuli mei sitis, si Caritatem inter vos mutuam habueritis.* Quin etiam Paulus: *Caritatem Legis esse consummationem* affirmat; sine qua ipsa dona nulli esse vsui vult. Diuus autem Augustinus eruditè admodum hac de re. *Præcepta*, ait, *quibus ipsa vita bona continentur, imperatur, & discitur, multa omnino præcepta sunt, & innumerabilia; præceptorum ipsorum paginas vix quisquam enumeret: quanto magis ipsa! Quæ voluit tamen Deus, propter eos qui se possent excusare, vel quia eis non vacat legere, vel quia non norunt legere, vel quia non possunt facile intelligere; vt excusationem nemo habeat in die iudicij, voluit, sicut scriptum est, consummare & breuiare verbum super terram. Hoc ipsum verbum consummatum, & abbreviatum, nec obscurum esse Deus voluit: ideo breue, ne non vacaret legere; ideo apertum, ne quis dicat, Mihi non licuit intelligere. Thesaurus ergo est magnus diuinarum Scripturarum, habens in se mirabilia præcepta, & multa, tamquam multas gemmas, & pretiosa monilia, & vasa ingentia, & magni metalli. Sed quis potest scrutari thesaurum istum, & vti eo, & peruenire ad omnia quæ ibi sunt? Ideo post similitudinem de thesauro abscondito in agro, ne quis se minus idoneum diceret ad perscrutandum thesaurum, continuo dedit aliam similitudinem de pretiosa margarita: vt, si piger eras ad thesaurum perscrutandum, non sis piger vnam pretiosam margaritam sub lingua ferre, & quouis securus ambulare. Et hoc est verbum consummans & abbrevians: Diliges Dominum Deum tuum. Hæc Augustinus. Continet ergo Caritas præcepta omnium virtutum, omnis Legis, siue scriptæ, siue ore prolatae. Probat ea quæ à Regibus feruntur, à parentibus, à magistratu, à superioribus; vultque vt ea feruentur. Suadet paupertatem, iuuat eos qui castimoniam diligunt; quos ad votum obedientiæ nuncupandum, nonnullorumque aliorum consiliorum Deo præpositisque obseruandum inclinat. Et*

hæc quidem, vt tamquam muri & aggeres seruiant ad amorem Dei tuendum, ipsa que liberiùs in amplexus amantissimi Domini sui irruere, eius obsequijs delectari, ac in hisce tamquam summis delicijs commorari securius valeat.

4. Titulus,
Caritatem esse
vitam virtutis.

1.

Anima sine
Caritate simili
est corpori
mortuo.

2.

Opera facit in-
fructuosa.

Similis.

Matth. 5.

3.

Non satisfacit
pro peccatis;
2. Eccl. 34.

4.

Nihil meretur.
Simile.

5.

Comparatur
foli.

6.

Comparatur
filio Dei.

28. Aliud insigne Caritatis est, quod Caritas anima sit, vita, PERFECTIO que virtutum ceterarum: adeo vt, Caritate sublata, earum nulla remaneat; ipsa præsente, reuiuiscant omnes, & velut astra quædam ab ea, tamquam à sole, lucem vitamque accipiant. quod maximum habet & momentum, & vtilitatem: vt enim corpus mortuum nullam viuentem operationem facit, truncoque similius est quam homini; sic & anima sine Caritate, etiamsi totum mundum expugnare possit.

Accedit, quod opera, quæ Caritate absente fiunt, infructuosa sint, nulloque modo meritoria: talis enim qui Caritatem non habet, peccati mortisque seruus est, Dei inimicus, minusque idoneus quam vt aliquid possit promereri. Sicut qui domesticus non est patris-familias, de mensa quoque eius non participat; & qui extra vineam pulsus, denarium diurnum non potest exigere; neque qui in gratiam Domini alius cuius non operatur, ab eodem laborum præmium petere: sic qui caret hoc insigni Caritatis ac decore, nec panem nec mercedem potest mereri, etiamsi ieiunauerit, corpus flagellauerit, pauperibus largitus elemosynas fuerit; nonne enim & ethnici hoc faciunt? at quam illi recipiunt mercedem?

Addo, hunc eò statu inidoneum esse qui pro peccatis satisfaciat: *non enim iniquorum non probat Altissimus*. Quod si quippiam impetrare nitatur à Deo, suis precibus; vtique oratio ei fiet in peccatum, eritque execrabilis coram Deo, si animum ad reconciliationem non flectat.

Nec vquam vel gratiam vel gloriam merebitur: est enim Caritas meriti radix, à qua & viror, & folia, & flores, & fructus prodeunt. quod si rami non adhærescunt, ætutum exsiccantur, & virorem fructumque non ferunt, quia radicis succo non aluntur.

Hinc etiam Caritas comparatur soli, à quo pendet animalium vita, & conseruatio mundi. Tolle è cælo solem, mundum sustulisti; sequitur vniuersa terræ interitus. E microcosmo solem tollis, cum Caritatem extinguas.

Altius ascendo, & Caritatem cum Filio Altissimi comparare non reformido. Vt enim nihil vel in cælo vel in terra est, in quo ita beneplacitum est Deo, sicut in Filio, quem ex se ab æterno genuit, & in tempore mortalibus concessit: ita in rebus creatis nihil gratius est vel in cælo, vel in terra, Caritate; in qua veluti sola, aut præ ceteris omnibus, Deus sibi complacet; nihilque ei gratum, quod Caritatis venustate destitutum est. Est namque per se pulchra, Deoque grata: & sicut filius in

in parentis oculis semper gratissimus est, ita & Amor, & ardens in Deum Caritas.

29. Illud mirandum in Caritate, quod non tantum virtutum operibus vitam tribuat, sed etiam rebus naturalibus, quæ ex se à vita spirituali absunt longissimè; quales sunt, comedere, bibere, & alia ad vitæ humanæ sustentationem opera necessaria. Terrea sunt hæc; *non est enim regnum Dei esca & potus*: cum verò à Caritate prodeunt, aurea efficiuntur. Fabula est, Midam Gordiæ bubulci filium, Phrygum Regem, plus æquo auri appetentem, à Baccho, quem domi hospitio exceperat, impetrasse, ut, quidquid attingeret, illud in aurum verteretur. Itaque & mensa, & cyathus, & panis, & vestis, & pauimentum, & domus ipsa in aurum mutata sunt. Quod naturaliter fieri nequit, hoc Caritatis vis potest efficere: mutat enim omnia in aurum; & terram, cum ad Dei obsequium illam calcat; & panem, cum illum frangit pauperi; & aquam, cum Christi amore eam porrigit; & mensas, & tectas, cum ad honorem Dei ipsæ vtitur. Ideo Ioannes, *Suadeo*, inquit, *tibi emere à me aurum ignitum probatum, ut locuples fias*. Hoc pete à locuplete Caritate, & Midam ditior eris. Hinc D. Paulus, *Omnia*, inquit, *vestra in Caritate fiant*; 1. Cor. 16. & quidem in Caritate, & ex imperio Caritatis. Ideo alibi idem Apostolus: *Sine manducatis, sine bibitis, sine aliud quid facitis, omnia in gloriam Dei facite*. Hoc est imitari Salomonis magnificentiam, qui templum suum auro omni ferè loco vestiuit: nihil erat in templo quod auro vestitum non esset. Si oculis intueare, si lingua, si auribus, si corde, si capite, si manibus & pedibus, si animo & corpore ex Caritatis imperio utaris; quid quid hisce tetigeris, vertetur in aurum obryzum & purissimum; totus auro fulgebis, vestiere auro, templumque eris Deo gratius templo Salomonis, in quo Deus ipse requiescet, & lubens deprecationes tuas exaudiet.

30. Illud alterum mirandum est, auctore D. Gregorio, Caritatem aliena opera efficere propria: si enim probes, si ames, si aliena placeant, & aliqua ratione in societatem operis venias; aliena tua efficiuntur. Unde D. Ioannes: *Si autem in luce ambulamus, societatem habemus ad invicem, & sanguis IESU Christi emundat nos ab omni peccato*.

Nec omittendum, Caritatem omnium operum, quæ in Ecclesia sunt, nos facere participes: ipsa enim nos capiti Christo coniungit, cui corpus coagmentatum est, & quod vnum membrum facit, id bonum est toti corpori, & membris ex eo singulis sua portio accedit.

31. Quintum Caritatis elogium est, quod stimulus dici possit omnium virtutum; etenim eas excitat in nobis, & ut officij sui memores sint, quodammodo hortatur: qui enim singulari amore Deum prosequitur, desiderijs multis æstuat eidem complacendi, eiusque obsequendi voluntati, quæ in hoc consistit maximè, ut mandata eius custodiamus,

7.

Rebus naturalibus vitam tribuit.

Rom. 14.

Apoc. 3.

1. Cor. 16.

1. Cor. 10.

8.

Caritas aliena facit sua nullo aliorum damno.

1. Ioan. 1.

9.

Facit nos participes omnium bonorum.

5. Titulus.

Caritatem efficit stimulus omnium virtutum.

*Simile.**Caritas nos
Deo similes fa-
cit.**1. Cor. 13.**Ibidem.**Caritas igni
comparatur.**Caritas omni-
bus vitis ad-
uersatur.**Caritatis for-
titud.**2. 2. q. 139. ar. 2.
ad 2.**Ratione decla-
ratur.**Natur. histor.
lib. 8. cap. 18.*

diamus, ut virtutes omni loco & tempore exerceamus. Quæ enim sponsa maritum diligit, omnia studia sua, opera, ornatum, curas ad mariti transfert beneplacitum; & si cor eius videre maritus posset, sua omnia desideria & voluntates in ea agnosceret: sic & qui sponsæ adin-
stat Deo afficitur, vult quidquid Deus, facit quidquid ipse desiderat, in eius explenda voluntate totus acquiescit. In hoc inter amores huma-
nos & diuinam amicitiam differentia est, quod alter coniugum alterius animum non penetret, nec videat, Deus verò cor intimè videat, peni-
tusque intueatur; sed quanta sua voluptate, nostroque fructu: facit ergo Amor, ut & interiùs pretiosis monilibus virtutum ornemur, & ex-
teriùs fulgentibus operum gemmis colluceamus; denique Deo simi-
les efficiamur, qui, cum simplicissimus sit, omnium tamen virtutum ac
PERFECTIONVM laudibus atque aggregatione cumulatur. Ca-
ritas quoque perfecta nos simplicissimos facit, quia vnus Amor est, non
emulatur, non agit perperam, non inflatur, non est ambitiosa, non querit quæ
sua sunt, hæc enim simplicitati aduersantur; nihilominus & patientiæ,
& spei, & fortitudinis, & iustitiæ vices subit: vna denique & simplicif-
sima virtus est; & omnes virtutes in se continet, quia Caritas pateriens est,
benigna est; omnia suffert, omnia credit, omnia sperat, omnia sustinet.

Adde quod Caritas igni soleat comparari, cuius vis maxima omnia in se conuertit: sic & Caritas maximè diuersa in naturam suam tran-
sfert, & velut ars alchymistica virtutum omnium actuumque natura-
lium opera in ignem & Amorem conuertit.

32. Hic stimulus duos fructus parit. Vnus est, quod, sicut ad omnes
virtutes impellit, ita vitia omnia profligat; & sanè persequitur quidquid
amico displicet, quidquid sibi nouit maximè aduersari. Quid verò
Dei amicitia ac Caritati magis aduersatur quàm vitia? ea ergo odit, &
quantum in se est, perdit, destruit, & proculcat. Alter fructus est, quod
cum omnibus virtutibus calcaria subiiciat, tum in primis fortitudinis
virtute nitatur, auctore D. Thoma. Efficit enim ut Dei amicus aliarum
virtutum ferat molestias, ardua moliatur ac suscipiat excelso animo, in
periculis & doloribus mentem obduret, nec difficultates tam ratione
metiatur, quàm desiderio. Effectus namque suarum causarum sequun-
tur naturam; ut, si potentes ea sint, similes effectus futuri sint; qui ex
eis prodeunt. Cur avarus tot laboribus diuitias parat? Quia diuitia-
rum in eo magna cupiditas, quæ desiderium generat; desiderium vim
admouet, ut rem cupitam consequatur. Magna vis animalium est in
conseruandis catulis, quorum causa sese venatorum venabulis ac spicu-
lis intrepide & pertinaciter obijciunt. Narrat Plinius tigridem matrem
solere ademptos catulos mira fortitudine recuperare: primùm vena-
torem quærît, & si potest, vnum saltem è catulis reportat, tum ad se-
cundum

eundum & sic deinceps recurrit, donec omnes recuperarit; ideoque
 trajcit fluuios, aut etiam mare, reditque subinde multis confossa iacu-
 lis. Hoc Amor catulorum efficit: quod & in parentibus erga proles
 fieri experientia cognoscimus. Prima autem causa quæ ad agendum
 incitat, finis est; cuius Amor, quo maior est, eo subsequentes causæ po-
 tentiores effectus producant. Cum verò Deus finis rerum sit omnium,
 & beatitudo nostra; eius Amor si magnus sit, magnum quoque excita-
 bit desiderium, vimque ingentem imprimet ad illum finem assequen-
 dum. Fortitudo ergo illa à primo fonte ac radice procedit Amoris;
 ideoque Caritas fortis ut mors dicitur, quod omnia vincat, ut D. Au-
 gustinus disertè explicat. *Virtus (inquit) Caritatis est, quam nemo vincit: In Psal 47. sub*
huius ignem nulli fluctus saculi, nulla flumina temptationum extinguunt: de hac
dictum est, Valida ut mors Dilectio. Quomodo enim mors quando venit, resisti
ei non potest; quibuslibet artibus, quibuslibet medicamentis occurras, violentiam
mortis vitare non potes, quoniam mortalis natus es: sic contra violentiam ob Caritas cau-
Caritatis mundus nihil potest. A contrario enim similitudo data est de morte.
Quomodo enim mors ad auferendum violentissima est, sic Caritas violentissima
est ad saluandum: per Caritatem enim multi mortui sunt seculo, ut viverent
Deo. Hæc ibi. Alias causas fortitudinis Caritatis alibi assignat idem
 Augustinus. Merito dicta Caritas, ait, fortis ut mors, siue quia nemo eam
 vincit sicut mortem, siue quia in hac vita usque ad mortem est mensura Carita-
 tis, sicut Dominus ait; Maiorem hac Dilectionem nemo habet, quam ut animam Ioan. 15.
 suam ponat quis pro amicis suis: siue potius quia sicut mors auellit animam à sen-
 sibus corporis, sic Caritas à concupiscentijs carnis. Hæc Augustinus.

Nec tantum fortis est Caritas ut mors, sed morte fortior est: trium-
 phat enim de morte, & de tyrannis, & de mortibus plurimis reportat
 trophæa. Clamant tyranni, qualis Decius cum D. Laurentio decertans,
 Dacianus cum S. Vincentio, alijque plurimi: Vincimur, & cogitatio-
 nibus nostris in tormentis inueniendis maiores animos, morteque ipsa
 generosiores, inuenimus. Est enim Caritas lorica salutis vndique mu-
 nita: quacumque eam aggrediaris, tundi potest, contundi frangique
 non potest. Amictus ille est, quem Christus Apostolis ante discessum
 ita promiserat: *Sedete in ciuitate, quoadusque induamini virtute ex alto.* Luc. 24.

Et quid mirum, si Caritas triumphat de mundo, de carne, de tyrannis,
 de morte, cum ipsum immortalē aggressa vicerit, auctore Bernardo; & in
 hunc mundum eum pertraxerit, seruū reddiderit, legi subiecerit, esurire,
 sitire, algere, vagire, mori denique coegerit? hæc enim Amor salutis no-
 stræ in Deo operatus est, ut piè D. Ephræm. Hæc ipsa (inquit) rursus uni-
 genitum Dei Filium ad nos è calis attraxit. Per hanc Caritatem Deus humanam
 naturam assumpsit, incorporeus incarnatus est, inuisibilis visibilis factus: per
 hanc paradysus apertus est, ligatus est fortis, anima facta est sponsa Christi.

Nam

Nam si anima absque Caritate hac fuerit, non complacebit sibi in ipsa celestis Dominus.

*Caritas vincit
possessorē suum.*

Vincit deinde Caritas possessorem suum: nam & parentes plus filiis quàm sibi viuunt; nulla sua necessitate laborant & fatigantur; malunt filijs delicias, quas ex ore depromunt ac detrahunt, quàm sibi. Ita etiam verus amans non sibi viuit, sed Deo amicissimo; ei thesaurizat, ei delicias parat & porrigit. *Sive enim viuimus, Domino viuimus; sive morimur, Domino morimur. Sive ergo viuimus, sive morimur, Domini sumus.*

Rom. 14.

*5.
Caritas auara
sibi, alijs p-
diga.
Simile.*

Denique Caritas sibi auara, alijs prodiga, profundit se suaque omnia in eum quem amat: seuera in se, benigna in amicū; sese spoliāt, ut eum vestiāt: & sicut gallina, ut oua foueat, caloremque pullis venturis impertiat suum, plumas pectoris exuit, atque infatigabiliter incubat; ita & Caritas lubens donat quidquid habet; seque spoliāt, ut Deum in membris suis foueat ac conferuet.

*6. Titulus,
Iugum Domini
suaue facere.
Serm. 35. super
Cant.*

33. Sextus Caritatis titulus est, quod iugum Domini leue efficiat ac suaue. Optimè dictum: Qui amat, aut non laborat, aut ipsum amat laborem, quod confirmat D. Bernardus his verbis: *Vbi Amor est, labor non est.* & alibi, *Eateor, inquit; non sustinui pondus diei & aestus, sed iugum suaue, & onus leue: pro beneplacito patris-familias porto opus meum vix vnus horæ; & si plus, præ Amore non sentio.* Caritas namque in rem dilectam oculos perpetuò habet intentos; cumque ad eam per labores perueniendū sit, ex finis delectabilis recordatione media ipsa amaritudinem perdunt, dulcedine perfunduntur: non enim solum mel dulce est, sed & quidquid cum eo gustatur. Tales fuerūt labores Patriarchæ Iacob, qui memor pulchræ Rachelis, cuius amore tenebatur, ne quidem annorum quatuordecim labores ac molestias sensisse visus est. Quàm multa vitiatorum serui ac mancipia patiuntur! quàm multa ambitiosi, umbras honorum; quàm multa libidinosi, voluptatum simulacra prosequentes! vix tamen sentiunt, quia Amor laboribus permixtus, quasi vehiculum quoddam, patientem subleuat ac deuchit, ut voluptatis captus illecebra dolorem non sentiat. Quanto magis id vñ venire debet vbi & honestum est quod amatur, & Amor ipse præsertim, quo rem ipsam consequi nitimur.

Gen. 29.

*7. Titulus,
Iungere partes
cum capite, &
eas inter se.*

*I.
Cum capite mi-
rabiles vñionū
figura.
Figura 1.
Gen. 2.*

34. Septimum Caritatis insigne est, quod singulas partes capiti finique suo copulet, ipsasque sic vniat inter se, ut a capite in singulos homines, tamquam in membra, omnium bonorum genera confluant. Capiti, inquam, hominem Deo fini suo copulat, in illumque transformat ac commutat. Est enim Amor vita quædam duo copulans, amantem nempe ac amatum, ut vñum quasi ex duobus confiatum dixeris. Cùm de coniugibus Scriptura dicit, *Erunt duo in carne vna*, non videtur litteralis sensus commodè capi posse, nisi *ouerdoχmōs*, vbi pars pro toto

toto ponatur in tori immaculati copula: corpora enim coniugum duo, sunt multarum partium, & magnæ molis. Nec dicit, Erunt duo spiritus in carne vna; sed, Erunt duo coniuges in carne vna. potius dicendum videretur, Erit vnus spiritus in duobus corporibus; aut, duo spiritus in mutuis corporibus. Vera tamen est Scriptura, & sapienter prolata; sed longè perfectiùs impletur in veritate quàm in figura: *Sacramentum enim hoc magnum est, ait Apostolus; ego autem dico in Christo & Ecclesia.* Antè, ex D. Bernardo, matrimonium spirituale Dei ac hominis descripsimus. Hoc etiam D. Ephræm graphicè his verbis expressit: *Est anima nostra sponsa sancta facta immortalis Sponsi: nuptiarum autem copula diuina sunt Sacramenta; per quæ sancta anima iungitur Sponso, dum cum timore atque tremore dignè sumuntur.* Verissimum ergo est, Erunt duo in carne vna, cum Deus nobis singulari Amore coniungitur. Totus Deus in homine est, & totus homo in Deo: *qui enim manet in Caritate, in Deo manet, & Deus in eo.* Quòd si velit duo integra corpora permisceri, quod in coniugibus impossibile est, in Eucharistiæ Sacramento fit. Homo Deo copulatur, vt in vna eademque carne hominis, duæ naturæ diuersæ sint, duo corpora, duæ animæ, natura item humana Christi ac diuina, tres personæ sanctissimæ Trinitatis; in carne vna, inquam, in corpore hominis Deum suum diligentis, ac participantis tremenda Mysteria.

35. Hæc vnio alia similitudine clariùs illucescet: vt enim cera cum sigillo impresso vnum sunt, ita & Deus vnitus cum anima. Est enim intellectus, teste Philosopho, quodammodo omnia: quia, si domum videat ac cogitet, ideam domus efformat in se, ac repræsentat, & quodammodo domus est; si hominem, homo; si denique Deum, quodammodo Deus est. Et voluntas cera est: si signetur Amore Dei, illum tamquam characterem impressum accipit, ac imaginè voluntatemque Dei concipit. Hinc meritò tales sumus, qualis Dilectio est; & Apostolus dicit: *Sicut portauimus imaginem terrent, portemus & imaginem celestis.* Hæc transformatio naturarum non est, sed affectionum; sicut matris impensissimè filium diligentis: vtriusque, inquam, matris eadem sunt; quidquid boni est in mundo, imò & propria bona, filio optat ac precatur. Vnde Cato senior optimè, *qui vere amat, cum ipsum mortuum esse in proprio corpore, & viuere in alieno.* Verum quoque illud est à D. Bernardo dictum, *presentiorem spiritum nostrum esse vbi amat, quàm vbi animat.* Ita anima Deum amantis, eiusque desiderio æstuantis, plus in Deo est, quàm in corpore quod informat; ei que omnia possibilia bona exoptat, parata commodis omnibus carere, multa perferre incommoda, modò Dei gloria augeri promoueri que possit.

Hh

D. Pau.

Figura 3.
Rom. 11.

Gal. 2.

Figure 4.

Psal. 81.

2.
Caritas vnit
partes inter se.
2. Cor. 12.
Ab. 4.
1. Pet. 3.

Ioan. 17.

L. b. de diuinis
nomin. c. 4 p. 2.

De gradibus
Caritatis, c. 4.

In Psal. 21. ex.
pos. 2. tomo 8.
b. Ioan. 19.

D. Paulus huius transformationis exemplum præbet accommodum, de furculo qui arbori inferitur: fit enim is simul vna arbor, viuuntque ex radice, fructus profert, quos ex se non posset. Ita & nos vnum efficitur cum Deo & inferimur per Caritatem: ex eo viuimus, & fructus eminentes producimus. hinc D. Paulus: *Vino autem, iam non ego, viuit verò in me Christus.*

Denique qui aliquid amat ardentius, non quiescit, donec illud consequatur, & quodammodo eius formam induat: vt qui litteras amat, qui Theologiam, qui Iurisprudentiam, qui humilitatem, non tantum formas suscipit scientiarum ac virtutum, sed etiam nomen sortitur; litteratus enim dicitur, Theologus, Iurisconsultus, humilis. Sic qui Dei amicitiam consecutus est, amicus Dei appellatur: quia quodammodo Deum induit, eius figuram ac formam animo suo impressit, ideo diuinus, imò & Deus appellatur. *Ego dixi, (ait Dominus) Dij estis, & filij excelsi omnes.*

36. Vnit etiam Caritas partibus partes: membra enim sumus corporis Ecclesiæ, vt ait Apostolus. *Vos autem estis corpus Christi,* inquit, *& membra de membro.* Hoc corpus vno spiritu Caritatis informatur; vnitur cum capite, à quo spiritus dimanat: hinc illud sequitur, *multitudinis credentium esse cor vnum, & animam vnam.* Hinc D. Petrus mandat vt simus *unanimes*: quia vna Caritas, vna omnium est anima. Christus denique pro Apostolis rogat Patrem, & pro nobis. *Non pro eis rogo tantum, ait, sed & pro eis qui credituri sunt per verbum eorum in me; vt omnes vnum sint, sicut tu Pater in me, & ego in te, vt & ipsi in nobis vnum sint.* Hinc apud D. Dionysium Hierotheus: *Amor siue diuinus, siue Angelicus, siue spiritalis, siue; vt ita dicam, animalis, siue naturalis, virtus vnitua est, superiora ad inferiorum mouens prouidentiam, & æqualia ad socialem communionem adigens.*

Sicut ergo nos vnit Deo, ita etiam proximis copulat; & ad seruandum locum nobis congruum in Ecclesiæ corpore, siue inferiorem, siue superiorem, pro exigentia nostri status aut dignitatis, suauiter & potenter impellit. Idem Richardus à S. Victore scribit. *In se, ait, per Amorem homo vnus efficitur, dum se intra se recolligens, & reductis affectibus cunctis à locis quibus captiui tenentur, solum vnum incommutabiliter amat, nec amplius in diuersa mutatur. Paratus enim per Amorem in plura, numquā sibi inuenitur vnus vel idem, sed semper sibi ipsi dissimilis: quia toties variari cogitur, quoties quod amat variatur. Proximo etiam per Caritatem vnitur homo, dum non solum sine querela, quantum in ipso est, idem omnibus studet effici, sed & omnium successibus coaptari, gaudere cum gaudentibus, flere cum flentibus, infirmari cum infirmantibus, & cum scandalizatis vri.* & elegantissime D. Augustinus in hæc verba: *Erat ibi tunica, dicit Evangelista, de super tertia. Quæ est ista*

ista tunica, nisi Caritas quam nemo potest diuidere? Quæ est ista tunica, nisi vnitas? In ipsam fors mittitur, nemo illam diuidit. Sacramenta sibi heretici diuidere potuerunt, Caritatem non diuiserunt: & quia diuidere non potuerunt, recesserunt; illa autem manet integra. Sorte obuenerit quibusdam. Qui habet hanc, securus est. Nemo illam mouet de Ecclesia Catholica: & si foris illam incipiat habere, intronittitur, quomodo ramus oliuæ à columba.

Ex hac vnione membrorum inter se cum capite ac fine suo, virtutes profluunt omnes, vt Doctores omnes loquuntur; dona item Spiritus sancti, & quidquid bonorum Deus Ecclesiæ amicisque suis communica-

37. Octauum insigne Caritatis est gaudium; quod omnem huius mundi delectationem superat. De eo verò Apostolus: *Et pax Dei, quæ exsuperat omnem sensum, custodiat corda vestra & intelligentias vestras.* Oritur pax, sicut & gaudium, ex præsentia dilecti: & quies quædam est pro- ueniens ex adepto & possessio bono, eo modo quo haberi potest. Sicut ergo à sole lumen, ab igne calor; sic ab Amore gaudium ac lætitia spiri- tualis quasi decor quidam emicans exoritur: auctorem suum Spiritum sanctum facillè indicans, qui animorum consolator appellatur. Hæ consolationes excedunt humanum sensum; sicut & ipsa Caritas, quæ supereminens ab Apostolo nominatur. Primum, quia nobiliores poten- tiæ sunt in quibus excitantur; in anima nempe rationali ac potentijs eius, quæ præstant corporis sensibus: vnde effectus prodire nobiliores, quàm sensuum delectationes, quæ brutis communes sunt, necesse est. Accedit quòd huiusmodi delectationes non tam humanæ censeantur quàm diuinæ, utpote à gratia excitatæ. Habent & pro obiecto non au- rum, non humanam gloriam, fugacem ac perituram, voluptatémve ex corpore promanantem, quæ plerumque cum immunditia coniuncta esse solet ac turpitudine; sed infinitum bonum, quod longè sublimiùs fortiusque afficit eas facultates, quas peruadit, quàm creaturæ omnes. Est & illud ipsum summum bonum velut centrum animæ rationalis, sine quo quiescere non potest: quod plenissimè quidem satiabit in cælo, replet tamen in hoc mundo quantum ratio ac condicio peregrinatio- nis nostræ patitur, etsi non omnino satiet desiderium nostrum. Hoc præsentè, euanescent mundi vanitates, fluxaque gaudia; sicut sole lu- cente, astrorum lux offuscata fugatque recedit. Hoc gaudium, auctore D. Thoma, ex bono amato primum, desiderato deinde, demum ac- quisito nascitur. Est enim desiderium, animi motus in bonum opta- tum; cuius bonitati & motus ipse conformis est: vnde, si bonum illud vanum fuerit, similis erit & motus, & gaudium. Infinito ergo bono ac- quisito, etiam suum gaudium respondet, sed more viatorum, adhuc valde imperfectum comparatione beatorum. Delibandas tamen pro-

8. Titulus,
Gaudium hu-
manū sensum
excedens.
2. Philp. 4.

Ephes. 3.

1.

2.

3.

4.

Vnde gaudium
ariatur.
b. 2. 2. 9. 28. a. 4.

2^{da}. 2^a.

pinat Dominus amicis suis primitias quasdam, & catellis sub mensa dominorum aspicientibus atque aspirantibus micas quasdam projicit; quas cum David probasset, exclamavit, *Cor meum & caro mea exultaverunt in Deum vivum*: & propter has *elegit abiectus esse in domo Dei sui, magis quam habitare in tabernaculis peccatorum*; quoniam *melior est dies una in hisce atrijs super millia*. Sanctorum plurimi mundum, & omnia quæ in mundo sunt, palatia prædiaque ad voluptatem composita, delicias denique omnes, hisce micis posthabuerunt; ac, deserta loca petentes, in oratione & contemplatione, velut catelli sub mensa, multis annis hisce delicijs impleri sunt. Verum in hac mortalitate impleri bonis possumus, satiari non possumus.

CAPVT XXXIII.

Quæ Caritas iudicio sanctorum Patrum sit
PERFECTIO.

Quæ Caritas sit perfectio.
Eccle. 4.
Caritas triplex: incipiens, proficiens, & perfecta.

Lib. de spir. & lib. cap. 33.

Col. 3.

Psalm. 102.

Lib. 6. cap. 10.

Luc. 13.

38. **E**x his, quæ diximus, id argumenti confici potest: nullum esse virtutis genus, quod hisce aliisve prærogatiuis, veræque PERFECTIÖNIS insignibus, Caritatis splendorem aut superet, aut etiam exæquet; meritoque eidem Caritati PERFECTIÖNIS nomen ac titulos esse tribuendos, quandoquidem nos beatos efficiat, & æternæ felicitatis prælibationes quasdam cælestesque delicias præcipere faciat. Illud porro cognoscendum superest: *Quæ & qualis Caritas hæc decora ac prærogatiuas mereatur*. Nam & in Caritate sunt gradus. Funiculus triplex difficile rumpitur. Fortis est simplex, duplex fortior, fortissimus triplex. Est namque Caritas incipiens, & illa funiculus simplex; est & proficiens, & merito duplex; est perfecta, & hæc funiculus triplex, & fortissimus, & qui non facile frangatur, vel etiam nullo modo. Incipiens (ut insinuat Augustinus) illa est, quæ in iustificatione infunditur, antequam quisquam operari incipiat; proficiens, quæ ab eo tempore ad usque vitæ occasum operatur; perfecta, quæ post hanc vitam in patria consummatur. Funiculus primus & secundus frangi possunt; hic nullo modo, quia Caritas, *vinculum PERFECTIÖNIS*, numquam inde excidit. Hos funes texuisse David videtur, cum ait: *Qui propitiatur omnibus iniquitatibus tuis*. Addit & secundum: *Qui sanat omnes infirmitates tuas*. denique tertius est: *Qui coronat te in misericordia & misericordationibus*. Idem Augustinus contra Iulianum, explicans illud Lucæ, *Ecce eicio demonia & sanitates perficio hodie & cras, & tertia die consummabo* gradus.

gradus ac funiculos dictos inter se respondere vult. Dum enim iustificamur, dæmonia eijciuntur; dum proficimus, quæ est dies secunda, Christus sanitates perficit; sed dies tertia consummat omnia, & infractam inuiolatamque Caritatem reddit.

Hos gradus incipientium, proficientium, & perfectorum, idem Augustinus & cum eo Doctores Scholastici paulo aliter exponunt: vt incipiens esse censeatur illa Caritas, quæ vitij & tentationibus primum irruentibus omni animi conatu repugnat; proficiens verò, quæ magna ex parte suppressis vitij, virtutibus acquirendis tota incumbit; perfecta demum, quæ quietem assēcuta, profligatis tentationibus periculosis, adeptaque facilitate ad actus virtutum exercendos, amorī diuino ac cælestium rerum commentationi, arduisque ad Dei gloriam facinoribus subeundis feruenter intendit. Id in igne, qui ex lignis viridioribus conficitur, videri potest: etsi enim fomenta stipulamque subijcias, difficulter tamen ligna ignem concipiunt; humore nempe ignis siccitati repugnante; opus est flatu ac fomite validiori; nihilominus non antè ardebit, quàm fumum, stridorem, lacrymasque multas emiserit: vbi verò strues flammam concepit, eo ardet fortius ac impotentiùs, quo maiori vi ligna velut aduersarium peruasit atque occupauit; nec facile exstingues, ardet enim & lucet, vrit & impetum facit in omnia vicina, & ex eo minùs gratus, quòd æquo sit vehementior: denique fumo flammaque sopita, maturus ipse quodammodo ignis in ligna ac carbonēs plenum dominium exercet, & in sua velut quiete, perfectione, ac sine acquiescens, nemini est incommodo. Sic ijs qui incipiunt virtutis caminum accedere, luculento fomite Caritatis opus est: sed ij perturbationum ac tentationum fumos reddunt plurimos; stimulisque carnis ac prauis voluptatum humoribus gratiæ resistentibus, sæpe strepitus excitatur, lacrymæ cidentur, donec flamma populetur vim omnem oppositam. Et quidem feruor magnus pietatis erumpit, sed prudentia sæpe desideratur, magnaque cautela adhibenda est, ne ab aduersario nostro ardor ille vel opprimatur omnino, vel in auras prorsus euanescat: vbi verò & tentationum morsus, motuumque concupiscentiæ rabies deserit, & animi impotentia sese remisit, tota Caritas dominatur, Deoque, quo ipsa incenditur, potiri incipit, ac frui, & in eo tamquam fine cum aliorum ædificatione conquiescit.

39. Ex quo sequitur, non omnem Caritatem esse PERFECTI-
NEM: non incipientem; nam alioqui & infantes, & inconstantissimi peccatores, atque adeo qui virtutes vix à limine salutassent, perfecti esse dicerentur. Quare D. Thomas, hanc quæstionem tractans, quatuor Caritatis constituit gradus. Id enim perfectum dicitur, cui nihil deest in ordine ad aliquem finem: quapropter nihil repugnat, quo-

H h 3

minus

Tract. 5. in
epist. Ioan.
D. Thom. 2. 2.
q. 24. art. 9.

Apposita com-
paratio.

Incipientem
Caritatem non
esse Perfectio-
nem.
In opuscul. 18. de
Perfect. c. 3. q.
5. & 6.

minus aliquid nunc perfectum, nunc imperfectum dicatur, si ad diuerfos gradus, vel etiam fines, referatur.

Gradus quatuor Caritatis.

1.
Amor infinitus.

2.

Beatorum.

Phil 3.

3.

Omnium iustorum.

1. Ioan. 2.

Matth. 19.

4.

Perfectorum.

Tract. 5. in
epist. S. Ioan.
ante medium.

Phil. 1.

In Psal. 36. in
principio.

Primus gradus est, diligere Deum quantum in se potest diligere, atque adeo amore infinito. Hic verò gradus soli competit creatori: idcirco solus Deus in ordine ad istum gradum perfectus est. Angeli ac beati hac ratione imperfecti sunt: quamquam hæc imperfectio non est propriè priuatio, aut vitium, sed mera quædam negatio.

Secundus gradus non ad viatores pertinet, sed ad beatos; qui Deum diligunt non quidem quantum diligibilis est, sed quantum potest creatura diligere, ita ut de eo semper actu cogitet, in eum sine intermissione per affectum feratur, & ne primos quidem cupiditatis motus contra Deum sentiat. Horum cōparatione omnes mortales imperfecti sunt: ideoque Apostolus, qui dicit, *Quicumque perfecti sumus, hoc sentiamus; idem ait, Non quod iam acceperim, aut iam perfectus sum.*

Tertius gradus est, diligere Deum non quantum diligibilis est, non quantum potest creatura vel absolute vel in hac vita diligere, sed tamen ita, ut nihil æquè aut magis quàm Deum diligat, id est, nihil admittat contrarium diuinæ Dilectioni: & hic gradus præceptus est omnibus, & quandam habet PERFECTIIONEM, licet respectu eminentiorum sit imperfectus; vnde D. Ioannes, *Qui seruat, ait, verbum eius, verè in hoc Caritas Dei perfecta est.* & tamen Dominus ei, qui se omnia præcepta seruasse referebat, ait: *Si vis perfectus esse, vade, vende quæ habes, & da pauperibus.* In hoc tamen gradu, qui primus est mortalium, duplicis generis homines sunt, incipientium & proficientium. Vterque ad maiorem PERFECTIIONEM aspirat: alter impedimenta remouet; alter velut pedisequas quasdam seu virtutum nonnullarum functiones parat, quæ perfectiori Caritati famulentur.

Quartus gradus est, diligere Deum non quantum diligibilis est, nec quantum potest creatura quælibet absolute diligere, sed quantum potest creatura mortalis, quæ à se remouit omnia diuini Amoris impedimenta, & totam sese Dei obsequio consecrauit. Qui in hoc gradu sunt, imperfecti reputantur respectu beatorum; sed respectu eorum qui incipiunt & proficiunt, perfecti censentur. Qui tres solum gradus, sunt funiculus ille triplex qui difficile rumpitur: nam PERFECTIO Dei ac beatorum ad disputationem nostram nequaquam pertinet.

Quare D. Augustinus dictos gradus ita distinguit: *Numquid Caritas mox ut nascitur (ait) iam prorsus perfecta est? ut perficiatur, nascitur; cum fuerit nata, nutritur; cum fuerit nutrita, roboratur; cum fuerit roborata, perficitur; cum ad PERFECTIIONEM venerit, quid dicit? Mihi viuere Christus est, & mori lucrum.* Hæc ille. Gradus ergo sunt in PERFECTIIONE, alijsque alijs perfectiores; hinc Beda: *Sunt in corpore Christi duo genera;*

genera; scilicet perfectiores boni, & minus perfecti. Verè enim minus perfecti sunt adhuc illi, qui videntes malos feliciter viuentes, & in omni terrena prosperitate florentes, indignantur de flore eorum, & ipsum affectant. Contra hos tales verò, perfectiores alij agunt in hoc Psalmo, instruentes eos ne murmurent de flore malorum, neve ipsum appetant; ne fortè eis consimiles fiant; imò spem suam in Domino ponant, & malint aternaliter in ipso gaudere, quàm hic cum malis ad horam gaudere. D. Bernardus item, qui iustarum animarum quasdam adolescentulas existimat, quasdam sponsæ nomine dignas agnoscit: Hi ergo omnes, (loquitur de Angelis) prout capiunt, diligunt. Sed enim adolescentula quoniam minus sapiunt, minus & capiunt, nec omnino sufficiunt ad sublimia: paruula quippe in Christo sunt, lacte & oleo nutrienda. Ergo ex vberibus sponsæ opus sumere habent unde diligant. Illud Ruperti omitti non debet D. Virginis elogium, explicantis hoc Sponsi Cantici. *Serm. 19. in Cant.*
 cum: Sexaginta sunt Reginae, & octoginta concubinae; una est columba mea. *Lib. 6. in Cant. Cant. 6.*
 Quid est, ait, hoc dicere, nisi quod et simul sint fideles animæ, & propter fidem, quæ per Dilectionem operatur in eis, laudabiles; nulla tamen earum, o Maria, tibi similis est? sicut veraciter prædicamus, quia nec primam similem visa es, nec habere sequentem. Nam Regina rectè dicuntur illæ animæ, quæ perfectæ Caritatis sunt: in eo videlicet, quod eundem dilectum tuum sequentes, nihil terrenum, sed ipsum solum querunt; nec propter metum gehennæ, sed propter Amorem vitæ tuæ æternæ peccatum fugiunt, virtutemq; amando, iniquitatem oderunt. Concubinae verò illæ sunt, quæ sub timore seruiunt; nec eius PERFECTIONIS, ut super præceptum velint addere consilium, scilicet hoc, ut, relictis omnibus, solum sequantur hunc dilectum; habentes quidem in fundamento Christum, sed nihilominus amantes aliqua quæ huius mundi sunt. Hæc ille. Quapropter funiculus quo Deo adhærere constituis, infusa Caritate fortis est; nam vnicus Caritatis gradus, cum adiunctis auxilijs, fortior est dæmonibus omnibus: si verò accedat vitiorum comminutio ac destructio, virtutumque subsidium, longè fortior erit, ac difficilius duelles atque abrumpes; non tamen in eo PERFECTIO adhuc constitui potest, quia hæc *Perfectionem in Caritate proficiente non consistere.*
 Caritas graditur tantum ac proficit, virtutumque destituta est præsidio: at verò si hostem Caritas supplantarit, si armorum inuictorum, si infracti roboris cælitus missi fiat accessio, certè funiculus hic triplex difficillimè rumpetur.
 40. Illud tamen in perfecta Caritate obseruatione dignum, eius esse *Perfectæ Caritatis duo officia.*
 duas partes. Vna amantem inflectit ad amici Dilectionem, ei que ut bene velit ac precetur suadet; de eius præsentia gaudeat, delectetur consortio ac congressu, gratuletur de bonis adeptis. Et hic quidem *Affectus mouere.*
 virtutis splendor ac laus in percipienda voluptate maxima est. Altera omnes veræ amicitiae causas ita considerat, ut non solo affectu fructum *Voluntatem consensio.*
 Caritatis, sed maximè voluntatum amantium consensione metiatur: hinc

Cant. 4.

hinc in Canticis Sponsus sponsam alloquens, *Vulnerasti*, ait, *cor meum, soror mea sponsa; vulnerasti cor meum in vno oculorum tuorum*. Per oculum

August. lib. 2.

quæst. Euangel.

cap. 15. Beda in

c. 11. Luca, lib.

4. c. 50. tomo 5.

Patres intentionem intelligunt. Vt enim oculus hominem deducit ac dirigit ad scopum propositum, & ab omni errore liberat: ita ratio ad Deum rectissimè pertingendi, pura diuini honoris intentio est, quæ adeò diuinæ illi & infinitæ Maiestati placet, vt se vulnerari hoc telo fateatur. Est enim intentio actus qui à primo amoris fonte oritur: nam qui amat, rem amatam desiderat; qui desiderat, quærit & intendit, ardentique conatu prosequitur. Hic oculus est, & vnus quidem: nam

Luc. 10.

Isaia 28.

Lib. 5. in Iob,

cap. 56. in fine.

vnus est necessarium. Non vult cælestis Sponsus alium tori consortem. *Coangustatum est stratum, ita vt alter decadat; & pallium breue vtrumque operire non potest*. Aliam analogiam oculi ac Caritatis adfert Gregorius. *Quid est aliud Caritas*, ait, *quam mentis oculus? qui si terreni amoris puluere tangitur, ab interna lucis mox intuitu læsus reuerberatur*. Verùm etsi hoc

Cant. 4.

In Caritate

perfecta inclu-

di mandatoru

Dei observatio-

nem.

Caritatis officium placeat, non sufficit tamen; addit enim, *Et in vno crine colli tui*. Per collum animi submissio intelligitur; per crinem, & quidem vnicum, præcepta omnia diuina intelliguntur. Non ergo satis est Sponso, affectu in ipsum ferri: vult & obedientiam ac submissione, & quidem talem, vt nihil tui relinquant, quod Dei obsequio non consecres, ne crinem quidem vnum; sciasque te perditum iri, si vel vno crine alteri quam ipsi seruias. Non abs re fuerit narrare, quod non ita pridem euenisse constat. Falsa est nuper malefica in carcere, dæmonem, cùm in specie iuuenis rustici apparuisset, & in herbis quibusdam colligendis iuuisset, exiguo licet tempore, laboris mercedem exegisse. Illa mirata mercedem pro collecto manipulo, & quidem à paupere, postulari, petijt quid vellet. Respondit sibi abunde satisfactum iri, si vel vnum capitis crinem ipsa persolueret. Concessit illa quod postulat. Ipse, chirothecam exuens, ad uncis digitis (vt ipsa referebat) pilum euulsi è capite, & in eam illico vnus crinis donatione plenum dominum accepit.

In vno crine colli omnia mandata contineri, intellectu facile est: nam obedientia præceptis omnibus obtemperat, quæ Caritatis vel vnico præcepto continentur. Vt ergo Caritas perfecta sit, sanctæ intentionis oculo colli crinis vnus iungi debet: vt sit illa Caritas, quam Doctores vocant obedientialem, seu ea quæ amicitia veræ leges omnes complectitur, quæque præcipue in mutua voluntatis consensione, officiorum ac mandatorum executione perficitur. De hac Christus Domi-

Ioh. 14.

Ibidem.

Etomil. 30.

nus: *Si quis diligit me, sermonem meum seruabit*. tantique Christus facit hanc Caritatis functionem, vt statuatur non sufficere alteram, quæ solo affectu nititur, dicens: *Qui non diligit me, sermones meos non seruat*. Hinc D. Gregorius, *Probatio*, ait, *Dilectionis, exhibitio est operis*. & Regius Pro-

Propheta, quanti fecerit hoc vt potissimum Caritatis officium ostendens, ait: *Iuravi & statui custodire iudicia iustitie tue. In mandatis tuis* Psal. 118. *exercebor, & considerabo vias tuas. In iustificationibus tuis meditabor, non obliuiscar sermones tuos.* & alio Psalmo: *Propter verba labiorum tuorum ego custodiui vias duras.* & D. Ioannes: *Qui dicit se nosse Deum, & mandata eius* 1. Ioan. 2. *non custodit, mendax est, & in hoc veritas non est: qui autem seruat verbum eius, verè in hoc Caritas Dei perfecta est.* denique Christus: *Non omnis* Matsh. 7. *qui dicit mihi, Domine, Domine, intrabit in regnum celorum; sed qui facit voluntatem Patris mei, ipse intrabit in regnum celorum.*

Quod vt de præceptis ijs quæ ad diuinum honorem cultumque pertinent, maxime verum sit; de ijs tamen quæ ad colendos homines operamque eis ferendam spectant, idem Seruator sic obseruari voluit, vt videatur sui honoris memoriam deposuisse, & in hominum curam ac Caritatem transfuisse, cum ait: *Hæc mando vobis, vt diligatis inuicem.* Ioan. 15. *Hoc est præceptum meum, vt diligatis inuicem, sicut dilexi vos.* Quod verò verbo mandauit, re ipsa exercuit, cum sese pro peccatoribus, pro hostibus, pro indignis tradidit. Certè maiorem hac Dilectionem nemo habet, *ibidem.* *vt animam suam ponat quis pro amicis suis.* Quid si quis ponat pro inimicis? Ipse autem est pastor bonus, qui animam suam posuit pro ouibus suis, & pro grege suo mori dignatus est. Ioan. 10.

Vult etiam nos proximos nostros diligere, non tantum affectu, sed effectu & opere: alioquin quid prodest si animo diligam, id ipsum tamen ope operaque manifestare definam? hinc D. Ioannes: *Qui habuerit* 1. Ioan. 3. *substantiam huius mundi, & viderit fratrem suum necessitatem habere, & clauserit viscera sua ab eo, quomodo Caritas Dei manet in eo?* Idcirco addit: *Non diligamus verbo neque lingua, sed opere & veritate.* Certè Apostoli, vt in Actis Apostolorum legimus, parati erant non tantum pro nomine IESU *Act. 5.* contumeliam pati, sed & pro fratribus animas ponere. Ethnicine verba, an *1. Ioan. 3.* perfecti Christiani sunt, quæ Seneca protulit? Ego, ait, *amicum paro, pro quo mori possim: vt habeam quem in exilium sequar, cuius morti me opponam & impendam.* Seneca epist. 9. circa medium.

41. Illa ergo est PERFECTIO seu Caritas perfecta, quæ peccata omnia abiecit ac purgauit; quæ amorem proprium exuit; cupiditatem carnis, superbiam, diuitiarumque sitim ac studium profligauit; voluntatem propriam iudiciumque pertinacius ablegauit; passionem omnes ita exstinxit, vt non tam impedimento sint, quàm adiumento; internos sensus externosque domuit ac composuit. Mundo post hæc nuntium remisit oportet, omnibusque quæ mundi sunt renuntiatione perfecta valedixerit; seipsum carnemque suam abnegauerit; virtutum omnium subsidium pro virili accersuerit; in Dei superiorumque manus & voluntatem animum mentemque purè ac integre resignauerit: paratum

Patrum testi-
monia de Per-
fectione.

I.
Ambros. lib. 1.
de Iacob & Gi-
ta beata, c. 51.

Perfectorum
fortitudo.

Psalm. 63.

2.
D. Ephraim lib.
de extremo iu-
dicio, & com-
punctione cor-
dis, circa me-
dium.
Caritatis mira-
laudes.

ratum se offerat interea Dei voluntati in omnibus obsequi ac parere, gloriam eius etiam magno suo incommodo promouere, iustitiam animarumque pereuntium salutem ardentius sitire, & pro Dei amicitia vel conseruanda, vel augenda, bona omnia temporalia, corporalia, vitamque ipsam libenter profundere. Audiamus qualem virum perfectum Patres describant; qualemque velint eam esse Caritatem, quæ nos in hac vita beet ac perficiat. Beatus Ambrosius, *Hæc*, inquit, *vita iusti*, qui etiam quas habeat facultates, communes estimare debeat, imò etiam inopi- bus diuidere, ac dispensare pauperibus; recidere voluptates proprias; tenuare sum- ptum, adhibere parsimoniam temperantia; sobrietatem tenere in prosperis, patientiam in aduersis, in dolore tolerantiam; magnanimitatem in periculis; sanitatis perpetua vota nescire; mortis imminenti terrore non concuti; neque eum præ- stantior non putare, cui secundum naturam liberi, propinqui, salubritas, la- titia, affluentia redundarint, quam cui illa defuerint; neque externis seculi, sed virtutis domesticæ merito pensare.

Item, *Perfecti est viri*, inquit, *communitatem naturæ sustinere animi vir- tute, & ad meliora adducere; nec succumbere his quæ plerisque terribilia & for- midolosa videntur, sed quasi fortem militem grauius morum casuum sustinere in- cursus, conflictus subire, & quasi prouidum gubernatorem nauim in tempestate regere, atque occurrendo insurgentibus fluctibus magis vitare naufragium sul- cando undas, quam declinando. Non iste in persecutione pauidus, non in tor- mentis mollior, ne torquentem exasperet, sed quasi athleta fortis, qui repercu- tiat verberantem, si non cadis, certe sermonis flagello; qui metuenda multis tor- menta despiciat, dicens, Sagittæ infantium factæ sunt plagæ eorum: qui cum grauius licet dolore luctetur, nec se miserabilem præbeat, sed ostendat, tam- quam in laterna lumen, etiam inter asperas procellas & grauius flatus suam lucere, neque extingui posse, animi virtutem. Addit idem, virum perfectum in iniurijs seipsum sustinere, abiecta & vilia non curare, in misera capti- uorum forte viles animos non inducere, sed verbo & exemplo aliorum fla- gitia instar iudicis reprehendere: eum etiam omnes à malo abducere, ad bonum impellere, incolumitatem corporis & vniuersas res terrenas aspernari, virtutes diligere, proprias voluntates rescindere, & ipsam mortem non timere.*

42. D. Ephraim copiosè ac piè hanc rem prosequitur, ita Deum al- loquens: *Beatus vir qui te ex toto corde & animo dilexerit; mundumq; istum, & quæcumque in eo sunt, detestatus fuerit, ut te solum Dominum, verè sanctum, pretiosam margaritâ, vitæ thesaurum, Deum cuius nulla est satietas, possideat. Si ergo quis sic Deum sincerè diligit, nequaquâ in terris est eius cogitatio, sed sursum semper, ubi & diligit, & desiderat, & sitit anima ut perfruat. Inde & dulcedi- nem sentit, & illuminatur, & perpetua dulcedine Amoris Dei satiatur. Verè et- enim gaudio atque dulcedine plena est Dilectio Dei; & beatus ille qui gustauerit eam,*

eam, nec est exsatiatus ab ipsa. Sed quis eam, putas, dignè explicare poterit? Paulus Apostolus, qui gustauit eam, & satiatus est ex ea, sic proclamat & dicit: Rom. 8. Neque altitudo, neque profundum, neque ipsa vita, neque mors futura, neque cuncti Angeli, neque Principatus, neque Potestates, neque creatura alia, neque quæcumque alia simul poterunt animam separare à Caritate Dei, quæ gustauit dulcedinem eius. Hucusque sanctus hic Pater expressit officium Caritatis hominem demulcentis, suoque incredibilis dulcedinis fructu perfundentis. De altero sic persequitur: Delicatum ac molle vinculum est Dilectio Dei, & tamen gladius anceps eam scindere non potest. Dissecuerunt tyranni membra sanctorum martyrum, Caritatem autem eorum nequaquam dissecare potuerunt. O molle & dulce Caritatis Dei vinculum, admirationis & miraculi verè plenum, quod nec incidi nec dissolui potest! gladius eam non discindit, neque ignis exsoluit. Membra secabantur, sed Caritas non secabatur: membra comburebantur, at vincula Caritatis non dissoluebantur: demergebantur rursus in profundum corpora Sanctorum, Caritas autem eorum nullo umquam modo demergi potuit. Ligabantur iterum Sanctorum membra, verum Caritas in ijs prorsus ligata non est.

Idem ibidem.

43. D. Augustinus de operante Caritate ita luculenter: Excusationem in Dei iudicio non habebitis, nisi vos in bonis operibus exercueritis, & eorum, que audistis, tamquam pluuiæ fructum congruum dederitis. Fructus congruus opera bona, & sincera Dilectio, non solum fratris, sed & etiam inimici. Supplicem nullum spernas; & cui dare non potes quod petierit, non eum spernas. Si potes dare, da; si non potes, affabilem te presta. Coronat Deus intus voluntatem, ubi non inuenit facultatem. Nemo dicat, Non habebam: Caritas non de sacculo erogatur; quia quidquid dicimus, & quidquid diximus, & quidquid dicere poterimus, vel nos, vel qui post nos, vel qui ante nos, non habent finem, nisi Caritatem; quia finis præcepti est Caritas. Et alio loco: Potes mihi dicere, Non habeo quod tribuam egenti, non possum ieiunare frequenter, & à vino & carnibus abstinere non possum. numquid potes mihi dicere Caritatem te habere non posse? Et hæc quidem de communibus operibus, de arduis verò fig ait: Caritas in aduersitatibus tolerat, in prosperitatibus temperat; in duris passionibus fortis, in bonis operibus hilaris, in tentatione tutissima, in hospitalitate latissima; inter veros fratres letissima, inter falsos patientissima; in Abel per sacrificium grata, in Noë per diluuium secura, in Abrahæ peregrinationibus fidelissima, in Moysè inter iniurias lenissima, in Davidis tribulationibus mäsuetissima; in tribus pueris blandos ignes innocèter expectat, in Machabæis sanos ignes fortiter tolerat; casta in Susanna erga virum, in Anna post virum, in Maria præter virum; libera in Paulo ad arguendum, humilis in Petro ad obediendum, humana in Christianis ad constendum, diuina in Christo ad ignoscendum.

3.

D. August. in

Psal. 103. serm.

1. in fine, 10.

Suppli. mo 8.

Neminem excusari posse ubi operibus Caritatis.

a. 1. Tim. 1.

b. Lib. 50. hamil.

6. tomo 10.

Tract. de laud.

Carit. qui in

edit. Plant. est

39. inter ser. de

tempore.

c 4.

Chrysost. hom.

32. in 1. Cor. 13.

post medium.

præd. Matth. 22.

44. Audiamus Chrysostomum in hoc argumento triumphantem; qui explicans illa verba, a Diliges proximum tuum sicut teipsum, post multa

Caritatem
maiores esse
martyrio.

idem ibidem.

Hom. 33. in 1.
Cor. 13. ante
medium.
Homo perfectus
Caritate simi-
lis Angelis.

præclara ait: Propterea perfecta in ipsum Caritatis signum esse dixit, proximum diligere. Si enim, ô Petre, inquit, diligis me plus his, pascue oves meas. Vidisti quomodo rursus hic quoque tacite significaris hoc esse maius martyrio. Siquis enim haberet dilectum filium, & pro quo vel ipsam daret animam, deinde quispiam patrem quidem amaret, filium autem minime attenderet, patrem valde irriteret, si neque sui sentiret Dilectionem propter contemptum filij. Si autem in patre & filio hoc accidit, multo magis in Deo & hominibus. Deus enim est amantior & benevolentior quam omnes homines. & infra: Propterea cum dixisset primum & magnum mandatum, Diliges Dominum Deum tuum; subiunxit, Secundum autem; & non solum, sed addidit, eius simile, Diliges proximum tuum sicut teipsum. Vide autem quomodo cum eadem ferè exuperatione eam quoque exigit: nam de Deo quidem dicit, Ex toto corde tuo; de proximo autem tuo, Sicut teipsum; quod perinde est atque, Ex toto corde tuo. nam si hoc exactè servaretur, non esset servus, non liber; non princeps, non qui pareret principi; non dives, non pauper; non parvus, non magnus; non diabolus umquam esset cognitus. & assurgens in laudes Caritatis subiungit: Ea est muro fortior, adamante firmior ac durior; eam non vincunt divitiæ, non paupertas: imò verò non esset paupertas, non immodica divitiarum copia, si esset Caritas; sed ea sola, quæ ex utrisque sunt bona: nam & perciperemus eam, quæ ex illis existit, abundantiam; & quæ ex hac oritur, curarum & sollicitudinum vacuitatem; & neque curas divitiarum neque paupertatis metum sustineremus. Et quid dico lucra quæ ex ea fiunt? nam ipsum per se diligere, cogita quantum sit, quantam adferat letitiâ, in quam magna gratia constituat animam. quod quidem est eius eximium: nam alia quidem partes virtutis, laborem habent coniunctum, ut ieiunium, temperantia, vigilia invidiam, cupiditatem, contemptum; Caritas autem cum lucro & multam habet voluptatem, & nullum laborem; & sicut bona apis, quæ ubique sunt bona colligens, ea deponit in anima eius qui diligit; & si quis serviat, libertate incundiores reddit servitutem: nam, qui diligit, non tam letatur si imperet, quam si ei imperetur, etiamsi imperare sit incundum; sed ipsa transmutat rerum naturam, & accedit habens omnia bona in manibus; quavis matre mitior, quavis Regina locupletior; & quæ sunt laboriosa, levia facit & facilia; virtutem quidem facilem, acerbissimum autem nobis reddens vitium. Quibus verbis sanctus Doctor pæne partes singulas complexus est, quas de laudibus perfectæ Caritatis deduximus. Sed pergit ulterius, & hominem Caritate præditum, seu perfectum, non amplius hominem, sed Angelorum simillimum esse denuntiat. Vidisti, inquit, quemadmodum Angelum, suum alumnum paulatim facit Caritas? Quando enim fuerit ab ira remotus, & ab invidia mundus, & liber ab omni tyrannica animi perturbatione, traductus est etiam ad ipsam Angelorum impatibilitatem.

Beatus

Beatus Gregorius in eandem sententiam virum perfectum ita de-
pingit: Ille verè perfectus est, qui erga imperfectionem proximi impatiens
non est: nam qui, alienam imperfectionem ferre non valens, patientiam de-
serit, ipse sibi testis est, quod perfectè necdum proficit; hinc in Evangelio
Veritas dicit, In patientia vestra possidebitis animas vestras. Quid est enim
animas possidere, nisi perfectè in omnibus viuere, cunctis mentis motibus ex
virtutis arce dominari? Qui igitur patientiam tenet, animam possidet:
quia inde contra aduersa omnia fortis efficitur, vnde sibi & seipsum vin-
cendo dominatur. Et quo se laudabiliter frangit, infractum se fortiter exe-
rit: quia cum in suis se voluptatibus superat, sese ad contraria inuictum
parat.

45. D. Bernardus scribens ad Henricum Senonensem Archiepi-
scopum, docet eum in quo PERFECTIO consistat, quam ad Episco-
patum conferre necesse sit. Verùm, ait, quantalibet venustate sui casti-
tas eminere appareat, sine Caritate tamen nec pretium habet, nec meritum.
Nec mirum: quod enim bonum absque illa suscipitur? fides? sed nec si mon-
tes transferat. Scientia? sed ne illa quidem quæ lingua loquitur Ange-
lorum. Martyrium? Nec si tradidero, inquit, corpus meum ita ut ardeam.
Nec absque illa quodlibet bonum suscipitur, nec cum illa quamlibet exiguum
respuitur. Castitas sine Caritate lampas est sine oleo: subtrahere oleum, lampas
non lucet; tolle Caritatem, castitas non placet. Sed o quam pulchra est (ut
Sapiens clamat) casta generatio cum Caritate! cum illa, inquam, Carita-
te, quam describit Apostolus de corde puro, & conscientia bona, & fide non
ficta. Porro puritas cordis in duobus consistit: in querenda Dei gloria, & vi-
litate proximi; ut in omnibus videlicet actus suis, vel dictis, nihil suum que-
rat Episcopus, sed tantum aut Dei honorem, aut salutem proximorum, aut
vtrumque. Hoc enim agens, implebit non solum Pontificis officium, sed &
etymologiam nominis, pontem utique seipsum faciens inter Deum & proxi-
mum. Pertingit pons iste usque ad Deum, ea fiducia, qua non suam, sed illius
gloriam querit: pertingit usque ad proximum, illa pietate, qua & ipsi, non sibi,
prodesse desiderat.

46. Denique Diuus Thomas, cum PERFECTIONEM in Ca-
ritate constituendam esse definiuisset, qua id ratione fiat subiunxit,
dicens: PERFECTIOE circa Caritatem principaliter considerata, pla-
ne accipi potest in quo PERFECTIO spiritualis vita consistat. Sunt enim
duo precepta Caritatis; quorum unum pertinet ad Dilectionem Dei, aliud au-
tem ad Dilectionem proximi. Quæ quidem precepta ordinem quendam ad in-
uicem habent secundum ordinem Caritatis. Nam id quod principaliter Ca-
ritate diligendum est, est summum bonum, quod nos beatos efficit, sci-
licet Deus: secundariò verò diligendus est ex Caritate proximus, qui
nobis

Math. 22. nobis quodam socialis vitæ iure coniungitur in beatitudinis perceptione vel participatione. unde hoc est quod in proximo ex Caritate debemus diligere, ut simul ad beatitudinem perveniamus. Hunc autem ordinem præceptorum Caritatis Dominus in Evangelio ostendit, dicens: Diliges Dominum Deum tuum ex toto corde tuo, & in tota anima tua, & in tota mente tua; hoc est maximum & primum mandatum. Secundum autem simile est huic: Diliges proximum tuum sicut teipsum. Primum igitur & principaliter consistit spiritualis vitæ PERFECTIO in Dilectione Dei; unde Dominus ad Abraham loquens dicit: Ego Dominus omnipotens; ambula coram me, & esto perfectus. Ambulatur autem coram Deo non passibus corporis, sed affectibus mentis. Secundario verò consistit spiritualis vitæ PERFECTIO in proximi Dilectione; unde Dominus cum dixisset, Diligite inimicos vestros, & plura subiunxisset, quæ ad Dilectionem proximi pertinent, concludit in fine: Estote ergo vos perfecti, sicut & Pater vester cælestis perfectus est.

CAPVT XXXIV.

Quibus operibus PERFECTIO acquiratur.

*Lib. 2. definit.
circa medium.
Voluptatis seu
Perfectionis
descriptio.*

CLEANTHES, ut refert Cicero, tabulam verbis pingere solebat. Iubebat eos, qui audiebant, secum ipsos cogitare pictam in tabula voluptatem, pulcherrimo vestitu, & ornatu regali, in solio sedentem; præstare esse virtutes, ut ancillas, quæ nihil aliud agerent, nullum suum officium ducerent, nisi ut voluptati ministrarent, & eam tantum ad aurem admonerent (si modo id pictura intelligi posset) ut caueret, ne quid perficeret imprudens, quod offenderet animos hominum, aut quidquam e quo oriretur aliquis dolor. Nos quidem virtutes sic natæ sumus, ut tibi seruiremus, aliud negotij nihil habemus. Hæc ille. Nos natæ sumus tabulam pulcherrimam perfectæ Caritatis, Reginæ virtutum; à qua voluptas vera & solida, auctore D. Augustino, separari non potest: videndum est quibus ancillis stipari, ornari, augeri que debeat; quid illi hæc consulere, quid suggerere; ne quid committat, quod oculos Dei hominumque offendant, dolorque solutæ cum Deo amicitia oriatur. Dicendum ergo est, quibus operibus PERFECTIO acquiratur. Sunt verò opera in triplici differentia: quædam natura sua bona, quædam mala, quædam à Doctoribus indifferentia vocantur.

*D. Thom. 1. 2. q.
18. a. 1. & 8.*

*Peccata mortalia
soluere
Dei amicitia.*

2. Illud in primis extra aleam est, opera mala non modò idonea non esse ut gratiam augeant, ac PERFECTIONEM promoueant; sed ea etiam omnem PERFECTIONIS harmoniam soluere ac conuellere, præsertim si ex ijs esse censeantur, quæ peccata letalia vocantur: est enim peccatum mors animæ, pestis virtutum, amicitia dissociatio, quæ

quæ separat à Deo, thesaurizat iram in die iræ, filios facit perditionis & damnationis, & (vt ait Basilius explicans illud Psalmi, *In cathedra In Psal. 1.* pestilentia non sedet) velut pestis proprium dominum, & quoscumque attigerit, in exitium præcipitat. hinc Salomon: *Impius facit opus instabile.* Ruet *Prom. 11.* sanè, non stabit, breui concidet, sicut & dominus eius, etsi turribus ac machinis ingentibus fulciatur. *Vidi*, ait Rex pius, *impium superexaltatum, & eleuatum sicut cedros Libani: & transiui, & ecce non erat.* Turris Babel magno fastu ac pertinacia ædificari cœpta, altiusque prouecta est; sed momento à spe cuncti exciderunt. Sic & qui in mendacio spem ponunt, eorum opera tot sumptibus, tot laboribus exquisita, tandem aliquando corruent, aut euanescent in auras; vnde Isaias: *Vae impio in Isai. 3.* malum; retributio enim manuum eius fiet ei.

3. Sunt & alia opera, quæ nec mortem adferunt animæ, nec diuinæ Legi directè obstant; disponunt tamen ad mortem, & amicitia tene-ritudinem ac familiaritatem minuunt, cursum ardoremque impe-diunt, Deoque mirum in modum displicent. quod ita D. Augustinus *Epistola 108. tomo 2.* testatur: *Illa quæ humane fragilitati, quamuis parua, tamen crebra subrepunt, si collecta contra nos fuerint, ita nos grauabunt & oppriment, sicut vnum ali-quod grande peccatum. Quid enim interest ad naufragium, vtrum vno grandi fluctu naui operiatur & obruatur, an paulatim subrepens aqua insensitam, & per negligentiam derelicta atque contempta, impleat nauim, atque submergat?*

Non vult autem D. Augustinus omnia illa peccata venialia vnum effi-cere mortale: sed sicut (verbi gratia) letalis aliqua delectatio breuissimo spatio concepta hominem opprimit, sic & sensim exiles collectæ salu-tem hominis demergunt atque opprimunt, & ad consensum trahunt. Addit Augustinus: *Non enim considerandum est quid fecerit, sed quem offen-derit; quam bonus, quam benignus, quam pius, quam propitius est, qui illum sua dulcedine & pietate creauit ex nihilo; qui illum absque merito perduxit ad baptismum, & educauit & nutriuit tamquam filium; ad cuius commodum crea-uit celum & terram, & omnia quæ in eis sunt; cui seruiunt omnia tamquam filios cui misit Angelum in auxilium; propter quem fortem & callidum debellauit ho-stem eius antiquum; propter quem tam multiplicia pati sustinuit, vt mereretur filium cum quo dignatur habere consortium; qui Deus maiestate sua regit & gu-bernat omnia propter eum potestate sua. Talem patrem offendere, contra eius vo-luntatem aliquid committere, animaduertentibus ac se non ignorantibus quam est crudele! Hæc Augustinus. Non ergo hæc opera idonea sunt instrumen-ta acquirendæ PERFECTIŌNIS, sed contra eam sensim commi-nuunt frequenti lapsu ac concussione, & ad omnimodam dissolutio-nem disponunt: & quamuis Caritatem arctamque cum Deo coniun-ctionem penitus non conuellant, nec ideo Caritatis virtutumque opera sua dignitate careant; ea tamen obnubilant, animæque notam in-*

*Peccata Venia-
lia obesse Per-
fectioni.*

*Epistola 108.
tomo 2.*

Simile.

*Lib. de Vera &
falsa peniten-
tia, cap. 8. qui
Aug. tribuitur,
tomo 4.*

Simile.

inurunt, & feruorem operationis extinguunt: vt si quis amicum verbulo pungat, vel extrema acinacis acie vestem perforet, is inimicus statim non redditur; tamen si id sapius & de industria fiat, non solum non placebit, sed eidem admodum molestum ac tædiosum erit: molestia enim importuna, idonea non sunt ad conciliandam augendamq; amicitiam. Hoc in amicitia diuina vsu venire solet, cum aut verbo aut facto aduersus clementissimum Dominum, præsertim data opera, vel magna incuria, ea agimus, quibus eius bonitate abuti videamur.

*Opera mortua
nihil inuare ad
Perfectionem
assequendam.*

4. Alia opera sunt, quæ etsi bona censeantur, quia tamen vita carent, & à Doctoribus mortua dicuntur, vim non habent vt PERFECTIO- NEM promouere, & ad eam assequendâ quidquam præstare valeant.

Ea sunt, quæ ab ijs efficiuntur, qui in statu letalis peccati versantur. Deus enim primùm omnium quis sit, qui opus præstat, considerat: qui si hostis fuerit, nullo modo idoneum reputat, qui præmium aliquod mereatur.

*Eccl. 9.**Isaia 59.*

hinc Ecclesiastes: *Qui in vno peccauerit, multa bona perdet.* Isaias quoque, *Ecce, ait, non est abbreviata manus Domini vt saluare nequeat, neque ag- grauata est auris eius vt non exaudiat; sed iniquitates vestrae diuerserunt intus vos & Deum vestrum, & peccata vestra absconderunt faciem eius à vobis ne ex- audiret.* Nulli deinde promisit Deus gratiæ augmentum, præterquam

amicis, & Caritate munitis, quibus solis æternam retributionem polli- cetur. *Qui diligit me, ait Christus, diligitur à Patre meo, & ego diligam eum, & manifestabo ei meipsum.* &c.: *Beati mundo corde, quoniam ipsi Deum vi- debunt.* *Reposita est mihi corona iustitiæ, ait Paulus, quam reddet mihi Domi- nus in illa die, iustus iudex: non solum autem mihi, sed & ijs qui diligunt aduen- tum eius.* denique D. Iacobus: *Beatus vir qui suffert tentationem; quoniam, cum probatus fuerit, accipiet coronam vitæ, quam repromisit Deus diligentibus se.*

*1 Ioan. 14.**Matth. 5.**a. Tim. 4.**Zac. 1.*

His ergo solis Deus gratiæ augmentum, quæ æterno præmio com- pensetur, repromittit, qui in eius amicitia sunt & perseverant: at qui peccatis inquinatus est, Caritatem ablegauit: non potest igitur gratiam augere, cum eam non habeat; nec quidquam mereri, cum subiectum ipsum, gratiæ augmenti incapax sit, quàm diu in eo Dei aduersarius iu- ratus sedem fixerit. Nemo ergo fallatur existimans se perfici posse, etiam si opera maxime faciat heroica, quandoquidem Apostolus dicat: *Si linguis hominum loquar & Angelorum, si distribuero in cibos pauperum omnes facultates meas, & si tradidero corpus meum ita vt ardeam, Caritatem autem non habuero, nihil mihi prodest.*

1. Cor. 13.

Opera mortifi- cata non pro- desse ante re- conciliationem.

Simile.

5. Huc referri debent opera quædam non vtique mortua, id est, quæ à mortuo homine fiunt, sed à viuo quidem, qui deinde vitam spiri- tualem superueniente peccato extinxit, omniaque simul opera ætatis præteritæ, quantumcumque eximia, oppressit. Vt enim soluta amici- tia beneficia omnia, quæ amici mutuis officijs vltro citroque contule- runt

runt aut reddiderunt, ad aliquid obtinendum ab altero vel nihil profunt, vel sæpe etiam obsunt plurimum: ita & qui à prima ætate diuinis beneficijs ad sublimem aliquem Caritatis gradum prouectus est, si ab excellenti illo vertice ingratus ruat, non est quod existimet sanctitatem præteritam sibi posse patrocinari ad Dei augendam gratiam, nisi primum redeat in gratiam, & summa humilitate infimisque precibus perditam gratiam recuperet. hinc Propheta: *Etiamsi dixerio iusto quod* Ezech. 33.
vita uiuat, & confusus in iustitia sua fecerit iniquitatem; omnes iustitiæ eius obliuioni tradentur, & in iniquitate sua, quam operatus est, in ipsa morietur.
 Nihil ergo profunt, imò obsunt maximè, primum opera letalia, quæque ad mortem disponunt; nec etiam profunt mortua, nec denique ea quæ mortificata vocantur.

6. Verùm quid de indifferentibus seu medijs, quæ modò rectè, Res quasdam indifferentes inueniri. modò malè fieri possunt? uti res quædam indifferentes esse dicuntur. Tale quid est nasci, mori, diuitias possidere, esse sano corpore, honorari, edere, bibere, ambulare, quæ ex specie sua & obiecto indifferenter se habent, quia obiectum ex se bonitate caret, vel malitia: ideo euentus & effectus similes eidem respondent. Bene natus est Christus, bene B. Virgo Maria, bene D. Ioannes Baptista, in quorum natiuitate multi gauisi sunt; malè verò Iudas: *bonum enim erat ei, si natus non fuisset* Matth. 26.
homo ille. a *Preiosa mors sanctorum, b peccatorum pessima.* Bonum Iobo fuit a *Psalm. 115.*
opulentum esse; diuiti Epuloni damnable. *Qui ambulat simpliciter, ambulat confidenter:* b *Psalm. 33.* Prou. 10. maledictus verò qui abiit in consilium impiorum. Psalm. 1.

7. Hoc etsi verissimum sit, non tamen ideo, dum agimus & operamur, actio nostra indifferens est, id est, nec bona, nec mala: sicut homo ex specie sua nec bonus est, nec malus; nullus tamen nascitur aut uiuit, qui non sit bonus vel malus, iustus vel iniustus, ex condicione accessoria. Ita accidit operibus nostris, quæ ex obiecto vel specie indifferentiam habent, ex circumstantia tamen variantur: est enim doctrina D. Thomæ, circumstantiâ actus naturam sæpe immutare; & sine circumstantijs agere non possumus: vnde quod ex obiecto malitiam aut bonitatem non continet, eidem à condicione aliqua accedente tribuitur. Quia verò bonum ex integra causa, malum ex minima; hinc fit ut persæpe actus qui indifferentes sunt ex specie, malè fiant, eo quod aliquid ad actus PERFECTIÖNEM desideretur. Quapropter huiusmodi opera apta non erunt ad augendam PERFECTIÖNEM, cum ipsa perfecta in suo genere non sint, nec vllam bonitatem contineant.

8. Atque in primis si actus fiant absque iudicio rationis, à sola imaginatione prodeuntes: quales innumeri fiunt nobis imprudentibus, ut est, oculum, pedes, manus, vel aliam corporis partem mouere, tussire, Animales actiones nihil ad Perfectiönem pertinere. spucare,

Kk

spucare,

spuere, faciem extergere, festucam è terra leuare, caput fricare, naturali quodam impulsu, ratione minimè aduertente. Talis fuit actio D. Augustini in horto existentis, quam ipse ita describit: *Denique tam multa faciebam corpore in ipsis cunctationis actibus, quæ aliquando volunt homines, & non valent, si aut ipsi membra non habeant; aut ea vel colligata vinculis, vel resoluta languore, vel quoquo modo impedita sint. Si vultu capillum, si percussu frontem, si consertis digitis amplexatus sum genu, quia volui feci.* Hæ actiones nec bonæ sunt, nec malæ: nec mirum; nam morales non sunt, vel humanæ, cum à ratione aduertente minimè procedant, nec teneatur homo semper intendere vt eas impediat, vel dirigat ad finem aliquem honestum, nisi loci vel negotij circumstantia aliud exigat, vt statim dicemus. Quare & has à PERFECTIIONIS obsequio meritò remouemus, quandoquidem à belluarum actionibus parum discrepare videantur.

Opera indifferentia varijs casibus in malis esse habenda. 9. Addo, vt plurimum indifferentes quas vocant actiones in malis reputari, & nominatim in tribus operationum generibus, quibus sine honesto fine operamur: multa enim agimus, multa prætermittimus, non alio fine, quàm quia placeat, aut quia licitum sit; seu quòd non teneamur aliquid agere, vel etiam omittere: denique quia id ipsum delectabile sit, ideo prosequimur; quia verò voluptate careat, abijcimus. Addo id quoque verum esse, quotiescumque actio ex natura sua, aut ex circumstantia, nulla prorsus honestate prædita est. Hæ namque actiones etsi turpitudinem alicuius peculiaris peccati non inuoluant, malæ tamen reputantur, quòd fine debito spoliuntur, fiantque inanes & otiosæ, de quibus Dominus dicit rationem esse reddendâ in die iudicii. Quid enim est verbum otiosum? Si D. Basilio credimus, illud est, *quod non conducit ad propositam utilitatem*; si D. Hieronymo, *quod sine utilitate loquentis dicitur, & audientis*; si D. Gregorio, *quod ratione iustæ necessitatis, aut intentione piæ utilitatis caret*; si Tertulliano, *quod vanum & superuacaneum est*. Quapropter verbum otiosum prauum est. Cur ita? Quia inutile, superuacaneum; quia caret debito fine. atqui hæc voluntas agentis, quia placet, quia nolo, quia non teneor, quia hoc delectationem adfert, inutilis est, & debito fine caret; caret iustæ necessitatis ratione, ac intentione piæ utilitatis: praua ergo dicenda est; & eo maximè, quòd humana regula non regatur: est enim contra rectam rationem, metiri actiones suas norma voluntatis ratione destitutæ; tales verò sunt illæ actiones quæ fiunt quia placet, quia licet, id est, quia non teneor vitare. Delectatio quoque finis esse non potest actionum, cum in ea bonitas nulla sit, sed ab actione, à qua generatur, mutuari debeat. Hæc deinde agendi ratio excludit diuina consilia, illisque repugnat; quod vitio carere non potest. Sit aliqua Religio cuius regulæ ad peccatum

catur non obligent: si ad orationem pulsus detur, si ad mensam, si ad Capitulum, atque illud exequi prætermittam solum quia id licitum est, vel nulla lege obligante teneor, quis id ferendum putabit? Omnes sine ratione facient quod volent, quia non tenentur: quod omnino inordinatum est, & peccatum; quia illa positiua nolitio aut omisio caret sine debito, caret regula, caret duce ac ratione, cuius est, quemque actum suum ad finem dirigere. Alia ratio est in pura omisione: nam licet ad puram omisionem nulla requiratur ratio cur quis quippiam omitat, verbi gratia, ire ad Capitulum cum pulsatur; tamen ad exercendum actum positium, qualis est, velle omittere orationem, nolle interesse Capitulo; etiam sine scandalo, semper oportet habere obiectum rectæ rationi conueniens. Ex quibus colligitur, actum ex specie & obiecto indifferentem, in particulari esse malum; quod sine priuatur meliore, ac debito regulæque careat necessaria, quamuis habeat & suum esse specificum, & omnes circumstantias necessarias ad suam indiuiduationem: sicut actus ille Caritatis, quo quispiam dat indigenti communitate, prætermisso eo qui extrema necessitate laborat, malus est defectu ordinis non seruati. manet quidem esse specificum cum omnibus circumstantijs ad specificationem necessarijs; deest tamen aliquid quod actum vitiat, nempe defectus ordinis requisiti. Sic & in questione præsentis solus defectus actum vitiat. hæc enim malitia, quæ in tali actu reperitur, non oritur ex vi solius speciei; nam sic ab eo numquam posset separari: sed ex eo quod actus careat debito fine; quod illi est accidentarium, & ideo species eius manet indifferens: actus enim indifferens honestatem & bonitatem non habet; illud namque indifferens dicitur, quod bene vel malè fieri potest: ergo actus ille ex natura sua caret bonitate; si enim nec ab obiecto intrinseco nec ab alio bonitatem accipiat, ergo bonus non est, sed otiosus. vt bonus sit, mutuari debet honestatem a circumstantia, & maxime à fine; quem bona voluntas ductu rationis tamquam honestum appetat: fit enim finis ille tum demum forma actionis, & obiecti locum supplet, mouetque voluntatem ad agendum, & actui bonitatem suam impertit. Quare tribus dictis casibus si actiones ad finem honestum non referantur, nullo modo bonæ dici poterunt: imò vitiosas esse has operationes, sic exploratum haberi debet, vt contrarium probabilitate careat.

10. D. Thomas ^a vltèrius graditur, & inter vitia reputat, (etsi ^b non nulli aliter sentiant) deliberato animo, nullo alio fine honesto proposito, vitam longiorem, sanitatem roburque corporis appetere, honores & diuitias assumere, anhelareque ad cibum & potum, & his similia, tantum quia naturæ conducunt; illaque omnia inordinata esse, mala, & peccata, omnino statuit. Inordinatum namque est, hominem ad

a 1.2. q. 18. a 9.

b D. Bonau. in

2. diff. 41. q. 3. a.

1. & alij, Scotus, Ocham.

Bonum natura

non posse esse re-

gulam actionis

nostrarum,

malumque esse

aliquid agere

quia id natura

appetit.

Simile.

2. Cor. 11.

*Lib. 3. de consid.
cap. 4.*

Joan. 6.

Psal. 48.

operationes suas aliam normam adhibere, quàm rectæ rationis iudicium: quod non adhibet, qui tantum naturæ appetentiæ satisfacit; sed illam ipsam appetentiam, bonumque naturæ conueniens, rationis loco reponit: quod actuum humanorum regula recta esse non potest. Et sicut is qui bonos oculos habet in capite, attamen iter faciens illos claudit, aut allidit sese, aut certè euidenti se periculo exponit collisionis; ita & qui rationis lumine præditus est, nec eo vitur cum debet, aut impinget, aut certè periculo errandi ac peccandi se exponet: sicque velle posset quod honestum non est; eoque tēpore seruare vitam, cum illam tenetur exponere; comedere ubi alienum ederet. Quàm multa natura requirit, quæ si priuato loco, laudabiliter; si publico, inciuiliter egeris! alioquin cur Apostolus clamat: *Numquid domos non habetis ad manducandum & bibendum? aut Ecclesiam Dei contemnitis?* Natura irritata pruritu animalculi postulat vt caput frices, illud educum è collo interficias; at hoc in sacrificio feceris? Ratio certè dicat non esse faciendum, at naturæ bonum id exigit. Propinatur tibi vinum siti corpore æstuante, cur bibis? Quia sitio. At febri laboras. Natura non iudicat rectēne fiat, an secus; sed an bonum illi sit, quod concupiscit, rationis iudicium debet accedere, quod quid expediat tempore & loco decernat. Hinc D. Bernardus scribens ad Eugenium: *Spiritualis* (inquit) *homo ille qui omnia diiudicat, vt ipse à nemine diiudicetur, omne opus suum tria quadam consideratione præueniet: primum quidem an liceat, deinde an deceat, postremò an expediat. Nam etsi constet in Christiana vtrique philosophia, non decere nisi quod licet, non expedire nisi quod decet & licet; non continud tamen omne quod licet, decere aut expedire consequens erit. Agè, aptemur, si possumus, tria ipsa operi huic. At quomodo non indecens tibi voluntate pro lege vti, & quia non est ad quem appellaris, potestatem exercere, negligere rationem? tūne maior Domino tuo, qui ait, Non veni facere voluntatem meam? Quamquam non minus deiecti quàm elati animi est, velut rationis expertem non proratione, sed prohibitu agere; nec iudicio agi, sed appetitu. Quid tam bestiale? & si indignum cuius videnti ratione viuere vt pecus, quis in te rectore omnium tantam contumeliam nature, honoris incuriam ferat? Sic degenerando (quod absit) generale opprobrium fecisti proprium tibi? Homo cum in honore esset, non intellexit; comparatus est iumentis insipientibus, & similis factus est illis. Hæc Bernardus. Ex quibus videre est, satis non esse aliquid esse licitum, vt illud agere valeas; sed rationem oportere accedere, quæ iudicet, debeatne expediâtve, nec ne, quod licere sit in confesso. Ludere licet bestiis, licet & hominibus: sed ne cum Domino tuo luseris, lude cum æquali aut inferiore. Alius item ludus puerorum, alius virorum est. Et si læsa sit bellua, quærit in horto medicinam: licet & homini chirurgum accedere; quid si maleficus sit? Idem argumentum pertractat D. Paulus scribens.*

scribens ad Corinthios. Non sum, ait, liber? non sum Apostolus? numquid *1. Cor. 9.*
 non habemus potestatem mulierem sororem circumducendi? Si nos vobis spiri-
 tualia seminauimus, magnum est si nos carnalia vestra metamus? Sed non visi-
 sumus hac potestate: sed omnia sustinemus, ne quod offendiculum demus. Euan-
 gelio Christi. Nescitis quoniam qui in sacrario operantur, quæ de sacrario sunt
 edunt; & qui altari deseruiunt, cum altari participant? Ego autem nullo horum
 usus sum. Quæ est ergo merces mea? Et Euangelium prædicans, sine sumptu
 ponam Euangelium; ut non abutar potestate mea in Euangelio. Omnia mihi li- *1. Cor. 6.*
 cent, sed non omnia expediunt: omnia mihi licent, sed ego sub nullius redigar
 potestate. Esca ventri, & venter escis; Deus autem & hunc & has destruet:
 corpus autem Domino, & Dominus corpori. Quapropter, si esca scandalizat *1. Cor. 8.*
 fratrem meum, non manducabo carnem in æternum, ne fratrem meum scandali-
 zem. At cuius est id iudicare? naturæne, quæ cæca est, & sui amans?
 Addit ergo: Omnia mihi licent, sed non omnia expediunt: omnia mihi licent, *1. Cor. 10.*
 sed non omnia edificant. Nemo quod suum est querat, sed quod alterius. Hæc
 Diuus Paulus.

II. Quare, querere seipsum, inordinatum est: nam appetens quis rem
 sibi conuenientem aut delectabilem, non malam; ut illa. uti velit ho-
 nestè, ordinem à natura institutum seruet necesse est. Ea autem est
 naturæ institutio, ut illam ad finem honestum referat; ideoque regula
 rationis data homini est, ut per eam modum ac regulam actionibus suis
 præferbat. quod si iuxta hanc naturæ institutionem actiones ad finem
 honestum non referantur, ex vi regulæ rationis sequetur appetitionem
 illam ordine carere, esse inordinatam, esse otiosam. Otiosam, inquam,
 sicut & omnes indifferentes operationes: sicut enim velle honestum in
 communi non pertinet ad aliquam speciale virtutem; ita harum actio-
 num malitia non spectat ad aliquod speciale vitium, quia ipsi honesto
 in communi repugnat, & ex quadam naturæ fragilitate committitur.

Dices nullum esse præceptum quo teneamur semper operari pro-
 pter honestatem; satis videri, si nihil quod honestati repugnet admit-
 tamus: verum enim uero eo præcepto tenemur operari propter hone-
 statem, quo tenemur secundum rectam rationem; nos verò sic obliga- *Hominem re-*
 ri, hæ rationes conuincunt. Primum, quod ratione præditi sumus: est *ners operari se-*
 enim ratio velut lucerna totius hominis, & omnium operationum eius. *cundum rectam*
 hinc Christus: Lucerna corporis tui est oculus tuus. Si oculus tuus fuerit sim- *rationem.*
 plex, totum corpus tuum lucidum erit: si autem oculus tuus fuerit nequus, totum *I.*
 corpus tuum tenebrosus erit. At nemo accendit lucernam, & ponit eam sub mo- *Matth. 6.*
 dio, sed super candelabrum, ut luceat omnibus qui in domo sunt. Ad litteram per *Matth. 5.*
 oculum intellectum ac iudicium rationis intelligi vult Chrysostomus:
 quare si oculus otiosus fuerit, nec directionis officio fungatur, (quod
 est, lucernam ponere sub modio, aut in abscondito) totum operis corpus

Kk 3.

tene-

2. tenebrosū ac vitiosū erit; quod alioquin perlucidū euaderet. Deinde tenetur vnusquisque sic operari, vt non contra rationem nitatur; ac per consequens conari ne se periculo huic exponat: exponit verò, si regulam rationis adhibere vel negligat, vel respuat; quemadmodum is errandi quærit occasionem, atque offendendi, qui aspectum oculorum, cū proficiscitur, non adhibet. Denique tenetur homo opera omnia talia reddere, quæ apta sint in Deum referri, vtque iisdem Deo placeamus & obediamus; aliàs censentur otiosa & inutilia ad finem hominis: quod vt fiat, requiritur vt à recta ratione dirigantur, & honesta sint; id enim omne & solū Deo placere potest, quod honesti

Hieron. epist.
89. ad August.
cap. 5.

venustate est exornatum. quare quod ait Hieronymus, *Bonum est continentia, malum est luxuria; inter vtrumque indifferens est ambulare: hoc nec bonum, nec malum est; siue enim feceris, siue non feceris, nec iustitiam habebis, nec iniustitiam*: non impugnatur hanc D. Thomæ doctrinam; ex obiecto enim actus ambulationis semper manet indifferens, vitiatur tamen defectu necessariæ circumstantiæ. Deinde Hieronymus non dicit indifferentem esse in indiuiduo, sed indifferens esse siue feceris, siue non: si enim omittas, non peccas; & si feceris, non facis iustitiam, quia actus ille iustitiæ non continet honestatem: si tamen alterum feceris, sic fac, vt ducem rationem sequaris. Denique non nego dari actum indifferentem inter luxuriam & continentiam, vt est virtus Christiana: nam omnes actus moraliter boni sunt indifferentes & medij inter vitium & iustitiam; & hoc ipsum est quod ait Hieronymus, & Gregorius Nazianzenus, qui docet philosophiam Christianam agnoscere medium inter eum qui dignus est laude, & qui meretur pœnam: quales sunt artifices, qui, vt honeste viuant, opificia exercent, & quisque mortaliū officium sibi commissum administrat; quæ quia naturalia sunt, ad meriti dignitatem non assurgunt, ideoque coram Deo laude vel vituperio digna esse non censentur.

Greg. Nazian.
orat. 3. qua est 1.
cont. Iulian. in-
uictum, sect.
64. Versu, Ad
hac quomodo.

Ex quibus sequitur, actus quosdam esse naturales moraliter bonos; etiam si ad finem alicuius virtutis specialis non referantur: quales sunt omnes actus laudabiles secundum rectam rationem ab ethnicis facti, opera mechanica, rerum publicarum administrationes, fabricæ in bonum ciuitatum erectæ, denique opera omnia quæ nos agimus, ex specie quidem indifferentia; iudicio tamen rationis sunt ob honestatem quandam rationi consentaneam: quæ ratio finis idoneus ac sufficiens esse potest, vt actus censeatur bonus & honestus.

Alioquin si hæc omnia ad classē indifferentium referantur, non erunt laude digna. Atqui sapientes ea, quæ ex iudicio rationis sunt, probare solent, ac meritis laudibus prædicare. Laudantur etiam qui ex lumine ac directione rationis vitam omnem instituunt, actionesque dispo-

disponunt ac dirigunt: nihil enim ab homine aliud exigi potest, quàm vt rationem ducem sequatur; & eius ductu mores actionesque componat; quod cum facit, omnium iudicio bene facit, & laude dignus est.

Deinde opus aliquod vitiosum ex defectu finis vel exercitij rationis, cum ipsa tenetur aduertere, non habet malitiam alicui virtuti repugnantem; sed pertinet malitia hæc ad peculiare quoddam vitium complectens omnes actiones otiosas. Ita etiam actus isti, tametsi non referantur ad finem alicuius virtutis specialis, boni esse censentur ex vi illius honestatis, quam ratio ipsa, quæ homini data est ad agendum, illis confert.

Qui enim aliquid agit ex iudicio rationis, hic vel finem aliquem honestum habet actionis suæ, vel virtute illum intendit; vt rogatus respondens sit, se ob fines rationesque conceptas hoc vel illo modo vitam actionesque instituire: vt pater-familias operari se vt alat familiam, vt filios educet, vt vitam sibi à Deo datam conseruet; magistratus similiter muros vrbs & ædificia excitare vt ciues muniat, externos alliciat, ciuitatemque incolis repleat.

Quapropter omnia opera hæc talia sunt, vt, si accedat dispositio subiecti, referri possint in finem supernaturalem, fierique meritoria vitæ æternæ; quamuis ex natura sua, quia naturalia sunt, & naturæ limites non excedunt, nouæ gratiæ æternique præmij meritoria esse nullo modo possint.

12. Hæc D. Thomæ doctrina studiosis PERFECTIONIS est sequenda; nam altera sententia incuriam magnam inducit: si enim non teneat iudiciū rationis adhibere exercendis actionibus, si nullum finem honestum spectare; quid superest, nisi vt naturæ, iuris proprii & commodorum plus satis tenaci & appetenti, habenas laxem, agatque quidquid velit, optet, quærat, & in ijs conquiescat? fauet etiam plus æquo amor proprio, qui apertiores campos subinde non requireret ad festandum otium, ad laborem fugiendum, vtque à mortificationis molestia se subtrahat, rigorem penitentiae excutiat: ea enim naturæ admodum aduersantur. quare Christus nos hortatur persæpe: *Qui amat* Ioan. 12. *animam suam, perdet eam; & qui odit animam suam in hoc mundo, in vitam æternam custodit eam. &: Si quis vult post me venire, abneget semetipsum,* Matth. 16. *& tollat crucem suam, & sequatur me.* Marc. 8. Denique iubemur vigilare, dæmonis Luc. 22 & 14. fraudibus obuiam ire, nobis attendere, sobrij esse, 1. Pet. 5. quia aduersarius noster *diabolus circuit querens quem deuoret.* At si operari liceat absque rationis ductu, locum aduersario dabimus maximè apertum, qui virtutis simulacrum pro vera virtute facile obijciat, & voluptas sub necessitatis pallio facile sese insinuabit.

Quapropter etsi quis à culpa eum liberet, qui innixus alteri sententiae

tia sponte velit sic operari, ut putet id sibi licitum esse; non ideo tamen opus erit indifferens à parte rei, sed & quodammodo censebitur quòd errore inuincibili laboret: vix tamen fieri posse videtur, ut is sententiam suam reducat in praxim. Qui enim actiones suas ad finem honestum non refert, non ideo id facit, quòd existimet id esse licitum, sed ei hoc ex negligentia & indebito agendi modo contingit; ex quo plurimi defectus ac delicta oriuntur, scrupuli, conscientiaque inquietudo. Nec is *συνηγορις* ferret aculeos, si non confessionis remedio se ab huiusmodi naui ac inordinatione vindicaret. Quid enim quotidie confitemur aliud, quàm incircumspectè nos esse locutos, commodis indulgisse, appetitui morem gessisse? quæ omnia idcirco nos arguunt, vel quòd ratio defuerit officio, vel finem honestum nacta non fuerit. S. Catharina Senensis cùm triduo in mentis excessu continenter Deo adhæsisset, & tertio tandem die vix sibi quodammodo reddita, fuisset rogata à duobus Dominicanis Patribus num vellet secum solitarium quendam virum sanctitate florentem inuisere, ipsaque, lingua mentem præcurrente, verbo annuisset; tanta eam deinde penitentia cepit inconsiderati responsi, ut triduo dies & noctes à dolore ac singultibus non cessaret, haud secus quàm si nefandum aliquod crimen admisisset. Nos, tanto lumine destituti, vitia nostra non sentimus aut palpamus; ideoque in purissimis illis mentibus tamquam in speculis mundissimis nos maculas contueri & cognoscere expediret.

*Raymundus in
Vita eius, apud
Sursium.*

Conclusio.

*Gregor. Arim.
in 2. dist. 26.
c. 38.
Bonau. ibidem
dist. 41.
1. Cor. 10.*

13. Omnis ergo operatio quæ fine debito caret, nec ratione duceregitur, otiosa est, nec apta ad acquirendam *PERFECTIONEM*. Sed quid si bona sit, si debito fine, naturali tamen, cohonestetur? Existimant nonnulli honestatem ac bonitatem actus non à fine quolibet, sed ab ultimo desumendam esse; ideoque actum nullum fore bonum, qui ad Deum tamquam finem ultimum ab operante non referatur, saltem virtute quadam; ideoque monuisse Apostolū, ut omnia, quæcumque facimus, ad gloriam Dei faciamus. Nolim tamen huic sententiaepatrocinari, & præcepta inducere, ubi nec natura, nec Deus ipse quidquam indixit, nec etiam præcipit Apostolus, sed hortatur; sufficiens enim est obiectum honestum, ut actui tribuat honestatem: alioquin opera Gentilium, vel etiam Christianorum qui hanc praxim ignorant, essent peccata; quod tamen aperte falsum est, & à duobus Pontificibus, Pio quinto & Gregorio decimo-tertio, damnatum. Ipsum denique opus bonum, etsi actu in finem ultimum non referatur, intrinseca & naturali ratione tendit in Deum; tum quia eius sanctissimæ voluntati consentaneum est, utpote omnis honestatis singularis amatoris; tum quia idoneum est ad conciliandam eius beneuolentiam, atque adeo ad ipsum siue naturali siue supernaturali modo promerendum.

C A P V T

CAPVT XXXV.

*Solis Caritatis virtutumq³ infusarum operibus
PERFECTIONEM posse acquiri.*

14. **V**ERVM esto, non sit opus honestam actionem in Deum referri, bona ea sit & laudabilis; nihil adhuc consecuti sumus: nam intra naturæ terminos hætenus conclusi, PERFECTIONEM diuinæ Caritatis quærimus, quam naturæ vires omnes in vnum collectæ nullo modo possunt attingere. PERFECTIONE Caritatis aspiramus ad illam PERFECTIONEM, cui nihil addi potest in cælis; at proportio naturæ ad ea quæ naturam excedunt in immensum, superiorisque sunt ordinis, probari nulla potest, nec natura gratiam producere nec augere; quod initio pluribus ostendimus: quare ad opera supernaturalia recurrendum est, quæ proportionem habeant, & vt causæ, eiusdem ordinis effectus producant. Quapropter omnes actiones humanæ ac naturales, quales sunt mercari, iurisprudentiam tractare, philosophiam aliasque scientias & artes addiscere, & in ijs excellere, rempublicam regere, eleemosynas naturali affectu tribuere, (sicut Ethnici faciunt) loqui hominum linguis & Angelorum, scire prophetias omnes, omnem scientiam possidere, veteris nouique Testamēti mysteria omnia explicare subtilitate ingenij, montes transferre, pro honore adipiscendo, vera virtutis umbra, (etsi vani homines virtutem arbitrentur) varia perpeti, ac ingentibus sese periculis exponere; quales fuerunt de quibus M. Tullius loquitur. *Quæ res, inquit, ad necem Porcenæ Q. Mucium impulit, sine vlla spe salutis suæ? quæ vis Horatium Coclitem contra omnes hostium copias tenuit in ponte solum? quæ vis patrem Decium, qui filium deuouit, ac immisit in armatas hostium copias? quid continetia C. Fabricij, quid tenuitas victus M. Curiij sequebatur? quid duo propugnacula belli Punici C. & P. Scipiones, qui Carthaginiensium aduentum corporibus suis intercludendum putauerunt? & statim post: An putamus quemquam horum cogitasse quidquam in vita sua sibi expetendum, nisi quod laudabile esse & præclarum videretur?* Hæc ille. Hæc, inquam, omnia umbra sunt, non virtus; in naturæ limitibus hærent, Deum bonorum remuneratorem attingere non possunt.

De hisce omnibus, & multo maioribus, *Et si tradidero corpus meum ita vt ardeam*, concludit Paulus, *nihil mihi prodest*; primum, quia condicio fortè illa subiecti per gratiam dispositi desideratur: & quamuis nec ea desideraretur, tamen illud exploratum est, nullum opus moraliter bonum procedens tantummodo ex naturæ viribus, & non ex imperio Caritatis, aut alterius

Opera naturalia ad augendam perfectionem minus esse idonea.

Paradoxo 1.

1. Cor. 13.

I.

a 1. 2. q. 114. a. 2.
b 1. 2. q. 111. a. 3.
c 1. p. q. 62. a.
4. ad 2.
d 1. 2. q. 114.
a. 4.

Seff. 6. cap. 16.

Leah. 4.

24

3.

*Opera ex obio-
Et bona & su-
pernaturalia,
si ad malum fi-
nem referantur,
augenda Perfe-
ctioni nihil pro-
sunt.*

rius virtutis supernaturalis, Caritatem aut gratiam augere posse: sic enim D. Thomas pluribus locis docet, nempe^a opus meritorium ex motione Spiritus sancti procedere;^b meritum esse effectum gratiæ cooperantis;^c Angelos item non meruisse beatitudinem conversione naturali in Deum, sed conversione Caritatis quæ sit per gratiam;^d actus etiam nostros esse meritorios quatenus à libero arbitrio procedunt, dum per gratiam à Deo mouemur. Hæc D. Thomas; cui reliqui Doctores suffragantur: nec ij tantum gratiam requirunt ad huiusmodi opera propter subiecti dispositionem, sed potissimum ob conditionem operis, quòd ex diuini Spiritus fonte depromi, & Dei auxilio produci debeat, naturamque excedere. quod Concilium Tridentinum seuero calculo comprobatur, docens ideo opera iustorum esse meritoria, quia procedunt ex virtute quam Christus vt caput in membra, & vt vitis in palmites, iugiter infuit. Adfert etiam illum Ioannis locum: Qui biberit ex aqua quam ego dabo ei, fiet in eos aqua salientis in vitam æternam. Operum sanè naturalium Deus non solet se fontem appellare, sed hoc naturæ relinquit: ex natura igitur non salient opera in vitam æternam.

Deinde palmes non potest ferre fructum à semetipſo; opus igitur quod homo facit à semetipſo, non est meritorium nouæ gratiæ, & gradus alicuius ſublimioris Caritatis: talè namque opus non est vllo modo accommodatum fini ſupernaturali, cùm ſit merè naturale; nec ex promiſſione Dei ad hoc valet, imò Dominus expreſſè denuntiat Dilectionem naturalem, beneficentiam in amicos, ſalutationem fratrum non habere mercedem, niſi fortè eam quæ in affectibus hominum eſt, fugacem & vmbrailem.

Denique non est vlllo modo consentaneum optimo ordini diuinæ
providentiæ, vt, cū finis noster ipsaq̃ue PERFECTIO sit adeo sub-
limis, ac supernaturale bonum, nimirum perfecta Dei amicitia, quæ
in Dei possessione cōsummabitur, pro illius asscutione Deus acceptet
ea opera quæ infima sunt, neque sua natura tendunt ad illum finem,
nec ab operante in gratia existente referuntur: non enim sufficit sub-
iectum esse dignum, sed etiam in ipsis medijs seu operibus requiritur
quædam proportio mediorum ad finem assequendum necessarium.
15. Nihil ergo adhuc obtinuimus, nulla nobis instrumenta PERFEC-
TIONIS acquirendæ adiuuenimus. Quid si opera honesta sint, &
quidem ex natura sua supernaturalia, referantur tamen ad finem non
honestum? *Profecto nihil agimus, si scopus ille actionis finis sit:* est enim finis
in humanis actibus actionis forma ac veluti anima, quæ aliud conferre
non potest, quàm quò prædita est. Anima bruti facit brutum; homi-
nis, hominem; arboris, arborem. Quare, si vestias pauperem, si do-
ceas ignorantem, si adferas munus ad altare, si te Deo deuoueas, vel ex-
plenda libidinis causa, vel fratris interficiendi, tantum abest vt de cis
bene

enim illam habet finis, vt totam malitiam actui tribuat, etsi externus sit actui; quia voluntas deprauata illum tamquam scopum cum ipso actu copulat, & à voluntatis prauitate finisque malitia actus ipse inficitur; quod non fieret, si tantum circumstantia comes actui iungeretur, vt cum laudabiliter agentibus *κενοδοξίας*, titillatio sese adiungit, & aliquid aculei in animo relinquit.

Verum sit bona actio, sit supernaturalis, ab homine iusto procedat: censent nonnulli, si quis operetur intuitu mercedis æternæ, non modo non mereri, sed etiam perperam operari. Sed hæc reprobantur ab Ecclesia tamquam errores, vt his verbis Concilium Tridentinum *Sess. 6. can. 31. & cap. 11.* confutauit: *Constat (inquit) eos Orthodoxæ Religionis doctrinæ aduersari, qui statuunt in omnibus operibus iustos peccare, si in illis suam ipsorum socordiam excitando, & sese ad currendum in stadio exhortando, cum hoc vt in primis glorificetur Deus, mercedem quoque intuentur æternam.*

Sunt & Catholici nonnulli, qui de his, qui spe æternæ retributionis operantur, ita loquuntur, vt peccati damnare videantur; sic deprimunt illud operationis genus, vt imperfectionem vocent: indignum nempe esse aliter operari, aliter ad agendum moueri, quam Dei honore & causa. Interea indocti, qui hæc non capiunt, deterrentur à salutari consideratione æternæ patriæ, eiusque acquirendæ gratia torporem ac socordiam desinunt excutere; moti religione quod vel peccent, vel imperfectionem committant: cum tamen litteræ sacræ ad huiusmodi præsidia, & spei ancoram, ad remunerationis considerationem neminem non inuitent. Ita D. Ioannes Baptista coepit prædicationem suam: *Pœnitentiam agite, appropinquauit enim regnum celorum.* Imò Christus homines **PERFECTIONIS** studiosos sic allicit, sic sperare iubet: *Beati pauperes spiritu, quoniam ipsorum est regnum celorum.* item alibi: *Facite vobis amicos de mammona iniquitatis, vt, cum defeceritis, recipiant vos in æterna tabernacula.* Simile est Apostoli præceptum: *Debet in spe, qui arat, arare; & qui triturat, in spe fructus percipiendi.* *Matth. 3. Matth. 5. Luc. 16. 1. Cor. 9.*

Non defunt & Sanctorum exempla, ac in primis Dauidis sanctissimi Regis dicentis: *Inclinavi cor meum ad faciendas iustificationes tuas in æternum, propter retributionem.* Septuaginta verterunt, *propter retributionem;* Hieronymus, *propter æternam mercedem.* Aliud exemplum est Moyfis, qui grandis factus, negauit se esse filium filia Pharaonis; magis eligens affligi cum populo Dei, quam temporalis peccati habere iucunditatem; maiores diuitias æstimans thesauro Ægyptiorum, improprium Christi: aspicebat enim in remunerationem. Denique & D. Pauli verba sunt: *Ad destinatum persequor, ad brauium supernæ vocationis Dei in Christo IESU.* Exhortationes eiusdem Apostoli extant plurimæ. *Currite, ait, vt comprehendatis.* item: *Bonum*

Gal. 6.
Col. 3.

Lib. ad Forti-
tatem, de ex-
hortat. mart.
cap. 61.

Expedi sub-
inde operari ex
virtute spei, &
quo ordine.

Spei opera non
esse imperfe-
ctiones.
a Rom. 5.
b Rom. 8.
c Matth. 3.

autem facientes non deficiamus, tempore enim suo metemur. Denique: Quodcumque facitis, ex animo operamini, sicut Domino, & non hominibus; scientes quod à Domino accipietis retributionem hereditatis. His accedit Cyprianus; qui, ubi docuit quæ præmia martyres in cælo maneant, subiungit: Has cogitationes quæ persecutio potest vincere? quæ possunt tormenta superare? & post aliqua interiecta: Hæc oportet mente & cogitatione completi, hæc die ac nocte meditari. Si talem persecutio inuenerit Dei militem, vinci non poterit virtus ad prælium prompta. Hæc ille.

17. Expedi profectò de pœnis inferni, de æterna gloria, de horrendi dici iudicii sententia meditationes instituere, & quidem frequentes; atque nunc mercedis expectatione, nunc pœnarum horrore veterum excutere. Monendi sunt etiam tirones, ut hisce virtutibus utantur tamquam notioribus, & quæ morbis eorum conuenientiores sint. Agitantur nonnulli subinde tentationibus immundis, odij Dei, blasphemis in Deum & Sanctos, iræ perturbationibus grauissimis: hi, inquam, nullam in Deum propensam nacti voluntatem, nondum norunt ut patrem, sed ut iudicem & peccatorum vindicem reformidant: serui sunt, ideo timent, suauemque in benignissimum patrem affectum nondum sunt experti; ideoque difficillimum eis foret, filiorum instar ipsum diligere, & sua omnia eo referre. Illi sponte se subijciunt, quia Dominus est, quia serui sunt, & pœnam promeriti. quod ubi faciunt, (& ut faciant suadendum est initio) mox iuuandi erunt, ut assurgant sensim ad patris amantissimi perpendenda beneficia ac prolixam benignitatem: postmodum, ubi in vita spiritali iam prouectioribus plus luminis accesserit, plus beneuolentiæ & amoris; spem omnem mercedis exuant, seruiant expensis proprijs liberali Domino, qui nullum officium sibi præstitum præmio indonatum abire permittit.

Spei virtus non est imperfectio, sed virtus Theologica in suo gradu perfecta; *spe enim non confundit, & spe salui facti sumus.* virtus humilitatis non est imperfectio, sed magna PERFECTIO, cum in ea Christus omnem iustitiam reponat: prudentia, fortitudo, iustitia, religionis cultus, parentum amor & obseruantia, non sunt imperfectiones, etsi Caritas sit perfectior; sed magnæ PERFECTIONES, etiamsi in proprio genere eliciantur. Scriptura sacra de singulis virtutibus loquens, eas ad cælum laudibus extollit, nunc fidem, nunc spem, nunc temperantiam, nunc pœnitentiam, nunc timorem, quasi tota PERFECTIO in singulis resideret: quod nobis imitandum venit, præsertim coram plebique mulieribus, plebeijs, & tironibus, qui de summarum virtutum differentijs parum intelligunt, cum maximè constet sacræ paginæ & sanctorum Patrum testimonijs, eas virtutes etiam PERFECTIONIS studiosis esse usurpandas, tamquam necessarias ad socordiam excitandam,

dam, vt loquitur Concilium Tridentinum, & exhortandum sese ad currendum in virtutum stadio. Quare non est indignum Christiano homine, spei, timoris, humilitatis, pietatis, aliarumque virtutum actibus sese exercere, quandoquidem & sancti Patres nobis exemplum præbeant, & hortationes Apostolorum, & ratio ipsa suffragetur.

18. Quid ergo tandem concludemus de operibus, verisque PERFECTIO-
CTIONIS instrumentis? Addam, nonnullos, & quidem illustres Do-
ctores, censere, nullum opus meritorium vite æternæ aut augmenti gratiæ
esse, quod à Caritate non procedat, siue actu, siue virtute. quod tamen valde
mirum est, cum Scriptura alijs virtutibus singulare PERFECTIO-
NIS augmentum tribuat. *Credidit Abraham Deo, & reputatum est illi ad
iustitiam*: ergo fides iustitiam auxit. Phinees, qui zelo iustitiæ Madi-
nitidem cum scortatore confodit, nihil meruit? nihil Ioseph, qui do-
mini sui vxori salaci restitit? nihil Iudæi, quibus Paulus scribit: *Vinctis
comparsi estis, & rapinam bonorum vestrorum cum gaudio suscepistis, cognosce-
tes vos habere meliorem & manentem substantiam; nolite itaque amittere confi-
dentiam vestram, quæ magnam habet remunerationem*? Beatos etiam Christus
dicit Apostolos, cum homines oderint & persecuti fuerint eos. *Gaudete, inquit, & exultate, quoniam merces vestra copiosa est in cælis*: debet enim
patientiæ ac tolerantia merces viatoribus dari, quia gloriâ beatorum,
gratiæ quam è via deferimus, ad amissim respondet. Denique Christus
promittit mandata seruantibus vitam æternam, etiam si in toto deca-
logo non fiat vlla mentio præcepti Caritatis: vita enim æterna, est mer-
ces quæ respondet obseruantia mandatorum Dei. Non ergo tantum
opera Caritatis premium accipient, sed aliarum virtutum etiam aliquid
assequuntur. At de his infra latius.

19. Illud postremò non prætermittendum, nonnullos arbitrari gra-
tiam non augeri, ne quidem actibus Caritatis, si actus habitibus sint re-
missiores: hominem quidem tali casu per opus illud acceptari ad ma-
iorem gloriâ, sed externo quodammodo, non interna dignitate & pro-
portionem: denique solum censerî maiori dignum gloria propter opus
quod manet in acceptatione diuina, non autem ob internam gratiam
ampliolem; quemadmodum apud Principes quispiam censetur maiori
minorive dignior compensatione, quo plura obsequia suo Principi
præstiterit. Verum opinio hæc, quod nimium accedat ad iustitiam
hæreticorum imputatiuam, quæ caret interna dispositione, ex qua ius
ad hereditatem ac compensationem æternam oritur, reiicienda est.

Quapropter alij hanc difficultatem aliter exponunt: volunt enim, D. Thom. 2. 22.
quando actus non sunt feruentiores habitibus, nos gratiam quidem, 2. 24. a. 6.
mereri aliquam, eandem tamen non statim dari, sed suo tempore,
quando nempe quis fuerit dispositus sufficienter, quod accidit vbi ille

L 13,

actum

Opera super-
naturalia,
etiam si à Cari-
tate non elici-
antur, meren-
tur augmentum
gratiæ.

Gen. 15. &

Rom. 4.

Num. 25.

Gen. 39.

Heb. 10.

Matth. 5.

Matth. 19.

Melchior Can-
nus Relect. de
Penit. p. 1. sub
finem.
Opera augme-
tum mereri, et si
actus superna-
turales habitus
non superent.
Simile.

Quod-
ientes
anus;
tas co-
re? &
ec die
poterit

rendi
es; at-
rnum
tam-
ritan-
nis in
allam
n, sed
eo ti-
at ex-
re, &
quia
den-
man-
tum,
is be-
pen-
præ-

radu
tatis
istis
cul-
Caprio
eas
ran-
o in
ple-
tum.
æ &
is
tan-
am,

*Locis diuersis,
Grin Cœ. Trid.
lib. 15. cap. 16.*

actum intensiorem elicuerit. Verum longè verius est, augmentum istud illico conferri, etsi actus remissior sit habitu: nec veretur Andreas Vega dicere errorem esse, si quis affirmet hominem in hac vita acceptari ad aliquem gradum gloriæ absque gratiâ gratum faciente, aut gloriâ cælestem excedere gratiam viâ.

Ratio 1.

Et sanè quid impedit, quo minùs homo laudabiliter agens gratiam recipiat, etiamsi actus habitus non exæquent? Non impedit Dominus Deus, utpote qui liberalissimus est; non etiam homo, quia capax illius est; non status huius viâ, in qua meremur gratiam & eius augmentum; non tempus, nam aptius assignari non potest.

2.

Multi profectò fortè tota vita vix eliciunt actum intensiorem habitu: id enim factu difficillimum est, & vix sine auxilio speciali fieri potest. Quid ergo: illis numquam gratiâ fiet accessio: nihil merebuntur? Sanè hoc gratis dici videtur; quandoquidem nihil patitur Deus in sui gratiam fieri sine spe summæ compensationis; ut, *quicumque potum dederit calicem aquæ frigide, non perdat mercedem suam.*

Matth. 10.

3.

Per quemuis deinde actum meritorium fit illico quispiam Deo carior, & acceptior ad maiorem gloriâ percipiendam in cælis: sequitur ergo maiorem gratiâ extemplo concedi: nam effectus formalis gratiâ is est, acceptum esse ad parem gloriâ.

4.

Gratis verò dicitur tunc dari gratiâ augmentum, quando quis tot actus remissos fecerit, ut vni intensiori equiualeant: nam si cõtingeret quempiam mori ante vltimum illum actum intensiorem, vel gloriâ quantitas præpoderaret gratiâ habituali, vel opus meritorium sua mercede careret.

5.

Denique gloria beatorum, hereditas filiorum est, ut ex sacris paginis constat: sumus verò per gratiam filij Dei: vbi igitur cuiuspiam maior debetur gloria, maior quoque gratia debet præcedere, per quam inter Dei filios magis emineat.

Sap. 16.

Iean. 6.

20. Haftenus suspensus mansit animus; videamus tandem aliquando quibus operibus virtutem augere, promouere Caritatem, PERFECTI O N E M acquirere possimus: tantum laboris est, ut in hoc mundo aliquid bene rectèque conficiamus. Heliogabalus Romanus Imperator, in luxu & voluptate captanda portentosus, solebat subinde conuiuium ex vno genere rerum concinnare, sed miro artificio & expensis; ut ex solis phasianis, interdum ex pomis, aut rebus melle conditis, quæ gulam irritarent. Id in corporalibus cibis magnis impensis fieri solet, in spiritualibus verò Deo facillimum est. Manna misit de cælo, quod omnis saporis continebat suauitatem. Hæc Iudæis in figura contingebant: veritatis nobis explicatæ forma non deest; nam sacra Eucharistia Manna est, & panis qui de cælo descendit, omnis suauitatis copiam prolixè continens, quem velatum quidem sacris speciebus gustamus,

stamus, sed in cælo, sublato velo, æternæ Maiestatis mensæ assidentes, omni deliciarum copia cumulatim percipiemus. Id præstat etiam viatoribus Caritas, qua animæ nostræ viuunt, & eadem tamquam dapibus pretiosis aluntur. In vita, quidem corporali aliud cibus, aliud vita; in spiritali verò idem omnino potest esse & vita & cibus. Vita Caritas est, & ipsa ex seipsa alitur, nec cibum alendæ, fouendæ, augendæque vitæ, hoc est, sui ipsius, habet præstantiorem. Ex hac vna, infinita generum ferculorum fieri possunt; quia saporum omnium suauitatem ac delicias continet. Hac vesci oportet, si vitam spiritualem augere perficereque cupiamus: nec id quidem cum nausea ac tædio; nam diuersis conditionis aspersa, fastidium non generabit. Accipe eius fercula.

Primum est actus quo anima quàm intensissimè conglutinatur Deo tamquam amico, in hac mutua voluntatū colligatione tota conquiescens: & quia præsens non est amicus, magno desiderio æstuat illum videndi, tenendi, ac perfectè possidendi; delectatur etiam eius memoria, illumque vt præsentem apprehendens, lætitia gestit ac perfunditur.

Alterum ferculum est, quo esuriens animus Dei PERFECTIO-
NIBVS tamquam diuersis dapibus pascitur: nunc vnitatem cōsiderat, nunc Trinitatis incomprehensibile mysterium; alias bonitatem, iustitiam, ac potentiam, alias sapientiam in condendis ac conseruandis rebus admiratur, gloriam ac diuitias, fortitudinem, patientiam, ac misericordiam veneratur, magnitudinem suspicit, immensitatem adorat; denique totum sese diffundit, dum singulas PERFECTIO-
NES infinitas percipit, ratus nec deesse ex hac parte cibum, sed appetitum & capacitatem in se desiderari.

Tertium est, quo pascitur & varietate rerum creatarum, in quibus Deum opificem intuetur; quod genus refectionis est quoque excellentissimum, præsertim in hominum Dilectione: in quibus tam varia sunt Amoris argumenta, vt ea sola consideratio sufficiat nobis ad delicias incomparabiles hauriendas; ob quas Dauid cantabat: *Delectasti me, Domine, in factura tua; & in operibus manuum tuarum exultabo.*

Quartum Caritatis ferculum seu officium est, bene velle amico; desiderare vt omnes creaturæ illum agnoscant, ament, ac venerentur, diuitias bonitatis eius certatim querant, sicut falsa diuitiarum vmbra homines delusi opes & honores perquirunt; optent guttas omnes arenasque maris, arborum folia omnia ac plantarum, terram in puluerem comminutam, orbem vniuersum in linguas Angelicas commutari, quibus suprema illa Maiestas debitis laudibus extollatur; & sicut beati in cælo, ac viginti-quatuor seniores, quatuor animalia, Angelorum chori, Reges sese coronasque suas deponunt, & indefinenter clamant, *Sanctus, Sanctus, Sanctus*, sic totus orbis creatorem suum agnoscat, laudet, &

Officia seu fercula Caritatis decem.

I.

Amor in amato cum delectatione conquiescens.

2.

In Deo perfectionibus considerandis spiritualiter refectio.

3.

Delectari in rebus ab amico conditis.

4.

Amico bene velle, ac precari optima.

5.

Amico bene velle, ac precari optima.

6.

Amico bene velle, ac precari optima.

7.

Amico bene velle, ac precari optima.

8.

Amico bene velle, ac precari optima.

& deprædicet. Hoc fereuli genere incredibiliter alitur ac crescit Caritas.

5.
Desideriū multa perpetiendi pro Christo.

Addo quintum, quod cum incommodo singulari sit illius qui idipsum amico desiderat: nempe ut & ipse multa perpetiatur amici causa, corpus in minutissimas partes secari cupiat, ac discerpi; & si opus esset ad diuinam gloriam promouendam, non tantum carnem in puluerem redigi, sed & animam in nihilum; dicatque quod D. Augustino tribuitur: *Si ego essem Deus, Deus verò esset Augustinus; efficerem ut ego essem Augustinus, & ipse esset Deus.* Efficax est hic cibus, & incredibiles virtutum & gratiæ facit accessiones.

6.
Zelus animarum.
Rom. 9.
Exod. 32.

Vim quoque magnam habet adiunctam, si sic proximum diligas, ut tibi in nullo parcas, quo illum Deo amico adiungas, aut promoueas: exemplo D. Pauli, qui anathema à Christo esse voluit pro fratribus suis; & Moysis, qui, ut Deus populo parceret, optauit de libro vitæ deleri.

7.
Martyrij vel mortificationis studium.

His accedit longum martyrium, quod ipse tibi accersas, si à tyranno sustineri non detur, variaque patiaris magno desiderio proficiendi per mortificationem, contumelias, persecutiones, flagellationes, & his similia morte vnica grauiora; idque lubenter pro Christi nomine. Ex his euidenter liquet, ut animæ seipsis viuere dicuntur, augerique ac crescere iudicio atque scientia, & in dies semper maiores euadere, sic & Caritatem Caritatis esse cibum & alimentum. quod & Christus testatur, dicens: *Meus cibus est, ut faciam voluntatem eius qui misit me, ut perficiam opus eius, nempe redemptionis; opus magnæ sanæ virtutis: maiorem enim hac Dilectionem nemo habet, ut animam suam ponat quis pro amicis suis.*

8.
Omnia virtutum opera in finem Caritatis relata.
1. Cor. 13.

21. Huc pertinent omnia virtutum infusarum opera supernaturalia à Caritate relata ad honorem Dei: quorum vis duplex est, & honestas; altera quæ eis à natura competit; alteram dignitatem ac venustatem eis Caritas ipsa largitur: quod dum fit, crescit vtrique virtus, & ea quæ imperat, & ea quæ alterius imperio procedit; hinc Caritas dicitur *patientis, benigna, non amulari, non agere perperam, non inflari, non esse ambitiosa*: huiusmodi enim colligatio virtutum, condimentum inusitata raræque delectationis est. hinc Sapientia dicitur *mater pulchra dilectionis, & timoris, & agnitionis, & sanctæ spei*: quæ omnia mixta tamquam sapidam escam Sapientia mater ori proficientium admouet ac porrigit. Quod de his dixi, reliquis quoque virtutum generibus competit. *Fortis est ut mors Dilectio, misericors, iusta, temperans, vestit nudos, cibum potuque dat esurientibus & sitientibus, visitat infirmos, docet ignorantes, peccantes redarguit; quæ omnia arma sunt ac clypei Caritatis, de quibus in Canticis: Mille clypei pendent ex ea, omnis armatura fortium.* His cum omnes aduersarios oppugnet, euadit ipsa inexpugnabilis, & victoriæ canticum in die iudicii ipse Deus accinet: *Venite benedicti Patris mei, possidete paratum*

Cant. 2.
Cant. 4.
Matth. 25.

paratum vobis regnum: esuriui enim, & dedistis mihi manducare, &c.

22. Caritatis opera sese vltius extendunt: nam omne opus moralis virtutis acquisita, si ex imperio Caritatis procedat, aut ad Dei gloriam, vtque ei placeamus, fiat, augeat Caritatem & gratiam, cuius & in caelo ratio habebitur. hoc enim Concilium Tridentinum stabilit, dicens: *Hac igitur ratione iustificatis hominibus, siue acceptam gratiam perpetuo conserua- uerint, siue amissam recuperauerint, proponenda sunt Apostoli verba: Abunda- te in omni opere bono, scientes quod labor vester non est inanis in Domino. Non enim iniustus est Deus, vt obliuiscatur operis vestri, & Dilectionis quam osten- ditis in nomine ipsius. &: Nolite amittere confidentiam vestram, quae magnam habet remunerationem. denique sub finem: Bonis operibus in sacris litteris usque aded tribuitur, vt etiam qui vni ex minimis suis potum aquae frigida de- derit, promittat Christus eum non esse sua mercede cariturum; & Apostolus teste- tur, id quod in praesenti est momentaneum & leue tribulationis nostrae, supra mo- dum in sublimitate aeternum gloriae pondus operari in nobis. Hæc ibi. Quæ qui- dem omnia Concilium non limitat ad certas actiones virtutum infusa- rum, sed omnibus bonorum operum generibus attribuit; qualia etiam sunt opera moralia virtutum quæ à fonte Caritatis profluunt & impe- rantur.*

23. Vltimum Caritatis ferculum est in operibus moraliter bonis, quæ procedunt ex Dilectione super omnia, aut etiam ex quauis affe- ctione supernaturali erga Deum pertinente ad Caritatem, religionem, aliamque virtutem Christianam. Id confirmare videtur Concilium Tri- dentinum loco iam allato, cum ait: *Cum enim ille ipse Christus IESVS tamquam caput in membra, & tamquam vitis in palmites, in ipsos iustificatos iugiter virtutem influat, quæ virtus bona eorum opera semper antecedit & co- mitatur & subsequitur, & sine qua nullo pacto Deo grata & meritoria esse pos- sent; nihil ipsis iustificatis amplius deesse credendum est, quo minus plene illis quidem operibus, quæ in Deo sunt facta, diuine legi pro huius vitæ statu satisfecisse, & vitam aeternam suo etiam tempore, si tamen in gratia decesserint, con- sequendam, verè promeruisse censeantur, cum Christus Saluator noster dicat: Si quis biberit ex aqua quam ego dabo ei, non sitiet in aeternum. Hæc Conci- lium. Illa namque opera quæ ex habitu aliquo infuso procedunt, ex eo depromuntur, vnde idonea sunt vt tamquam delicati cibi in Caritatis epulo reponantur; sunt namque fructus gratiæ, & tendunt in finem su- pernaturalem ex relatione operantis: pascunt ergo & nutriunt; & ma- trem, quæ illa genuit, ornant, augent, & perficiunt.*

24. Sed non sola Caritas sese cohonestat & amplificat: præstò sint oportet virtutes, vt ancillæ, quæ nihil aliud agant, nullum officium du- cant, nisi vt Caritati ministrent, officij sui moneant, & ad aurem admo- neant vt caueat ne quid perficiat imprudens quod offendant diuinæ Ma-

9.

*Opera virtutū
moralium ac-
quisitarum.
Sess. 6. cap. 16.*

1. Cor. 15.

Heb. 10.

Matth. 10.

2. Cor. 4.

10.

*Opera moralia
ter bona.*

Sess. 6. cap. 16.

Ioh. 4.

*Cic. lib. 2. de
finibus.*

iestatis oculos, ne hominum animos lædat, aut quidquam ex quo dolor oriatur. Operantur ergo virtutes infusæ salubriter, & omnia officia propria exerunt; quæ etsi ad finem Caritatis non referantur, illa nihilominus vitam spiritualement augent, reficiunt, ac Caritatem perficiunt.

Tametsi verò ea quæ de Caritate attulimus ex Concilio Tridentino, sufficere meritò deberent ad veritatis huius confirmationem; ne cui tamen dubium remaneat, quoniam pacto meritum omne Caritati, ei quæ soli, tribuat, adferam quæ eadem sessione in canonibus sub anathemate idem Concilium censuit. *Si quis dixerit hominis iustificati bona opera ita esse dona Dei, ut non sint etiam bona ipsius iustificati merita; aut ipsum iustificatum bonis operibus, quæ ab eo per Dei gratiam & IESU Christi meritum, cuius viuum membrum est, fiunt, non verè mereri augmentum gratiæ, vitam æternam, & ipsius vitæ æternæ, si tamen in gratia decesserit, consecutionem, atque etiam gloriæ augmentum, anathema sit.* item: *Si quis dixerit iustitiam acceptam non conservari, atque etiam non augeri coram Deo per bona opera, sed opera ipsa fructus solummodo & signa esse iustificationis adaptæ, non autem ipsius augendæ causam, anathema sit.* In quibus nihil agit de fine Caritatis, sicut nec Apostolus cum ait, *Gloria & honor omni operanti bonum;* & Christus, *Si vis ad vitam ingredi, serva mandata.* Hæc enim procedunt ex motione Spiritus sancti, atque adeo proportionata sunt fini suo; finem ergo illum attingunt ac merentur: non enim possumus finem commodius assequi, quàm per media illi naturaliter commensurata.

*Cur Caritati
tota ratio me-
riti à Scriptura
tribui videat-
ur.*

Gal. 5.

Ioan. 14.

*Consiliorum
opera ad Perfe-
ctionem assè-
quendâ maxi-
mè idonea.*

Quod autem vni Caritati tota ratio meriti tribuitur, nihil vrget: nam & pauperibus, misericordibus, mitibus, lugentibus vita æterna promittitur: salus item subinde fidei, spei, patientiæ, aliisque virtutibus adscribitur, Caritati verò maximè, quod meriti sit fundamentum, quodque vinculum amicitiae inter Deum & nos perficiat, meritumque nostrum vnicè ipsi innitatur. hinc cetera sine Caritate nihil prodesse dicuntur: cum verò dicitur fides per Caritatem operari, id ita accipiendum non est, quasi à Caritate eliciatur fides, aut à sola Caritate impetatur, sed operari per virtutes Caritati connexas; unde etiam ipsa mandatorum observatio in Scriptura Dilectio dicitur. *Qui,* ait Christus, *habet mandata mea, & servat ea, ille est qui diligit me.* & tamen singula præcepta aliarum virtutum opera sunt, non Caritatis; sed eidem annexa sunt, & Caritatem adiuvant.

25. Inter opera verò efficacissima censenda sunt ea quæ à Patribus nobis relicta sunt, tamquam PERFECTIIONIS instrumenta, nempe virtutum trium, Paupertatis, Continentiæ, & Obedientiæ: his etenim virtutibus circumciditur homo omni ex parte, & sæculo moritur ac crucifigitur: valedicit diuitijs, quæ maximo impedimento sunt quærendæ PERFECTIIONIS; parentibus, corporique proprio, ac suo amor.

amori inordinato renuntiat; quin & animam propriam cum principibus facultatibus, intellectu & voluntate, penitus abnegat; quod est vno ictu totum mundum demetere. Deinde, vt quis perfecte Deum diligat, debet etiam se totum Deo tradere, & omnia impedimenta remouere. Vtrumque consequitur per has virtutes: tradimus enim Deo nos totos, quando & animam ei consecramus, & corpus, & res externas: nihil enim tribus hisce bonorum generibus, animi, corporis, & fortunæ, annumerari potest. Animum per Obedientiam, corpus per Continentiam, res externas per Paupertatis professionem à nobis ablegamus, Deoque tradimus donatione irreuocabili. Sed de his supra copiosius.

26. His operibus accedit vsus frequentior Sacramentorum: sunt namque Sacramenta vasa gratiæ, & dispositis incredibilem diuinorum charismatum copiam largiuntur vi sua, & (vt Doctores loquuntur) ex opere operato, & Christi institutione. Quod si dispositio excellens fuerit, duplex in ijs recipiendis fructus respondebit; alter dispositioni, alter portioni quæ diuina ordinatione à Sacramento profluit.

Duo verò Sacramenta sunt quæ huic instituto apprimè seruiunt, Pœnitentiæ & Eucharistiæ; quorum vsus multarum virtutum requirunt exercitium, nempe fidei, spei, doloris, ac peccatorum detestationis: adde orationis, sacrificij, gratiarum actionis, Amoris denique & familiaris conuersationis cum Deo, tum in eius mensa sancta, tum post perceptionem diuinorum Mysteriorum, quibus Deum possidemus ac fruimur; ex quo suauissima quædam necessitudo & intimæ amicitiae fructus eximius enascitur. His omnibus iungendum est propositum melioris vitæ, remedia vitiorum, media concepta ad virtutes acquirendas & augendas, Deo denique per omnia sese consecrandi studium, passionum domandi, appetitusque inordinatos reprimendi. Hæc enim duo, quæ nullo modo seiungi debent, seseque comitari necesse est, Sacramentorum nempe præsidium, & mortificationis ardens desiderium ac conatus, efficient, vt ille ipse qui comparatus est olim iumentis insipientibus, & similis factus est illis, hominis formam decusque refumat, & ex homine deinde in Angelum commutetur.

Vsus Sacramentorum.

ex D. Thom. 3. p. 9. 62. a. 1.

Psal. 48.

*Singulis bonis operibus in hoc mundo, & quidem
illico, reddi à Deo suam mercedem.*

*Mercedis spes
semper grata,
etiam ijs qui
gratis seruiūt.
2. Matth. 20.*

Apoc. 22.

Isaia 64. &

1. Cor. 2.

Apoc. 2.

2. Tim. 4.

Matth. 6.

Apoc. 2.

Matth. 19.

Marc. 10.

*1. Reg. 17.
Exemplum
Dauidis.*

27. **N**IHIL audit lubentiùs operarius labore fatigatus, quàm do-
minum quæstori dicentem, *Voca operarios, & redde illis merce-*
dem: nihil miles optat auidiùs, nihil agit ardentius, quàm vt
in spolia, etsi non sine euidenti vitæ periculo, impetum faciat: nulla
denique dies quærenti thesaurum absconditum lætior affulget illa, qua
thesauri illius inuentio obtingit, vt anhelantem animam satiet. Et nos
quoque, etsi Deo velimus seruire & laborare nullo proposito præmio,
lubenter tamen certa quædam de retributione cognoscimus, quibus ad
agendum incitemur: nec id Deus, liberalissimus remunerator, præter-
mittit, etsi sine cura nostra; ideoque Christus venturus nos excitat hoc
promissio: *Ecce venio citò, & merces mea mecum est, reddere unicuique secun-*
dum opera sua. Dicit se citò venturum, vt patienter sustineamus ad-
uersa exiguo tempore: mercedem proponit, quo alacrius aduersarijs
obstistamus, eorumque vires frangamus. Auari namque sumus: &
quantumcumque gratis laboremus, militemus stipendijs gratuitis, fo-
diamus Dei solius intuitu, lætissimus tamen nuntius hic est, Deum esse
liberalem; diligentibus ea parasse, quæ nec oculus audiuit, nec in cor hominis ascenderunt. Lubenter audimus de coronis, promissis,
propositisque præmijs; qualia sunt: *Esto fidelis usque ad mortem, & dabo*
tibi coronam vitæ: In reliquo reposita est mihi corona iustitiæ, quam reddet
mihi Dominus in illa die, iustus iudex. item quæ nobis danda in hoc mun-
do promittuntur; vt, *Querite primum regnum Dei*. Verùm quid? in-
opia deficiemus? Non utique; sed, *Primum*, ait Christus, *querite regnum*
Dei: id etiam in hoc mûdo mercedis habebitis, *Hæc omnia adjicientur vo-*
bis. illud quoque: *Vincenti dabo edere de ligno vitæ, quod est in paradiso Dei*
mei. item: *Vincenti dabo manna absconditum*. Non veretur D. Petrus, qui
vitam perfectiorem & Apostolicam sequebatur, à Christo querere:
Ecce nos reliquimus omnia, & secuti sumus te, quid ergo erit nobis? & luben-
ter audiuit non tantùm quòd in regeneratione sederent super sedes
duodecim, iudicantes duodecim tribus Israel, & quòd centuplum ac-
cepturi essent in futuro, sed etiam in hoc sæculo. Retributio namque
futuri sæculi, etsi certa & magna, remotior tamen adhuc est; & luben-
ter arrham, aut partem præmij, habemus ad manum.

Dauid mouebatur zelo diuini honoris, vt molem illam carneam,
Goliath gigantem, prosterneret, dicens: *Quis est hic Philistheus incir-*
cumcisus,

cunctis, qui exprobrauit acies Dei viventis? nihilominus sollicitè petebat: Quid dabitur viro qui percusserit Philisthaum hunc, & tulerit opprobrium de Israel? Motiuum enim magnū est, præmium præsens intueri ac spectare; etiam si causa actionis præcipua, quam formalem ac finalem vocamus, Deum eiusque bonitatem ac gloriam respiciat. Goliath qui sternendus venit, est homo peccati, filius perdicionis, qui regnat in nobis, carnea nostra mole vestitus, cum vitijs & concupiscentijs. Deturbatur verò quinque limpidissimis lapidibus, pretiosis, inquam, quinque plagis quas in corpore IESVS Christus sustinuit. his enim percussus est Dominus IESVS: & valent demum hi lapides, si in hostem, à quo intortiti sunt, retorqueantur, à corpore Christi ac meritis vi ac robore desumpto. Quicumque ergo turrin illam perfregerit, *ditabit Rex diuitijs 1. Reg. 17.*

magnis, & filiam suam dabit ei, & domum patris eius faciet absque tributo in Israel. Iustificationis forma hæc est, qua primū fortis armatus extur-

*In iustificatio-
ne Virtutes om-
nes tribui, etiā
morales, cum
donis Spiritus
sancti.
Virtutes ab
anima spiritua-
lis essentia seu
gratia profue-
re, quomodo
intelligendum.*

barur; nec citius pellitur, quā diuitiæ istæ promissæ tribuantur. Magnæ opes ac gazæ sunt gratia essentiam animæ exornans, opes incomparabiles Caritas cum omnibus virtutibus supernaturalibus, moralibus, Christianis, ac Spiritus sancti donis. Virtutes autē ad operationem destinantur, sicut dicimus ab essentia animæ potentias, quibus operamur, profluere. quod moraliter intelligendum est, & per quandam analogiam & accommodationem: nam & gratiam exornant ipsæ, & homo gratia ornatus per has operatur: atque eadem à gratia vitam hauriunt æstimatione quadam morali; nam sine ea non essent meritoria actiones, quæ à facultatibus oriuntur. Ceterū & gratia & virtutes à Deo infunduntur, atque à benignissima eius manu conseruantur: nec necesse est, crescente gratia, simul virtutes omnes augeri. Hæ ergo sunt diuitiæ quibus ditatur anima quæ Goliath percussit: hisce filia Regis, PERFECTIO nempe, desponsatur, si homo cooperari velit; & liberatur à tributo quod mundani diabolo ac carni suæ volentes nolentes persoluunt; manentque *filij liberae, & quidem ea libertate, qua Christus Gal. 4.*

nos liberauit.

28. Iustificationis verò tempore nonnulli æqualem gratiam recipiunt, æquales virtutes, eademque mensura; quales sunt infantes qui ante vsum rationis baptizantur: nonnulli diuersis gradibus, vt qui per propriam dispositionem cum Sacramento aut sine Sacramento sanctificantur; tum enim mensura gratiæ, dispositionis vel solius, vel cum Sacramenti portione, quantitati respondet. Attamen tam in parvulis, quā in adultis, qui Deo adiunguntur, gratia & virtutes, & hæc inter se, semper æquales sunt, quia ex eadem dispositione infunduntur. Pone infantem recipere gratiam vt octo, virtutes quoque intensè erunt ad octo gradus: nec Caritas ceteris intensior erit, nec ceteræ Caritate

*Infantibus in-
finitam adeptis
per baptismum
gratia ac vir-
tutes omnes in
eodem gradu
constitunt: ita
ut qui per pro-
priam disposi-
tionem in bap-
tismo iustifican-
tur, etiam dispo-
sitionis habenda ratio est.*

M m 3

am-

ampliores; quia nulla alteram superat. Sic & in adultis si cum Sacramenti gratia dispositio ad gradum vigesimū gratiæ assurgat, ceteræ virtutes viginti gradibus intensæ erunt: Deus enim vult opus suum esse perfectum; quod in eo maximè spectatur, si radici ac vitæ, facultates ad agendum necessariæ æqualiter conformentur. Et hæc quidem initia sunt spiritualis vitæ, in progressu res aliter se habet.

Augetur statim gratia.

Simile.

*Isaia 40.
Apoc. 22.*

*Sess. 6. can. 32.
Opera minus
intensa habitu
suo mereri au-
gmentum gra-
tia.*

*Quando pre-
mium operum
reddatur.
a Cant. 1.
b Simile.*

29. Augetur namque gratia, & virtutes, sed nostro labore; quem Deus liberalissimus statim, non expectata futura retributione, remunerat: alioquin posset quis queri opus esse longa expectatione; operarijs nonnullis dari nummum plumbeum, symbolum baiulatæ sarcinæ, quo certam probatæ pecuniæ summam recipiant; filijs adoptiuis literas adoptionis tradi, quibus negari nequeat hereditas. Deus ergo singulis operibus nummum vnum, non plumbeum, sed verè aureum Caritatis ac gratiæ largitur, mensuræ & dignitati operis in numero, pondere, & mensura respondentem; id est, tantum gratiæ, quantum opus ipsum ex Dei promissione meretur: & in eo nummo litteræ adoptionis ac ius ad caelestem hereditatem plenamque compensationem perscriptum est, atque exaratum; vt meritò de Messia ad nos veniente dici potuerit: *Ecce merces eius cum eo, reddere unicuique secundum opera sua.* Si actus feruentior est, amplior gratia; si remissior, non propterea nulla, sed minor reddetur. hæc enim Concilij Tridentini doctrina solida est, & luculenta, ita decernentis: *Si quis dixerit ipsum iustificatum bonis operibus, quæ ab ipso per Dei gratiam vel Christi meritum sunt, non verè mereri augmentum gratiæ, anathema sit.* Loquitur Concilium de omnibus operibus siue Caritatis, siue aliarum virtutum; siue intensus, siue remissus: est enim definitio dogmatica, quæ vniuersali æquiualeat. Intensio namque illa operis non requiritur ad meritum gloriæ: ex quo necessariò sequitur, non etiam requiri ad augmentum gratiæ. Per gratiam namque homo ad gloriam acceptatur ac idoneus redditur: si ad gloriam hisce operibus acceptatur idoneus, gratiam ergo recipiat necesse est, sine qua dignus non efficitur gloriæ præmio. Denique actus Amoris Dei super omnia vel etiam remissus longè melior est intensissimo alterius virtutis; verbi gratia, desiderio ieiunandi. Si hic ergo gratiam augeat, augebit etiam Caritatis opus, etiam si non adeò intensum.

30. Quare eodem ipso momento, quo quispiam bene egerit, infunditur à Deo pretiosus ille gratiæ liquor. *a Oleum effusum nomen tuum, ait sponsa. b* Sicut enim dum in torculari oliuæ premuntur, perpetuò oleum defluit, vel guttatim vel vbertim, prout prælum contorseris, & abundantes oliuas subieceris: sic & ex operum nostrorum prælo seu contentione, si copiosè, si ardentè, si continenter materiam suppeditemus, vberiores atque auctiores riuuli gratiæ defluent. Torcular verò istud

istud Christus calcat ac premit, quia & oleum hoc ex eius meritis elic-
tur; ideoque dicit, *Tercular calcanti solus*. Nec requiritur inter meritum *Isaia. 63.*
& primum aliqua temporis successio; imò sufficit ordo causalitatis,
vt loquuntur Scholastici, vt naturâ meritum prius sit quàm primum,
sicut effectum causa præcedit. Aliud verò est, vbi cum merito non po-
test existere primum; quod videre est in gloria, ac opere meritorio.
Ex fide enim procedit meritum, gloria verò fidem excludit. O pretio-
sa atque excellens destillatio, vbi ex operum nostrorum diffusionem tam
nobilis liquor emanat! ô vasa pretiosa animarum nostrarum, quæ ta-
lem thesaurum excipiunt, quo Dei amicitia ac coniugium acquiritur,
acquiritur & ius hereditatis æternæ, atque in altera vita cum lumine
gloriæ, cui ex æquo commensuratur, appenditur in statera! Hæc de
gratiæ augmento, sed quid de virtutum seu habituum supernaturalium
accessione?

31. Augentur enim & virtutes: nec minùs liberalis Dominus est in
additione nouorum graduum ad habitus supernaturales, quàm ad gra-
tiæ augendam copiam. Omni namque opere quo vitam æternam me-
remur, quo gratiam extendimus, crescit & virtus illa cuius opus perfici-
tur. Exercitio fidei augetur fides, crescit spes sperando, crescit patien-
tia tolerando. Sicut enim ex antlia, quoties brachium vibras, elicis
aquam; & quo frequentius, eo copiosior exilit atque educitur: sic ex
singulis actibus virtus ipsa nouis aquis scaturit, fitque fons ipse auctior
ac abundantior. qua de re ne dubitare liceat, Concilium Tridentinum *Sess. 6. cap. 10.*
statuit iustificatos per obseruationem mandatorum Dei ire de virtute
in virtutem. Non vult autem nos nouam virtutem acquirere, quia per
iustificationem omnes infunduntur; sed easdem augeri, nunc vnam,
nunc alteram, pro singulorum operum merito & exigentia: eò enim
opus tendere videtur, vt virtutem suam augeat; nec vllum esse posse vi-
detur primum operi accommodatius, quàm eiusdem virtutis incre-
mentum.

32. Augetur ergo virtutū operibus & gratia, & habitus virtutum infu-
sus. Sed quid? num alicuius virtutis actu sola illa virtus, an verò simul &
Caritatis habitus cum eodē etiam sine Caritatis actu augebitur? De alijs
quidem virtutibus non videtur rationi consonum; vt, verbi gratia, ope-
re humilitatis crescat sobrietas, aut fortitudo: quia inter opus illud,
taleque augmentum, nulla apparet proportio; cum præsertim neque
ex natura sua, neque operantis intentione, eò referatur. Sed longè
alia ratio est Caritatis. Caritas & gratia si idem non sint, tamen admo-
dum affinia sunt; nec vnum potest ab altero separari. Accedit, æquum
esse vt tantum possimus diligere, quantum & ipsi à Deo diligimur: at
mensura Dilectionis Dei est gratia, quæ in animæ residet essentia: tanta
ergo

*Virtutum ha-
bitus actibus
augeri virtutibus.*

Simile.

Sess. 6. cap. 10.

*Crescit habitus
Caritatis om-
niū virtutum
operibus, non
autem cetera-
rum habitus
virtutum ali-
ter quàm actu
proprio.*

ergo debet esse Caritas, quanta gratia; & si hæc crescat, debet & Caritas augeri. Augetur autem gratia singulis virtutū actibus, iisdem ergo pari passu crescat & Caritatis habitus. Si enim in humanis quævis officia, quæ placent amico, dilectionem augeant, & amicitiam; quid ni pariter in Dei amicitia, qui hominibus benignior est, & liberalior? Denique Caritas generalis virtus est, ad cuius honestatem omnia virtutum officia referuntur: par est igitur ut ipsa per singula augeatur.

*In celo omnes
Virtutes aqua-
les erunt habi-
tui Caritatis.*

33. Addam & illud, ad illustrandam Dei benignitatem, nosque ad virtutum exercitium excitandos: quod, etsi singulæ virtutes aliarum actibus non crescant, in cælo tamen futurum ut omnes virtutes æqualiter se habeant, & in eo gradu sint, quo Caritas ipsa fuerit constituta. In statu namque gloriæ æquum est ut summa inueniatur proportio inter gratiam & gloriam, omnesque virtutes, ad hoc ut omnes animi motus inter se commensurati censeantur Amoris magnitudini, pari que tenore voluntas in omnia sua feratur obiecta; nihil denique illic demissum, nihil redundans, nihil inæquale sit, quemadmodum & loci dignitas & beatorum condicio omnino desiderare videtur. Hoc, inquam, loci dignitas requirit, etiam si id viatores nondū suo merito obtineant. Sed quid mirum? meremur hîc corporis gloriam, quam tamen in hoc sæculo non adipiscimur; quia anima gloriosa postulat, ut gloriæ suæ corporis splendor similisque condicio gloriosa respondeat. & status quoque ille requirit ut virtutes æquales sint, etiam si in via aliæ alias excefferint: Deus enim super meritum nos compensat; longeque plura illic percipiemus, quàm vel cogitatione consequi valeamus. Quare si quis viator sese in Caritatis operibus plurimum exercuerit, in abstinentia verò admodum parum; abstinentiæ habitus hic exilis, est Caritatis maximus atque intensissimus: at in cælo vterque æqualis erit, ut animi motuum consentiens proportio constet. Quod si quis intendit hîc habitum abstinentiæ, remissiùs Caritatem exercuerit; abstinentiæ habitus non erit in cælo intensior: quia omni opere virtutis infusæ crescit Caritas, quæ velut cisterna ceterorum fontium aquas recipit ac conseruat, & velut variorum fluminum confluxu intumescit, & quasi ingens pelagus exundat, singulis riuulis sese reddens ac insinuans.

Simile.

CAPVT.

CAPVT XXXVII.

*Proponuntur industria octo, quibus gratia,
virtutes, ipsarū PERFECTIO
egregiè augeantur.*

34. **H**ÆC incredibiliter mouere atque accēdere deberent PERFECTI-
ONIS studiosos ad virtutum exercitium: quan-
doquidem singulis actibus gratia in animum influat, virtu-
tes augeantur, nosque facilitatem ad bene agendum acquiramus; Deus
etiam ipse eo munificentior in auxilio præstando futurus sit, quo ei gra-
tiores & amiciores futuri sumus: tales autem nos per bona opera fieri,
extra controuersiam est. Meritò igitur imitari mercatores decet, qui *Simile.*
in sua negotiatione industrias quærunt ad maius lucrum opportunas:
quas vbi nacti sunt, plus vno die, quàm antea centum, consequuntur.
Videamus an aliquas ponere possimus, quibus adiuti multa magnaque
spiritualis negotiationis nostræ præmia ac lucra reportemus.
35. Prima industria est, vt eos imitemur negotiatores, qui, si poten- *Spiritualis ne-*
tes non sint, nec à pecunia bene instructi, occasiones multa emendi *gotiatoris in-*
exiguo pretio, & magno reuendendi, aucupantur: aliàs perdunt quod *dustria octo.*
opulenti lucrantur. Itaque danda opera est vt potentes simus fide, & *I.*
virtutibus locupletes: sic enim vno actu plus lucrabimur, quàm alij *Vita sanctita-*
centum, vel etiam mille; opus enim erit excellentius, venditioque & *tem augere me-*
contractus rei ingentis & præcellentis: fæneramur enim Domino, & *ritudinem.*
cum eo, inito contractu, mercamur, non semissem, vt in venditione
rei exiguæ, sed aliquot millia, ob quantitatem quæ traditur, lucraturi.
Qui enim magni apud Deum sunt, & magna, ardua, heroica operan-
tur, (talibus enim mercibus delectatur Dominus) illico magni euadunt:
nam Dominus soluit ex tempore; parataque item ipsi rursus pecunia
continenter negotiantur. Deinde opus, ceteris paribus, tanto gratius
est, & magis meritorium, quanto ex persona gratiore procedit. Vt *Simile.*
enim, qui Regi valde gratus est, citius ab eo dona impetrat, quàm qui
minus gratia apud eum valet: sic & qui Dei beneuolentiam nactus est,
facile, quod volet, impetrabit. Duo etenim spectat Dominus in operū *Duo in bono*
retributione: ^a personam in primis, eiusque dignitatē, non sæcularem, *opere à Deo*
sed eam quæ ex Dei munere accesserit, id est, Christi meritis. ^b Alterum *spectari.*
est opus ipsum, quod maximè mercedem meretur. Si personam spe- *a 1.*
ctes, retribuit Dominus vnicuique prout quisque dignior est, seruato *b 2.*
quodammodo ordine iustitię distributiue, & præmiat vltra condignum
operis.

N n

Matth. 5.
Luc. 19.

Homilia in
Psalm. 114.

Lib. 1. ad Mo-
nitionum, cap. 10.

Matth. 7.
Luc. 6.
Operibus no-
stris etiam re-
spondere mer-
cedem per modum
iustitiae distri-
buitur.

Parte 3. q. 48.
a. 6. & q. 48.
a. 2. ad 3.
a. Industria 2.
Operis conti-
nuationem au-
getur gratiam.

operis. Quod adeo verum est, ut contrarium damnarit Pius Quintus contra quosdam, qui tenebant, opera bona iustorum non acceptura in die iudicii extremi amplio rem mercedem, quam iusto Dei iudicio mereantur accipere. *Gaudete*, ait Christus, *& exultate*, quoniam merces vestra copiosa est in calis. & qui mnas decem lucratus est, constituitur super decem ciuitates; imò extraordinario munere & mna altera datur, quæ à seruo infideli & pigro ablata est. His deinde qui hora vndecima venerant, non minus quam qui hora tertia, denarius diurnus redditur. Denique Patres antiqui hisce suffragantur, inter quos Basilus in illud, *Conuertere anima mea in requiem tuam*. Manet, inquit, *requies sempiterna* illos qui in hac vita legitime certauerint, non tamquam debitum operibus redditum, sed ob munificentissimi Dei gratiam, in quo sperauerunt, exhibita. & Fulgentius: *Gratia autem etiam ipsa ideo non iniuste dicitur, quia non solum donis suis Deus dona sua reddit; sed quia tantum etiam ibi gratia diuina retributionis exuberat, ut incomparabiliter atque ineffabiliter omne meritum, quantumvis bona & ex Deo data humane voluntatis atque operationis, excedat*. Ex quo similiter argumentari debemus: Si Deus præmiat in cælo vltra condignum, id in via quoque præstiturum sperandum est; quandoquidem dona cælestia ac retributiones ordinariè gratiæ muneribus respondeant. Quapropter, si à Deo persona admodum grata quippiam postulauerit, daturus ille quidem sit, non modò ex rigore iustitiæ, quæ dicit, *In qua mensura mensi fueritis, remetietur vobis*; sed & addet, *Mensuram bonam, & confertam, & superfluentem date in sinum eius*.

36. Quod ad opera attinet, respondet quidè operi sua merces, quam Deus retribuit per modum iustitiæ cōmutatiuæ; ut, quantum opus fuerit, tantum sit & præmium atque additio ad gratiam: tamen, quo persona simul dignior fuerit ac sanctior, eo gratius opus reputabitur. non quòd sanctitas actum ipsum intrinsecè faciat meliorem; est enim personæ dignitas ornamentum dumtaxat accessorium operi: auget tamen meritum, quia ut inter homines beneficium & obsequium eo maius censetur, quo carior est is à quo præstatur, idque secundum rectam rationem; ita & apud Deum. hinc sæpe diximus, gratiam conditionem esse necessariam, quæ efficiat ut opera nostra Deo placeant. Vbi ergo maior gratia affulserit, gratiora opera reputabuntur: cum etenim aliquid meremur, non tantum opus ipsum in Dei obsequium offerimus, sed & nos ipsos; qui si sanctiores ac Deo gratiores fuerimus, sanè opus ipsum acceptius haud dubiè habebitur: vnde D. Thomas docet, satisfactio- nem & meritum Christi fuisse infinitum ob dignitatè personæ. Quare ubi fuerit maior dignitas ad amicitiam Dei pertinens, maius quoque exurget meritum.

37. Altera industria in operis continuatione consistit. Plus enim con-

conficit operarius, qui tribus quàm qui vna hora laborat; & qui orat integra nocte piè ac religioſè, quàm qui quadrante horæ; & qui ſe vitamque ſuam Dei obſequio conſecrat ac mancipat, & ex hac deſtinatione agit, plus meretur, quàm is qui ad paucos dies Deo ſeruit. Illud quidem verum eſt, continuationem, ſi nulla in opere variatio aut mutatio accedat, actum non facere intrinſecè meliorem: raro tamen accidit, quin feruor excreſcat, aut ipſius orantis agentivæ excitatione, aut Dei miſerentis viſitatione. Præparationes cordis noſtri audit auris eius; & præſto adeſt vt præueniat nos in benedictionibus dulcedinis, eſurientes impleat bonis, & mendicos ad ianuam ſuam largitione liberali accumulet. Deinde, etiamſi nulla fiat feruoris acceſſio, ac mutatio; operatio tamen melior eſt ſecundùm moralem æſtimationem, quia longiori ſpatio coeſiſtit, ac diutius bonitatem ſuam retinet: ſicut in opere malo continuatio auget demeritum.

38. Quod ſi quis beneficio temporis careat, præſtabit opera aut eadem identidem repetere, aut diuerſa multiplicare. In duobus enim actibus ſunt duæ PERFECTIONES, duo conatus, duo influxus, duæ ſubſtantia, duæ libertates, duæ attentiones, poſterior priore nobilior & auctior: in operũ enim multiplicatione plura ſunt merita, plura incrementa. quæ quidem conſideratio egregiè eos monet, quibus diutius per otium non vacat aut orationi aut alijs pijs operibus inſiſtere, ſæpius ad Deum recurrant per orationes iaculatorias, actusque Caritatis eximios, quibus Deo ſuper omnia placere deſiderent. Hæc autem induſtria maximi momenti & incredibilis vtilitatis eſt, & magis ex uſu quàm ex theoria perſpicitur. Hanc Sancti ſectati ſunt; & nominatim Maria Ogniacenſis, quæ (vt ſcribit Iacobus à Vitriaco, S. R. E. Cardinalis) per diem & noctem millies & centies flectens genua ſalutabat B. Virginem, atque admirandum hoc & inauditum ſalutandi genus & officium ad quadraginta dies continuabat. Primò autem in ſpiritu vehemente, ſine intermiſſione, ſexcenties flectebat genua: deinde integrum Pſalterium ſtans legebat, ad ſingulos Pſalmos beatiffimæ Virgini flexis genibus Angelicam ſalutationem offerens: tertio, aſtante vehementius, trecentis vicibus ad ſingulas genuflexiones virga ſe percutiens, Deo & beatiffimæ Virgini prolixo martyrio ſe immolabat. Tribus autem vltimis ictibus tamquam ad aliorum condimentum copioſum è ſuo corpore extrahabat ſanguinem. Tandem quinquagies flexis ſimpliciter genibus ſacrificium conſummabat. Hæc ille.

39. Quarta induſtria in feruore atque intenſione actionis conſiſtit. Ut enim plus viæ cõficit, qui pernici equo, vel naui in rapido flumine, vel pedes quidem, ſed perpetuo curſu viribus fauentibus aliquò contendit; quàm qui communi paſſu ambulat: ſic & qui cum ardore magnoque conatu opera ſua conficit. Vis autem illa contentionis ex

Simile.

*Continuatio
non facit actũ
intrinſecè me-
liorem.*

Pſal. 9.

Pſal. 20.

Luc. 1.

*Induſtria 3.
Breues oratio-
nes ad opera
ſingula adhi-
benda.*

*In Vita eius lib.
1. cap. 9.
Vide Sur. tomo
3. ad 23. Iunij.*

*Induſtria 4.
Feruor ac in-
tenſio auget
meritum.
a Simile.*

*Actus intensi
causa dua.*

*Thomas à
Kempis lib. 2.
cap. 9.*

*Cautio in fer-
uore seruanda.*

1. Tim. 3.

1. Tim. 6.

*Feruoris ac
meriti pulchra
similitudines.*

1.

Similitudo 2.

duplici pendet capite. aut enim parta gratia tantummodo quis utitur, atque habitu virtutis, cuius opus exequitur: ut, qui ex tota habitus latitudine opus perficit, ille celeriter atque intensissime currere dici debet, quia maiores illi vires non suppetunt, ut de pedite diximus; si tamen equus vel naus offeratur, non modò celeriter, sed celerrimè volare dicetur. Bene dixit, qui dixit: *Satis suauiter equitat, quem gratia Dei portat.* sed satis non dixit: is enim non tantum suauiter, sed & faciliter ac celeriter ambulat, non suis, sed alienis & pedibus & viribus. Accedente ergo gratia Dei prauia, actualique auxilio, cum habituali, non tantum augetur gratia quantum potuit habitus vires suppeditare, sed longè ampliùs, ob intensiorem actus superueniente auxilio excitati.

40. Sed in cursu modus esto. Qui celerius incedit quàm vires ferant, illico fatigatur, ac demum præcedentes à tergo sequitur. Mensura cursus & feruoris est latitudo ac amplitudo habitus virtutum quas exercemus, aut accessus nouæ gratiæ visitantis. Qui ampliùs nititur, vires comminuit ac fatigat, citoque deficit. Quare requiritur in primis prudentia, bonusque director, à quibus tiro pendeat: sæpe namque æmulatio & nonnulla superbia nos impellunt, ut sapiamus plusquam oporteat sapere, & agamus ultra vires; hinc valetudo corporis læditur, caput offenditur, labascunt vires, denique animi desperatio & hastam & clypeum abijcere, omnia bona exercitia relinquere, ad laxiorem viuendi rationem redire compellit. Quare *Ne sutor ultra crepidam.* Deum oret ut gratiam actuale addat: operetur cum humilitate, & sensim crescat, imperfectum suum cognoscens, *ne in superbiam elatus in laqueum incidat diaboli, & desideria nocturna, quæ mergunt hominem in interitum.* Sat citò, si sat bene.

41. Fructus huius feruoris in clibano vitreo, in quo vi ignis eliquatur aqua, optimè cognoscitur: cum enim vel pulli, vel herbarum, vel vini substantiam igne supposito elicere niteris, si ignis exiguus fuerit, parum admodum facies; si plus æquo adhibeas, rem ipsam consumis; si æquum ac sufficientem, efficis quod optas; è collo turbinis seu clibani in excipulum guttatim aut etiam vbertim defluit pretiosus liquor, prout ignis inuenerit distillationis materiam. Et nos distillandi artem spiritua-lem discamus oportet, si pretiosum illum liquorem in animos nostros eliquari velimus. Materia sunt vel præcepta virtutum, vel consilia: ignis est Caritatis feruor; qui si exilis sit, parum eliquatur; si æquo intensior, operantem conficit; si æquus ac sufficiens, optimum liquorem in animos nostros distillat, quod meritum operis esse diximus, & augmentum gratiæ ac virtutis.

Id etiam videre est in ipso ardore ac diligentia qua apes mellis fauos conficiunt: perpetuò operantur; nunc sugunt è floribus, nunc in alucaria

alucaria reportant, nunc denique mel ceramque concinnè recondunt, ita copiose, vt fructus facile diligentia ac feruori respondeat. Huius mellis copia cum in moru suauitate, tum in sermone sese manifestat, vt mel potius ex ore hominis, quam verba, fluere videatur. hinc de sponsa Sponsus prædicat: *Fauus distillans labia tua, sponsa; mel & lac sub lingua tua.* Cant. 4.

Denique ignis præpotens aliter populatur quam paruus: omnia namque in seipsum conuertit, omnia inuadit & occupat. Sic & Caritatis ardor incendit animum, eiusque omnes facultates: serpit in corpus; manus, pedes, os, linguam inuadit & occupat; plusque exiguo spatio sibi vendicat, quam languidus animus multis annorum lustris.

42. Feruorem ampliore sequitur industria quinta, quæ in libertate consistit: vt enim defectus libertatis omnem tollit rationem meriti; ita diminutio magna ex parte augmentum gratia ac virtutum minuit. Martyr non est, qui à tyranno raptatus occiditur, si mori nolit pro Christo; nec ille Christianus est, qui inuitus ac coactus baptizatur, aut dormiens, si antè noluerit; sicut nec homicida, si manus repugnantis ad homicidium impellitur. Minus etiam peccat, qui consilijs grauique tentatione pulsatur, & ad peccatum inducitur. Sic & qui à Deo præuenitur, omnino nihil meretur, si non aduertat, aut non acquiescat. Si aduertat, & gratiam excipiat, sed affluenti consolatione impulsuque sequatur, meretur quidem; sed tamen ille amplius, qui sese ad agendum sine tali impulsu promouet, ceteris tamen paribus. Dixi de externo impulsu tam ad opus virtutis quam peccati: si enim ab interno habitu, piaque agendi consuetudine, propensio ac facilitas illa oriatur, voluntaria est; ingenerauit enim quisque ac peperit in se habitum hunc ac facilitatem. sicut illum, qui assuetudine peccandi rapitur ad turpitudinem perpetranda, vis illa ac necessitas non excusat; quia ipsam voluit tota libertate, atque actibus plurimis & maximè voluntarijs propensionem illam acquisiuit. Idem dicendum est de votorum obligatione; ea enim libera est, & quisque sibi eam necessitatem spontaneè iniecit. Quare consilia, operaque supererogationis, summum habent momentum in hoc genere, quia summa libertate fulciuntur.

43. Industria sexta est, quæ ardua ac difficilia quæque aggreditur, ac conatu superare nititur. In illo namque ascensu vt laudis, ita meriti plurimum inuenitur.

Oriri verò difficultas potest ex quatuor sequentium capitum aliquo, vel pluribus: nempe vel ex natura operis; vel ex eius, qui operatur, imbecillitate; vel ex praua consuetudine; vel denique ex tentatione quæ à voluntate operantis non pendeat. Primum enim quædam ardua sunt ex natura sua ac difficilia opera, quæque nostræ naturæ imbecilliori repugnant; quale esset, pane & aqua vitam sustentare, parentes

Similitudo 3.

*Industria 5.
Animi libertas
auget meritum.*

*Opera quæ ex
Soto latè habi-
bitu sunt, ceteris
magis meritoria sunt.*

Industria 6.

*Operum difficultas quæ ori-
tur ex quatuor
capitibus.*

I.

Ex operis natura.

deferere, abdicare à se bona omnia, Christum nudum sequi, vitam cælibem domita carne sectari. De his dici potest: *Difficilia quæ pulchra.* hæc enim omnia spiritualemente suppellectilem augent incredibiliter.

2. Imbecillitas iuuat, si voluntaria non fuerit; plus enim meretur, qui cum aliqua debilitate ieiunat, quàm robustus; & qui duos obolos, cum plures non habeat, dat indigenti, quàm opulentus qui viginti. Qui tamen sua culpa, vt ebrietate, aut bonorum decoctione, imbecillis esset vel ad ieiunandum, vel ad largiendum, is parum ex hoc capite promoueret lucris spiritualis commodum, quia sese sponte in eam necessitatem induxit.

3. Vt consuetudinis repugnantia non obsit, (nam difficultas illa ex inordinatione orta est) debet praua consuetudo, & inordinatio, factaque omnia è quibus ex ortum habuerunt, improbari; & qui malè affectus ac propensus est, facti poenitere.

4. Idem de tentatione dicendum est: sunt namque nonnulli, qui tentationi nimium indulgent, eique diutius aurem præbent, vel occasionem. Illa sanè obest plurimum. quæ si constanter propellatur, nullaque occasio præbeatur; fortis constantisque est animi, ea excussa opus aggredi, inuito dæmone, carne, & omnibus aduersarijs. In quo solari se debent, qui; sæculi fugatis periculis, ad sanctam solitudinem confugerunt, occasionem omnem luctæ præscindentes. quos si deinde hostis aggrediatur, vtilius conflictabuntur, quàm si in sæculo remansissent, in quo luctam ipsam probare velleque censerentur, vt mundi sectatores velle censentur tentationum occasiones: imò vel quærent ipsi, vel, cum possint, non remouent. Tanti fit hæc agendi pugnandi que ratio, vt talibus magna Deus promittat. *Qui vicerit, ait, sic vestietur vestimentis albis, & non delebo nomen eius de libro vitæ, & conscribetur nomen eius coram Patre meo, & coram Angelis eius.*

Industria 7. 44. Septima industria suadet, vt, qui potest multum, abundanter tribuat, ac se liberalem profusumque Deo exhibeat. Ita filium monuit Tobias: *Si multum tibi fuerit, abundanter tribui; si exiguum tibi fuerit, etiam exiguum libenter impertiri stude.* Præmium enim bonum tibi thesaurizas in die necessitatis. Huc accedit D. Pauli exhortatio: *Qui parce seminat, parce & metet; & qui seminat in benedictionibus, de benedictionibus & metet.* Quantitas verò hæc interdum ex inopia & necessitate accipientis confideratur: quæ largitio magna putanda est, si tota, eaque vrgens vel extrema leuetur inopia, vel etiam superetur: magna est, si summa ex se notabilis fuerit: magna item, si is qui tribuit, etsi parum tribuat, aliquid commodis suis & necessitati detrahatur, vt alterius necessitatem subleuet; & plura tribueret, si suppetere: qualis fuit vidua Evangelica, quæ in duobus minutis totam substantiam largita est; plura datura, si habuisset. Ille

Ille profusissimè tribuit, qui nihil sibi reſeruat. Si *generatur Domino, qui Prou. 19.*
miseretur pauperis; quanta negotiatio est, omnia sua Domino tanto con-
 credere! Nec attendit quantitatem, sed profusam voluntatem; *Si enim,*
 ait Apostolus, *voluntas prompta est; secundum id, quod habet, accepta est, non 2. Cor. 8.*
secundum id quod non habet. Dat etenim quod habet, & nihil retinet, ne
 quidem habendi voluntatem aut potestatem: qui est supremus liberali-
 tatis gradus. Quare non immeritò supremū etiam præmium reportat,
 auctore Domino, qui ait: *Si vis perfectus esse, vade, vende qua habes, & Matth. 19.*
da pauperibus, & habebis thesaurum in celo. Sed prius in animo hunc the-
 saurum recipiet, iuxta Regium Prophetam: *Dispersit, dedit pauperibus, Psal. 111.*
iustitia eius manet in seculum seculi.

45. Nec est quòd quispiam obtendat quantitatem operis externam *Obiectio.*
 esse; metiendum valorem, & petendum ab animo, cum externus actui
 interno nihil addat dignitatis, & à forma ac fine nobilitas operis pen-
 deat: quia qui dat aureos centum, agit etiam interne, non minùs quàm *Responsio.*
 is qui dat quinquaginta tantum. quare prior largitio, si par sit in inten-
 sione ac feruore, pluris æstimari debet, estque posteriore nobilior;
 primum quia difficilior est dare centum aureos quàm quinquaginta,
 ideoque contra repugnantiam exurgentem conatu ac labore maiori
 opus est, quod & actum facit meliorem. Sed sint paria omnia: qui cen-
 tum ex Caritate largitur, finem non minùs nobilem intendit quàm qui
 quinquaginta ex eadem; sed plus tribuit, estque res illa præstantior
 quàm altera; bonitas namque finis tota sese cōmunicat toti huic sum-
 mæ ampliori. Nec sic considerata res est tantum indifferens, qualis
 est thesaurus; sed euehitur ad dignitatem quandam supernaturalem,
 qua informatur; effectumque habet nobiliorem ac maiorem, sicut &
 opus ipsum maius fuit & dignius. Pone te offerre agnum Domino in
 sacrificium, & ego offeram agnum immaculatum noui Testamenti:
 ceteris paribus, sacrificium meum nobilius est tuo, etiam si in sola ma-
 teria constituatur discrepantia; quia melior est Christus agno. & cen-
 tum millibus ducatorum plus vtilitatis adfertur reipublicæ, & ad Dei
 honorem, quàm quinquaginta; vnde præmium maius ac melius re-
 spondere debet. maioremque pœnam meretur, ob maius peccatum,
 qui centum millia, quàm qui quinquaginta ducatos furto abstulerit.

46. Huic proxima industria est, vt Deo obsequamur ex optimo ope- *Industria 8.*
 rationum genere. Sunt enim opera alia alijs meliora, non tantum ra- *Optimum ope-*
 tionis materiæ subiectæ, sed etiam finis. Nobilius sacrificium altaris, *rationis genus.*
 quàm donum aliquod templo oblatum: melius docere ignorantes,
 quàm mortuos sepelire: dignius deuotè contemplari, quàm à cibis ab-
 tinere. Si materiam spectes, sunt & formæ aliæ alijs digniores: speci-
 namque dignior forma quàm fidei, & fortitudinis laudabilior quàm
 sobrie.

sobrietatis; denique Caritas ceteris virtutibus antecellit, quia nobilissima virtutum est; eiusque finis propius, & excellentissimo modo in hac vita possibili, & ob excellentissimam rationem Deum attingit infinitè bonum & perfectum, arctiusque hominem Deo coniungit, quam ceteræ virtutes: ideo maior nobis utilitas ac fructus ex ea accedit. Ille ergo operæpretium facit, qui omnes suas hac tam nobili forma inuestit ac informat actiones; nec modò humanas, sed etiam supernaturales, ut sunt oratio, humilitas, fidei ac spei, continentia, iustitia, ac temperantia functiones atque officia.

*Finis externus
bonus novam
bonitatē actui
tribuit.*

Simile.

*Finis variis
honesti in unica
actione.*

2. Mach. 7.

Actus namque moralis ex obiecto bonus, vel etiam supernaturalis, si simul referatur ad finem extraneum, qui distinctam habeat honestatem, novam bonitatis rationem recipiet, etiam retenta priore: ut qui ex misericordia vestiatur pauperem, primùm quidem ad subleuandam inopiam, tollendamque miseriam, quod ex se bonum honestumque est, si id ipsum Christi amore faciat, tamquam ipsi Christo, adiicit operi novam bonitatē finis, qui forma actus illius est, & per se sufficiens ut bonitatem ei conferat: à nullo namque impeditur, quo minùs eam impertiat. Quid enim? qui furatur ut adulterium committat, magis adulter est quàm fur: non minùs verò est efficax intentio finis honesti circa bonam electionem, quàm mali circa malam. Qui igitur eleemosynam dat ut Deo placeat, magis Dei amans dicendus erit quàm misericors.

Nec finis iste nobilior alium actum proprium excludit: quia honestas honestati non repugnat. Qui enim vestit nudum, verè subleuat nuditatem: nihilominus non impedit quo minùs id ipsum in Deum referat. Ut, quæ mater alit filium, honestè facit: si ut ipse parentis senectutem fulciat, rursus honestè agit: sed hoc ipsum desiderat, ut, occupatus officijs pietatis erga parentem, otium fugiat; ne deinde cum soluta iuuentute corrumpatur: ulterius optat, ut hac opportunitate virtutem ac studia capeat; ad quid? ut rempublicam iuuet: pergit in optatis, ut labentem religionem virtute operaque fulciat, & maxime quidem, si ita Deo visum fuerit, in statu PERFECTIONIS; denique sese Deo per omnia cōsecrat ac voueat; & si fieri potest, ut filium, tamquam altera Machabæa, hostiam per martyrium factam aliquando videat. Omnes isti fines non impediunt sese: fitque actus talis nobilissimus, omnesque omnium actuum, qui in hoc vnico concluduntur, bonitates ac dignitates includit ac complectitur. Quando Christus pavit quinque hominum millia, intendebatne solum illorum famem depellere, & sanos conservare? Nequaquam: omnes pavit corporaliter, sed pascere intendebat spiritali cibo fidei, eorumque animas Patris sui obsequijs adiungere; item ut Patris voluntati sese conformaret; deni-

denique vt gloriam eius promoueret. Ideo nobiles erant omnes Christi actiones; quem & nos imitari conuenit, si vtiliter mercari, si diuitijs crescere, si perfici cupiamus.

CAPVT XXXVIII.

Quanta merces singulis operibus reddatur, & quot gradibus gratia ac virtutes augeantur.

47. **V**NVM superest, quod supra modum sitim & auaritiam nostram spiritualem potest acueri: nimirum, *Quanta ex singulis actibus gratia fiat accessio, quot gradibus virtutum habitus augeantur.* Quæstio difficilis, vtilis tamen, & digna curiositate sancta, & æmulatione religiosa.

Ad hoc lucrum faciunt plurimum duæ illæ industriæ, quas in operum virtutumque præstantia, in ardore ac intensione constituimus: non enim omnium virtutum fructus est æqualis, alioquin earum nulla esset alia dignior.

In lucro tria quoque consideranda sunt: gratiæ augmentum, accretio habitus aut virtutis, denique gloriæ reposita merces. Pari passu gratiæ & gloriæ præmium sese comitantur; non tamen æqualitas est in habituum accretione. Id quoque in actionis intensione ac feruore extra controuersiam est, remissa intensiorem esse meliorem, effectumque producere auctiorem; quantumlibet tamen actum remissum, aliquid efficere: vnde qui dat eleemosynam ex pia intentione, sine magno feruore, (quis enim, huiusmodi opera externa dum peraguntur, semper intendit ac dilatat interius animum, vt cum magno feruore fiant? vt quando Martha seruiebat Christo, aut vidua illa dabat sua minuta duo, fortè neutra de feruore cogitabat, sed bono affectu faciebant) qui, inquam, sancto proficiendi desiderio Deo aliquid largitur, etsi non feruat quantum potest, augmentum gratiæ ac gloriæ acquirit.

Crescit etiam virtutis illius habitus, etiamsi nonnulli aliter sentiant. Quid enim id impediatur? Verbi gratia, obsequium Marthæ cum magna licet solitudine & distractione factum, pio Christi placendi studio, habet omnia quæ requiruntur ad opus meritorium, tum ex parte operantis, tum ex parte operis, tum ex parte illius cui obsequebatur. Diligebat namque Christus Mariam, Martham, & Lazarum. Constat ergo inter ipsam & Christum amicitia vinculum, quæ prima est meriti condicio. Opus Christo gratum erat, auctore D. Augustino. nam dicens Mariam elegisse optimam partem, innuebat eius quoque esse bonam: Oo

Ad augmentum gratia plurimum valent operum præstantia, ac feruor seu intensio.

Omnis actus iustus, et si remissus, augeat gratiam ac habitum virtutis. Probat 1. a Luc. 10. b Luc. 21.

Abulenſis & Conradus. c Ioan. 11. d Meriti conditiones.

1. Dei amicitia.

2. Opus bonum & supernaturale. c Serm. 27. de Verbis Domini. coope- post medium.

Matth. 19.

3.

Opus liberum.

4.

*Promissio Dei.**Matth. 10.**Probatum 2.*

*Qua ratione
habitus au-
geantur.
Duplīter gra-
dibus operis
gradus gratia
respondent.*

a 1.

b 2.

*In Virtutibus à
Caritate dis-
tinctis non re-
spondent omnes
gradus gratia
gradibus actus
quo illam me-
remur.
Simile.*

cooperabatur enim operi redemptionis; & recipiens Prophetam in nomine Prophetæ, mercedem Prophetæ accipere merebatur. Opus quoque liberum erat. Non cogebatur Martha seruire; hospita erat, & gaudenter Christum excipiebat. Illud quidem fateor: lubenter vidisset sororem suam iuniorem simul manus operi admoovere. Denique ita pacisci Deus nobiscum voluit, ac promittere, eum qui potum aquæ frigida dederit vni ex suis minimis, non perditurum mercedem. Quis ergo dicet Martham ita distractam varijs curis, vt solent hospita in hospitum variorum aduentu? vel cogitasse de illa animi contentione conatuque interno, vt is habitum Caritatis excederet, alioquin nihil promeritam in Christo excipiendo? Quis eam docuisset hanc doctrinam, cum nec ipsi Apostoli adhuc rudiores subtilitates has intelligerent?

Philosophi de hac doctrina sentiant quod velint: actibus naturales habitus generari ac crescere nullus diffitetur; at habitus supernaturales non sic generantur, vt causa sola efficiens sit actus, sed infunduntur diuinitus, & meritis accrescunt, etsi morali quodam modo actus nostri Dei gratia & auxilio adiuti requirantur. Si ergo actus aliquis remissus eliciatur, qui meriti condiciones habeat; sine temeritate negari non potest esse meritorium, & si nonnihil excreseat, plusculum amplius meritorium, quia melior est priore, & sic deinceps. Secundum ergo omnes suos gradus erit meritorium, quia omnes illi gradus sunt eiusdem naturæ & condicionis, & vnum bonum opus efficiunt.

Hoc tamen non æqualiter fit in omnibus virtutibus. Duobus namque modis fit, vt singulis gradibus operis, singuli gratiæ gradus respondeant. a Priori, vt æqualitas graduum seruetur, totque gradus gratiæ reddantur ac infundantur à Deo, quot actus ipse continebat. b Altero, vt vni gradui operis boni respondeat portio aliqua gratiæ, non tamen æqualis; nec tantundem recipiat gratiæ ac gloriæ, quantus actus fuerit: vt, si actus sex gradus habeat feruoris, duo gratiæ reddantur; si duodecim, quatuor recipiat; si viginti-quatuor, proportionem simili octo mereatur; atque ita de singulis dicendum est.

48. In actibus namque virtutum, (Caritatem excipio, de qua postea dicturus sum) vbi Deus super omnia non diligitur, non redditur æqualitas; sed proportio illa, quam secundo loco posuimus, Doctorum probabili sententia seruatur. alioquin omnes virtutes essent æqualis meriti, quod non caret errore: videmus enim in humanis, nos quibusdam facinoribus Principes magis demereri, quam alijs obsequijs. Gratus est Regi hostium expugnatio, ac fortis exercitus deletio, quam coqui cuiusdam ministerium, ac mensæ opiparæ præparatio. Sic & Deus pluris æstimat actum heroicum ipsius causa exantlatum, quam abstinentiam dici vnius à carnibus.

49. Hoc

49. Hoc verum est quoad gratiæ accessionem, sed quid de virtutum habituumque incremento? Non priuamur sanè omni spe, præmioque cupito: nam actus quilibet virtutis auget virtutis suæ habitum secundum totam actus PERFECTIÖNEM, ac intensiōis suæ latitudinem; magnam etenim habet actus ipse proportionem cum hoc augmento: si enim esset productiuius habitus, produceret habitum sibi æqualem in subiecto idoneo. Meretur igitur habitum sibi æqualem infundi, & eundem per actus augeri.

Crescunt tamē virtutum habitus iuxta actuum latitudinem.

50. At quid dicemus de Caritate, virtutum sole ac Regina, magni Regis sponsa, quæ in eius thalamo commoratur? Illi hoc peculiare est, vt, dum diligit, dum super omnia Deum quærit ac complectitur, tantum reportet siue habitus, siue gratiæ augmenti, quantum eius actus intensus fuerit: primas enim inter meritorios actus obtinet, summamque cum illo præmio proportionem habet, magnaque ex parte præmium in hac Dilectione (vt antè testimonijs Scripturæ declarauimus) consistit. Nec, quæ dicimus, fundamento carent: in iustificatione namque tantum quilibet gratiæ recipit, quanta Dilectio, quæ præcessit, fuerit; non enim minùs à Deo diligimur, quàm ipsum diligamus. vnde Christus loquens Simoni de Maria Magdalena, *Remittuntur, inquit, ei peccata multa, quoniam dilexit multum.* & Concilium Tridentinum, *Iusti, Sess. 6. cap. 7.* ait, *nominamur & sumus, iustitiam in nobis recipientes, unusquisque suam, secundum mensuram quam Spiritus sanctus partitur singulis prout vult, & secundum propriam cuiusque dispositionem.* Multo ergo magis iustus tantum gratiæ reportabit, quantus erit actus, quo aliquid merebitur. Si hostis per præcedentem iustitiam tantum consequitur, quid de filio credendum est? Similiter argumentatur Apostolus: *Si enim (ait) eam inimici esse-* Rom. 5.
mus, reconciliati sumus Deo per mortem Filij eius; multo magis reconciliati salui erimus in vita ipsius. quasi dicat: Si ante reconciliationem, dum inimici essemus, gratia nobis reconciliationis tanta tributa est, quantam Deo placuit nobis suis meritis elargiri pro ratione nostræ dispositionis; quanto magis vita eius viuentes salutis opera faciemus, quibus gratiam ac vitam consequamur æternam! Cur non liceat inferre de quantitate adepta per opus huius iusti, quod de munere ac mensura gratiæ à Concilio statuitur? Et sanè Deus pronior est ad benefaciendum, quàm sit ad puniendum: non punit vltra condignum; iuxta enim mensuram Deut. 25.
delicti mandatur & plagarum modus. Reddet igitur & meritis nostris, & maxime filiorum, quod non negauit hostibus; & mensuram quidem Luc. 6.
(vt promissit) *bonam, & confortam, & coagitatam, & superfluentem.*

51. Itaque illud efficitur, quod in omni opere Caritatis, aut Amoris Computatio magna mercedis operantium ex tota latitudine habitus,

habitus. Quòd si ex plenitudine habitus quispiam ope- *Schema duplica-*
retur, tantum excrescet, quantus actus fuerit: vt, si actio- *ta unitatis trige-*
nis feruor decem gradus continebat, addentur alij de- *sies & bis.*
cem, & habitus intenderetur vt viginti: si rursus idem eli- 1
ciat actum ex tota latitudine virtutis, accessio fiet aliorū 2
viginti, sicque habitus quadraginta continebit; deinde 4
octoginta, & sic deinceps duplicando. hinc verè dicitur, 8
B. Virginem tantum omnino meruisse vltimo vitæ actu, 16
quantum tota antea acta vita: nam vltimus actus, quem 32
ex summo conatu ac PERFECTIÖNE elicuit, om- 64
nes gradus acquisitos duplicauit, ac prioribus adiecit. 128
Quapropter dici non potest, quantum accumulet stu- 256
diosus virtutis diuitiarum spiritualium, qui non minùs 512
auarè eas concupiscit, quàm pecuniæ perituræ sitibun- 1024
dus helluo: si enim vel trigesies progressus fueris in hu- 2048
iusmodi additione, quam putas summam collegeris, vel 4096
vnus diei spatio? Dici potest, vix credi potest. Anno 8192
1608. Vicepræsidi Castri Bulloniensis, mihi familiari, 16384
quidam equum mediocrem vendidit, quem licitanti 32768
obtulit pretio vnus grani frumenti toties duplicati, 65536
quot in equi pedibus clauis erant. In singulis reperti octo, 131072
in vniuersum triginta-duo. Primo clauo attributum est 262144
granum vnum, secundo duo, tertio quatuor, quarto 524288
octo, quinto sexdecim, & sic deinceps. Numeris paulo 1048576
maioribus impleta est infima quædam mensura granis 2097152
numeratis, quæ pluribus vicibus repletet duodecimam 4194304
partem modij magni, quem vix homines sex robusti fer- 8388608
re possint. Numerus trigessimus-secundus & vltimus erat, 16777216
duo millia, centum quadraginta-septem milliones, quadringen- 33554432
ta octoginta-tria millia, sexcenta quadraginta octo grana: quæ 67108864
in mensura Duacensi conficiunt quadringenta triginta- 134217728
tria millia; ducentas octoginta-quinque cuppas, quas vocant: 268435456
quarum quatuor conficiunt vnâ raseriam, quæ homi- 536870912
nem sufficienter onerat. Raseriæ verò ex his constan- 1073741824
tur mille ducentæ triginta-nouem; quæ totidem ducatis fa- 2147483648
cile æstimantur. Carè equum vèdidit: nesciebat emptor 4294967296
alterius industriam; deceptus est. & verè nescimus pretium rei quam
Deo vendimus: nihilominus Deus gaudet decipi à nobis. Quod pro-
misit, quod pactus est, lubenter persoluet, nec vel vnum granum sub-
trahet.

52: Si mercatoribus tales opportunitates sæpe obtingerent; putâsne
vel.

vel vnam prætermitterent? nequaquã. Ad Indos tot maris tempestatibus ac procellis infani periculis obnoxij peruadunt, spe mercium rariorum comparandarum, quas simili periculo reuehant; & sæpe frustrati nauim vitamque naufragio amittunt. Quid facerent, si Romam vsque tantum esset eundum? si Parisios? si Bruxellas? At in hac negotiatione fatis est, si templum accefferis, vbi Sacramenta recipias; ad ianuam tuam, vel viciniam, vbi pauperes pascas & vestias; ad oratorium tuum, vbi feruentissimè tete excites: imò nec pectus tuum egredi necesse est.

Si hæc non possis, quis se non posse amare queri poterit? *a* S. Maria Ogniacensis fletebat millies & centies vno die naturali genua. *b* Dominicus Loricatus duodecim Psalteria continenter recitabat, cædens sese interea verberare. Id de Ioanne Taxedo Hispano, Ordinis D. Francisci, (qui anno 1550. obiit Vallisoleti) reuelationibus, raptibus, rebusque præclare gestis, & (quod caput est) virtutibus inclyto, narratur: certo tempore illi solemne fuisse, centies noctu & centies interdiu genua flectere, & recitata oratione Dominica ac salutatione Angelica meditationem de aliquo Christi Domini mysterio instituere.

Si verò nos duplicemus quotidie quinquagies, annis sexaginta actus intensissimos Caritatis eliciendo, vt Beatam Virginem fortè & pluries annisque pluribus fecisse putandum est; quem numerum putas conficiemus? Pater Christophorus Clavius demonstratiuè ostendit, numerum quem ponit quinquaginta-duarum cifrarum tantum, longè maiorem esse numero arenularum totum mundum vsque ad concuum firmamenti replentium, etiam si arenula tam exigua essent, vt decem millia efficerent dumtaxat sphaerulâ grano papaueris æqualem. Crescunt enim numeri facilè additionibus, & vna cifra multos milliones potest efficere. Anima nostra infinitorum graduum gratiæ & PERFECTI O N I S capax est, sine mensura augeri potest. Dolebimus certè, cum ad vitam alteram intrandum erit, nostramque inculabimus fœcordiam, quod occasiones augendi peculij nostri neglexerimus. Miramur tot gradibus nos ab infinita Dei PERFECTI O N E abesse; tot beatos nos præcedere, subsequi perpaucos. Verè filij huius seculi prudentiores filijs lucis in generatione sua sunt. quot artificijs, quot industrijs vtuntur ad augendas opes, ad rem suam promouendam!

In silua non ignota mercator quidam pro summa non admodum notabili emit quercus ea lege, vt tot sibi prosterneret, suasque faceret quot vno die ab aurora ad vespem vsque posset signare siluestri maleo. Contractus initus est. Obseruauit in primis emptor præstantissimas quasque cum otio; locaque designauit, quibus adeundis commodos ordinem seruaret; expectauit dies longissimos; & ab aurora ad vespem vsque, acitis aliquot socijs, quorum nonnullus panem vini

1. Cor. 9.

quæ lagenam conferebat, pæne totam siluam, quæ longitudine duo milliaria superat, latitudine non omnino æquali, quercubus spoliavit, incredibili domini damno. Has industrias filij lucis prætermittimus: quis enim adeò manè surgit, vt ad vespèram vsque salutis suæ negotia promoueat, vt insigni commentatione defectus suos obseruet, altas quercus superbix, amoris proprij, iudicij tenacioris, perucacis voluntatis, auaritiæ, iræ decutiat, imò & prosterнат? *Omnis qui in agere contendit*, (vt & mercatores isti) *ab omnibus se abstinet*; & illi vt corruptibile lucrum recipiant, nos autem incorruptum: & dormimus, & incurij languemus? Possumus tamen nullius damno aut incommodo, nostro verò commodo maximo, Dei quæ summa voluntate, hoc pactum cum Deo initum, hunc contractum persequi ac complere. Quid ni facimus? Si à summo mane ad vespèram vsque prauam aliquam consuetudinem vel habitum pœnitentiæ malleo concuteremus, cauaremus certè lapidem illum, (quid ni? si gutta repetita cauare possit?) multas virtutes consequeremur. Lugebunt damnati ob pœnas quas sentient; lugebunt & socordiam, qua & pretium hoc incomparabile perdidierint, & gloriam societatemque beatorum amiserint.

2.

Eccl. 9.

Cogita si te Rex in ararium suum induceret, potestatemque faceret vno quadrante horæ educendi ex eo quidquid diuitiarum velles; qua sedulitate, quo ardore id perficeres! dormires? (quæso) ederes? numerares tuas tenues pecunias? contenderes verbis? excusares te? Hoc fac dum viuus, quia vita nostra vt momentum statera est: ararium Regium tibi apertum est. *Quodcumque facere potest manus tua, instanter operare: quia nec opus, nec ratio, nec sapientia, nec scientia erunt apud inferos, quò tu properas*. Nihil tibi perdetur, nisi quod neglexeris. Age dum potes, breui non poteris: quia vbi quarta illa horæ pars excesserit, claudetur tibi Regium ararium.

3.

4. Reg. 4.

Si mulier illa, quæ auctore Eliseo comparauit sibi vasa non pauca, putasset oleum tam fortunatè fluxurum, nonne longè plura vasa comparasset, quibus egregiè potuisset locupletari? haud dubiè. Id sanè nullus mercator prætermitteret, si Propheta quispiam hanc ei facultatem offerret. Defectus ergo non ab oleo, sed à vase prouenit. Tot vasa in nobis sunt, quot virtutes: sed ijs non vtimur, perinde ac si eas non haberemus. Sapientia oleum effundit, & petit, Da mihi aliud vas; & respondes, Non habeo; & bene: quia virtutibus aut cares omnino, aut abuteris; quas si haberes dilatatas ac patentes, non deesset oleum quod illas repletet. Et ne Deum accuses, quasi vas tibi non dederit: dedit utique; sed vel nescis te habere; vel, si scias, non vteris; imò eius loco vitio contrario repleris, quod vsum huius excellentis vasis excludit.

53. Sed ad institutum redeat oratio. Statuamus tantum nos in spiri-
tuale

tuale lucrum velle intendere, modumque quæramus. Difficile namque est, excellentissimo quoque modo operari, nisi industrias supra alias sequamur: imò admodum difficile homini est, ex tota habitus PERFECTIÖNE operari. Duobus tamen modis videtur fieri posse vt id consequamur. Primo, vt à iuuentute, dum mollior ac tenerior animus est, hanc mamillam fugere, atque intimis medullis Deum complecti; aut certè, si annos illos excessimus, longo vsu internis operibus, ijsque frequentibus & incensis, insistere assuescamus. Vis enim omnis ab homine interno prodire debet; nec prodibit, nisi impressa fuerit; nec imprimetur, nisi exercitio atque actibus assidue repetitis, vt latius libro secundo dicturi sumus. Altero, vt feruenti prece Deum in auxilium nostrum adfiscamus. Si enim nos visitauerit, auxiliumque adiunxerit, quod summa difficultate vix valemus, nullo negotio conficiemus. Ad quam visitationem seu gratiam actualement obtinendam plurimum valet orationis studium. Est enim oratio clauis cæli, ostium benedictionis, per quod lumen cæleste ac diuina solatia inferuntur: est scala, per quam cælum conscendimus, & è cælo auxilia accersimus ac reportamus; quæ si affluerint, haud difficile erit intensissimè ac feruentissimè agere, & incredibiliter beneficia parta nouis accessionibus cumulare. Si enim gratia illa excitans eiusdem amplitudinis fuerit cum habitu, ea adiuta facultas laborem non sentiet: si verò excedat virtutis insitæ quantitatem ac intensionem, & ex illius plenitudine ac PERFECTIÖNE opus intendas, crescet habitus non ad mensuram qua constabat, gradus duplicando; sed actus cum gratia adiuuante elicitus tot ei gradus conferet, quot actus ipse continebit: vt, si habitus gradus centum nec plures habeat, superueniente auxilio mille gradus intenso, quo actus consentiens ac conformis eliciatur, habitus ad mille gradus extendetur. Quare magni momenti est, consolationibus illis cælestibus imbui & abundare; nullaque occasio pratermittenda est eas consequendi, vitandaque omnia obstacula, & maximè peccatorum quantumcumque exilium, propter quæ meritò hisce auxilijs priuari mereremur. Minimus puluisculus oculum lædit, & conscientia mentisque suauitatem leuis culpa exterminat.

§4. Quapropter, vt finem faciam, (nam de hisce dicendi locus ad Præxim pertinet) dum tempus habemus, operemur bonum. Ecce nunc tempus acceptabile, ecce nunc dies salutis. Sapiens quoque nos monet: Non defrauderis à die bono; & particula boni doni non te praterreat. Præuideamus diem illum, quo nos oportebit coram iudice rationem actionum gratiaque acceptæ reddere: cogitemus quid respondere debeamus; quod sapientis omnino est. nam qui custodit præceptum, non experietur quidquam mali. Tempus & responsionem cor sapientis intelligit. Vrget Apostolus Paulus vt

Modus operandi ex tota latitudine habitus duplex.

1.

2.

Orationis lumen.

Peccati Ventilis detrimenta.

Gal. 6.
2. Cor. 6.
Eccl. 14.

Eccl. 3.

simus

Rom. 12.

Ephes. 5.

Tomo 2. in ad-
hert. 2. de Vir-
tute ad nouitium
Manachum.Rom. 19. in
Euangelia.

Eccl. 9.

simus solitudine non pigri, spiritu feruentes, Domino seruientes: cautè ambulemus, non quasi insipientes, sed vt sapientes, redimentes tempus, quoniam dies mali sunt. Quod sapientissimè S. Ephràm iuxta ac copiosissimè inclucat. Piscis, ait, in aquis constitutus si captus perruperit rete, seq. in fundum impulerit, saluatur: at cum extractus in terram fuerit, sibi amplius opem ferre non potest. Sic & nos, donec in hoc saculo versamur, potestatem à Deo habemus disrumpendi à nobis vincula earum rerum quas cupit inimicus, abijcendiq. graue onus peccatorum per penitentiam, & saluandi nos in regnum calorum: at si tremendum illud praecupauerit edictum, & anima è corpore egressa fuerit, corpusq. in sepulcrum illatum, non amplius nos ipsos iuuare poterimus; quemadmodum neque piscis ab aquis extractus, & in vasculo conclusus, sibi amplius opem ferre potest. Demus ergo operam, carissimi, vt laqueos inimici bonis enitemus operibus, antequam veniat & illucescat dies illa magna, in qua reuelabuntur quaecumque in occulto & tenebris egimus. Ne igitur expectemus donec mors aduenerit, vt non confundamur in resurrectione mortuorum, quando amicti conspicientur sancti stolis candidis, quas sibi per bona parauerunt opera. Si nos ipsos tunc conspexerimus non solum resplendente nudatos gloria, verum etiam denigratos ac fæctore plenos, qualis putas nos occupabit confusio! Despicendum nobis praua concupiscentiae opus, & pro re nihili ducendum: vincamus exiguum illud pietatis amore, & ne in minimo cernamur reprobi. Magnum naufragium peccati opus, & quisquam erit qui tantam iacturam pro nihilo putet? Enitamur igitur ne tali tantog. periculo succumbamus. Hæc B. Ephràm; Diuus verò Gregorius in eandē sententiam sic ait: Quia momentis suis hora fugiunt, agite, fratres carissimi, vt in boni operis messe detineantur. Audite quid sapiens Salomon dicat: Quodcumque potest manus tua facere, instanter operare, &c. Quia ergo & venturae mortis tempus ignoramus, & post mortem operari non possumus, superest vt ante mortem tempora indulta rapiamus. Sic enim, sic mors ipsa, cum venerit, vincetur, si, priusquam veniat, semper timeatur.

Haftenus fundamenta iecimus PERFECTIONIS acquirendæ; eam opportunè ipsa, quam altero libro trademus, praxis docebit, Deo duce & auctore, qui haftenus manum nostram tenuit ac direxit: cui meritò, vt omnia, sic & opusculum hoc nostrum adscribimus, rerum omnium principio ac fini, meritis Domini nostri IESU Christi, qui seruis suis opem suam inuocantibus non denegat; cui in vnitæ Spiritus sancti sit laus & gloria annis perennibus.

A M E N.

2.3.200

297

DE STUDIO
PERFECTIONIS
LIBER SECVNDVS
QVO
PRAXIS ET NEGOTIATIO
SPIRITVALIS
TRADITVR.

Negotiamini, dum venio. LVC. 19.

PERFECTIONIS

PRIMUM SECUNDUM

PRIMUM SECUNDUM

PRIMUM SECUNDUM

PRIMUM SECUNDUM

PRIMUM SECUNDUM

PRIMUM SECUNDUM

PRIMUM SECUNDUM

PRIMUM SECUNDUM

PRIMUM SECUNDUM

PRIMUM SECUNDUM

PRIMUM SECUNDUM

PRIMUM SECUNDUM

PRIMUM SECUNDUM

PRIMUM SECUNDUM

299

PRÆFATIO.

CARISSIMIS FRATRIBVS
PRAXIM AC NEGOTIATIONEM
SPIRITVALEM.

ARBITROR aliqua ex parte me votis
dubijsq; vestris, amantissimi fratres,
respondisse, ijs præsertim qua ad Theo-
riam spectant: valent verò plurimum
ad demittendos animos, suiq; Deiq; cognitionem,
& maxime gratia assertoris nostri Domini IESV
Christi, assequendam. Sed Praxim potissimum op-
tastis. Eam trado, qua possum perspicuitate: nam
abditæ illa animi, diuinæq; gratia, difficulter oculis
proponuntur. Parum profunt, qua priori libro dixi-
mus, nisi Praxis accedat. Præsentia Dei considera-
tionem plurimi reformidant; quod ardua res sit,
molesta, & perdifficilis. In hoc potissimum laboravi-
mus, ut exercitium hoc cum voluptate suscipia-
tur. Discussionis seu Examinis nomen, ut asperum
ac tetricum, rei proposita facilitate varijsq; figuris
reddimus sapidum atque optabile. Praxim vir-
tutum, Caritatis, Fidei, ac Spei, (qua bases vir-
tutum aliarum sunt) delibandi gratia porrigimus;
ut ceterarum exercendarum in vobis sitis ac desi-
derium accendatur. Negotiatio spiritualis ad Ca-
ritatem

Pp 2

ritatem

Luc. 19.

Greg. hom. 30.
in Euan.

Ioan. 6.

ritatem pertinet; Fidei ac Spei suus cuique tractatus tribuitur. Negotiamini, (ait Christus) dum venio. Sola scientia ne contenti sitis: illa namque lucrum reportat nullum; ut pecunia otiosa. Nec cibus mensa appositus nutrit, nisi ori admoneatur, & in stomachum transmittatur; nec arma muniant, nisi induantur; nec adificia sine operis consurgunt. Idem sanè in Negotiatione spirituali accidit. Si Caritas sit otiosa, lucrari desinit; animum nequaquam pascit; Vincimur temptationū impetu; adificium spirituale non modò non surgit, sed etiam corrumpitur quod exstructum est. Denique Amor Dei numquam est otiosus: magna operatur, si est; si autem operari renuit, Amor non est. Operamini cibum qui non perit. In Praxi fructus est, laus est, gloria, & exultatio. Ad experientiam pronoco. Dominum IESVM Christum ex animo diligite, illum pro me precamini. Valet.



DE STUDIO
PERFECTIONIS

LIBER SECVNDVS

QVO

PRAXIS ET NEGOTIATIO
SPIRITVALIS
TRADITVR.

CAPVT I.

*Deum ubique esse praesentem, intueri omnia,
omnia perficere ac operari.*



Dei praesentia Praxim nostram exordimur; *Laus concepta Dei praesentia.*
quod ea via quaedam compendiosa sit, & quasi
multorum adminiculorum, quibus ad PERFECTIONEM veniatur, complexio. *I.*
Initium est & quasi exemplar futurae beatitudinis: *2o.*
ita enim viuunt beati, ut Deum semper intueantur, semper ament; à bonis operibus, à laudibus numquam cessent; in actione semper versentur; Dei voluntatem cognoscant & exsequantur; ipsi quoque supremo Regi, quando lubet, loquantur; in eo exultent.

Pp 3

exultent, & gaudijs illius immerſi, omni dolore & triftitia vacent. Idem accidit ijs, qui Deum oculis animi obuerſantem ſtatuunt; ſingulari enim benevolentia ipſum complectuntur, ei colloquuntur, laudant, & quantum humanæ vires ferunt, à bono opere actûque interno non ceſſant; cum in rebus agendis conſulunt, cuiusque ſanctiſſimum beneplacitum ſequuntur; denique tanti amici præſentia ea animi ſua-uitate, pace, gaudioque perfruuntur, quæ ſenſum ſermonemque omnem vincit ac ſuperat.

2. Cetera adminicula parum proderunt, ſi à Dei conſpectu reſeſſerimus; cuius conſideratio mala omnia præſtigat, conſilia optima ſuggerit: diſſolutus enim animus, & minimè ſibi præſens, parum idoneus eſt ad res bene gerendas; facileque bona collecta diſſipat, dum ne ſe quidem intra rationis limites poteſt continere: etenim ſi adeò ſeipſum effundat, ut vix ad ſe reuerti, vix ſeſe colligere valeat; quomodo cæleſtia dona, cogitationes diuinitus immiſſas, ſanctaſque propoſita conferuabit?

*Difficultas
præſentia Dei
inducendi ac
conſeruandi.*

I.

Matth. 5.

2.

3. Horrent quamplurimi hoc exercitium, & vel numquam aggrediuntur, vel ſuſceptum relinquunt; quòd arduum nimis, & ſupra vires humanas eſſe videatur: timent nimirum ne libertatem vagandi, cogitandi, agendiſque quæ velint, retinere non valeant. quis enim, Deo præſente, animo verſare dolos, machinari mortem alteri, ſordes cogitatione ac volûtate voluere, quis opere complere exterius, quis ſcurrilia ac maledicta proferre audeat? quis denique pecudum more ingurgitare ſe, bacchari, peierare præſumat eo præſente, qui romphæam ancipitem tenet in manibus? qui clauem mortis habet & vitæ? qui poteſt occidere, & in gehennam præuaticatorem mittere? Cum hoc exercitio de præſentia Dei libertas carnis conſiſtere non poteſt: priùs manus mentemque purgent, atque internum oculum; ſicque idonei inueniuntur Chriſti iudicio: *Beati (ait) mundo corde, quoniam ipſi Deum videbunt.*

4. Alij, etſi bene viuere velint, tamen nolunt ſubire moleſtiam; rati vitam hanc fore miſeram, in qua nullum humanum ſolatium affulgeat; ſeſe triftitia abſorptum iri, ſi cum Deo aſſiduè conuerſentur; attentionem nimiam caput exhaurire; denique, quicumque velit hoc vitæ genus aggredi, cum reputari velut inter mortuos; oportere valedicat rebus omnibus, cælo, terræ, aëri, & igni; ſenſibus omnia oblectamenta ſubtrahat; oculos omnino claudat; oſtia circumſtantiaſque ſuo admo-ueat; linguam membraſque omnia ne moueat; & tamquam Principi magno aſſiſtat, decenter ſeſe componat. Hæc facile homines abducunt à cura ac ſtudio ſibi Deum repræſentandi; fateor: nemo ibit inficias, difficile id eſt; & niſi prudenter procedatur, exercitium hoc nonnumquam

numquam dæmonis illusionibus erit obnoxium. cui opportunè remedium adhibebit prudens aliquis director, ad quem recurrere necesse est in dubijs: ex cuius ore pendere, illum loco Dei tenere, sua omnia manifesta esse, adeò è re illius erit, qui hoc exercitio animum cupit expolire, vt illud vnicum præsidium (Christo auctore) firmissimum ac pænè vnicum ad cacodæmonis artes dissoluendas esse videatur. Nec admodum quemquam mouere debent difficultates allatæ: scribimus enim virtutis amantibus, PERFECTIONI studiosis, qui mori non reculant, & mortificari tota die, demum æstimari sicut oues occisionis; qui cum Paulo dicunt: *a* Mibi viuere Christus est, & mori lucrum: *b* Mibi absit gloriari nisi in cruce Domini nostri IESV Christi: *c* Christo confixus sum cruci: *d* Mibi mundus crucifixus est, & ego mundo: *e* Nemo mihi molestus sit, ego enim stigma Domini IESV in corpore meo portare gestio, & mortificationem IESV in corpore meo circumferre. Sic (inquam) difficultates allatæ, crepundia sunt puerorum, quibus aliquando homines sui amantes faciliè impli-

Psal. 43.

a Phil. 1.

b Gal. 6.

c Gal. 2.

d Gal. 6.

e Ibidem.

f 2. Cor. 4.

cantur. Sed nullo negotio ruent ac dissipabuntur nebulæ istæ, si cælitus sol iustitiæ radios aliquos transfundat, & considerationes è Scripturis ac Patribus desumptas opponamus; inter quas prima est: Quantumcumque mortales Deum seque ipsos negligant, (lumine rationis & fidei in rebus agendis curaque atque animaduersione præsentis Numinis prætermittis) nihilominus certum indubitatumq; est, re ipsa Deum in omnibus rebus esse; omniq; loco, quantumvis abditò; nec ulla potentia, virtute, aut industria excludi posse. nec opus est nostra cogitatione vt omni loco præsens sit, cum vbique existat, etiam si Angelicus humanusque intellectus vel non foret, vel idipsum non conciperet. Hinc sapientissimè Seneca, etsi auctor Ethnicus: Sic certè (ait) viuendum est, tamquam in conspectu viuamus; sic cogitandum, tamquam aliquis in pectus intimum inspicere possit: & potest; quid enim prodest ab homine aliquid esse secretum? nihil Deo clausum est; interest animis nostris, & cogitationibus medijs interuenit: sic interuenit, dico, non tamquam aliquando discedat. Hæc Seneca. Hanc veritatem si homines apprehenderent, sua se sponte inducerent ad obsequium deferendum Deo, omni loco degenti: non enim putandum est diuinum Numen in cælo totum ac perfectum videri, secundum essentiam ac præsentiam realem; nobiscum verò secundum potentiam dumtaxat: vt Reges, qui in regia personaliter ac realiter consistunt, auctoritate verò in toto regno esse censentur. Totus est Deus in vniuerso mundo, & totus in partibus singulis; & perfectè quidem, vt statim dicemus. Si enim id animæ corpus informanti tribuimus, vt tota sit in toto corpore, tota similiter in minimo digito, ac reliquis particulis corporis; quid mirum si id in Deo videremur, qui spiritus est, & spirituum

Considerationes
pro Dei præsen-
tia cōcipienda.I.
Deum esse ubi-
que præsentem.

Lib. 12. epist. 7.

24.

con-

2. Paral. 2.

Iob 11.

Amos 9.

Psalm. 138.

In Man. incip.
Quoniam in
medio laqueo-
rum, cap. 1.
tomo 9.

Consideratio 2.
Deum omnia
videre.

2. Paral. 16.
Iob 28.
Prov. 15.

Deum videre
internas cogi-
tationes.
Psalm. 93.

Isaia 29.

Lib. de Speculo,
cap. 3. tomo 9.

Psalm. 93.

conditor? Dicebat Salomon: *Quis poterit praevalere, ut aedificet ei dignam domum? Si calum & cali calorum capere eum nequeunt; quantus ego sum, ut possim aedificare ei domum? Excelsior celo est, (ait Iob) & quid facies? profundior inferno, & unde cognoscas? & ipse Dominus per Amos Prophetam: Si descenderint usque ad infernum, inde manus mea educet eos; & si ascenderint usque in calum, inde detraham eos. Denique Regius Propheta: Si ascendero in calum, tu illic es; si descendero in infernum, ades; si sumsero pennas meas diluculo, & habitavero in extremis maris, etenim illuc manus tua deducet me.*

Augustinus verò pie sic meditatur: *Vbiq; Deus es, & vbiq; totus; qui sentiri potes, videri non potes; qui nusquam dees, & tamen ab iniquorum cogitationibus longè es; qui nec ibi dees, ubi longè es: quia ubi non es per gratiam, ades per vindictam.*

6. Hæc consideratio momentum habet, sed maius altera; quæ non tantum Deum in rebus omnibus existentem, sed cuncta videntem, penitusque intuentem nobis proponit: parum enim foret vbiq; ipsum versari, si nos videre non posset. Hæc verò consideratio adeo nos percellere deberet, ut nihil agere, ne hiscere quidem auderemus sine ingenti timore ac tremore, proposito nobis diuino Numine, cuius adeo perspicaces sunt oculi, cuique rationem reddere oportebit omnium gestorum; quorum ipse æquissimus futurus est & testis & iudex. Quare hanc considerationem fortissimè inculcant nobis sacræ pagine. Oculi Domini contemplantur uniuersam terram. Ipse enim fines mundi intuetur, & omnia quæ sub celo sunt respicit. In omni loco oculi Domini contemplantur bonos & malos.

At dices Deum quidem intueri opera nostra, sed internas cogitationes eum latere. Non est ita: quid enim sanctus Rex ijs qui dicebant, *Non videbit Dominus, nec intelliget Deus Iacob*, responderet? *Intelligite insipientes in populo, & stulti aliquando sapite. Qui plantauit aurem, non audiet? aut qui sinit oculum, non considerat? Dominus scit cogitationes eorum, quoniam vane sunt.* & Isaïas: *Pe qui profundi estis corde, ut à Domino abscondatis consilium: quorum sunt in tenebris opera, & dicunt, Quis videt nos? & quis nouit nos?* quod D. Augustinus disertè confirmat. Tu es verè, inquit, Dominus solus; Deus inuisibilis, inestimabilis, incircumscriptus, illocalis, immensus, incomprehensibilis; vbiq; totus, vbiq; præsens; ineffabiliter omnia continens, omnia penetrans, omnia sciens, cuncta prospiciens, omnia potens, uniuersa gubernans; totus in celo, totus in terra, totus etiam vbiq;. Vnde profectò magna nobis incumbit necessitas illum præsentem contuendi, ne incuriæ nostræ ac inconsiderationi succenseat, qui omnia agimus perinde ac si cæcum Deum arbitraremur, videamurque assentiri ijs qui dicebant, *Non videbit Dominus, nec intelliget Deus Iacob.*

7. Credimus diuinos oculos videre omnia; sed forsan cordium nostrorum

strorum intentiones finesque abditos non videt. Omnino videt: non enim tantum Deus vbiq̃ue est, aut opera qualitercumque diiudicat, sed & penetrabilior est omni gladio ancipiti, & pertingens vsque ad diuisionem animæ ac spiritus, compagum quoque ac medullarum, & discretor cogitationum, & intentionum cordis; & non est vlla creatura inuisibilis in conspectu eius, omnia autem nuda & aperta sunt oculis eius. Addit interpres D. Chrysostomus: *Deum videre intentiones cordium nostrorum.* Heb. 4. *Chrys. orat. 7. in cap. 4. ad Heb. tomo 4.* Aperta autem Græcè dicitur *παρεχρησμένη*, id est, resupinata, à metaphora pellium quæ extrahuntur à victimis. Quomodo enim quando quispiam illis ingulatis pellem à carne abstraxerit, omnia quæ sunt intus aperit, & nostris oculis reddit manifesta; ita etiam Deo clara & manifesta proposita sunt omnia.

Quid verò mirum si Deus præsens vbiq̃ue sit, & videat singula? perficit enim omnia opera nostra, eaque nobiscum operatur; dat unicuique rei vt sit, vt agat, vt moueatur, vt viuat. quæ de re sapienter Diuus Thomas: *Deus (ait) est in omnibus rebus; non quidem sicut pars essentia, vel sicut accidens, sed sicut agens adest ei in quod agit: oportet enim omne agens coniungi ei in quod immediatè agit, & sua virtute illud contingere.* vnde in 7. Physicorum probatur quòd motum & mouens oportet esse simul. Cum autem Deus sit ipsum esse per suam essentiam, oportet quòd esse creatum sit proprius effectus eius, sicut ignis est proprius effectus ipsius ignis. hunc autem effectum causat Deus in rebus non solum quando primò esse incipiunt, sed quàm diu in esse conseruantur; sicut lumen causatur in aëre à sole, quàm diu aër illuminatus manet. Quàm diu igitur res habet esse, tam diu oportet quòd Deus adsit ei secundum modum quo esse habet: esse autem est illud quod est magis intimum cui libet, & quod profundius omnibus inest, cum sit formale respectu omnium quæ in re sunt: vnde oportet quòd Deus sit in omnibus rebus, & intimè. Hæc sanctus Pater; qui adeò exhaustit copiam omnem dicendi, & explicandi Numinis diuini præsentiam, vt nihil addi posse videatur.

O quàm profundè animos nostros penetrare deberent verba illa Dei per Ieremiam pronuntiata: *Ego Dominus scrutans cor, & probans renes; qui do unicuique iuxta viam suam, & iuxta fructum adinventionum suarum.* Duplex namque ratione operum nostrorum testis erit Dominus. *Duplex ratio qua Deus testari de operibus nostris possit.* Vna, quòd scrutetur ac videat omnia, testisque futurus sit oculatus: altera, quòd in ijs efficiendis cooperetur. Fortior & irrefragabilior testis inueniri non potest, quàm qui in opere pars fuerit. at Deus omnia sit. opera nostra operatur. Credetur ei, & sententiam feret æquam, dum unicuique iuxta viam suam ac fructus adinventionum suarum restituet. *a 1. b 2.* D. Augustinus, scribens ad Fortunatianum Siccensem Episcopum, *D. Aug. epist. 111. sub finem.* hanc veritatem paucis egregiè comprobatur. Ego, ait, dico quòd Deus totus oculus est, totus manus est, totus pes est. Totus oculus est, quia omnia videt; totus manus est, quia omnia operatur; totus pes est, quia vbiq̃ue est.

Quæ hæcenus dicta sunt, eleganti discursu, sed Laconicè comprehendit

Qq

Lib. 2. Symon.
cap. 18.

hendit S. Iſidorus Epiſcopus Hiſpalenſis. *Ante Deum*, inquit, *nihil eſt occultum*. Verbum iniquum nec in corde tuo dicas. Verbum malum nec ſilentio abſcondi poteſt. Omne verbum abſconſum non celabitur: panditur enim in mani- feſto, quod in occulto deprimitur. Quod intus agis vel dicis, palam poſitum puta. Lapidem enim, quibus conſcijs loquimur, non celabunt; & ipſi parietes, quod au- dierunt, non tacebunt. Si homines taceant, iumenta loquentur. Ita ergo pec- catum declina, quaſi celare non poſſis: ibi pecca, ubi Deum eſſe nescis. Nihil ce- latur ante Deum: videt occulta, qui fecit abſcondita. Diuinis enim iudicijs eris reus, quamvis ſis humanis abſconditus. Deus ubique preſens eſt. Spiritus eius totum implet. Maieſtas eius omnia penetrat elementa. Cuncta ſue potentia at- tingit preſentia. Extra eum locus nullus eſt. Cognitioni eius nihil occultum eſt. Omnia ſecreta viſ virtutis eius irrumpit. Nulla ſe latere patitur; nullis obici- bus, ut non penetraret, impeditur. Ipſe cogitationes nouit, ipſe cor inſpicit. Quod intus agitur aut latet, ipſe videt: quod intus diſponitur, ipſe comprehendit: & iam quod homo in ſe ignorat, ille nouit. Hæc Iſidorus. Ex quibus confici- tur, non modò doctrinam hanc de Deo memorando perfectiſ vtilem eſſe, ſed ſubinde neceſſariò obſeruandam, ſi à peccatis auelli, ſi præci- pitia vitare velimus.

CAPVT II.

*Numinis præſentis conſiderationem non modò
peccatoribus eſſe neceſſariam, ſed & iuſtis,
ac perfectionis ſtudioſis.*

Neceſſitas præ-
ſentia diuina
conquirenda
laſſis.

I.

Eſther 15.

8. **Q**VI enim à peccatis volunt liberari, neceſſe eſt ſeſe ad Deum conuertant per fidem; & ſpe magna nixi ardentèr peccato- rum veniam petant; amoreque in Deum concepto, illi per- petuo nexu adhærere proponant. quæ neceſſitas eo loco habenda eſt, ut ſine ea nemo, qui peccato letali ſeſe inquinauerit, ſalutem poſſit ſpe- rare. Eſther, odio Principis Aman condemnata ad mortem cum toto populo, gratiam petitura Regem acceſſit. Ingreſſa igitur (ait hiſtoria) cuncta per ordinem oſtia, ſtetit cōtra Regem, ubi ille reſidebat ſuper ſolium regni ſui, indutus veſtibus Regijs, auroq; fulgens, & pretioſis lapidibus, eratq; terri- bilis aſpectu: cumq; eleuaſſet faciem, & ardentibus oculis furorem peſtoris indi- caſſet; Regina corruit, & in pallorem colore mutato, laſſum ſuper ancillulam reclinauit caput. Conuertitq; Deus ſpiritum Regis in manſuetudinem, & feſti- nus ac metuens exſiliuit de ſolio, & ſuſtētans eam vlnis ſuis, donec rediret ad ſe, his verbis blandiebatur: Quid habes, Eſther? ego ſum frater tuus, noli metuere, non

non morieris : non enim pro te, sed pro omnibus hac lex constituta est. Accede igitur, & tange sceptrum. Cumq; illa reticeret, tulit auream virgam, & posuit super collum eius, & osculatus est eam, & ait : Cur mihi non loqueris ? Quæ respondit : Vidi te, domine, quasi Angelum Dei, & conturbatum est cor meum præ timore gloriae tuæ : valde enim mirabilis es, domine, & facies tua plena est gratiarum. Cumq; loqueretur, rursus corruit, & pæne exanimata est. Dei præsentis consideratione peccatorem terri, & à peccatis auelli, Deoque reconciliari, hac excellenti figura eleganter exprimitur. Quæ enim Esther damnata cum toto populo suo, nisi peccator, qui à Mardocheo, mundi Salvatore, excitatus, cum Deo nititur in gratiam redire ? At vbi sordium vitæ præteritæ venit in mentem, & dominium Maiestatis versat animo, dum considerat iratum Numen, coram quo curuatur orbis, quem adorant dominationes, tremunt potestates, ad cuius vocem quatiuntur fundamenta terræ, & (vt ait Propheta) ante faciem frigoris eius *Psalm. 147.* quis sustinebit ? oculi namque eius sicut flamma ignis, & in capite eius diademata multa, & de ore eius procedit gladius ex utraque parte acutus, vt in ipso percutiat gentes : quis talem Dominum præsentem cernens, in peccato perseverare audeat ? At Dominus, qui præparationem cordis nostri *Psalm. 9.* aure benigna percipit, poenitenti occurrit, & vel minima animi demissione se flecti permittit. Respexit Petrum, & is conuersus fleuit amarè. *Luc. 22.* Occurrit radians illa Maiestas Paulo, qui corruit in terram, victasque manus porrigens dixit : Domine, quid me vis facere ? Expauit Manasses, *Act. 9.* Deum in se iratum sentiens ; ceruicemque pertinacem inflexit, & peccatum confessus est. Subinde namque potentia suæ fulmine & iræ furore contumaces adeo percellit, vt ij postmodum ceruicem duriores placato Domino subijciant. *Leo rugiet, quis non timebit ?* Sic ergo peccatores, timore præsentis Dei confixi ac perculsi, fateri coguntur : *Esther 15.* Vidite, Domine, lumine gratiæ tuæ præcinctum, quem numquam præsentem confideraueram, non modò quasi Angelum Dei, sed vt Deum Maiestatis ; & conturbatum est cor meum præ timore gloriae tuæ : valde enim mirabilis es, Domine, & facies tua plena est gratiarum. Ad hæc nos solatur benignissimus Dominus, & virga aurea collum nostrum percutit. Illa virga sunt Sacramentorum formæ, aut Dei miserentis benigna condonatio. Percussit Moyses virga maris aquas, & submersi sunt omnes *Exodi 14.* Ægyptij, populus verò Dei incolumis euasit. Percutit Sacerdos aquas baptismales vitæ verbo, tamquam virga aurea, & peccata omnia submerguntur, Deique cultor saluus emergit. Hac virga contingere Dominus dignatus est Mariam Magdalenam : quæ cum dolore timoreque perculsa corruisset in collum ancillulæ, id est, à se planè deficiens, confidentiæ diuina bonitate nixæ caput inclinasset ; audiuit tandè : *Remitte tibi peccata.* *Luc. 7.* quæ etfi quasi exanimata ad pedes Domini corruisset,

eos lacrymis suis rigans, capillisque abstergens, audiuit rursus, *Vade in pace*; magnique Regis & reconciliationem & amicitiam promeruit.

2.
*Lib. de Virtute,
cap. 10.*

9. Beatus Ephraim hanc doctrinam verbo & exemplo optimè stabil. *Qui lasciuus*, ait, *effusi sunt concupiscentiis, curis atque sollicitudinibus plena est vita eorum; quin & recordationis ipsius Dei obliuionem capiunt, quo peius grauiusq; est nihil.* Nam continua Dei recordatione turpes animae passionis recedunt; instar maleficorum, prae ore accedente; unde & mundum Spiritus sancti habitaculum efficitur: ubi verò memoria Dei abest, ibi tenebrae cum fetore dominantur, omnisq; res improba exercetur. Hæc Ephraim verbo: de eodem exemplum subiiciam. Cum Edessa Ephraim diuersaretur, è vicinia mu-

3.
*In 2. Vita eius,
Operibus præ-
fixa.*

lier parum verecunda per fenestras eum prospexit; & petulantius cum ageret, & ad turpitudinem virum Angelicum sollicitaret, Placet, inquit, modo loci deligendi mihi optionem dederis. Illa annuente, urbem mediani delegit. Ecquid? ait illa; non erubescemus conspectum hominum? Respondens magnus Ephraim, Si homines, inquit, erubescimus; multo magis Deum erubescere & timere oportebit, qui nouit etiam occulta hominum: quoniam ipse est qui veniet iudicaturus mundum, & redditurus unicuique secundum opera sua. Hæc audiens mulier compuncta est ex verbis illius, & accedens procidit ante pedes illius, plorans, dicensq;: Serue Dei, deduc me in viam salutis, ut à multis meis malis operibusq; improbis liberer. Sanctus autem senex, multis eam admonens, misit in Monasterium, & saluauit eius animam ex cæno flagitiorum.

*Justis necessa-
ria præsentia
Dei considera-
tio.*

I.

Psalm. 120.

10. Hæc lapsis congruunt, qui præsentia Dei consideratione à peccatis reuocantur ad penitentiam. Quid iustus? certè diuinæ præsentia serua contemplatio à lapsu facile nos vindicat ac præseruat: & sanè longè magis quàm lapsos; nam & cognitio illustrior, & beneficia ampliora, & calius à tanto gradu formidabilior est. Si enim Dei benignitatem singulari cura ac præsidio me tueri considerem, eundemque numquam dormire, numquam dormire; qui custodis Israel, mei memoriam numquam deponere, amicitia me oculis benignissimè aspicere; quæ fieri poterit, sine ingentis ingratitude labe, ut iterum memoria eius deposita me in pristino peccatorum volutabro pro- uoluam?

Soliloq. cap. 14.

Hoc argumentum tractans D. Augustinus, necessitatem nobis incumbere maximam statuit, hanc Dei præsentiam animo perpetuo contemplandi & retinendi. Gressus meos, ait, semitasq; consideras, & die noctuq; super custodiam meam vigilas, omnes semitas meas diligenter notans, speculator perpetuus, veluti si totius creaturae tuæ, celi & terræ oblitus, tantum me solum consideres, & nihil sit tibi curæ de alijs. Neque enim tibi crescit lux incommutabilis visionis tuæ, si tantum unum aspicias; neque minuitur, si innumera videas, & diuersa. & paulo post: Sic igitur super custodiā meam stas, sicut si omnium obli-

tus sis, & mihi soli intendere velis: semper quippe te presentem exhibes, semper te paratum offers, si me paratum inuenis. Quocumque iero, tu, Domine, me non deseris, nisi prior ego te deseram. Fateor quidem, quia quidquid facio, & quacumque facio, ante te facio; & illud, quidquid est, quod facio, melius tu vides, quam ego qui facio: quidquid enim semper operor, tu pariter semper præsens assistis, utpote perpetuus inspector omnium cogitationum, intentionum, delectationum, & operationum mearum. & inferius: Cumq; hac diligenter considero, Domine Deus meus, terribilis & fortis, timore pariter & ingenti rubore confundor; quoniam nobis magna est indita necessitas iuste recteque viuendi, qui cuncta facimus ante oculos Iudicis cuncta cernentis. Hæc Augustinus.

II. Enimuero si fragilitatem nostram consideremus, si hostes qui ceruicibus nostris imminet, si pericula omni tempore, loco, à quacumque parte, ac omni creaturarum genere parata contemplerur; si efferatam naturam nostram, quæ, nisi freno coercetur, per varia præcipitia ruit incauta; quanta sit nobis necessitas huius præsidij, facile conspiciemus. Lapsus est Dauid sanctissimus, cecidit Salomon sapientissimus, oppressus est Samson fortissimus; qui non corruissent, si Deum sibi præsentem reddidissent. Quid ni & nos Dei immemores? Hoc freno sanè indigemus equi indomiti. Non audet filius præsentem parentem familiam turbare, quod idem absente facere non formidat. Præsentem magistro tacent audiuntque discipuli, qui, antequam veniret, insanire videbantur: ausine, quæso, fuissent, si vel per rimam aliquam se ab eodem obseruari cognouissent? Fugiunt latrones (ait D. Ephraim) in aduentu prætoris, qui detegi nolunt, nolunt suspendi. Non auderes immunditiam aliquam vel vnico homine præsentem excitare in te; certè in præsentia patris tui non facies, non facies in præsentia Episcopi tui, non Principis, qui contra improbos gladium portat: & audebis, si Deum vibrantem fulgura, si romphæam volentem conspicias, stipatum Angelorum vindicum myriadibus innumeris, patibula, equuleos, flammæque æternas minitantem? Accipe, ait Seneca *Lib. 1. epist. 12.* scribens ad Lucilium, & quidem utilem & salutarem clausulam, quam te affigere animo volo. Aliquis vir bonus nobis eligendus est, ac semper ante oculos habendus, ut sic tamquam illo spectante viuamus, & omnia tamquam illo vidente faciamus. Hoc, mi Lucili, Epicurus præcepit, custodem nobis & pedagogum dedit, nec immerito. Magna pars peccatorum tollitur, si peccaturis testis assistat. Aliquem habeat animus, quem vereatur, cuius auctoritate etiam secretum suum sanctius faciat. O felicem illum, qui non actus tantum, sed etiam cogitatus emendat! O felicem, qui sic aliquem vereri potest, ut ad memoriam quoque eius se componat atque ordinet! Qui sic aliquem vereri potest, cito erit verendus. Elige itaque Catonem. Si hic videtur tibi nimis rigidus, elige remissioris animi virum Lelium; elige cum, cuius tibi placuit

placuit & vita & oratio; & ipsius animum ante te ferens & vultus, illum semper tibi ostende vel custodem, vel exemplū. Opus est, inquam, aliquo, ad quem mores nostri se ipsi erigant. Nisi ad regulam, praua non corriges. Hæc Seneca.

3.
Præsentia Pa-
troni.

Fundatores
Ordinum, Re-
ligiosorum suo-
rum Videre
actiones omnes.
D. Greg. lib. 12.
Moral. c. 13. &
lib. 4. Dialog.
cap. 33.
D. Thom. 1. p.
q. 12. a. 8. & 2. 2.
q. 83. a. 4. ad 2.
Caiet. ibidem.
Dur. in 4. d. 49.
q. 3. n. 13. & 18.
S. Bonau. in 3.
d. 14. a. 2.
Molina in 1. p.
S. Thoma. ad q.
12. a. 8. disp. 5.
memb. 3. in fine.

12. Suadent SS. Patres virtutis ac PERFECTI O N I S studiosis, si proficere velint, vt constituent sibi quasi intuentem se virum integerrimum quempiam, cuius puritatem admirentur, cuius sanctitatem veneratione: vt is præsentia sua, ac vitæ proposita integritate, defectus ac errores nostros tacitus arguat, reprehendat, corripiat, increpet, & ne labamur, impediatur. quod documentum admodum salutare est, & expedit Religiosos omnes sui Ordinis Patriarchas semper habere præsentem. nec falsò id quidem; est enim admodum probabile, singulos Ordinum fundatores non modò actiones suorum alumnorum cognoscere externas, sed & totius Ordinis ac singularum personarum mutationes videre, cogitationumque secreta rimari: hoc enim, auctore B. Thoma, aliisque Doctoribus, ad statum illorum pertinet, vt non tantum Dei conspectu fruuntur, (quod omnibus beatis commune est) sed etiam quæ in Ordine à se fundato fiunt, singulari Dei priuilegio, tamquam & Ordinis totius rectores, & tutores singulorum, perspecta habeant. quare etiam si velimus tegere occulta conscientiarum nostrarum, ipsos latere non possunt. Hinc verò hic fructus emerget, quòd cum Religiosi singuli eximio amore atque obseruatione illos prosequantur, qui vitæ suæ duces sunt, ac conseruatores, si præsentiam illorum efforment, & ab illis se videri opinentur, à multis defectibus abstineant, quos aliàs committerent, considerata nempe eorum sanctitate, vestigiisque ad insistendum relictis: sunt enim ipsi velut speculum Religiosorum, in quo boni filij, nimirum in parentum vita, facies suas speculantur; vt vel maculas ac nauos suorum vitiorum, vel prauorum habituum ac consuetudinum rugas aduertant. Quare vbi contingit quempiam animo solutiorem esse, turbati, aut à feruore deuotionis intepescere, ad se redeat, sibi que & talem personam, & vitam, & tacitam correptionem, quasi is coram ageret, eumque audiret, constituat. Dubium non est, quin accepturus sit malis suis remedium; & eo maius, quo hoc præsidio frequentius vti consueuerit. Quod exercitij genus non tantum ij usurpare deberent, qui difficultatibus ac defectibus magnis laborant; sed & prouectiores in studio virtutis, quibus haud absere, si singulis hebdomadibus, vel etiam diebus, hanc sui recognitionem ad Praxim reuocent, & frequentissimè in rebus agendis ad ipsum Parentem tamquam ad asylum recurrant.

4.
Angeli tutela-
ris præsentia.

13. Qui Religiosi non sunt, assumant Dicecesis vel Ecclesiæ vel nominis sui Patronum, cui sese clientes deuoucant. Et ne quis excusationi locus sit, singulis hominibus à natiuitate Angelus deputatur; quem Pæda-

Pædagogum ac Magistrum protectoremque cognoscamus, cuius præsentiam vereamur, cuius audiamus monita, cuius Dominū timeamus: habitat namque is in cælesti palatio; & (vt ait Dominus) *Angeli eorum* Matth. 18. *in calis semper vident faciem Patris mei, qui in calis est*, meritaque nostra Deo quotidie offerunt. Quod si nos officio nostro deesse, si se contemni Magister, sua monita negligi, Deum in postremis haberi, immo oppugnari vitij viderit; iustas de nobis apud Deum querelas deponet, protestabitur nos rebelles agere, Deoque (quod impijssimum est) parere nolle, eundemque in die mortis nostræ testem infensissimum experiemur. Raphaëlem Tobias honorauit, ideoque tutelam & opes Exemplum Tobia. in lib. Tob. magnas, cum temporales, tum spirituales, adeptus est. Non erubuerunt suorum Præsidi oculos fœdare mariti septem Saræ puellæ castissimæ, ideoque Asmodæus eos oppressit ac suffocauit. Illud dignum Aliud. memoria, quod de quodam Societatis nostræ Sacerdote narratur: qui cum Angelo suo Præsidi eam reuerentiam deferret, vt, quotiescumque portam aliquam ingrederetur, Angelo tutelari primas in ingressu relinqueret, is tandem opinione sua frustratus non est; nam quodam die, dum singulari studio locum eidem cederet, visibilis Angelus transijt, & gratum sibi huiusmodi obsequium esse declarauit.

14. Quod si vel hominibus vel Angelis id tribuendum videatur, vt 5. Conscientia sp. menda. ne quid committamus, quod purissimos eorum oculos possit offendere; quo timore aut horrore percelli debemus, dum Deum omnia potentem audimus rebus omnibus interesse; nos in ipso viuere, moueri, ac esse; & conscientiam, eius præconem, velut ex alta specula con- Ab. 17. tueri! Sine cuiusquam inuidia hîc verba Ethnici cuiusdam referam; vt Christiani videant quanta necessitas nobis incumbat diuinam præsentiam assidue contemplandi. *Ea deliberanda omnino non sunt*, ait, *in quibus* Cicero lib. 3. Offensum. *est turpis ipsa deliberatio. atque etiam in omni deliberatione celandi & occultandi spes opinioq; remouenda est: satis enim nobis, si modo in philosophia aliquid profecimus, persuasum esse debet, si omnes Deos hominesq; celare possimus, nihil tamen auaræ, nihil iniustæ, nihil libidinosæ, nihil incontinenter esse faciendum.* Hinc ille Gyges inducitur à Platone, qui, cum terra decessisset magnis quibusdam imbribus, in illum hiatus descendit, anulumq; equum (vt ferunt fabula) animaduertit, cuius in lateribus fores essent: quibus apertis, hominis mortui vidit corpus magnitudine inusitata, anulumq; aureum in digito; quem vt detraxit, ipse induit: (erat autem Regius pastor) tum in concilium pastorum se recepit. ibi cum palam eius anuli ad palmam conuerterat, à nullo videbatur, ipse autem omnia videbat; idem rursus videbatur, cum in locum anulum inuerterat. itaque hac opportunitate anuli usus, Regine stuprum intulit, eaq; adiutrice Regem dominum interemit, sustulitq; quos obstare arbitrabatur: nec in his quisquam cum facinoribus potuit videre. sic repente anuli beneficio Rex exortus est Lydia.

Hunc

Hunc igitur ipsum anulum si habeat sapiens, nihil plus sibi licere putet peccare, quam si non haberet: honesta enim bonis viris, non occulta, quaruntur. Hæc ille.

Verum si nec homines nec cælitæ nos videant, quid timendum putas, cum sine arbitro quippiam perpetrem? Certè te saltem facinus tuum latere non potest: caue tibi à teipso; si enim sciueris, totus orbis resciet; nec accusatorem habiturus es grauiorem, quàm teipsum, ac conscientiam tuam: & quidem apud teipsum; nam quietem tibi ipsa nullam concedet. *Lib. 1. Confes. cap. 11. Cic. pro Milone.* *Iussisti, Domine, ait Augustinus, & verè sic est, ut pœna sibi sit ipsi inordinatus animus. Magna est vis conscientie, ait quidam, magna in utramque partem: ut neque timeant qui nihil commiserint; & pœnam semper ante oculos versari putent, qui peccauerint. vnde Isidorus: Omnia surgere poterit homo, præter cor suum: non enim potest à se quispiam recedere; quocumque enim abierit, reatus sui conscientia illum non derelinquet. Magna conscientie vis est, ac intolerabilis eius aculeus, si vel ei neges quod facere teneris, vel velis quod agere non possis.*

Recens & ræsum conscientie exemplum in peccatore.

Nostra ætate vir quidam locuples & potens facinus quoddam admiserat, quod fateri erubescibat; morteque ipsa & damnatione ei grauius erat, illud manifestare: conscientia tamen, ut Christiani hominis partes expleret, ita hominem stimulabat, ut nullo loco posset consistere. Audiuerat Antuerpiæ ex concionatore quodam, neminem teneri ea peccata fateri, quæ memoria exciderant, factaque diligentia non occurrerent.

1. Hanc doctrinam tegendo sceleri suo opportunam ratus, ut peccati obliuisceretur, nihil diligentie atque industriæ prætermisit. Dedit se in primis voluptatibus, varijsque peccatorum generibus se implicauit, peccata peccatis cumulando; ut vel ipsa confusione peccatorum vnius recordatio alterius memoriam obrueret. Verum recurrebat assidue terra illa ac mordicans animi cura; quoque profusiùs se delicijs immergebat, eo atrocius rodebatur interius, malumque in conscientia acrius sæuiebat.

2. Profectus est deinde in regiones longinquas, ut locorum mutatione, & rerum varietate, memoria præteritorum confunderetur: verum quantumcumque à patria recederet, à conscientia comite disiungi non poterat.

3. Adiecit animum studijs, & ijs quidem quæ attentionem maiorem requirunt, quæque totum hominem occupant, ac sibi maximè deuinciunt, & spiritus planè exhauriunt; qualis Mathematica, & Perspectiua; ut saltem hac ratione cogitationes de conscientia posset excludere: sed non potuit.

4. Tandem cum audiisset contritione peccata deleri, ad opera bona

bona confugit, in cinere & cilicio pœnitentiam agens, multaꝓe pauperibus elargitus est in eleemosynam. Nec his quidem atrox ipsius vulnus sanari potuit.

5. Denique actus ad extrema, & mori iam certus, malo suo finem nocte insequenti adferre adacta vi statuit. Rhedam ergo conscendit; domum, à qua tum abierat, rediturus.

Errantem ac pereuntem ouiculam benignissimus Deus hîc iuuare ac reportare dignatus est.

Quidam de Societate nostra, (cum quo, dum viueret, familiariter vixi) per Brabantiam iter faciens cum socio, homini desperabundo (Deo ita disponente) occurrit: quem ex rheda conspicatus, rogauit vt currum conscenderet, vicitꝓe recusantem importunitate. Cùm Pater esset in rheda, nullum ille fecit verbum, sed tacitus dicentem Patrem fixis intuebatur oculis: cumꝓe Pater multa narraret, diuina prouidentia factum est vt de peccatorum confessione sermonem institueret, tetigitꝓe inter narrandum hominis vlcus: qui stomachabundus illico, Quid, inquit, ais tu? vnde me nosti? Numquid ego te vidi antehac? ait Pater: sed nos huiusmodi narrare solemus, ne vanis & inutilibus rebus teramus diem. Ne mirere: nisi fortè quid in te sit, quamobrem iuuari velis; quod lubenter facturum sum. Iuuaris? inquit ille: sed quis me iuuare potest, si confiteri renuam? atqui certò tibi persuadeas, numquam id me in æternum facturum. Si sine confessione mihi opitulari possis, tum enim uero patiar vt me adiuues. Solatus hominem Sacerdos, bono animo esse iubet; remedia alia proponit, promittitꝓe (prudenti consilio vt hominem caperet) se sine confessione (de qua ad tempus silendum putabat) auxilium allaturum. Tum ille confidenter, quod res erat, edixit: mortem se sibi ea nocte destinasse, nisi remedium adueniret malo; angustias conscientiaꝓe suæ vltra ferre non posse; si sine confessione reconciliari Deo posset, nihil esse tam durum ac difficile quod recusaret, nihil noui arbitrari dura & aspera pati. Tum, quæ ad conscientiaꝓe carnificinam extinguendâ fecisset, prolixè enarrauit. Vt ergo sine peccatorum confessione se iuuari posse sperauit, totum sese Patri ea condicione subdidit. Promittit Pater omnino se præstiturum, nec facturum de confessione verbum, si tantum ad pauculos dies obedire vellet, & omnia, quæ præciperet, examussim facere. Cùm ergo rheda domum appulisset, petijt à Patre quid à se fieri vellet. Pater, Instrue, inquit, latum conuiuium, lautum epulum, & hospites tuos hilariter habeas. Indigebat videlicet homo mœrore prostratus animi relaxatione, & maximè nocte illa decretoria. Post epulum idem rursum, Pater, ait, quid vis me facere? Tota nocte, inquit Pater, securus dormias, ego cum socio pro te vigilabo, Deumꝓe precabor. Postri-

R r

dic

die redijt, petens quid sibi mandatum vellet. Dictauit ei Pater quædam puncta meditationis, quæ fiduciam & lætitiā animo adderent, consideranda horis distributis; atque ita duxit vnum atque alterum diem; tradidit ei deinde examen accuratum conscientiæ: Non, inquit, vt confitearis, hæc propono; sed vt scribas peccata tua, & in memoriam reuoces, atque de singulis doleas. quod perfecit accuratè. Denique abduxit illum in siluam, socio longo intervallo subsequente: rogauit, quæ an bene excussisset animum, an nullum peccati genus intactum reliquisset; & Ne quid fortè te præterierit aut fugerit, inquit, sciscitabor ex te quædam. Rogauit quidquid horrendum, triste, atrox cogitari poterat per omnia scelerum genera, donec illud peccatum tangeret, quod ille admiserat, ac confiteri non audebat. Ibi perturbatus miser, & horrore concussus, vltro fassus est: Illud, illud (inquit) est triste, infandum, horrendum, quod eloqui non audeo. Tum suauiter & benignè, Atqui, ait Pater, in libris meis grauiora sunt, & funestiora; ab hoc alijsque multo atrocioribus te possum absoluerè: iam confessus es, nec opus est pluribus, nisi vt dicas cetera quæ scripsisti. Procidit vir bonus in genua, cetera dixit, ac rite confessus beneficium absolutio- nis accepit; domumque reuersus, lætiorem vitam duxit, quam paucis annis post cum æterna ac feliciore commutauit. Dum adhuc viueret, nactus Patris eiusdem alloquendi occasionem, Quantum bonum est, inquit, mi Pater, peccatorum confessio! quàm securum me lætumque reddidit! quàm multa tristitia sum passus, confessionem fugiens; quæ facile euadere potuissèm, si conscientiæ parère voluissèm!

Qui dixit, *Conscientia mille testes*, dixit optimè, sed non satis. Conscientia præterea est & scelerum vindex, & iustus iudex. Addo eandem etiam tortorem agere, & adhibitis furijs à scelerato delicti pœnas exigere ac inferre. An non in die mortis extremique iudicij prodibit omnium prima, vt sese deferat, & facinora sua prodat, proclamet, ac denuntiet? Dei namque illa vices gerit, cuius refert similitudinem; pro eodem excubat, rationis præferens facem; seuerique monitoris explet munus. Quòd si mens in vitio suo in hoc mundo cæcutiat, & rationi offundat tenebras, illæ illæ discutientur in morte: omnium memor erit conscientia; seque grauissimè incusabit, quòd ne munere quidem suo vitæ suæ tempore ipsamet perfuncta fuerit.

15. Hæc etsi vera sint, nihilominus non effugimus Dei oculos, cuncta cernentis; sed grauior timendi oboritur ratio, necessitasque præsentis diuinæ concipiendæ, animoque retinendæ, quo plures, qui nos obseruent, habemus; conscientiam imprimis nostram, quam effugere non valemus; Angelorum innumerabilium exercitus; dæmonem aduersarium; Patronos etiam nostros in cælo; Deum denique ipsum, æquissi-
mum

num iudicem, qui reddet vnicuique secundum opera sua, & non patietur impunè, tantam tot sceleribus, quæ in dies patrantur, iniuriam ac contemptum sibi inferri atque irrogari.

CAPVT III.

*Præsentia diuina conspectum non solum mentis
conceptione constare, sed à voluntate &
affectu maxime pendere.*

16. **D**IDYMVS (vt scribit Socrates) cum puer adhuc litterarum elementa disceret, morbo oculorum visum amisit; ei quæ Deus pro visibilibus oculis intelligibiles condonauit. Is tempore magni Antonij florebat; ad quem cum venisset Alexandriam, fertur ei dixisse: *Non te conturbet, Didyme, amissio sensibilibus oculorum; tales enim oculi tibi desunt, quibus & muscæ & pulices frui utique possunt: sed gaude potius, quoniam habes oculos quibus etiam Angeli cõutuntur; per quos videtur Deus, eius quæ lumen inspicitur.* Hæc Socrates. His ergo mentis oculis nos uti conuenit, si Deum præsentem intueri voluerimus.

Ad illam igitur considerationem venio, quæ nobis explicabit quæ & qualis sit hæc, de qua agimus, præsentia diuinæ contemplatio, apprehensio, visio, ac conceptio. Diuersis namque modis id fieri posse, ex ijs, quæ diximus, sat potest colligi. Apprehendere namque Deum potest quispiam solo intellectu, vt Philosophi; potest & fide, solo intellectu cooperante; potest denique vi & imperio amoris: si enim animus is possideat, facultatibus omnibus imperat, & ad exercitium appellit & applicat.

Prima ratio videndi Dei non est contemnenda: honestum enim id est, & laudabile, & finis quàm optimus, Deum nosse, & à malo cauere. non sufficit tamen, nec constans esse poterit: non enim natura idonea ac sufficiens est vt molestiam ac laborem toleret, arceatque fluxum rapidum cogitationum occurrentium, impetum variarum appetitionum comprimat, motusque passionum, quæ hominē longissime abripiunt. Fieri tamen potest, vt in complexione feliciore, aut etiam timidiore, apprehensio nascatur vehementior, & Deum interdum timeat plus æquo, quem præsentem nouit etiam lumine naturali. Hæc autem conceptio non fortietur effectum quem quærimus: concipiet enim Deum, non vt amantissimum parentem, aut benignum, misericordem, amabilemque benefactorem; sed vt seuerum Dominum, iudicem pertimescen-

Rr 2

mesce-

mescendum, scelerum vindicem implacabilem. ex qua consideratione seruilis timor, odij diuini ac blasphemiae cogitationes exurgunt, inquietudo conscientiae, desperatio: & quia tales difficulter à peccatis abstinent, putant de salute sua actum esse, nec ratio est & placandi conscientiam, & in spem erigendi; nec confitendi modum ponunt, aut finem faciunt. Idcirco inter Philosophos pauci sunt qui hac de re scripserint, pauciores qui exercuerint; & qui hac de re scribunt, paradoxo loqui videntur.

Modus 2.
Per fidem.
Heb. 11.

Psal. 7.

17. Mollior est apprehensio cum ex fide nascitur: nam fides spei fundamentum est; vel, ut Paulus loquitur, *est sperandarum substantia rerum, argumentum non apparentium*. etsi seuera Dei iudicia interminet vna manu, altera benignitatem ostentat. Dicit ergo fides ex vna parte: Deus & iustus & iudex est; nisi conuersi fueritis, gladium suum vibrabit, arcum suum tetendit, & parauit illum: & in eo parauit vasa mortis, sagittas suas ardentibus effecit. at quibus? ijs nempe qui parturiunt iniustitiam, concipiunt dolorem, & pariunt iniquitatem. Ex altera verò parte iustis adiutorium à Domino, qui saluos facit rectos corde. Etsi sit Deus iustus & fortis; tamen addit, Et patiens; numquid irascitur per singulos dies? denique dixit, Nisi conuersi fueritis. si ergo conuersi fueritis, non vibrabo gladium, nec sagittas inflammatas emittam. Sic ergo fides rigorem iustitiae misericordiae benignitate temperat: arida tamen est fidei cognitio, si nihil (praeter eam) accedat diuinæ praesentiae considerationi; nam fides longè verius & potentiùs inculcat iudiciorum diuinorum seueritatem, quam humana ratio: & licet ex eodem fidei fonte solatia ac remedia promantur, quae ad spem excitent; sine nouo auxilio tamen non apprehenduntur, nec apprehensa sufficiunt ad frangendum impetum timoris & desperationis.

Deinde, sine gratia excitante rarò Deus praesens concipitur, ne quidem à fidelibus, quorum fides prauius auxilio destituta sopita esse videtur; vnde opus est graui excitatione, concionatorum magnis clamoribus, punitione malefactorum, bellorum vastationibus, pestis ac famis flagellis, quibus homines vix, ac ne vix quidem, ad Dei manum extentam cognoscendam permouentur.

Modus 3.
Fide & caritate.
Tract. 2. in
can. epist. Ioan.
post medium,
tomo 9.
& Matth. 3.

18. Optima verò illa est ratio Deum coram contemplandi, quae ab amore proficiscitur; & ea non tam timore quam beneuolentia nititur: nam (ut ait D. Augustinus) *cognitio sine caritate non saluos facit. Scientia inflat, caritas adificat. Si confiteri vultis, & non amare; incipitis demonibus similes esse.* Confitebantur demones Filium Dei, & dicebant, Quid nobis & tibi? & repellebantur. Confitemini & amplectimini: illi enim timebant de iniquitatibus suis, vos amate dimissorem iniquitatum vestrarum. Quid mirum si amans praesentem amicum facit, cum animus sit amplius ubi amat, quam

quàm ubi animat: ubi dolor, ibi manus; ubi amor, ibi oculus. Excitat amor desideria, desideria cogitationes, cogitationes fingunt imagines; ut præter eum, quem diligas, aliud cernere non videaris. quem affectum in quodam amico suo defuncto graphicè describit Augustinus. *Expetebant, inquit, eum undique oculi mei, & non dabatur mihi; & oderam omnia, quia non haberent eum: & factus eram ipse mihi magna quæstio; & interrogabam animam meam quare tristis esset, & quare conturbaret me valde.* Hæc & plura Augustinus. Magna enim vis amoris est in utramque partem, ut dolorem excitet, si ipsi, quod amat, tollatur; vel gaudium, si ad sit quod diligit: utroque tamen casu rem amatam præsentem constituit; quare, si constans amor fuerit, constans erit & dilecti memoria. 19. Formam hanc ab ijs, qui suprema beatitudine potiuntur, desumimus. non enim beatos facit sola nudaque summi boni visio, antequam amauerint ipsi, amore beatifico: sed visio, quæ ex amore hoc sequitur, comprehensio possessioque vocatur; æternaque est, quia amans animus separari non vult; potestatemque habet imperandi intellectui, ut amicum teneat, nec dimittat. & nos quoque nunquam præsentem Deum feliciter constanterque tenebimus, si sola cognitione nitamur, affectu vacui; sed si vehemens præcedat dilectio, illa dilectum cogitatione tenebit, *nec dimittet, donec introducat nos in domum matris nostræ Ierusalem, & in cubiculum genitricis nostræ, diuinæ Sapientiæ, quæ nos verbo Iacob, & veritatis genuit.*

De hac præsentia Dei cognitione, quæ ab experientia sensuque interno nascitur, loquitur D. Ioannes: *Omnis qui diligit, ex Deo natus est, & cognoscit Deum.* & Propheta Regius: *Gustate & videte quoniam suavis est Dominus.*

Expertus est hoc Ionathas filius Saul: qui cum ausu insolito castra Philistinorum inuasisset cum solo armigero, magnamque edidisset stragem, & prostratis tandem ac trucidatis proprio mucrone hostibus deficeret, vixque oculos ad videndum posset intendere; oblatum opportunè mellis fauam extrema virga, quam manibus tenebat, delibavit, & *illuminati sunt (ait Scriptura) oculi eius.* Ionathas strenuum Christi militem, virtutisque ac PERFECTIONIS studiosum designat; qui magno animo statuit, solo Christi IESU præsidio armisque munitus, vitiorum leuiore lapsus, defectuum reliquias, concupiscentiæ impotentiam aggredi ac sternere. O quantum potest absolutum voluntatis imperium, inuictaque resolutio carnem subigendi, & antiquum hominem cum actibus suis prosternendi! si vel vnum vitium aggrediaris, & illud præsertim, ad quod natura magis propendat, cetera nurant, sensumque ruunt, & quasi mucronibus in mutua capita versis, passionibus ipsæ virtuti seruiunt. Non deest interea generoso athletæ suo benignissimus

R. 3

simus

Apoc. 2.

simus Dominus, *vincenti manna absconditum* mellitæ consolationis porrigens; (talís namque est cibus Dei causa pugnantium) eiusdemque præsidio illuminantur oculi, quibus ipse agnoscatur, eiusque pulchritudo; atque anima in posterum his pasta delicijs, eidem inseparabiliter adhærescat.

Exemplum S.
Augustini.
Soliloq. cap. 31.

Hoc D. Augustinus expertus, ita sibi contigisse fatetur, quærit namque in hæc verba: *Inueni te, Domine Deus meus; sed qualiter inueni te? & respondet: Cognoui te in te. Cognoui te non sicut tibi es, sed cognoui te sicut mihi es; & non sine te, sed in te; quia tu es lux qua illuminasti me. Sicut enim tibi es, soli tibi cognitus es. Cognoui te, quia Deus meus es tu. Cognoui te solum verum Deum, & quem misisti IESUM Christum. Erat enim tempus quando non cognoscebam te. Va cecitati illi, quando non videbam te: va surditati illi, quando non audiebam te. Cecus & surdus per formosa, qua fecisti, deformis irrueram: & tecum eras, & tecum non eram; & ea me tenebant longè à te, qua non essent, nisi essent in te. Illuminasti me lux mundi, & vidi te, & amavi te. Nemo quippe te amat, nisi qui te videt; & nemo te videt, nisi qui te amat. Serò te amavi, pulchritudo tam antiqua & tam noua; serò te amavi. Va tempori illi, quando non amavi te. Hæc Augustinus: ubi distinguit cognitionem fidei, quam caritas sequitur; à cognitione proficientium, quam caritas præcedit.*

Sola caritas
sufficiens non
est ad præsen-
tiam Dei exci-
tandam.

Simile.

Prov. 3.
Sep. 7.

20. Nemo tamen fallatur, ratus quemuis, qui habet caritatem, illico præsentem Dei conspectum natum esse: habitus namque caritatis etiam facultatem adiuuet naturalem, & inclinet ad agendum; tamen si in ea sit repugnantia, si animus sit dispersus, si homo socordiâ non excutiat, si intellectum ac memoriâ non excitet, non mouebitur habitus ipse, nec mouebit. quare vel necesse est vt singulari priuilegio Deus animos illuminet ac præueniat, excitando mentem, inflammando voluntatem ad conspectum diuinum intenta cogitatione querendum ac retinendum; vel certè opus est animi contentione, sicut cum artes traduntur & discuntur, qualis ars memoriæ, artesque liberales: vnde & à nonnullis de arte amandi scribentibus dicitur, maximam animi vim contentionemque, vt amici memoria cum benevolentia retineatur, adhibendâ esse. Sic & artem diligendi Dei, perpetuamque eius memoriâ conseruandi, non nisi summo cum affectu conatuque industriæ nostræ haberi posse putandum est. Et licet in artes mechanicas, vel etiam liberales, aliasve sublimiores, quibus victus comparatur, homines suo opte ingenio ferantur æquo ardentius; paucos tamen reperies qui in artem amandi Dei velint incumbere, etiam *primi & purissimi fructus eius, & infinitus thesaurus ac innumerabilis honestas* per illam amatoribus eius subueniant: ideoque fructus nonnullos hîc spargam, colligendos his qui arborem emergere nolunt, ni gustu primum eius excellentiam probauerint.

CAPVT

CAPVT IV.

*De septem fructibus eximijs, è diuini Numinis
præsents memoria prodeuntibus, tres expli-
cantur: cognitio sui, Dei clarior no-
titia, ac latitia spiritualis.*

21. **P** R I M V S ille decerpendus est fructus, qui primus erumpit, ac ^{Primus fructus}
ceterorum est basis atque fundamentū; nempe sui ipsius cog- ^{præsents Dei,}
nitio: vnde enim homo clariùs faciem suam videbit, quàm ^{cognitio sui.}
in illo speculo, in quo omnium facies repræsantantur? est namque
Deus *candor lucis æternæ, & speculum sine macula*, in quo facies nostræ vi- ^{Sap. 7.}
dentur planè sibi conformes. *Talis tantusq; es, ô homo*, (ait quidam San- ^{S. Franciscus}
ctus) *qualis quantusq; coram Deo inueniris, & nihil ampliùs*. Et quia condi- ^{apud Thomā à}
cio nostra, vel tenebræ nostræ mentis, sine luce agnosci nequeunt; hinc ^{Kempis lib. 3.}
maximè humilitatem ac vilitatem nostram, scilicet Deo præsente, vi- ^{de-smit. cap. 50.}
demus, sine quo velut cæci iudices remanemus. hinc nos hortatur Re-
gius Psalter: *Accedite ad Deum, & illuminamini, & facies vestra non confun-* ^{Psalm. 33.}
dentur.

22. Quòd autem hæc scientia ceteris substerni debeat, docent nos
sancti Patres. Est enim primum hominis sapientiam affectantis, con-
templari quid ipse sit, quid intra se, quid infra, quid supra, quid contra,
quid antè, quid postea sit. Hæc consideratio quadripartitum parit
fructum: vilitatem sui, caritatem proximi, contemptum mundi, amo-
rem Dei. Hinc Hugo Victorinus: *Frustra cordis oculum erigit ad videndum* ^{In Insit. Mo-}
Deum, qui nondum idoneus est ad videndum semetipsum: prius enim est ut in- ^{naft. lib. 3. de}
uisibilia spiritus tui cognoscas, quàm possis esse idoneus ad cognoscendum inuisibi- ^{anima, cap. 6.}
lia Dei; & si non potes cognoscere te, ne præsumas apprehendere ea quæ sunt su-
pra te. Præcipuum ac principale speculum ad videndum Deum, animus rationalis
intuens seipsum. D. Bernardus: *Scio neminem absque cognitione sui saluari*; ^{Serm. 37. in}
de qua nimirum mater salutis humilitas oritur, & timor Domini, qui & ipse sicut ^{Cant.}
est initium sapientie, ita est & salutis. Quos verò fructus pariat, scribit
idem ad Eugenium. Primum, ait, ipsum fontem suum, id est, mentem, de ^{Lib. de Confid.}
qua oritur, consideratio purificat; deinde regit affectus, dirigit actus, corrigit ex- ^{cap. 7.}
cessus, componit mores, vitam honestat & ordinat; postremò diuinarum pariter
ac humanarum rerum scientiam confert. D. Gregorius paucis multa in hanc ^{Lib. 32. Moral.}
sententiam scribens complectitur: *Quanto quisque se minus videt, tanto* ^{cap. 2.}
sibi minus displicet; & quanto maioris gratie lumen percipit, tanto ampliùs
reprehensibilem se esse cognoscit. Hæc Gregorius.

23. Hæc

23. Hæc verò scientia, si vsquam, maximè in compositione voluntatis nostræ cum diuina Maiestate ac magnitudine comparatur. Quamdiu enim oculos in opera nostra, diuitias, aut splendorem externum (quo opinione hominum florere aut aliquid posse videmur) conijcimus, vel aures hominum adulatorum laudibus præbemus, mira de nobis concipimus, quasi nemo melior, nemo sit excellentior, saltē in aliquo genere; pluraque nobis affingimus, quàm reuera habeamus: sed vbi Deum intuemur, cui mundus vniuersus si comparatur, ne gutta quidem roris antelucani, vel momentum stateræ dici potest, & in omni PERFECTIōNIS genere eminet, sine vllo peccatorum nauo; cristas demittimus, cum & nulla sit nostra virtus quæ cum eius gloria conferri queat, multaque ac enormia vitia delitescant in nobis, quibus turpissimi apparemus.

Sap. 11.

Secundus fructus, notitia Dei.
Lib. 3. cit. de anima, cap. 6.

24. Secundus fructus est cognitio Dei: hæc enim clariùs apparet, cum trabem ex oculo nostro amoris proprii eduximus per notitiam infirmitatis nostræ, vt eleganter obseruauit Hugo de S. Victore. Redi, ait, ad cor tuum, & subtiliter discute ipsum. Considera vnde venis, quò tendis, quomodo viuas, quid agis, quid amittis, quantum quotidie proficis, vel quantum deficis, quibus cogitationibus magis incuraris, quibus affectibus frequentius tangeris, vel quibus tentationum machinis à maligno spiritu acrius impugnaris: & cum totum interioris & exterioris hominis statum & habitum, quantum possibile est, plenè cognoueris, & non solum qualis sis, verum etiā qualis esse debueris; de cognitione tui poteris subleuari ad contemplationem Dei. Hæc Hugo. Quis verò clariùs Deum videt, quàm qui in eius faciem perpetuò intendit oculos? Intuendo enim, homines cognoscimus; & quo diligentius singula lineamenta ac frequentius aduertimus, eo maior notitia ac familiaritas ex conuersatione mutuisque officijs enascitur. Accedit, Deum esse lucem quæ illuminat omnem hominem venientem in hunc mundum; & lumen quidem quod simul ignis est: vnde, qui propius accedunt, illuminantur & accenduntur; meritoque de eo dici potest, Non est qui se abscondat à calore eius, si quis se illuminandum exhibeat. Hoc igne calefactus Iacob in voces latissimas prorupit. Vidi, inquit, Deum facie ad faciem, & salua facta est anima mea. Eminens quædam species ac figura Dei obiecta fuit oculis Patriarchæ, quæ incredibiliter eum permouit. Vtinam & nobis diuina bonitas tale lumen figuramque obijceret: nam magno labore intellectus, rebus corporalibus & grandioribus figuris imbutus atque assuetus, Dei speciem efformat inhærentem. cauterio opus esset, quod nostris eam mentibus inureret.

Ioan. 1.

Psal. 18.
Genes. 32.

Sap. 15.

25. Hæc verò cognitio, adiuncta nostri notitia, consummata a iustitia est; (vt ait Sapiens) & scire iustitiam & virtutē, radix est immortalitatis. Oritur namque ex caritate & sapientia, quibus Dominus aliquid auxilij præuenien-

uenientis adjicit; & quærenti se liberali animo, liberalitatem rependit, nouo & ampliori lumine se patefaciens. Ex quo nascitur sensus quidam de Deo, & iudicium præstantius de eius excellentia, potentia, gloria, infinitate; maior item animi submissio atque obseruantia. Confirmatur quoque notitia de vilitate hominis concepta, ex collatione tantæ Maiestatis cum abiectissimo vermiculo. vnde cum D. Franciscus in quodâ Tusciæ monte, seu Aluerniæ, quem dominus Vrlandus ei dederat ad construendum Monasterium, oraret, magna noctis parte diuino spiritu eleuatus, nihil à Fratre Leone, qui illum tacitus obseruabat, auditus est dicere aliud, quàm: *Nouerim te, Domine; nouerim me. Quid es tu, dulcissime Deus meus; & quid ego vermiculus paruulusq; seruus tuus?* Vidit idem Frater Leo, dum hæc identidem Franciscus repetere, flammam ignis, oculis maximè delectabilem, è cælis in caput Francisci, in silua, eleuata in cælum facie, nixis genibus manibusque extensis deuotissimè orantis, demitti, tertioque in sinum immissam manum educi, eleuari ac protendi in cælum velut gestu quidpiam Deo offerentis. Deprehensus est post orationem Frater Leo; qui B. Francisco narrans quæ obseruauerat, ab eodem dictorum verborum, flammæ, protensaque in cælum manus interpretationem accepit. *Eram*, inquit Franciscus, cum verba illa proferrem, (*Nouerim te, nouerim me; Quid tu es Domine Deus omnipotens, & quid ego sum?*) in lumine quodam contemplationis, in quo videbam abyssum infinitæ bonitatis diuinæ, & innum deplorandum vilitatis mee: ideoq; dicebam, *Quid es tu, Domine, summe sapiens, summe bone, summe clemens, ut visites me, qui nihil aliud sum quàm summe vilis, vermiculus moai-cus, abominabilis, & despectus?* Petijt verò à me Dominus, cùm lumen illud videres, tres oblationes: quas cùm me habere negarem, iussus sum textio manum in sinum iniicere, & reduxi scillatim numismata tria inusitata magnitudinis, pulchritudinis, ac fulgoris, aurea; quæ eidem, ut mandabat, obtuli: factaq; trina oblatione, flexis poplitibus gratias egi, quod & dona largitus fuisset, & illa ipsa, tamquam à me profecta, suscepisset. Quibus significabat, paupertatem, castitatem, & obedientiam, virtutes altissimas ac splendidissimas, dono suo oblatas acceptissimas esse, & eas à me exactè seruari testabatur. Hæc Franciscus. Ex quibus fructum hunc duplicem oriri à conspectu diuini Numinis colligimus, vt & humilitatem nostram cognoscamus, & Dei excellentiam memori mente retineamus; ei que lubenter opera nostra, tamquam eius beneficia, quæ tamen vt nostra recipit, accepta referimus.

26. Nec tristitiæ vmbram hinc suspicari quis potest, (quod initio obiectum fuerat) quasi miseram ætatem degant, qui se totos diuinæ amicitie dedunt; nisi dicamus præsentiam amici tristitiam amico & dolorem adferre solere: nos verò fructum tertium in spiritali lætitia collocamus; etenim verè ait quidam: *Excepta sapientia nihil melius datum est homini*

D. Francisci exemplum.
Anton. 3. p. hist. tit. 24. cap. 2. §. 8. & in Chron. Min. Gall. 1. p. lib. 2. cap. 55. Bonau. in Vita sancti Franc. cap. 13.

a Tertius fructus, lætitia spiritalis.
Cic. lib. de Amicitia.

homini à Deo immortalī, quā amicitiā. Quid enim dulcius, quā habere quo-cum omnia audeas sic loqui, ut tecum? Quis esset tantus fructus in prosperis rebus, nisi haberes amicum, qui illis aequē ac tu ipse gauderes? aduersas verò res ferre difficile esset sine eo, qui illas grauius etiam quā tu ferret. Illis sanè graue est præsensem Deum sustinere, qui cum eo gerunt inimicitias; non ijs qui eum habent in delicijs. Tutò ei potes tua credere; fidelis est: siue enim in prosperis, siue in aduersis, semper eum aequabilem inuenies.

*Allegoria Nabal.
2. Reg. 25.*

Cum Nabal recusasset pueri Dauid subsidium annonæ eo tempore quo tonfores ouium conuiuio excipiebantur, & iratus Dauid cum quadringentis viris totam Nabalis familiam deleturus properaret; occurrit ei Abigail vxor Nabal, ac liberali oblatione humilique sermone sic iratum Dauidem placauit, ut non modò pepercerit Nabal, totique familiæ, sed & postmodum Abigail, prudentissimam mulierem, vxorem acceperit ac in delicijs habuerit.

Veterem hominem nostrum, qui erga Deum illiberalis est, eumque spernit, Nabal iste designat. Eius vxor, anima nostra fide & sapientia imbuta, altera Abigail eo prudentior est. Ille horret coram vero Dauide comparere; eius potentiam fugit ac reijcit: sed Abigail alacriter occurrit Domino suo, eum Regem vocat, illum prædicat, illi se commendat. nec frustra: talis namque anima non modò non interficitur, sed eam etiam benignè Dominus excipit; in sponsam assumit, & in delicijs habet. Mortuus quidem est Nabal; uti & vetus homo crucifigi debet, si Abigail diuinæ sapientiæ copulari velit: quæ certè lubentius & honoratius, maiori cum quiete ac gaudio, Deo nouoque sponso quā veteri suo viro adhæret; sicut & Abigail lubentius ac splendidius erat cum Dauide in palatio, quā cum Nabal in Carmelo. Plus enim deliciarum habet homo spiritualis vno die, plus honoris cum Deo, quā centum diebus in desiderijs corporis sui. quod ipse Dauid testatur, cum ait: *Melior est dies vna in atrijs tuis super millia; ideoque elegi abiectus esse in domo Dei mei magis quā habitare in tabernaculis peccatorum.*

Psal. 83.

27. Adde magnam homini Deo familiari ingenerari confidentiam; auxiliumque aduersus hostes perpetuò esse paratum: quo quidem nihil iucundius accidere potest, deserto præsertim ac solitario, omnique humano solatio destituto; maximè ubi aduersarij & varij & acres insistent; exploratumque est homini, se nec fortio rem nec sapientio rem nec certio rem celesti Numine protectorem nancisci posse. *Qui habitat namque in adiutorio Altissimi, in protectione Dei cali commorabitur. Dicit Domino: Susceptor meus es tu, & refugium meum. & ei vicissim Dominus: Clamabit ad me, & ego exaudiam eum; cum ipso sum in tribulatione; eripiam eum, & glorificabo eum.*

Psal. 90.

Non

Non dicant ergo vani homines vitam tristem agere, qui Deo sese familiares reddunt: enimvero tristissima est illa vita, quæ a Deo, vero solatio, separatur; omnisque vita, quæ ab illo non manat, innumeris doloris ac tristitiæ aculeis manet obnoxia. Qui letari vult, à peccato, à mundo, à delicijs carnis recedat: *extrema enim talis gaudij luctus occupat.* Vos autem *exultate iusti in Domino, rectos decet collaudatio.* *Leta- tus est populus,* (vt in libro I. Paralipomenon legitur) *cum vota sponte promitterent, quia corde toto offerebant ea Domino: sed & David Rex letatus est gaudio magno, & benedixit Domino coram vniuersa multitudine.* Quare cum eodem Rege sancto lati dicamus: *Renuit consolari anima mea; memor fui Dei, & delectatus sum, & exercitatus sum, & defecit spiritus meus. & Providebam Dominum in conspectu meo semper; quoniam à dextris est mihi, ne super & caro mea requiescet in spe. denique: Introite in conspectu eius in exultatione.*

CAPVT V.

Proponuntur duo alij fructus quos diuina presentia memoria producit: timor & humilitas.

28. **Q**UARTVS fructus, qui ex præstantissima hac arbore colligitur, est timor Domini: non is tantum, qui principium est sapientiæ; sed & ille, qui à filio patri redditur, aut à sponsa marito; quique à Sapiente *gloria, & gloriatio, & letitia, & corona exultationis* appellatur. Et sanè, qui incipiunt cum Deo familiariter versari, primum omnium timorē velut ex matris ubere lac sitientes hauriunt. Hinc prima reconciliationis fundamenta iaciuntur. Timor enim ille expellit peccatum: nam qui sine timore est, non poterit iustificari. Dicitur enim: *Initium sapientiæ timor Domini. & In timore Domini declinatur à malo.* Pergitur vterius: incipiet enim ad Deum accedere per opera bona. *Qui timet Deum, faciet bona.* Opponet quoque se tentationibus: *qui enim timet Dominum, nihil trepidabit, & non pauebit, quoniam ipse est spes eius. denique, qui timetis Dominum, diligite illum; & illuminabuntur corda vestra.* Hic timor radix sapientiæ est: erumpit enim ex eo amor Dei, & timor filialis, qui plenitudo sapientiæ est; & vterque ex Dei affiduo conspectu oritur.

Regina Saba venit à finibus terræ audire sapientiam Salomonis, *Regina Saba,* detulitque secum præstantia munera; quem cum vidisset & audisset, *3. Reg. 10.*

Sf 2

non

*Ex conspectu
Dei nasci ti-
morem.*

Psal. 84.

*Psal. 86.
Matth. 12.
Luc. 11.*

Luc. 10.

Matth. 11.

*Timor ianitori
comparatur.*

2. Reg. 4.

*Vana gloria ac
desidia facile
se insinuant
absente timore
Dei.*

non habuit vltra spiritum, & in has voces erupit: *Verus est sermo quem au-
diui in terra mea super sermonibus tuis, & super sapientia tua; & non crede-
bam narrantibus mihi, donec ipsa veni, & vidi oculis meis, & probavi quod me-
dia pars mihi nuntiata non fuerit. Beati viri tui, & beati serui tui, qui stant
coram te semper, & audiunt sapientiam tuam. O utinam omnes homines
hanc sapientem mulierem imitarentur, venirent Ierusalem, intrarent
animos suos, alteram Ierusalem, pacisque visionem, vbi Deus pacem lo-
quitur in plebem suam! Vana sunt omnia quæ lucente sole videmus, quæ
audimus: gloriosa dicta sunt de te, ciuitas Dei; sed homines credere no-
lunt. Ecce plus quam Salomon hic. Ipsum adeant, muneraque deferant:
alia verò feras opus non est, nisi cor tuum; da illud, & ad conspectum
tanti Salomonis admittêris. Quòd si tibi hoc contingat, miraberis
stultitiam tuam; tanto nempe tempore tantam gloriam neglexisse:
perdes omnino spiritum præ admiratione eorum quæ in tali Dei obse-
quio videntur & audiuntur. O beati serui illi, Domine, qui stant per-
petuò coram te, & vident sapientiam tuam! Multi Reges voluerunt vi-
dere & audire; non viderunt, & non audierunt: Deus enim abscondit hæc
à sapientibus & prudentibus, & reuelat ea paruulis, seque timentibus. &
merito: nam cor nostrum natura sua vanitati obnoxium est, facileque
diuitias suas exponit; nec defunt fures, qui domum ingrediantur, &
thesaurum abripiant: quare ianitore opus est, qui & non nihil seuerior
sit, & neminem admittat; nemini quoque ianuam aperiat sine domi-
ni expresso mandato. Eius cura est, fenestras corporis claudere; ni-
hil eorum, quæ intus aguntur, iniussu domini manifestare; curiosita-
tem exterminare; verbositatem cohibere; ab ingressu latrones, vanam
gloriam & desidiam, arcere. Luctuosus namque casus fuit Isboseth,
filij Saul: qui cum in meridie dormiret super stratum suum, & ancilla
ostiaria, purgando tritico deputata, obdormisset; duo latronum princi-
pes, Rechab & Baana, ingressi sunt domum latenter, & percusserunt
eum in inguine, & fugerunt. Isboseth, Rex Israël, virtutis amatorem
designat, Deo seruientem, iamque passionum suarum impotentia vt-
cumque imperantem, plus æquo tamen in suo feruore, quasi in meri-
die, confidentem. Etli namque confidere in Domino, atque in eo
quiescere debeamus; non sine ancilla tamen vigile, nempe Dei timore:
cuius est etiam purgare intentiones nostras, & paleas à bono grano se-
parare; cogitationes bonas admittere, pellere noxias. quæ ostiaria si
dormierit, en duo latrones, vana gloria ac desidia, quæ admodum
furtiuè solent ingredi: & quamuis blandæ prima facie appareant; quid-
quid agant, petunt iugulum. Desidia auocat à Dei præsentis conspectu,
vana gloria penitus inuadens furatur omnia. At caue: qui tibi hæc
dona largitus est, gloriam in alterum transferri prohibet. *Gloriam
meam.**

meam, inquit, alteri non dabo. Nec modò hæ pestes Dei dona surripiunt, sed & ceruicem petunt, sensim vitam adimunt. Quid enim refert, siue ingentem trabem secem securi, siue vermis depascens illam rodendo comminuat? *Time sagittam,* ait Bernardus: *leuiter volat, leuiter penetrat;* Serm. 6. in Psal. Qui habetat. sed dico tibi, non leue infligit vulnus, cito interficit. Nimirum sagitta hac vana gloria est. Hæc Bernardus.

29. Meritò ergo timet, qui tantum habet præsentem Dominum; Timoris stillatates. quia potens est, & multa ei ad manum punitio est: etsi non essent alia, quàm quòd concessa bona ab ingratis & furibus retrahat, quòd faciem suam abscondat, quòd solatia sua subducat, quòd sine timore nemo possit perseverare. Sicut enim ciuitas sine custodia, hostium cupiditati patet; &, quantumcumque altos muros habeat, sine tamen defensione aut vigilantia suas vires amittit: sic & animus hominis virtutum præsidio munitus, ac thesauris refertus cælestium donorum, facile occupabitur, si timore Domini custode careat. *Secretum meum mihi,* Isaia 24. *secretum meum mihi.* Multi pacifici sint tibi, & consiliarius sit tibi vnus de mille. Eccli. 6.

Sic luceat lux vestra, ait Christus, *coram hominibus, vt videant opera vestra bona, & glorificent Patrem vestrum, qui in celis est.* Videant quidem homines, sine tamen operantium ostentatione ac iactantia. Inter opera præcipua, quibus Deus in hominibus laudatur, modestia est, timor Domini, & ceteri fructus qui ex præsentia Dei conspectu prodeunt. Offenduntur homines nostra gloriæ cupiditate, nullo nostro fructu; imò iacturam maximam interiorum bonorum interea facimus. Nemo Simile. pecuniæ locuples appendit crumenam, etsi holosericam, collo suo, cum sese dat in iter, vbi præsertim latrones multi sunt; alioquin censetur & crumenam & pecuniam prodigere, & periculo euidenti exponere. quod D. Gregorius eleganter expressit. *Deprædari,* ait, *desiderat,* Hom. 15. *qui thesaurum publice portat in via.* Qui ergo hoc exercitio se cupit exponere, ac proficere, sic exterius se gerat, vt nemo facile aduertat quid animo verset: vbi cubiculo conclusus vel tenebris tectus est, faciat quod velit; suspiria tamen non trahat, non impediat aliorum orationes aut quietem; &, si qui deprauati in se motus exurgentes comprimendi sint, sic agat, vt signa externa non edat, quibus alij offendantur, aut infirmi temere iudicandi occasionem accipiant; sicque arcanorum omnium solus Deus testis habeatur. In conuersatione communi etsi aliorum defectibus se conformare ac inquinare non debeat, Stoicos tamen mores fugiat, & præter modestiam singularem nihil exterius effingatur, quod omnibus ædificationi esse non possit. Reliquos oportet.

30. Quintus fructus est humilitas, germana timoris: quis enim quidquam sibi audeat arrogare, quis sibi aliquid adscribere, quis honores ambire, qui præsentem habeat tantam Maiestatem? Si enim viginti-qua- Quintus fructus, humilitas. Apoc. 4.

Apo. 5.

Eccl. 9.

Isa. 6.

Ps. 61.

Exod. 34.

2. Cor. 3.

Allegoria Re-
becca.
Gen. 24.

tuor seniores viso Agno cadunt in faciem suam, habentes in manibus phialas aureas, plenas odoramentorum, quæ sunt orationes sanctorum; quanto magis mortales, qui de salute sua adhuc titubant, incerti utrum amore an odio digni sint! Considerantes namque Dei gloriam immensam, non modo in faciem cadere, sed usque ad inferos se demittere, æquissimum videretur. Seraphim alis senis sic utuntur coram immensa illa Maiestate, ut duabus volent, duabus Dei pedes tegantur, duabus velent faciem eius. Et quidem volare necessario nobis incumbit, si in cælum cupimus pertingere: ideo enim alæ orationis & contemplationis datæ sunt. Et sanè multis indigemus, quæ, nisi petendo, non obtinebimus: nec petere debite poterimus, nisi ad cælum volumus. At quis coram illa Maiestate comparere audeat? Tegi debent & pedes timore ac amore, sed humilitate ac modestia facies velanda est. Quid? nonne Deo subiecta erit anima nostra? & si in faciem Moyse nemo posset oculos intendere, propter gloriam vultus eius, ideoque velo obduci debuit; quanto magis modestiæ velum inter nos Dei que faciem debet intercedere!

Cum Rebecca abduceretur à domo patris sui Nachor, ut Isaac sociaretur coniugio; ipsa in Palæstinam veniens reperit virum quendam occurrentem sibi in via quæ ducit ad puteum, cuius nomen est Viuentis & videntis. Ipse erat Isaac, qui illuc meditandi gratia venerat, quem prospiciens Rebecca, à seruo sciscitata quisnam esset ille vir, respondit seruus: Ipse est dominus meus Isaac. Quare Rebecca, conspecto Isaac, descendit de camelo, tollens, citò pallium operuit se. Isaac vero introduxit eam in tabernaculum Saræ matris suæ, & accepit eam uxorem; & intantum dilexit eam, ut dolorem, qui ex morte matris eius acciderat, temperaret. Rebecca animam Dei amantem ac virtutis studiosam significat, quam Deus, verus Isaac, in sponsam adsciscit. quæ antequam in sponsi præsentiam veniat, sæculi moribus imbuta, & inuercundiæ assueta, parum curat qualis in conspectu Dei appareat, modò hominum placeat oculis: at ubi præsentem eum videt, cui perpetuo amoris vinculo copulari desiderat, tamque stupendam in eo Maiestatem aduertit, & camelo ac superbiæ sede descendit, gradus, dignitates, opinionem hominum abdicat à se, aut certè parui facit, & quasi vna de turba pedibus ambulat, corporis nuda, parum decora, contegit velo humilitatis, & pallio modestiæ animum mentemque operit.

Modus hic est demerendi sibi verum Isaac, ut nos in tabernaculum suum introducat, & in carissimam sponsam, quam deinde summo amore complectatur, accipiat.

CAPVT

CAPVT VI.

Reliqui duo fructus qui ex præsentia diuina conspectu colliguntur: nempe compositio morum, totiusq; hominis externi; item vltimus, anonymus.

31. **S**EXTVS fructus est morum totiusque hominis externi compositio. Quis enim audeat præsente Rege nugari, cachinnari, infanire, alium percutere, Regi aut eius filio detrahere, calumniari, domestico illius iniuriam facere? Quod de ieiunio D. Basilii scribit, hîc Dei præsentiæ adscribere non est alienum. Sicut enim (ait) discipuli in classe, absente magistro, nimium insolescunt, verbis & verberibus sæpe contendunt, vociferantur, currunt, omniaque euertunt; superueniente verò magistro, momento quiescunt omnia, vixque vnus mutire audet: sic & homines bacchantes ante Quadragesimam; cuius ieiunio comparente, die nempe Cinerum, sedatissima sunt omnia, bacchantium voces nullæ audiuntur, sed potius pœnitentium gemitus. Sic & homines, Dei memoria deposita, quasi absente magistro, moribus dissolutissimi sunt: qui vbi Magistrum magistrorû oculis animi conspiciunt, componunt sese, & quid dicant, quid agant, quibus motibus agitentur, considerant; ne Heri reprehensione castigati, si sese non correxerint, à conspectu Domini reijciantur. Solent vxores maritorum desiderijs placere, non modò in vestitu, sed & in oculis demittendis, torquendis, dirigendis, in modo loquendi; vt, seruato decoro, cuiusque, quod suum est, tribuant: in gestibus verò sic student accommodare se, vt, siue incedant, siue caput, manus, pedesque moueant, compositionis cuiusdam rationem habere videantur. Non sunt viri Deo meliores; nec minori nos vinculo Deo obstricti, quàm vxores maritis.

Quomodo ergo oculos componemus? Vtinam imitemur seruos aut pedisequas, dominos aut principes mulieres omni loco comitantes! attentissime obseruant omnes nutus ac motus dominorum: qui si manum oculumve moueant, statim, quid illi velint, serui concipiunt, aduolant, audiunt, & mandatum exequentur. Modum hunc exemplo suo præscribit Regius Propheta. *Ad te, ait, leuani oculos meos, qui habitas in caelis. Ecce sicut oculi seruatorum in manibus dominorum suorum, sicut oculi ancillæ in manibus domine suæ; ita oculi nostri ad Dominum Deum nostrum, donec misceatur nostri.* Vtemur ergo optimè oculis, si attendamus quid à no-

Sextus fructus, compositio morum, totiusq; hominis externi.

Orat. 2. de ieiunio, circa medium.

Simile. Magistri præsentiæ coerces discipulos.

Sensuum compositio.

I. Oculorum.

psal. 123.

à nobis Dominus, quem oculis obiectum habemus, faciendum exigit. Turpe est viro, ac sponso cælesti displicet, si cuius oculi in faciem alterius defigantur; meritoque zelotypiæ concipiendæ zelanti domino præbatur occasio. qua nihilominus, (vt ita dicam) si quis alius, Dominus Deus laborare videtur, & se hoc zelo teneri profitetur; oditque profanos oculos, quibus videntes vel inordinate mouentur ipsi, vel alijs permouendis ansam præbent.

*In Chron. Mi-
worum Gallicè,
lib. 1. cap. 34.
Pulchra para-
bola de custo-
dia oculorum.*

32. Hanc doctrinam D. Franciscus Fratribus sedulo inculcabat, al-
lato etiam hoc enigmate. Rex quidam prepotens, sed pius, successitque duos
ad Reginam legauit nuntios; quorum prior reuersus, & verbis tantum propositis
verba reddidit, & de Regina persona planè retulit nihil: siquidem oculos cautè
tenuerat, ne in Regina faciem prosilirent. Redijt alter, & post pauca, quæ ad
legationem pertinebant, Vere, inquit, domine Rex, vidi pulcherrimam mulierem:
felicem te reputo, cui illa coniux obtigerit. Serue nequam, inquit Rex, verè
impudicitiam tuam prodis: quid superest, nisi vt concludam, te prospectam im-
pudicis oculis, opprimere animo cogitasse? Priori verò nuntio ascito, Quid, ait,
de Regina tibi persona videtur? Optimè, respondit: nam & patienter me audi-
uit, & sapienter respondit. Sed quid de forma & pulchritudine eius censet?
Tuum id est, ait, Rex, & videre & indicare: mei muneris fuit, verba eius au-
dire ac referre. Tum Rex, de vtroque ferens sententiam, illum palatio expulit,
hunc verò à cubiculis constituit: Ne, inquit, ille thalamum meum polluat; tu
verò illum custodias. Quibus Franciscus subiiciebat: Quis non deberet
vereri, in Christi sponsam profanos oculos coniungere? Quod D. Paulus de vxor-
ibus & mundo statuit, sensibus externis accommodare abs re non fue-
rit: vt, qui habent vxores, tamquam non habentes sint; & qui vtuntur hoc
mundo, tamquam non vtantur. Visum habeamus, & tactum, aliosque
sensus, simus tamen tamquam non habentes; sicque ijs vtamur, tam-
quam non vtentes, nisi quantum necessitas requirat: velant enim in-
ternum obtutum accepta phantasmata, nobisque (vt ad summum altare
velum appensum & extensum) Dei conspectum ac visionem adimunt.
Nihil verò sic valet ad visum sensusque alios moderandos, quàm men-
tem sanctis cogitationibus habere occupatam, & in Deum præsentem
intentos oculos retinere.

2.
*Quomodo lo-
quendum.
2. Eccli. 20.*

Iacob. 3.

33. Sapienter & sensatè coram Rege loquendum est: nam (vt ait « Ec-
clesiasticus ») sapiens in verbis producet seipsum, & homo prudens placebit ma-
gnatis. Prodit se fatuum, qui sine sensu coram Principe, quidquid in
buccam venit, effutit. Coram Deo quàm sensatè, quàm prudenter
nobis loquendum est! Hinc studium taciturnitatis in Patribus, qui
multis annis ne verbum quidem locuti sunt, nisi confessionis Sacra-
mentalibus gratia. Et sanè facilius est omnino tacere, quàm prudenter
loqui: yndè cum D. Iacobus perfectum vocat, qui in lingua non deli-
querit.

querit. Dicit quidam : *Quoties inter homines fui, minor homo redij.* *Apud Thom. à Kempis lib. 1. de imit. cap. 20.* & tamen ille ipse inter perfectos reputari meritò potest. Quantum ergo à nobis desciscimus, dum sine modo, sine presentis Numinis intuitu, linguæ habenas laxamus; nec frenum, quod manu contrahamus, retinemus!

34. In conspectu Regum de eorum gestis, aut maiorum, sermonem *Quibus de rebus loquendū.* institui, gratum illis est. In cælo magnifica Dei opera referuntur; nec sermo alius, quàm magnitudinis eius, beneficentiæ, rerumque ab eo præclare gestarum commemoratio. *Beati qui habitant in domo tua, Domine; in sæcula sæculorum laudabunt te.* *Psal. 83.* Qui in cælorum atrijs versari volunt, & cum Rege conuersari, eos de rebus ad eius gloriam pertinentibus loqui oportet: idque meritò exigit, quandoquidem iure optimo ab omnibus omnia ad eius honorem referri debeant.

35. Cauenda quoque à nobis iactantia est, quasi aliquid egerimus, aut facere statuamus, postposita eius memoria vel auxilio. Non solent vñquam Palatini coram Imperatore commemorare quidquam à se factum, etsi Rex nesciuerit quidem, si auctoritate aut nomine Regio fecerint, quod Principi suo non adscribant. Rex officia dedit, ipse sententias tulit, ipse noxam remisit: quia nempe eius nomine factum est. Caueamus coram Rege ne quidquam nobis attribuamus, cum sine eius gratia auxilioque facere potuerimus nihil, aut possimus in futurum: ideoque ei gratiam hominum colligamus, non nobis; ne furti arguamur, & vanæ emulationis. hoc enim delicti genus valde noxium est. Idcirco B. Petrus, cum stupentes Iudæi cateruatim accurrerent, ut viderent claudum in verbo Petri ambulantes, *Viri, ait, Israëlita, quid miramini in hoc, aut nos quid intuemini, quasi nostra virtute aut potestate fecerimus hunc ambulare? Deus Abraham, & Deus Isaac, & Deus Iacob glorificauit Filium suum.* *Act. 3.* IESVM. Gratiam ergo populi non aucupari, sed Christo deferri voluit. & D. Iacobus, *Ecce nunc, inquit, qui dicitis, Hodie aut crastino ibimus in illam ciuitatem, & faciemus ibi quidem annum, & mercabimur, & lucrum faciemus; pro eo ut dicatis, Si Dominus voluerit.* *Iac. 4.* Displicet namque Deo arrogantia iactantiaque cum interna, tum maxime externis signis expressa; & arrogantior agendi modus, qui superbiæ suspicionem carere non potest. Si offendantur Principes, quod familiares, quæ fecerint ipsi, sibi arrogare videantur, & animos ac beneuolentiam subditorum sibi conciliare; non offendetur Dominus, qui rerum omnium auctor est, non tantum quia eius auctoritate fiant, vel nomine, sed quia *sine ipso factum est nihil?* *Iean. 1.* Nihil rectè ac laude dignum geremus, si nostra nobis tamquam auctoribus arrogemus.

36. In conuersatione etiam Philosophi profani multa obseruarunt. *a Lib. 1. Officij.* *In conuersatione ne qualis sermo sit sermo lenis, ait Cicero, minimèque pertinax. Neque verò, tamquam in possessio- esse debeat.*

T t

possessionem suam venerit, excludat alios, sed cum reliquis in rebus, tum in sermone communi, vicissitudine nonnumquam utendum putet: ac videat in primis quibus de rebus loquatur; si serijs, severitatem adhibeat, si iocosis, leporem. In primis provideat ne sermo vitium aliquod indicet inesse moribus: quod maxime tum solet euenire, cum studiosè de absentibus detrahendi causa aut perdidiculum, aut senerè, aut maledicè contumeliosèq; dicitur. habentur autem plerumque sermones aut de domesticis negotijs, aut de republica, aut de artium studijs & doctrina. Danda igitur opera est, ut, etiamsi aberrare ad alia cœperit, ad hæc reuocetur oratio. Sed quoniam in omni vita rectissime præcipitur, ut perturbationes fugiamus, id est, motus animi nimios, rationi non obtemperantes: sic eiusmodi motibus sermo debet vacare, ne aut ira existat, aut cupiditas aliqua, aut pigritia, aut ignavia, aut aliquid tale appareat. maximeq; curandum est, ut eos, quibuscum sermonem conferimus, & vereri & diligere videamur. Ita profani Philosophi in præsentia Rationis loquendum esse censent, ne ab ea arguantur: quid Christiani in præsentia Creatoris sui? Quod si officio rectè obeundo desint, si aberrant, si quid libidinosè, intemperatè, iracundè, scurriliter loquantur, quanto magis reprehensibiles erunt! Hi loquuntur de priuatis negotijs, de republica, de studijs: nobis non desunt historiæ quoque sacræ, infinita sunt quæ de Deo, de beatorum rebus gestis, de sacris litteris, de virtutū exemplis narrentur; & si quando à scopo aberrat, ad hæc capita reuocetur oratio. Verùm ad mores corporisq; reliqui compositionem veniamus.

Morum compositio coram Deo.

37. Illud sanè videndū, quid coram grauib; sapientibusq; viris nobis agendum foret: solet enim quisque, vel etiam deprehensus, illico sese in se recipere, quidq; sibi agendum, & quid qui præsens, honore dignus, exigat pro sua dignitate, cogitare.

Apud Suvium tom. 3. fol. 721.

De S. Romualdo scribit Petrus Damianus, Rainerum Tusciæ Marchionem, vanitatibus mundi alioquin & potentia tumentem, solitum
 » dicere, sibi non Imperatorem posse tantum metum incutere, non vltimum mortalium, quantum se Romualdi terreret aspectus: ante eius
 » quippe vultum neque quid diceret scire, neque, quibus se defenderet, exculationes inuenire. Habebat reuera vir sanctus hanc ex diuino munere gratiam, ut quicumque peccatores, præsertim potentes sæculi, in
 » eius præsentiam venissent, mox ut ante Maiestatem Dei territi formidarent. Sanctus nimirum Spiritus, qui pectori eius insidebat, hunc terrorem iniustis intentabat. Vbi ergo Deum habemus præsentem, si verè apprehendamus, docebit ipsa ratio quid tanti Domini sapientia ac dignitas requirat, ni velimus confundi.

Sunt qui morum motuumq; ac gestuum tradant præcepta; quæ cum ex naturæ lege eruantur, & verò ex prima & æterna lege promanant, non possunt non iusta probari. Audiamus de hisce præcepta tradentem.

dentem Philosophum moralem. Cum autem pulchritudinis duo genera *Cicero Offic. lib. 1.* sint, (inquit) quorum in altero venustas sit, in altero dignitas; venustatem muliebrem ducere debemus, dignitatem virilem. Ergo & à forma remoueatut omnis viro non dignus ornatus, & huic simile vitium in gestu motuq; caueatur: nam & palæstrici motus sepe sunt odiosiores, & histriionum nonnulli gestus ineptijs non vacant; & in utroque genere, quæ sunt recta & simplicia, laudantur. Adhibenda est præterea munditia, non odiosa, neque exquisita nimis, tantum quæ fugiat agrestem & inhumanam negligentiam. Eadem ratio est habenda vestitus, in quo, sicut in plerisque rebus, mediocritas optima est. Cauendum est autem ne aut tarditatibus vitamur in gressu mollioribus, ut similes pompæ ferculis esse videamur; aut in festinationibus suscipiamus nimias celeritates: quæ cum fiunt, anhelitus mouentur, vultus mutantur, ora torquentur; ex quibus magna significatio fit, non adesse constantiam. Hæc sunt è natura deprompta. Pudet, quæ ab Ethnico scribuntur, à Christiano, qui se in præsentia Dei perpetuò versari credit, non seruari.

Maiores in diuinis tremendisq; mysterijs cautio reuerentiaque requiritur; quam parum attendunt, qui stantes oculos huc illucque detorquent, variasq; & perniciosas cogitationes asciscunt, cincinnos capitis conuoluunt, barbam mulcent, aut vtrinque diducunt, vestes ostentant, denique ibi tantummodo inciuiles ac incompositi sunt, eoque tempore & loco, quo tremere, prosterni, lacrymari, pectora tundere, de peccatis veniam petere deberent. Si Deum præsentem tunc non habeant, quid in conclauis, quid in symposio, quid inter calices & maiora animæ pericula facturi sunt?

38. Meditationi suæ quoque respondet decens aptaque compositio. *In meditatione.* Stant quidam lubentius; flectunt alij poplites; alij, quod corporis infirmitas requirat, innituntur, aut sedent. Quidquid fiat, Deo suæ debetur reuerentia, sed maxime in oratione. Ne tecto capite, aut inconcinne innitendo, vagabundis oculis orans videatur, ipsa Dei præfens Maiestas, à qua infimis precibus aliquid petitur, omnino suadet. Non sic, alioquin pauperes, mendicant; non sic libelli supplices Regibus porriguntur.

39. Rebus quoque domesticis cum mundities, tum maxime decorus *Qua deceant in domibus & cubiculis.* ordo ac compositio respondeat, in ijs quæ siue corpus vestiunt, siue cubacula, oratoria, atque alia concernunt, quæ singulis quibusque locis collocantur. Angeli plerumque leguntur in vestibulis albis apparuisse, tamquam osores sordium: & in sepulcro Domini, quod Angelorum erat custodiæ demandatum, omnia composita Petrus & Ioannes post resurrectionem reppererunt. Introiens nempe Petrus in monumentum, (ait Ioannes) vidit linteamina posita, & sudarium quod fuerat super caput eius, *Ioan. 20.* non cum linteaminibus positum, sed separatim inuolutum in vnum locum.

T t 2

Cum-

*Circa lectum
qua deccant.*

*In Vita eius
apud Surinm.
Lib. 2. Vita S.
Dominici, c. 13.
S. Dominici
pulchra Visio
de B. Virginis
sollicitudine.*

*Septimus fru-
ctus, anony-
mus.*

a Manna.

b Apoc. 2.

c Consolatio.

d Psal. 30.

e Præmium.

f Isaia 64. &

1. Cor. 2.

g Vnctio.

1. Ioan. 2.

3. Reg. 10.

Cumque omnium, quæ in cubiculis sunt, ratio magna habenda est, tum lecti maximè, & quæ ad illum spectant; ut linteorum nihil appareat; & si fieri possit, ne ipse quidem lectus interdum videatur, cortinis contegatur: in quo cum quietis tempore degendum est, ea corporis compositio ac situs deligatur, qui nec diuinis oculis, nec Angelorum Præsidum puritati displiceat. magnum enim ornamentum pudicitia est, quæ, ubicumque conspiciatur, res ipsas incredibiliter venustat atque cohonestat. D. Dominicus Romæ apud S. Sabinam quiescentibus Fratribus orans, ipse B. Virginem, duabus sanctis virginibus Cæcilia & Catharina (quarum altera vas aquæ benedictæ, altera aspergillum porrigebat) comitatam, vidit singulorum cubacula adeuntem, & aqua lustrali ac crucis signo eos consignantem, quos decenter compositos reperiebat. Fratrem vnum prætermisit. Causam cum ignoraret B. Dominicus, quæsiuit ex eodem manè quid illi ea nocte accidisset. Falsus est bonus Frater aliquid in decentia ac honestate in se desiderari potuisse: nam euigilans se nudo corpore esse repperat, ceteroquin omni culpa carentem. Ideo, inquit Dominicus, suam benedictionem beatissima Virgo cum ceteris impertiuisset, te tamen dignata non fuit.

Septimus fructus anonymus est; ideoque caret nomine, quòd nominari sciri que non possit, nisi ab eo qui expertus fuerit. Si manna velis appellare, ^b absconditum est, & nomen nouum, quod nemo scit, nisi qui accipit. si ^c consolationem, ^d magna sanè est multitudo dulcedinis Dei, quam abscondit timentibus se. si ^e præmium, ^f oculus non vidit, nec auris audiuit, nec in cor hominis ascendit, quæ præparauit Deus ijs qui diligunt illum. si ^g vñtionem Spiritus, certè illa non deerit vñctio, quæ sanet, quæ inflammet, quæ nutriat; sanet vulnera, corda inflammet, sancta desideria nutriat. Iis sanè, qui sensus in hoc genere exercitatos habent, dicit D. Ioannes: Vos vñtionem habetis à Sancto, & nostis omnia. &: Vñtionem quam accepistis ab eo, maneat in vobis; & sicut docuit vos, manete in eo. &: Non necesse habetis ut aliquis doceat vos; sed sicut vñctio eius docet vos de omnibus, & verum est, & non est mendacium.

Hic fructuum fructus locupletissimus est. Beata dies illa, qua nos fecerit in tabernaculum suum Dominus introire, in illo manere, illo frui, in eo ad finem vsque perseverare. Qui deinde fructus consequantur, nemo nouit, nisi qui accipit; expertus cum Regina Saba potest exclamare: Vidi oculis meis, & probaui quòd media pars mihi nuntiata non fuerit. Maior est Dei bonitas, eiusque opera, quàm rumor quem audiui. Non credebam narrantibus mihi, donec ipse veni & vidi. Beati ergo ij qui stant coram te, Domine, semper, & audiunt sapientiam tuam. Sit Dominus Deus eorum benedictus in sæcula.

CAPVT

CAPVT VII.

Ex tribus modis generalibus existentia Dei in rebus, per essentiam, presentiam, & potentiam, eruntur alij particulares.

40. **A**GGREDIAMVR demum quod in hac de Dei presentia quaestione difficillimum est, cum vt explicetur, tum vt in Praxim reducat. Praesens etenim vita à futura in eo distinguitur, quod beati actualiter perpetuò de Deo cogitant, Deum amant, & non cogitare, non amare non possunt: nobis ea praesidia viresque non suppetunt; corpore quippe mortali, tamquam instrumeto corruptibili, nobis vtendum est, cuius modum limitesque excedere frustra tentaremus: vnde, nisi quis prudenter in hac Praxi versetur, tantum abest vt negotium PERFECTIIONIS suae promoueat, vt etiam vires exhaustiat, caput laedat, & se omnino ad mentalia officia exercenda inutilem reddat.

Vita praesentis & futura distinguitur.

Cautela adhibenda in exercitio praesentiae diuinae.

Nihilominus suadent sancti Patres hoc conceptae diuinæ presentiae exercitium, tamquam medium & instrumentum conueniens ad PERFECTIIONEM capeffendam, cum propter exercitij praestantiam, tum propter plurimas vtilitates, quarum nonnullas capitibus praecedentibus attigimus. qua de re ita loquitur Hugo de S. Victore: *Sicut nullum est momentum quo homo non utatur ac fruatur Dei bonitate & misericordia; sic nullum debet esse momentum quo eum praesentem non habeat in memoria.* Omne tempus in quo de Deo non cogitas, hoc te computa perdidisse.

Instit. Monast. lib. 3. de anima, cap. 3. Et Bern. lib. de interiori domo, cap. 9.

41. Quare modi quidam è sanctis Patribus educendi erunt; ijque & faciles, ne concipiendo laedatur imaginatio; & varij, vt varietas delectationem adferat, pellat tedium, iuuat denique continuationem.

Illud in primis constat omnibus, hic non agi, vertique in dubium, vtrum Deus sit in rebus locisque omnibus; eo enim Scripturae diuinæ Patresque omnes nihil pæne inculcant frequentius, & vt id ipsum certum testatumque praesupponeremus, initio probaui Deum esse vbique, & omnia videre ac operari: sed quaeritur quemadmodum concipiamus praesentem, & memores simus illius; eum denique, qui nos videt ac intuetur, quomodo videamus. Quare modi quidam concipiendi sunt, quibus id cum facilitate, fructu, ac delectatione assequi possimus.

Modi ergo seu rationes generales, quibus vbique esse Deus declaratur, auctore D. Thoma post S. Gregorium, sunt tres. Est enim in rebus omnibus ac locis per essentiam, praesentiam, & potentiam: quæ tria

Par. 1. q. 8. a. 3. Tribus modis Deum esse in rebus.

T t 3

capita

Modus 1. per
essentiam.

a 1.
b 2.

Hom. 8. in
Ezech. ante
medium.

Sap. 8.

3.

Deus per mo-
dū obiecti cog-
niti ac dilecti
in homine esse
dicitur.

1.

Naturaliter.

2.

Supernatura-
liter.

a Loco citato.

Modus 2. quo
Deus ubique
est, per prae-
sentiam.

Iob 42.

capita sunt, ex quibus multi modi effingi ac concipi possunt, quibus nobis Deus præsens redditur. Consideratur enim in omnibus * prius verè existere: b deinde sic in illis esse, ut cuique rei esse tribuat & cōseruet: mouet etiam, agit, operatur, dum homo intelligit, vult, amat; & hæc tamquam primus motor, & causa effectiua. quod D. Gregorius ita distinguit: *Omnia tangit, nec tamen equaliter omnia tangit: quædam enim tangit ut sint, nec tamen ut uiuant & sentiant; sicut sunt cuncta insensibilia: quædam tangit ut sint, uiuant, & sentiant, non tamen ut discernant; sicut sunt bruta animalia: quædam tangit ut sint, uiuant, sentiant, ac discernant; sicut est humana & Angelica natura.* Hæc Gregorius. Nonnulli namque, etsi ad diuinam prouidentiam cuncta pertinere non diffiteantur, voluerunt tamen non omnia propriè à Deo creata esse; sed ipsum quædam condidisse, quæ postmodum cetera crearent. Non est ita: attingit enim sapientia creatrix à fine usque ad finem fortiter, & disponit non aliqua tantum, sed omnia suauiter. Huc pertinet tertius modus, quo Deus esse statuitur in operationibus humanis tamquam obiectum operantis animæ. Cum enim homo de Deo cogitat, eumque cognoscit; res cognita à cognoscente Deus est: item si animus eum diligit ac desideret; res desiderata ac dilecta à desiderante ac diligente Deus est: & ut obiectum in eo esse dicitur, quod naturæ rationali propriè conuenit. Quod si cognitio sit omnino naturalis, præsens erit per essentiam sine gratia: si cognitio amorque supernaturalis fuerit, censebitur in nobis esse per gratiam. quod D. Gregorius * sic declarat: *Qui numquam deest, & tamen ab iniquorum cogitationibus longè est: nec ibi deest, ubi longè est; quia ubi non est per gratiam, adest per vindictam.*

Ex hoc ergo capite Deus ubique est, quia ubique existit; rebus omnibus deinde impertit ut sint, illudque esse conseruat; & ut agant tamquam prima causa immobilis mouet omnia: est in memoria, cum de eo cogitas; est in intellectu, cum illum cognoscis; est in voluntate, cum eum diligis; denique nouo modo est in homine iusto, cui nouum esse gratiæ tribuit, & supernaturalem quandam rationem viuendi & agendi largitus eandem conseruat, & cooperatur veluti prima causa in genere vitæ supernaturalis, ut latius explicuimus priori libro.

42. Alterum caput est, nempe omnibus in rebus reperiri Dei prouidentiam per præsentiam: quod idcirco ponitur, quia posset quispiam dicere Deum quidem in omnibus existere secundum suam substantiam, non tamen videre ac nosse quæ agantur. Dicimus verò aliquid alicui loco præsens esse, cum res omnes, quæ in eo sunt, eius patent aspectui: fuerunt namque qui dicerent Dei prouidentiam in cælestibus occupari, ad corpora ista inferiora se minime extendere; circa cardines cali perambulare, nec nostra considerare, ut refert Iob. Non ita est; longè aliter

aliter sentiebat Augustinus, cum diceret: *O tu bone, omnipotens, qui sic* Lib. 3. *Confess.*
curas vnumquemque nostrum, tamquam si solum cures; & sic omnes, tamquam cap. 11.
singulos! Sicut enim qui in aliqua domo residet, quæ in eius conspectu *Simile.*
 sunt, in ijs esse dicitur, quia sunt in eius præsentia: sic, etsi Deus essen-
 tialiter in omnibus non esset, constat tamen hunc orbem, tamquam
 domum, ipsum fabricasse; & non modò Angelos curare, eorumque
 cogitationes habere præsentem, & eorum rebus interesse, sed etiam
 omnium hominum res habere perspectas.

43. Ex tertio capite, diuinæ nimirum potentia, dicitur Deus esse re- *Modus 3. diui-*
 bus omnibus præsens; contra Manichæorum errorem, qui statuebant *na præsentia,*
 diuinæ potestati non omnia subiecta esse, sed sola spiritualia & incor- *per potentiam.*
 poreæ, corporales verò ac visibiles res nequaquam, sed potestati cui-
 dam principij contrarij. Non ita credimus, sed cum Mardochæo liben-
 ter oramus: *Domine Rex omnipotens; in ditione enim tua cuncta sunt posita,* *Esther 13.*
& non est qui possit tua resistere voluntati, si decreueris saluare Israel: tu fecisti
celum & terram, & quidquid celi ambitu continetur; Dominus omnium es, nec
est qui resistat Maestati tue. Daniel etiam ait: *Ipse mutat tempora & æta.* *Dan. 2.*
tes; transfert regna, atque constituit; dat sapientiam sapientibus, & scien-
tiam intelligentibus. Ex his tribus capitibus formandi erunt modi qui-
 dam familiares, quibus Deum nobis reddamus præsentem, aut potius
 nos memores præsentia eius sistamus.

CAPVT VIII.

Tres modi concepta præsentia diuina per essentiam.

Primus est, Deum non esse animam mundi, sed
quid nobilius per omnia diffusum. Secundus, esse
lumen quoddam immensum, omnia penetrans.
Tertius, tamquam Oceano omnia in ipso con-
tineri.

44. **P**HILOSOPHI quidam in primis, inter quos Cicero & Var- *Cic. de natura*
 ro apud D. Augustinū, dixerunt Deum esse animam mundi: mun- *Deorum lib. 2.*
 dum enim animatū constituebant; cui oculi duo essent, Sol & *Aug. lib. 7.*
 Luna, in capite, id est, in cælo, quod orbis quasi caput est: rerum om- *ciuit. cap. 6.*
 nium vim in agendo ac mouendo ab illa anima, quæ omnia moueat ac *Mundum esse*
 impellat, promanare; haud secus quàm in corpore humano singula vi- *animatum ex*
 demus *Philosophorum*
sententia.

demus membra, distinctis officijs agentia, ab vnius animæ influxu pendere: ex quo rursus sequitur, res omnes aliquid esse Dei: nec mirum videri quod diuina quædam Dei indicia in homine appareant, cum ipse pars diuini corporis potissima sit, & (velut cor) nobilius de Dei diuinitate vitæque participet. Falsa hæc opinio est. Non enim Deus forma aut anima mundi est: est enim Deus causa agens, nec venire villo modo potest in compositionem. D. Thomas hunc errorem doctissime refutat. Philosophi tamen, qui de præsentia Dei nonnulla rimari voluerunt, hunc modum tamquam faciliorem vsurparunt, vt Deum præsentem intuerentur.

Modus 1. præsentia diuina. Deum perfectius esse in toto mundo, quam si esset mundi anima.

a I.

Simile.

b Hom. 8. in Ezech.

In Psal. 118. ad Vers. Prope es tu Domine.

2.

Simile.

3.

Simile.

Psal. 118. Psal. 18.

4.

Quod si commodè concipiamus, non erit abs re istum modum bene correctum in Praxim adducere. Etsi enim Deus anima mundi non sit, est tamen suo modo in toto mundo; & longè potentius nobiliusque, quàm anima in corpore. * Sicut enim anima est tota in toto corpore, & tota in singulis partibus: sic Deus in singulis mundi partibus totus est, & in vniuerso totus. ita enim ^b Gregorius: *Transseat ergo animus, & ab ijs transcendat omne quod creatum est: in solo creatoris sui lumine fidei oculos figat; quod vnus viuificet omnia, qui creauit, Deus; quod vbique est, & vbique totus.* En D. Gregorius Deo tribuit quod rebus omnibus vitam adferat; quia & esse, & vitam, & quidquid ex ea oritur, efficit; seu (vt ait idem Gregorius) *uiuificat*: non tamen vt forma, sed vt effectiua causa; quæ longè plus possit, quàm ipsamet rei forma, quæ quidem sine ipsius primæ causæ concursu nihil efficere. Hanc similitudinis partem D. Hilarius optimè applicat. *Nihil, ait, Deo vacat, nihil indiget; vbique est, modo animæ incorporalis, quæ in membris omnibus diffusa, à singulis quibusque partibus non abest: etiam si priuata quadam ei regia in toto corpore sedes est, tamen in medullis, digitis, artubus infunditur.*

Deinde, vt anima singulis corporis membris diuersa officia tribuit, & agit; videt oculus, digiti scribunt, pes ambulat, dentes molunt, pulmones respirant, cor spiritus diffundit, hepar sanguificat, & vna anima hæc omnia operatur: sic & Deus in omnibus omnia operatur, cum singula operantur.

Denique, vt in homine viuente apparet vita in omnibus corporis partibus per eius operationes: ita in toto orbe sat diuina prouidentia rebus ipsis inesse conspicitur, cum ordo vniuersi vno tenore conseruetur, & euentus varij ac prodigiosi eueniant, qui à solo Deo fieri possunt. vnde Psalmista: *Ordinatione tua perseverat dies, quoniam omnia scriuunt tibi.* &: *Celi enarrant gloriam Dei, & opera manuum eius annuntiat firmamentum.*

In hoc omnino etiam animam informantem Deus rebus inexistens superat, quod illa corpore dumtaxat vtatur, ad actiones determinatas; nec

nec enim aut potest digito secare ferrum, aut brachijs volare, sursum-
que ascendere in aëra, aut spūto sanare lepram: Deus verò omni-
strumento vtitur, vt inusitatos maximè producat effectus. ^{a Ioan. 9.} Luto cæ-
cum illuminat, ^{b Matth. 3.} de lapidibus suscitare potest filios Abrahe, ^{c Tobia 11.} felle curat
Tobia oculos, ^{d Exod. 8.} extenta manu Aaronis producit ranas, ^{e Exod. 9. 10.} Moysisque
virgâ infinita patrat prodigia, aqua naturali lauat animas, verbisque
quibusdam characterem imprimit animæ. Cum enim rebus omnibus
intimè sit præsens, tum, vt creator omnium, omni re tamquam instru-
mento vtitur, ad effectus diuersissimos producendos. Ideo magis ti-
mendus est, quòd flagella vbique parata habeat; ideo magis amandus,
quòd ad bene agendum vbique paratus & ad manum à nobis semper
habeatur.

Quidni ergo possemus concipere mundum quasi Deo plenum? vt
loquitur D. Chrysostomus: non quòd eius sit anima, sed quidpiâ subli-
mius; quod potentiùs contineat omnia, quàm anima corpus quod ani-
mat. Hac enim ratione creaturis omnibus vtemur tamquam ab eo
conditis; Deo seruientibus, tamquam instrumentis; vt Deo plenis:
quæ ratio nos ab abusu creaturarum vehementer auocat; quandoqui-
dem & in ijs præsentem Deum videamus, cui singula vindictæ instru-
menta esse queant: & hoc ipsum nos ad magnam confidentiam con-
cipiendam, eiusque implorandum auxilium, excitat; cum profitea-
mur nos nihil sine eius concursu posse operari. Nec magno labore
opus est ad hoc concipiendum: satis est enim hoc nosse, & momento
reminisci, sine nouarum specierum efformatione, nostra opera in Dei
præsentia efficiendo.

45. Alius modus est D. Augustini, qui Deum sæpe apprehendit
tamquam infinitum quoddam lumen, diffusum per molem vniuersi or-
bis; quodque cuncta penetrat, nec tamen inclusum; quodque à nulla
re excludi possit. Declaratur hac similitudine. ^{Modus 2.} Ponamus mundum
esse crystallinum, solemque à nullo impeditum radios suos directè im-
mittere: radij solares omnia illustrabunt, erunt omnia transparentia ac
conspicua. Quòd verò iam id non fiat, causæ sunt, materies rerum
densa, plena, & opaca; quodque per varias moles soli oppositas sol ra-
dios diffundere non possit. Sed diffusionem infinitam diuinæ lucis,
nullum corpus, quantumlibet durum, densum, vel opacum, impedire
potest: est namque Deus *lux vera, quæ illuminat omnem hominem venien-
tem in hunc mundum.* In ipso Dei Verbo *vita erat,* (ait Ioannes) ^{Ioan. 1.} & *vita*
erat lux hominum; & *lux in tenebris lucet,* & *tenebræ eam non comprehende-
runt.* & Christus dicit de se: *Ego sum lux mundi.* denique Iacobus: *Omne*
datum optimum & omne donum perfectum desursum est, descendens à patre lu-
minum; apud quem non est transmutatio, nec vicissitudinis obumbratio. Quòd
verò

V v

verò

verò lux illa non videatur, vel mentes hominum non illustrentur; non est luminis defectus, sed oculorum & mentium nostrarum imbecillitas ac tenebræ.

Solis omnia illuminantis cum Deo ubique præsentæ collatio.

1.

2.

3.

4.

5.

6.

Lib. 83. Quest. 9. 46. tomo 4.

46. Concipi ergo potest Dei præsentia quasi immensum lumen pervadens singula, ut sol si mundum crystallinum inueniret. Differt tamen hæc diffusio per res omnes à solis illuminatione: & primum quidem, quod sol non seipso, sed radijs suis diffundatur per amplissima illa orbis spatia; Deus verò, tota quæ eius essentia, præsens sit ubique. Deinde singulis quibusque rerum partibus partes radiorum respondent, non ipse sol integer: Deus verò totus est minimis quibusque locis; quasi tot essent soles, quot minimæ rerum locorumque particule. Adde quod sol res ipsas non efficiat, nisi calore rebus omnibus communi; non continet autem res factas, aut conseruat: Deus verò seipso facit, continet, & conseruat omnia; sine quo aut nihil esset, aut nihil remaneret. Sol etiam visum non confert, sed iuuat visionem: Deus & facultates creat, & ad videndum iuuat, & cooperatur. In particula quoque aliqua radiorum solis non sunt omnes radij simul; nec tanta vis est ad illuminandum, quanta in amplissimis aut omnibus simul radijs: in diuino autem lumine, ubi quasi soles sunt infiniti, in singulis quibusque (ut ita loquar) identitatibus ac replicationibus tota ipsa diuinitas existit: nec tantum PERFECTIOES eius extentæ sunt per totum, tamquam infinita quædam ornamenta sibi inuicem coherentia, sed singulæ PERFECTIOES omnes continent; ita ut in sapientia potentia sit, iustitia, bonitas, fortitudo, patientia, gloria, & si quid de Deo valemus excogitare: & singuli illi soles ac PERFECTIOES regunt mundum, vident omnia, operantur cuncta, sustinent vniuersa.

Accedit quod ea, quæ sol videnda obijcit, in se non habeat: in æterno verò & immenso illo lumine res omnes existunt, longè perfectius quàm in seipsis. quod idem Augustinus sic eleganter describit: *Omnia (inquit) ratione sunt condita; nec eadem ratione homo quæ equus, hoc enim absurdum est existimare: singula igitur proprijs creata sunt rationibus. Has autem rationes ubi esse arbitrandum est, nisi in ipsa mente Creatoris? non enim extra se possumus quidquam intuebatur, ut secundum id constitueret quod constituerat: nam hoc opinari sacrilegum est. Quod si hærerum omnium rationes creandarum creaturarumve in diuina mente continentur, neque in mente diuina quidquid nisi æternum atque incommutabile potest esse; (atque has rationes rerum principales, ideas appellat Plato) non solum sunt idee, sed etiam ipsæ veræ sunt; quæ æternæ sunt, & eiusmodi atque incommutabiles manent. Hactenus Augustinus. Quibus de rebus plura scripsimus libro superiori, capite primo; quæ non abs re fuerit videre: est enim hæc consideratio liber eximius, in quo otiosi habemus quod legamus; & quamuis nullus alius exstaret,*

extaret, sufficit ad legendum per omnem æternitatem. Quisque tamē eo vti potest, prout corporis animique ferent vires.

47. Tertius modus facilē ex dictis concipi potest: cū enim constet Deum vbique degere, omnia penetrare & peruadere, nusquam vel includi vel excludi; sequitur eundem non tantū in nobis inueniri, sed etiam in ipso esse omnia, nos in eo moueri, viuere, & existere. ita enim ratiocinatur Sanctus Augustinus: *Non essem, Deus meus, non omnino essem, nisi esses in me. An potius non essem, nisi essem in te, ex quo omnia, per quem omnia, in quo omnia?* Cū enim ex Deo sumus, & per eum subsistamus; esse non possemus omnino, nisi in ipso essemus, & de esse ipsius participarem, illudque nobis ipse perpetuō communicaret ac conseruaret. Sed modum, o magne Domine, quærimus, quo te non modō præsentem in nobis, sed nos in te degentes concipiamus. Hic modus tertius est conceptæ diuinæ præsentia: cuius conceptiones seu rationes sex statuemus.

Modus 3. quo omnia in Deo esse declarantur.

Lib. 1. Conf. cap. 2.

Rationes sex quibus in Deo esse censetur.

I.

Vt spongia in mari.

Lib. 7. Conf. cap. 5.

Prima est D. Augustini: qui ante conuersionem suam mali naturam inuestigans, mundum instar spongiæ, diuinum verò Numen Oceanum immensum reputabat, in quo res vniuersæ mergebantur. Eius sunt verba: *Tamquam si mare esset vbique, & vndique per immensa spatia infinitum solum mare, & haberet intra se spongiam quamlibet magnam, sed finitam tamen; plena esset spongia illa ex omni sua parte ex immenso mari: sic creaturam tuam te infinitè plenam putabam & dicebam.* Hac consideratione inquisitioni suæ satisfacere nitebatur Augustinus; nec omnino aberrabat: Deus enim replet omnia, & si ita loqui liceat, etiam loca imaginaria quæ extra mundum comminiscimur; estque veluti vastissimus quidam Oceanus, continens omnia ac replens: non vt aqua, quæ totam quidem spongiam madefacit, eam tamen spongiam non efficit; completitur in se, non tamen conseruat, sed putrefacit; non tribuit esse, sed destruit substantiam; Deus verò res efficit & conseruat. Et licet res ipsæ vetustate vsuque atterantur ac conficiantur; non committit tamen ipse, sed veterascētes comitatur, & naturis rerum sese accommodans, benignè in omnem se eum ordinem inflectit, quem in earum productione cuique attribuit.

Deus mari comparatur.

Spongia illa, quantumvis magna, comparatione maris immensi vix punctum reputari debet. Nec maior rerum vniuersitas, quæ tamquam *momentum statere & gutta roris antelucani* meritò censenda est: nam finiti ad infinitum nulla est proportio.

Nunc ad nos recurrit oratio. Sit Deus mare diffusum per omnia, à terræ centro ex omni parte vsque ad conuexum cæli empyrei, atque vndique sine carens: quid demum erit, si quispiam mari illo mergatur? Si orbis ipse ac mundi machina puncti instar est, collatus cum immensa

illa

V v 2

illa Maieftate; quid erit exigua mundi portio, homuncio, inquam, in longum octo, in latum pedem vnum aut alterum protensus? Exurge nunc animo, ô homo; considera gloriam tuam, contemplare dignitatem tuam. In Deo es, in Deo viuis, in Deo moueris: non vt spongia, quæ infensibilis & ex se immobilis est, aquæ motu & agitatione maris iactatur; sed ratione præditus, te versari in cælesti illo mari cognoscis ac intelligis. Et agitaris quidem; non violenter, sed spontaneè & liberè. Nec dubitare potes, tanto Numini deesse non posse potentiam, vires, opes, subsidia, thesauros incomparabiles, quibus te tueatur & augeat. Illa, illa in te sunt: & sic extra te, vt in ijs medius confistas; quocumque os, manus, brachia conuertas, illa capias, gustes, sentias, complectare; & in hoc latissimo æquore velut spongia volui, reuolui, sursum, deorsum, dextrorsum, sinistrorsum, omnem denique in partem te diffundere summo tuo emolumento atque extendere possis. Time, si peccasti: in te est qui te puniat, qui se de illata per peccatum iniuria vlciscatur; extra te est, vt te ab amicitia sua, à beneficijs, à regno excludat atque exterminet. Spera, si ipsum ames: auxilij in eo, & quidem omnipotente, plus satis est, & sanè in tua potestate; tu enim in ipso Oceano merfus, Deo plenus es, & in eius plenitudine delitescis.

Psal. 33.

*Ratio 2.
Nos instar piscium in vasto mari gratia diuina immergi.
Psal. 76.*

Rom. 6.

Quid modò otiaris animo, & quereris, quasi de diuinis rebus cogitandi seges minimè suppeteret? Oceanus hic infinitus est, singulæ eius guttæ immensæ: at quot, quæso, in tanta vastitate numerabis? Plures in Deo PERFECTIOES, quàm in mari guttæ: singulas apprehende, fuge, gusta quàm suavis sit Dominus. Vberima profectò copia perpetuò meditandi, cogitandi, animoque summa cum voluptate voluendi ac reuoluendi materies deesse non potest.

Quia verò spongia vitam non habet, non respirat, non graditur, sed alieno motu temere agitur, potius pisces efficiamur (quæ secunda ratio est) quàm spongia; & in illo excellentissimo mari vitam & salutis viam conquiramus: quandoquidem in mari via tua, Deus, & semita tuæ in aquis multis. Nempe apprehendamus nos non tantum in Deo esse per naturam, sed omnino in eodem immergi per gratiam. Christus enim IESVS bonorum omnium cælestium infinitus est Oceanus: infinitis vitæ ac mortis perpeffæ meritis aridum alioquin erga nos alueum diuinæ benignitatis impleuit, & Spiritus sui vberima abundantia locupletauit. Felices illi, quibus in hoc salutari lauacro & mergi submergique, & in eo perpetuò viuere donatum est. De hoc loquitur Apostolus Paulus: *An ignoratis quia quicumque baptizati sumus in Christo IESU, in morte ipsius baptizati sumus? Consepulti enim sumus cum illo per baptismum in mortem: vt, quomodo Christus surrexit à mortuis per gloriam Patris, ita & nos in nouitate vitæ ambulemus.* Hic ergo peccati vita submergitur, & vita

vita animæ exurgit: cuius felicitas est, in hac aqua viuere; aqua latissima, quæ hominum multas myriades tamquam vnum hominem capere possit. Hanc plenitudinem nobis oblatam ac communicatam testatur B. Ioannes. *De plenitudine eius, inquit, nos omnes accepimus.* Ioan. 1. Piscium spiritualium tria officia. In hoc ergo mari & *vinamus*, & *respiremus*, & *natemus*. Per gratiam namque Domini IESV, quæ latissimum immensumque alueum implet, viuimus interna animæ vita. O vita optanda! *Bonum est nos hic esse & viuere.* I. Viuere in aqua. a Matth. 17. Cauemus ne ex hoc viuario egrediamur, & letiferum mundi spiritum, qui ad vitam piscibus spiritualibus fouendam minime idoneus est, hauriamus. Is non refrigerat, sed suffocat.

Illud namque magna obseruatione dignum, pisces extra aquam non viuere. sic nec homines extra Dei gratiam. *Si quis, ait Christus, in me non manserit, mittetur foras, & arefcet, & in ignem mittent, & ardet.* Ioan. 15. *Qui manet in me, & ego in eo, hic fert fructum multum.* Piscis præterea mortuus in aqua putrescit, ac foetore suo alios inficit. Pari modo, qui animi vitam amisit, etsi fidem habeat, multisque Dei beneficijs affluat, putrescit tamen sensim, atque mentem fœdis cogitationibus inquinat, appetitum scelestis desiderijs sauciat, memoriam infandorum recordatione contaminat, tetroque odore aliorum mores corrumpit. Maneamus ergo in hoc mari, si viuere cupimus.

Sed respiremus, (nam & pisces respirant) & nos aqua hac salutari impleamus. *Pisces namque (auctore D. Basilio) non habent respirandi organum, quo aërem hunc attrahant; sed quod in terrestribus aër obtinet rationis, id est generi natatiliū aqua. & causa est in promptu. In nobis est pulmo, viscus porro est rarum, meatibusque multis patens, quod per ipsum pectus dilatatum, attractum recipiens aërem, internum diuentilat nostrum refrigeratque calorem: in illis dilatatio contractioque, branchiarum attrahentiū humorem, reddentiumque spirandi munus efficiunt.* 2. Respirare. Hom. 6. in Hexam. Hæc Basilius. Felices illi, magne Domine spirituum, quorum hac spiratione sitibundos animos recreas ac refrigeras: hæc enim aqua omnes libidinis faces exstinguit, pellit animi morbos, accendit tepidiores, vitam efficit ac conseruat, corroborat debiles, nutrit animam; ne labantur, infirmos fulcit ac sustentat. Hanc attrahunt in se, qui auidè diuina audiunt vel legunt, quibus internè Deus loquitur, & cælestem auram aspirat, qui sensu quodam animi in omnibus Deum gustant, vniceque æternis rationibus delectantur: emittunt verò, cum Deum laudant, meditantur, ad eum omnia sua referunt, hortantur proximos, de diuinis rebus piè colloquuntur, ardentè orant, Dei gloriam quærunt in omnibus, & quasi aquis vndique cincti forent, quidquid gustant, vident, tangunt, odorantur, audiunt, amoris diuini facibus incitari videntur.

Hæc omnia clavis verbis B. Paulus expressit. *Verbum, inquit, Christi* Col. 3. habitet.

V v 3.

habitet.

Surius 27.
Septemb.

Elzearius Dei
gratia immer-
sus omnia con-
temnis.

habitet in vobis abundanter, in omni sapientia; docentes & commonentes vosmetipsos, psalmis, hymnis, & canticis spiritualibus, in gratia cantantes in cordibus vestris Deo. Omne quodcumque facitis in verbo aut in opere, omnia in nomine Domini IESU Christi; gratias agentes Deo & Patri per ipsum. Hæc Apostolus verbis; factò & opere Elzearius Comes è Narbonensi Gallia oriundus: qui cum ætatis annum ageret decimum-quintum, ipsis ferijs assumptæ Virginis Matris, suscepta piè Eucharistia; sub prandij horam cum ad mensam patruo suo seruire deberet, ieiunus id obsequij præstare voluit. Accumbenti deinde vicissim, subito superuenit Spiritus gratiæ, cor eius vehementer inflammans, idque cum multa suauitate diuini amoris. Eius autem flammæ & ardoris tanta vis fuit, » vt abscondi non posset: totus enim extrinsecus mutatus fuit, & toto » corpore calefactus, atque in vultu rubore perfusus. Quod vt eius so- » dales aduerterunt, de eius salute solliciti, quod eum putarent febri cor- » reptum, à mensa in cubiculum abduxerunt, vt ille quieti se daret. At » illis absentibus humi prostratus in preces incubuit, quales spiritus sug- » gerebat; atque illic tantas diuini amoris persensit flammæ, vt totus » eius colliquesceret animus, atque in Deum transformaretur. Tum » verò ostendit ei Deus vitæ huius breuitatem; & vt totus hic mundus, » bonorum cælestium comparatione, meritò sit contemnendus: tan- » tusque inde in illo natus est rerum omnium mundi huius bonorum- » que labentium contemptus, vt, si totus orbis terrarum, & quidquid in » illo est rerum pretiosarum, ei oblatum esset, planè fuerit recusaturus, » nec alio quàm vilis luti loco habiturus. Hæc expertus est Elzearius. Duxit idem decennis, mandato Caroli secundi Ierusalem & Siciliæ Regis, Dalphinam vxorem, egregiam & nobilitate, & virtutis splendore, duodennem: cum qua Angelicè virginitatem coluit. Hæc quodam die misit ad eum litteras per famulum, cupiens scire cur moram in monte Pessulano traheret. Cui ille sic respondit: *Sanus corpore sum, & sopes. Quod si verò videre me cupis, quare me in vulnere lateris Christi: illic enim habito, & ibi me poteris inuenire, frustra alibi quasitura.* Denique in tota eius vita præter aspirationes & respirationes spiritualis piscis vix aliud inuenies.

3.
Natare.

Gratia Dei
meditantibus
subsidio est.

At natare pisces diximus. Haud sanè difficile erit, tali aura afflatus, placidos natare in æquore. Qui natant, extendunt manus, ac pedes diuariant. Qui enim abundant Dei gratia ac visitationibus, facile per creaturas omnes, in quibus Deus est, mentem deducunt; nunc cælestia rimantur, nunc ad transeuntium rerum breuitatē instabilitatemque recurrunt, nunc Christi hominis dolores ac PERFECTIONES contemplantur, nunc ad eius diuinitatem assurgunt. Vt igitur latissimus alueus piscibus spatia discurrendi ampliora suppeditat: ita & copiosior

piofior Dei gratia facilitatem & voluptatem homini spirituali præstat
 ampliorem ad voluendum animo res diuinas. Sed ne fallaris: manus
 extendi debent & pedes, *sicut natantis ad natandum*. Ne otiosum te posse
 stare reputes in aqua, ratus sufficere si ad commentationem animum
 appuleris: non est ita; manus ad opus extendende, pedes ad motum ap-
 plicandi: gradiuntur enim pisciculi pinnulis suis, & vel iugiter pastum
 quærunt vel oblectationem in æquore. nihil illis hoc lusu iucundius.
 At quæ voluptates cum profectu spirituali, arduis facinoribus pro Dei
 gloria suscipiendis, familiari cum Deo congressu (qui cibi sunt animæ
 esurientis) conferendæ? *Quis sapiens, & custodiet hæc? & intelliget mise-* *Psalm. 106.*
ricordias Domini? Enimvero quidquid sit de piscibus, qui subinde viden-
 tur subsistere; quisquis hominum in aquis est, & arte natandi non uti-
 tur, haud dubiè aut vorticibus abripitur, aut illico submergetur. Vti-
 que iustus vt piscis esurit; in omnibus semperque pastum quærît, quæ-
 rit profectum; *numquam arbitrat se comprehendisse, ait S. Bernardus; Phil. 3.*
numquam dicit, Satis est; sed semper esurit sititq. iustitiam: non enim ad an- *a Epist. 273. ad*
num vel ad tempus, instar mercenarij, sed in æternum diuino se mancipat famu- *Abbat. Gua-*
latui. Porro vera virtus finem nescit, tempore non clauditur; vnde est illud: sem- *rum Alphen-*
Caritas numquam excidit. & item: Patientia pauperum non peribit in finem. *b. 1. Cor. 13.*
Audi denique vocem iusti: In æternum non obliuiscar iustificationes tuas, quia *c. Psalm. 9.*
in ipsis viuificasti me. & rursum: Inclinaui cor meum ad faciendas iustificatio- *Psalm. 118.*
nes tuas in æternum. Non igitur ad tempus. Proinde iustitia eius manet non *Psalm. 110. & 111.*
aliquanto tempore, sed in sæculum sæculi. sempiterna itaque iusti esuriet sempi-
ternam meretur refectionem. Hæc Bernardus. Meretur utique, si eam
quærat, nec requiem det palpebris suis, donec inueniat eam.

Hæc ratio Deum contemplandi est admodum elegans, sed non mi-
 nus salutaris; & maxime si nos pisces mundi secundum Legem fueri-
 mus. *Eiusmodi siquidem pisces mundos Legis sanctio iudicat, (vt ait idem* *pisces mundi*
Bernardus) qui & pinnis leuantur, & protegentur squamis. (hi enim sub- *qui.*
filire subinde solent extra aquas) sunt autem squamæ multæ, sed vna ex eis *Serm. 1. in die*
quodammodo lorica contexitur: quia vna est patientiæ virtus, licet singulis tri- *S. Andrea.*
bulationibus exhibere singulas videamur. Iam verò sicut squamas ad patientiam, *Patientia per-*
sic & pinnulas quoque ad hilaritatem arbitror non incongruè posse referri. Hila- *squamas signi-*
ritas quippe leuat & subleuat; vt saltus quosdam in altum dare videatur, quis- *ficatur.*
quis exhilaratur. Sanè vt duas habeamus pinnulas, duplex nobis hilaritas quæ- *Hilaritas spiri-*
renda est; & fortè propterea docet Apostolus (ille enim verè pinna habebat, qui- *tualis duplex.*
bus & in tertium vsque calum raptus est, & volauit in paradysum) non solum *2. Cor. 12.*
gloriari in spe, sed etiam in tribulationibus. Hæc Bernardus. In Deo itaque *Rom. 5.*
sumus vt spongia in mari, vt pisces mundi in aqua.

Huc facit tertia ratio, qua nempe non tantum in Deo nos esse me-
 minerimus, sed etiam in Christi Domini corpore mystico. *Vos estis*
corpus mystico.

1. Cor. 12.

Matth. 25.

Alf. 9.

Ioan. 6.

corpus Christi, ait S. Paulus, & membra de membro. & idem Christus reputat sibi fieri, quod vni ex eius minimis famulis factum fuerit; exclamatque aduersus Paulum Ecclesiae persecutorem: *Saule, Saule, quid me persequeris?* denique: *Qui manducat meam carnem, & bibit meum sanguinem, in me manet, & ego in illo.* Manet in nobis Christus, non modò praesentia diuinitatis suae, sed etiam per gratiam habitualement, aliaque virtutum ornamenta, quibus ipse à nobis diligitur & colitur: in ipso verò sumus, quia, cum caput sit Ecclesiae, totum huius corpus, eius corpus est; & qui per fidem & caritatem ei adherent, membra eius sunt. Haec consideratio non importuna videtur nostro instituto; nec suo fructu carebit, si subinde Christum in suis membris suspiciamus, si nos in excellenti illo vastoque Ecclesiae ac Christi Dei corpore contineri recordemur: quod non fiet absque insigni eius solatio, qui in omnibus Deum quærit ac intuetur. sed de hoc argumento varijs locis dicendi occurrit occasio.

4. Ratio.
In Deo esse, qui
eius praesidio
protegentur.

a Psal. 90.

b Psal. 17.

c Psal. 124.

Psal. 90.

Ratio 5.
In Deo esse con-
templationi
addictos, instar
auiculae in sole
& aëre eleua-
tae.

Phil. 3.

Gal. 6.

Psal. 72.

Isaia 60.

In Deo præterea nos esse sacra Scriptura commemorat, cum, eius freti gratia, ipsius praesidio sperantes vtimur; ita enim Regius Psaltes: *Qui habitat in adiutorio Altissimi, in protectione Dei cali commorabitur.* *In Deo meo transgrediar murum.* denique: *Qui confidunt in Domino, sicut mons Sion: non commouebitur in aeternum, qui habitat in Ierusalem. Montes in circuitu eius, & Dominus in circuitu populi sui, ex hoc nunc & usque in saeculum.* Nonne meritò in Deo censendus es, si vndique septus eius auxilio, intus ac foris munitus, à nullo lædi possis? *Non accedet ad te malum, & flagellum non appropinquabit tabernaculo tuo.*

Ratio quinta ad illustrandum hunc tertium praesentiae diuinæ retinendæ modum plurimum valet. Censetur namque auicula in supremum aërem eleuata in sole esse, in aëre versari; videt inferiora omnia, superiora prospicit, radiorum solarium & aëris purissimi fruitur beneficio. Sic & nos in Deo esse dicemur, si auiculæ fuerimus spirituales; si diuitiarum pondus, honorum & officiorum sarcinas, voluptatum laqueos abijcientes, ad altiora feramur; pedeque vno terrena calcantes dicamus, *Omnia, Domine, detrimentum feci, & arbitror ut stercora, ut te lucrifaciam; Mihi mundus crucifixus est, & ego mundo; altero verò pede caelestia petamus, inflāmatisque desiderijs, quasi brachijs, nobis Deum deuinciamus, identidem his vocibus ingeminatis: Domine, quid mihi est in calo, & à te quid volui super terram? Defecit caro mea, & cor meum: Deus cordis mei, & pars mea Deus in aeternum. Quia ecce, qui elongant se à te, peribunt; perdidisti omnes qui fornicantur abs te: mihi autem tibi adherere bonum est, ponere in te spem meam. Spirituales ergo auiculæ, pennis orationis & meditationis eleuatae, solis radijs aëreque purissimo fruuntur; & si qui in Deo esse dicendi sunt, illi maximè, qui vt nubes altissimum in locum*

locum delati volant, & quasi columbe ad fenestras suas, in sole solem intuentes: subactis nimirum perturbationibus, contemplationi se totos addicunt; illic hærent alis suspensi, æternum iustitiæ Solem intuentur, purissimam eius gratiam vt aërem hauriunt, terrena omnia calcant ac despiciunt. Hæc mortales experiuntur in terris.

At fortè Oceanus (vt ad sextam rationem veniamus) non erit in cælis. Quid nî: illic enim est ^a fons vitæ: ^b fluminis inde impetus latificat ciuitatem Dei; hinc ^c torrentes voluptatis exundât; hinc mare inexhaustum, beatitudinem omnibus impertiens. Ad hanc beatorum societatem aspirat Rex piissimus: ^d Quando veniam & apparebo ante faciem Dei? ^e Heu mihi, quia incolatus meus prolongatus est. quando purissimam illam aquam hauriam; nec ea modo, sed & gloriæ lumine circumfluam? Esto bono animo, quicumque ad hæc aspiras: veniet dies desideratus, quando replebitur in bonis desiderium tuum. Recordare quid in templo Salomonis acciderit. Cùm enim compleisset Salomon fundens preces, ignis descendit de cælo, & deuorauit holocausta & victimas; & Maiestas Domini impleuit domum: nec poterant Sacerdotes ingredi templum Domini, eo quod impleisset Maiestas Domini templum Domini. Templum illud erat exiguum: at ô Israel, quam magna est domus Dei, & ingens locus possessionis eius! Magnus est, & non habet finem, excelsus & immensus. Dominus super maria fundauit eum, & super flumina præparauit eum. Quanta ergo in cælo vastitas, non vnius maris tantum, sed quæ infinita maria & flumina contineat! Illic, si vspiam, Maiestas Domini implet templum. Quid erat Maiestas illa in templo Salomonis? splendor quidam insolens, non modò oculos intuentium perstringens, sed & percellens animos reuerentia quadam, atque admiratione, singulari mixta gaudio: vnde corruentes proni in terram super pauimentum stratum lapide, adorauerunt & laudauerunt Dominum; quoniam bonus, quoniam in sæculum misericordia eius. Sed ecce plusquam Salomon hic. Locus ille non eget sole neque luna, vt luceant in eo: nam claritas Dei illuminauit eum, & lucerna eius est Agnus. Ille, ille plenus est Maiestate, plenus Deitate, plenus splendore & gloria: & qui in eo sunt, pleni Maiestate, Diuinitate, & gloria, & in illo gloriæ gurgite immerguntur. Immenfa namque illa Maiestas conspicitur, quæ diffusa per omnia, lumine quodam incredibili rapit beatorum animos admiratione, consolatione, amoreque sui, sibi que adeò arctè deuincit, vt nullo casu separari ipsi vel queant, vel velint. Ecce mysterium vobis dico. Qui in amicitia diuinæ mari vixerint, spirauerint, natauerint, progressumque fecerint de virtute in virtutem, ijs in illa die, in illa hora (ô beata, ô felix, ô quando aderit!) dicetur: *Intra in gaudium Domini tui.*

6. Ratio.

Beati confan-
tur esse in Deo;

a Psal. 35.

b Psal. 45.

c Psal. 35.

d Psal. 41.

e Psal. 119.

Psal. 102.

2. Paral. 7.

Baruch 3.

Psal. 23.

2. Paral. 7.

Matth. 12.

Luc. 11.

Apoc. 21.

1. Cor. 15.

Matth. 25.

XX

CAPYT

CAPVT IX.

Quartus modus presentia Dei per essentiam in omnibus rebus existentis: cernendum esse Deum in creaturis operantem.

*Modus 4. quo
Deus in rebus
conditis opera-
tur.*

48. **V**IDIMVS Dei presentiam in creaturis existentis, nosque in ipso: videamus in iisdem operantem, qui quartus modus est presentia diuinæ concipiendæ. Conficitur enim ex his,

Lib. 8. cap. 1.

quæ diximus, Deum vt in ipsis esse, sic & in ipsis agere, eas per eum moueri aut quiescere. Refert historia Tripartita dignam notatu rem; videlicet, cum quidam Philosophorum accessisset Beatum Antonium, dicens, Quomodo sufficis, ô Pater, codicum consolatione priuatus? respondit Antonius: *Meus codex, ô Philosophæ, natura creaturarum est; & adest cum volucro, verbag, Dei relego.* Insignis liber iste est, si quis oculos bonos haberet: stupenda continet; quæ perspicimus, si modò animum in eius considerationem conuertamus. Constat etenim omnia inferiora hæc à Deo condita esse propter hominem, siue terrestria, siue caelestia; temporalia item, spiritualia, & æterna bona. *Omnia enim vestra sunt,* ait Apostolus, *siue mundus, siue vita, siue mors, siue presentia, siue futura: omnia enim vestra sunt, vos autem Christi, Christus autem Dei.* Hisce verò indigemus omnibus ad vitam hanc mixtam, partim corporalem, partim spiritualem; & si multa ex his, quæ sunt, non essent, indigentiam hanc dolenter animaduertemus. imò multi multa desiderant, sibi que deesse queruntur, cum ad sustentationem, aut corporis cultum & ornatum, tum ad sanitatem vel perditam recuperandam, vel integram conseruandam; ad studia ac doctrinam promouendam, ad amicitias conciliandas, ad salutem animæ consequendam. Verbi gratia: terra si hiatis abundet, ambulare non poteris; aër obtenebrecat, operari videreque non valebis; non viues, si panis desit, si ignis, si aqua: & hæc omnia dat Deus, sine quo non essent, aut non agerent.

1. Cor. 3.

Peregrinum quendam è mari naufragum in Palestinam aduenientem, capite, pedibus, tibijs, panēque toto corpore nudum & squalidum, quidam bonus Abrahamus obuius excepit, duxitque domum. Eius famuli, iussu domini, certatim quisque (prout officium exigebat) alius galerum, alius calceos, alius caligas & femoralia subministrarunt. Lauit illi famulus pedes, faciem, corpus, & ab illi uie mundatum lintheo calefacto absterxit; thorace & exomide alter eum donauit; curauit alius luculentū ignem; cibum alius, alius vinum optimum deprompsit: quibus

quibus omnibus refocillatum, & aliquot noctibus molliori lecto re-
creatum à fatigatione, thesaurarius bene nummatum dimisit. Redit
ille in patriam, & Abrahami liberalitatem prædicat, de obsequiis famu-
lorum tacet; & tamen dominus non mouit se. Deus & Dominus noster
ipse est Abrahamus, qui nos excipit: omnes res conditæ ab ipso eidem
obsequuntur, & quibus velit, seruiunt. *Ignis, grando, nix, glacies, spi- Psal. 148.*
ritus procellarum, quæ faciunt verbum eius; montes, & omnes colles; ligna
fructifera, & omnes cedri; bestie, & vniuersa pecora; serpentes, & volucres
pennatæ; Reges terræ, & omnes populi; Principes, & omnes iudices terræ; iu-
uenes & virgines, senes cum iunioribus. Quare si quis te excipiat, si ignis
calefaciat, si cibis reficiat, si potus sitis ardorem extinguat, si vestes te-
gant & ornent, si denique colores videas, si dulcorem sapias, si odorem
percipias, si res alias cognoscas, scito per illum Dominum fieri, sine quo
nihil fieri potest; illum ipsum esse qui hæc facit, non modò per hos fa-
mulos, sed & præcipuam ipse operis partem subit; nec illi agerent, si ipse
cum ipsis non ageret. quare D. Augustinus illi quoque nomina rerum
attribuit, dicens: *Cum Deum meum quero, quero nihilominus quandam lucem* Soliloq. cap. 32.
super omnem lucem, quam non capit oculus; quandam vocem super omnem vo-
cem, quam non capit auris; quandam odorem super omnem odorem, quem non
capit naris; quandam dulcorem super omnem dulcorem, quem non capit gustus;
quandam amplexum super omnem amplexum, quem non capit tactus. Ista enim lux
fulget, ubi non capit locus; ista vox sonat, ubi spiritus non rapit; odor iste redo-
let, ubi flatus non spargit; sapor ista sapit, ubi non est edacitas; amplexus iste
tangitur, ubi non duellitur. Hic est Deus meus, & non æstimabitur alius ad il-
lum. Hoc quero, cum Deum meum quero: istud amo, cum Deum meum amo.
Hactenus Augustinus.

49. Huc spectat, quod, qui hoc exercitio excoli desiderat, è rebus pro-
fanis & temporalibus, actionibusque hominum, sensus quosdam ac
conceptiones spirituales eliciat. quod Christo Domino admodum fuit
familiaris; qui ex vulgaribus rebus elegantissimas parabolas ac conce-
ptus educebat: vt ex asino in puteum cadente, atque extracto, pecca-
torem è peccati cæno esse extrahendum: è quinque panum hordea-
ceorum vsu, ad panis spiritualis seu fidei, deinde sui ipsius, panis viuui,
qui de cælo descendit, denique ad Eucharistiæ instituendæ sub specie-
bus panis & vini promissionem deuenit. Hinc tot parabola; de filio
prodigo, de semine, de thesauro in agro abscondito, de denario diurno
operarijs vineæ numerato, de ficulnea arida excindenda. Ex quibus
colligimus, optimum Dominum, quæcumque videbat, ad spiritualem
intelligentiæ solitum transferre, aut ad mores salutemque proximorum.
Homo pariter spiritualis ex rebus omnibus creatis elicit conceptus
spirituales, quibus & animum à vanis cogitationibus, otio, peccatis-
que

*Ex profanis spi-
ritualia elici-
untur.*

*Ex rebus om-
nibus creatis
spirituales con-
ceptus esse elici-
andos.*

que multis tuetur, & se velut iaculis quibusdam ignitis inflamat. Id verò fit inducta comparatione rerum terrestrium cum cælestibus aut spiritualibus; illa eleuando, horum verò excellentiam prædicando: ut cum solem astræ suspicis, illico infer, longè illustriorem esse animam hominis, quàm cælos, si illa iustitiæ Solem virtutumque lucentes gemmas contineat. Si cælum prospicis, ad sedes beatorum animum attolle: vide illic tibi locum paratum esse, si Deo pareas, eumque colas & venerere. Si aurum tantum audis, de laudibus cogita beatorum. Cum aurum aspicias, id lutum reputa comparatione sapientiæ. Cum thronos, diademata, atque honores tibi objicis, veniat huius versiculi in mentem: *Beatus vir qui timet Dominum; gloria & diuitiæ in domo eius, & iustitia eius manet in sæculum sæculi*. Si cibos tractes, existima id quod est: nempe in ventrem & secessum abire, verbum autem Domini cibosque spirituales in æternum manere.

Psalm. 112.

*Rom. 11.
1. Cor. 9.
2. Tim. 2.
Rom. 9.*

Idem fecerunt Apostoli. Paulus sanè in hoc genere erat exercitissimus: ut, cum de Gentilium adiunctione tractat, hoc ex hortulano- rum, qui infiriones faciunt, mutuatur industria: Christianos ad profectum cursu in stadio ac pugna Olympica propositis excitat; certamina deinde instituit, promittit coronas: figuli arte vasisque compositione vocationis nostræ gratiam exaggerat.

*Epist. ad Bas-
sulam, socrum
suam.*

B. Martinus, Episcopus Turonensis, hac Praxi (ut auctor est Seuerus Sulpicius) subinde utebatur. Visitaturus diocesium Condacensem cum discipulis suis, videns mergos in flumine piscibus capiendis insidiantes, Forma, ait, *hec demonum est: insidiantur incautis, capiunt nescientes, captos deuorant, exsaturarique non queunt deuoratis*. Mergos verò illos in filuas montesque abditos diuina virtute malè precatus relegauit.

*In Scala spiri-
t. grad. 4. post
vltimum.*

Ioannes Climacus narrat se in visitatione Monasteriorum Fratrem quendam, qui culinæ curam habebat, reperisse singulari lacrymarum gratia præditum; à quo cum sedulo sciscitatus fuisset qua ratione tantum donum esset adeptus, demum precibus inductus Frater respondit *se numquam arbitratum in culinæ ministerijs seruire hominibus, sed in suis Fratribus de Apostolis bene mereri; & ex ignis, quem perpetuo cernebat, conspectu vasta ignis inferni incendia animo versasse, quæ consideratio vberes ex oculis lacrymas solebat elicere*. Præclarum illud est, quod Socrates narrat de Pam-bone: qui cum Athanasio deprecante ab eremo descendisset Alexandriam, & vidisset mulierem theatralem, fleuit; & à prætereuntibus in-quisitus quare ploraret, Dux, inquit, *me res mouerunt: una, quæ est illius mulieris perditio; altera verò, quia ego non tantum studeo placere Deo, quantum hæc ut turpibus placere possit hominibus*.

*In hist. Tri-
part. lib. 8. c. 1.*

*a Ribad. in Ci-
ta eius Gallie
conscripta, lib.
4. cap. 1.*

Valuit in hoc genere spirituales conceptus efformandi ex rebus promiscuè occurrētibus. P. Fraciscus Borgias, ex Duce Gandiæ Societatis

I E S V,

RESV, & demum Præpositus eiusdem Generalis in ordine tertius: sed eo magis admirandus, quòd pleraque ad sese demittendum applicaret. Venienti Romam in habitu Ducali, cum Cardinales pro more ci- mulos obuios misissent; *Nihil*, inquit, *umquam opportunius, nihil conuenientius fieri potuit: bestia bestiam exceptura adueniunt*. Post ingressum in Societatem cum nobilis Hispanus, motus compassione, quòd nimis incommodè iter faceret, rogaret vt valetudinis suæ aliquam curam haberet, Franciscus ridenti facie, *Ne arbitretur dominatio vestra*, inquit, *mibi deesse opportunitates itineris: soleo metatorem premitttere, qui commodam diuersorijs nobis apparet*. *Ecquem?* ait nobilis. *Cognitionem mei*, respondit Franciscus, *& considerationem pœnarum infernarum, quas peccatis exigentibus merui*. *Hac notitia comitatus, numquam hospitium tenuiter instructum inuenio commoditatibus, imò apparatus longè meliorem quàm mihi mereri videar*.

Aliàs Xenodochium visitantem diabolus in forma hominis sic illum *Loco citato*. aggressus est: *Quid hic agis, Francisce, inter populi quisquilias ac fæces? non pudet te Principem hisce annumerari? Magis*, inquit, (agnouit enim increpantem) *te miror me adeò humilem abiectumq, homunculum iuxtà ac peccatorem tuo colloquio dignari, cum sis Rex, & quidem super omnes filios superbiæ*. Hic bonus Pater intentus perpetuò videbatur, vt in Deum, virtutumque acquisitionem, obuia quæque conuerteret.

so. Assurgunt alij ex leuissimæ rei conspectu ad Creatoris supremam Maiestatem, ac pulchritudinis eiusdem considerationem: quod de B. Ignatio Societatis RESV fundatore scribunt Petrus Ribadeneira & Maffei; qui ex conspectu flosculi Conditoris illico veniebat in memoriam. quod & multis Sanctis familiare fuit, qui florem quodammodo sic loquentè audire videbatur: En, eius, quem diligis, Dei serue, manus sacrosanctæ fecerunt me: ille mecum est; meque sic sustentat, *Floris loquente Deumq, laudantis descri- pto.* vt mecum viuat. In eo sum, viuo in ipso; pulchritudinem meam ab eo accipio. Si meam originem nosse velis, in paruo semine delitui, quod in terræ gremio molliore depositum, vapore tepefactum, terra omnium mater diffudit, elicuitque herbescentem ex eo viriditatem; quæ nixa fibris stirpis, sensim adoleuit, culmoque erecta cortice vestito, in partes varias velut brachia extendit sese: è quibus vel folia vel flores eruperunt certatim. Inter ceteros, rosæ mihi nomen est. Munior spinis, quæ ad custodiam mihi à Conditore datæ sunt. Quam modò explicatam parentemque conspicias, velut globo, thecæ cuidam quasi folliculo dissecto, cōtra noctis iniurias inclusa, primùm calyx aurora surgente, deinde nympha explicatior euasi. Quotquot in me folia molliora conspicias, prodeunt ex capite aut globo inferiore lanugine referto, quo tenerioribus velut vnguibus quibusdam continentur. Prodit & capillamentum, seu tenuissima quædam stamina, in quorum apice croceus

» flos infidet; semen, ne species pereat, continens. Mirare foliorum dif-
 » crimina, crispationes, ordines: vide colorem nunc purpureum, nunc
 » Alabandicum, nunc rubeum atque ardentem, nunc albiorem: iunge
 » odorem eximium: adde vim quam mihi auctor rerum omnium indidit,
 » vt ex me electuaria multa conficiantur ad sanitatis humanæ conserua-
 » tionem; hinc aquæ, syrupus, intrita, oleum, vnguentum rosaceum, vt
 » non oculos modò oblectem, sed & palatum, & nares, & tactum, & sto-
 » machum; denique totum hominem beneficijs meis demerear. Si de-
 » siderio mei teneris, teneare illius, cuius manus me totam efformaue-
 » runt; omnesque mei partes, quales vides, concinnarunt. *Scias quoniam*
qui hæc omniaque alia fecit, (auctore Salomone) fortior est illis, ac specio-
sior: speciei enim generator hæc omnia constituit; & à magnitudine & excel-
lencia speciei & creaturæ cognoscibiliter poterit creator horum videri.

Sap. 13.

Psalm. 18.

Duo in rebus
 creatis conside-
 randa.

Quadruplicia
 rerum creatu-
 rum genera.

I.

Quomodo in
 his, quæ vita
 carent, Deus
 videtur.

Sic creaturæ creatorem suum loqui ac prædicare videntur, vt non frustra Dauid cecinisse videatur: *Calienarrant gloriam Dei, & opera ma-*
nuum eius annuntiat firmamentum. De his plura superiori libro scripsi-
 mus: sed lubet paulo fusiùs in hoc argumento immorari.

Praxis ergo modi huius ea esse poterit, vt, quotiescumque rem ali-
 quam intueberis, animo ac cogitatione eam totam penetres, duoque
 in ea maximè diuersa distinguas; nempe rem ipsam conditam, & eius
 conditorem: quæ separata primùm, deinde composita, obijcient ani-
 mæ rem, non vt species externa repræsentat, sed vt à mente fide illu-
 strata debet apprehendi.

Quadruplicia verò sunt rerum genera: quædam vita carent, alia vi-
 uentia sunt, sine motu; alia viuunt, & mouentur; denique discernunt
 alia, rationeque vtuntur & sermone; & si homines gratia diuina prædi-
 ti sunt, diuinæ nobis similitudinis speciem obijciunt.

In hisce omnibus Dei videndi ratio hæc est, & Praxis, vt, si quid vi-
 deris quod anima careat, in ipsam rem penitus inear: & primùm, quod
 creatum est, ex vna parte cum adiunctis ornamentisque omnibus re-
 pone; vt lapidem in imaginem artificiosè transformatum, aut etiam
 informem, illius item lineamenta, venas, maculas, artificium, & siquid
 aliud appareat: tum ex altera parte intueri separatim quasi Spiritum
 cum omnibus rebus inexistens, tum cuique rei & huic in particulari
 esse specificum, non vt forma, sed vt prima causa cum omnibus eius ad-
 iunctis tribuentem ac conseruantem; sine quo res illa esse non posset,
 nec consistere. Et sicut antè non erat, quàm istud diuinum esse sese ei
 adiungeret; ita planè certum est ruere, & in nihilum reuerti, vbi Deus,
 vt tu mente, sic re ipsa se à creatura sua volet subtrahere. Adde P E R-
 F E C T I O N E s illas ac delectationes quæ siue visum, siue auditû, aliûm-
 ve sensum afficiant, ab eodem Spiritu & originem ducere, & conser-
 uari;

uari; nec modò in eodem Spiritu ea omnia eminenter contineri, sed eundem cuique rei esse PERFECTIONE sùe tribuere. Quia verò illud esse diuinum inuisibile est, se eo modo, quo homo capax est, per hæc nempe creaturas, quasi quædam perspicilia, exhibet visibile: unde, si duo illa diuulsa coniungas, tum denique Deum rebus creatis inexistenter, & vt sint, conferentem, intueri poteris; eoq̃ue frui & delectari.

Quare siquid, quod vita careat, oculis oberret, quod eos delectet, conuerte aciem in eum qui latet, remq̃ue illam complectere animo; illa demum aliter tibi sapiet, quàm si solo oculo carnis eam comprehenderes, meritoq̃ue suauiissimo animi sensu Deum compellabis, & dices: O si aperti mihi forent oculi! ô si gratiæ tuæ lumine caligine depulsa, intueri te clariùs liceret! O beati mundo corde, quoniam ij te *Matth. 5.* videbunt. Videbunt vtique perfectè in cælo sine perspicilijs istis. Sed quando saltem in hoc speculo & ænigmate sic te complectar, vt in exilio positus totus inflammer consideratione & amore tui, rerumq̃ue quas condiderunt manus tuæ? Te horum omnium auctorem agnosco, tibi gratias ago, quia hæc mihi omnia præparasti; summoq̃ue afficior gaudio propter incomprehensibilem gloriam tuam: quia amabilis es in omnibus operibus tuis, Domine, gloriosus, omnipotens, & laudabilis in sæcula; sine quo nihil est, & in quo ac per quem sunt omnia.

Si obiecta res auditum afficiat, odoratum, aut gustum; melodiam illam, odorem, aut saporem à diuino Spiritu per omnia diffuso seiunge; cumq̃ue immensam illam Maiestatem conspexeris, sine qua illa sensuum oblectamenta corruerent, eam ad te inuitans sic dices: Tu, Domine, sonum, odorem, saporemq̃ue & efficis, & sustines: veni in me cum eis, vt sciam quàm suavis sit Spiritus tuus; recreet me harmonia tua, confortet odor, reficiat sapor. O voces & soni! si vos emortuæ res vim quandam effunditis, interiorem etiam hominem permouentem; quid infinitarum PERFECTIONVM, quæ in Deo consistunt, concentus efficiet? O odor delectabilis, quàm mirabilem sub te odorem regis! Et si me delectat id quod fortè cras putidum erit; quid fiet cum odore illo fruam, qui à natura incorruptibili promanat? O sapientia, quæ ex ore *Ecclesi. 24.* altissimi prodijsti, quàm sapida es ijs qui sanum palatum habent! O quando satiabitur in bonis desiderium meum?

Si verò res conspecta vitam habeat, vt arbores & plantæ; auoca id, quod natura sibi vendicat, à diuino illo Spiritu, & singula perlustra, dices, viriditatem, flores, fibras omnes, foliola, denticulos, venas, fureulos, gemmasq̃ue erumpentes; tum aduerte diuinum istum Spiritum, qui mundi initio latè ferebatur super aquas, intimè singulis præsentem esse, formasq̃ue tribuentem, ac sustinentem, & alloquens dicito: Gra-
tias

„tias tibi ago, immense Domine, quòd & vita cùm sis, viuere solùm tibi
 „non vis, sed & alijs vitam largiris. O foliola, ó flores, laudate Domi-
 „num Deum vestrum, sine quo vita non est. Viuitis non vobis, sed &
 „ipsi, vt enarretis mirabilia eius; & mihi, vt me in eius cognitionem &
 „amorem erigatis, & mortali vitæ hominum vsui commodoque sitis.

3.
In bratis.

Danielis 3.

Cùm intueberis animalia bruta, penetra vitam, motum, industriam,
 pulchritudinem, speciei totius PERFECTIÖNEM, decorum deni-
 que in partibus omnibus elucens: contemplare rem illam ex nihilo
 esse; & ex se illico in nihilum refundi, nisi alia vita ei esse, viuere, ac mo-
 „uere impertiat, & erumpens in has voces dicito: Quàm mirabilis es,
 „Domine! & quis comprehendat sapientiam tuam rebus omnibus im-
 „perantem? O bestiolarum & cæli volucres, laudate Dominum. Benedici-
 „te cete, & omnia quæ mouentur in aquis, Domino. Benedicite peco-
 „ra & bestiarum terræ Domino. Illum prædicate, per quem estis, viuitis, &
 „mouemini.

4.
In hominibus.

*Amans homi-
 nes præ ceteris
 opportunitates
 ac rationes.*

Quòd si qui præclari conceptus in hisce tribus generibus occurrant
 Deum contemplanti ac laudanti; longè nobiliores in homine, &
 maximè iusto, ac PERFECTIÖNIS studio, elucet: in quem sum-
 mus ille artifex omnes rerum PERFECTIÖNES aggregauit, & ve-
 lut in compendium omnium operum suorum, in quibus sapientiam &
 potentiam suam voluit emicare, plena manu profusissimè congescit.

51. Quòd si ergo res insensibiles tantum valeant, vt hominem in
 Deum, rerum omnium Conditorum, abripiant; quanto magis homi-
 nes ipsi, quibus nihil amabilius, nihil sublimius, nihil excellentius, ni-
 hil inter res inferiores dignius, nos in sui admirationem rapere, & ad
 Conditoris amorem accendere debent! Non est in toto homine vnica
 pars, cuius fabricam ac compositionem præstantissima ingenia medi-
 corum non suspiciant, & cum stupore Auctoris sapientiam non admi-
 rentur. Quòd si nos summi illius Architecti caritatem erga hominem
 intueamur; si ea, quæ eius causa facere pati que voluit, quæ Deum
 diligentibus parauit; si seuerum mandatum quo vult eum diligi, pœ-
 nasque in eos destinatas, qui fratrem non diligunt, consideremus; qua
 ratione vel vnicum hominem, præsertim iustum ac probum, videre sine
 summa delectatione poterimus?

*Cic. lib. de ami-
 citia.
 Voluptas in a-
 more proximi.*

Si licuit Philosopho dicere, Quoniam res humana fragiles caduacæ
 sunt, semper aliqui acquirendi sunt quos diligamus, & à quibus diligamur; ca-
 ritate enim beneuolentiæq; sublata, omnis est vita sublata incunditas: quan-
 to magis Christianos, sui similibus diuinæque caritate copulatos, vin-
 cire tenerique oportebit! Vnus illis Deus est, vna fides, vna religio,
 vnum baptisma, vnus omnium Pater, vna Ecclesia mater, eadem le-
 ges, vnus panis ac mensa reficiendis animis, locus vnus æternæ com-
 mora-

morationi destinatus. Quare nonnulli sunt qui hominē intueri, maximē si virtute præditus sit, non possint sine summa sua voluptate; tum propter excellentiam religionis Christianæ, virtutumque, quas habere conspicitur, amorem; tum maximē ob Conditoris Patrisque communis caritatem, quem in eo considerant, & eximium in ipsum amorem, ergaque omnes homines, cælesti potissimum gratia ornatos, beneuolentiam.

Seruierat Catharina Senensis cuidam infirmæ Palmerinæ, peruersæ *Raymundus in*
mulieri, & insigni odio in eandem Catharinam flagranti. Huius præ- *visa eius.*
cibus Palmerina recēns conuersa, Sacramentis munita è viuus excessit: sed incredibili splendore ac pulchritudine anima illa, in egressu, Catharinæ visa est; cui Christus: *Anima iusta*
tanta, quantam vides, Catharina, est venustas, splendor, & pulchritudo; cen-
pulchritudo.
ses te frustra quidpiam sustinuisse? homines quæ, vti subinde desiderio tales animas
vel aberrantes reuocandi, vel Deo suo adherentes conseruandi? Me certè cæli
terraque, Dominum eam ob causam sublimes cæli regiones deseruisse, & ad terræ
colluuiem descendisse, passum ac crucifixum fuisse, non pœnitet.

§2. Hic modus latissimè patet, valetque plurimum, ob varietatem, *Varietas &*
ad vitandum tædium: naturæ enim rerum variæ sunt, Dei que sapien- *utilitas huius*
tia variè sese prodit, & in singulis epulas consideranti apponit delecta- *modi circa ho-*
biles; potissimum in naturæ humanæ præstantia, siue naturali, siue cæ- *minem.*
litus infusa: nihilque ita valet ad inordinatos affectus motusque libidinosos extinguendos, quàm summi Dei, quem in omnibus videmus & ardentè diligimus, consideratio, eiusdèque præsentia admiratio ac complexus. Qui enim in alio non formam, non nobilitatem, non carnem, non colorem, non externā vestem considerat, sed Deum eiusque gratiam, sed opus amantissimi Cōditoris, filium summi optimique Parentis, eumque æternæ hereditatis capacem suo tempore in throno cælesti sessurum, cum ceteris fortè iudicaturū orbem; quomodo de molitie libidineque cogitabit? præsertim cum affectio hæc ex alio fonte, quàm ex carnis fæculento stagno, promanet; ex amoris nempe diuini ac caritatis riuo: qui si longo vsu & exercitatione confirmetur, voluptatis omnis corporeæ sensum reddet odiosum, inuisum, putidum, & acerbum, imò expellet planè atque extinguet.

§3. Illud quoque efficiet, vt non facilè contemnāmus eum, quem tantopere ab illa suprema Maiestate diligi, quemque tantis muneribus, ornamentis, ac diuitijs præditum cognoscimus; cuius exigui defectus ac delicta, (quibus vix, ac ne vix quidem, carere possumus) oculis nostris temere obuersantia, tam præclaris donis ac muneribus præponderare nullo modo debent: quid enim sunt imperfectiones ac defectus, vt ob illos parui faciamus hominē, qui pro fide ac Religione,

Y y

pro

Simile.

1. Cor. 6.

Ibidem.

2. Cor. 4.

Nota.

Ioan. 15.

pro Deo in se retinendo animam ponere paratus sit? absurdè enim quispiam facere censeretur, qui virum optimè compositū, robustum, speciosum parui duceret, quod in eius facie, alioquin admodum venusta, nauos aliquos conspiceret. Maiora sunt dona in homine iusto: membra enim eius templū sunt Spiritus sancti, anima sedes sapientiæ; empti sumus pretio magno, portamusque Deum in corporibus animisque nostris; etiam si illi vasis fictilibus non sint, ob infirmitatem, absimiles. Sed satis sit de hoc modo, de quo nemo pro dignitate vquam satis dicere poterit.

Meminerit tamen (vt hoc postremò dicamus) virtutis studiosus, cum aliquid aggredi volet, attentè cogitare, se nihil sine causa prima & agere & verò posse producere; meritoque debere ad ipsum primum motorem animum aduertere in hunc modum: Agè, Domine; incipe & operare mecum: quia sine te nihil possum. Quidquid fecero, profitebor, sicut & profiteor, à te esse & factum & perfectum: ego verò vnice te in hoc opere intueor atque intendo; ipsumque opus ad te, tamquam auctorem, cum actione gratiarum refero: vilissimum enim instrumentum me esse confiteor, quod sine artificis manu efficere nihil potest.

CAPVT X.

Adfertur quintus, sextus, & septimus modus presentia diuina; nempe memoria quatuor nouissimorum, timoris Domini & praeceptorum eius, ac passionis Christi.

54. **D**IXIMVS Deum in nobis consistere per essentiam, cum in memoria, in intellectu, in voluntate & affectu est, tamquam res memoriæ, intellectui, & voluntati obiecta, nempe memorata, intellecta, dilecta. De memoria aliquot modos ponemus, ne tantam facultatē in nobis otiosam ac inutilem reputemus. Hortantur nos Scripturæ diuinæ ad quædam speciali studio memoranda; atque in primis nouissima hominis, quæ sunt mors, iudicium, infernus, & cælestis gloria; quorum memoria admodum utilis est, maximè ad peccatum detestandum aut fugiendum. Memorare, ait Ecclesiasticus, nouissima tua, & in æternum non peccabis. & D. Gregorius ait: Presentis temporis ita agenda est letitia, vt numquam amaritudo sequentis iudicij recedat à memoria. Memor esto, ait idem Ecclesiasticus, quoniam mors non tardat. addit

Modus 5. memoria nouissima.

Ecclesi. 7.

Hom. 32.

Ecclesi. 14.

addit inferiùs: *Memento nouissimorum, noli obliuisci. Memor esto iudicij* *Eccli. 38.*
mei; sic enim erit & tuum: mihi heri, & tibi hodie. Ecce quàm graui-
 ter mortis iudicijque memoriã inculcat. Sanè aliquoties in die horum esse
 memorem, partim ad bonam mortis præparationem, partim ad pec-
 cata vitanda, ad nos excitandos à torpore & ignauia, & nos promouen-
 dos in via ac progressu PERFECTI O N I S quarendæ, vtile admo-
 dum fuerit.

55. Frequens etiam est Scriptura in memoria reuocanda timoris *Modus 6. me-*
 Domini, & obseruationis mandatorum eiusdem. *Memorare,* ait *Ec-* *moria timoris*
clesiasticus, timorem Dei, & non irascaris proximo. Propheta Regius hæc *Domini, &*
 animo perpetuò versabat. *Memor fui,* ait, *nocte nominis tui, Domine; &* *mandatorum*
custodini legem tuam. *Iustitia illius in filios filiorum, his qui seruant testamen-* *eius.*
tum eius, & memores sunt mandatorum ipsius, ad faciendum ea. Tanti verò *a Eccli. 28.*
 Deus hanc memoriã duxit, vt ita Moyfi præceperit: *Loquere filiis Is-* *b Psal. 118.*
rael, & dices ad eos vt faciant sibi simbrins per angulos palliorum, ponentes in *c Psal. 102.*
eis vittas hyacinthinas; quas cum viderint, recordentur omnium mandatorum *Nam. 15.*
Domini, nec sequantur cogitationes suas, & oculos per res varias fornicantes;
sed magis memores præceptorum Domini, faciant ea, sint q. sancti Deo suo. & in *Dent. 6.*
Deuteronomio: Erunt verba hæc, quæ ego præcipio tibi hodie, in corde tuo, &
narrabis ea filiis tuis, & meditaberis in eis sedens in domo tua, & ambulans in
itinere, dormiens atque consurgens; & ligabis ea quasi signum in manu tua,
erunt q. & mouebuntur inter oculos tuos.

Huius argumenti vis est, admodum vtile esse, hominem non esse
 otiosum, sed expedire semper aliquid animo versari, omni loco & tem-
 pore, quantum vires humanæ ferre possint: & si putes tibi deesse mate-
 riam, en sufficiens considerationis leges, vt vitam præteritam recolas,
 præsentem discutias, quidque futurum sit examines, (quod optabat
 Moyfes filijs Israel. *Gens,* ait, *absque consilio est, & sine prudentia: vtinam* *Dent. 32.*
saperent, & intelligerent, ac nouissima prouiderent!) animoque aliquid de
 Lege Domini vel diuinis Scripturis reuoluas, ruminans nunc versicu-
 lum Psalmi alicuius, vel sententiam desumptam ex diuinis paginis,
 quod D. Augustinus libro quinquaginta Homiliarum. *Memoria homi-* *Homil. 35.*
nis (ait) *sic est, vt venter pecoris. Nostis quia in Lege immunda dicta anima-* *Memoria ho-*
lia quæ non ruminant; quæ autem ruminant, munda sunt; & quacumque ha- *minis, rumina-*
bent ungulam fissam, pertinent ad discernendum verum & falsum. Ungula fissa *tioni anima-*
pertinet ad discernendum quid dextrum, quid sinistrum: ruminatio enim perti- *lium cõparata.*
net ad eos qui cogitant postea quod audierint & tenuerint; nam modo mandu-
camus, & in memoriã tamquam in ventrem mittitur. Sed quid facit pecus
quando ruminat? Illud quod in præsepe iactatum fuerat, & in ventre repositum,
reuocat ad os, & in ipsa dulcedine conquiescit. Hoc dixi, vt commendarem vo-
bis ne sitis immundi tamquam pecora. Accepit illud in ventre, postea non rumi-

Proverb. 21. nat, & transit tota dulcedo; & nihil vobis prodest quod reconditum est; quia non redit ad os dulcedo. Audite illud expresse & aperte dictum: *Thesaurus desiderabilis requiescit in ore sapientis, stultus autē glutit illud* Hæc Augustinus.

Hoc exercitio sollempne erat D. Augustino mentem excolere; erat enim illi in delicijs, non modò orationem aut studia, sed & mensam, Scripturarum commemoratione, tamquam optimo obsonio, condire. De D. Thoma id notum, quòd etiam dum ederet, tacitus quæstiones versabat animo, discutebat & enodabat difficultates grauissimas.

*Ecclesi. 6.
Exodi 13.*

Quare consilium hoc optimum est, & sæpe à Spiritu sancto inculcatum. *Cogitatum tuum*, ait, *habe in præceptis Dei. Erit quasi signum in manu tua, & quasi monumentum ante oculos tuos, & ut Lex Domini semper sit in ore tuo.*

*Allegoria pro
memoria man-
datorum &
misericordiae
Dei.
a Gen. 9.
b Gen. 11.*

Hoc à nobis meritò exigit Deus, qui magna nobis præstitit, maiora promittit, maxima confert assidue; nempe ut fidem datam seruemus, Legem ipsius impleamus: & tamen (quæ infirmitas humana est, dicam etiam quæ infidelitas intolerabilis) vix cum Deo pacti sumus, præsertim in tribunali misericordiæ, coram curia cælesti, in præsentia iudicis, ministri Dei, quin à contractu resiliamus, immemores pacti ac percussi fœderis. Diluvio consummato, posuit Deus signum inter se & terram, arcum in nubibus; quo declararet æternam reconciliationem ex parte sua firmam & inconcussam. eum altissimo loco collocavit, & admodum visibilem, ut ab omnibus prospici posset. Nihilominus mundus non euasit melior, aut cōstantior: excitavit turrim Babel, ut ad cælum vsque Deo inuito pertingeret. In Pœnitentiæ Sacramento, quasi diluvio passionum ac dolorum Christi, peccator cum peccatis submergitur: Deusque, deposita omni ira, pactum ininit nobiscum, & ius hereditatis reconciliatis ad bona Patris æterni restituit, (modò promissis stemus) & inter nos & cælum arcum illum purpureum, I E S U M Christum crucifixum, dilaniatum à capite ad pedes, interponit medium, eoque loco constituit, tum verbo prædicationis, tum imaginibus, quæ non modò templis singulis, sed & domibus pæne omnibus ac locis patientibus emicant, tum officio quod quotannis recolitur, quoque passionis acerbitas explicatur, imò singulis diebus, ne dicam singulorum dierum horis, per vniuersum orbem in tremendis Mysterijs cōmemoratur; ut difficillimum sit, hunc fœderis arcum ac symbolum non videri. Nihilominus vix à templo, ab oratione, à proposito loco recessimus, quin immemores à contractu resiliamus, vix nostri memores. de quibus Psalmista: *Non fuerunt memores multitudinis misericordiae Dei.* Quapropter utilissima erit recordatio diuinorum mandatorum, quæ pactum istud conseruet, nosque nobis ipsis Deoque præsentibus constituat, & à lapsu liberet ac vendicet.

Psal. 105.

56. Præ

56. Præ ceteris omnibus nostra memoria occupari debet cum in Christi Seruatoris vita sanctissimè traducta, tum verò potissimùm acerbissimi eius dolores cogitandi sunt. quod cum maximè nobis salutare sit, tum ad id is ipse, qui patitur, nos impensè inuitat per Prophetam suum. *O vos omnes, ait, qui transitis per viam, attendite, & videte si est dolor sicut dolor meus.* & Apostolus: *Recogitate eum qui talia sustinuit à peccatoribus aduersum semetipsum contradictionem; ut ne fatigemini, animis vestris deficientes.* Pijssimus quoque Bonauentura, *Quoniam, inquit, deuotionis seruior per frequentem passionis Christi memoriam nutritur & conseruatur in homine; is semper oculis cordis sui Christum in cruce tamquam morientem videat, qui deuotionem in se vult conseruare inextinguibilem.* Propter hoc Deus dicit in *Leuitico*: *Ignis in altari meo semper ardebit, quem nutriet Sacerdos subijciens ligna per singulos dies. Altare Dei est cor tuum. In hoc altari debet semper ardere ignis feruida deuotionis, qui singulis diebus debet nutriri per lignum crucis Christi, & memoriam passionis ipsius; & hoc est quod dicit Isaias: Haurietis aquas in gaudio de fontibus Saluatoris. ac si diceret: Quicumque desiderat aquas gratiarum, aquas lacrymarum iste hauriat de fontibus Saluatoris, id est, de vulneribus IESV Christi.* Hæc Bonauentura. Multa sunt in rebus creatis, quæ summa facilitate, adhibito tamen conatu, nobis vitæ passionisque Dominicæ refutant memoriam: qualia sunt, quibus vsus est familiaris ipse Dominus, vel quæ ipsum afflixerunt, vel certè quæ eius humanitatem Diuinitatemque testata sunt. Quare, si solem intueare; veniat in mentem illius, quod ipso moriente sol obscuratus est, & tenebræ factæ sunt per vniuersam terram. Si terram aspicias; cogites eam Dominum calasse sacris pedibus, & morum virtutumque vestigia nobis impressa reliquisse, eam quoque sanguineo sudore perfudisse. Si aquam; illud occurrat, quod siccis firmisque in ea pedibus ambulauit, quodque ex eius mortui latere copiosè profluxerit. Si rupes ac saxa; memor sis, in hora mortis eius, ex terræ tremore, petras scissas fuisse, apertaque monumenta. Si aer pluuiam imbrémve demittat; recordere pluuiæ sanguineæ, quæ ex omnibus corporis faucij partibus in stipite crucis extenti defluxit. Si videris rusticanas ædes; subeat recordatio stabuli illius, in quo Dei Filius natus est. Si malleos, si forcipes, si clauos, si spinas, si scuticas & verbera, si arundinem, si funes, si peluim aut malluuium; toties ea instrumenta passionis Dominicæ fuisse memento. Cum vestes induis; considera Filium Dei humanā induisse naturam: cum exuis; contemplare eum vestibus spoliatum, ut flagris dirissimè laniaretur, vel immani cruci figeretur. Hæc quidem passim non occurrunt; ars tamen naturam perficit, & gratia. Accedat & conatus oportet, & studium nostrum. Amanti nihil impossibile. Qui ardentè amat, is & amici memoriam colit, & omnia, quæ eius recorda-

Modus 7. memoria passionis Domini.

Thren. 1.

Heb. 12.

Lib. de perfect.

Sicut ad Soro-

res, cap. 6. 10.

mo 7.

Leuit. 6.

Isaia 12.

Quæ memoriâ passionis Dominicæ excitet.

tionem excitant, complectitur. Ama, & conare; Deus non deerit, mercedemque memoriae sui non subtrahet.

Partitio die-
rum hebdoma-
da ad recolenda
Christi
Domini passio-
nem.

1. Dominica.

2. Luna.

3. Martis.

4. Mercurij.

5. Iouis.

6. Veneris.

7. Sabbati.

Monitio pro
prudens mo-
deratione.

Psal. 119.

Ioan. 20.

Luc. 24.

Matth. 26.

Psal. 2.

Psal. 21.

Matth. 26.

Isaia 50. & 53.

Ioan. 19.

Isaia 53.

Ioan. 13.

57. Solent nonnulli viri pij hebdomadae dies partiri, & singulis suam materiam occupandae mentis distribuere: vt diei Dominico, qui resurrectioni consecratus est, apparitiones, quae illo die acciderunt, cogitandas praescribere; & primum quidem illam quae Matri Virgini beatissimae, deinde quae Mariae Magdalenae, quae tribus aggregatis Marijs, quae Petro, quae duobus discipulis in Emmaus euntibus, quae discipulis domi inclusis: vt, si quando mens otiosa fuerit, illi aliqua ex his obijciatur. Diei Lunae, quae in horto acciderunt: qualis Christi oratio; quae deinde fuerit somnolentia discipulorum; quae Iudae vigilantia, proditio, traditio; quae Christi benignitas, traditoris sui osculum sustinentis; quae denique immanitas Iudaeorum, Messiam suum vincientium & abducentium. Die Martis amplissima sunt quae contigerunt in aedibus Caiphae. Die Mercurij nonnulla quae in domibus Pilati & Herodis. Diem Iouis libenter occupant consideratione humilitatis Christi, pedes discipulorum eluentis; & sacrae Eucharistiae institutione meditanda. Diem Veneris sibi vendicat coronatio Domini cum omnibus irrfionibus; crucis baiulatio ac crucifixio. Sabbatum consecratur tum sepulturae contemplandae, tum doloribus Virginis commemorandis. 58. Haec tamen prudenter sunt assumenda, ne caput laedatur: difficile namque est res illas concipere, ijsque saepe efformandis facile ex-hauriuntur spiritus. expedit potius sententiam aliquam ruminare, quae mysterium illud omne contineat; quales essent pro Dominico die: *Hac est dies quam fecit Dominus, exultemus & laetemur in ea. Si tu sustulisti eum, dicito mihi ubi posuisti eum, & ego eum tollam. Nonne cor nostrum ardens erat in nobis, dum loqueretur in via? Pax vobis.* & similes. qualis item illa diei Lunae: *Tristis est anima mea usque ad mortem. Nescit ego volo, sed sicut tu. Amice, ad quid venisti?* Die Martis, de domo Caiphae: *Assiterunt Reges terrae, & Principes consenserunt in unum, aduersus Dominum, & aduersus Christum eius. Dirumpamus vincula eorum, & proiciamus a nobis iugum ipsorum. Circumdederunt me vituli multi, tauri pingues obsederunt me: aperuerunt super me os suum, sicut leo rapiens & rugiens. item: Prophetiza nobis Christe, quis est qui te percussit? Posui faciem meam vt petram auersissimam. Non est species ei, neque decor: & vidimus eum, & non erat aspectus; & desiderauimus eum, despectum & nouissimum virorum. Verè languores nostros ipse tulit. Die Mercurij: *Pilatus flagellauit IESUM. Ecce homo. Verè languores nostros ipse tulit, & dolores nostros ipse portauit: & nos putauimus eum quasi leprosum, & percussum à Deo, & humiliatum. Die Iouis: Domine, tu mihi lauas pedes? Vos vocatis me Magister & Domine, & bene dicitis. si ergo ego laui pedes vestros, Dominus & Magister; & vos debetis alter alterius lauare**

lauare pedes : exemplum enim dedi vobis , vt, quemadmodum ego feci vobis, ita
 & vos faciatis. Caro mea verè est cibus, & sanguis meus verè est potus. Qui Ioan. 6.
 manducat meam carnem, & bibit meum sanguinem, in me manet, & ego in illo.
 Probet autem seipsum homo, & sic de pane illo edat, & de calice bibat : qui enim 1. Cor. 11.
 manducat & bibit indigne, iudicium sibi manducat & bibit, non dijudicans cor-
 pus Domini. Die Veneris : Pilatus adiudicauit fieri peririonem eorum. Milites Luc. 23.
 plectentes coronam de spinis, posuerunt super caput eius; & genu flexo ante Math. 27.
 eum illudebant ei, dicentes : Aue Rex Iudeorum. & percutiebant caput eius
 arundine. Foderunt manus meas & pedes meos, dinumerauerunt omnia ossa Psal. 21.
 mea. Die Sabbati: Mulier, ecce filius tuus. Ecce mater tua. Hæ & simi- Ioan. 19.
 les sententiæ totam historiam reuocant in memoriam; & minori labo-
 re ac tædio ruminantur, quàm si historia repræsentari debeat. Expedit
 verò hæc ex directione prudentis Confessarij suscipere; nec metiri con-
 tinuationem hanc ex desiderio quod gerimus, sed ex cuiusque faculta-
 te ac viribus, vt sit rationabile obsequium nostrum. Rom. 12.

59. Nec velim quemquam sic ista intelligere, vt alia agendo, hæc
 simul voluat animo. Pluribus intentus minor est ad singula sensus. Memor
 esto huius præcepti: Age quod agis. Si legendum, lege; si studendum,
 stude; si loquendum, loquere. Subinde redi ad te, ne spiritum obruere
 atque opprimere videare. Caue etiam ne consideratio hæc à sola me-
 moria pendeat, sed maximè ex affectu procedat: sic enim diuturnior
 erit, & magis sapida. Exercitatio verò ista à iuuentute aut à primis
 ætatis annis suscepta miram parit facilitatem, miram delectationem.
 Quòd si hæc ætas elapsa sit, necesse est hunc defectum suppleat magna
 in Christum Dominum caritas, eique compatiendi desiderium: quod
 enim amatur, laborem non habet; & vbi voluptas, nulla ibi fatigat
 duratio.

Hunc B. Bernardus, præ ceteris, complexus est modum, quem tota
 vita sedulo retinere, atque ex omnibus passionis instrumentis, dolori-
 bus, conuiuijs suauissimi Domini sui fasciculum myrrhæ confectum
 inter vbera sua voluit commorari; sic hortans nos ad imitandam spon-
 sam, fasciculum myrrhæ complectentem: Tu quoque, si sapis, imitaberis Serm. 43. in
 sponse prudentiam, atque hunc myrrhæ tam carum fasciculum de principali tui Cant.
 pectoris nec ad horam patieris auelli, amara illa omnia, quæ pro te pertulit, sem-
 per in memoria retinens, & assidua meditatione reuoluens; quo possis dicere & spon-
 su Domini. Et Cant. 1.
 tu: Fasciculus myrrhæ dilectus meus mihi, inter vbera mea commorabitur. Et
 ego, Fratres, ab ineunte mea conuersione, pro acervo meritorum, quæ mihi deesse
 cognoscebam, hunc mihi fasciculum colligare & inter mea vbera collocare cura-
 ui, collectum ex omnibus anxietatibus & amaritudinibus Domini mei: primum
 videlicet infantilium illarum necessitatum, deinde laborum quos pertulit in præ-
 dicando, fatigationum in discurrendo, vigiliarum in orando, tentationum in ieiunando,

nando, lacrymarum in compatiendo, insidiarum in colloquendo, postremo periculorum in falsis fratribus, conuiciorum, sputorum, colaphorum, subsannationum, exprobrationum, clauorum, horumque similium, quæ in salutem nostri generis filia Euangelica copiosissime noscitur protulisse. Hæc Bernardus.

*In Vita Matris
Teresa, lib. 3.
cap. 3.*

Scribit P. Franciscus Ribera, duas sorores nobilissimas, Illustrissimæ Sanciæ Rodriguez filias, Catharinam & Mariam, fundasse quoddam „ Monasterium Carmelitarum Discalceatarum. Admiranda fuit Catharinæ primogenitæ ad Deum conuersio anno ætatis 14. (de qua primo libro diximus) quo tempore cum ab humili Christi cultu atque obsequio longissime abesset, & quidquid illi parentes coniugij nomine deferrent, opinione sua minus esse videretur, contigit ut in Christi „ cruci affixi effigiem incideret, in cubiculo quodam appensam; in quam „ coniectis oculis, legere cepit eiusdem crucis titulum: IESVS NAZARENUS, Rex Iudæorum. cuius singula verba sic eius animum peruaferunt, ut „ eodem momento, cælesti lumine igneque afflata, in aliam planè mutata sit. Haussit enim illico incredibilem abiectionis suæ ac humanæ „ miseriæ cognitionem. Inflammata deinde ardentissimo Dei causâ patiendi desiderio, humilitatis Christianæ altissima fundamenta ponit; „ feruentissimo odij proprii ac poenitentiaæ agenda ardore succensa. His „ iactis fundamentis, antequam se loco moueret, castitatis voto obstrinxit sese, ac paupertatis: concepto simul inæstimabili desiderio subijciendi se alterius imperio; intantū ut parata esset hanc ob causam in „ Maurorum regionem commigrare. Incredibilia sunt, quæ nobilissima hæc virgo à die illo fecerit, quæque illi acciderint; sanitate ei diuinitus „ restituta; visione item mirabili ostensa ei Religione quam ingredi- „ tur, regulisque eiusdem instituti propositis, viginti annis antequam „ Monasterium fundaret cum sorore: cui omnia bona sua contulerunt, „ priusquam ingrederentur, nulla tamen desuper ingressus sui facta mentione. quæ omnia bene longo capite idem Pater persequitur. Deceffit denique Catharina virtutum laude florentissima, cuius vitæ adeo illustris initium dederat tituli Dominicæ crucis & Regis Regum in ea appensi visio, attentaque consideratio.

*Iosue 2.
De passionis
Dominus memo-
ria, præclara
figura.*

Misit Iosue exploratores duos in urbem Iericho, qui explorarent qua parte ciuitas capi posset. Diuerterunt ad Rahab meretricem: cumque quærerentur à Rege Iericho, illa eos abscondit, ac illesos incolumesque remisit; ea tamen lege, ut misericordiam illi præstarent in expugnatione ciuitatis; sed addito signo funiculi coccinei alligati, & à fenestra dependentis. Cum ergo caperetur ciuitas, & omnes caderentur, ex funiculo coccineo è fenestra suspensio domus agnita est, saluataque Rahab cum tota cognatione sua. Iericho, quæ lunam significat, mundum hunc, mutationibus innumeris obnoxium, designat.

Rahab

Rahab meretrix, quæ Latinè dilatam sonat, pœnitentem animam, & ad Deum conuersam, nobis innuit. Hæc nuntios Iosue seu Saluatoris recipit, & abditissimis cordis sui locis abscondit. Hi autem duo nuntij sunt memoria Christi Domini amantissimi, ac innumerabilium dolorum eius compassio; qui, vt infernè deuoluantur, alligantur funiculo coccineo suspenso è fenestra. Fenestræ nostræ sunt oculi siue interni, siue externi; per has enim vita aut mors in animas nostras ingreditur: sed in ijs alligandi duo illi nuntij funiculo illo coccineo, qui Christum in cruce colligauit & constrinxit; funiculo, inquam, noui Adæ, vinculis caritatis: nec in sola cogitatione inhærere debent, sed infernè ad cor affectumque demitti. Cùm autem vita nostra aut mundus ipse expugnabitur à vero Iosue, mundi Saluatore, Iudice, & terræ promissionis expugnatore; funiculus ille in signum erit, si inuentus fuerit è fenestra dependens: cognoscentur enim ij, qui intimo affectu Christo compassi, in fenestris animi corporisque, patientis Domini memoriam numquam deposuerunt; cædentur reliqui, & in infernum demergentur; saluabitur verò Rahab, & ascribetur ijs qui terram fidelibus amicisque Dei promissam possidebunt; nosque cum ea partem habebimus: *si enim filij, & heredes; heredes quidem Dei, cohæredes autem Rom. 8. Christi: si tamen compatimur, vt & conglorificemur.*

Osee 11.

CAPVT XI.

Modus octauus, nonus, & decimus concepta præsentia Dei, per intellectum ex Regio apparatu in calis, varijs figuris per imagines, vna fide in sacrosancta Eucharistia.

60. **H**ACTENVS de exercitio memoriæ. Intellectus nobis tres quoque modos suppeditabit: atque in primis illum quem Dominus insinuare videtur, dum nobis orandi normā præscribit. *« Sic orabitis, inquit: Pater noster, qui es in calis. »* quibus verbis Patres volunt indicari, nos à terris ad cælos debere assurgere ac transferri mente ac cogitatione. Hinc Ioannes Damascenus orationem definit esse eleuationem mentis in Deum. & fideles ipsi, naturali quasi instinctu, (sicut apud Virgilium in tempestate ingemiscit Æneas, *Duplices Virgil. Æneid. lib. 1. tendens ad sidera palmas*) cùm ad Deum recurrunt, oculos manusque attollunt in cælum, quò nimirum animus ipse transmittitur. Sic Dauid orabat: *Dirigatur oratio mea sicut incensum in conspectu tuo, elenatio ma-* Psal. 140.

*Modus octauus
præsentia Dei,
quo considera-
tur in calis ap-
paratu Regio,
a Matth. 6.
Lib. 3. de fide
orthod. cap. 14.
Virgil. Æneid.
lib. 1.*

Z z

pium

Psal. 120.

Psal. 122.

Psal. 137.

Cur Deus in
calis esse dica-
tur in oratione
Dominica.

Isaia 6.

Psal. 79.

Idea. Maiesta-
tis diuina in
calo regnantis.
a Apoc. 4.

b Apoc. 19.

c Apoc. 1.

d Apoc. 19.

e Apoc. 1.

f Apoc. 4.

Apoc. 7.

Phil. 3.

Lib. 9. Confes.

cap. 10.

Psal. 38.

num mearum sacrificium vespertinum. & Leuauit oculos meos in montes. & Ad te leuauit oculos meos, qui habitas in calis. denique: In conspectu Angelorum psallam tibi. A terra nempe, rerumque terrenarum contagione & confortio, auellenda est cogitatio atque affectus; ibique constitutus, ubi negotia magis seria, deque aeterna salute tractandum est.

Quare nobis formare conuenit ideam rerum quas in calis inuenire, quas videre, ac menti imprimere sine magno labore possimus. Hanc a Scripturis diuinis mutuabimur. Isaia dicit se vidisse Dominum sedentem super solium excelsum & eleuaturn, & plenam omnem terram gloria eius. Seraphim stabant super illud, alis senis coniecti. Propheta Dauid vidit etiam Dominum, sed sedentem super Cherubim; quos magistros aut scientes interpretamur. Septum ergo habemus Dominum exercitu Angelorum, ex Seraphinis, velut flamma ardentibus, & Cherubinis alijsque spiritibus conflato. D. Ioannes in Apocalypsi, ^a Et ecce, ait, sedes posita erat in calo, & supra sedem sedens; & qui sedebat, similis erat aspectui lapidis iaspidis, ^b & vocabatur Fidelis & Verax. ^c Caput eius & capilli erant candidi tamquam lana alba, & tamquam nix; & oculi eius tamquam flamma ignis; ^d & in capite eius diademata multa. ^e Facies eius sicut sol lucet in virtute sua. ^f Et iris erat in circuitu sedis similis visioni smaragdina, & in circuitu sedis sedilia viginti-quatuor, & super thronos viginti-quatuor seniores sedentes, circumamicti vestimentis albis, & in capitibus eorum corona aurea; & in circuitu sedis quatuor animalia, plena oculis ante & retro, & requiem non habebant die ac nocte dicentia, Sanctus, Sanctus, Sanctus Dominus Deus omnipotens: & viginti-quatuor seniores adorabant vincentem in sacula seculorum, & mittebant coronas suas ante thronum, dicentes: Dignus es, Domine Deus noster, accipere gloriam, & honorem, & virtutem. Item ex omni tribu filiorum Israel duodecim millia signati; & turba magna, quam dinumerare nemo poterat. Ex quibus omnibus concipi potest magnifica Regia, ubi summo ordine quique beatorum sedent, & honorem Deo tribuunt singulari reuerentia. Præter choros Angelorum visuntur & Patriarcharum Prophetarumque ordines, Apostolorum senatus, Martyrum trophæa, Confessorum turma, Virginum ac ceterorum beatorum chori. qua de re si aliquoties meditatio instituat ex professo, facile erit aliquid concipere, quod te recipias ac referas, ubi de celestibus voles cogitare.

Hoc sensu D. Paulus loquebatur, cum diceret, Nostra conuersatio in calis est. & D. Augustinus cum matre apud Ostia Tiberina. Inhabamus, inquit, ore cordis in superna fluent a fontis tui, fonte vite, qui est apud te; ut inde pro capto nostro aspersi, quoquo modo rem tantam cogitemus: cumque ad eum finem sermo produceretur, ut carnalium sensuum delectatio quantalibet in quantalibet luce corpore a pre illius vite iucunditate non comparatione, sed ne commemoratione quidem digna videretur, erigentes nos ardentiore affectu in idipsum,

idipsum, perambulauimus gradatim cuncta corporalia, & ipsum calum, vnde sol & luna & stella lucent super terram. & paulo post: Dum loquimur & inhiamus illi, attingimus eam modicè toto ictu cordis, & suspirauimus, & reliquimus ibi religatas primitias spiritus. & post multa: Tu scis, Domine, quòd illo die, dum talia loqueremur, & mundus iste nobis inter verba vilesceret cum omnibus delectationibus suis. Tum ait illa: Fili, quantum ad me attinet, nulla re iam delector in hac vita. quid his faciam adhuc, & cur hic sim, nescio, iam consumpta spe huius sæculi. quid hic facio? Hæc Augustinus. Solebat & beatus Pater Ignatius, Societatis I E S V fundator, frequenter oculos in cælum attollere, fixæque illud intueri, summoque desiderio beatæ illius regionis accessus in hæc verba prorumpere: *Quam mihi sordeat terra, dum cælum aspicio!* Et si enim vbique sit Deus per essentiam, præsentiam, & potentiam, non tamen se hic manifestat. *Cælum cæli Domino, terram autem dedit filijs hominum. Cælum illi sedes est, terra autem scabellum pedum eius. Nos tamen aspe dumtaxat salui facti sumus: & licet non simus hospites & aduenæ, sed ciues sanctorum, & domestici Dei; tamen non habemus hic manentem ciuitatem, sed futuram inquirimus.* Quid ergo mirum, si spe, animo, desiderio in cælis cum Deo versari desideremus?

61. Hic modus cum utilis sit gratusque omni homini rectè sapienterque vtenti, tum maximè opportunus est orantibus, quorum mens Deo attentius intendit: ad hoc enim natura, spiritu duce, orantem impellit & arrigit, vt oculos corporis animique in cælum attollat, ac manus eleuet. quod Moysen fecisse, & quidem Deo id probante, dum oraret, sacræ testantur historiæ. Sollemne id quoque fuit D. Francisco, qui subinde ad cubitos aliquot, interdum ad mediam fagum, denique alias vsque ad summos fagorum ramos eleuabatur corpore recto, facie, oculis, manibusque in cælum protensis.

Facilitas modi huius hinc colligi potest, quòd non minùs Deus nos videat, eumque concipere videntem possimus, quàm olim cultores solis & lunæ, qui militiam cæli adorabant, id est, astra omnia ac stellas: putabant enim (& quodammodo oculi ita iudicant) solem ac lunam habere oculos, totumque orbem contueri, ac radijs suis omnia peruadere, atque occultissima quæque patefacere; ob quam etià causam faciliè concipiebant Deum suum orantes, & meritò timebant omnia perspicientem. Quid minus Deo possumus tribuere? quid minus de eo concipere?

62. Quod de Diuinitate diximus, de humanitate Christi dici potest: nam etsi in cælo residentem ponamus, videt tamen omnia; nec cælorum altitudo, nec diuulsa intercapedo, aut domorum tecta aut parietes impediunt, quo minùs aut ipse videre nos, aut ipsi eum contemplari possimus. Certè videbat B. Stephanum generosè pignantem: & cum

Z z 2

vult,

*Massius in
eius Vita.*

Psal. 113.

Isaia 66.

a Rom 8.

b Ephes 2.

c Hebr. 13.

Romau. in eius

Vita, c. 13. An-

tonin. 3. p. tit.

24. c. 2. §. 8.

In Chronico

Gallico, lib. 6.

c. 15. edito Pa-

risijs AN. 1600.

Quomodo

Christus sibi

quo esse dica-

tur.

AA. 7.

vult, se manifestat; hinc vidit Stephanus cælos apertos, & IESVM stantem à dextris Dei. Ipse, tamquam principalis minister, confert gratiam in omnium Sacramentorum administratione, sacrificat inuisibiliter incruenta mysteria: quia distantia locorum nihil præiudicat ei, qui potest & regit omnia, & cuius verbo omnia obediunt.

Epist. 57. de
præsentia Dei
ad Dardanum.

Quod si concipiamus Christum Dominum tamquam dextræ nostræ adhærentem, veluti virum grauem, cuius vultum vereamur, cuius merita suspiciamus, cuius reprehensiones timeamus, consilia exoptemus, amicitia delectemur: etsi re ipsa coram non sit secundum humanitatem suam, quia (vt ait D. Augustinus) Christus Dominus quoad humanitatem omni loco esse non possit, persona tamen eius, quæ Deus est, ubique est, ideoque, ubicumque simus, ipsa adest. Deinde, suprà diximus præsentem eum esse censendum, qui omnia habeat ante oculos, perinde ac si iuxta rem ipsam eodemque loco consisteret: Christo verò Domino in cælis esistenti omnia sunt conspicua, omnia aperta atque explorata; quare eum præsentem reputare possumus. Vnde idem Dominus Apostolis dicebat: *Vbi sunt duo vel tres congregati in nomine meo, ibi sum in medio eorum.* &: *Ecce ego vobiscum sum omnibus diebus vsque ad consummationem sæculi.*

Matth. 28.
Matth. 28.

Siue ergo è cælis prospicientem spectemus, siue adhærentem nobis, non fallimur: nam & diuina persona præsens est, & cor nostrum intuetur, & cogitationes nostras penitus considerat. hinc voluit re ipsa aliquando ostendere se ijs præsentem esse, qui de se magno affectu impulsu cogitarent; vt Mariæ Magdalenæ, cui secundò post resurrectionem apparuit. Catharinæ verò Senensi (quæ hanc præsentia diuinæ Praxim accuratè exercebat, vt postea ostendemus) ita familiaris erat, vt subinde in cubiculo deambulando horarias preces cum ea recitaret, ipsaque in fine Psalmorum ita concluderet: Gloria Patri, & tibi, & Spiritui sancto.

Matth. 28.
Ioan. 20.
Raymundus
in eius vita.

Modus vnius,
constans ima-
ginibus.

63. Sequitur alius modus, qui imaginibus & figuris exprimitur: facile enim per imagines memoria rerum, quas repræsentant, excitatur ac retinetur. quare vtilissimum est diuersis ædium locis locari imagines, quæ nobis Dei memoriam excitent; sicut & profani homines varijs formis obscenas cogitationes adsciscunt.

Regist. lib. 9.
inductione 4.
epist. 9.
Imaginum Sri-
liques.

Quod D. Gregorius dicit imagines esse idiotarum libros, bene verèque dicit, sed non satis: sunt enim & peritorum libri, & quidem admodum efficaces; sicque oculos subinde animosque occupant ac permouent, vt, quod sedula lectione assequi nequiuimus, vno ictu oculi perfectè concipiamus. quare ex imaginibus optimæ meditationes fiunt; quia figuræ illæ animis impressæ, clariùs res spirituales important; & quo maior cognitio, eo & voluntatis motus potentior. Accedit,

cedit, adorandas esse imagines; eo quod nobis prototypum repræsentent; ut, si Christi videas imaginem, ipsum Christum cernere videare: & quidem sine magno labore. quapropter imaginum vsus in templis, oratorijs, ac cubiculis admodum opportunus est, præsertim orationis tempore. quia illico nos Deo sistimur, & illum in imagine præsentem efformamus. hinc Petrus venerabilis Lector & Notarius sacri Patriarchatus legit in Synodo septima ex Athanasij libro quarto contra Arianos, ac *At. 4. tomo 3. Conc.* concludit quod Beatus Athanasius iudicauerit non esse duas adorationes imaginis & exemplaris, sed vnam: & quod nos Christiani, imagines Christi & sanctorum Martyrum tenentes & osculantes, videamur nobis Christum & Martyres amplecti. *Qui enim, inquit, imaginem adorant, adorant etiam ipsum Regem: illius enim forma & figura est imago.* Item Ioannes Damascenus, *Adoramus, inquit, figuram crucis: quia ubi est Christi signum, ibi & ipse erit.* Refert D. Hieronymus epistola ad Eustochium, Paulam Romanam prostratam ante crucem Domini, quasi pendentem Christum cerneret, adorasse. quæ etiam *Bethlehem ingressa, ait, & in specum Saluatoris introiens, me audiente iurabat cernere se oculis fidei infantem pannis inuolutum.*

Et sanè plurimos sanctorum Patrum, qui ad imagines orauerunt, sua non fefellit opinio. D. Thomæ coram crucifixi imagine oranti, & de *Petrus Ribad. in eius Vita.* studijs aliquid querenti, tertio vox è crucifixo reddita: *Bene scripsisti de me, Thoma.*

D. Antoninus Florétinus Archiepiscopus, doctissimus iuxta ac sanctissimus, crucifixi effigie ad fundendas orationes utebatur in museolo, in quo inclusus pernoctabat. Domesticus quidam nocte, putans se vocari à beato viro, accessit primum: & cum ingenti luce locum vidisset coruscantem, furtiue obseruans vidit sanctum virum multo lumine illustratum, longè à terra sublimem, ad crucifixi simulacrum abreptum; quod dulciter alloquens amplexibus stringebat, & lateri defosso oscula, incredibili voluptate perfusus, figebat. Hinc obseruatum, sermonem sancti viri mirabili suauitate deinceps fuisse respersum.

Abbas quidam Ioannes (ut refertur in Prato spiritali) in spelunca *Pratum spirit. sect. 180. Refertur at. 5. Synodi Nic. 2. sub finem.* morabatur, in partibus villæ quæ dicitur Sochus, viginti ferè milliari- bus ab Ierusalem. Habebat autem senex in spelunca imaginem immacu- latæ Dominæ nostræ, Dei genitricis, semperque virginis Mariæ, in vlnis ferentem Christum Dominum & Saluatorem nostrum. Quoties igitur abire volebat ad locum aliquem, siue Ierosolymam ad adorandam sanctam crucem & venerabilia loca, vel in Sinai montem orationis gratia, siue ad Martyres distantes ab Ierosolymis multis prolixisque interuallis, reficiebat candelam, & accendebat, ut sibi consuetudo erat, atque ad orationem stans, & Deo, ut suum iter dirigeret, supplicans, dicebat

» dicebat ad Dominam, intendens in imaginem ipsius: Sancta Domina
 » nostra, Dei genitrix, quia longum iter iturus sum, diebus multis perfi-
 » ciendum, candelæ tuæ tu curam habe, eamque (ne extingatur) iuxta
 » propositum meum serua: ego enim, adiutorio tuo comitante, iter ar-
 » ripio. hisque ad imaginem dictis egrediebatur, peractoque proposito
 » itinere reuertebatur, aliquando post mensem, sæpe etiam post duos
 » vel tres menses, nonnumquam post quinque vel sex, & ita reperiebat
 » integram candelam & ardentem, sicut eam (cùm iter arripere) di-
 » miserat; & numquam hanc à seipsa extingui vidit, neque de somno
 » surgens, neque à peregrinatione rediens, neque ex eremo in spelun-
 » cam pergens.

*Surius tome 6.
 Nouemb. 19.
 cap. 7. fol. 447.*

» Cùm Elisabeth Regis Hungariæ filia, & Lantgrauj Thuringiæ vxor,
 » die quodam sollempni pretiosis ornata vestibus, aureamque capite ge-
 » stans coronam, ac familia frequenti stipata, de more Christiano rem-
 » diuinam auditura esset; primo statim contuitu crux Dominica, atque
 » ex ea pendens imago Saluatoris, eam penitissimè compunxit, com-
 » punctæ lacrymas excussit, & lacrymanti huiusmodi cogitationes in-
 » gessit: En creator & redemptor meus nudo corpore, mea causa igno-
 » miniosam in cruce oppetit mortem; ego verò misera, gemmis, auro,
 » bysso, & purpura contexta, vitam cælestibus indignam beneficijs perdo
 » magis quàm ago. Illud caput intra Pilati ædes spinea corona depunxit,
 » Iudæorum vallarunt opprobria; me numerosa circumdatam familia,
 » aurea corona redimitam, cuncti mirantur, suspiciunt, honorant. Me
 » miseram, me infelicem! sic illius obedio præceptis, beneficia reuoluo,
 » vestigia sequor, qui me, cùm non essem, creauit, perditamque suo san-
 » guine redemit? Tam intensæ autem hæ cogitationes fuerunt, vt desti-
 » tuto viribus corpusculo, ac facie tota in pallorem versa, repentè regia
 » mulier humi velut exanimis prolaberetur, omnibus, qui eam stipabant,
 » vehementi pauore perculsis; elatamque foras tantisper sacris vndis ad-
 » spergere perseverantibus, dum, stupore cessante, compos mentis red-
 » deretur. Hæc in eius vita: quæ ab eo tempore adeò admiranda extitit,
 » vt longè virtutibus illustrior ipsa euaserit, quàm sanguine.

*Modus deci-
 mus presentia
 diuina, qua in
 Eucharistia
 consideratur.*

Optima ergo Praxis est, frequentes Dei Sanctorumque imagines
 domi habere; quas & lubenter videas, & ad orandum adhibeas.
 64. Alius modus est, per fidem Christum Dominum realiter animo,
 corpore, & Diuinitate in Eucharistia existentem adorare. Et si enim
 oculis corporeis non videatur, certè dubitare nefas, non cogitare stu-
 piditas, non curare propemodum insania est. Illic Dominum suum
 innumerabiles adorant Angeli, gloria & maiestate fulgentem. Cùm
 Sacrificium offertur, in quo ipse Dominus dominantium hostia im-
 molatur, tota cælestis curia attendit; Pater excipit, omnibusque offe-
 ren-

rentibus, astantibus, orantibus copiosa munera largitur. Quales astarte nos decet, cum Angeli purissimi cum timore & tremore adfint, perpetuo occinentes: *Sanctus, Sanctus, Sanctus Dominus Deus omnipotens.* Apoc. 4.

Ad illustrandam porro hanc Dei in Eucharistia presentis considerationem, & ad confirmandum ea quae de Angelis assistentibus dicta sunt, magnopere confert quod B. Chrysostomus scriptum reliquit, ubi de sacrosancto altaris Sacrificio, *Considera, ait, quales manus illas administrantes Lib. 6. de Sacramentis.* esse oporteat; qualem linguam, quae verba illa effundat; quae denique re non puriorum sanctionem esse conueniat animam, quae tantum illum tamq. dignum spiritum receperit. Per id tempus & Angeli Sacerdoti assident, & caelestium Potestatum vniversus ordo clamores excitat, & locus altari vicinus, in illius honorem qui immolatur, Angelorum choris plenus est. id quod credere abunde licet vel ex tanto illo Sacrificio, quod tum peragitur; ego vero & commemorantem olim quendam audiui, cum diceret, senem quendam, virum admirabilem, ac cui reuelationum mysteria multa diuinitus fuissent detecta, sibi narrasse, se tali olim visione dignum habitum à Deo esse, ac per illud quidem tempus de repente Angelorum multitudinem conspexisse (quatenus humanus aspectus ferre poterat) fulgentibus vestibus indutorum, altare ipsum circumdantium; denique sic capite inclinatorum, ut si quis milites praesente Rege stantes videat. id quod facile mihi persuadeo. Item & alius quidam mihi narravit, non ille quidem ab alio edoctus, sed dignus habitus qui & vidisset ipse, & audisset, quod qui de vita hac emigraturi sunt, si mysteriorum huiusmodi cum pura ac munda conscientia fuerint participes, spiritum efflaturi, ab Angelis, illorum corpora satellitum more stipantibus, propter assumptum illud sacrum hinc recta in caelum abducuntur.

Duo ad Praxim dicere sufficiet: quorum primum, vtile admodum esse, coram Eucharistia meditari, orationes fundere, ac etiam frequenter versari; ubi certo certius Dominum nostrum praesentem esse credimus: & propter sollemnes caerimonias, altaria, ornamenta, vasa pretiosa facile apprehendimus eius praesentiam, ex qua pius quidam horror & veneratio enascitur. Alterum est, quod ille idem in corpus nostrum se transfundi patiatur: unde non modo praesentem cernimus, sed & sentimus ac gestamus. ideo D. Paulus: *Empti estis pretio magno; glorificate & portate Deum in corpore vestro.* 1. Cor. 6. Sed qua reuerentia? quo timore? quo affectu? Consideret qui excipit, sed maxime ille qui huic exercitio incumbit, vtrum Deus aliquid debuerit facere vineae suae, ut eum praesentem haberemus, & non fecerit. In ea qua reuerentia requiratur.

CAPVT XII.

*Modus undecimus voluntati proprius, qua in-
timè templum Deo colendo, sua quieti, tumulti-
bus hostiumq; iniurijs arcendis, construit; sanctis
Patribus familiaris.*

*Modus 11.
Animam no-
stram esse do-
mum, templum,
tabernaculum
Dei.*

*1.
Epist. ad Luci-
lium 41.*

*2.
1. Cor. 3.
1. Cor. 6.
Ibidem:
Ephes. 2.*

Ioan. 14.

*3.
Serm. 1. de de-
dicat. templi,
ordine 16. inci-
pit, Bona ope-
ra fidelium.
1. Cor. 3.*

*4.
5.
Caesarius lib. 9.
cap. 8.
Apes sacra Eu-
charistia tem-
pli extruunt.*

65. **P**OST QVAM, operante intellectu, Deum tamquam obiectum præsentem constituimus; qui sequitur modus, affectui conuenit. Illum, ut & facillimum, & utilissimum, & præstantissimum, sancti Patres tam doctrina quam vñ cōprobarunt. Quid dico Patres? ne profani quidem auctores de eo ipso tacuerunt; inter quos Seneca: Propè est à te Deus; tecum est, intus est. Ita dico Lucili, sacer intra nos spiritus sedet, malorum bonorumq; nostrorum obseruator & custos. Hic, prout à nobis tractatus est, ita nos ipse tractat. Bonus vir sine Deo nemo est. Hæc ille. Litteræ sacræ animā hominis iusti templum Dei vocare consueuerunt. Nescitis, ait Paulus, quia templum Dei estis? Vos enim estis templum Dei viui. &: Qui consensus templo Dei cum idolis? Dicimur & Dei ædificium, habitatio, ab eodem Apostolo. In Christo, ait, omnis ædificatio constructa crescit in templum sanctum in Domino, in quo & vos coedificamini in habitaculum Dei, in Spiritu sancto. Hoc ipse Seruator clariùs explicat. Si quis, ait, diligit me, sermonem meum seruabit, & Pater meus diliget eum, & ad eum ueniamus, & mansionem apud eum faciemus. Sicut enim, ait D. Augustinus, hoc ædificium visibile factum est nobis corporaliter congregandis: ita illud ædificium, quod nos ipsi sumus, Deo spiritualiter habitatio constructur. "Templum enim Dei sanctum est, quod estis vos. Ita Augustinus. Naturali lumine gentes omnes, sicuti Deum quemcumque suum commentæ sunt, ita templa exædificanda cognouerunt: & ut verus Deus sibi mandauit ædificari, ita & commentitij sibi quoque extrui curauerunt. Imò & apes, etsi lumine rationis careant, tamen (ut quidam probus ac religiosus auctor refert) Christum agnoscentes, dum mulier contra pestem animalculorum Eucharistiam in aluearia iniecisset, miræ structuræ fabricam erexerunt ex fauis suis ac cera. Pauimentū ac parietes, fenestræ, ostium, testum, turrisque quasi æri cāpano suspendendo in ea adiuncta, visebatur: altare decenti loco erectum, in quo sacratissima Hostia ab ipsdē deportata ac reposita erat; cui omni tempore laudes & obsequia sua videbantur deferre. Ipsæ bestiolæ tandem Conditorum suum cantu ac festo strepitu prodiderūt: reddita est Hostia, sollempniq; pompa à Curione ad templum reportata. Hæc nos exempla exiguarum mu-
scarum

secarum instruunt, in animi aluearibus templum esse Domino construendum.

D. Augustinus formam nonnullam præscribit. *Fundamenta*, ait, *in Sermon. sup. cit. cap. 5.* cordibus vestris Apostolica & Prophetica monita tacite. Humilitatem vestram, Templi spiri- sicut pavimentum, sine offensione prosternite; salutarem in corde vestro doctrinam orationibus & sermonibus tamquam firmis parietibus communitate; diuinis eos testimonijs tamquam luminaribus illustrate; infirmos tamquam columna sufferte; inopes sicut tecta protegente: ut Dominus Deus noster pro temporalibus bonis æterna restituat, & vos in æternum perfectos dedicatosque possideat. Hæc Augustinus, & optime: nam quod anima in se templum construere statuit, non imaginariè tantum, sed veris solidisque virtutibus fundatum ac solido compage colligatum sit necesse est. Fundamentum enim Christus est, eiusque, qua iusti sumus, gratia: ea absente, nullum ædificium potest consurgere. Stratum sit profunda humilitate: parietibus quatuor fulciatur; prudentia, iustitia, temperantia, ac fortitudine: tegatur caritate: ostium sit firma solidaque fides, quæ per caritatem operetur; est enim ostium angustum, per quod pauci ingrediuntur: fenestræ, quibus è cælo lumen copiosius coruscans admittatur, spes magna, oratio, obedientia, gratitudo. altare quoque medium requirit D. Augustinus. *Sanctum*, inquit, *templum est Deo mens pura, & altare optimum est ei* *Lib. de natura & gratia, c. 64. tomo 7. in Psal. 49.* *cor mundum & sine peccato.* & in Psalmum 49. *Ara*, inquit, *tua, conscientia est. Immola Deo sacrificium laudis.* Itaque ara cor nostrum, in qua ignis caritatis iugis debet ardere, & super illam offerri sacrificia, primum quidem spiritus cõtribulati: *a* *Sacrificium enim Deo spiritus contribulatus;* *1. Spiritus contribulatus.* *cor contritum & humiliatum Deus non despiciet.* Deinde sacrificium pro peccato: post reconciliationem enim Deo satisfaciendum est, quod *2. Pro peccato.* *fit pœnam spontaneam sibi inferendo.* Adde sacrificium vespertinum *3. Gratiitudinis.* *gratiarum actionis.* Gratissimum quoque adueniet holocaustum obedientiæ, vel consecrationis seu deuotionis sui totius in honorem diuinæ Maiestatis. *4. Holocaustum obedientiæ.* *Sacrificium denique omnium operum quæ facies, ut nulum sit quod ad honorem eius non tendat aut referatur; sicque altare 5. Omnium operum.* *tuum numquam hostia sit vacuum.* *6. Laudis.* *b* *Immola & Deo sacrificium laudis, & Psal. 49.* *peque in hymnis & benedictionibus cum gratia canta ac recine ex animo: Benedicam Dominum in omni tempore, semper laus eius in ore meo.* *Psal. 33.* *66.* Dum Iacob mandato patris Isaac in Mesopotamiam Syriæ pergeret, uxorem quæsiturus de cognatione sua; ut quiesceret fatigatus post solis occasum quodam loco, quem postea vocauit Bethel, (locus fuit ubi Christus natus est) capiti lapidem supposuit, viditque scalam, cuius extremitatum altera terram, altera cælos tangeret; ascendentesque ac descendentes Angelos; Dominum verò supremæ scalæ innixum hæc eloquentem: *Benedicentur in te & in semine tuo cuncta tribus terra,* *Gen. 28.*

& ero custos tuus quocumque perrexeris, & reducam te in terram hanc. Expauit Iacob, & ait: *Quam terribilis est locus iste! non est hic aliud nisi domus Dei, & porta celi. tollensq; lapidem, quem supposuerat capiti suo, erexit in titulum, fundens oleum desuper: & vocatus est lapis iste Domus Dei.* Hæc figura, Iacob imitatoribus, id est, mundi supplantatoribus, & in aliena regione PERFECTIÖNEM, tamquam uxorem optimam, à Patre nostro celesti commendatam, quærentibus, descripta est: qui, cum splendor vanitatum huius mundi occubuit, in Bethel, quæ domus panis est, in qua iam Christus nouusque Christianus natus est, in interno quodam ac spiritali domicilio commorari & quiescere deligunt; sed malè quiescent, nisi super Christum & gratiâ eius ac merita caput reclinauerint. Felix somnus, internaque cum Deo conuersatio, quæ sæcularium honorum, opum, voluptatumque tumultus sopiat. Felix (inquam) ille, qui ad pedem huius scalæ, quæ desideriorum celestium ac virtutum gradus significat, lectum suum strauerit: haud dubiè insigniter in virtutis progressu viaque PERFECTIÖNIS proficiet, auctore pio Rege, qui ait: *Beatus vir cuius est auxilium abs te; ascensiones certè huiusmodi in corde suo disposuit, in valle lacrymarum, in loco quem posuit.* Etenim Deus scalæ innititur, multasque dat animæ benedictiones, tum ipsi, tum Ecclesiæ profuturas: sancta quoque desideria à nobis, Dei ex alto lumina vltro citroque ascendunt, velut Angeli, ac descendunt: *eunt vota de virtute in virtutem, & videtur Deus Deorum in Sion;* anima nempe magna pace fruente. Promittit Deus diuinam suam protectionem ac custodiam; se in terram etiam promissionis caelestemque Ierusalem nos esse reduendum: sed ex parte nostra lapidem erigamus oportet in titulum, fuso oleo desuper; extruamusque Deo domum. Templum illud est, de quo modò agimus: sed altare sit è lapide, vt constantiam operi adferamus, ne domus altareque facilè destruat, ac voluntate firma in hoc sancto domicilio cum Deo perpetuò conuersemur; totumque affectum, velut oleum accensum, in illo altari fundamus & accendamus.

Psal. 83.

Locutio anima interna cum Deo & secum.

Psal. 42.

67. Sed modum hunc explicemus. Præcipuas partes huius exercitij sibi vendicant intellectus & voluntas: hæc enim amore rei alicuius capta, fertur in illam vt bonum optatum; quòd si absens fuerit, querit, desiderat, aduocat, & media adipiscendi comparat. Quia verò voluntas ad agendum facultates omnes applicat, intellectum vrget vt media suggerat, diuina iuxta & humana, opportunè, importunè; inde fit in nobis quædam collocutio, dum desiderijs postulantibus respondet quidam rationis discursus. Diuinus sanè Psalter sæpe sibi ipsi loquitur internè quasi plures adessent persone. *Quemadmodum, ait Deo loquens, desiderat ceruus ad fontes aquarum, ita desiderat anima mea ad te, Deus.* tum se

se interrogans, *Quare, inquit, tristis es anima mea, & quare conturbas me? spera in Deo.* Sermocinatio enim est in homine, dum verbum mentis animam hortatur, & rursus rationem non raro interpellat & alloquitur animæ ardens desiderium. Immiscet se sanctis animæ colloquijs & Deus ipse. Hoc ipsum in eodem Psalte Regio manifestum euadit: cum enim dixisset, *Qui habitat in adiutorio Altissimi, in protectione Dei celi* Psal. 90. *commorabitur*; statim mutat personam, & ad se conuersus, *Sperabo, ait, in eum.* tum tertiam quasi personam alloquens, *Cadent, inquit, à latere tuo mille.* denique & Deus ipse interuenit, dicens: *Clamabit ad me, & ego exaudiam eum; cum ipso sum in tribulatione.* Hæc colloquendi ratio frequens est in Psalmis, vsitata in Cantico canticorum, & Prophetis familiaris, sanctisque Patribus admodum cõmmendata: illi enim modò sibi, modò Deo, modò ipsis Deus loquitur, vt videre est totis pænè Meditationibus, Soliloquijs, Manuali, Confessionibus D. Augustini; eamque normam seruant, qui meditandi & contemplandi formam tradunt: est enim Deus verbum, & loqui nouit internè. Porro, ait Iob, *ad me dictum* Iob 4. *est verbum absconditum, & quasi furtiue suscepit auris mea venas susurri eius.* cum enim Deus loquitur, auditus quidam est; cum suam aut virtutis pulchritudinem ostendit, lumen est; cum delectat, sapor est; cum attrahit, odor est; cum solatur, complexus ac tactus est.

D. Bernardus ex professo de interna illa cum Deo locutione questionem talem instituit: *Queris dubius apud te dicens: Qua ratione verba* Serm. 45. in Cant. sub finè. *Verbi facta ad animam referuntur, & rursus anima ad Verbum; vt illa audierit vocem loquentis sibi, & perhibentis quod pulchra sit, viciſimq; idem præconium suo mox reddiderit laudatori? quomodo possunt hæc fieri? nam verbo loquimur, non verbum loquitur; itemq; anima non habet vnde loquatur, nisi os corporis formauerit sibi verba ad loquendum. Bene queris, sed attende spiritum loqui, & spiritualiter oportere intelligi quæ dicuntur. Quoties proinde audis vel legis Verbum atque animam pariter colloqui, & se inuicem intueri; noli tibi imaginari quasi corporeas intercurrere voces, sicut nec corporeas colloquentium apparere imagines: audi potius quid tibi sit in huiusmodi cogitandū. Spiritus est Verbum, spiritusq; anima; & habent linguas suas, quibus se alterutrum alloquantur, præſentesq; indident: & verbi quidem lingua fauor dignationis eius; anima verò, deuotionis feruor. Elinguis est anima, atque insans, quæ hanc non habet, & non potest ipsi vllatenus sermocinatio esse cum Verbo. Ergo huiusmodi linguam suam cum Verbum mouet, volens ad animam loqui, non potest anima non sentire; viuus est enim Sermo Dei, & efficax, & penetrabilior omni gladio ancipiti, Heb. 4. pertingens vsque ad diuisionem animæ & spiritus: & rursus cum suam anima mouet, Verbum latere multo minùs poterit; non solum quia vbique est præſens, sed propter hoc magis, quod nisi ipso stimulante deuotionis lingua minimè ad loquendum mouetur. Hæc Bernardus, qui modum, quem nunc proponimus,*

nimus, graphicè describit. Etsi enim templum quoddam spirituale descriperimus, & ijs, qui concipiendi res spirituales facilitatè habent, plurimum huiusmodi conceptus attentionem promoueat; non est tamen semper necesse huiusmodi figuras adhibere, auctore D. Ambrosio. *Non in loco, ait, Deus videtur, sed mundo corde; nec corporalibus oculis queritur, nec circumscibitur visu, nec tactu tenetur, nec auditur assatu, nec sentitur incessu: & cum absens putatur, videtur; & cum praesens est, non videtur.* Quorum omnium ratio est, quia res spirituales suum modum habent: qui etsi similitudine quadam ad sensus exteriores referri possit; tamen, ut antè dixi, aliquid est, quod sentire facile est, explicare non possibile.

Altare templi anima nostra. 68. Quare cum de oblationibus altaris interni loquimur, super quod motus deprauatos maetamus, fit quod diximus, sed spiritali modo; nec opus est formis rerum, nisi ut eo melius concipiantur, magisque afficiant. Si tamen huiusmodi formas effingere non possis, age quod potes: & cum superbia tumorem senseris, exurge animo, & quasi alius David diuina virtute superbum Goliath deprime, calca, eique caput perinde praecide, ac si ante altare Domino erectum consisteres. Cum blandius voluptas ingreditur, sic indignare, quasi ei in faciem coram Domino spueres, carnemque tuam rebellem igne caritatis incenderes. Cum ciborum deliciae insidiantur, iugula veluti super altare bestiam hanc, & effunde aquam cisternae Bethleemicae coram Domino; id est, ab eo abstine, quod alioquin tibi indulgeres. Si ira effervescat motus, sic age, quasi collo furibundum aliquem arripes, & in altari maetares, in conspectu Domini. Si desidem animam tuam conspicias, si contumacem, flagellum arripe, & fuga à dorso stultitiam tuam.

Quod si ne hæc quidem cogitare possis, nec huiusmodi ideas formare; sentitur tamen Verbum Domini, & sentiris ipse, dum loqueris, dum tentationes prauosque motus comprimis, dum studio singulari erga Deum afficeris, Deum colis, laudas, admiraris, teque totum, qualis sis, quoque loco eum habeas, manifestas. quod Bernardus eleganter persequitur, scribens in hæc verba: *Ecce tu pulcher es, dilecte mi. Ialem, ait, ore pronuntiat, qualem & mente conspiciatur, visione plane sublimi & suau. Regem in decore suo viderunt oculi eius; non tamen ut Regem, sed ut dilectum. Viderit cum sanè quis super solium excelsum & eleuatum, & alius facie quoque ad faciem sibi apparuisse testatus sit; mihi tamen videtur eminentia in hac parte esse apud sponsam: quod ibi visus Dominus legitur, hæc dilectus; sic enim habes: Vidi Dominum sedentem super solium excelsum & eleuatum. item: Vidi Dominum facie ad faciem, & salua facta est anima mea. Sed si ego Dominus, inquit, ubi est timor meus? Quod si illis facta est reuelatio cum timore; quia ubi Dominus,*

*Sermone 45.
in Cant. in hac
Verba Cant. 1.
Ecce tu pul-
cher es.*

*Isaia 6.
Gen. 32.
Mal. 2.*

minus, ibi timor: ego profecto, si optio daretur, tanto libentius tantoq. carius sponse amplecterer visionem, quanto in meliori affectione, qua est amor, factam aduerto: nam timor pœnam habet, perfecta autem caritas foras mittit timorem. 1. Ioan. 4. 3
Multum sane interest, apparere terribilem in consilijs super filios hominum, & Psal. 65.
apparere speciosum forma præ filijs hominum. Hæc Bernardus. Psal. 44.

69. Ex his colligimus, facillimum diuinæ præsentia concipiendæ, & sanctis Patribus maxime vsitatum, hunc esse modum; si in nos ipsos penetremus, domum Sponso dilectissimo quisque pro suo modulo ædificantes. Iuuabimur tamen exemplo ad imitationem proposito sapientis illius mulieris, quæ marito suo suggestit: *An' maduerit quod vir Dei sanctus est iste* (Eliseus) qui transit per nos frequenter; faciamus ergo ei cœnaculum paruum, & ponamus ei in eo lectulum, & mensam, & sellam, & candelabrum, ut, cum venerit ad nos, maneat ibi. Pulcherrimum prototypum præsentis Numini ædificandi cœnaculum. hæc tamen omnia, quæ in cœnaculo posita sunt, necessitatibus & commodis Elisei seruiebant; Deo cœnaculum si construxerimus, quæcumque adiecerimus, vsui magis nobis quam Deo erunt: nam domus hæc animi paruula cœnaculum est; non tam quod Dominus, quam quod nos in ea cœnemus. Si enim quis Apoc. 3. aperuerit mihi ianuam, inquit ipse, intrabo ad illum, & cœnabo cum illo, & ipse mecum. Expenfas omnes facit hospes adueniens, non hospita excipiens. Paruum quoque cœnaculum Sapientia desiderat, & id quidem nobis, ut omne emolumentum in vnum deriuat, & non in plures; dicatque anima, *Dilectus meus mihi, & soli, & ego illi, & quidem etiam soli*: 1. Cant. 2. ideo & lectulus, non magnus lectus, sternitur.

Hæc eleganter, ut omnia, Bernardus describit: *Domum vero Dei, ait, spiritualem seipsum quisque agnoscat; qui tamen non iam in carne ambulat, sed in spiritu: deinde circumdare sibi curet flores bonorum quorumcumque actuum, & laudabilium studiorum, atque odoramenta virtutum; id est, quæcumque sunt vera, quæcumque pudica, quæcumque iusta, quæcumque sancta, quæcumque amabilia, quæcumque bona fama, si qua virtus, si qua laus discipulæ, hæc cogitare, in his exerceri curet. Ad istiusmodi securè vocabis Sponsum; quoniam, cum introduxeris cum, veraciter dicere poteris & tu, quia lectulus noster floridus, redolente nimirum conscientia pietatem, sed pacem, sed mansuetudinem, sed iustitiam, sed obedientiam, sed hilaritatem, sed humilitatem.* Hæc Bernardus, qui lectuli nostri angustias non tantum expressit, sed & ornamenta florefque depinxit. 1. Cant. 4.

Accedit & mensa, quæ cœnationi scriptionique necessaria est. *Secura* namque *men*, ea nempe in qua Deus per gratiam accumbit, quasi *Proph. 15.* *inuge coniuium.* Scribit & in mensa cordis nostri duas tabulas, & legem *Exod. 24.* ac præcepta, quæ ad amicitiam tuendam seruare oportet. Prodest & nobis candelabrum candelæ imponendæ instrumentum: candelabrum

Lib. 1. Offic.
cap. 20.

S. Antoninus
domum inter-
nam sibi fabri-
cat, à qua non
egreditur.

Vincentius
Mainardus in
eius Vita apud
Surv. 2. Maij. to-
mo 3.

Rom. 7.
Item Cathari-
na Senensis.
Raymundus in
Vita eius.

Ephes. 3.

Luc. 17.

Apoc. 3.

brum enim habemus naturalem capacitatē, aptam ad fidem & sapien-
tiam continendam; alioquin candelabrum illud est, non candela; nec
sufficiens peccatorum tenebras aut ignorantiae discutit. Sella verò
vtimur ad accubitum, ad scriptionem, ad collocutionem, & quidem
diuturniorem: non enim Dominus semper in lecto est, & nos non sem-
per oramus aut meditamur, non semper pascimur pane consolationis;
sedet subinde Dominus, & arguit, reprehendit, docet, instruit, monet,
colloquitur, & maximè cum legimus. hinc D. Ambrosius: *Illum* (Chri-
stum nempe) *alloquimur, cum oramus; illum audimus, cum diuina legimus*
oracula.

70. Hic ergo locus insignis est, quò nos recipiamus à turbis, turbu-
lentiisque huius mundi negotijs: à quo, cum necesse erit, egrediamur.
Expedi tamen numquam omnino exeamus, & quasi à fenestra potius
quàm à limine nos postulantibus commodemus. Id vnice obseruabat
D. Antoninus, de quo supra diximus: qui ex hoc abdito domicilio,
grauissimis Ecclesiæ negotijs immersus, sic egrediebatur, vt in eo pe-
dem alterum retineret, & inter tot rerum fluctus ea ipsi animi tranquil-
litas perstabat, vt nulla vmquam posset tanta perturbatione ac mundi
curis (vt scribit Vincentius Mainardus, Dominicanæ familiæ Procura-
tor) irretiri, quin, quoties vellet, ad diuinarum rerum theorematum sta-
tim rediret, & interna quadam mentis dulcedine fruere.

Stoma-
chanti semel Francisco Castilione, qui ei erat à secretis, vt numquam
sui, semper alieni futuri sint, qui ad Episcopales sedes euehuntur, re-
spondit: Fieri non potest, fili, vt inter tot huius sæculi sollicitudines pa-
cato animo consistamus; nisi reconditum quendam & occultum men-
tis angulum intactum habeamus, ad quem negotiorum strepitus & cu-
rarum anxietas non irreat; vt, vbi actitandis causis destiterimus, eò
tamquam ad asylum tutissimum, & ab hoc exteriore homine ad eum
quem Paulus interiorem vocat, recurramus. Idem scribit Raymundus
de sancta Catharina Senensi, eam nimirum, docente Spiritu Dei, intra
seipsam fabricasse conclaue, siue secretam cellulam; vnde numquam
vellet cuiuscumque rei causa egredi. Ita factum est, vt, quæ hætenus
vsa quadam cella nonnumquam fuisset, egressa foras, iam perpetuò
deinceps maneret secum in cellula animi sui, quam illi eripere nemo
posset: plenaque cælesti victoria, triumphauit de diabolo in interiori
homine, vbi Christus habitat per fidem in cordibus nostris, sibi consti-
tuens spirituale domicilium. Ibi enim habitat Christus, ibi regnum
Dei intra nos est, ibi numquam non præstò est, qui dicit: *Ecce ad ostium*
sto, & pulso: si quis audierit vocem meam, & aperuerit mihi ianuam, intrabo ad
illum, & cænabo cum illo, & ipse mecum. Hoc ergo suauissimo hospite con-
tenta ac freta sacra virgo, vicit diabolus & omnes machinas eius.
Docebat

Docbat ille eam intus vias & rationes mirabiles externa omnia super-
randi. Solebat præterea crebro admonere Raymundum, Patrem spiri-
tuale, cum negotijs externis pæne obrutum videret, ut sibi tale non
manufactum in suo pectore fabricaret domicilium, nec umquam inde
euagaretur. Hæc Raymundus.

71. Locus ergo iste internus refugium est desolatorum, domus ora-
tionis, umbraculum ab æstu & pluuia, solidæ consolationis perfu-
gium, consilij sedes, ad quam recurrere omnes, qui bene agere cupiunt,
oportet. Attexam hîc, quæ Thomas à Kempis hac de re scribit quàm
piissimè. *Fili, inquit, ad istud diligenter tendere debes, ut in omni loco & Lib. 3. cap. 38.*
actione seu occupatione externa sis intus, liber, & tuipsum potens, & sint om-
nia sub te, & tu non sub eis, ut sis dominus actionum tuarum & rector; non ser-
uus, nec emptius, sed magis exemptus, verusq; Hebræus, in sortem & liberta-
tem transiens filiorum Dei; qui stant super præsentia, & speculantur æterna; qui
transitoria sinistro intuentur oculo, & dextro cælestia; quos temporalia non tra-
hant ad inherendum, sed trahunt ipsi magis ea ad bene seruendum, prout à Deo
ordinata sunt, & instituta à summo opifice, qui nihil inordinatum in suis relin-
quit creaturis. Si etiam in omni euentu stas non in apparentia externa, nec oculo
carnali illustras visa vel audita, sed mox in qualibet causa intras cum Moyse in ta-
bernaculum, ad consulendum Dominum; audies nonnumquam diuinum respon-
sum, & redibis instructus de multis præsentibus & futuris: semper enim Moyses
recursum habuit ad tabernaculum pro dubijs & questionibus soluendis, fugitq;
ad orationis adiutorium pro periculis & improbitatibus hominum subleuandis.
Sic & tu confugere debes in cordis tui secretarium, diuinum intentius implo-
rando suffragium: propterea namque Iosue & filij Israel à Gabaonitis leguntur Iosue
decepti, quia os Domini prius non interrogarunt, sed, nimium creduli dulcibus
sermonibus, falsa pietate delusi sunt.

CAPVT XIII.

*Modus duodecimus, quo nobis in stadio Deum è
calis pugna nostra Agonothetam proponimus;
& decimus-tertius, quo diuino Numini omnia
opera nostra quasi iugi sacrificio consecramus.*

72. **S**PECIALES quosdam modos huc usque consideraui-
mus, qui ex Deo per essentiam omnibus in locis præsentem collecti
sunt. Secundum caput generale erat, sic diuinum Numen
vbique inueniri, ut non tantum omni loco essentiam eius veneremur,
sed

Par. 1. q. 8.
art. 3.

Modus 12.
Deus spectator
& remunerator
laborum,
certaminum,
& operum no-
strorum.

Lib. de sua cō-
solatione, qui
eidem tribui-
tur.

1. Cor. 9.

De celo Deum
inueniri omnia.

Gen. 11.

Psal. 52.

Psal. 32.

Magna solatio
nobis esse, à
Deo videri la-
bores nostros.

Psal. 9.

Psal. 10.

1. Cor. 3.

1. Cor. 15.

sed etiam eius oculo vel terreremur irato, vel beneuolo delectaremur: is enim præsens esse censetur, cui omnia patent, cuius aspectum nihil fugit. Sic Deus ubique esse dicitur per præsentiam, auctore D. Thoma, quia omnia videt, nihil ipsum latet, ne intimæ quidem hominum cogitationes. ex quo modum nouum præsentis Numinis colligimus, diuinis litteris conformem: si nimirum cogitemus nos ipsos in vastissimo quodam campo degere, (ita enim mundus patet diuinis oculis, ac si nulla impedimenta forent, omnesque in aperto agro degerent) Deum verò è loco superiori, tamquam Agonothetam, considerare attentissimè quid quisque agat, quos labores ac dolores patiat, quas pugnas ac certamina sustineat, qui victores euadât, qui succumbant; & id quidem vt bene meritis præmia restituat, desides verò ac inertes, laborum certaminumque olores, denique turpiter victos ac prostratos, pro meritis puniat. quem modum olim concepissem Theophrastum, testatur Cicero his verbis: *Si verum est quod à Theophrasto alicubi proditum memorie mandauimus, Orbem terrarum theatrum quoddam esse magnum, diuina mente repletum; & celestis indicanda sapientia gratia tam multis undique collucentibus ornamentis illustratum ac depictum: in eo autem medio collocatos esse homines à Deo, vt cum fortuna, dolore, morbis, egestate, casibusq; permixtis assidue luctentur; Deum verò ipsum, quantum quisque pugnando valeat, quamq; viriliter fortitudine diuinitus accepta utatur, de super aspectare.* Quidquid sit de nostra apprehensione, id reuera fit; & euidentius cognoscemus, vbi ad metam peruenerimus.

Ita esse testatur D. Paulus, cum vitam præsentem stadio comparat, in quo currimus, contendimus, pugnamus, ipse idem coronas promittit victoribus. Prouidentiam verò diuinam nos intente prospicere, testatur Moyses; & cum de turris Babel ædificatoribus loquitur, Descendit, ait, Dominus, vt videret ciuitatem & turrim quam ædificabant filij Adam. & Regius Psaltes: *Deus de calo prospexit super filios hominum, vt videat si est intelligens, aut requirens Deum: omnes declinauerunt, simul inutiles facti sunt; non est qui faciat bonum, non est vsque ad vnum.* item: *De calo respexit Dominus, vidit omnes filios hominum.*

73. Magnæ ergo nobis consolationi esse debet in laboribus, angustijs, doloribus, atque iniurijs, nos à Deo videri; à quo consolationem mercedemque simus accepturi laborum. Ita disertè Propheta Regius: *Quoniam (inquit) tu laborem & dolorem consideras; tibi derelictus est pauper, orphano tu eris adiutor. Dominus in templo sancto suo, Dominus in calo sedes eius: oculi eius in pauperem respiciunt, palpebra eius interrogant filios hominum.* At non frustra patimur, non in vanum currimus ac laboramus: vni quisque enim propriam mercedem accipiet secundum suum laborem. Hortatur quoque Corinthios sanctus Apostolus: *Fratres dilecti, stabiles estote, & immo-*

immobiles, abundantes in opere Domini semper, scientes quod labor vester non est inanis in Domino.

74. Et quia certamen continuum est in hac vita, videt & pugnas. ^{Speclantis Dei} animosque certantium. Ideo hortatur diuinus Apostolus discipulum, ^{consideratio} suum: *«Labora sicut bonus miles Christi IESV: nam & qui certat in agone, non* ^{pugnansium} *coronatur, nisi legitime certauerit.* Si nobis oculi forent aperti, & Ago- ^{inflammat} *nothetam nostrum presentem intueremur; nescio num quid tam ar-* ^{animos.} *duum esset, quod non libenter subiremus: quid enim non agunt mili-* ^{2. Tim. 2.} *tes, ubi certo sciunt se à Principe conspici: quæ pericula non adeunt?* ^{Simile.} *quæ vulnera recusant: irruunt in flammæ medias, inter glandes igneas hostem quærunt, muros conscendunt telis perstreptentibus, acies armatas penetrant; sanguini vitæque non magis parcunt, quam si vel immortales forent, vel hocce conflictu nouum sanguinem vitamque acquirerent. Hæc in stadio spirituali Sancti præstiterunt, grauioraque sustinuerunt, quod à supremo Principe videri se existimarent, cuius conspectus inuictos addebat animos.*

Nec solum illa consideratio nos inflammat, sed & ille idem qui cer- ^{Quin & Deus} ^{Sures submini-} ^{strat.} *tamini præst, & vires ad pugnam sufficit: vnde enim sancti Martyres adeo multa perpeti potuissent? Ostentat ipse coronas, sicut Basiliius scribit de quadraginta Martyribus, qui in stagnum gelidum coniecti, gloriose triumpharunt. Magna certe consolatio erat, quæque animos augeret, expectare post medium diem laborum dolorumque terminum, & nobilissimæ trophææ æterna victoriæ.*

75. Quod si subinde afflictiones doloresque paulo longiores videantur; illud quoque solatio erit, illos ab Agonotheta considerari, & particulari fortè prouidentia immitti; *qui non patitur interea nos tentari su-* ^{1. Cor. 10.} *pra id quod possumus, sed facit cum tentatione prouentum, ut possimus sustinere:* si generose, si patienter, si constanter tolerauerimus, finem fore gloriosum; tribulatio namque *patientiam operatur, patientia autem probationem;* ^{Rom. 5.} *probatio vero spem, spes autem non confundit.* Hinc D. Iacobus: *Omne gau-* ^{Iac. 1.} *dium (ait) existimate, fratres mei, cum in tentationes varias incideritis, scientes quod probatio fidei vestræ patientiam operatur; patientia autem opus perfectum habet.*

Proponamus nobis exemplum D. Iob. A quo, quæso, illius manauit ^{Exemplum Iob.} ^{Iob 1. & 2.} *certamen? nonne ab Agonotheta, qui & aduersario bellum ei indicendi concessit potestatem, qui & præsens omnia conspexit: sed qua patientis victorisque gloria? Huc accedat Tobia probatio, quæ & gloriam, & diuitias, & felicitatem, nomenque immortale in eius familiam inuexit: in omnibus tamen Deus se præsentem fuisse testatus est. Quando orabas, inquit Angelus Raphael, cum lacrymis, & sepeliebas mor-* ^{Tob. 12.} *tuos, & derelinquebas prandium tuum, & mortuos abscondebas per diem in domo*

Bbb

tua,

tua, & nocte sepeliebas eos, ego obruli orationem tuam Domino; & quia acceptus eras Deo, necesse fuit ut tentatio probaret te: & nunc misit me Dominus ut curarem te, & Saram uxorem filij tui à daemonio liberarem.

In eius Vita.
Sap. 10.
D. Antonij
certamen.

76. Probavit etiam Dominus B. Antonium, teste D. Athanasio; & certamen forte dedit illi, ut vinceret. Aliquoties enim horrendè acceptum dæmones seminecem relinquebant. quot etiam monstra portentosa, quæ species obiecerunt! quadam vice, circa annum ætatis eius trigessimum quintum, cum pæne vulneribus, plagis, contusionibusque ei vitam admissent, diuini luminis radius quidam affulsit; quo cum se sanitati illico restitutum esse, doloresque fugatos sensisset, intellexit Dominum adesse, & in hæc verba prorumpens ita questus est: *Vbi eras, bone IESU? ubi eras? quare non à principio adfuisisti, ut curares vulnera mea? & vox ad eum facta est, dicens: Antoni, hic eram, sed expectabam videre certamen tuum; nunc autem quia dimicando viriliter non cessasti, semper auxilior tibi, & faciam te in omni orbe nominari.*

S. Catharina
Senensis pugna
& Victoria.
Raymundus
in eius Vita.

Idem ferè contigit sanctissimæ virgini Catharinæ Senensi, quæ pugnam infamem dæmonum tædissime apparentium ac concurrentium perpeffa, nullo loco, ne sacro quidem, consistere poterat, quin monstra illa scæda, obscenis operibus horrenda ac detestanda, videret, loquentes audiret, sibi que nuptias ac deteriora quæque suadentes ferre cogeretur. Longo tempore molesta hæc probatio durauit, grauissimis interea supplicijs corpusculum affligebat: cum autem nullus esset modus qui rebus afflictis foret solatio, accessit dæmon quidam prociac, ei que hæc improbè suggessit: Numquam ab hac tui infestatione cessabimus, donec consentias nobis. Illa verò radio quodam cælesti illustrata interiùs, Hæc, inquit, & longè plures molestias nomine Saluatoris mei perpeti, non modò non molestum, sed & iucundum erit, & delectabile, quam diu ei visum fuerit. Placuit Saluatori resignatio patientis Catharinæ, totusque ille dæmonum cætus instar fumi pudesfactus evanuit, ingensque lux cælitus illapsa cubiculo est, in qua luce Christus crucifixi specie ei apparuit, dicens: *Filia mea Catharina, vides quæ ego tua causa perpeffus sum? non igitur dubites tu quoque propter me aliquid perpeti.* Christus deinde, specie illa deposita, familiarem assumpsit, & accedens gratulatus est Catharinæ de triumpho contra hostes obtento: at illa memor sordium quas cogitatione voluerat, timens ne fortè animum vitio aliquo contaminasset, supplex Dominum, omnis puritatis auctorem, sic alloquitur: *Vbi fuisti, mi Domine, cum tot spurcitij animus meus scateret? & ille: In corde tuo. rursus virgo: Et quæ fieri potuit, bone IESU, ut in corde meo esses, tot impuris cogitationibus infectissimo? at Dominus, Cogitationes, inquit, illa quid in corde tuo effecerunt? gaudiumne, an mærorem? Imò verò, ait illa, summum dolorem. Hoc igitur, ait Christus, mea præsentia efficebam: quæ*

si destituta fuisses, illis spurcitijs capta ac delectata esses; quas cum profligare conarere, nec posses, inde moror oriebatur: sed me auctore, qui eram intus in corde tuo, & tuebar illud interim, extrinsecus te sineus oppugnari, quantum tibi expedire videbatur, hæc eueniebant; ubi verò illustrata radio luminis mei & ipsam sponte obtulisti ad tolerandas eas infestationes, placuit mihi resignatio tua, moxq; eas iussu abscedere: neque enim pœnis, sed voluntate pœnas fortiter perferentis ego delector. Tu autem, filia mea, quoniam non tua, sed mea virtute certasti viriliter, maiorem à me gratiam consequeris, & deinceps crebrius ac familiarius me ipsum tibi exhibebo. His dictis visio disparuit, relicta in animo virginis suauitate incredibili, maxime quòd eam Christus vocasset filiam suam: vnde etiam rogauit Confessarium vt sic se appellaret, quo posset redire sapius in eorum verborum dulcissimam memoriam.

Attexam denique hisce duobus certaminibus B. Agathæ generosam s. Agathæ victoriā, quæ sic orans de hoste triumphauit: *Vidisti, Domine, & spectasti pugnam.* In Breuiario Romano. agonem meum, quomodo pugnauit in stadio; sed quia nolui obedire mādatis Principum, iussa sum in mamilla torqueri. Domine, qui me custodisti ab infantia, qui abstulisti à me amorem seculi, qui me carnificum tormentis superiorem præstitisti, accipe animam meam. Hic agonis exitus fuit, & à Christo Domino, certaminis præside, in cælum deducta est.

77. Vult sanè Dominus laboribus nostris suam mercedem esse repositam, ac restitui, non modò in futuro, sed etiam hoc præsentis sæculo: & sanè primus laborum fructus est patientiæ gloria, ac de hostibus Laborum nostrorum mercedem reddi etiam in hoc sæculo. Psal. 93.

parta victoria; quæ consolatione non caret: secundum enim multitudinem dolorum meorum in corde meo consolationes tue lætificauerunt animam meam, ait Psalmista. & Paulus: *Laborantem agricolam oportet primum de fructibus percipere.* 2. Tim. 2.

Sapiens quoque, Bonorum, inquit, laborum gloriosus est Sap. 3. fructus. & Christus: *Qui vicerit, & custodierit usque in finem opera mea, dabo illi potestatem super Gentes, & reget eas in virga ferrea, & tamquam vas figuli confringentur; sicut & ego accepi à Patre meo; & dabo illi stellam matutinam.* Apoc. 2.

Hæc est merces victorum. Imperant enim dæmonibus, mundum cum omnibus suis pompis ac superbia proculcant, eius vires ac impetus frangunt; nouaque gratia illustres, velut stella in Ecclesia Dei omnibus prælucent verbo, exemplo, moribus, vita & morte.

78. Videt interea non minùs noster Agonotheta socordiam ac desidiam inertium ac voluptuosorum hominum; qui non modò non agunt laudabiliter, sed ne agunt quidem ea quæ hominem deceant; qui scdè, qui libidinosè, qui auarè, qui iracundè operantur, & ab humani generis hoste omni pæne hora ac momento prosteruntur. Et hæc ab oculo, quem fallere nemo potest, videri, quàm horrendum ac formidandum: cum præsertim in eius manu sint omnes creaturæ, quas armat, quando vult, in vltionem inimicorum suorum. En quatuor elementa vlticia Sap. 11. Elementorum vlticia contra peccatores.

Bbb 2

pro-

a 1. Terra.

b Genes. 19.

c Num. 16.

Deut. 11.

Psal. 105.

d Matth. 27.

e Gen. 4.

f 2. Aqua.

g Gen. 7.

h 3. Aer.

i 2. Reg. 24.

Ignis.

4. Reg. 1.

Bestia.

Deut. 32.

5. Reg. 23.

In enarratione
in Psal. 23. in
fine.

Matth. 23.

Modus 13. ope-
ra omnia in
Deum referre.

21 Cor. 10.

prodeunt. a Terra in primis non tulit b Sodomam & Gomorrham; non tulit inobedientiam ac rebellionem filiorum c Core, Darhan & Abiron: horruit, cum sanguinem Filij Dei fustum super se suscepit, & d tremuit; illeque de terra clamauit, sicut e sanguis Abel, alta voce, quae e caelo audiri posset: petra indignata, scissa sunt. f Aqua etiam paruerunt diuinæ indignationi, & quibus mergeretur vniuersus orbis; quod spiritus hominum in carnem degenerasset. h Aer factorem peccati Dauidis non ferens corruptus est, & septuaginta hominum millia infecit confecitque trium dierum spatio. Ignis, idololatriam detestatus Ochozia, secundo quinquagenarium & quinquaginta viros, vindex e caelo collapsus, absumpsit. Sed & bestia omnes dentes acuunt in vltionem impiorum, leones, serpentes, eruca & bruchus, cyniphes & culices; ita enim minatur Dominus: *Consumentur fame, & deuorabunt eos aues morsu amarissimo; dentes bestiarum immittam in eos, cum furore trahentium super terram, atque serpentium: foris vastabit eos gladius, & intus pavor.* Prophetæ cuiusdam, cui Dominus mandarat ne comederet aut biberet in via, inobedientiam leo obuius vltus est, eumque interfecit.

Idem verò Dominus est qui olim fuit: æquè bonus quidem, æquè potens, & misericors; sed iustus: & cuius viæ misericordia & veritas, beneque operantibus supra merita retribuens; æquus tamen iudex est, & recta iudicia iudicans. hinc D. Augustinus: *Ne putes te non videri quando peccas, ne putes te contemni, ne putes Dominum dormire. Quando tu vides quæ facta sunt in impios, caue ne fiant in te: ad hoc enim & in illos facta sunt, ut tu transires, & eos non imitareris, & talia non patereris. Tamen vide, quia flagellum Domini est super omnem carnem. & rursus: Attende exempla benefactorum Dei, cum ea recolis; & cum vindictam Dei recolis, time. Omnipotens est & ad consolandum, & ad castigandum: ideo sunt ista vtilia cum leguntur. Quando autem pius videt quod passus est impius, purgat se ab omni impietate, ne veniat & ipse in talem pœnam, talemque vindictam. Hæc Augustinus.*

Hunc Agonothetam operum nostrorum videbimus in die iudicii extremi vnicuique reddentem secundum opera sua: & ijs quidem, qui strenuè egerunt, dicit, *Venite benedicti Patris mei, possidete paratum vobis regnum à constitutione mundi;* reprobis verò, *Discedite à me maledicti in ignem æternum, qui paratus est diabolo & angelis eius.*

79. Ex hoc alius modus eruitur: cum enim à Deo videantur omnia nostra, & animi intimi recessus; quam gratum illi fore putas, si ipsi in omnibus placere nitamur, & omnia opera, conatus, actiones externas & internas ad eius honorem referamus? Consilium hoc est magni Pauli, dicentis: *Sive manducatis, sive bibitis, sive aliud quid facitis, omnia in gloriam Dei facite.* Hæc ratio ceteris faciliior est, modo memoria vigilet. Facile

Facile enim est, initio cuiusque operis, breui eleuatione mentis opus *Praxis.* ipsum Deo offerre: vel vt ei placeas; vel vt gratias agas de accepto aliquo beneficio; vel ad destructionem prauis alicuius habitus; aut alicuius virtutis ademptionem; vel ad aliquid impetrandum à diuina Maiestate.

Hæc verò relatio magni admodum momenti est: ac in primis ^a omnis mala intentio excluditur, mens ad se redit, & toties Deum in memoriam reuocat: ^b quo fit, vt collectior sit animus, cum in opere illo peragendo, tum in vitæ totius tenore: inanis quoque gloriæ ac vanitatis spiritus, qui vagum animum ferè semper occupat, exterminatur: ^c opus etiam nostrum fit meritorium, quod alioquin vel naturale tantum foret, vel etiam fortè vitiosum; vbi enim virtutis finis abest, eò statim sese ingerit ac miscet naturalis, aut etiam vanus: incredibiliter deinde animus purgatur à consuetis defectibus: crescunt virtutes, quarum honestatem appetimus, & PERFECTIO, caritas, gratia, merita, diuinaque protectio; de quibus inferius prolixius. quod qui fecerit, censetur semper Deum præsentem habere, quia ex vi præsentia Dei, quem in omnibus operibus inuocat, sua omnia perficit. Sicut enim monemur *semper orare, & non deficere*; tamen qui dormit, etiam si orate non videatur, si tamen orationem præmiserit, qua quietem suam in obsequium Dei offert, censetur dormiens orare, ac non deficere ab oratione: ita quoque alijs in rebus, etiam naturalibus, ac necessarijs ad vitæ humanæ conseruationem. Quanta verò consolatio sit vespere, tot actus in Dei honorem fecisse, qui sine mercede ac indonatum noua gratia nihil abire permittit; quem denique acruum congeret, qui diligenter hoc exereitio vsus fuerit; colligere licet ex his quæ superiori libro hac de re scripsimus.

Elias, veri Dei seruus & Propheta, contendebat cum Prophetis Baal, *3. Reg. 18.* vter verus Deus esset. Frustra ijs Deum Baal inuocantibus, sacrificium igne caruit: ipse verò totum suum sacrificium aqua copiosa perfudit, nempe bouis caput, eollum, corpus, pedes, & caudam, nullaque pars remansit intacta, quæque aqua perfluente non maderet; sic & singula partes cælesti igne correptæ sunt, & accensæ. Vita nostra perpetuum iugeque sacrificium est, eorum maxime qui se Deo deuouerunt; ita enim D. Augustinus: *Ipse homo Dei nomini consecratus, & Deo deuotus, in quantum mundo moritur, vt Deo viuatur, sacrificium est.* item: *Verum sacrificium est omne opus quod agitur vt sancta societate inhareamus Deo, relatum scilicet ad illum finem boni, quo veraciter beati esse possumus.* Clamant mundani, & exultant in dijs quos animo sibi fabricant & effingunt; sed non exaudiuntur per ignem: at sacrificium nostrum operaque nostra omnia aspergantur aqua gratiæ & caritatis actualis, nec vnica pars hac ad-

Bbb 3

sper-

spersione careat; & quo profusior erit, eo etiam copiosior ignis è caelo descendet, qui sacrificium nostrum absument, Deoque gratissimum reddet in odorem suauitatis.

CAPVT XIV.

Exponitur modus decimus-quartus, quo Deus per potentiam præsens conspicitur; addita regula generali, quæ omnibus modis seruiat.

Modus 14.

80. **S**UPEREST vnicus modus, quo Deus præsens esse rebus dicitur per potentiam; qua ratione Rex dicitur esse in toto regno, etiamsi in loco aliquo definito tantum inueniatur. Et hic etiam modus visitatus & familiaris est sanctis Patribus, diuinoque testimonio nititur: vult enim Christus parentibus honorem, tamquam sibi, & Principibus, qui auctoritatem habent, deferamus; mandat « Cæsari solui tributum, præstari Apostolis obedientiam. » *Qui vos audit, inquit, me audit; & qui vos spernit, me spernit.* eiusque Apostolus Paulus sic ait: *Omnis anima potestatibus sublimioribus subdita sit: non est enim potestas, nisi à Deo; quæ autem sunt, à Deo ordinatæ sunt: itaque qui resistit potestati, Dei ordinationi resistit; qui autem resistunt, ipsi sibi damnationem acquirunt: nam Principes non sunt timori boni operis, sed mali. Vis autem non timere potestatem? bonum fac, & habebis laudem ex illa; Dei enim minister est tibi in bonum: si autem malum feceris, time; non enim sine causa gladium portat: Dei enim minister est, vindex in iram ei qui malum agit. Ideo necessitate subditi estote, non solum propter iram, sed etiam propter conscientiam.* item scribens ad Ephesios: *Obedite dominis carnalibus cum timore & tremore, in simplicitate cordis vestri, sicut Christo: non ad oculum seruientes, quasi hominibus placentes, sed vt serui Christi, facientes voluntatem Dei ex animo; cum bona voluntate seruientes, sicut Domino, & non hominibus.* Diuus etiam Petrus ita scribit: *Omnes honorate, fraternitatem diligite, Deum time, Regem honorificate: serui, subditi estote in omni timore dominis, non tantum bonis & modestis, sed etiam dyscolis.*

Deum honorandum esse in Superioribus.
a Matth. 22.
b Luc. 10.
c Rom. 13.

Ephes. 6.

1. Pet. 2.

Christianos esse membra corporis Christi.
1. Cor. 12.
Ephes. 1.

81. Accedit, quod frequenter Scriptura diuina & Patres nos vocant membra Christi, & corporis Ecclesiæ; Christum verò caput eiusdem corporis. *Vos estis corpus Christi,* ait Apostolus, *& membra de membro.* &: *Omnia subiecit sub pedibus eius, & ipsum dedit caput supra omnem Ecclesiam, quæ est corpus ipsius.* Sicut ergo templum Christi dicimur, & Deus in nobis habitare; ita etiam nos in Christo manere, quia illius membra sumus.

sumus. Ideo Dominus, *Qui manducat, inquit, meam carnem, & bibit* Ioan. 6.
meum sanguinem, in me manet, & ego in illo.

Ex quibus colligo modum istum, quo Deus nobis representatur per potentiam. Si enim Rex præsens in regno esse dicatur; & verè, quia potentia eius per regnum diffusa est, maxime in Præsidibus, vicarijs, ac ministris: multo magis Deus, cuius excellentia & potentia relucet in parentibus nostris, tamquam vitæ nostræ principijs; in Rectoribus item Ecclesiasticis & temporalibus, vti iam ostendimus ex D. Paulo.

Sed amplius inuenitur respectu Dei quàm Regum: etsi enim Rex censetur esse caput corporis Reipublicæ, in illis tamen non habitat; Deus verò intus agens regit Ecclesiam suam; & singuli ipsum accedere possunt, quando cumque libuerit; imò moueri non debent vt quærant eum, quem gestant in animis suis. Deinde, membra corporis sui Christus viuificat, non autem Regis potentia. Alit quoque Christus membra sua proprio suo corpore, & potat suo sanguine: Rex verò tantum suos conseruat potentia, nihil largitur singulis, de mensa eius nemo participat. Quæ cum ita sint, Patres sancti Superiores eo loco habuerunt, vt Christum in eis loqui, mandare, cernere sibi visi fuerint; ceteros verò homines tamquam pretiosa corporis eius membra eiusdem Spiritu viuentia. vnde D. Bernardus: *Sive Deus, sive homo vicarius* Lib. de precept. & disp. cap. 12.

Dei, mandatum quodcumque tradiderit, pari profectò obsequendum est cura, pari reuerentia deferendum, vbi tamen Deo contraria non precipit homo. Diuus etiam Ioannes de Christianis loquens ait: *Si quis dixerit quoniam diligo* 1. Ioan. 4.

Deum, & fratrem suum oderit, mendax est: qui enim non diligit fratrem suum, quem videt; Deum, quem non videt, quomodo potest diligere? & hoc mandatum habemus à Deo, vt, qui diligit Deum, diligit & fratrem suum.

Ex his Catharina Senensis. cælum quoddam in terra componebat. Exemplo S. Catharina Senensis videndus Deus in membris suis. In eius vita.

Nolebat eius parens vt solitaria habitaret, nolebat ipsam aliquam Religionem inire, quod vel valetudine teneriore, vel ætate immaturore videretur. Quod autem in Religionibus fieri decet, id ipsum in ædibus paternis exercebat. Ita habet Raymundus: Hoc suauissimo hospite (Christo nempe) contenta, vicit diabolus, & eius machinas. Dicebat ille eam intus vias & rationes mirabiles externa omnia superandi. Imaginabatur sacra virgo patrem suum representare Christum, IESVM; matrem suam, Dei Genitricem sanctissimam; ceterosque de familia, Apostolos & discipulos Saluatoris. Hac imaginatione fortiter concepta, assecuta est, vt omnibus illis cum omnium admiratio, ne hilariter & officiosè inseruiret; tum etiam vt illis seruiendo, semper cogitaret de Sponso suo Christo, cui se & omnia officia præstare credebatur: sicque factum est, vt, dum in culina versaretur, semper esset intra sancta sanctorum; seruiensque ad mensam recumbentibus, animum

„mum suum mirè pasceret imaginanda præsentia Saluatoris, contem-
 „ptum verò sui & iniurias omnes etiam iucundo ferret animo. Hæc ille.
 Id imitari licet, dum extra Religionem filij parentes, fratres, ac dome-
 sticos vident: & omnibus hominum generibus commune est, dum Su-
 periores tam spirituales quàm tēporales intuentur, ceterosque Christi
 alumnos; & illos quidem Christi loco, horum verò nonnullos qui præ-
 sunt Ecclesijs, vel vitam Apostolicam degunt, vt Apostolos; paruulos
 qualescumque vt Angelos, ceteros tamquam Dei filios membraque
 corporis eiusdem considerantes. quod in Religione longè accuratiùs
 fit, quia varia officia, gradus, functiones, variæque ætates reperiuntur:
 omnes enim Superiores Christi loco, alios verò fratrum suorum, aut
 patrum, Dei quæ filiorum habere se profitentur.

*Latitia spiri-
 tualis ex intus-
 tu & consortio
 filiorum Dei,
 præsertim iu-
 viorum.*

1.

Quanta pietatis exultatio ijs excitatur, qui diuino Spiritu, oculo non
 humano ac carnali, sed cælesti, vt Dei filios homines intuentur! in his
 Christum complectuntur, in illis semina Reipublicæ Christianæ, & in
 parvis basibus columnas prægrandes Ecclesiæ prospiciunt. Si paren-
 tes tenellos intimè diligunt, pænæque in ipsorum amore infaniunt;
 quid ni amore casto infamiat in ijs cōplectendis, quos Deus non modò
 tenerrimo amore, sed etiam infinito complectitur?

2.

*a Matth. 19.
 Marc. 10.
 Luc. 18.
 b Matth. 18.
 c Matth. 23.*

3.

*Gal. 4.
 1. Thess. 2.*

1. Ioan. 4.

4.

*Cic. lib. de se-
 nect. paulo ante
 2. Struperat.
 senect.*

Rom. 4.

5.

Certè Christus Dominus paruulos ad se venire voluit, & dilexit. In-
 crepauit idem discipulos, qui prohiberent. dixit etiam: *Nisi efficiamini
 sicut paruuli, non intrabitis in regnum celorum.* Exclamat idem lacryma-
 bundus Dominus: *Ierusalem, Ierusalem, quoties volui congregare filios tuos,
 quemadmodum gallina congregat pullos suos sub alas, & nolueris!* Amor galli-
 næ erga pullos eximius est; eumque in se exprimunt Apostoli erga eos
 quos conuerterunt. *Filioli mei*, ait Paulus, *quos iterum parturio, donec for-*
metur Christus in vobis. & scribens ad Thessalonicenses: *Facti sumus par-*
nuli in medio vestrum, tamquàm si nutrix foveat filios suos. Ita desiderantes vos,
cupide volebamus tradere vobis non solum Euangelium Dei, sed etiam animas
nostras; quoniam carissimi nobis facti estis. & D. Ioannes toties repetit: *Ca-*
rissimi, diligamus nos inuicem, quia caritas ex Deo est.

Solent enim seniores longè vehementius affici erga tenellos, quàm
 erga adultiores; crescitque amor patrum in nepotibus secundis & ter-
 tijs; verumque est quod Cato dixit: *Adolescentibus bona indole præditi su-*
picientes senes delectantur; leuiorq; sit eorum senectus, qui à iuuentute coluntur
& diliguntur. Sed id magis locum habere debet in amore supernatura-
 li, qui in Deo eiusque benevolentia fundatur: Deus enim paruulos di-
 ligat, eosque complectatur, etiam contemptibiles, & de quibus per sæpe
 pauca speramus; quia *vocat ea quæ non sunt, tamquam ea quæ sunt*, & ad
 magna Ecclesiæ munia destinat.

Quid dicam de ijs qui virtutibus excellunt, magnoque spiritu præditi
 Numinis

Numinis æterni sanctitatem magis repræsentant? Si quis Deum diligit, agnoscit quod de seipso Bernardus fatetur. *Ad assatum*, inquit, *vel Serm. 14. in etiam aspectum cuiuspiam spiritualis perfecti, viri, interdum & ad solam de-* *Cant.*
functi seu absentis memoriam, flabat spiritus, & fluebant aquæ; & erant mihi lacrymæ illæ panes die ac nocte. Nihil enim iucundius in hoc mundo homini Deum diligenti, quàm delicatas tenerasque animas Deo carissimas cernere, in quibus Spiritus sanctus habitat, Christoque tamquam membra coniuncta firmissimè adhærent per caritatem.

Quare D. Leo incredibili se voluptate perfundi dicebat, cùm Dei famulorum frequentiam videret, & in tot sanctis Angelorum præsentiam se sentire; Cùm, inquit, *hanc venerabilium confessorum meorum Serm. 1. in an-*
splendissimam frequentiam video, Angelicum nobis in tot sanctis sentio inter- *niuersario as-*
esse conuentum. Nec dubito nos abundantiore hodie diuine præsentie gratia vi- *sumpt. sue.*
sitari, quando simul adsunt & vno lumine mirant tot speciosissima tabernacula Dei, tot membra excellentissima corporis Christi. Egregium dictum. Dei tabernacula & Christi membra eos vocat, qui Deo consecrati sunt, vel gratia ac caritate præditi: qui etsi singuli per se luceant, tamen luce coniuncta multo maiorem, multo iucundiorē lucis amplitudinem excitari neesse est; vt iam nihil dubitandum sit, quin post ea gaudia, quæ ex ipsius Dei contemplatione & amore percipi solent, proxima sint gaudia quæ ex fratrum spiritualium amore, conspectu, & consuetudine percipiuntur.

82. Si enim ex hominum iustorum cœtu & fidelium congregatione voluptas percipi possit tanta, quanta potest esse maxima; multo magis ex ijs qui se Deo totos deuouerunt, & in sanctorum Religiosorum confortium aggregarunt, quique oculos in Deum perpetuò habent intentos, & supra naturæ limites incedentes, Deum vbique considerant. Qua de re extat præclarum testimonium Ioannis Climaci; qui cùm *Gradu 4. Scæ-*
la spirit.
 spiritualis instructionis suæ & ædificationis gratia diuersa perlustraret Monasteria, & sibi in quodam ad mensam assidenti in aurem Abbas suggestisset, Vis, inquam, Climace, singulare humilitatis exemplum aliquod videre? Nihil, ait Climacus, libentiùs. E mensa igitur Abbas Laurentium quendam octogenarium euocat, qui facile in Monasterio quadraginta-octo annis vixerat. Ille è mensa abiit illico, & coram Abbate genibus flexis benedictionem petijt: surrexit deinde, cùm ei bene precatus Abbas fuisset. Abbatem postmodum roganti num quid mandatum sibi vellet, non respondit Abbas, nisi quòd sub finem mensæ (quæ ad duas horas, ipso stante ac ieiuno, alijs interea bene edentibus, durauerat) quasi oscitanter mandauit tandem, vt Isidoro, alteri Religioso, præscriberet recitationem Psalmi 39. qui incipit: *Expectans expectans Dominum, & intendit mihi.* Interrogatus à Climaco postea, diceret

Ccc

diceret

„diceret quid ei esset animi ac cogitationis, cum tamdiu, quasi con-
 „temptim, sine responso exponeretur aliorum ludibrio; respondit sibi
 „visum fuisse non eoram homine adstare, sed, veluti cum in altari stat,
 „Deum in Superiore honorasse; caritatem verò, qua Deus mentem
 „suam muniisset, numquam permissuram ut vel leuissima peruersæ co-
 „gitationis in Superiores nebula exurgeret.

*Monito de
 modis qua-
 tuordecim præ-
 sentia Dei.
 1. Thess. 5.*

83. Et hæc quidem de modis diuinæ præsentia concipiendæ, qui præcipui occurrerunt. Plures alios, qui in rebus spiritualibus exercitatos habent sensus, inuenient, quibus magis opportunè videntur. Omnia probent; quod bonum est, teneant. modo Deus honoretur, mihi parum curæ est quibus id modis fiat.

Hoc ad extremum moneo, in illis quatuordecim modis propositis exercendis vtile esse, ut, antequam quispiam vtatur, eos perlegat diligenter, & de singulis meditationes aliquot instituat; sicque eos penetret & imbibat, ut in ijs exercendis plus æquo non laboret conceptibus efformandis, qui valetudini officere possent, sed, præsupposita scientia, sic eos verset animo, ut potius pijs affectibus quàm cogitationibus incumbat. Quapropter formulas quasdam orationum iaculatoriarum ponemus, quibus voluntas amorque diuinus in nobis incendatur atque alatur, ut cum voluptate fructuque sanctam hanc exercitationem obeamus.

CAPVT XV.

*Quæ iuuant ad memoriam præsentia diuinæ con-
 seruandam; ac in primis Aspirationes breues
 ad id admodum esse idoneas.*

*Oratio iuuat
 diuinæ præsen-
 tia memoriam.
 In psal. 85. ad
 vers. Quoniam
 ad te, Domine,
 animam meam
 leuauit.*

84. **E**x his quæ iuuare possunt conseruationem diuinæ præsentia, nihil efficacius atque accommodatius est quàm oratio: est enim oratio, teste Diuo Augustino, *locutio cum Deo*. Quando oras, inquit, cum Deo loqueris. at qui alicui loquitur, illum habet præsentem, de eo cogitat, cum videt; alioquin non pro dignitate, nec cum sensu aut reuerentia debita loqueretur. Quapropter qui exercitationibus mentalibus orationique ex professo ac instituto insistent, ijs (quod cum Deo assidue versentur) non est tanta difficultas Deum præsentem retinere, quanta ijs qui vitam aut in actione constitutam, aut mixtam, amplexi sunt. Iuuandi tamen omnes erunt præsidij quibusdā; ut, qui iustus est, iustificetur adhuc, & sanctus sanctificetur adhuc.

Apo. 22.

85. Sancti

85. Sancti Patres, vt Deo perpetuò adhærescerent, cùm ab oratione auelli cogerentur, certas orationes habebant semper præ manibus, quibus calorem ex confortio Dei ac oratione conceptum conseruarent. Hæ vocantur Iaculatoriæ, à iaculis, quæ efficaciter iaciuntur, sic dictæ. *Orationes Iaculatoriæ quæ, & cur sic dictæ.* Id verò inter iacula in scopum aliquem directæ, & orationes nostras, discriminis est: quòd telum ab arcu intortum à scopo non retorqueatur; nos verò nullum telum in Deum emittimus, quin & vulneretur ipse, idemque amoris iaculum in nos retorqueat: oratio enim si pura, si casta fuerit, cælos penetrans, vacua non redibit. in oratione namque sanctæ cogitationes oriuntur, desideria ardentia efferuescunt, amor Dei excitatur, vt sagittas tuas retorqueri putes; ita enim D. Augustinus fatetur: *Sagittaucras, Domine, cor nostrum caritate tua.* Certè si *Lib. 9. Confes. cap. 2.* vnumquam, maxime in oratione, vbi compunctio cordis acquiritur: compunctionem verò à pungente diuinitus telo oriri, quis potest ambigere?

Vocantur item Aspirationes; quòd nomen orationi indidit Psalmographus, cùm ait: *Os meum aperui, & attraxi spiritum.* Attrahere enim spiritum, est aspirare: respirat, qui vicissim haurit & reddit. Illud mirabile in hoc facto, quòd qui eiacularur orationem feruentem, simul etiam respiret: imò ne spirare quidem posset, nisi Deus primùm aërem infunderet. Ex vna ergo parte respirat, ex altera attrahit spiritum; qui, vbi os apertum (quod per orationem fit) reperit, insinuat se, animamque penetrat & replet. hinc optimè Christus: *Spiritus vbi vult spirat, Ioan. 3. & vocem eius audis; sed nescis vnde veniat, aut quò vadat. Sic est omnis qui natus est ex spiritu.* *Cur Aspirationes vocentur, a Psal. 118.*

Metaphora hæc quoque atque analogia ducitur ex piscibus, qui perpetuò respirant in aqua; & animalibus, quæ in aëre. Dicunt enim Medici, hominē non tantum cibo & potu ali, sed etiam aëre; plurimumque aërem facere ad generandum spiritus vitales. Viuimus verè spiritali vita, si in aqua gratiæ, quasi boni pisces, perpetuò respiremus; aut, vt animalia, aërem hauriamus diuinum: ex quo & nutrimur incredibiliter; imò cibus potusque spiritus nostri est oratio, & spiritus vitales ardentēque motus in animis nostris ingenerantur.

Vocantur etiam orationes hæ Colloquia, eo quòd homo Deum & Deus hominem vicissim alloquatur: homo quidem incensis votis ac desiderijs; Deus verò immixtis luminibus se præsentem, loquentem, hominemque inflammantem adesse manifestat. quod maxime cùm oramus, vel legimus, solet accidere, teste Isidoro: *Qui vult cum Deo Lib. 3. Sententiarum, cap. 8.* semper esse, frequenter debet orare, frequenter & legere: nam cùm oramus, cum Deo ipsi loquimur; cùm verò legimus, Deus nobiscum loquitur. Omnis profectus ex lectione & meditatione procedit.

*Quasi sit ora-
tionum iacu-
latoriarum.
In Psal. 118.
conc. 29. super
Vers. Clamaui
in toto corde
meo.*

*Epist. 121. ad
Proban, de
orando Deo,
cap. 10.*

*Psalmorum
commentatio.*

*Basilii bomil.
in Psal. 1. seu
in proemio in
Psal. tome 1.*

*Collat. 10. c. 10.
Fideliter illius
Vers. Deus, in
adiutorium
meum ioréde.*

Psal. 69.

86. Orationes verò huiusmodi instar iaculi breues sunt; & in sub-
stantia non inferiores longioribus; si ex corde prodeant. vnde D. Au-
gustinus: *In toto corde clamarur, quando aliunde non cogitatur. Tales oratio-
nes raræ sunt multis, crebræ autem paucis.* Hæc ille. Crebræ tamen esse
debent, ne animus intepefcat; breues, ne facile dissipetur attentio, aut
ne quis ab actione sancta impediatur. De his scribit idem D Augusti-
nus ad Proban: *Dicuntur, ait, fratres in Ægypto crebras quidem orationes
habere, sed eas tamen breuissimas, & raptim quodammodo iaculatas; ne illa vi-
gilanter erecta, quæ oranti plurimum necessaria est, per productiores moras eua-
nescat atque hebetetur intentio.*

Commendat verò inter alia Basilii Psalmos, quòd ad multa ma-
gnam vim habeant, siue ad aliquid obtinendū, siue ad malum auerten-
dum; ita enim ait: *Psalmus est profligandis demonibus ac depellendis quoddam
amuletū, Angelica tutela conciliator, scutum securitatis inter timores nocturnos,
diurnorum requies laborum, infantium tutelaris protectio, consistentium in eta-
tis flore decus & ornamentum, senum solatium. & inferius: Incipientibus
erudiri primum, elementaris est institutio Psalmus; proficientibus augmentum,
perfectis denique suffulciendis stabile firmamentum.* Hæc ille. Psalmi enim
plenissimi sunt spiritu: sententias breues, sed ignitas, continent; quas
qui ruminant, incredibili voluptate perfunduntur.

Ioannes Cassianus in Collatione Abbatis Isaac è Psalmorum nume-
ro versiculum vnius adfert, in quo tantum momentum ponit, vt eum
ad omnia opera, tentationes die nocteue occurrentes, velit vsurpari;
repetitque illum decies-septies, toties nouos casus atque occasiones
adferens, quibus, & innumeris alijs, vt à nobis adhibeatur, grauisimè in-
culcat. is verò est: *Deus, in adiutorium meum intende; Domine, ad adiuuan-
dum me festina.* Huius versiculi, ait, oratio, in aduersis vt eruamur, in prope-
ris vt seruemur, ne extollamur, incessabili iugitate fundenda est; huius medita-
tio in tuo pectore indurpta voluatur; hunc in opere quolibet, siue ministerio,
siue in itinere constitutus, decantare non desinas; hunc & dormiens, & resiciens,
& in ultimis nature necessitatibus meditare. & ibidem: *Hic namque versicu-
lus non immerito de toto Scripturarum excerptus est instrumento: recipit enim
omnes affectus, quicunque humana inferri possunt nature; & ad omnem statum
atque vniuersos incursus proprie satis & competenter aptatur: habet siquidem
aduersus omnia discrimina inuocationem Dei; habet humilitatem piæ confesio-
nis; habet solitudinis ac timoris perpetui vigilantiam; habet considerationem
fragilitatis suæ, exauditionis fiduciam, confidentiam presentis semper, astan-
tis presidij; (qui enim iugiter suum inuocat protectorem, certus est eum semper
esse presentem) habet amoris & caritatis ardorem; habet insidiarum contempla-
tionem, inimicorumq; formidinem; quibus perspicens semetipsum die nocteq;
vallatum, confitetur se non posse sine sui defensoris auxilio liberari.* Hæc Cas-
sianus,

stanus, & alia, quæ dicta Collatione toto capite decimo fusissimè persequitur.

87. Existimo in eius sententiam esse descendendum, versiculumque illum habendum esse in ore, in mente, ad singula quæ operamur: est enim brevis, semperque obuius; & si tantum illum usurpemus, satis est. Addatur tamen ad maiorem reuerentiam, & honorem Deo deferendum, Ecclesiæ ordinaria clausula: *Gloria Patri, & Filio, & Spiritui sancto. Sicut erat in principio, & nunc, & semper, & in secula seculorum. Amen.* Quæ si attentè, si meditandè proferantur, singula verba ponderando, erunt nobis magno vsui & commodo, fructumque percipiemus adhibiti studij non penitendum.

D. Thomas Aquinas dicitur particulares habuisse orationes, quas pane ad singula opera recitaret. quod admodum laudabile est: videturque in eo D. Augustinum, Bernardum, Anselmum, aliosque pios Patres imitatus esse, qui numquam mente erant otiosi; sed semper vel ore vel animo aliquid piè masticare ac ruminare videbantur; quod ex eorum scriptis ac meditationibus satis est perspicuum. Cum verò orationum alia sit mentalis, quæ sola mente perficitur; alia vocalis, quæ affectu voceque adiuncta constat: vtrique utilis est; & quando vocalis adhiberi potest sine arbitrio, vtile id est ad maiorem attentionem comparandam. Ut autem pijs animis satisfaciamus, hinc orationum laculatoriarum fontes, vnde eruuntur, ponemus; additis ex Psalmis & Patribus sententijs fundendis & masticandis: denique, quid in operibus singulis depromi possit ex animo caritate accenso, adferemus.

Meminerimus tamen, sententias huiusmodi aut versiculos recitandos aut ruminandos esse per modum colloquij inter Deum & animam instituti; verbaque singula libranda, perpenſa eorum significatione propria vel impropria, iungendo sententiarum verba verbis, sententias sententijs, ex quibus elicias cibum potumque spiritui nutriendo idoneum: præstatque vnicui attentè & cum sensu discutere, quàm plures effundere.

*Ad res singulas
orationes esse
adhibendas.*

CAPVT XVI.

Aspirationum fontes ponuntur undecim; adhibitis formulis ex Scriptura sacra, sanctisq; Patribus.

*Aspirationum
fontes Unde-
cim.
Fons 1.
Consideratio
caelestis patrie.
2 Psal. 26.
Psal. 83.*

Psal. 136.

Medit. cap. 25.

Cant. 4.

Psal. 44.

Cant. 5.

Cant. 2.

*2 Fons 2.
Tedium vite
misera.
b Iob 10.
c Psal. 119.
d Psal. 41.*

FONTES è quibus Aspirationes istæ depromi possint, ac desideria inflammata tamquam tela in cælum vibrari, sunt in primis consideratio patriæ cælestis; ad quam sanctissimus Rex sic aspirat: *⁊ Vnam petij à Domino, hanc requiram; vt inhabitem in domo Domini omnibus diebus vitæ meæ; vt videam voluptatem Domini, ⁊ visitem templum eius. Quàm dilecta tabernacula tua, Domine virtutum! concupiscit ⁊ defecit anima mea in atriis Domini. Cor meum ⁊ caro mea exultauerunt in Deum viuum. Etenim passer inuenit sibi domum, ⁊ turtur nidum sibi, vbi ponat pullos suos. Beati qui habitant in domo tua, Domine; in secula seculorum laudabunt te. Si oblitus fuero tui, Ierusalem; obliuioni detur dextera mea. Adhareat lingua mea faucibus meis, si non meminero tui; si non proposuero Ierusalem in principio latitiæ meæ.*

Quomodo colloqui debeamus, ita D. Augustinus nobis est exemplo. *Mater, inquit, Ierusalem, ciuitas sancta Dei, carissima sponsa Christi, te amat cor meum, pulchritudine tuam nimium desiderat mens mea. O quàm decora, quàm gloriosa, quàm generosa tu es! Tota pulchra es, ⁊ macula non est in te. Exulta ⁊ letare, formosa filia Principis; quia concupiuit Rex speciem tuam, ⁊ amauit decorem tuum speciosus forma præ filiis hominum. Sed qualis est dilectus tuus ex dilecto, o pulcherrima? Dilectus meus candidus ⁊ rubicundus, electus ex millibus. Sicut malus inter ligna siluarum, sic dilectus meus inter filios. Sub umbra illius, quem desideravi, ecce leta sedeo, ⁊ fructus eius dulcis gutturi meo. ⁊ paulo infra: Speciosa facta es, ⁊ suavis in delicijs tuis, mater Ierusalem. Nihil in te tale, quale hic patimur, qualia in hac misera vita cernimus: non sunt in te tenebræ, aut nox, aut qualibet diuersitas temporum. Non lucet in te lux lucerna, aut splendor luna, vel iubar stellarum, sed Deus de Deo, lux de luce, sol iustitiæ semper illuminat te: Agnus candidus ⁊ immaculatus lucidum ⁊ pulcherrimum est lumen tuum. Ibi hymnidici Angelorum chori; ibi Prophetarum prouidus chorus; ibi duodenus Apostolorum numerus; ibi innumerabilium Martyrum victor exercitus; ibi Confessorum sacer conuentus; ibi sanctæ Mulieres, quæ voluptates seculi ⁊ sexus infirmitatem vicerunt.*

89. *⁊ Alius fons ducitur ex tædio huius vitæ miserae. Tædet animam meam vitæ meæ, ait Iob. ⁊ Dauid: Heu mihi, quia incolatus meus prolongatus est; habitavi cum habitantibus Cedar, multum incola fuit anima mea. Fecerunt mihi*

Med. cap. 35. non amem te? item: Scis, occultorum cognitor Deus, quoniam non solum terra, & omnibus quæ in ea sunt, tu mihi carior es; sed etiam ipso celo, & omnibus quæ in eo sunt, tu mihi acceptabilior, tu mihi amabilior es. Diligo enim te super celum & terram, & cetera omnia quæ in eis sunt; imò nisi amore nominis tui, quæ transitoria sunt, procul dubio amanda non sunt. Amo te, Deus meus, amore magno, magis quæ te amare cupio. Da mihi ut amem te semper quantum volo, quantum debeo; ut tu solus sis tota intentio mea, & omnis meditatio mea: te mediter per dies sine cessatione, te sentiam per soporem in nocte, te alloquatur spiritus meus, tecum fabuletur mens mea.

Fons 5. Gracitudo. Psal. 65. Psal. 115. Aug. Soliloq. cap. 33. a Psal. 85. 92. Fons quintus oritur ex affectu gratitudinis; ita enim sanctus Rex: Venite, audite, & narrabo, omnes qui timetis Deum, quanta fecit anima mea. Quid retribuam Domino pro omnibus quæ retribuit mihi? & D. Augustinus: Quis similis tibi etiam in dijs, Domine? quis similis tibi? magnificus in sanctitate, terribilis atque laudabilis, & faciens mirabilia? Serò te cognoui lumen verum, serò te cognoui. Erat autem nubes magna & tenebrosa ante oculos vanitatis meæ, ita ut videre non possem solem iustitiæ & lumen veritatis. Cæcus eram, & cecitatem amabam, & ad tenebras per tenebras ambulabam. Quis inde me eduxit? ubi eram homo cæcus, sedens in tenebris & umbra mortis, quis accepit manum meam, ut inde me educeret? Non querebam eum, & ipse quesivit me; non vocabam eum, & ipse vocavit me. Vocasti enim me nomine tuo: intonasti desuper voce grandi in interiorem aurem cordis mei, Fiat lux; & facta est lux. Gratia tibi, illuminator meus. Et conuersus sum, & vidi tenebras in quibus fueram, & abyssum tenebrosam in qua iacueram, & contremui, & expaui, & dixi: Væ, væ tenebris meis, in quibus iacui; væ, væ cecitati illi, in qua videre non poteram lumen celi; væ, væ præteritæ ignorantia meæ, quando non cognoscebam te Domine.

Fons 6. Zelus animarum. Exod. 32. Rom. 9. 1. Ioan. 3. Phil. 3. Ioan. 15. Ioan. 19. 93. Fons sextus oritur ex ardentissimo animarum Creatori suo restituendarum zelo; sic enim Moyses accensus exclamat, Deumque vregit: Aut dimitte eis hanc noxam; aut, si non facis, dele me de libro tuo quem scripsisti. & Paulus: Optabam ego ipse anathema esse à Christo pro fratribus meis. In hoc cognouimus caritatem Dei, quoniam ille animam suam pro nobis posuit, & nos debemus pro fratribus animas ponere. Omnia detrimentum feci, & arbitror ut stercora, ut Christum lucrificiam. Maiorem hac dilectionem nemo habet, ut animam suam ponat quis pro amicis suis. Bonus pastor animam suam dat pro ouibus suis. Quid mirum, bone & s. v, si oues, quam à te vitam acceperunt, eam moriendo restituant? Lubenter ergo impendar & superimpendar pro ijs, quos sanguine tuo redemisti: quæ enim maior gloria potest homini contingere, quàm ut, ubi Dominus est, ibi sit & seruus; & miles pro Rege vulnera multa recipiat, vitam denique gloriosè profundat? Eamus & nos, ut moriamur cum eo. Qui enim ipsum confessus fuerit coram hominibus, confitebitur & ipse eum coram Patre suo.

Ioan. 17. Matth. 10.

94. Septi-

94. Septimus fons nascitur ex desiderio Christum videndi, ac perfe- Fons 7.
 ctæ cum eo coniunctionis ineundæ. ^a *Desiderium habeo dissolui, & esse cum* Desiderium vi-
 Christo. ^b *Quis mihi det te fratrem meum, sugentem ubera matris meæ, ut inue-* dendi Domi-
 niam te foris, & deosculer te, & iam me nemo despiciat? *Trabe me: post te cur-* num IESVM.
 remus in odorem unguentorum tuorum. ^d *Desidero te millies, mi IESV; quan-* a Philip. 1.
 do venies? *me letum quando facies? me de te quando saties?* ^e *Nunc incipio esse* b Cant. 8.
 Christi discipulus; nihil de his, quæ videntur, desiderans, ut IESVM Christum c Cant. 1.
 inueniam. *Ignis, crux, bestia, confractio ossium, membrorum diuisio, & totius* d Bern. in Ia-
 corporis contritio, & tota tormenta diaboli in me veniant, tantum ut Christo bilo.
 fruam. *Frumentum Christi sum, dentibus bestiarum molar, ut panis mundus in-* e Hieron. de
 ueniam. *O splendor Paternæ gloriæ, qui sedes super Cherubim, & intueris abyssos,* Script. Eccles.
lumen veridicum, lumen illuminans, lumen indeficiens, in quem desiderant An- in S. Ignatio
geli prospicere; ecce cor meum coram te est. Non possum metiri ut sciam quan- mart. tomo 1.
tum desit mihi amoris tui ad id quod satis est, ut currat vita mea in amplexus Aug. Medit.
tuos, nec auertatur donec abscondatur in abscondito vultus tui: hoc tamen scio, cap. 18.
quia male mihi est prater te, Domine, non solum extra me, sed & in meipso. Om- f Dan. 3.
nis enim copia quæ Deus meus non est, egestas mihi est. Tibi itaque Domino Deo
nostro semper adherere necesse habemus, ut per continuum auxilium tuum sanctè
& pie & rectè vivere valeamus: pondere siquidem fragilitatis nostræ deorsum
trahimur, dono autem tuo accendimur, & sursum ferimur, inardescimus, &
imus, ascendimus, ascensiones in corde facimus, & cantamus canticum graduum,
igne tuo bono inardescimus, & imus. quoniam? sursum imus, ad pacem Ierusa-
lem: quoniam incundatus sum in his quæ dicta sunt mihi, in domum Domini ibi- Psal. 121.
mus. Illic collocavit nos voluntas bona; ut nihil velimus aliud, quàm permanere
illic in æternum. Sed quia, dum sumus in corpore, peregrinamur à te, Domine; 2. Cor. 5.
non habemus hîc ciuitatem manentem, sed futuram inquirimus; noster autem Heb. 13.
municipatus in calis est: ideo duce gratia tua ingredior in cubile cordis mei, &
canto tibi amatoria, Rex meus & Deus meus, gemens inenarrabiles gemitus in
loco peregrinationis meæ, ubi cantabiles mihi factæ sunt iustificationes tuæ. Psal. 118.

95. Fons octauus ex amoris in nos Dei admiratione ac redamandi Fons 8.
 studio profilit, & in ardentissimi affectus voces prorumpit, animusque Amor Dei in
 sæpe huiusmodi sententias admirabundus repetit: *Tolle filium tuum uni-* nos.
 genitum, quem diligis, Isaac, & offer eum in holocaustum super unum montium Gen. 22.
 quem monstraui tibi. *Sic Deus dilexit mundum, ut Filium suum unigenitum* Ioan. 3.
daret; ut omnis qui credit in eum, non pereat, sed habeat vitam æternam. Pro-
pter nimiam caritatem suam, qua dilexit nos, & cum essemus mortui peccatis, Ephes. 2.
conuiuificauit nos in Christo, & conresuscitauit, & consedere fecit in ca-
lestibus in Christo IESV, ut ostenderet in sæculis superuenientibus abun-
dantes diuitias gratiæ suæ in bonitate super nos in Christo IESV. In caritate Ierem. 31.
perpetua dilexi te; ideo attraxi te, miserans. O quantum sumus tibi debi- Aug. Medit.
tores, Domine Deus noster, tanto redempti pretio, tanto saluati dono, & tam cap. 17.

Ddd

gloriosò

glorioso adiuti beneficio! quantum à nobis miseris es timendus, amandus, benedicendus, laudandus, honorandus, & glorificandus, qui nos sic amasti, sic saluasti, sic sanctificasti, sic sublimasti! Tibi nempe debemus omne quod possumus, omne quod viuimus, omne quod sapimus. Sed attende, pie Pater, quem genueris Filium, & quem redemeris seruum: hic aspice factorem, & ne despicias facturam. Amplectere serenus pastorem, & respice misericors allatam proprijs humanis ouem. Intuere dulcem Natum toto corpore extensum, cerne manus innoxias pio manantes sanguine, & remitte placatus scelera quae patrarunt manus meae. Considera inermis latus crudeli perfossus cuspide, & renoua me sacro fonte, quem inde credo fluxisse.

Aug. Medit.
cap. 8. Vide &
cap. 15.

Ibid. cap. 6.

Fons 9.
Passio Saluatoris.
a Thren. 1.
b Isai. 50.
c Psal. 21.

96. Fons nonus oritur ex admiratione iuxta & affectu singulari concepto ex doloribus à Christo nostri causa perpessis. "O vos omnes, exclamat, qui transitis per viam, attendite, & videte si est dolor sicut dolor meus. Posui faciem meam ut petram durissimam. Ego sum vermis, & non homo; opprobrium hominum, & abiectio plebis. Omnes videntes me, deriserunt me; locuti sunt labijs, & mouerunt caput. Circumdederunt me vituli multi, tauri pingues obsederunt me: aperuerunt super me os suum, sicut leo rapiens & rugiens. Sicut aqua effusus sum, & dispersa sunt omnia ossa mea. Factum est cor meum tamquam cera liquefscens in medio ventris mei. Aruit tamquam testa virtus mea, & lingua mea adhaesit faucibus meis, & in puluerem mortis deduxisti me. Foderunt manus meas & pedes meos, dinumerauerunt omnia ossa mea. Diuiserunt sibi vestimenta mea, & super vestem meam miserunt sortem. Insurrexerunt in me viri iniqui, absque misericordia quae seruit me interficere, & non pepercerunt in faciem meam spicere, lanceis suis vulnerauerunt me, & concussa sunt omnia ossa mea. Dederunt in escam meam fel, & in siti mea potauerunt me aceto. Dedi dilectam animam meam in manu inimicorum eius: facta est mihi hereditas mea quasi leo in silua. Dederunt portionem meam desiderabilem in desertum solitudinis. Desolatione desolata est omnis terra, quia nullus est qui recogitet corde. Ego vero ne ingratus sim, sed tui memor, Domine; animam meam ad plagas tuas: doloresque conuerto. Te sitio, te esurio, te desidero, ad te suspiro, te concupisco: & sicut pupillus, benignissimi patris orbus praesentia, flens & eiulans incessanter eius dilectam faciem toto corde amplectitur; sic ego, non quantum debeo, sed quantum queo, memor passionis tuae, memor alaparum tuarum, memor flagellorum, memor vulnerum tuorum, memor qualiter pro me occisus es, qualiter conditus, qualiter sepultus, simul memor tuae gloriose resurrectionis & admirabilis ascensionis. Hei mihi, quia videre non potui Dominum Angelorum, humilium ad conuersationem hominum, ut homines exaltaret ad conuersationem Angelorum; cum Deus offensus moriebatur, ut peccator viveret! Hei quod tam admirabili, tam inestimabili pietati praesens obstupescere non merui! Cur, o anima mea, te praesertim non transfigit gladius doloris acutissimi, cum ferre non posses vulnerari lancea latus tui Saluatoris, cum videre nequies violari clauis pedes & manus:

In Offert. Missae de Passione.

Psal. 68.

Jerem. 12.

August. Med.
cap. 41.

manus tui Plasmatoris, cum horrore effundi sanguinem tui Redemptoris? Vtinam cum felice Iosepho Dominum meum de cruce deposuissem! aromatibus condidissem! in sepulcro collocassem! ut saltem profectus vel consecutus essem, ut tanto funeri non defuisset aliquid mei obsequij!

97. Fons decimus oritur ex spe singulari concepta de Dei bonitate & misericordia. Sic sanctus Iob sperabat. ^a *Etiamsi occiderit me, inquit, in ipso sperabo.* ^b *Si Deus pro nobis, quis contra nos? Qui etiam proprio Filio suo non pepercit, sed pro nobis omnibus tradidit illum, quomodo non etiam cum illo omnia nobis donauit? Certus sum quia neque mors, neque vita, neque creatura alia poterit nos separare à caritate Dei.* Desperare utique potuissem propter nimia peccata mea, & infinitas negligentias meas, nisi Verbum tuum, Deus, caro fieret, & habitaret in nobis. Sed desperare iam non audeo; quia, cum inimici essemus, reconciliati sumus per mortem Filij tui: quanto magis reconciliati salui facti sumus per eum! Omnis namque spes & totius fiducia certitudo mihi est in pretioso sanguine eius, qui effusus est propter nos, & propter nostram salutem. In ipso respiro, & in ipso confisus ad te peruenire desidero; non habens meam iustitiam, sed eam quæ est in Filio tuo Domino nostro IESV Christo. Est enim in ipso IESV Christo, Domino nostro, vniuscuiusque nostrum portio, caro & sanguis. Vbi ergo portio mea regnat, ibi me regnare credo; ubi caro mea glorificatur, ibi me gloriosum esse cognosco; ubi sanguis meus dominatur, ibi dominari me sentio: quamuis peccator sim, de hac communicatione gratia non diffido: et si peccata mea prohibent, substantia mea requirit: et si delicta mea me excludunt, natura communio non repellit. Non enim tam immitis est Deus, ut obliuiscatur hominis, & non meminerit ipsius quem ipse gestat, & quem mei causa suscepit, eius quem mei causa requirit. Mitis vero & valde benignus est Dominus Deus noster, & diligit carnem suam, membra sua, viscera sua. In ipso Deo & Domino nostro IESV Christo dulcissimo, benignissimo, atque clementissimo, in quo resurreximus, & iam calos ascendimus, & iam in calcitibus consedimus, caro nostra nos diligit; habemus autem sanguinis nostri prerogatiuam in ipso: sumus autem membra eius, & caro eius; ipse denique est caput nostrum, ex quo totum corpus, sicut scriptum est: Os ex osibus meis, & caro de carne mea; & erunt duo in carne vna. ^a *Genes. 2.* &: Nemo vnquam carnem suam odio habet, sed fouet & diligit eam. ^b *Myite- Ephes. 5.* rium hoc magnum est, ego dico in Christo & in Ecclesia.

98. Fons vndecimus nascitur ex desiderio patiendi pro Christo, nosque ei in omnibus conformandi. ^a *Ingre diatur putredo in osibus meis, & subter me scateat; ut requiescam in die tribulationis, ut ascendam ad populum accinctum nostrum.* Ficus enim non florebit, & non erit germen in vineis: ^a *Habac. 3.* mentietur opus oliuæ, & arua non adferent cibum: abscindetur de ovili pecus, & non erit armentum in præsepibus. Ego autem in Domino gaudebo, & exultabo in Deo IESV meo. Deus Dominus fortitudo mea, & ponet pedes meos quasi ceruorum, & super excelsa mea deducet me victor in Psalmis canentem.

Ddd 2

O ani-

Aug. Manual.
cap. 15.

Ioan. 15.

Matth. 10.

O anima mea, si quotidie oporteret nos tormenta perferre, si ipsam gehennam longo tempore tolerare, ut Christum in gloria sua videre possemus, & Sanctis eius sociari; nonne dignum esset pati omne quod triste est, ut tanti boni tantæq; gloriæ participes haberemur? Domine, hîc vre, hîc seca, ut in æternum parcas. Adde dolores, sed auge patientiam. Non est seruus maior Domino suo. Sime, ait Dominus, persecuti sunt, & vos persequentur: si Patrem familias Beelzebub vocauerunt, quanto magis domesticos eius!

99. Hactenus de fontibus Aspirationum, quas quisque pro suo captu, desiderijs, internisque motibus excogitare potest. Sufficiat paradigma aliquod proposuisse: nunc de breuib; orationib; aliquid dicendum.

CAPVT XVII.

Orationes Iaculatoria ponuntur singula singulis operibus opportuna.

100. **Q**uia sancti Patres leguntur actionibus suis præmisisse aut etiam interseruisse Orationes aliquas, partim ne in ijs exercendis n̄uos aliquos contraherent; partim ut suis viribus diffidentes testatum facerent se spem omnem in Dei auxilio collocare, quo inuocato omnia ad felicem exitum perducerent; aliquas adferemus formulas, easq; breues, ut retineantur, lubentiusq; adhibeantur: & in primis

Ante omnes actiones.

Psal. 69.

Deus, in adiutorium meum intende; Domine, ad adiuuandum me festina. Gloria Patri, & Filio, & Spiritui sancto. Sicut erat in principio, & nunc, & semper, & in sæcula sæculorum. Amen.

Ad tres personas sanctissimæ Trinitatis.

2. Cor. 1.

Omnipotens sempiterne Deus, Pater misericordiarum, & Deus totius consolationis, qui consolaris nos in omni tribulatione nostra; dirige actus nostros in beneplacito tuo, ut in nomine dilecti Filij tui, Domini nostri IESV Christi, Spiritus sancti igne inflammati, mereamur bonis operibus abundare. Per eundem, &c.

Cum mane excitaris.

1. Reg. 3.

Psal. 118.

Ad. 9.

Psal. 142.

Loquere, Domine; quia audit seruus tuus. Seruus tuus sum ego: da mihi intellectum, ut discam mandata tua. Domine, quid me vis facere? Doce me facere voluntatem tuam, quia Deus meus es tu.

Tum corpus erigens.

Psal. 3.

Ego dormiui, & soporatus sum; & in nomine sanctissimæ & indiuiduæ Tri-

Trinitatis, Patris omnipotentis, & Filij eius Domini nostri IESV Christi, & Spiritus sancti paracleti, *exurgo, quia Dominus suscepit me. non timebo millia populi circumdantis me. Exurge, Domine; saluum me fac, Deus meus. Quoniam tu percussisti omnes aduersantes mihi sine causa, dentes peccatorum contriuiisti. Domini est salus, & super famulum tuum benedictio tua. Gloria Patri, &c.*

Cùm vestes induis vel exuis.

Exue me, Domine, veterem hominem cum actibus suis, & induc me nouum, qui secundum Deum creatus est, in iustitia, & sanctitate veri-
tatis. *Colos. 3. Ephes. 4.*

Alia.

Largire mihi, Domine, armaturam tuam, vt possim resistere in die malo, & in omnibus perfectus stare. Succinge lumbos meos in veritate, indue me lorica iustitiæ, & calcea pedes meos in præparationem Euangelij pacis: præbe mihi scutum fidei, in quo omnia tela nequissimi ignea valeam extinguere: capiti meo galeam salutis impone: trade dexteræ meæ gladium salutis, in quo bellum Domini geram: & cadant à latere meo mille, & decem millia à dextris meis, hostis verò mihi appropinquare non possit. Amen. *Psal. 20.*

Cùm togam induis.

Indue, Domine, animam meam cyclade auro texta, vesteque nuptiali caritatis, quæ operiet meorum multitudinem peccatorum, & immensis monilibus exorna me. *Ex ijs quæ de S. Agnete S. Ambrosij. ser. 9. 10. mo s.*

Cùm lauas manus.

Asperges me, Domine, hyssopo, & mundabor; lauabis me, & super niuem dealbabor. *Psal. 50.*

Cùm faciem abluis.

Amplius laua me, Domine, ab iniquitate mea, & à peccato meo munda me, meritis Domini nostri IESV Christi, Filij tui, qui dilexit nos, & lauit nos à peccatis nostris in sanguine suo. *Psal. 50. Apoc. 1.*

Cùm ad laudes Deo dicendas aut Officium

recitandum accingeris.

In conspectu Angelorum psallam tibi; adorabo ad templum sanctum tuum, *Psal. 137.* & confitebor nomini tuo. Psallite Deo nostro, psallite; psallite Regi nostro, *Psal. 46.* psallite: quoniam Rex omnis terræ Deus; psallite sapienter. Seruite Domino in timore, & exultate ei cum tremore. *Psal. 2.*

Gratiarum actio post singula opera.

Laudationem Domini loquetur os meum, & benedicat emnis caro nomini sancto eius in sæculum, & in sæculum sæculi. *Psal. 144. 2 Sap. 9.*

Ante studia.

* Da mihi, Domine, sedium tuarum assuetudinem sapientiam, & noli me repro-
bare *In Breuiario Romano De- min. 1. Aug. Resp. 3. & 4.*

Ddd 3

bare à pueris tuis; quoniam seruus tuus sum ego, & filius ancilla tua. Mitte illam de calis sanctis tuis, & à sede magnitudinis tua, ut mecum sit, & mecum laboret; ut sciam quid acceptum sit coram te omni tempore.

Ad seruandam puritatem intentionis in omnibus rebus agendis.

Psal. 72.

Domine, quid mihi est in calo? & à te quid volui super terram? Defecit caro mea, & cor meum: Deus cordis mei, & pars mea Deus in aeternum.

Vt vno verbo mane proposita omnia renoues, idque frequentius, saltem ad horæ pulsum.

Cant. 2.

Dilectus meus mihi, & ego illi.

Cùm occasio aliquid patiendi sese offert.

Psal. 33.

Quis mihi det ut moriar pro te, Domine mi IESU, IESU mi Domine? Benedicam Dominum in omni tempore, semper laus eius in ore meo.

Cùm oculis nostris vanitates vel etiam prauæ cogitationes obijciuntur.

Psal. 118.

Auerte oculos meos, Domine, ne videant vanitatem; in via tua vinifica me.

Cùm vaniloquia vel etiam tentationes auribus nostris insonant.

Psal. 118.

Narrauerunt mihi iniqui fabulationes, sed non ut lex tua.

Cùm peccandi occurrit occasio.

Psal. 71.

Deus cordis mei, & pars mea Deus in aeternum. Quia ecce qui elongant se à te, peribunt; perdidisti omnes qui fornicantur abs te. Mihi autem adherere Deo bonum est, ponere in Domino Deo spem meam.

Cùm irrepunt gulæ ciborumque irritamenta.

Psal. 68.

Dederunt in escam meam fel, & in siti mea potauerunt me aceto.

Cùm irascendi datur occasio.

Ab. 9.

2 Psal. 26.

b Psal. 38.

Domine, quid me vis facere? *Expecta Dominum, viriliter age, & confortetur cor tuum, & sustine Dominum. b Dixi ergo: Custodiam vias meas, ut non delinquam in lingua mea. Posui ori meo custodiam, cum confisteret peccator aduersum me. Obmutui, & humiliatus sum, & filii à bonis, & dolor meus renouatus est. Redde mihi letitiam salutaris tui, & Spiritu principali confirma me.

Psal. 50.

Cùm ex cubiculo egredieris.

Psal. 24.

Vias tuas, Domine, demonstra mihi, & semitas tuas edoce me. Dirige me in veritate tua, & doce me: quia tu es Deus Saluator meus, & te sustinui tota die.

Alia.

Psal. 5.

Domine, deduc me in iustitia tua: propter inimicos meos dirige in conspectu tuo viam meam.

Cùm

Cum redis ad cubiculum.

Conuertere, anima mea, in requiem tuam; quia Dominus benefecit tibi: *Psal. 114.*
quia eripuit animam meam de morte, oculos meos à lacrymis, pedes meos à lapsu.

Placebo Domino in regione uiuorum.

Cum quid intueris, quod te delectat.

Delectasti me, Domine, in factura tua, & in operibus manuum tuarum exultabo. *Psal. 91.*
Quàm magnificata sunt opera tua, Domine! nimis profunda factæ sunt cogitationes tuæ. Vir insipiens non cognoscet, & stultus non intelliget hæc.

Ad horas singulas, cum pulsantur.

Hora est iam nos de somno surgere. *a Vigilare, quia nescitis qua hora Do-* *Rom. 13.*
minus uester venturus sit. Heu! quando veniam & apparebo ante faciem *a Matth. 24.*
Dei mei? *b Psal. 41.*

Alia.

Maria mater gratiæ, mater misericordiæ, tu nos ab hoste proteges, & hora mortis suscipe.

Cum cælum aspicias.

Quàm mihi sordet terra, cum cælum aspicio!

*In Vita B. Ioseph
nati.*

Cum in terram oculos deflectis.

Omnia detrimentum feci, & arbitror ut stercora, ut Christum lucrificem. *Phil. 3.*

Cum noctu excitaris.

Tunc expuerunt in faciem eius, & colaphis eum ceciderunt; alij autem palmas in faciem eius dederunt, dicentes: Prophetiza nobis, Christe, quis est qui te percussit? Defensor noster aspice, insidiantes reprime; gubernas tuos famulos, quos sanguine mercatus es. *Matth. 26.*

Cum obscenis cogitationibus molestius agitaris.

Per immaculatam conceptionem tuam libera nos Virgo gloriosa.

Cum domo egrederis.

Deduc me, Domine, in semitam mandatorum tuorum, quia ipsam volui. *An-* *Psal. 118.*
gelis suis Deus mandauit de te, ut custodiant te in omnibus vijs tuis. In ma- *Psal. 90.*
nibus portabunt te, ne forte offendas ad lapidem pedem tuum. Custodi me, Do- *Psal. 16.*
mine, ut pupillam oculi, sub umbra alarum tuarum proteges me.

Cum obrepente somno caput inclinas.

Qui statis in domo Domini, in atrijs domus Dei nostri, in noctibus extollite manus vestras in sancta, & benedicite Dominum. Benedicat te Dominus ex Sion, qui fecit cælum & terram. In pace in idipsum dormiam & requiescam: *Psal. 4.*
quoniam tu, Domine, singulariter in spe constituisti me. In manus tuas commendando spiritum meum; redemisti me, Domine Deus veritatis. Gloria Patri, & Filio, &c. *Psal. 30.*

Alia.

Alia.

*Ange, qui meus es custos pietate superna,
Me tibi commissum serua, defende, gubernas,
Vt valeam tecum caelestia scandere regna.*

Alia.

Nos cum prole pia benedicat virgo Maria.

Psal. 49.

101. Haec sunt Orationes & Aspirationes, easque paucas & breues, pro occurrentium humanæ conditioni rerum necessitate conscripsimus. qui plures desiderat, è varijs libellis hac de re conscriptis desumere poterit: mortalium namque fragilitas breuitatem amat; multa negligit, imò vel pauca ne usurpat quidem: & vtinam saltem aliqua eorum, quæ attulimus, usurparentur! Qui multa retinere non possunt, vtantur consilio Cassiani, suadentis vt ad omnia, quæ occurrunt, verficulum illum assumant: *Deus, in adiutorium meum intende.* Cuius si singula verba perpendantur ac ponderentur, haud frustra nos fecisse inueniemus. Nullam verò adhibui expositionem allatis versiculis Aspirationum, quod ea satis obuia sit consideranti ac meditati: cui gratius iucundiusque erit, quod meditatione adeptus fuerit, quam quod alieno partum labore. postmodum nobis occurret occasio nonnullas latius explicandi.

CAPVT XVIII.

*Oratio mane recitanda, constans hisce partibus:
oblatione, adoratione, gratiarum actione, protestatione, omniumque pane virtutum exercitio.*

102. **V**T Praxis illa Aspirationum reddatur facilior, expedit matutino tempore orationem aliquam, adiuncta protestatione, præmissis; cuius in breuioribus oratiunculis vis omnis consistat: qualis esse posset, quam hîc subiiciemus.

Oratio.

Partes orationis.

I.
Culpa confessio.

I. Omnipotens Domine, Deus adorande, Pater colendissime; quod filij parentibus mane deferre & solent; & verò debent, vt eis nimirum bene precentur, id ipsum facturus aduenio: & vt dignè faciam, prostratus benedictionem tuam supplex postulo; vtque delicta omnia mea, & multa & magna, quæ lubenter agnosco & confiteor cum vero emendationis proposito, mihi ignoscas, demississimè rogo.

II. Ad-

II. Adfero mecum quidquid habeo facultatum, siue illæ extra me sint, siue in corpore, siue in anima: utque tres Magi, apertis thesauris suis, largiter munera tibi obtulerunt; ita & ego non tantum bonorum meorum maiorem partem, sed totum, quidquid est à te mihi concessum, (aliud enim nihil habeo) tibi reddo ac cōsecro; vota que omnia que vquam emis, desideria omnia quæ vquam habui, renouo ac repeto. Denique offero tibi quidquid sum, possum, & habeo; quidquid fecisti, quidquid potes, quidquid es. Hæc enim omnia si haberem, illa tibi ex animo redderem.

Reuoco autem omnes prauos conceptus, cogitationes, affectiones, passionem, ac desideria, quæ vel olim vel etiam recenter in me exorta sunt; & me tibi restituo totum, utinam sine ruga, sine macula!

Quod si mihi tot vitæ forent, quot in mari guttæ, quot arenæ grana, quot in cælis stellæ, quot atomi in aëre; omnes illas Maiestatis tuæ obsequio lubentissimè consecrarem. Si tot mihi essent opes, quot mundus posset cōtinere; illas omnes diuino tuo cultui, tuisque fouendis membris, dedicarem. Si tot mihi corpora, quot puncta in corporibus quantitate præditis; illa omnia beneplacito tuo manciparè. Si tot animi ac voluntates, quot foliorum motus & animorum, quot lineæ, quot denticuli, quot apices in folijs; eos omnes sanctissimæ voluntati tuæ submitterem.

III. Credo, Domine, quidquid per Ecclesiam Catholicā, Apostolicā, Romanamque credendum proposuisti: & ne timore nimio, ex infirmitatis meæ ac peccatorum consideratione concepto, nimium diffidat animus, spem omnem meam in tua bonitate meritisque Domini mei IESV Christi repono.

At ne rursus mihi quidquam arrogem, cum nihil habeam, nève mihi placeam plus æquo, statuo omnibus in rebus à te pendere, auxilium opemque implorare, sciens te præsidium tuum implorantibus semper adesse. quod ut faciam, meique sim memor, humiliter supplico ac rogo; ut, dum mei tuique obliuiscar, mei fragilis & labilis tu, Domine, non obliuiscaris. Moneat me Angelus, quem mihi præsidem deputasti: illi curam mei singulariter commenda: me portet in manibus, ne fortè offendam ad lapidem pedem meum; super aspidem & basiliscum ambulem, & conculcem ipso adiutore leonem & draconem. dixisti enim Domine: *Quoniam in me sperauit, liberabo eum; protegam eum, quoniam cognouit nomen meum.*

IV. Diligam etiam te, Domine, totis viribus meis, tota mente, totaque anima. Doleo me non maiore sensu erga te affici. Quidquid tamen sit de sensu, diligo te toto corde meo. Obdiam legi tuæ ad mortem vsque, quam paratus animus lubenter excipiet pro religionis honoris que tui amore ac conseruatione.

E e e

Quid-

2.
Oblatio.
Matth. 2.3.
Votorum ac
desideriorum
renouatio.4.
Añus fidei.
5.
Spei.6.
Diffidentia.

Psal. 90.

Ibidem.

7.
Caritatis.

Psalm. 72.

Quidquid affectus est in me, quod in aliqua vel etiam in omnibus creaturis, quantumcumque amicis, repositum sit, id omne ad te reuoco, confero, atque repono; cui adherere mihi & bonum & certum est. Vtinam te praesentem semper videam, in amplexibus tuis quiescam, tecum colloquar, de te cogitem per diem, de te somniem per noctem; sitque omnis recreatio mea, cibus, & refectio, tecum perpetuo versari!

8.
Adoratio.

Tibi quoque per omnes miserationes tuas supplico, ut quidquid hac die & omni aeternitate egero, siue bibam, siue edam, siue ambulem, siue quid aliud mente, ore, opere contrectem, illud cedat ad gloriam nominis tui: id enim ipsum cupio, ut omnibus in rebus tibi soli complaceream. quod ut semper faciam, tu memorem me facito; & si id vel occupato, vel ex infirmitate aut obliuione exciderit, tu promptissima humius certaque voluntatis ac resolutionis rationem habere digneris.

9.
Humilitas.

V. Quia verò, sempiternae Domine, principium meum finisque meus es, ut & rerum omnium; te toto animo corporeque prostratus adoro ac veneror. Vnicum doleo, quod magnitudinem tuam & infirmitatem meam minus sufficienter agnoscam, & pro dignitate reuerentiam tibi non exhibeam. Scio, Domine, quia in conspectu tuo pulvisculus sum, ideoque, ut aequum est, in centrum vsque terrae meaeque nihili me prorsus abdo ac demitto.

10.
Gratitudo.

VI. Cumque praeter propensam in te voluntatem nihil in me inueniam quod offeram, ad ea, quae mea causa condidisti ac parasti, confugio; ac in primis Filij tui Domini nostri IESU Christi ardentissimum in te amorem, obedientiam, virtutesque omnes, quibus ornatus est, quasque umquam exercuit, à primo conceptionis suae instanti, & aeternum exercebit, offero: eiusdem etiam merita omnia, ac beatissimae matris eius; corda inflammata omnium Angelorum, Patriarcharum fidem, Prophetarum constantiam, Apostolorum labores, Martyrum poenas, Confessorum sanctitatem, Virginum puritatem, totiusque caelestis Curiae cogitationes motusque omnes, qui tibi umquam placuerunt, placebuntque in omnem aeternitatem. Addo Sanctorum omnium (siue ij tibi iam adsint, siue viatores in caritate seruiant Maieitati tuae) internos externosque actus; omnia sacrificia quae nunc per vniuersum orbem offeruntur, quaeque omnes umquam mortales obtulerunt, ab Abel iusto, & offerentur aeternis saeculis; omnium item Religiosorum laudes, orationes, mortificationes, curas in animis iuuandis, Sacramentis administrandis, verbo Dei praedicando; iustorum item omnium opera, tribulationes, dolores, ac labores: quibus omnibus voluntatem meam adiungo, ac vota, & particeps haberi pereupio. Iungo his quoque quidquid est creaturarum, siue ea existant, siue interierint, aut futurae

futurae sint, siue etiam in actu transeunte consistant; optoque ex animo, ut quidquid in ijs boni est aut naturale quod à te perficitur, cum in demonibus, tum etiam in perditis hominibus, te laudet & praedicet; solo eo damnato, quod peccati turpitudinem ac rationem continet. In optatis mihi est etiam, omnium rerum Esse infinities multiplicatum in linguas ardentissimorum Seraphim conuerti, ut saltem partem aliquam magnitudinis tuae attingant, attollant, & glorificent in saecula.

VII. Quod muneris mei est, etsi sit exiguum, gratias Maiestatì tuae ago quantas possum maximas, propter magnam gloriam tuam: quae in hoc maxime relucet, quod naturam tuam, te cognoscendo, Verbo tuo communicaueris; quodque, illud amando, Spiritum sanctum spiraueris, ab utroque ineffabili modo procedentem, natura & potentia cum utroque parem; quodque eundem tuum Filium, pro salute humani generis in carnatum, infinita gratia donaueris, & ex eo, tamquam Oceano, beatissimam Matrem, Apostolos, infinitosque alios, & quidem bono nostro, cumulatè repleueris. Verum modus ipse admirandus est, atque adorandus, nec beatarum mentium linguarum ad eum explicandum laudandumque sufficiunt. Quid enim, mi Domine I E S V, (ut ad te nostra conuertatur oratio) quid, inquam, te coegit, ut pro matre virgunculam eligeres: in stabulo nascere? à pastoribus & gentilibus Magis agnoscereris? Ita tibi complacitum est, o Pater aeternae: ut enim indignissimos seruos redimeres, Filium tradidisti.

Quid hoc est, beatissime Pater? Filius tuus, qui factus est nobis iustitia, verusque agnus sine macula, circumcidi voluit, offerri in templo, etsi nulli seruituti aut redemptioni obnoxius. Qui caelo terraeque imperat, ac vniuersum (quando vult) tremefacit orbem, fugit nihilo, minus persecutorem, & Aegyptum petit, parentibus obedit: vir factus, quadraginta diebus ac noctibus omni cibo abstinet, à demonibus tentatur, contrectatur, deterrimisque eorum manibus asportatur; quod dignationis genus omnem captum superat. Quot laboribus Euangelium disseminauit! qua humanitate discipulos fouit! qua benignitate peccatores excepit! quid, quod Ecclesiae de sacrificio iugi volens prospicere, corporis & sanguinis sui communicationem reliquit? Quot poenas, dolores, & tormenta sustinuit! quam immanem mortem! quantam cum infamia coniunctam! Ne spes nostrae exciderent, resurgere tertia die voluit, locum deinde in caelis præparare ascensione sua; denique Spiritus sancti in Apostolos immissi ardētibus facibus vniuersum mundum incendi. Quas laudes, quas gratiarum actiones, pro hisce & infinitis alijs beneficijs tibi rependam, Domine?

Interea & fructus huius tantae benignitatis ad me quoque dimana-

Ecc 2

uit.

II.

Gratiarum
actio.

Sap. 11.

12.
Sapientia.
Sap. 9.13.
Prudentia.14.
Humilitas &
alia virtutes.Locus examini
particulari de-
putatus.a Psal. 76.
b S. Aug. lib. 10.
Conf. cap. 20.c 15.
Timor Dei.16.
Protestatio.

uit. Inter fæces & lutum terræ huius hærebam vermiculus: quæmi oculo clementiæ intuitus, vt ab æterno, ita & in tempore euulsisti de stercore, & inter filios tuos, inter amicos tuos collocasti, vt discâ timere & amare te, qui amas creaturas tuas, & nihil odisti eorum quæ fecisti.

II X. Obsecro igitur te, Domine, vt propter ingentia hæc beneficia te amem; sed magis quia bonus es, & amabilis valde. Infunde in me amorem tuum, & illa quæ illum promoueant. Da mihi sapientiam, quæ veniat de sede Maiestatis tuæ, quæ mecum sit, & mecum labore; vt sciam quid acceptum sit coram te omni tempore. Adde prudentiam, quæ opera mea omnia dirigat; vt ab errore vindicata, felicem exitum sortiantur. Da profundam humilitatem, magnum animarum zelum, patientiam inuictam, fortitudinē & constantiam, paupertatis amorem, Angelicam castitatem, obedientiam indefessam, misericordiæ viscera, benignitatem, mansuetudinem, ceterasque laudes ac animæ ornamenta: maximè verò eas, quarum vitio contrario laboro;

quod & expugnare & euellere omnino intendo, virtutem item contrariam inferere. ^a Dixi, Nunc capi. ^b Da quod inbes, Domine; & sube

quod vis.

IX. Vnicum superest, quod vehemēter timeo; ne scilicet in aliquod peccatū ex infirmitate mea prolabar. Multæ occasiones occurrunt; hostes quamplurimi, cum externi ferocissimi, tum interni perniciosissimi: concupiscentia namque, passionēs, ac prauæ affectiones sæpe molestant ferunt inopinatō. Hæc mea vltima resolutio ac voluntas: numquam à lege tua ac voluntate discedere; non modò cum de amicitia tua dissolutione agitur, sed ne in minima quidem re. Vbi de voluntate tua aliqua ratione mihi constabit, in omni re, etiam libera, manibus ac pedibus in eam totus ferar; etiam si vel muscæ alicuius motu tantum ea mihi innotesceret aut insinuaretur.

X. Quod si fortè per imprudentiam quidquam cogitauero, dixerō, fecero, quod beneplacito tuo repugnet; coram te, Domine, totaque Curia tua cælesti protestor, id præter & contra voluntatem meam fieri. Si aliter accidat; miserere, Domine, & illico errantem reuoca, cadentem subleua; & ne id contingat, propter bonitatem tuam obtestor te, misericordissime Pater, vt me præuenire digneris in benedictionibus tuis, vt me tamquam rem tuam possideas & regas. Quidquid sit delibero arbitrio meo, quod tibi potest repugnare, illudque, quia tibi ita visum est, posuisti in manu voluntatis meæ, cedo iuri meo; vt illud cogas, si opus est; quamquam sic mouere potes gratia tua, vt coactione opus non sit: illud, si placet, vincias, ne contra te rebellet, nihil contra voluntatem tuam committat; vnicè velit quod tu vis, vnicè nolit quod non vis; vnica eius voluntas sit, voluntatis tuæ beneplacitum querere ac

ac facere : tuus enim sum creatione, conseruatione, redemptione, speciali vocatione, naturæ conditione, voluntatis propriæ electione. Iniuriam tibi infert, in rem tuam impetum facit, qui possessione tua te excludere nititur, & meam vult, non tuam, fieri voluntatem. Heu quanti salus mea tibi constitit ! vt me creares, vno verbo factum est ; vt me redimeres, sanguinis tui profusio necessaria iudicata est. Quidquid sit de vtroque, fac de me quod tibi mereris reddi, & mihi abunde satis est. Cùm à te aliquid peto, si tibi minùs placeat, recusa: id enim solum peto, quod vis, non quod ego volo. Ne largiare petenti, quod honori tuo derogare, quod voluntati repugnare, quod mihi possit obesse: id enim solum mihi obest, quod tibi non placet. Si quid mihi cōcedas, id sit odium mei, amor tui. Si vel minimas fibras volūtatis iudicijque proprii in me inuenias, eas stirpitus euellere ne differas: illæ enim sunt quæ sanctissimæ voluntati tuæ aduersantur ac displicent. Indignum dictu est, Deus potentissime, miseriam meam misericordiæ tuæ, malitiam clementiæ ac bonitati, nihilum meum omnipotentia tuæ, fragilitatem meam viribus tuis, paupertatem diuitijs, humilitatem meam celsitudini tuæ, indignam condicionem meam dignitati tuæ, labilem voluntatem æternæ & immutabili, denique id quod non est, ei quod est, præponi. quod accidit, vbi in me voluntas mea, non tua, fit. Idne patiere, Domine? honor tuus agitur, honor Filij tui: eius enim merita interpono, eius preces, eius lacrymas. Plūne tribues peruersæ meæ voluntati, quàm Filij tui tot supplicijs ac doloribus? non credo. Exaudi ergo deprecationē meam, Deus meus; & concede quod non tantum mihi, sed ad gloriam tuam promouendam postulo, meritis & precibus beatissima genitricis Filij tui, qui tecum viuit & regnat in vnitæte Spiritus sancti Deus per omnia sæcula sæculorum.

103. Hæc oratio pænæ omnium virtutum continet exercitium; expeditque eam singulis diebus semel, saltem mane, vel eius substantiam, summa attentione ac feruore voce vel mente recitare. Expediret etiam sæpiissime interdum repeti: sed, quia prolixior est, potest ex Aspirationibus breuior aliqua eius loco assumi, quæ vim eiusdem contineat, quæque eadem intentione ac fine reciteretur; qualis illa esse posset: *Dilectus meus mihi, & ego illi*. Oportet enim fidelis anima se talem Deo præstare, saltem pro viribus, qualem se Deus in nos exhibuit, atque etiamnum exhibet. at quantum illud est? superat omnem qualemcumque hominis conatum. Si ergo omni occasione ardentèr oratiunculam illam repetas, quanta, putas, gratiæ nouæ fiet accessio!

Cant. 2.

Ecc 3.

CAPIT.

CAPVT XIX.

De triplici examine, uno generali, secundo particulari, eoque duplici: quorum altero vitiosæ actiones coercentur, altero pravi habitus enellantur, virtutésque inseruntur.

Infirmas humanas requirit quæpiam qui in officio contineat.

Similia.

1.

2.

3.

4.

104. **P**ROSVNT ea, quæ modò diximus, ad memoriam diuinæ præsentia conseruandam: sed quia infirmitas humana magna est, & facile propositi nostri obliuiscimur; facilius conuiuemus & nobis ipsi indulgemus in ijs quæ molestiam ac difficultatem aliquam pariunt; & quia mortales, mutabiles quoque & inconstantes sumus. Proinde aliquid constituendum quod torporem nostrum exciter, quod moras castiget, & fugientes compellat ad agendum, hostemque persequendum. Hoc enim & inter apes videre est: etsi enim omnes non modò diligenter, sed etiam ardentè operentur; sunt tamen nonnullæ ad hoc constitutæ, vt desides vrgeant. Sunt & in bello, qui cum auctoritate fugitiuos ac terga vertentes, districto ferro ad quærendum ac persequendū hostem cogant. Parum Regi proderit vestigalibus redditibusque abundare, si Quæstor ac Redituarius nullus constituatur, qui census Regios in ærarium cogat ac referat. Sed & inter Reipublicæ Romanæ dignitates Censoria numerabatur; cuius erat, ijs, quæ Reipublicæ detrimentum allatura videbantur, occurrere, inuecta damna expellere, malis opportuna adhibere remedia, quieta omnia conseruare.

Idipsum est quod quærimus. Optima lex est, quam nobis indicimus, Deum semper habere præsentem, ad illum perpetuò aspirare, illum nobis asciscere, eundemque retinere: sed multa sunt quæ obsistunt, & miramur ipsi, dum præsentem Deo nos esse arbitramur. In Hispania arces construimus, de lana caprina disputamus, nugarum nugis detinemur atque alligamur. Opus ergo est seuerò aliquo Censore, qui moras castiget, pugnas molestiasque fugientes vrgeat, & ad officium reuocet; qui bene merendi occasiones proponat, merita multa ac virtutes colligat, (tamquam bonus Redituarius) atque in animam inferat; qui malis occurrat, inuecta exterminet, inueterata perumpat, & mentem tranquillam Deoque coniunctissimam custodiat.

*a. Conscientia Censori similis.
b. Hom. 1. de Laq. in cap. 16.
Luca, como 2.
c. Lib. 2. Synonym. cap. 11.*

105. ^a Hic Censor conscientia est: quam ^b Chrysostomus, prolixè de ea tractans, vocat formidinis matrem, si quid inueniat, quod animæ salutem aduersetur. ^c Isidorus verò sic eam nobis Censorem constituit, vt nullam

pœnam

pœnam grauiorem putet conscientia. Si vis autem numquam esse tristis, ait, bene viue. Secura conscientia tristitiam leuiter sustinet, bona vita gaudium semper habet, conscientia autem rei semper in pœna est, cuius animus numquam securus est: mens enim mala conscientia proprijs agitur stimulis. Si enim in bono permanjeris, tristitia elongabitur à te: si in iustitia perseueraueris, tristitia non occurret tibi. Nec plaga nec mors te terribit, si bene & piè vixeris. Hæc ille. Quid, quod moralis quidam Philosophus ait? Multos for- *Seneca lib. 16. epist. 98. in fine.*
 tuna liberat pœna, metu neminem. Quare? Quia in pœna nobis eius rei auersio
 est, quam natura damnanit. Ideo numquam fides latendi fit, etiam latentibus;
 quia coarguit illos conscientia, & ipsos sibi ostendit. Proprium autem est nocen-
 tium trepidare. Male de nobis actum erat, quod multa scelera legem & iudicem
 effugerunt, & scripta supplicia, nisi illa naturalia & graua de presentibus sol-
 uerent, & in locum pœnitentia timor cederet. Hæc Seneca.

Hic ergo Cenfor nos assidue persequitur, si desimus officio, si pro-
 positis non stemus, si à cursu reuertamur ad carceres, vel lentè inceda-
 mus, aut certè omnino quiescamus. Quid, si turpiter, si flagitiosè, si
 nequiter agamus? Instat à tergo Nemesis stricto ense, vt pro meritis pu-
 niat, mordeat, perstringat, nec finem faciat, donec ad mentem offi-
 ciumque redeamus.

106. Sed quid? conscientia corda hominum inuenit quædam sub- *Conscientia quadruplex.*
 inde dura & insensibilia, alia frigida, alia carnea, alia tenera: ideoque
 & ipsa similia nomina sortitur, vt dicatur dura, frigida, carnea, tenera-
 que conscientia. Sunt namque nonnulli qui nulla re mouentur, etiam
 grauissimo scelere afflati: ij conscientiam numquam discutiunt. Sunt
 qui frigidi: & ij quidem discutiunt, sed non adeo magno motu ac fru-
 ctu. Alij cor carneum habent, & humanum: & ij conscientia senti-
 unt vulnera. Denique sunt filij qui patris offensam exigua tenerri-
 mè sentiunt ac desunt, ideoque, ne in opprobrium illud cadant, vigi-
 lare ac super custodiam suam semper stare nituntur.

In arca Noë erant omnia genera animalium inclusa. Post tempesta- *Allegoria.*
 tem, & aquæ lapsum deficientem, Noë emisit coruum, qui non est re- *Gen. 7. & 8.*
 uersus: emisit columbam, quæ, cum non inuenisset vbi quiesceret
 pes eius, redijt ad arcam; emisit eam secundò, & redijt ad vesperam,
 portans ramum oliuæ virentibus folijs; emisit tertio, & non est vltra re-
 uersa. Hanc figuram nostro instituto admodum conuenienter exponit
 S. Ambrosius. "En ergo tres formæ examinis & examinantiū se: nam *Libro de Noë
 & arca, cap. 18.
 Tomo 1.
 a Examinis
 tres species.
 b Arca Noë &
 vnde quid si-
 gnificant.*
 prima sub corui specie defectū potiùs quàm formam denotat; coruus
 enim abit, nec redit in arcam, sed inter vndas crocitat; libertatemque
 in aquis medijs mauult, quàm in cōclusa arca securitatem: 4 Arca con-
 scientia est, vbi magnus ille Noë omnibus præest animalibus; & anima
 potentij, motibus, ac passionibus. Extra arcam tempestates multæ &
 magnæ:

magna: quatitur illa ingenti & continua pluuia. Non pauciores sanè dæmones sunt in aëre, qui in nos irruant, quàm pluuia guttæ super arcam. Arca quoque ipsi aquæ supernatat, eiusque costæ ac latera undis tünduntur circumlarantibus. Tentationes hæ sunt, tribulationes, morbi, dolores, anxietates. Sed non semper pluit: post tenebras lux subinde speratur; post diei laborem, quietis vespéra succedit.

Corui qui.

Videatur autem, sedulo examine, qui se habeant aquæ tentationum adhuc, ne arcam nostram comprimant, aliquidve damni attulerint. Si coruum emittas, infideliter ager. Corui sunt amatores mundi & peccati, qui numquam conscientiam discutiunt, de morte instanti numquam cogitant. Corui semper crocitant Cras, Cras, insensibiles & duri. In se intrare aut manere non possunt; & si ingrediantur, omnia nigra inueniunt, omnia tetra ac tenebrosa. Itaque numquam peccare sibi videntur, nihil agnoscunt; & si labantur, non sentiunt ruinam, nisi insigni infamia notentur.

Lib. 1. de consid. in initio cap. 2.
Cor durum.

Ezech. 36.

Hos depingit D. Bernardus. *Queris, ait, quid sit cor durum: ne quæras quod illud sit; si non expauiisti, tuum hoc est. Solum est cor durum, quod semetipsum non exhorret; quia nec sentit. Quid me interrogas? interroga Pharaonem. Nemo duri cordis salutem umquam adeptus est; nisi quem fortè miserans Deus, abstulit ab eo (iuxta Prophetam) cor lapideum, & dedit cor carneum. Quid ergo cor durum? Ipsum est, quod nec compunctione scinditur, nec pietate mollitur, nec mouetur precibus, minis non cedit, flagellis duratur, ingratum ad beneficia est, ad consilia infidum, ad iudicia sauum, inuerecundum ad turpia, impavidum ad pericula, inhumanum ad humana, temerarium ad diuina; præteritorum obliuiscens, præsentia negligens, futura non prouidens. Ipsum est, cui præteritorum, præter solas iniurias, nihil omnino non præterit; præsentium nihil non perit; futurorum nulla, nisi fortè ad vlciscendum, prospectio seu preparatio est: & ut in breui cuncta horribilis mali mala complectar, ipsum est, quod nec Deum timet, nec hominem reueretur. Hæc Bernardus de coruis, qui periculis & maris, & terræ, & somni in ebrietate sese exponunt, sine vlllo sensu letalium vulnerum: ab arca conscientia auolantes, per aërem & vanitates huius mudi decurrunt, Cras & Cras crocitant; de nulla tamen remissionis solliciti, quàm quid crastinus dies incommodi allaturus sit.*

Examinis prima species.
Quid columba statim rediens.

Cor frigidum.

Sed de columbis nobis est quaestio. Iusti ergo Deum timentes ad conscientiam redeunt, & vesperi saltem considerant an tempestas & aquæ tentationum, pluuia afflictionum, dæmonum suggestiones, arce nostræ nocuerint, adhuc immineant aut premant: verum id sæpe somnolentè & perfunctoriè; satisque nobis est, aquas ipsas meminisse, ac in lectum nos recipere, & ad multam lucem in vtramque aurem suauiter dormire. Corda hæc frigida sunt, ut & conscientia. Auferat à nobis Deus cor lapideum ac frigidum, & immittat cor carneum, cui aliquid facile

facile imprimatur, quod ex se calidum est, quod penetratur minimo telo.

Emittatur ergo hæc columba, vt consideret altero examinis genere *Secunda species.*
quid toto diei decursu egerit foris, quid dixerit, quid cogitarit; & vide- *Quid columba*
bis hoc examen fructu non carere. Reuertetur ad arcam portans ra- *Vesperis oliua*
mum oliuæ virentibus folijs; pacem nimirum & reconciliationem cum *ramum ferens.*
Deo, propositum bene viuendi, virorem ac vigorem ad volandum,
orandum, meditandum, Deoque seruiendum. Sed nota columbam sui
fuisse memorem, non tantum mane cum auolauit, aut vesperi cum ad
arcam redijt, sed & alijs temporibus: & primum quidem, quod pedem
fluctibus non immerferit; deinde, quod sollicita ramum oliuæ rostro
decerperit: quod quid aliud est, quam sollicitè in primis mala fuge-
re, & aquarum fluxam leuitatem ne attingere quidem extremis affe-
ctibus? Et hoc primum officium iustitiæ Christianæ: alterum est, bene
agere, ramos virtutum decerpere, flores sanctorum desideriorum colli-
gere, opera Deo grata ore, corde, opere exercere, & vbi cumque sis,
id verbo testari ad Dei honorem, & proximi vtilitatem.

Tertium examinis genus est perfectius: parva enim victoria contra *Tertia species.*
vitia, aquisque remotis, inita pace cum Deo, sic egredi ex antiqua ac *Quid columba*
rudiori arca liceat, vt interim tibi fabrices nobiliorem; non neesse ha- *non rediens.*
beas amplius ad illam reuerti, eo quod arcam semper circumferas. Li- *Similia.*
max, cum ambulat, domum confert quò se recipiat cum lubet: & pa- *1.*
stores ouium, qui greges custodiunt, mapalia sua conuehunt, teste *2.*
Poëtarum principe:

————— *Omnia secum*

Georg. 3.

Armentarius Afer agit, tectumq; , larémque,

Armáque, Amyclæumq; canem, Cressamq; pharetram.

quemadmodum & boni Religiosi, vbi cumque sunt, Religionem suam
circumferunt; sicque emanent, vt semper in sese inhabitent; nec ve-
speram expectant vt se discutiant, sed omni hora arca concluduntur, &
ab aquis & tempestatibus proteguntur. Ita loquitur Propheta: *Non ac-* *Psal. 91.*
cedet ad te malum, & flagellum non appropinquabis tabernaculo tuo. De hisce
tribus sigillatim erit aliquid dicendum.

FFF

CAPVT

CAPVT XX.

Examinis generalis necessitas, utilitas, & partes.

107. **M**AGNUM est vulgaribus, si quis quartam horæ partem, post grauissimas distractiones, negotia, tumultus, impendendam eis proponat, qua se recipiant in se, & ad Deum redeant. *Hoc nos pessimos facit, ait Seneca, quod nemo vitam suam respicit. Quid facturi simus, cogitamus; & id raro: quid fecerimus, non cogitamus. Atqui consilium futuri ex præterito venit.* Hæc Seneca. Mirum est, parentes, cum velint filios felicem noctem sibi precari, de delictis veniam petere ac reconciliari, antequam decumbant; nolle tamen ipsos Deo, parenti optimo, quasi bene precari, reconciliari, eiusque sese tutelæ committere. Verè cæci sumus in Dei causâ, etsi sat oculati videamur in nostra. Sed *si cæci essetis, ait Christus, non haberetis peccatum: nunc verò, ô magni viri, dicitis quia videmus; peccatum ergo vestrum manet.*

*Lib. 12. epi-
stola 84.*

Joan. 9.

*Necessitas ac
utilitas exami-
nis generalis.*

1.

Breue tempus incredibile frequenter momentum continet: si enim quis peccato letali prægrauatus somno se committat, & moriatur; cui hæc anima curæ erit? qui sibi nequam, quem sui curam habiturum sperat? At exigui spatij recollectio, pœnitentiæ gratiam præbet, ac reconciliationis; quo exacto si quis moriatur, euasit saltem pœnas æternas, vitam adeptus est sempiternam.

2.

Accedit quod sæpe mortiferæ inimicitia exorta hac discussione dissoluantur; sine qua in discrimen vitæ vel amittendæ, vel alteri adimendæ, te exponis: sicque verissimum est, quod vulgo dici solet, *Nox dabit consilium.* orantibus nempe dabit: sed sæpe seipsos negligentibus negat; peioraque subinde nox, quam dies præteritus, excudit consilia.

3.

Liberalis item Dominus, gratitudinem tuam videns, media quædam opportuna suggerit, aliquid sequenti luce aut agendi, aut vitandi, quod momentum maximum habeat, de quo ne cogitares quidem.

4.

Ex hoc præterea capite propositum confitendi oritur, & à peccatis abstinendi: qui enim toties lapsus obseruat suos, Deumque à se videt haberi contemptui, mores corrigit, & à praua consuetudine peccandi recedit.

5.

Sed & quies nocturna longè serenior est, matutina excitatio lætior.

6.

Denique qui mane bene precari vult, bene meditari, infausta omnia inueniet, si vespera sequentis auroræ dispositio non fuerit: nec bonas

bonas mane aut lætas habiturus est cogitationes, qui tristes vesperi, qui prauas habuerit, quique lætiores piasque quieturus non præparauerit. Hinc Monachis omnibus, finito Completorio, sermocinatio omnis interdicitur: si enim sequenti nocte in officio, vel mane in oratione, collecti esse velint, solitudinem sibi oportet indicant internam: alioquin quidquid vesperi tractarint, viderint, egerint, illud primum excitationis recurret, & inanis oratio, soluta, spirituque destituta habebitur.

Antequam ergo lectum accedas, exclusis negotijs omnibus, poetæ securus consilium,

Non prius optato concedas lumina somno,

Quam tua præterita reputaueris acta diei,

coram imagine demisere animum corpusque inflecte: Deus enim, qui pater tuus est, quique te toto illo die aluit, ope operaque iuuat, id officij expectat, consideratque attentè quid acturus sis gratitudinis ergo, an verò canum more illico ad lectum profilies. Si humiliter accedas, scito quia desiderium pauperum exaudiet Dominus, cogitationem cordis *psal. 9.* tui audiet auris eius perlubenter.

108. Huius examinis partes sunt quinque: quarum prima est gratiarum actio; introductio optima, vt in humanis ad conciliandam beneuolentiam insinuatio perelegans ad aliquid noui petendū & obtinendum, ita & vt ad Deum introducatur, aliquid petamus, & obtineamus. dicit enim S. Basilius, orationem ordiendam esse à gratiarum actione: Deus namque vult sua beneficia agnosci, sibi haberi referrique gratiam; non modò quia id meretur ipse, sed quia liberalis est, & vult per hanc viam aditum nobis ad noua beneficia aperire, & antiqua nouis beneficijs cumulare. Vtatur ergo seruus Dei illa industria, qua homines ad demerendum benefactoris animum vt solent; ipsumque accessum molliorem reddat animi demissione, infirmitatis, egestatis, inopiaque suæ commemoratione.

Triplex verò est beneficiorum ordo: alia enim sunt generalia; quorum agnoscendorum formulam capite decimo-octauo, in oratione mane fundenda, numero quarto, posuimus: alia particularia, quæ quicque per omnes vitæ ætates expertus est; quæ si non occurrant, subinde meditatio de his instituenda erit, ad eorum cognitionem excitandam; nullus enim est qui non singularia quædam beneficia, atque eximia admodum, receperit. Inter cetera, donum vocationis meritò primas obtinere debet, sine quo reliqua fortè parum profuissent, eoque cetera omnia conseruantur, & innumera alia includuntur. Quando ergo tempus suppetit de vtrisque aliquid coram Deo commemorandi, id & Deo gratum est, & nobis admodum vtile ac salutare.

In hac tamen parte potissima ratio habenda est eorum beneficio-
rum, *illo die accepta.*

F ff 2

Beneficiorum ordo triplex.
1. Generalia.
2. Particularia.
3. Beneficia illo die accepta.

Partitio 2.

rum, quæ eo die nobis collata sunt; quorum alia temporalia, alia verò corporalia, alia denique spiritualia sunt: & quidem vel quia recenter animo, corpori, aut rationibus nostris nonnulla accessio facta est; vel quia, ne damnum aliquod inferretur, diuino munere cautum. Quædam à Deo veniunt proximè, vt inspirationes, auxilia specialia ad res arduas perficiendas, victoria contra graues tentationes, refectio spiritualis per Sacramenta: quædam verò ab hominibus in nos deriuantur, quos tamen vt Dei manum reputare decet, & ab ea nobis per eos porrigi meritò opinari; sicut cetera quæ nobis à creaturis erogantur, vt estibus, vestitus, sensuum recreatio. De his agendæ gratiæ sunt.

Partitio 4.

*Schema perele-
gans gratia-
tam aſtroni.*

Sed maximè illa ad memoriam reuocanda ac referenda, quæ Deo matutino tempore infimis precibus commendaueramus, perspicimus, quæ nobis prospere eius beneficio successisse. Verbi gratia: Sacerdos animarum curam gerens, coram Episcopo suo causam dicturus, statuit eo die, quo proficiscitur, de peccatis confiteri, Sacrum facere, modò copiam Confessarij habeat; infirmo extrema Sacramenta ministrare: illi præterea ex officio, ante discessum, pax cum duobus subditis componenda; eorum ab aliquo ad mortem decumbente elemosyna inopi cuidam postulanda: conueniendus est in itinere vir militaris iracundus ac ferox; cum quo si prandeat, non paruum periculum imminet ebrietatis ac iurgiorum: eodem loco mulier quædam, qua familiarius nonnumquam vsus est, adeunda: denique necesse est sobrium comparere coram Episcopo suo, ac causam ad Dei gloriam pro conseruatione cultus Ecclesiæ suæ tueri. Hæc singula seriò mane Deo commendat, interponit preces B. Matris, Patroni sui, Angeli tutelaris: dumque singula aggreditur, stans super custodiam suam, accedit cum timore & suæ diffidentia; spem tamen omnem in Deum collocat, eumque inuocat interna & intensissima prece. quid sequitur tandem? omnia ei cedunt ex voto: nam occurrit Sacerdos, cui magno solatio suo confitetur; celebrat; ceteraque felicissimè conficit. Vesper, antequam quiescat, nonne eidem sufficiens gratias agendi materia suppetit? Omnino. Reperat itaque illa omnia, & Domino Deo, à quo auxilium nactus est, accepta referat. referet magna sua consolatione, gratiarumque augmento: simulque magna ei lumina affulgebunt, quibus videat in posterum qua ratione & pericula fugere, & difficultates superare, & Deum in omnibus quærere debeat; qui, cum liberalissimus atque optimus sit, liberalem manum fideli seruo latè aperiet, eiusque fidei maiora talenta concedet, idoneumque reddet ad præclariora aliqua munera deinceps obeunda.

Part. 2.

109. Secunda examinis huius pars est, vt à Deo petamus auxilium ac lumen, quo defectus ac peccata eo die commissa cognoscamus: cæci enim

enim sumus in propria causa. ^a Amor nostri, qui φιλαυτία dicitur, oculos proprios claudit, ne errores videamus nostros, clarissimè verò alienos. ^b Passiones quoque aliam rebus speciem adferunt, & alio circumdant indumento, quàm à natura ipsa vestiuntur: ut qui vitrum rubeum, viride, cæruleum visui opponit, vitri colores, non rei, recipiet. ^c Iudicium quoque nostrum haud rarò aberrat, ac sæpe vi trahentis voluntatis atque appetitus aliter statuit quàm par sit. ^d Rerum deinde, quas optamus, amor conciliat opinionem erroneam, nostrisque conceptionibus & operibus sese immiscet fraudulenter, atque efficit ut aliter opinemur quàm deceat. Durat adhuc, & sæpe animi commotio, ex recenti iniuria vel vera vel apparente excitata; quæ facit ut alios condemnemus, nos ipsos iustificemus. Id etiam proprium atque hereditarium à parentibus accepimus, ut semper nos excusemus, culpas transferamus in alios: sed id frustra coram Deo, cuius sensus falli non potest. Seneca hoc argumentum sapientissimè pertractat. *Quid enim, ait, melius ages, quàm ut meliorem te ipse quotidie facias; ut aliquid ex erroribus ponas; ut intelligas tua vitia, quæ putas rerum? Quadam enim locis & temporibus adscribimus: at illa, quocumque transferimus, secutura sunt. Harpasten uxoris meæ fatuam scis hereditarium onus in domo mea remansisse: ipse enim alienissimus ab istis prodigijs sum. Si quando fatuo delectari volo, non est longè mihi querendus; me video. Hæc fatua subito desijt videre. Incredibilem tibi narro rem, sed veram. Nescit esse se cacam. Subinde Pedagogum suum rogat ut migret: ait domum tenebrosam esse. Hoc quod in illa videmus, omnibus nobis accidere liqueat tibi. Nemo se anarum esse intelligit, nemo cupidum. Cæci tamen ducem quarunt: nos sine duce erramus, & dicimus, Non ego ambitiosus sum, sed nemo aliter Romæ potest vivere. Quid nos decipimus? non est extrinsecus malum nostrum; intra nos est, in visceribus ipsis sedet: & ideo difficulter ad sanitatem peruenimus, quia nos egrotare nescimus. Haftenus Seneca.*

At difficultatis huius caput est, quod sine gratia & lumine caelesti in hisce natura deficit: ideo ad misericordiam eius confugiendum. estque punctum hoc tanti momenti, quanti res quæ ex eo pendeat: ex cognitione nempe mali hauriuntur medicinarum quærendæ consilia, remedia, salus, & incolumitas. Quare, si pars ista negligenter tractetur, quod superest examinis, non succedet.

Eminentes gratia & sanctitate viri vix de Deo cogitant, aut ad orandum accedunt, quin illico statum suæ cōscientiæ perspiciant ex abundantia diuini luminis. vnde D. Frācisus in domo Cardinalis cuiusdam cum Romæ hospicaretur, nocte concubia, crudeliter à dæmonibus flagellatus & contusus, quærebat apud se vnde tanta potestas dæmoni à Deo concessa esset. Peccatis suis primùm adscripsit; tamen coram Deo se discutiens, cum nihil inuenisset, socijs ait: *Ego verò, per misericordians*

Causa cui in peccatis proprijs cognoscendis hallucinamur.

a 1.

b 2.

c 3.

d 4.

5.

6.

Lib. 6. epist. 11.

7.

Viri sancti statum suæ cōscientiæ facile cognoscunt.

cordiam & gratiam Dei, non cognosco me in aliquo deliquisse, quod per confessionem & satisfactionem non eluerim; imò per misericordiā suam hoc donum contulit mihi Deus, ut de omnibus, in quibus placere vel displicere ipsi valeo, in oratione claram cognitionē recipiam. Verum persepe ignoranter peccat vel perfectus Religiosus; unde, cum non cognoscit peccatū suum, castigatur à diabolo, tamquam prætor diuinæ iustitiæ, ut diligenter videat & consideret interius & exterius ea, in quibus offendit: quia quos amore singulari Dominus prosequitur, nihil eis in hac vita relinquit inultum. Ita Iacobus Episcopus Genuensis in eius vita. Bene monet D. Franciscus: nam & Dauid eminentis erat sanctitatis, & tamen multis diebus adulterium suum non agnouit, imò eidem homicidium adiecit; & in peccato perseverans, antè nuptias cum Bethsabæe celebrauit, quàm de scelere purgando cogitarit. Quare non immeritò gratia à Deo cognoscendorum delictorum petenda est, sine qua cæci remanemus.

2. Reg. 11.

Pars 3.

1. Cor. 11.

Psal. 140.

Modus examinandi cōscientiam.

110. Tertium caput examinis in discussione conscientie consistit: in quo illud primò statuendum, ut te coram Deo constituas, qui nouit quid in te sit, & quomodo id à te vel admissum fuerit, vel neglectum: deinde te tibi ipsi accusatorem iudicemque denunties, Dei causam acturum ac vindicaturum. Scias etiam, nihil eo esse certius, quàm quod D. Paulus pronuntiauit: Si nosmetipsos diiudicemus, non utique iudicemur. Dum iudicamur autem, à Domino corripimur, ut non cum hoc mundo damnemur. Ora cum sancto Rege: Non declines cor meum in verba malitiæ, ad excusandas excusationes in peccatis: sed corripiat me iustus in misericordia, & increpet me; oleum autem peccatoris non impinguet caput meum.

Addam tamen & illud, quòd discussio ista non debeat esse nimis exacta: nec sic emungas, ut elicias sanguinē. Si quid non occurrat, vtere bona fide, confidens quòd, si quid esset quod Deo displiceret, illud tibi vel conscientia vel Deus ipse suggereret. Quare minùs prudēter agunt illi, qui ad minutula quædam hærent, & se affligunt plus æquo. Sed si discursu facto sufficienti nihil occurrat singulare, ad alias partes examinis transeant, & conuerso ad Deum sermone, vtiliter tempus traducant: aliàs tales, tædio affecti, cum nausea ad examen hoc redeunt, & consuetudine inducta, à principio ad finem vsque inaniter horam illam transmittunt.

Partitiones seu occupationes examinis.

a 1.

b 2.

Nota.

111. Verum, ne otio locus relinquatur, constituamus examinanti occupationem suam, classibus quibusdam distinctam. ^a Prima est, ut cogites quid mente, ore, opere deliqueris. ^b Secunda, quid erga Deum, quid erga proximum, quid in te denique admiseris. In Dei obsequio multa occurrunt, in quibus delinqui potest. In oratione & meditatione obserua an distractè, otiosè, curiosè, tepidè egeris; an incitantamenta adhibueris; an virtutem, quam in te inferere statuis, delegeris;

geris; an sententiam identidem eo die considerandam subduxeris: quæ septem, ad memoriam, huius verbi, **D O C T I V S**, litteris initialibus comprehenduntur.

Classis tertia proponit quæ omissione, (si aliorum curam geris, vel caritas aliquid à te exegerit) quæ rursus commissione perpetraris. Deinde discurre per horas diei singulas; si præsertim occupationes, distractiones, commotiones fuerint vehementiores. Si verò perpetuò studijs vel sacris fueris occupatus, examina intentionem & scopum, & an Dei tuique subinde memor fueris. Exige denique à sensibus tuis, qua ratione officio functi sint: an lingua effrenis, an oculi profani ac vagabundi, an decorum in corpore seruatum, an modestiæ habita ratio. Postremò, quidquid sit, da operam ne tempus inutiliter transigas: quare, ubi nihil amplius occurreret, ad quartam examinis partem animum conueras. Super omnia tamen vide an propositi matutini tenax fueris: nota errores ac lapsus: præscribe tibi pœnam: considera occasiones oblatas vel peccandi, vel bene agendi; & te eo loco & statu, quo mane coram Deo eras, cum propositum tuum faceres, restitue.

112. Sequitur, ordine naturæ, confessio humilis coram Deo, veniæ-^{Pars 4^a} que deprecatio, (quæ pars quarta examinis est) cum peccatorum de-^{Veni deprecatio.} testatione: ex cuius efficacia colliges quantum tibi peccata tua displiceant, quantum Deum tuum diligas. Beata illæ Luthgardis, Catharina Senensis, Maria Ogniacensis, sic peccata venialia deslebant, ut grauissimi peccatores ac latrones, ad Deum primum conuersi, latrocinia sua ac scelera immania detestantur: videbant enim hæ sanctę animę peccati, quantumcumque exilis, deformitatem; Deumque offendi, qui summè diligendus est, & cui summopere obstricti sumus: nec ignorabant pœnitudinem hanc summopere Domino placere; qui, si videat lacrymas nostras, obuius accurrit: & sicut flentem filiolum complectitur mater, sic & pijsimus Dominus super genua blandietur nobis, gratias ^{Isaia 66.} augebit, robustioresque spiritu efficiet. Ex parte tamen nostra officio deesse non debemus veri pœnitentis; sed, ut vindices diuinę iniurię, à nobis pœnas exposcere.

In Concilio Toletano decimo memorię proditum, Potamium ^{In Concil. Tolet. 10. in decret. pro Potamio Episcopo: incipit, Assumere.} quendam Episcopum Brachiensem extitisse, qui cum semel tantum tactu femineo (ut loquitur Concilium) sordiuisset, ipse se primum in ergastulo, nullo cogente, inclusit, atque nouem mensium pœnitentiam egit: deinde Concilio, quod Toleti celebrabatur, libellum accusatorium contra se porrexit, quo peccatum admissum prodebat sponte. Patres verò Concilij perpetuam pœnitentiã, quoad viueret, iniunxerunt; ut nimirum perpetuò in abiectis officijs deseruiret: nihilominus affirmarunt humaniùs ac benigniùs cum ipso actum, quàm antiquorum canonum

Iob 6.

Lib. 3. epist. 28.

Pars 5.
Propositum
emendationis.

canonum seueritas pateretur. Egregium pœnitentiæ exemplum Potamius hic præbuit, optimeque sibi consuluit: nam (vt ait Iob) *qui timent priuinam, irruet super eos nix.* qui enim exiguas pœnas breuesque austeritates reformidant, in pœnas atrociſſimas ac longiſſimas, vel ignis purgatorij, vel æternæ gehennæ, sæpe incurrunt. Salutare ergo consilium est, & peccata maximo dolore, quantumcumque leuia, detestari; & sibi pœnam aliquam imponere. Hæc, quæ diximus hæctenus, vna sententia elegantissimè Seneca comprehendit. *Qui, ait, peccare se nescit, corrigi non vult. Deprehendas te oportet, antequam emendes. Quidam de vitijs gloriantur. Tu existimas aliquid de remedio cogitare, qui mala sua virtutum loco numerant? Ideo, quantum potes, te ipsum argue. Inquire in te. Accusatoris primum partibus fungere; deinde Iudicis; nouissimè Deprecatoris: aliquando te offende.* Et hæc quidem Seneca. Nec pudeat nos Ethnicum sequi, optima præcepta tradentem; cum ea non modò videamus ex Christi, cuius religionem profiteamur, legibus, sed etiam ex ipsis naturæ humanæ fontibus depromi.

113. Vltimum quod in examine consideratur, est emendationis propositum: quæ pars adeò necessaria est, vt, quidquid antè egeris, nihil sine hac parte proficit; etiamſi Sacramenti ministerium accesserit: nulum enim peccatum remittitur, quamdiu quispiam complacentiam peccati retinet, & à vitio cessare renuit. Danda verò opera est, vt non tantum virtute propositum istud adesse censeatur, sed vt etiam actu coram Deo exprimatur: hoc enim magnam vim habet ad permouendum eum, cui iniuria illata est. Nec quidquam est, quod ad patrem placandum filius adferre possit efficacius, quàm si promittat id, in quo deliquit, sibi numquam ampliùs euenturum. Hæctenus de examine generali, nunc ad particulare veniamus.

CAPVT XXI.

*Examinis particularis nomen, usus, ac condiciones.*Senec. lib. 3. de
ira, cap. 36.

114. **P**RIUS mètibus hoc exercitationis seu examinis generalis genus placet quidem, videntque momenti grauitatem, eiusque vtilitatem; sibi tamen aliquid in eo desiderari autumant: quòd cognoscatur defectus ac vitium, remedia nulla adhibeantur; quod tamen lumine naturæ constat subsequi debere, & correctionem subſtituendam esse, auctore Seneca, qui de Sextio viro honorato scribens, cum huiusmodi seuocatione rationumque subductione vsum fuisse, his verbis testatur: *Animus quotidie ad rationem reddendam vocandus est.*
Faciebat

Faciebat hoc Sextius, ut consummato die, cum se ad nocturnā quietem recepisset, *Examinis par-*
interrogaret animum suum: Quod hodie malum tuum sanasti? cui vitio obsti- *ticularis Scili-*
tisti? qua parte melior es? Desinet ira, & erit moderatior, quā scies sibi quotidie *tates.*
ad iudicem esse veniendum. Quid ergo pulchrius hac consuetudine excutiendi *1.*
totum diem? Qualis ille somnus post recognitionem sui sequitur! quā tra-
quillus, altus, ac liber! Hæc Seneca: qui cum pulcherrimas discussio-
nis huius utilitates adferat; tum illud vrget maximè, ut morum vitio- *2.*
rumque fiat correctio: quæ non ita ex voto succedet, si sola recognitio
fiat, cum solo proposito, nihilque præterea curæ adhibeatur. Suppe-
ditat certè amplam materiam correctioni altero die arripiendæ ve-
spertina illa recollectio. Sed parum iuuerit, si malum non propellatur;
sicut infirmo non prodest genus morbi detexisse, si visceribus defixum
vlcus adhærescat: diceretque nobis Dominus, *Vulnus, & liuor, & plaga tu-*
mens non est circumligata, nec curata medicamine, neque fota oleo. In ean- *Simile.*
dem sententiam D. Basilii: *Qua singulis diebus (inquit) feceris opera,* *Isaia 1.*
ea vesperi ipse commemora, & cum ijs quæ feceris pridie conferto; studioseque ope- *Serm. de abdi-*
ram dato, ut melior in dies magis & magis exiſtas. Processum in virtutibus fa- *catione rerum,*
cito, ut hoc modo Angelis efficiare propinquior. Haftenus Basilii. *in fine.*

115. Itaque non tantum vesperi a nobis querendum est, Quid fecisti? *Animi morbos*
sed, Quod hodie malum tuum sanasti? cui vitio obstitisti? qua parte melior es? *esse curandos*
Quod fiet, si vespertina illa discussio cum matutino proposito com- *ostenditur 2.*
mercium ac dependentiam habeat, ratioque exigatur à nobis ipsis su- *similitudini-*
per malo aliquo, quod propellere atque exturbare constituimus. Sicut *bus.*
enim obnoxius aliquibus morbis, ut dolori dentium, aut distillationi, *1.*
aut podagræ, non modò cum præsentēs vrgent & affligunt, sed longè
antè cum Doctore medico consilium inīt de auertendo malo, ut im-
munis ab eo remaneat; & veluti, cum rumor de hostis aduentu audi-
tur, arma parantur non tum demum cum mœnia concutit, sed primo
nuntio, & (si fieri potest) in eius limitibus sapienti consilio ei occurri-
tur, ne maiori detrimento in proprio solo ab hoste nos opprimi con-
tingat: sic & ijs morbis ac peccatis, tamquam hostibus iuratis, per ve-
spertinam discussionem cognitis, consulendum est mane; ut præsentī
remedio viribusque occurratur, non quando iam vrgemur, sed multo
antè, absente tentatione, ne imbecillior animus in proprijs visceribus
oppugnatus opprimatur.

116. Verum, ut hæc capiantur, obseruationes aliquot adferendæ
erunt; quarum prima est: examen hoc dici particulare, quod non, sicut *Examen hoc*
generale, in omnia quæ illo die admisimus dicta, facta, cogitataque in- *est particulare*
quirat; sed quod vnicum è multis quisque deligat, in cuius caput com- *monitorium.*
minuendum vires omnes asciscat ac conferat, existimans se illo dete-
riorem aduersarium habere neminem; & cum homini aduersario im-
precari

Ggg

precari

*Præsum tantum
in examine
particulari Si-
cissim esse pro-
sequendum.*

Metaph. 10.

*In Vita Patrum
part. 2. lib. de
patientia seu
fortitudine: ex
Græco aut. in-
terprete Pela-
gio Diacon. S. R.
B. Et refert Si-
gebertus in ca-
tal. de scripto-
ribus Eccles.*

precari malum semper non liceat, vitio tamen illi non modò multa imprecari, sed & odisse, dirisque deuouere, ac tollere è medio deceat. expedit enim vnicum ex omni numero assumere, ne multitudo fatiscat animus, spemque vincendi abijciat: nam qui incipit proficere, considerans infinitos in se defectus, ortos partim à concupiscentia, partim ex omnium vitiorum usu ac consuetudine, eorumque quotidie se motibus internis impeti, & externis actionibus inquinari; si cum omnibus certamen instituat, facile abijciat animum, cum videat se vel ab vno solo admodum frequenter nulloque negotio superari. Quare si quis se diuitem esse arbitretur, & à Christo audiat facilius esse camelum transire per foramen acus, quàm diuitem intrare in regnum celorum; quæ spes illi fuerit penetrandi viam adeò angustam? Non fiet, nisi camelus in frustra partesque minutissimas concidatur. Quidam interpretes alludunt ad vocem Græcam καμύλον, quæ Latine rudentem seu funem nauticum significat; sicque per foramen acus aiunt transire posse, si dissoluatur, & in prima fila redigatur. Modus hic noster est: nam peccatorum nostrorum vincula, instar rudentis contorta, nodis innumeris condensata sunt: quis ea in foramen examinis particularis inijciat? sed singula sigillatim filamenta dissoluantur: omnia penetrabunt, & reipsa camelus integer per foramen acus transibit. Frater quidam, (vt refertur in historijs sanctorum Patrum) incidens in tentationem, oppugnationis molestia victus, disciplinam Monasticam perdidit; & cum iterum vellet obseruantia regularis principia resumere, illa animi tribulatione impediabatur, & dicebat in seipso: Quando eo me statu inueniam, quo aliquando fui? deficiensque animo, ne aggredi quidem Monachi vllum opus valebat. Veniens ad quendam senem, narrauit ei quæ circa se agerentur. Senex, audita defectionis causa, adhibuit ei tale exemplum. Homo quidam habuit possessionem, & eius negligentia in sentes redacta est, ac repleta tribulis & spinis. Visum est autem ei postea vt eam excoleret, dixitque filio suo: Vade, & purga agrum possessionis illius. Venit filius, vt purgaret; sed cum respexisset, vidit multitudinem tribulorum & spinarum in eo excreuisse, & animo deficiens, sibi ipse sic locutus est: Ecquando hæc omnia euellere & expurgare poterò? & proijciens se in terram dormiuit. Hoc autem fecit multis diebus. Post hæc venit visum pater eius quod fecerat, inuenitque ipsum nihil effecisse, & dixit ei: Quare vsque modò nihil fecisti? Respondit iuuenis patri suo: Mox vt operi appropinquaui, visa tribulorum ac spinarum tanta copia, deterrebar à susceptione laboris, & præ animi angustia prostratus in terra dormiebam. Cui pater: Ad mensuram latitudinis, fili, quam iacens in terra occupas, per singulos dies operare, & ita paulatim proficiet opus tuum, & tu pusillanimitas non efficietis.

efficiaris. Quod cum audisset iuuenis, consilium patris secutus est, & paruo tempore purgata & exulta possessio. Tu verò ita, Frater, paulatim operare, & non deficies. Deus autem per gratiam suam restituet te iterum priori ordini tuo. Quo audito, Frater ille abiit, & cum omni patientia sedens faciebat sicut edoctus fuerat à sene, & requiem inueniens promouebatur per Dominum Christum.

117. Altera consideratio est, quòd, qui in hoc genere aliquid promouere cupiat, firma absolutaque voluntate constituat in vita spiritali proficere. hinc Christus ab adolescente eternam vitam per viam PERFECTIIONIS quarente, ut vellet, exegit. *Si vis, inquit, perfectus esse, vade, vende quæ habes, & da pauperibus.* Volebat ille, optabat, PERFECTIIONIS velleitatem præ se ferebat, nolebat tamen: vnde *tristis abiit; erat enim habens multas possessiones.* Nec miretur quis me hanc conditionem exigere; quia, quidquid dicant, & videri velint, multi sunt qui nolunt. Norunt defectus suos: nolunt sibi dici, reprehendi non ferunt, corrigere renuunt. Viam PERFECTIIONIS propositam quidem omnibus aiunt; non quòd apprehendi debeat, sed ut videat quisque quàm longè adhuc ab ea distet, & pro votis & commoditate accedat, miretur eius excellentiam, de ea opportunè loquatur, & quòd de ea disserere aliquid possit, laudem reportet. Ceterum quia potio amara est, cum extremis labris gustarint, nolunt bibere. De his Christus: *Populus hic labijs me honorat, cor autem eorum longè est à me.*

Quàm multa possit firma resolutio, experientia docet in vrbium inexpugnabilem euersione, in mercatorum lucris, gloriæ consecutione. *Laborandum est, ait Seneca; & ne labor quidem magnus est, si modò antè animum nostrum formare incipimus, & corrigere, quàm indurecat prauitas eius: sed nec indurata despero. Nihil est quòd non expugnet pertinax opera, & intentæ ac diligens cura. Robora in rectum, quamuis flexa, remouabis. Curuatas trabes calor explicat; & aliter nata in id finguntur, quòd usus noster exigit. Quanto facilius animus accipit formam flexibilis, & omni humore obsequentior! Hactenus Seneca. Sed filij huius sæculi prudentiores filijs lucis in generatione sua sunt.* Hinc mirum non est, si post multos conuersionis annos, eosdem non modò natos, sed notabiles maculas habere cernamur. Sæpe nonnullis cum D. Augustino gemere necesse est: *Excesserunt caput meum vepres libidinum, & non erat eradicans manus.*

Quia verò infirmitas humana auxilio indiget, ac pes incipientium adhuc vacillat in seruandis propositis matutino tempore conceptis; diligenter illa Deo commendare necesse erit, Patronisque tutelaribus. Facienti verò quod in se est, Deus gratiam non denegabit. Et si contingat sapius quempiam labi, non illico abijciat animum: cogitet se primo quoque tempore non mereri exaudiri, & quidquid postulat à

Ggg 2

Deo

Deo obtinere; secum agi splendide, quod in Dei obsequium admittatur; expedire subinde in minores defectus incidere, animi demissionis augendæ gratia, utque tiro spiritualis ad Deum auxiliatorem suum frequentius discat recurrere, sensimque cum eo reuerenter conuersari, & familiarius ei adhærescere.

*Peccatorum
diuisio pro exa-
mine particu-
lari.*

1.

*Vitia capitalia
qua; qua me-
dia.*

2. Reg. 11.

2. Reg. 15.

2. Reg. 16.

*Capitalia im-
primis præci-
denda esse.*

Coll. 5. cap. 14.

118. Tertia animaduersio est, materiam subiectam huius examinis potissimum esse, peccata quæ quotidie admittuntur; ut nimirum tam noxius eorum fluxus ac relapsus præcidatur. Eorum verò peccatorum quædam grauiora, minora alia. Grauiora sunt eorum qui recentem mundi salebris emergunt, assueti iuramentis, blasphemis sermonibus, ac scurrilibus, ne dicam impudicis. Cupiunt etiam ventri, prauis confortijs, locisque periculosis adeundis modum ponere; inquirere deinde in sensus omnes: an oculi profani, minus pudici, an tempore sacrorum circumferantur; an dissoluti mores; an caput, instar labari, huc illucque omni loco & tempore agitur. Leuiora sunt alia, quæ etiam PERFECTI ONIS amantibus effugere difficile est: appetitio inanis gloriæ ac laudum humanarum, leuior ira, solatorum emendicatio à creaturis, linguæ incauta custodia, multa que id genus. Huc facit alia diuisio: horum enim quædam non improprie capitalia vocantur, alia media. Capitalia sunt, ad quæ, velut ad finem, cetera referuntur: media verò ipsidem subseruiunt. Capitale fuit in Dauide amor nefarius Bethsabee: homicidium adiunctum ancillabatur capitali, sine quo illud numquam euenisset. Ambitio caput fuit ruinæ Absalom: primum blandiebatur plebeculæ, sollicitabar deinde populum ad defectionem, parentem impiè persecutus est ac fugauit, concubinas patris in publico tentorio nefariè violauit: quæ omnia ambitioni & regnandi cupiditati feruebant. Idem in nobis vsu venit. quidam enim propendunt in libidinem: ij addicti sunt intemperantiæ, vestium luxui, scurrilitati, otio; & quia largitiones faciendæ subinde sunt, aut expensæ, auarè aliena retinent; aut etiam detrahunt, verbo oculisque libidinem aspirant. quis explicet cetera? quæ ruunt penitus, si pudicitiam induas. Alij natura ambitiosi: hi, si Deum non timeant, parum curant quàm decenter loquantur de eo, modò ipsi ornati habeantur; spuunt blasphemias ad verba singula, & ut ornate videantur loqui, erudant iuramenta; sumptuosi sunt, magno familiæ damno; ut honorem suum tueantur, vitam salutemque extremo armorum discrimini exponunt. Denique complexio cuiusque vitiosa, cuique vel vnum vel etiam plura capitalia suppeditat. A capitali incipiendum est: eo enim præciso, velut radice, truncus cum arbore tota corrui. Id cõsiliu est Cassiani in collatione Serapionis. Ita nobis aduersus hæc, inquit, arripienda sunt prælia, ut unusquisque vitium, quo maxime infestatur, explorans, aduersus illud arripiat.

prin-

principale certamen, omnem curam mentis & sollicitudinem erga illius impugnationem observationemq; defigens, aduersus illud quotidiana ieiuniorum dirigens spicula, contra illud cunctis momentis cordis suspiria crebraq; gemituum tela con-
torquens, aduersus illud vigiliarum labores ac meditationes sui cordis impendens, indefinenter quoque orationum fletus ad Dominum fundens, & impugnationis suae extinctionem ab illo specialiter & ingiter poscens. Hæc Cassianus, quæ longo capite admodum disertè prosequitur.

119. Sunt denique vitia alia externa, interna alia. Externis modus illico adhibendus est: nam id mali genus non modò delinquenti officit, sed alios quoque inquinat atque offendit. Nihil tamen quisquã efficaciter conficiet, nisi internum hominem coërceat, & ad Deum redeat; magno odio peccatum suum persequatur ac detestetur: quo posito fundamento, inuigilet ne æstu consuetudinis vitiosa natura in solita delicta rapiatur; & examen particulare primùm in capitale, tum in cetera eius adminicula collineet.

Idipsum est quod docet D. Thomas, ab externis nempe inchoandam esse scelerati ædificij destructionem. Aliter porrò ædificiorum, aliter vitiorum destructio procedit: illi enim qui ædificant, à fundamento incipiunt, & ad tectum vsque fabricam attollunt: quam si postmodum dissoluere cupiunt, à tecto, inuerso ordine, ad fundamenta vsque vetustatem resoluunt. non sic in demolienda vitiorum structura agitur. Verba sunt B. Thomæ: Homo ad humilitatem peruenit primò quidem & principaliter per gratie donum: & quantum ad hoc, interiora præcedunt exteriora. Aliud autem est humanum studium, per quod homo prius exteriora cohibet, & postmodum pertingit ad extirpandum interiorem radicem. Ex quibus liquet, fundamentum extruendæ virtutis in interioribus iaciendum, at in exterioribus incipiendam vitiosi ædificij demolitionem, ordine prorsus immutato. quæ consideratio volentibus hoc particulare examen exercere non est prætermittenda.

3.
Vitia externa
& interna.

B. Thom. 2. 2.
q. 161. a. 6. ad 2.

CAPVT XXII.

Formula examinis particularis.

120. **Q**UARTA consideratio formam huius examinis particularis complectitur: quæ in tria tempora distribuitur; de quibus piissimus Rex David: *Vespere, (ait) & mane, & meridie narrabo & annuntiabo, & exaudiet vocem meam.* Narrabo ac confitebor peccata mea vespere; mane annuntiabo ac proponam quæ vitare ac cauere toto diei decursu statuum; meridie Dominus exaudiet vo-

Examinis particularis tria tempora.
psal. 54.

Ggg 3

cern

cem meam, dum & malè exacti temporis veniam deprecabor, & conseruandi propositi gratiam postulabo. Addit: *Redimet in pace animam meam ab his qui appropinquant mihi, quoniam inter multos erant mecum. Exaudiet Deus, & humiliabit illos.* En trium temporum ita apposita distributio, ut huius examinis & auctor fuisse primus sanctissimus ille Rex, & in grauissimis regni occupationibus tertio ad minimum sese recognoscere consueuisse videatur.

*Tempus 1.
Matutinum.
Cant. 7.*

Psal. 79.

Orationis matutina Vis.

*Ex correptione
Genius Virij ce-
tera compe-
scuntur.*

121. Primum tempus est matutinum, quo quispiam statum suum in-
tuetur ac considerat; ita enim suadet Sponsa in Canticis: *Mane surgamus ad vineas, videamus si floruit vinea, si flores fructus parturiunt, si floruerunt mala punica.* Visitanda enim mane vinea animi nostri, quæ ex virtutum varijs plantis conflata est. Eam florere vult Sponsus, & fructum ferre; sicut & mala punica, quæ donorum omnium spiritualium aggregationem ordinatè continent. Quid si à vermibus edantur, si singularis ferus vineam depascatur, si tantum labruscæ consurgant? Videndum erit an opus sit cultura ampliori, aut amputatione palmitum ac sarmentorum, fossione, saltem in annos sequentes: si adminiculis, si capitum religionibus ac coniugationibus, aut irrigatione indigeat, prospiciendum erit. hæc enim spiritualis consideratio amplam nobis materiam suggerit examinis particularis: an nimirum virtutibus abundemus; an omnia succedant ordinatè cum Deo, nobiscum, & cum proximis; an tentatio grauior vrgeat vel ingruat; an tristitia animum depascatur; an meditatione, oratione, Sacramentorum frequentia, consolatione aut reprehensione indigamus; an inter nos fratresque nostros diuisio aliqua intercesserit, unde noua colligatione opus sit. Est enim matutina oratio totius molis sequentis diei basis ac fundamentum: quæ si prætermittatur, ac perfunctoriè fiat, cetera vel ruunt, vel flaccescunt.

122. Ita ergo statu cognito, vnum defectum deliges corrigendum. Propones deinde firmissimè illum, cum diuina ope, nusquam admittere; addita etiam tali protestatione, qualem in oratione suprâ cap. decimo-octauo præscripsimus. Est verò huiusmodi protestatio adeo magni momenti, si ex animi plena resolutione profluat, ut id, quod aliàs peccati letalis malitiam contineret, iam vel veniali tantum, vel etiam nulla macula contaminetur; cum nimirum subreptitiè aut inaduerterent alicui citiùs excidit, quàm cogitare potuit.

Petes: Quid fiet de ceteris vitijs, quibus laboro, & in quæ fortè principaliter quis contra vnum dimicans vitium, & velut incautus aliorum tela prospiciens, inopinato ictu faciliùs valeat sauciari: impossibile namque est, cum qui pro cordis sui emundatione sollicitus erga impugnationem vitij cuiuslibet, intentionem

rectionem suam mentis armanerit, aduersus cetera quoque vitia generalem quen-
dam horrorem & custodiam similem non habere. Hæc Cassianus. De his
ergo fiet, quod discipulis dycolis solet accidere: cum enim contingat *Simile 1.*
interdum quinquaginta animaduersionem mereri, longumque nego-
tium foret, ac difficile, singulos flagellare; pessimum aliquem & quasi
aliorum antesignanum magister corripit, & egregie castigat. Horrent
ceteri, & in se illius plagas persentiscere videntur; rati ad eam usque
suam verber peruenturum, si vel minimum hiscant. Qua etiam de
causa laudant celebrem illam Romanorum militum, ubi plures pec-
cassent, decimationem, ut ait Polybius de re militari, *συμψηφισαν ἀμα-
ρτίαν καὶ τὴν ἀντιλήψιν*, commodam pariter & terribilem. quod istis verbis expressit
Cicero: Statuerunt maiores nostri, ut, si à multis esset flagitium rei militaris *Pro Cluentio.*
admissum, sortitione in quosdam animaduertetur, ut metus videlicet ad omnes,
pœna ad paucos perueniret. Ita vitia, quæ à carne ac voluntate humana de-
pendent, quasi rea culpæ patrata, ubi de vno supplicium sumitur, simi-
les pœnas timent, ac silent saltem ad tempus. Sed si quotidie tertio
hæc animaduersion fiat, sensus noster timore perculsus sibi cauet, ne cor-
ripiatur, ne plectatur pro meritis. Pisces, dum in viuario cibis inescan-
tur ab aliquo familiariter, densissimi accurrunt: si tamen vnus tantum
hamo eleuetur ac recidat, fugiunt ceteri cautiore, nec hamum dein-
ceps audent contingere, ne capiantur.

In hunc planè modum nobiscum agitur: pleraque enim vitia ex fœ-
da illa aqua oriuntur partis inferioris, quando humana voluntas volu-
ptate pellicitur: nec potest dolor vni parti infligi, qui sese alijs non
communicet, & dum culpam vnā castigas, ceteræ verbera sentiunt,
& in pœnæ partem veniunt.

Singula quoque vitia, ut res omnes, conseruant sese quantum pos-
sunt; nec nisi pulsa violentè ex humana voluntate abeunt. Videt verò
sensus noster & alteri prauæ affectioni eandem correctionem immi-
nere, posseque idem contingere; quod sanè fieret, si petulantiùs insani-
ret. Silet ergo, & quasi caput in aquis abderet, celat se, donec emer-
gendi meliorem occasionem nanciscatur.

Denique resolutio voluntatis magnam vim habet ad compescendos
motus qui exurgunt: quos etsi omnino non possit opprimere, ac om-
ni ex parte impedire; cum Dei saltem auxilio impedit ne in actus fœ-
dius profiliant, præsertim externos.

123. Quapropter, proposito facto, commendare id Deo, sanctisque

Angelis, ac Patronis tutelaribus oportebit: quia sine illorum ope infir-
mitas nostra facile à resolutione resilit, & ad solitas vanitates recurrit.

124. Operæpretium quoque fuerit, leges sibi quemque præscribere,
ac pœnam quam incurreret casu quo lapsus fuerit. Si peccata grauiora
sunt,

*a pœna sibi in-
ponenda dese-
ctu cognito per
examen passi-
mulari.*

sunt, poenas addicat grauiore; si leuiora, leuiore: vt, qui assuevit iuramenta dictis inferere ex praua consuetudine, quoties errauerit, pecuniae partem aliquam attribuat pauperibus distribuendam; si locuples, maiorem; si tenuioris fortunæ, minorem.

*Vota non esse
emittenda sine
directoris vo-
luntate.*

Non faciliè verò quisquam iuramento aut voto se astringat, nisi consulto directore: temeraria namque hæc vota, laqueorum instar, sic subinde incautos inuoluunt, vt oppressi iugo, emergere postmodum vix & ne vix quidem valeant. Si leuiore defectus fuerint, leuis etiam poena sit; ne tædio exercitij huius affectus spiritualis tiro sarcinam abiciat.

*Pœnitentia ex
iudicio dire-
ctoris assumen-
da.*

Licet tamen generali ex causa melioris vitæ incundæ, & ad viciis-
dam iniuriam multis delictis criminibusque Deo irrogatam, pœnitentias etiam graues assumere, ex directione prudentis viri; cui se com-
mittere, eiusque iudicium sequi, magna sapientia est.

*Præxi notan-
da.*

125. Inter alias leges hæc quoque reponenda est: quod vbi contin-
get quempiam impingere, & in defectum aliquem prolabi, illico vbi
aduerterit, signo aliquo testetur id sibi displicere. Tale esse posset ele-
uatio oculorum in cælum, admota simul dextera pectori. Sed id co-
ram alijs faciendum non est. satis erit animo ad Deum se conuertere,
dicendo ex intimo corde: *IESU bone, quid ago? Erravi, sicut ovis qui
perijt: quare seruum tuum, Domine; quia mandata tua non sum oblitus.*

Psal. 118.

Suspendunt nonnulli è collo interiùs vnâ ex globis pendulis de-
cadem; è quibus tum vnum demittunt, cum se propositum violasse
sentiunt. quod admodum laudabile est, & operæpretium: sic enim
opus non est tabellis ad easdem defectuum notas imprimendas; cum-
que ad examinis alterum tempus venitur, nulla difficultas est nume-
rum subducendi. Aliàs mora maior est in discussione, & in tabulis (quas
alioquin paratas habere necesse est) visitandis, numeroque defectuum
referendo: opportunitas vbique non est.

*Tempus 2.
Meridianum.*

126. Alterum tempus, quo nimirum propositi ratio exquiritur, statui
potest circa meridiem: in quo, iuxta examinis generalis formulam
quinque præscriptis partibus distinctam, in spatium illud, quod effluxit
ab aurora, inquiritur, & nominatim circa peccatum particulare, quod
vitandum atque corrigendum constituimus; initoque numero errato-
rum, pœnam propositam nobis infligimus, saltem prima opportuni-
tate, adhibita detestatione peccati, & nouo proposito.

*Tempus 3.
Vespertinum.*

127. Tertium tempus est vespertinum: vbi rursus, cum examine ge-
nerali, meipsum discussio accuratiùs, forma & modo in utroque exa-
mine seruatis.

Addo, conferendas esse notas antemeridianas cum vespertinis, vt
de correctione constet, vel defectione. Sequenti die conferre quo-
que oportebit notas vtriusque diei, & sequentium deinceps. Sabbato
verò

verò recognitio generalis inducenda, ad consolationem spiritualem fructumque colligendum; vt, cum initio septimanæ euntes iuerint ac *psal. 125.* fleuerint viles operarij, mittentes semina sua, tandem venientes veniant cum exultatione, portantes manipulos suos.

CAPVT XXIII.

De altero examine particulari, quo vitiosi habitus euelluntur, virtutes verò inseruntur: quod Negotatio spiritualis appellatur.

128. **E**LISEVS aegrotabat infirmitate, qua & mortuus est; descendit *q. 4. Reg. 13.* ad eum Ioas Rex Israel, & flebat coram eo, dicebat *q. 2.* : Pater mi, pater mi, currus Israel & auriga eius. Et ait illi Eliseus : Adfer arcum & sagittas. Cumq; attulisset ad eum arcum & sagittas, dixit ad Regem Israel: Pone manum tuam super arcum. Et cum posuisset ille manum suam, superposuit Eliseus manus suas manibus Regis, & ait : Aperire fenestram orientalem. Cumq; aperuisset, dixit Eliseus : Iace sagittam. Et iecit. Et ait Eliseus : Sagitta salutis Domini, & sagitta salutis contra Syriam; percutiesq; Syriam in Aphec, donec consumas eam. Et ait : Tolle sagittas. Qui cum tulisset, rursus dixit ei: Percute iaculo terram. Et cum percussisset tribus vicibus, & stetisset, iratus est vir Dei contra eum, & ait : Si percussisses quinquies, aut sexies, siue septies, percussisses Syriam usque ad consumptionem; nunc autem tribus vicibus percuties eam. Eliseus, Dei salutem vel saluantem Deum significans, *I E S V M* Christum in cruce fixum, generis humani salutem operantem, designat : in eam enim cum ascendisset, non descendit viuus, nec voluit. Ioas, ignem Domini significans, aliàs diffidentem ac desperantem, designat *Examinis generalis figura.* PERFECTIIONIS amantem, qui igne, quo optimus Seruator noster Christus in cruce tostus fuit, accensus, de viribus suis diffidens, Dominum suum sequi gestit; offerensque se ipsius beneplacito, aliud non dicit, quàm, Pater mi, pater mi, currus Israel & auriga eius. At bonus Dominus, qui desideria nostra intuetur, & dat ampliùs quàm petimus, suadet quod maximè nobis vtile est, quamuis labore non careat. Quid illud? vt inimicitias immortales contra Syriam, provinciam Deo rebellem, peccatum, inquam, eiusque fautores, cōcipiamus, eiùque bellum æternum indicamus : arma etiam præscribit, nempe arcum & sagittas. In arcu tria sunt, extrema nempe cornua duo, & funis extensus. Illa facultates seu potentie humanæ sunt, quæ concurrere debent ad sagittæ contortionem : intellectus nimirum & voluntas

H h

huma-

Psal. 44.

Exod. 15.

Examinis
particularis
figura.

humana; quæ in vno vinculo gratiæ diuinæ colligatæ, sagittas bonorum operum in aduersariorum corda intorquent. has acutas potentefque esse testatur Psalter Regius. *Sagittæ, ait, tuæ acutæ (populi sub te cadent) in corda inimicorum Regis.* Hæ sagittæ salutis Domini, & sagittæ salutis contra Syriam; mundum vtique, eiusque alumnos. ad hoc enim instituitur examen generale, vt mundum, diabolum, peccataque omnia conficiamus: fenestram namque aperimus, dum conscientiam discutimus, illicque arma sumimus pœnitentiæ per sanctum propositum ad transfodienda corda inimicorum Regis, peccata omnia destruenda, peccatorumque occasiones conuellendas. & ne quis Ioas desperabundus abijciat animum, Eliseus in iaculationibus manus suas supponit manibus nostris. Ipse est qui bona opera nostra operatur, & certamen nobis dat acre, vt vincat in nobis; *equum & ascensorem deiiciat in mare.* Hæc optimè seruiunt examini generali.

129. Sed quid est, quod mandat sumi sagittas nullo expresso numero; Ioas verò, contentus tribus, tertio tantum terram percussit? Examen id est particulare, seu trium temporum: percutimus namque terram, cum terrena omnia, imperfectiones nostras, defectus, ac peccata detestamur; sagittæque optimæ sunt detestatio peccatorum, inuocatio auxilij diuini, pœnitentiarum ac pœnarum vlturpatio. his quoque destruimus in nobis terrenos affectus, desideria transeuntium honorum: carnem nostram, quam è terra haurimus, pudiciæ telo configimus; iudicia propria, & opiniones, sæculi huius rationibus subnixas, sancto obedientiæ iaculo confodimus. Ter tantum percussit Ioas terram, & stetit. poterat sapius, non fecit. Elisei mens fuit vt sapius percuteret, vsque septies, id est, sine certo numero: quod constat ex mandato sagittarum, quarum numerum non definiuit; & ex indignatione quam præ se tulit, cum Ioas cessauit à terræ percussione. Magnum hîc latet mysterium. Multa sese fecisse quidam arbitrantur, si tertio ad se redeant spatio viginti-quatuor horarum, etsi valde effusi & confusi fuerint in negotijs agendis; abunde satisfecisse rati, si in peccata letalia non ceciderint, si quid grauius non admiserint, si bellum aliquod vitij indixerint: ceterum, quod superest diei, summa sui incuria traducunt, Dei sui que pæne immemores.

Verum dicet aliquis: Quid mirum? in examine illo trium temporum nihil aliud exigis, nisi vt tertio ad me redeam: id ego præsto; cur ergo reprehendor? Absit vt reprehendam, quem laudare debeam, tam salutaribus præceptis parentem: nihil enim initio conuersionis magis hominem iuuat, & à peccatorum salebris efficacius extrahit, quam illa trium temporum observatio. Id à Spiritu sancto est: & ideo suspicio ac veneror & doctrinam, & auctorem; quem extremis hisce temporibus diuina:

diuina prouidentia mortalibus pereuntibus iuuandis excitauit. Sed me-
mor esto, examen illud in limine primumque incipientibus proponi;
non PERFECTIIONIS studiosis, quibus solidos cibos reseruat, &
postmodum copiosissime porrigit. Non ergo tam reprehendo, quam
denuntio Eliseum tibi irasci, quod sagittas sapius non iacias: ideoque
tibi esse statuendum, sicut examen generale non complectebatur par-
tes omnes quæ desiderari possint, ita & in hoc aliquid requiri; & qui-
dem id vnum, quod sapius in aduersarios impetum non facias. Alte-
rum quoque deest huic examini, quod de virtutum acquisitione nulla
fiat mentio, quæ tamen pars potissima est in PERFECTIIONIS
adeptione. Addo multos eò progressos in virtutum curriculo, vt exi-
guam materiam peccatorum inueniant; naturalesque ea defectus po-
tius esse censeantur, quam quæ mereantur peccati nomen. Illi cum
naturam furca expelli nequaquam posse viderint, tædio affecti, dese-
runt examinis huius studium, vixque generali, vt decet, vtuntur. Ac-
cedit, quod si quis (verbi gratia) hac septimana statuatur vanæ gloriæ te-
lum retorquere, vix pretium quodpiam operæ sit, præsertim proposito
cōstanti stabilito, aut si occasio nulla occurrat: atque ita vix quidquam
in examinis particularis exercitationem incurret; spiritualisque tiro &
vesperi se lucro destitutum inueniet, & susceptum exercitium in poste-
rum non resumet. Denique nihil per totius diei decursum occupatio-
nis præscribitur, quo Ioas igne Domini succensus virtutes augeat, su-
pellestem copiosam comparet, ornamenta cumulet, sanctamque aua-
ritiam extimulet. "Gaudet operarius vespere, cum mercedem mani-
bus tractat; exultat miles, cum hoste profligato spolia diuidit; lætatur
agricola, cum segetes in horreum inuehit: & Dei operarius vesperi
gaudet se fatigatum quidem, sed locupletatum esse cælestibus nummis;
& strenuus Christi miles sibi gratulatur, infensos hostes superasse, &
spolia reportasse; denique bonus agri Domini cultor in sinu lætatur,
dum manipulos multos in horreum Domini inuectos videt, & in ani-
mum suum virtutum semina cumulatè recepisse in centuplum.

130. Ideo ergo irascitur Eliseus, & exprobrat nobis quod ter tantum
iaciamus, cum nec desint sagittæ, nec ex parte Dei auxilium; nihilque
facilius sit, quam vt qui sagittam manu tenet, terram percutiat; lata-
que sit illa, vt non desit locus iaciendi: (hostes nempe innumeri sunt,
quos cum percusseris, timebunt & verebuntur te; cum quietos reli-
quers, aut etiam aliquid induleris, crudeliùs persequetur te) vult nam-
que Eliseus noster, Syriam omnem, omnes eius ciuitates sternamus; non
remaneat lapis sceleratæ ac nefariæ prouinciæ super lapidem, qui non
destruatur; cadat vitæ superbia, ruat pecuniæ cupiditas, omnia vanitatis,
voluptatis, cupediarum, epularumque delectamenta conculcentur.

Hhh 2

Id

In examine
particulari ali-
qua desiderari.

1.

2.

3.

4.

5.

Similia.

a 1.

b 2.

c 3.

Id profectò tribus ictibus non consequeris.

Historia perfecta de hostibus spiritualibus in quo consistat.

L.

Quoties ergo vibrari telum, terramque percuti per diem oportebit? Respondet Eliseus: *Si percussisses (inquit) quinquies, aut sexies, siue septies, percussisses Syriam usque ad consumptionem.* Euasisses dominus tui, dominus mundi, regni dæmonum euerfor; tibi, (quod magnum est) addo & toti orbi, imperasisses. Quia verò tantum ter percussisti, ter percuties Syriam, præmium reportabis trium operum; quoties nempe illud exercitij genus subieris. qui enim formulam examinis particularis seruat accuratè, haud dubiè finem suum, quem intendit, assequitur aliquatenus; nec sine præmio Dominus liberalissimus quidquam fieri permittit ad honorem suum, quod profusissimè non remuneret. Qui tamen Syriam tantum percutit ter, non euertit, non sternit, non tollit eius tyrannidem, non euellit radicitus, victor de ea non triumphat.

De Vita ciuit.

2.

Aliter Beatus Antonius, de quo scribit S. Athanasius. Is enim in primis cum mundum fuga in solitudinem exclusisset à se, & rem familiarem pauperibus distribuisset; hisce solutus impedimentis, caeleste vitæ genus in terris colere instituit: (magna sanè victoriæ pars) sed cum in periculosum illud certamen descenderet, ad fidei præsidium, quo erat armatus, adhibendum sibi putauit subsidium reliquarum virtutum; quarum tanto studio incensus fuit, vt, quemcumque videret aliqua virtutis laude excellentem, illum imitari studeret. Nihil igitur eo continentius, nihil vigilantius erat: patientia, mansuetudine, misericordia, humilitate, labore ac studio diuinarum Scripturarum superabat omnes. Cum talis tantusque Dei miles euasisset Antonius, sanctissimum iuuenem hostis humani generis varijs tentationibus aggreditur: quas ille ieiunio & oratione vincebat; & quotidie ad Christianam nam PERFECTI O N E M proficiens, dæmones (quorum tanto acrior res erant impetus, quanto ad resistendum fortior euadebat) ita contempsit, vt illis exprobraret imbecillitatem; ac sæpe discipulos suos excitans ad pugnam contra diabolum, docensque quibus armis vinceretur, *Mihi credite*, dicebat, *fratres: pertimescit satanas priorum vigilas, orationes, ieiunia, voluntariam paupertatem, misericordiam, & humilitatem, maximè verò ardentem in Christum Dominum caritatem, cuius unico sanctissima crucis signo debilitatus aufugit.* O generosum Christi Athletam, cui non satis fuit vincere, sed hostes persecutus est, donec comprehenderet & opprimeret, præclaro nobis proposito exemplo! En tela, en sagittæ, quibus terra percutitur, hostis perimitur ac sternitur.

3.
Isaiah. 17.

Idem fecerat Dauid, bellator insignis; ita enim. primùm statuit: *Persequar inimicos meos, & comprehendam illos; & non conuertar, donec deficiant. Confringam illos, nec poterunt stare; cadent subtus pedes meos. Comminuam eos vt puluerem ante faciem venti, vt lutum platearum delebo eos.* Sed quid,

quid, Dauid? iacies sagittas, si Eliseus manus tuis non supponat? Nequaquam. *Pracinxisti me*, ait, *virtute ad bellum*. Quod verò secutum est videamus praelium, ac victoriam. *Supplantasti*, ait, *insurgentes in me subtus me, & inimicos meos dedisti mihi dorsum, & odientes me disperdidisti*. Interea eripies me de contradictionibus populi, constitues me in caput gentium. Hic sagittas nullas iacere pertimescit Dauid: nulli hostium pepercit; conuersus non est retrorsum, donec omnes caderent, contractique nullatenus possent exurgere, grauius nocituri.

131. Quid est enim quod te angit, molesteque persequitur, à quo maxime timere debeas? ab hoste nempe deuicto, quem non è medio sustuleris, quemque non comminueris vt puluerem antefaciem venti. Mandauerat Dominus Iosue, vt populos omnes terræ promissionis deleteret funditus: quibus si parceret, eosdem fore ipsis Iudæis in laqueum, in scandalum, in ruinam. Pepercerunt tamen multis. Heu crudelis benignitas, cum parcis alteri qui tibi iugulum petat, qui perpetuò insidietur, qui in caput tuum coniurauit! Ideo miseri Iudæi vix immunes à bellis remanserunt; iidemque, quibus vitam donauerant, interitum attulerunt: auerterunt enim corda ipsorum à vero Deo, & ad sua idola pertraxerunt; ideoque perdidit ingratos Dominus, fueruntque capientes qui eos ceperant; quos si deleuissent, hanc plagam adeò immanem euassissent.

Expugnaturos caelorum regnum, eiusque atria, ac virtutis palatium, monet, hortatur, obtestatur Deus, si pace frui velimus, hostes omnes funditus deleamus. At quis valeat? hi multi sunt, magni, & potentes. Quid tum? Deus arma suppeditat; is certat pro nobis. *Non in gladio nostro præsumimus possidere terram, & brachium nostrum non saluabit nos; sed dextera tua, Domine, & brachium tuum, & illuminatio vultus tui. Non in arcu nostro speramus, & gladius noster non saluabit nos. Tu es ipse Rex noster, & Deus noster, qui mandas salutes Iacob. In te inimicos nostros ventilabimus cornu, & in nomine tuo spernemus insurgentes in nobis*. Si ergo imbellis populus, & fugax, qui audito vel solo gigantum nomine despondebat animù, adeò vastam prouinciam subiugauit; si ad eorum, diuina nempe virtute pugnantium, voces & tubas ciuitatum muri corruerunt; quid ni virtus Christi I. E. S. V., Domini nostri, qui mortem, mundum, peccatum, & satanam deuicit, confringet aduersarios nostros, subtus nos corruentes, si viros nos præbeamus?

132. Pugnandum igitur est, iaciendæ sagittæ, tundendi aduersarij; at quot iactibus, vt comminuantur? Certè multi sunt, vt dixi, & duri: atque vbi tot dæmones, tot prauis affectus, tot innati habitus perniciosi, sapius tundendum est. hostis pertinax, & ni pellatur vi, iussus abibit numquam. Opus ergo est alio examine, quod feruiat ijs pellendis &

H h h 3

euel-

euellen dis. Sed ne confusione tot examinum (quod nomen nonnullis odiosum est, ac tetricum) obruamur, rationem hanc ornandi ditandique internum hominem Negotiationē spiritualement vocabimus; cuius tantum pars est examen hoc tertium, de quo postea dicturi sumus.

CAPVT XXIV.

De causis Negotiationis spiritualis, & primum quidem de materia eius subiecta.

Negotiatio spiritualis ex sacris litteris probatur.

*Luc. 19.
Ephes. 4.*

Ephes. 4.

133. **M**IRVM fortē cuiuspiam videbitur, si quisquam dixerit, nobis mandatam esse à Deo Negotiationem spiritualement: verum in hisce dubijs ad sacrarum litterarum praesidium velut ad sacram ancoram confugiendum est; satisque id ex verbis Seruatoris praescriptum esse, & quidem magno rigore, B. Lucas testatum reliquisse videtur. *Negotiamini*, (ait Dominus ijs, quibus distribuebat *vnique secundum mensuram donationis suae*, vel *mniam vnā*, vel *talenta diuersa*) *negotiamini* (inquam) *dum venio*. quibus verbis summus Negotiator nos omnes suos institores constituit: cōmunicat enim vnique nostrum certum gratiae munus, quemadmodum illi placet, vt auctor est D. Paulus. *Vnicuique autem nostrum*, ait, *data est gratia secundum mensuram donationis Christi*.

Hæc gratia non sic nobis attribuitur, vt abuti possimus; sed institoribus datur à Domino, vt rem eius faciamus, donec redeat, & rationem rei datæ & acceptæ à nobis exigat. Liberaliter quidem remunerat; sed rigide, austerè, seuereque lucrum exigit: quid enim seuerius, quam quod seruo, qui *mniam repositā in sudario asseruarat*, *focordiam*, velut enorme scelus, acerbissimè exprobrat, multis praesentibus, magna eius confusione? quid, quod inde tollere, vbi non posuit; metere, vbi non seminavit; vluram recipere velit, vbi non est negotiatus? quod *mnia sua seruum negligentem spoliaret*? quod denique eundem curet interfici ante se? Hæc sanè graua sunt, & tamen in reditu suo, cum in decessu ex hac vita ad rationes euocabimur, eam à nobis reposcet rationem. Sed cur tam seuere? Incuria enim uero magna est, iuxta & ingratitude: gratiā nempe tanti Domini, quæque tot laboribus ipsi constitit, parui pendere ac negligere; & cum Domini negotiatores simus, non pluris Domini nostri pecunias, vtilitatē, honorem, ac praecepta aestimare; imò amplius dico, nos ipsos non pluris facere lucrum propriū, profectum, ac promotionē, quam nihilominus & ipse Dominus intendit.

Turpe

Turpe est, institores dies noctesque summis laboribus in lucrum do- *Allegorici*
minorum suorum incumbere, vt perituras diuitias acquirant; nos au-
tem stertere atque otari. Ecquid sunt opes illæ comparatione cæle-
stium? Dicat Salomon: *Melior, ait, est acquisitio sapientiæ negotiatione* *Prou. 3.*
argenti; & auri primi & purissimi fructus eius. Pretiosior est cunctis opibus; &
omnia quæ desiderantur, huic non valent comparari. Ideo mulier sapiens *De nauis insti-*
toris.
a Prou. 31.
facta est quasi nanis institoris, de longè portans panem. Ex filis etenim pan-
num aut telas conficit, quas vendit & commutat cum frumento, quod
exteris lateque remotis regionibus adfertur.

Institorum prima dignitas est, habere bonum ac locupletem domi-
num: at noster & optimus, & locupletissimus, & liberalissimus est.
Optimè negotiamur, cum omni studio, quæ agendo, quæ patiando, vir-
tutum opera deducimus, eaque perteximus, multa que paramus, quæ
vñi sint & exemplo non modò domesticis & vicinis, sed & longè late-
que remotis, dum præclara gesta ad exterarum nationes deferuntur. Fama
ac prædicatio, quæ circumfertur, nauis est instar, qua hominum præ-
clara facinora deuehuntur. Quid verò mercedis sancta anima per mu-
lierem significata recipiet? Panis, quo mentem nutriat, petitur non è
terra, sed è calo, regione remotissima; de quo Dominus dixit: *Ego sum* *Ioh. 6.*
panis viuus, qui de calo descendi. Nec exilis panis redditur, sed is, cuius
pretium nutriat, tegat, ornet, omnia denique ad vitam necessaria con-
tineat. Gustemus ergo, & experiamur; videamus quoniam bona est
Negotiatio hæc; nec permittamus nos à mortalibus, qui summo ar-
dore, intolerabili labore & fatione fluxas ac fallaces opes sequun-
tur, studio, cura, diligentia, industria superari.

134. Sine hac Negotiatione numquam PERFECTIÖNEM affe- *Negotiationis*
quemur. Hæc est, quæ egestatem & indigentiam à nobis expellit, di- *spiritualis Grati-*
uitias auget, virtutes conquirat ac cumulat, denique omnis sanctitatis *tas.*
verique honoris ac PERFECTIÖNIS fastigium attingit. Cum
enim de examine speciali loquimur, in eo magnum quidem momen-
tum collocamus, quod eo tamquam censoria quadam dignitate con-
scientia nostra vtatur, ad rei gestæ statum exigendum, & Negotiatio-
nis summam reposcendam; quasi dati & accepti rationes à nobis sibi
postulet exhiberi: verum vbi Negotiatio nulla est, nullæ rationes re-
manent exigendæ. Pauci simili examine vtuntur, quod eorum cesset
Negotiatio. Examen verò ad hoc seruit, vt inquiratur an fiat Nego-
tiatio, an vigeat, qua diligentia, qua industria; quid prætermis-
sum, quid actum; quo successu, quo fructu. Negotiatio verò ipsa acquirit, meri-
toque assequendæ PERFECTIÖNIS primum instrumentum potest
appellari: vtitur enim virtutibus omnibus tamquam pecunijs, imò res
omnes naturales in vsus suos & lucrum adsciscit. quare, si hæc duo
strenuè

strenuè gerantur, occasiones ingentium opum nanciscemur, & breuissimo spatio, cum ingenti spiritualium opum cumulo, ad PERFECTIIONIS culmen perueniemus. Vnum verò sine altero parum proderit: nam discussio sine studio proficiendi inanis est, quæstio verò cælestium diuitiarum sine discussione flaccescit.

*Negotiationis
spiritualis ob-
iecta duo.*

I.

*Persequitur
peccata.*

a Rom. 7.

b Collat. 12. c. 2.

Col. 3.

*Corpus peccati
quid.*

Similia.

I.

2.

Psal. 18.

Nota.

3.

4.

*a Interni defe-
ctus non facile
cognoscuntur.*

I.

a Tironibus.

135. Examini seu Negotiationis huius obiecta duo sunt: quorum primum ex eo corpore peccati conficitur, de quo D. Paulus, *a Quis me liberabit de corpore mortis huius?* ijs adiunctis habitibus, quos longo vsu ac consuetudine peccandi contraximus; de quo corpore loquitur Cassianus in collatione Cheremonis Abbatis. *b Hoc itaque, ait, peccati corpus multis vitiorum membris probatur extructum; & ad eius at-
tinere portionem, quidquid vel factò, vel dictò, vel cogitatione peccatur: cuius membra rectissime super terram esse dicuntur. Huius corporis Apostolus membra describens, Mortificate, ait, membra vestra, quæ sunt super terram; fornicationem, immunditiam, libidinem, concupiscentiam malam, auaritiam.* Hæc Cassianus. Vocatur autem corpus, quod ex multis membris conflatum, (vt ibidem annotat Cassianus) quodque compaginaturn ac coadunatum sit, vt partes omnes firmissimè cohæreant, vixque modus sit vnæ ab altera auellendi, ni totum corpus dissoluatur. Quemadmodum enim pro corpore brachia se periculo obijciunt, sicut ceteræ partes pro capitis tuitione: ita pertinaciter vitia omnia sese mutuò iunctis viribus propugnant. Id quoque videmus in rudente, seu fune nautico, quem difficulter vel abrumpes, vel scindes, ni dissuas, & in prima fila redigas. Inquirendum ergo in corpus istud nefarium: alioquin dissolutio hæc admodum difficilis est; & partes ipsæ sic permixtæ, vt quodammodo inuisibiles ac insensibiles reputentur. *Delicta quis intelligit?* non enim omni tempore nos prouocant, aut capita sua foras exerunt. Latitant serpentes in cauernis; nec semper mordent, nisi fortè in occulto; quia non omni loco & tempore datur occasio. Scintillæ diu in cineribus conseruantur sine luce, sine fumo: at si cineres amoueris, lucent illæ, & vicinas fauillas accendunt, magnumque sæpe ignem excitant. Ita nobiscum agitur: serpentes gerimus in cauernis animorum nostrorum, & sub pœnitentiæ cineribus ignis haud rarò delitescit; at vbi nox tentationis aduenerit, egrediuntur serpentes & dracones ex antris, mordent, pungunt, cruentat, dilaniant eos, in quos impetum faciunt; & remotis pœnitentiæ cineribus, dum nobis plus æquo confidimus, nec stipulas subtrahimus, miramur nos primum hoc igne tangi, deinde accendi, ac denique, qui spiritu cœpimus, carne absumi, & in fauillam spirituale ædificium redigi.

a Tironibus familiare est, dum in primo conuersionis seruire versantur, propter impetum feruidi spiritus, qui omnia facilia reddit, opinari specio-

speciosius de se; nullam vñquam in vlla re fore molestiam; prauos habitus nullos, nullos serpentes, dracones, viperas, & scorpiones in se superesse reliquos; ignem concupiscentiæ planè extinctum, quod à cineribus contegatur. Dicere tamen de ijs licet illud Lyrici Poëtæ: *Incedis per ignes Suppositos cineri doloso*. Transiit dies consolationis, venit nox, occasiones peccandi, pugnae ac tentationes; & mirantur in se adhuc non modò delitescere, sed & viuere, quos mortuos extinctosque arbitrabantur.

Idem vsu venire solet solitarijs hominibus, qui sine superiore vel direttore aut extra communitatem degunt, & in arenam numquam aut raro prodeunt; magnis pœnis corpora sua affligunt. Si magis aduersarios coërcent, vinciunt, ac concludunt, quàm opprimunt: impediunt nempe ne erumpant; (quod satis facile fit, dum nulla eis erumpendi occurrit occasio) occulti tamen latitant, imò contingit interdum vt bonis operibus ij serpentes alantur, vt in superbia ac imprudenti zelo videre est. At vbi cineres excutiuntur, nec in lingua frenum est, nec in laudis appetitu modus, nec in ciborum delectu moderatio, nec in ira habent, nec in sensibus vllis cura; produnt se qui latuerant, & in nouo homine veterem & viuere & vigere miramur.

Coërcentur etiam subditi disciplinæ seueritate, ac superiorum oculo, tamquam claustris arctissimis, ac cineribus circumfusi. Si ad dignitates postmodum aut officia euehantur; honores non tam mutant, quàm produnt mores: & magistratus non facit, sed ostendit virum. quemadmodum medicorum experientia obseruatum est: si quis ex humili loco in excelsum montem transferatur, ibi morbus non tam de nouo gignitur, quàm, qui latebat, proditur. Quàm hæc sunt quotidiana! & quis idipsum in se non obseruat? Si euectus ad dignitates in te non obseruas defectus tuos, nec agnoscis; alij plus satis & cognoscent & obseruabunt, & te tuis veris depingent coloribus. Hi serpentes latere non possunt, nec ignis non lucere. Id verò nesciet is, quem vel experientia non docuerit, vel virtutis studium & cura, ac vitiorum persecutio non liberauerit. Ergo in antrum conscientiae nostrae penetrandum est; & venari eos oportet basiliscos, qui, quia priores nos vident, incautos enecant; & lupos latentes, qui nobis loquendi ac clamandi potestatem adimunt. Et licet minimè appareant, suspicari, imò & credere debemus, in cauerna concupiscentiae monstrorum genus omne tegi. Promittit nobis Isaias (si modò ex Deo nati mamillæ caelesti assueuerimus, à voluptatum huius mundi vbere auulsi) omnem securitatem & immunitatem à venenato morfu. *Delectabitur, Isaias 11. inquit, infans ab vbere super foramine aspidis; & in cauerna reguli, qui ablatatus fuerit, manum suam mittet. Non nocebunt & non occident in vniuerso*

Iii

monte

2.

A solitarijs.

3.

*A subditis.**Apparent in ijs qui alijs praesentantur.**Simile.*

monte sancto : quia repleta est terra scientia Domini, sicut aqua maris operientes.

2. Obiectum
Negotiationis.
Studium virtu-
tes acquirendi.

Alterum obiectum Negotiationis spiritualis est augmentum virtutum: infunduntur namque omnes virtutes supernaturales in prima hominis iustificatione; sed eo, quo eas accepimus, manent statu & gradu, nisi studio, diligentia, ac operibus augeantur. Itaque Negotiatio nostra primum conatur nomina seu debita soluere, inopiam pellere; quæ Negotiationis tinea ac sanguifugæ sunt: tum tota incumbit ut superlex augeatur, ornetur domus, thesaurus coaceruetur, denique mercator egregie ditetur ac nobilitetur.

CAPVT XXV.

De causa finali Negotiationis spiritualis, nempe spirituali lucro; deque causa eiusdem efficiente: additis aliquot praeceptis, quibus fervor & conatus noster excitetur.

Finis seu excel-
lentia ac pre-
tium Negotia-
tionis spiritua-
lis describitur.

136. QVIS sit finis Negotiationis huius, facile cognoscitur ex ijs quæ diximus: quærit enim mercator lucrum; & sanè, si lucrum non speraret, labores non susciperet. sed lucrum temporale sectatur, nos verò spirituale & æternum: at hoc quantum illo pretiosius! audiamus pretium, illudque concupiscamus. Hac Negotiatione sapientiam acquirimus, thesaurum profectò incomparabilem. at cuius pretij est sapientiæ acquisitio? Nescit homo pretium eius, ait Iob, nec inuenitur in terra suauiter viuendum. Non dabitur aurum obryzum pro ea, nec appendetur argentum in commutatione eius. Non conferetur tinctis Indiæ coloribus, nec lapidi sardonycho pretiosissimo, vel sapphiro. Non adequabitur ei aurum vel vitrum, nec commutabuntur pro ea vasa auri: excelsa & eminentia non memorabuntur comparatione eius. Non adequabitur ei topazius de Ethiopia, nec tinctura mundissime componetur. Quid luculentius dici potest? quid mortalium excitet auaram cupiditatem, si hæc non excitent? Mirum est homines oculos habere, hæc autem non videre nec intelligere; diuitias immortales spernere, persequi fluxas ac fallaces.

Iob 28.

Sap. 7.

Verum si sedibus, sceptris, purpura caperis; hæc Negotiatio his maiora assequitur. Audiamus idipsum ab eo qui expertus est. Præposui, ait Sapiens, illam regnis & sedibus, & diuitias nihil esse duxi in comparatione illius. Nec comparavi illi lapidem pretiosum; quoniam omne aurum in com-
para-

paratione illius arena est exigua, & tamquam lutum aestimabitur argentum in conspectu illius. Venerunt autem mihi omnia bona pariter cum illa.

Excellentiam lucri huius paulo post idem persequitur prolixius. quidam enim præterea scientijs & virtutibus delectantur: has Negotiatio nostra cumulâtè acquirit, & longè præstantiora. addit ergo Sapiens: Hanc amaui & exquisivi à iuventute mea, & quæsiui sponsam mihi eam assume- *Sap. 3.* re, & amator factus sum forma illius. Generositatem illius glorificat contubernium habens Dei. Sed & omnium Dominus dilexit illam: doctrix enim est discipline Dei, & electrix operum illius. Et si diuitie appetuntur in vita, quid sapientia locupletius, quæ operatur omnia? Si autem sensus operatur, quis horum quæ sunt, magis quam illa, est artifex? Et si iustitiam quis diligit, labores huius magnas habent virtutes: sobrietatem enim & prudentiâ docet, & iustitiam, & virtutem; quibus vtilius nihil est in vita hominibus. Et si multitudinem scientia desiderat quis, scit præterita, & de futuris aestimat. & post pauca: Habebo propter hanc claritatem ad turbas, & honorem apud seniores iuuenis, & acutus inueniar in iudicio, & in conspectu potentium admirabilis ero, & facies Principum mirabuntur me: tacentem me sustinebunt, & loquentem me respicient, & sermocinante me plura, manus ori suo imponunt. Præterea habebō per hanc immortalitatem; & memoriam æternam his, qui post me futuri sunt, relinquam. Hæc Sapiens.

Deus bone! quis hominum avarus est, & non mouetur sancta cupiditate? quis ambitiosus, & hæc decora non æmulatur? *Filij hominum, Psal. 4.* usquequo graui corde, ut quid diligitis vanitatem, & queritis mendacium? Plura de hac re dicerem, nisi magnam partem prioris libri in hoc argumento persequendo consumpsissem. Magnum ergo lucrum est, euadere in dominum sui, mundoque & demonibus omnibus imperare, tot diuitijs tantoque thesauro locupletari, quem nobis litteræ sacræ pollicentur; ut insanum esse oporteat aut insensibilem eum, qui hiscæ promissis non moueatur. Hic finis, hoc pretium est Negotiationis.

137. Deinceps causa efficiens tractanda est. Eam opinantur non- *Negotiationis spiritualis causa efficiens.* nulli Deum esse; non malè: si tamen arbitrentur nobis esse expectandum, donec Angelus è cælo veniat, qui suauiter dormientes, velut alterum Eliam, excitet, ut comedamus, bibamus, & magnis itineribus *3. Reg. 19.* contendamus in montem Dei Horeb, grauius falluntur. non omnibus promiscuè id contingit. Solis Apostolis & paucis alijs missus est Spiritus sanctus in igne & linguis, visibili specie: solis Magis stella, quæ solis rotam vincebat decore ac lumine, dux ad Bethlehem sequentibus apparuit: solos Iudæos nubes lucida per diem, & columna ignis per noctem, terram promissionis adeuntes perduxit. Fateor quidem; nemo est qui Deo manus vinciat, ut non possit quamplurimis talia aut etiam maiora conferre: non est tamen via consueta. Præsidia sunt Ecclesiæ *Matth. 2.* *Exod. 13.* relicta,

An gratia efficiens efficiens causa sit Negotiationis.

I.

2.

Lib. 2. cap. 67.

relicta, tum ad vitam animæ consequendam, tum ad eam fouendam, augendam, & perficiendam. Quapropter, etſi ſuperiori libro Deum PERFECTIIONIS auctorem ac reparationis parentem deſcripſerimus, nolim ego eum habere diſcipulum, quem cū ad negotiandum ſpiritualiter inuitarim, is mihi reſpondeat mandari impoſſibile; paſſionibus ad grauiffima quæque peccata nos deturbantibus imperari non poſſe: quod Deus nulli gratiam tribuat, niſi eam quam efficacē vocant; eam verò non omnibus dari, ſed ijs ſolū qui ſecundū propositum vocati ſunt ſancti; præter eam nullum auxilium noſſe præuium, quo à præcipitio & lapſu retineamur, aut ad bene agendum inuitemur. Quid enim, ſi nullum efficacem è cælo motum ſentias? ſtertes noctes & dies? libros pios non leges? Sacramenta non frequentabis? verbum Dei non audies? carnem rebellem non coërcebis? occaſiones peccandi non fugies? manebis in peccato, quia congruam illam gratiam non habes? Non eum quoque libenter habebō diſcipulum, quem ſi peccati arguam, is mihi reſpondeat ſe non habuiſſe gratiam efficacem; ſe immerito plecti & reprehendi, cū tentationi reſiſtere non poſſit ſine gratia Dei congrua, quæ ad bene agendum prædeterminet; aliam verò non dari: ſi iubeatur de præſentia Dei monita mea amplecti, examen quotidie inſtituere particulare; ſi omnia ſua ad Deum referre, ſenſibus frenum inijcere, patefacere ac conſiteri interiores atque abditas cogitationes & tentationes; Religionis ſuæ leges, ſui ſuperioris mandata, ordinem denique ſeruare domeſticum; ad ſingula reſpondeat, gratiam ſibi congruam deeſſe, nec aliam dari; hanc verò habere, in ſua non eſſe poteſtate. Quidquid ſit de ea opinione, illa proſectò inſtituto noſtro parum conuenit: imò cū olim inter varios periculoſe ſerperet, occaſio fuit B. Auguſtino ſcribendi librum De gratia & libero arbitrio ad Valentinum & cum illo Monachos. Quàm verò hæc ſit viris Religioſis & PERFECTIIONIS amatoribus pernicioſa opinio, fuſè docet toto libro De correptione & gratia ad eoſdem; de quo ſic in Retractionibus: *Rurſus ad eoſdem ſcripſi alterum librum, quem De correptione & gratia prænotauit: cum mihi nuntiatum eſſet dixiſſe ibi quendam, neminem corripiendum, ſi Dei præcepta non facit; ſed pro illo, vt faciat, tantummodo orandum.* Quæ vox nata erat ex iſta de gratiæ efficacitate ſententia. Quid enim proficio in tradendis præceptis PERFECTIIONIS, in hortando homines ad feruorem, ad diligentiam impellendo, ſi non poſſit quis excitari ſine gratia efficaci; nec ea haberi, niſi ab æterno Deus eiſdem preparauerit ac prædeterminauerit immittendā certis momentis & occaſionibus; & quidem ſic, vt numquam opus illud facturus ſit, niſi gratia illa voluntatem eius ita præueniat & præmoueat ac prædeterminet? Quod ſi non fiat, certò mihi conſtat eum nullam omnino habuiſſe

buisse gratiam; alioqui, si habuisset, illa fuisset efficax, opusque ipsum effecisset.

Quid etiam talem hortor, cum ne hortari quidem possim sine periculo erroris, quem D. Augustinus Pelagio meritò attribuit? Si etenim nihilominus incitem ad PERFECTIÖNIS studium, nec possit illud assequi, quòd ei gratia desit congrua; si (inquàm) hortando premam, si urgeam, ut viribus saltem naturæ PERFECTIÖNIS culmen petat ac conscendat; respondebit me esse Pelagianum, cum certum sit, non modò nullum PERFECTIÖNIS, sed nevel vnum salutis opus sine Christi gratia vllò modo confici posse.

*Tomo 6. & 7.
Gargis libri.*

138. Hæc quin commemoraré, prætermittere non potui: cum enim quadam occasione quempiam non meæ togæ perbenignè à vitio deterrerem; mihi is succensuit, existimans monitionem meam reprehensionem esse; quam tamen pati tenebatur, & meritò, quia reprehensibilis erat, & id ex officio meo mihi incumberebat. Is erat vir pius, nec indoctus: ratus tamen est sibi iniuriam irrogari, quòd quasi reprehenderetur, ubi nulla reprehensionis causa sibi adesse videretur; quandoquidem Deus omnibus suam gratiam non largiatur adeò congruè, ut peccata vitari possint; nec deesse qui id ipsum doceant ac constanter tueantur. Obstupui, fateor, & ex animo indolui, grauissimis nefandisque peccatoribus videri sententias nostras scholasticas patrocinari; eoque ventum esse, ut nec blasphemi, nec ij qui à S. Paulo capite primo ad Romanos depinguntur, homicidæ item, & prædones profligati, in utroque foro reprehendi possint, quin patrocinium impietatis scelerumque suorum ex Theologiæ petant fundamentis.

139. Qui ergo aliquid volunt proficere, sentiant benigniùs, nihil non facile à nobis proponi; gratiam omnibus dari sufficientem, ut quotidie orare valeant, & dicere, *Pater noster, qui es in calis, dimitte nobis debita nostra; ne nos inducas in tentationem*: hanc verò gratiam, parituram efficacem, ut Dei voluntatem faciamus, in tentationem non inducamur. Et quamuis ad orandum, ad credendum, ipsi impares nos sentiamus; non impares tamen sumus per eam gratiam, quæ omnibus datur, ad dicendum: *Credo Domine, oro Domine; sed adiua incredulitatem & infirmitatem meam*. quod si non possit, omnino non video quibus præceptis quispiam astringi debeat, siue diuinis, siue humanis; video autem posse quemlibet respondere: Nihil possum sine gratia efficaci; eam verò non habeo; parère ergo non est mearum virium. Verùm *omnia possum in Philip. 4. eo qui me confortat*. Facienti quod in se est, benignissimus Dominus non denegat gratiam: pulsat ad fores nostras, ut ingrediatur, cœnetque nobiscum, & nos cum eo. Cum hac ergo gratia sufficienti, ad inchoandum feruor noster excitandus est; prælidiaque arripienda,

Matth. 6.

Philip. 4.

Apoc. 3.

quæ Deus nobis Ecclesiæque suæ reliquit.

Cant. 7.

140. Quidam verò à recenti conuersione summo ardore feruntur, vt ascendant in palmam, & apprehendant fructus eius: alij à feruore primæ conuersionis in tepiditatem degenerant: alij denique, quid sit feruor, vix vñquam sunt experti. Primorum condicio admodum fauorabilis est, & profectui opportuna, si modò directorem admittant, & procedant prudenter: tepidorum negligentia fuscitanda est, excitanda frigidorum, iisdem pæne præceptis, quorum aliquot hîc tradenda sunt.

Præcepta quædam ad feruorem excitandū.

1.

In primis magni faciant PERFECTIIONIS decus & dignitatem: perpendant diligenter quæ ex Salomone præcedenti capite, & in superiori libro de excellentia, splendore, ac insignibus Caritatis fusissimè disputauimus; ex hoc namque fundamento cetera pendent.

2.

Alterum præceptum est acquirendo feruori idoneum, vt in animo excitetur ingens amor PERFECTIIONIS, tamquam summi boni quod in hoc mundo haberi possit: in quod tot excellētia, pulchritudo, bonitas, diuitiæ & opes, deliciæ ac quies confluunt, vt præ illo lutum cetera debeant æstimari.

3.

Vis amoris in prosequendo bono cupito.

In Psal. 121. in præmio.

Tertium ex duobus hisce promanat, vt totis viribus, conatu, industria, cura, ac diligentia ad brauium virtutis capeßendum, quod admodum pretiosum reputamus, indefessè feramur. Hoc facit amor, vt bonum, quod diligit, possidere cupiat: si præsens non sit, desiderio fertur; & tanto quidem, quantus amor ipse sit. Amor ingens ingentem parit conatum ac desiderium, vt eleganter Augustinus. *Sicut amor, inquit, immundus inflammat animam, & ad terrena concupiscenda & peritura sectanda vocat, & in ima precipitat, atque in profunda demergit: sic amor sanctus ad superna eleuat, & ad aterna inflammat, & ad ea quæ non transeunt, neque moriuntur, excitat animam, & de profundo inferni leuat ad celum. Habet tamen omnis amor vim suam, nec potest vacare amor in anima amantis: necesse est vt ducat. Sed vis nosse qualis amor sit? vide quò ducat. Non enim monemus vt nil ametis, sed monemus ne mundum ametis; vt eum, qui fecit mundum, liberè ametis. Obligata enim anima amore terreno, quasi viscum habet in pennis, volare non potest: mundata verò affectibus sordidissimis sæculi, tamquam extensis pennis, & duabus alis resolutis ab omni impedimento, id est, duobus præceptis dilectionis Dei & proximi, volat. quò, nisi ad Deum ascendens volando, quia ascendit amando? Hæc Augustinus.*

a. Hb. 12. in Euang. post initium.

b. In Psal. 118. ad vers. Defecit in salutare.

Ex desiderio ergo metiris verum constantemque amorem; qui si illico bono cupito non fruatur, affligit animam, auctore ^a Gregorio. *Sancta desideria, ait, dilatione crescunt; si autem dilatione deficiunt, desideria non fuerunt. In eandem sententiam b Ambrosius: Quo diutius abest qui desideratur, eo expectantis desideria maiori quadam vi amoris ignescunt.*

Caro

Caro defieit, sed cupiditas alitur & augetur. Constats ergo amor constanti desiderio fertur.

Quid si desiderium quidpiam assequitur in hoc genere, acquiescet. *Perfectionis studium atque amor terminum non habet.* ne propterea? Nequaquam. aliquid obtinuit quidem; sed vastissimum immensumque est, quod amor iste prosequitur: duplex enim brauium ab amore quaeritur; in hoc mundo alterum, alterum in futuro saeculo. Illud quod altero saeculo possidebitur, *oculus non vidit, nec auris audiuit, 1. Cor. 2. Isaiæ 64.* nec in cor hominis ascendit: cogitari potest, desiderioque attingi; capi verò, teneri, comprehendi, & pro magnitudine aestimari à mortalibus non potest. Tanta autem est PERFECTIIONIS vitæ huius amplitudo ac sublimitas, ut, quocumque tandem conatus pertingat, culmen extremum numquam assequatur: quin etiam eo se minus cepisse reputabit, quo plus adeptus fuerit; desiderijque angustias boni adipiscendi immensitas obiecta irritat magis, & ad persequendum prouocat.

141. Verum quanto studio, quo ardore tantum bonum quaeri debeat? *Quo ardore quaerenda sit Perfectio. a Prov. 2.* Si quaesieris eam, (sapientiam nempe) ait Salomon, *quasi pecuniam.* Patrum hoc est, si vtriusque obiecti boni fiat comparatio: sed satis sit, si quis PERFECTIIONEM quaerat, sicut mortales ad pecuniam anhelant. Quemadmodum hi, qui per insaniam mente translati sunt, non iam res ipsas, sed passiones suæ phantasiæ vident: ita etiam mens auari, semel vinculis cupiditatis astricta, semper se aurum, semper argentum credit videre, semper reditus computat; aurum libentius quam solem intuetur; ipsa eius oratio & supplicatio ad Dominum, aurum quaerit. Ita ergo insanias ad acquirendas opes spirituales, ut quidquid egeris, videris, audieris, pulchritudinem virtutis videaris intueri, illam optare, illam complecti. *Simile.*

Ex omnibus lucrum aliquod quaerito, siue manduces, siue bibas, siue ludas, siue domum adeas sapientis, siue fatui ac dementis, suisque lasciujijs ineptientis: ex omnibus fructum aliquem colligas ac reportes; in vno virtutis venustatem comprobando, vitij turpitudinem detestando in altero; imitando probos, iuuando infirmiores; tibi de beneficio vocationis gratulando; Deo denique in omnibus agendo pro viribus gratias, qui te è luto saeculi huius nequam in admirabile lumen suum familiamque transtulit.

142. Hoc quoque, pro quarto præcepto, à mercatoribus feruoris mutuari oportebit, quod superiori libro exposuimus, in multis, magnis, ac pretiosis rebus mercari: lucrum enim & maius est, & genus Negotiationis nobilissimum atque iucundius. Venditio magna est, omnia sua distrahere, ac pauperibus, Christi amore, distribuere: contractus excellens, corpus suum in perpetuam castitatem aeterno Sponso tradere: nobiles merces sunt, potentias animæ, imò & animam ipsam in obsequium diuinæ

*Præceptum 4.
Mercari in rebus pretiosis.*

uinæ Maiestatis transferre; vitam, omniaque mundi solatia, amantissimi Domini nostri IESU Christi causa profundere, aut animi præparatione, aut re ipsa; omnia studia, affectus, ac desideria in vnum Deum, tamquam fidissimum amicum, redigere, in eoque perpetuo amoris nexu concludere. Hæc Negotiatio, vt rerum magnarum multarumque, fructum parit incomparabilem: ei verò vendimus, qui luculenter pretium perfoluit, nec differt ad horam; magisque lucro nostro, quàm profectu suo, quia nulla re indiget, delectatur.

*Præceptum s.
In omnibus re-
bus esse meren-
dum, ac qua-
rendam Perfe-
ctionem.*

*In Hexam. ho-
mil. 5. sub med.
Gen. 3.*

Ibidem.

143. Locupletes quoque mercatores (vt vltimum præceptum subijciamus) plures mensas diuersis locis tenent per institores. Et nos negotiemur non modò per nos, sed per quoscumque alios, vbique locorum, quibus Dei obsequium promouere possumus; siue consilio, siue auctoritate, siue subsidijs temporalibus. Cetera quæ ad feruorem augendum spectant, petenda erunt ex tribus superioris libri capitibus finalibus, & ex ijs quæ in posterum dicturi sumus. qui enim feruorem amiserunt, quique cum adepti nondum fuerunt, hi sine labore acquirere numquam: nam etsi Deus peccata nobis remittat, quibus feruor ipse extinctus est; recuperationem tamen illius, labori ac diligentia nostræ relinquit. Sine labore terra ante peccatum Adamo flores fructusque pariebat eximios: at non sic, perdita Dei amicitia. Rosas, teste Basilio, sine spinis non inuenies, vt ante primi hominis lapsum: nec proferet suos terra sine sudore fructus: imò *spinas & tribulos germinabit tibi*, quos debeas euellere; terram deinde arare ac fatigare necessum est; oportet serere, occare, metere; denique *in sudore vultus tui vesceris pane tuo*. Sic nobiscum agitur: virtutes nullæ nunc affluunt sine spinis vitiorum pungentibus. Euelli eas prius opus est, & aratro mortificationis cordis nostri solum proscindi, semen virtutum spargi, & surculos inseri fructuosos; quos cum auxeris, facilitatem indues & feruorem. Et hæc quidem de causa efficiente nostræ Negotiationis.

C A P V T

CAPVT XXVI.

*Negotiationis spiritualis causa formalis explicatur;
cum industria prima, quæ est recta intentio, &
ab alijs intentionibus duabus distinguitur.*

144. **A**D formam Negotiationis multa referuntur, quæ in ipsa arte concluduntur: sua enim cuiusque disciplinæ ars est, vitæ autem ac Negotiationis spiritualis nobilissima. Ars verò longa experientia collecta, certis præceptis atque observationibus continetur: quas dum sequitur mercator, rem magnam præstat; quam perditis, qui sine arte temere progreditur; variaque tentat incautus media, quæ ruinæ potius quàm lucri auxilia æstimanda sunt. Certè minùs vtiliter mercatur, qui hic aurum, argentum; margaritas, aromata sibi comparat, quæ deuehat in Indias lucri gratia: hic enim horum inopia, illic magna copia est. rideretur mercator, qui id faceret. Ridendi sunt & ij negotiatores, qui opes terrenas, voluptates, honoresque congerunt, quæ in cælis diuendant: vilescunt enim illic, & contemptui sunt; tum quia stultè mercantur, tum quia melioribus in cælis abundant beati.

Ars Negotiationis necessaria, ab exemplo mercatorum.

Artis est cautè vtiliterque mercari: quapropter observationes aliquot, tamquam industrias, constituemus; quibus cognitis, omnes istius formæ partes distinctius cognoscantur. Harum prima in intentione consistit; quæ si negotiatori desit, nihil efficiet. Mirandum illud in primis, quod intentio vendenti vel ementi parum adferat emolumentum, nec merces ideo pretiùmve nobilitet: in nostra verò Negotiatione forma ac nobilitas mercis ex ea pendet, quemadmodum & pretij dignitas. si enim praua intentione operemur, desinunt merces nostræ bonæ esse; fœdæ sunt, & turpes: si verò intentionem adhibemus prænobilem, euadunt statim & merces prænobiles, aureæ, summi que pretij. Et hoc nouit locupletissimus mercator emptorque noster; qui non tam rem ipsam considerat, quàm intentionem: vnde quod dicitur, *Et genus & formam Regina pecunia donat*; id de intentione statuendum est, & dicendum, *Et genus & formam Regina intentio donat.*

Industria 1.

Bona intentio adus formam ac dignitatem confert.

145. Monet *D. Gregorius*, & docet, qua ratione mercari debeamus: cum enim intentio bona necessaria sit tum ad bonitatem actuum, tum maxime ad eorum excellentiam & valorem augendum; vigilandum suadet, ne aut primis initijs, aut in progressionem, aut denique in fine degeneremus; ita enim ait: *Bona nostra tribus modis antiquus hostis insequitur; sine.*

a Lib. 1. Mor. c. 20. in cap. 1. 106, ad illa Verba: Ne fortè peccauerint filij mei.

Intentio bona sit initio, in progressu, in fine.

Kkk

ut

Thren. 1.

Psal. 145.

Ierem. 41.

Psal. 55.

Lib. cont. men-
dac. cap. 7. to-
mo 4.
Mala bono fine
ac intentione
non sunt bona.

Sine prudentia
nullus actus
bonus est.

Rom. 10.

Intentio tri-
plex.

1.

2.

3.

ut videlicet hoc, quod rectum coram hominibus agitur, in interni iudicis conspectu vitietur. Aliquando namque in bono opere intentionem polluit, ut omne quod in actione sequitur, eo purum mundumque non exeat, quod hoc ab origine perturbat. Cum enim facilia ad decipiendum corda hominum conspiciunt, eorum desiderijs auram transitorij fauoris opponit; ut in his, quae recta faciunt, ad appetenda ima tortitudine intentionis inclinentur. unde recte sub Iudaeae specie de vnaquaque anima miserae intentionis laqueo capta per Prophetam dicitur: Facti sunt hostes eius in capite. Cum vero hi hostes intentionem vitare non praevalent, in via positos laqueos tegunt; ut in eo, quod bene agitur, cor exaltans se, ex latere ad vitium deriuetur. unde Psalmista: In via hac, qua ambulabam, absconderunt superbi laqueum mihi. & Ieremias de quibusdam: Cum venissent (inquit) ad medium ciuitatis, interfecit eos. Cum vero antiquus hostis nec in exordio intentionis ferit, neque in itinere actionis intercipit, duriores in fine laqueos tendit; quos Prophetam conspexerat, cum dixit: Ipsi calcaneum meum obseruabunt. Haec Gregorius. Danda ergo opera est ne decipiamur; initio maxime, quia corruptis initijs cetera vitantur.

Illud quoque verum est, quod monet Augustinus. Intere est, ait, plurimum, qua causa, quo fine, qua intentione quid fiat: sed ea quae constat esse peccata, nullo bona causa obtentu, nullo quasi bono fine, nulla velut bona intentione facienda sunt. Ea quippe opera hominum, sicut causas habuerint bonas seu malas, nunc sunt bona, nunc mala, quae non sunt per se ipsa peccata. & infra: Cum vero iam opera ipsa peccata sunt, sicut furti, stupra, blasphemiae, vel cetera talia, quis est qui dicat causis bonis esse facienda, ut vel peccata non sint, vel (quod est absurdius) iusta peccata sint? Haec Augustinus, & bene: multi enim praecleara intentione, si quid gerunt, turpitudinem sublatam arbitrantur a delicto, sanctique propositi veste se contegunt.

Nulla item intentio cohonestari potest, vbi actio caret prudentia; nullusque actus, hoc duce destitutus, idoneus est, qui virtutis induat venustatem. Nec excusaberis, si dicas te putasse ita agendum esse: respōdebitur enim vicissim, sapientis non esse dicere, Putabam; & Diuus Paulus te arguet, dicens te zelum quidem habere, sed non secundum scientiam.

146. De mala seu deprauata intentione non est hic dicendi locus; sufficet triplicis generis intentiones explicare. Quidam enim nulla mala intentione agunt, imò nulla: quia nihil ex prouidentia seu animi designatione intendunt, nisi quod temere occurrit. Alij generali quadam intentione contenti, omnia sua ad eam referunt; in ceteris haud raro nituntur natura, intendentes quod eidem bonum videtur: nihil tamen diuinum reuera considerant, etiamsi illis fortasse ita videatur. Alij denique vnicè Deum intuentur, & in ipsum omnes cogitationes facta, dicta, studia dirigunt.

In

In hisce tribus speciebus multa latent, quæ si eruerentur, mortales damna sua sentirent, sibi quæ aliter prospicerent. Quis nescit hominum plurimos rarissimè ad finem aliquem honestum facta sua dirigere: ijs prorsus similes, qui mane proficiscuntur, egressi ex aliqua ciuitatis porta, antequam decreuerint aut etiam cogitauerint quonam sibi sit eundum; quare vesperi à domo se abesse animaduertentes, si consultò agere velint, reuertantur necesse est. Hi ergo semper eunt ab ingressu in hanc vitam: de fine suo non magis cogitant, quàm si nullus esset prorsus. Alij dicunt se cælum petere, & beatos esse velle, & tamen viam ignorant. Ii quoque egressi aberrant grauiter; quod non fecissent, si de porta qua egredi, quaque via debuissent incedere, fuissent sciscitati. Sed quàm multi sunt qui etiam viam norunt, proficisci tamen renuunt, in eodem semper statu permanentes; & si incedere videantur, nihilominus in circuitu profectò ambulant, ad eum locum, vnde egressi, semper redeunt. Hi omnes deplorandi veniunt; sed magis viri nonnulli, qui spirituales haberi volunt, quibus cum duces, impulsores, castigatores non desint, virtutumque exempla præclara assidue obuersentur, res tamen suas sic agunt, vt rarò quid agant, quò eant; cuius causâ, quo fine, rarissimè cogitent.

Quid inde damni, quæso, oritur? Illud in primis, quòd vesperi, dum quispiam redit ad se, vacuas manus reperit: non est melior quàm mane; nullum è prauis habitibus non dico deleuit, sed ne attigit quidem; nullam virtutem acquisiuit, merita nulla collegit. quid ergo emerfit lucri ex omnibus operibus quæ fecit? nihil. Quia cor suum (vt hortatur Dominus) non posuit super vias suas, curam nullam habuit internæ domus Dei ædificandæ, crucem suam non tulit, ad cælorum montes animum non transmisit; ideo quæ, quidquid fecerit, nihil profuit. Audiamus Dominum per Aggeum Prophetam hortantem ac corripientem: Ponite (ait) corda vestra super vias vestras. Seminaastis multum, & intulistis parum; comedistis, & non estis satiati; bibistis, & non estis inebriati; operuistis vos, & non estis calefacti; & qui mercedes congregauit, misit eas in sacculum pertusum. Hæc dicit Dominus exercituum: Ponite corda vestra super vias vestras; ascendite in montem, portate ligna, & ædificate domum. Respexistis ad amplius, & ecce factum est minus. quam ob causam? dicit Dominus exercituum. quia domus mea deserta est, & vos festinatis unusquisque in domum suam.

Accedit, quòd deterior euaserit: nulla enim bona fecit, quæ tamen facere debuerat; si quæ verò fecerit, multis erroribus ac vitijs fuerunt aspersa. Meditatus sum, ais. ita est, sed sine scopo: ergo scopæ dissolutæ; ergo sine sensu, sine fructu. Sacrum quoque audisti, orasti; at sine intentione: ergo disperso animo, & fortè circumfusus sensibus, sine præparatione. Multa namque agimus perperam; quia sine fine debi-

taque intentione, quæ spiritum reuocet, sensus contrahat, animum excitet. Eorum pleraque naturalia omnino sunt, ideoque meriti nihil habent.

3.

At quot occurrunt animo vanitates! quàm multa ex ore euolant verba inania! quàm profusus ad iocos animus! ad cachinnos, detractiones, irrisiones, scommata, sarcasmos! quàm auidus ad ludum recreationesque corporis! quàm in ijs assiduus! quàm effusus in cibos! quàm vorax! quàm appetens deliciarum! Nulli sensuum clausi, patet animus omnibus: irrepunt, imò influunt cogitationum riui integri; etiam subinde ex lacunis impudicitia, qui diutius stagnantes, putidam in mentem fetores inducunt, & per os teterrimam mephitim exhalant. vbi enim Deus non est, illuc inuolat Asmodæus; vbi castæ cogitationes locum deferunt, irrumpunt obscenæ: & hæc omnia, quia nullum rebus nostris finem præstitimus, qui extrema medijs copulet.

Intentio generalis.

147. Alij prouidentiores sunt, & generalem quendam finem rebus omnibus præscribunt. Is est, quem in baptismo constituimus; mundo nimirum ac omnibus pompis eius abrenuntiantes, cum proposito sequendi, parendique supremo ac vero rerum omnium Domino: quod quidem confirmauimus vsu rationis præditi. Alij arctius sese astringunt, dum per vinculum professionis religiosæ semel constituunt se totos Deo consecrare: cuius professionis virtute omnia ætatis sequentis degendæ opera finem & scopum accepisse, eoque informata esse, arbitrantur. Alij propositum renouant frequentius, vt annis singulis. Alij denique mane quotidie sese omniaque sua Deo offerunt, sed reliquo diei spatio in matutina destinatione planè conuiuiscunt. Hæc sanè laudanda sunt, nec suo carent emolumento spirituali: multa tamen fiunt in dici decursu, quæ ex vi illius oblationis non sic promanent, vt in illa concludi ac comprehendi tamquam in causâ censeantur.

Nihil hîc dico de actionibus supernaturalibus: illæ enim sua etiam honestate contentæ perficiuntur, etiam si finem caritatis non attingant; minùs tamen meritoria sunt, quàm si ab eius honestate informantur. actus verò naturales meritorij non sunt, nisi præcedens intentio causa sit productionis eorum: quod fit, si actu referantur in finem alicuius virtutis; vel certè antecedens relatio causa sit illius actionis. ita

*2. Sent. dist. 41.
a. 1. q. 3.
Intentio virtutibus qua fit.*

enim D. Bonauentura prudenter monet, non sufficere vt opus virtute referri dicatur in Deum, si quis ad initium anni, vel mensis, vel etiam dici, generali quadam intentione referat omnia sua futura opera in Deum; sed necesse esse vt illud ipsum opus particulare referatur in Deum, quod postea faciendum est. tunc enim dicuntur opera virtute in Deum referri, cum intentio præcedens est vera causa operum quæ postea

*

postea sunt: ut si quis apud se certò constituat aliquam nummorum »
 summam propter Deum pauperibus erogare; si postea summam illam »
 oblata occasione erogat, is dicetur virtute opus suum referre in Deum, »
 etiamsi, dum pecunias erogat, nihil de Deo cogitet. ita & de ceteris »
 operibus ex obiecto indifferentibus. »

At quàm multa agimus per dierum decursum, de quibus minimè
 cogitauimus; quæ si ad trutinam discuterentur, non modò non meri-
 toria, sed ne bona quidem, imò multis nãuis respersa censerentur! quæ
 tamen si in Deum actu referrentur, nouis vestita circumstantijs fru-
 ctum incomparabilem nobis párent, & consolationem inexplicabi-
 lem. interea sola illa generali intentione contentis natura, quæ in nos
 magnum habet imperium, frequenter illudit.

148. Hic etenim naturæ doli ac fraudes detegendæ sunt. *Trahit sua Intentio frangit*
quemque voluptas, & cuiusque complexio ad sua quæque oblectamenta dulcè natura.
 propendet. Fines suos abditos ac reconditos natura, altera Dalila, pel-
 lex, subdola, callida, subtilis, peracuta, sollers, ac malitiosa constituit;
 qui quia peccati speciem subinde minimè præ se ferunt, nec gratiæ om-
 nino repugnare videntur, in eos fertur pertinaciùs, tantumque tractus
 ille animi importunus valet apud nos gratia & persuadendi efficacia, ut
 non tantum abduci nos ipsi permittamus, sed etiam cæci in fœdos sco-
 pulos allidamur.

Et sanè pauci sunt, etiam inter sapientes, quos aliqua insanix por-
 tiuncula non aspergat; in qua tamen (quod mirum est) sapientiæ no-
 stræ summam interdum collocamus: quam dementiam etsi non videamus
 ipsi, imò eam, ut simia & vrsus informem catulum, complectamur;
 emicat tamen ad eò, ut non modò videri, sed & palpari possit, merito-
 que credi, vnicum Deum, & quos singulari priuilegio ipse donauerit,
 hac labe carere: suos enim quisque patitur manes. De hac culpa lo-
 quitur. Apostolus, cum hortatur nos *non plus sapere quàm oportet sapere, Rom. 12:*
sed sapere ad sobrietatem: de Philosophis verò, huius mundi sapientibus,
 sic loquitur aperte, ut ij non tantum aliquo insanix telo tacti videantur,
 sed etiam stultitiæ fulmine afflati. *Euanuerunt, inquit, in cogitationibus Rom. 1:*
illis, & obscuratum est insipiens cor eorum: dicentes enim se esse sapientes, stulti
facti sunt.

Remedium huic malo præsentissimum obedientia est: qua non tantum
 iussu facimus, sed & ea vera ac bona esse credimus, quæ alioquin
 aliter sese habere sentiremus. Qui Superiorem non habent, & liberum
 in rebus agendis ferunt iudicium, hac labe sæpe inficiuntur. Idcirco
 sua subinde suspecta habeant iudicia; nec à dignitate sua alienum pu-
 tent, si conscientiæ suæ arbitrum deligant inconfusibilem, qui sibi
 verè libereque veritatem denuntiet.

*Intentioni ad-
iuncta malitia
seu calliditas
affectata.*

Rom. 8.

*Calliditatis
ingenium apta
Ethopæia de-
scribitur.*

149. Huic deterrimæ plagæ sæpe sese adiungit alia perniciosior, quæ calliditas affectata nominari potest; aut (si velis) malitia, simplicitati Christianæ planè opposita. Cum enim ad varia natura propendeat, statuunt sibi nonnulli fines quos persequantur; nec desistunt, donec consequantur. Ad hæc artificijs neſtunt artificia; vias duplices & triplices sectantur occultè: & cum alioquin sat aperti sint, in hoc negotio secretissimi sunt, neminiq̃ue se manifestant: cumq̃ue ingenium, vires, gratia naturalis, & facultas, dicendiq̃ue copia suffragentur; sic disponunt omnia, vt paxillus sponte semper in foramen suum decidat. Si id quidem ad Dei gloriam, transeat: sed si Deus horum finis non est, sed cupiditas, vanitas, & libertas, calliditas est, & carnis sapientia, quæ deteriori nomine ab Apostolo *Dei inimica* appellatur. non enim Deum spectat, sed seipsam quærit natura, etiam vijs inordinatis ac distortis. Fraus & dolus interuenit non raro, deceptio aliorum ferè semper.

150. Accedit, quod nonnumquam aliud animo foueant, aliud labijs enuntient. Loquuntur vt spirituales; rogati de fine modijsq̃ue rerum agendarum, communem sensum sequuntur: si quis verò ex ijs quærat quid velint, quid statuam agere, quid magis optent; respondebunt vt putant velle eum qui interrogat. Etsi animo aliter sentiant, ne tamen à conscientia arguantur mendacij, concipiunt generatim euasione quandam, qua ad omnia sine mendacio, vt illis videtur, contraria menti loqui liceat. Rogati an aliquid iussi egerint, aiunt aut negant, seruato sensu aliquo vero: vt, si quis rogetur vtrum communicauerit; si communicasse velit qui interrogat, respondebit omnino se cõmunicasse, mente tamen intelliget spiritualiter. item, num cupiat solatium aliquod fouendo corpori ac sanitati conseruandæ necessarium; si quem scopum animo gerat, quem impediet huiusmodi indulgentia oblata, respondebit, Nequaquam: etsi mente aliter sentiat. subicit tamen aliquid, quod expressum responsionem veluti conformem reddit.

Quæ quidem ratio cum in palatinis, qui Principum ac Reipublicæ negotia regunt, dedecore non careat, & sæpe habeat iniustitiam, cum hac via munera dignitatesq̃ue extorquentur; tum in viris spiritualibus (ne quid dicam grauius) admodum est reprehendenda: fœdum est enim agere hypocritam, mendacijs scaterere, decipere amicos, animo duplicem esse, tollere leges amicitia humanæq̃ue societatis, fidei apertissimum bellum indicere, politicum esse, & ad instar labari fluitare, volui ac reuolui.

Ne fallantur hi: mendacium est hac ratione homines decipere; maximè parentes, & eos qui auctoritate in illos, siue seculari, siue spirituali, pollent. Artificia ista peccata sunt, mendacia, fraudes, & dolus non bonus. hæc eadem Principum curias eneruant, Respublicas cor-
rumpunt,

rumpunt, societates dissoluunt, ruinæ sunt omnis amicitia, Religio-
num pestes, vitæ spiritualis interitus: quæ etsi plurimis noceant, longè
tamen ampliùs fingenti quàm decepto præiudicant; & tamen de ijs il-
li, qui vtuntur, confiteri non solent. Cur ita? Quia vel persuadere sibi
nolunt se delinquere, vel non esse mortalia arbitrantur, vel certè no-
lunt resipiscere. Media quæ finibus his seruiunt persequendis, quia
plus peccati præ se ferunt, Sacerdoti ad aurem deteguntur, interdum
conscientia stimulante: numquam tamen dicent se artificijs vti, cuni-
culis serpere, vias simplicitati repugnantes sectari, obedientiam sup-
plātare, maiores suos decipere. Nihilominus sub hoc secreto velamine
per sæpe delitescit ambitio, aut alicuius muneris exercendi desiderium,
quo ad officium designatum tacitè tenditur; intercessores silentio in-
terponuntur, qui, aliud agentes, fortiter inducunt eos, quorum inter-
est providere. Si verò iisdem expectatione sua frustrentur, & ad aliud
officium destinentur, quàm quod votis præceperint, illud recusant ac
deprecantur multis, adferuntque causas non causas, conscendentes
pontem asinorum, è quo præcipientes demerguntur non ij qui decipiunt-
tur opinione veri, sed qui decipiunt. Latent & interdum sub eodem
pallio vindictæ cuniculi, qui ad dies annosque plures diducti, magno
inrusigne succenso enormiter erumpunt atque profiliunt. hinc euen-
tus varij, cædes, seditiones inopinatae, contra Rempublicam aut Prin-
cipes secreta consilia ac conspirationes; quæ, quia abditis terræ visce-
ribus conclusæ detegi non possunt, facilè optimum quemque op-
primunt incautum, incognito interea aut certè incerto sceleris au-
ctore.

151. Verùm ordinariè fit, vt, vbi maximè prudentes esse volunt, ibi
maximè imprudentes, aut etiam impudentes sint, & sapientes hi de-
mentissimè sua molimina deducant. Nec interea putant se videri, cum
confusione plenissimi esse deberent, qua, qui vident, suffunduntur.
Sed excæcat cor eorum malitia, vt clarè detecti & ipsi confundantur, &
in sua astutia capiantur. *Frustra enim iacitur rete ante oculos pennatorum. Prou. 1.*
Nihil opertum est, quod non reueletur; neque absconditum, quod non sciatur. Luc. 12.
Spiritualis iudicat omnia, & ipse à nemine iudicatur. Quid? etiam Angelos 1. Cor. 2.
nos iudicaturos Apostolus denuntiat, quanto magis secularia! Per sæpe 1. Cor. 6.
in laqueo, quem absconderunt, comprehenditur pes eorum. Psal. 9.

Quidquid sit de secularibus, turpe est Religiosum artificio consilia
sua tegere, Prælatos decipere, sapientes esse in oculis suis: sed dete-
stabile, ac ferè blasphemum, iisdem mentiri, eos supplantare, Spiritui
sancto obfistere. *Non mentiuntur homini, sed Deo. Initio Ecclesiæ, cum* *Ab. 5.*
vigebat Domini Spiritus, & sanguis Christi IESV feruebat in animis
fidelium, Apostoli huiusmodi ingenia ac infidelitatem non ferebant:
vnde

Ibidem.

vnde seueriffimè Petrus animaduertit in Ananiam & Saphiram; in eorumque fictionem ita detonuit, vt etiam fulminis telo eos confoderet. *Cur tentauit, ait, Satanas cor tuum, mentiri te Spiritui sancto? Quid vtiq; conuenit vobis tentare Spiritum Domini?*

Præua intentionis damna.

1.

2.

3.

*Iac. 1.**Iac. 4.**Eccli. 3.*

4.

5.

Quare inconsultè agunt, qui aliud quærunt quàm Deum: primum enim produnt se, quales sint; virtutemque suam minùs probantes, diffidentiam in animis Prælatorum suorum ingenerant. Deinde, qui se quærunt, sese inueniunt, non Deum; imò ipsum perdunt: perdunt & seipsos; & præter virtutis simulacrum, aliud assequuntur nihil. Huc facit illud D. Iacobi: *Vir duplex animo, inconstans est in omnibus vijs suis.* Modò enim insinuat se aliquid optare, quod postmodum debeat retractare. quare eosdem arguit idem Apostolus. *Purificate, inquit, corda, duplices animo.* Ecclesiasticus quoque improbat hanc agendi rationem. *Cor, inquit, ingrediens duas vias non habebit successus, & prauus corde in illis scandalizabitur,* id est, illaqueabitur & offendet: fit enim plerumque, vt, qui duos sectatur lepores, neutrum capiat; & dum per sepes & dumos eosdem temere persequitur, in spinas sentesque sese induit, & pedicas feris capiendis extensas incurrit, è quibus euolui atque extricari non potest; merces enim duplicis cordis ac prauis est, scandalizari, offendi, atque illaqueari. Denique impediunt Spiritus sancti directionem, cuius prouidentia eos per Superiores gubernat; sed dum eis sapientiores esse volumus, & comminisci nitimur rationes meliores, tandem in fine errorem nostrum decepti agnoscimus, magno sæpe nostro dolore, sed sapius maiore salutis ac PERFECTIIONIS nostræ detrimento.

*Laus simplicitatis.**Proverb. 19.**Cant. 7.**Ibidem.*

152. Præclara virtus est Christiana simplicitas, quæ rectè & sapienter graditur. Profectò, *qui ambulat simpliciter, ambulat confidenter;* id est, non vacillat, non titubat, rectissimè incedit. quod in Canticis laudat admodum Sponsus in Sponsa sua. *Statura, ait, tua assimilata est palmæ.* qua similitudine intentionis rectitudinem ac firmitudinem appositissimè designat, quæ constans & recta tendit in cælum; quod palmæ proprium est, quæ proceritate & rectitudine inter omnes arbores eminet. Sed quid vicissim Sponsa ad Sponsum? *Omnia, inquit, poma, noua & vetera, dilecte mi, seruaui tibi.* quasi dicat: Te vnum aspicio, tibi vni placere gestio; & quæcumque siue in me, siue extra me sunt, tibi offero; & mentis meæ oculos, ad terrena omnia clausos, in te semper defixos atque intentos habeo; operum meorum fructum vt à te oriri, sic & in te referri, ac pro te asseruari cupio; nihil sine te factura, reseruatura cuncta ad honorem delectationemque tuam.

En ergo secundum genus eorum, quibus in intentione aliquid desideratur; vel quia generales nimium sunt ac superficiales; vel quia multa

multa miscent occulta, quæ nec à Deo oriuntur, nec in Deum tendunt.

153. Qui verò palmæ velint assimilari, recteque & in sublime confurgere, opus est vt ad omnia rectam intentionem habeant; sic enim distinguit Augustinus iustorum & iniustorum studia: *Duo genera* (inquit) *hominum iustorum & iniquorum in hac terra, & in hac vita, commixta sunt.* *Intentio qua recta & speciosa dicitur.* *Serm. 2. in Psal. 36. in princip. tomo 2.* *Habent singula ista genera proprias intentiones cordis sui. Genus iustorum conatur in sublimia per humilitatem; genus iniquorum praponderat ad inferiora per elationem: hoc enim se deprimat, vt surgat; illud se extollit, vt cadat.* Hæc ille.

Hoc ergo PERFECTIIONIS studio curandum omnino est, vt nihil vmq̃ in primis praua intentione faciat. Prava autem aut sinistra intentione aliquid agunt, qui vel aliud quærunt quàm Deum, vel quod ad Deum non deducat: vt qui finem aliquem aut vitiosum, aut vanum, aut seipsum quærit, & in seipso quiescit; in quo quietem non est quod expectet, *quia fecisti nos, Domine, ad te*, ait Augustinus, *& inquietum est cor nostrum, donec requiescat in te.* Hinc monemur frequenter quærere Dominum in toto corde nostro; inueniri Deum ab his qui quærunt eum. *Lib. 1. Conf. cap. 1.*

Quærite Dominum, ait Vates Regius, *& confirmamini; quærite faciem eius semper.* *Psal. 104. a Ibidem. b Psal. 68.* *Latetur cor quærentium Dominum. Quærite Deum, & viuet anima vestra.* Sed satis esse non videtur, semel, iterum, aut tertio in die eius

esse memorem: cum enim perpetuo memor sit nostri; non dormit, non dormitat, non edit; non sic occupatur, vt à nobis auertat amicos ocularum; bonum nostrum indefinenter quærit, infinito amore nos diligit; quid magnum reputamus, si in omnibus eum quæramus? Numquam sinistre minusque sincere aliquid agamus: imò actu nouo ante singula opera ipsi placere optemus; siue cum singula agere incipimus, quod longè vtilissimum est; siue dum de rebus agendis disponentes, eandem Domino commendamus. *Deum de nobis perpetuo cogitare.*

154. Fructus huius exercitij eximius est: primùm enim, vt modò diximus, vitia quamplurima, quæ admitteremus, effugimus; & vanitatem deinde, quæ omnibus pæne in rebus sese insinuat, hoc vnice Deo placendi desiderio propellimus. *Intentionis particularis fructus.* *c 1. d 2. 3.*

Discimus quoque homines agere, & lumini rationis operationes nostras conformare; quæ alioquin belluarum instar, quas natura ad partum pronas effinxit, à sola phantasie vel affectionis alicuius impulsu elicerentur. *4.*

Accedit, modum hunc operandi omni hominum generi esse admodum bonæ ædificationi: emicat enim decorum & nescio quid venustatis in exteriori homine; quam qui viderint, rapi se sentiant, exteriorumque hanc morum conformationem & mirari, & sæpe ad seipsos reuocari;

1. Pet. 2.

uocari; imò conuerti nonnumquam impios, Deumque laudare. Id in-
 sinuat D. Petrus, dum hortatur fideles: *Conuersationem (inquit) vestram*
inter gentes habentes bonam; ut in eo quod detrectant de vobis tamquam de
malefactoribus, ex bonis operibus vos considerantes, glorificent Deum in die vi-
sitationis.

5.

Addo, omnium verborum actionumque inanium reddendam esse
 rationem in die iudicij; quibus sanè scatebimus, si habenas laxemus
 agendi libertati, nihilque adhibeamus quod fluxam illam vagamque
 naturæ licentiam contineat.

6.

Denique iactura lucris spiritualis, quod ex singulis operibus licet co-
 aceruare in immensum, si modò nonnullam adhibeamus diligentiam,
 maior est quàm putemus; eamque facile detegemus, si, quæ capite vl-
 timo superioris libri discussimus, attentè consideremus. Et quamuis
 virtualis intentio sufficiat, renouatio tamen actum nouum producit,
 qui præcedenti auctior & nobilior est. Sic Sponsa poma noua & vetera
 Sponso suo seruat. Sed de his plura inferius.

CAPVT XXVII.

Industria secunda: prauos habitus duplici ratione
destrui, Virtutes multiplicatis actibus augeri.

Habitus ex
actibus enasci
atque augeri.

155. **T**RADVNT Philosophi, longo vsu ac consuetudine prauos
 habitus in hominum animis enasci, sensimque repetitis acti-
 bus roborari; quos, vbi radices altiores egerint, difficile sit
 euellere atque eruere. quod de virtutibus acquisitis etiam statuunt:
 disponi namque principio potentias agendo, ac paulatim habitum
 gigni; qui multo vsu ac frequentatione confirmatus, potentiam ip-
 sam ac facultatem iuuat ad virtutis illius actus facilius perfectiusque
 eliciendos. Ex quo sequitur, eos deteriores esse, & ad malum procli-
 uiores, qui diutius in aliquo scelere inhæserunt, gradus addentes gradi-
 bus, quàm qui remotioribus tantum dispositionibus vitio alicui obli-
 gati sunt. Quare, vt hortatur D. Augustinus, quando nascitur cupidi-
 tas, antequam robur faciat aduersum te mala consuetudo, elide illam:
 sed si times ne elisa non moriatur, ad petram elide; *petra autem erat*
Christus.

Impotentia
consuetudinis.

Lib. 6. Musica,
cap. 7. tomo 1.

2. Cor. 10.

Ceterum consuetudo aut habitus formatus, eodem auctore, quasi
 secunda & affabricata natura dicitur. Lupus pilum mutat, non men-
 tem: nec vnquam efficies vt recti ingrediantur cancri: denique, vbi
 vitium

vitium inoleuit, instar naturæ contra rationis motus contumaciter obstitit. quod D. Gregorius eleganter depingit. *Vitata culpa*, ait, obli- *Hom. 31. in*
gat mentem, ut nequaquam surgere possit ad rectitudinem. Conatur, & labi- *Euangel. post*
tur; quia ubi sponte diu perstitit, ibi & cum noluerit coacta cadit. Hanc de- *medium.*
pressionem obligationemque vitiorum in Manasse captiuo Rege vi-
dere est: qui exire cupiens e carcere, ac faciem in cælum tollere, non
poterat, catenis constrictus. *Incuruatus sum*, inquit, *multo vinculo ferreo*, *In oratione*
& non est respiratio mihi. Hoc facit peccati seruitus; incuruat hominem *Manasse.*
in terram, ne cælum aspiciat; comprimit vinculis: nam affectiones ipsæ
internæ magna vincula sunt; compressio verò tanta est, ut ne spiratio-
nes quidem diuinas inclusus scetor admittat.

Audiamus vinctum aliquem, qui in se expertus malum, illud ipsum
depingat, & nobis ad viuum exprimat. *Ligatus eram*, inquit Augusti- *Lib. 8. Confes.*
nus, *non ferro alieno, sed mea ferrea voluntate. Velle meum tenebat inimicus;* *cap. 5.*
& inde mihi catenam fecerat, & constrinxerat me. quippe ex voluntate per-
uersa facta est libido; & dum seruitur libidini, facta est consuetudo; & dum
consuetudini non resistitur, facta est necessitas: quibus, quasi anulis quibusdam
sibi innoxis, (unde catenam appellauimus) tenebat me obstrictum dura seruitus.
Voluntas autem noua, quæ mihi esse cæperat, ut te gratis colerem, fruiq; te vel-
lem, Deus, sola certa incunditas, non erat idonea ad superandam priorem vetu-
state corroboratam. Ita due voluntates meæ, una vetus, alia noua; illa carnalis,
hæc spiritalis; conflagabant inter se, atque discordando dissipabant animam
meam. & infra: Sed tamen consuetudo aduersus me pugnacior ex me facta erat:
quoniam volens, quod nollem, peruenieram. Hæc Augustinus: ex quo ap-
paret, quanta difficultas sit, prauos habitus, ubi inualuerint, extirpare
radicitus.

156. Horum fontes tres potissimum reperio; quos cum exhauseri- *Praurum ha-*
mus, de PERFECTIOE aliquid sperare poterimus: sed hoc opus, *bituum tres ra-*
hic labor est. Primus à natura ipsa ducitur, & vocatur concupiscen- *dices seu fontes,*
tia: quam nemo mortalium sine priuilegio singulari potest euadere. *I.*
Nobiscum eam nasci, nobiscum concipi, testatur Regius Propheta; qui *Concupiscen-*
de ea conquerens, Ecce enim, ait, *in iniquitatibus conceptus sum, & in pec-* *11a.*
catibus concepit me mater mea. & D. Paulus, Video, ait, *aliam legem in membris* *Psal. 50.*
meis, repugnantem legi mentis meæ, & captiuantem me in lege peccati. *Rom. 7.*
Reatus quidem ac vita peccati illius per baptismum tollitur; affectus tamen
permolestus remanet, ad pugnam & exercitium.

Hæc verò concupiscentia non vnius vitij habitus est, sed omnium
vitiiorum radix, fomentum, ac seges. hinc superbia omnibus innata:
hinc pullulat libido, & abdominis cura; hinc pecuniæ cupiditas; hinc
odij fraterni ac inuidentiæ acerbitas, cæcitatibus atque ignorantibus origo;
amor rerum omnium quæ sensibus externis seruiunt, alienatio rerum

æternarum, Dei denique ac salutis obliuio. Quare, etsi per consuetudinem ac usum tyrannis nulla noua accesserit, concupiscentia ex se rudens ille est, de quo antè diximus, ac corpus condensatum peccatorum omnium; arbor vitorum, ramos longè lateque effundens: sicut enim caritas ramos virtutum omnium producit; ita & concupiscentia peccatorum omnium habitus, radices, ac fibras innumeras continet, ex quibus brachia & membra prolixè sparguntur, & genera & species maiorum infinitas effundit nobis, quæ ad agonem iusto Dei iudicio relinquuntur. Heu quis lernam hanc delere valeat; cui si caput vnum abstuleris, centum alia pullulabunt? Idcirco exclamat Paulus: *Infelix ego homo, quis me liberabit de corpore mortis huius?*

Rom. 7.

Radix 2.
Complexio praua iuncta concupiscentia nocet plurimum.

157. Illud quidem est verum, gratiam Domini nostri IESU Christi magno præsidio esse ad concupiscentiæ tyrannidem subiugandam; sed quid, si naturalis præterea complexio aduersetur? hæc enim ad virtutem apta, multum detrahit de pertinacia ac impotentia concupiscentiæ. Verùm secreto Dei iudicio, etsi iusto, nonnulli condicionem concupiscentiæ deteriore sentiunt; quòd illa à complexione deterima, & à virtute abhorrente, vitorumque seminibus scatente, & nonnumquam ex omni quasi prauorum habituum colluue conflata, iueatur & accendatur. Multi namque tyrannidem ac carnificinam experiuntur admodum infestam, eamque continuam; qua ad vindictam excitantur, qua ad obscenas voluptates, qua ad blasphemos conceptus, ad veritatis odium, virtutum fugam; vt bestiarum instar, omnium diuinarum humanarumque legum obliti, in scelerum sentinam dent sese præcipites. Immanes bestię hæc sunt concupiscentia, & complexio tetra, & in peccatum procliuis. Neminem tamen clementissimum Dominum perdere velle, prolixè ostendimus altero libro, in quo de hoc argumento egimus latissimè.

Radix 3.
Consuetudo.

Zach. 5.

158. Quid si hisce duabus caudis titionum infernalium fumigantium accedat consuetudinis vis ac improbitas, fons tertius prauorum habituum? quis modus tam horrida & immania monstra superandi? difficile sanè est. Zacharias Propheta talento plumbi peccatum comparat, propter grauitatem. Quòd si longo tempore peccatis quis assuevit, quot talentis plumbi se oneravit! quomodo assurgat? qua ratione ad cælos euolabit? alæ gratiæ non modò decurtatæ, sed penitus euulsæ sunt. Sed esto, adlit gratia quam communiter omnibus attribuit Dominus; quomodo concupiscentiæ, naturæ corruptæ, consuetudinis pondere oppressus exurget? quare D. Gregorius: *Quadam (ait) quasi conclusionis angustia est, ab opprimente mala consuetudine exurgere velle, nec posse; iam quidem desiderio ad superna tendere, sed adhuc actu in infimis remanere; prauis corde, nec tamen sequi opere, atque contradictorem perpeti semetipsum.*

Lib. 26. Moral.
cap. 37.

metipsum. Hæc Gregorius. Hæc eadem cum gemitu D. Augustinus commemorat. *Rapiebar, inquit, ad te decore tuo; moxq; diripiebar abs te* Lib. 7. Conf. *pondere meo, & ruebam in ista cum gemitu: & pondus hoc consuetudo carnalis.* cap. 17.

Hæc vulnera omnia sanat Christi Domini nostri IESV gratia: illa nos liberat à corpore mortis huius, datque animos & vires ad exonerandam in primis sarcinam vinculorum, grauium ferro & plumbo, per exomologesim: dat & constantiâ ac fortitudinem sustinendi agonem; nec suis athletis deest, vt viriliter pugnent, hostesque & externos & internos profligent atque exterminent.

Nemo tamen fallatur: non abeunt tales hospites, nisi truantur, vt geant virtutes ingressum; ideo opus est vt quis altè clamet, & dicat, *Veteres migrate coloni.* nihilominus obsurdescunt, & pertinacius resistunt: tantum iuris obtestantur se habere, vt extrudi possessione tot annorum non debeant; non diutius vixisse hominem, quàm cum eodem vixerint; denique, ni pellantur vi, se non egressuros; *meliolem esse possidentis condicionem.*

159. Duplici verò ratione prauus habitus propelluntur: altera, cessatione ab opere; altera, actibus contrarijs. Examen particulare, quod priori loco exposuimus, modum habebat abstinendi à lapsu: disuetudo namque habitum sensim tollit, qui vsu & exercitatione alioquin nascitur & conseruatur. hinc qui instrumenta musica pulsare didicerunt, si longiori tempore intermittant, facilitatem amittunt; imò & artem ipsam planè dediscunt. Sic qui linguas, quas aliquando nouerunt, numquam vtuntur, earum copiam vsuque disuetudine amittunt. Idem vsu venit ijs, qui peccatis confessione deletis sic abstinere, vt deinceps non relabantur: fit enim vt initio oderint, ab ijs postmodum grauius alienentur, denique eorum acriores impetus iam quasi victores non ferant, imò tandem vix sentiant.

Attamen longum opus illud est; præsertim in vitijs illis, ad quæ cuiusque natura pronior est. Dum examen contra huiusmodi instituitur, & quodammodo virgam vigilantem sensualitas verberque eleuat, tum ad flagellandum exhorret, timet, subticet, molestias non facessit: at vbi contra aliquem ex his affectibus studium persequendi intermitimus, ad alium intenti; ni vigilemus assidue, redit asinus ad ingenium: & velut ramus arboris depressus, quàm diu cum deprimis, inclinatur; at si manum amoueas, ad locum superiorem illico resilit, illicque eodem statu, quo prodiit, remanet; tales & nos sumus: mane proponimus, & quasi violenter affectionum nostrarum ramos rigidiores deprimimus; vbi memoriam contentionis huius relaxamus, naturali quodam cursu ad priorem statum reuertimur imprudentes, miramurque

LII 3

vesperi

Duplici modo
prauos habitus
propelli.

Modus 1.

Cessatione ac
disuetudine
habitus minui.

1.

2.

3.

Simile appo-
situm.

vesperi nos eosdem esse qui mane fueramus. Similiter ad tempus in-
natum aliquem inuehimur; quem ubi quasi victores, ad alium tran-
euntes, intermittimus, eum, quem mortuum putabamus, adhuc viue-
re experimur.

*Modus 2.
Cant. 2.*

*adhibus con-
trarijs destrui
prauos habi-
tus.*

Simila.

160. Alius ergo modus adhibendus rigidior; securis ad radicem de-
figenda, *tempus putationis aduenit*; venenatis dentibus horum serpen-
tium insidiantium minimè indulgendum. At quæ ratio illa? Eodem
nempe modo, quo prauus habitus excitantur, etiam destruantur: actibus
nempe contrarijs contrariæ affectiones conuellantur. Clauus clauo
truditur, sed pulsū & concussionē opus; non vna tantum, sed tam diu
tundendum, donec profiliat. Herbae aut arbores, quæ radices egerunt,
quantumcumque eas quotidie tondeas ac præcidas, ni radicitus euel-
lantur, non moriuntur: sed opus est ferro, quod ipsis radicibus subij-
ciatur. Parcendum ergo nullo modo est, quia hostes non habet homo
peruicaciores.

*Allegoria
Sisara.
Iudicum 4.*

Cum filij Israel addidissent facere malum in conspectu Domini, &
afflicti oppressique fuissent annis viginti à Iabin Rege Chanaan, cla-
mauerunt ad Dominum. Debbora Prophetis Barac ducem constituit
contra Iabin Regem Chanaan. Dei ergo exercitui castra metanti in
monte Thabor, occurrit Sisara Princeps exercitus Regis Chanaan,
habens præterea secum ingentes currus falcatos. Terruit Dominus
Sisaram, & exercitus eius, cecideruntque in ore gladij. Fugientem
verò Sisaram Iahel, vxor Haber, obuia excepit, domumque induxit, re-
focillatumque haustu lactis operuit. Cum autem securus dormiret,
tulit Iahel, vxor Haber, clauum tabernaculi, assumens pariter & malleum; &
ingressa absconditè & cum silentio posuit supra tempus capitis eius clauum, per-
cussamq; malleo defixit in cerebrum usque ad terram: qui soporem morti con-
socians defecit, & mortuus est. Humiliavit ergo Deus in die illo Iabin Regem
Chanaan coram filiis Israel: qui crescebant quotidie, & forti manu opprime-
bant Iabin Regem Chanaan, donec deleurent eum.

Hac præclara figura interni hominis status viuis coloribus depingi-
tur: cum enim malum facimus in conspectu Dei, eiusque legem & ami-
citiā deserimus, alieni nobis imperat: & ij quidem non tantum regna,
ciuitates, & domos, sed etiam abditissimum animi nostri domicilium
inuadunt; nominatim concupiscentia, cum vitiorum omnium cohortē:
cui præest dux Sisara, id est, videns hirundinem; quo designatur
primum peccatum ceteris in nobis prædominans, cuius aspectus non
in Deum, sed in hirundines, opiniones, inquam, dictaque hominum,
instar hirundinum loquacium, fertur. Heu! quotannis sæpe hic infen-
sus hostis nos opprimit. Clamat Dominus quotidie alta voce ad au-
res nostras: *Quadraginta annis proximus fui generationi huic, & dixi, Sem-*
per

Isa. 54.

per hi errant corde: ipsi verò non cognouerunt vias meas; quibus iuravi in ira mea, si introibunt in requiem meam. Auerfis igitur à Deo, nihil, præter oppressionem huius Sisaræ, expectandum est: at ubi ad Deum ex animo conuersi gratiam obtinuerimus, simul excitabit Dominus Debboram, quæ apem significat. ^a Hæc est voluntas Spiritu Dei roborata, studiofamellis colligendi ac fauos quasi virtutum, stillantesque loculos inter-norum habituum conficiendi: quæ ex viribus, facultatibus, virtutibusque exercitum conscribit; & ^b Barac, (quod fulgur significat) caritatis, inquam, ardorem in reconciliatione, tamquam defensorem acceptum, copiarum spiritualium ducem fulminantem constituit: locum verò deligit montem ^c Thabor, qui puritatē significat; ex quo tam amœno opportunoque ad irruptionem faciendam loco, duce ardentem in peccatorum exercitum impetum faciente, Dominus timorem injicit aduersarijs, ne caritatis fulmen sustinere valeant, sed cadant superbi; avari liberalitatem induant; vanitatisque ornamenta in Ecclesiarum cultum transeant; sobrij sint, qui temulenti; casti ac verecundi, qui aliàs impudentes atque obsceni habebantur.

161. Sed quid? victoria non omnino plena censenda est, quàm diu Principes militiæ superfunt, qui sparfos fusosque colligant, & exercitum redintegrent. Quis ergo nobis Sisaram interficiet, vt belli reliquias deleat? Iahel (quod interpretamur, destruens) ille est zelus Domini, quam primam conditionem Negotiationis posuimus, qui Sisaræ capiti clauum defigat. Certè similis ei non est: Zelus Domini Sabaoth faciet hæc. In quo genere sui sæpe fecit periculum. Iudæum cum Moabitide impiè fornicantem interfecit: *stetit enim Phinees, & placuit, & Psal. 105. reputatum est ei in iustitiam in generationem & generationē, usque in sempiternum.* Idem inflammauit Mathathiam, vt in ciuitate Modin super altari sacrilego immolantem Israëlitem occideret. Scriptum est: *Zelus domus tue comedit me.* De Christo hoc prædictum fuerat: hic ergo ex-

egit ac fugauit negotiatores è templo Salomonis. Sed ad nos redeamus. Delendæ ex animis nostris reliquiæ Moabitidis: quis id faciet: trucidandi scelerati cultores Deorum, quos mente gerimus: quis ad hoc idoneus? fugandi ac propellendi falsi negotiatores, quibus cum carne & mundo negotium: quis id exequetur? Zelus Domini exercituum. Iahel faciet hæc. Sed illi opus malleo. Merito pœnitentiæ virtutem malleum appellarim. Malleo contunduntur ac macantur boues, petræ scinduntur ac cauantur; denique malleo clauus intruditur. Hoc facit pœnitentia: sternit enim vno ictu ferocissimos tauros, immania crimina delet; illo corda duriora saxis franguntur, cauantur consuetudinum prauorumque habituum rupes, virtutes suis sedibus postliminio restituantur atque infiguntur. Ideo Christus dicit

Virtutes quæ concurrunt ad destructionem prauorum habituum.

^a 1.

Voluntas gratia Dei roborata.

^b 2.

Ardor caritatis.

^c 3.

Puritas cordis.

⁴.

Zelus honoris diuini.

Psal. 105.

1. Mach. 2.

Psal. 68.

Ioan. 2.

⁵.

Pœnitentia malleo comparatur.

Matth. 11.
Luc. 14.

dicit regnum cælorum vim pati, & compellendos homines intrare in conuiuij triclinium. Et quamuis malleus clauum inducat, multa que tundendo alio instrumento conficiat; malleo tamen solo lapides etiam poliuntur ac penetrantur. pœnitentia enim per se expellit internos obices; & clauo alterius virtutis vtitur, vt fortiùs feriat: ieiunat enim pœnitens, orat, Sacramenta frequentat, largitur pauperibus, vt illarum Dei iniuriarum satisfaciatur. eius quoque vi ceterarum virtutes vtuntur, vt hostem suum expellant: læsa namque caritas ad pœnitentiarum remedium confugit; malleum accipit, tundit pectus, internum ciet dolorem, à se exigit pœnas, vt amico reconcilietur. adeo pœnitentia communis virtutibus omnibus ad vitium prauumque affectum deturbandum opportunusque malleus est.

6.
Virtutis actus
oppositum vi-
tium destruit.

162. Superest clauus Iahelis nostrarum, qui in caput Sisaræ defigitur. Est ipse virtutis actus vitium contrarium oppugnans: vt exercitio liberalitatis auaritia, sobrietatis gastrimargia, ira patientiâ, sedulitatis contumelione ignauia debilitatur. Quod si virtutes singulæ ad eruendum prauum habitum adhibeant simul pœnitentiarum vim; cuius est detestari actus præteritos, quibus praua illa affectio prauè defixa est; eo melius. Vult quispiam è mente fastum profligare, animo demisso id à Deo postulat, detestatur simul atque execratur internam illam perniciem, tamquam Domini Dei iuratum hostem, & suum; percutit pectus, corpus flagellat. Potentissima sanè hæc ratio est habitum vitiosum conuellendi: fiat hoc seriò, constanter, ac frequenter, & facillè loco cedit superbia, ceteraque vitia. Imitemur Iahelem, vt percutiamus in tempore; penetremus cerebrum, defigamus vsque in terram. Actibus maximè internis pulsandum est. Tectus est Sisara, ac coopertus. Mala nostra ab interno homine prodeunt; viscera ipsa rimari petique necesse est, & ad terram vsque clauus ipse figendus: ex multis enim internis actibus sensim ipsa pars inferior afficitur, & quasi habitu seu affectione imbuitur, vt in virtutis sensum etiam cum voluptate conspiret ac propendeat; quod facit vsus ac consuetudo. Quo enim semel est imbuta recens seruabit odorem Testa diu: & ramus inflexus, si diu erigatur, statum rectum retinet: animalia denique homines in gestibus quibusdam imitari, & quasi industriam discunt æmulari. sic & pars hominis inferior clauis hisce sæpius confixa, & quasi nouo odore imbuta, conceptum seruat odorem, erecta stat, & superiorem denique hominis partem æmulatur; vsque adeo, vt plus subinde voluptatis experiatur perpetuando dolores in virtutum exercitatione, quam antè iucunditatis hauserat commodis vitiorum perfruendo. Quis credat iuuenulas subinde cineres vel carbones habere in delicijs, ijsque vti tamquam gulæ irritamentis? ita fit, dum in Deum mens tota defigitur: pulso nempe mundi

ac

ac carnis affectu, cineribus & pœnitentijs delectatur. Ita sanctus Rex:
Quia (inquit) cinerem tamquam panem manducabam, & potum meum cum Psal. 101.
fletu miscebam.

163. His igitur exercitationibus humiliat Dominus Deus Iabin Regem Chanaan, vniuersam, inquam, concupiscentiæ phalangem, veteremque hominem, coram Israël, seu homine spirituali; crescitque quotidie; & forti manu opprimit eundem Iabin, qui cum deprimebat, donec deleat eum. Certum enim est, efficaciorē modum non esse opprimendi omnes affectus inordinatos, è natura & complexione ortos; fomitē quoque ac concupiscentiam pro condicione status viatorum eneruandi; quàm continua hac concussione, mortificatione, actibus repetitis fortiter & constanter impactis. Sic hostis eiusque regnum æquantur solo, belli delentur reliquiæ, victrixque animus de hostibus gloriose triumphat. Magna hæc industria est, si tamen par ei respondeat diligentia: quibus verò actibus vtilius fieri contingat, internisne an externis, nondum dictum est.

CAPVT XXVIII.

Industria tertia: actus internos ad Negotiationem spirituales promouendam externis prestare; hos tamen internis subinde plurimum vsui ac subsidio esse.

164. **I**NDVSTRIA tertia magni momenti est, planeque necessaria, si spirituales velimus euadere: suadet enim nobis vt internè persæpe versemur, ibi domicilium menti condamus, tamquam officinam quandam instructissimam, in qua omnia opera nostra elaboremus. Illic conscientia nostra, illic mens, illic voluntas & memoria, passionēque naturales singulæ, multa continent & bona & mala: vitiorum sedes illic est, & virtutum: vitia quamplurima fortasse, virtutes aut nullas, aut admodum remissas, inueniemus. quod si verum est, quantum operis & occupationis nobis est in eruendis ac euellendis tot peccatorum ruderibus, tot vitiorum fibris! at non minus operæ pretium erit, virtutes comparare, illas inuere, ac locis suis, quæ vitia occupant, reponere.

Hanc officinam describit eleganter D. Gregorius in illa verba Iob, *Iob 3.*
Qui adificauit sibi solitudines. Sancti viri, ait, qui nihil huius mundi appetunt, *Lib. 4. Moral. c. 34. in initio.*

Mmm

Psal. 26.

Simile.

Paterna Colu-
bras prae-
stantissima.
Luc. 17.
Psal. 44.
Apoc. 4.
Ezech. 1.

Ephef. 3.

2. Cor. 4.

tunt, nullis proculdubio in corde tumultibus premuntur: omnes quippe inordinatos desideriorum motus à cubili cordis manu sanctae considerationis eijciunt; & quia transitoria cuncta despiciunt, ex his nascentes cogitationum insolentias non patiuntur: solam namque eternam patriam appetunt; & quia nulla huius mundi diligunt, magna mentis tranquillitate perficiuntur. unde & recte dicitur, Qui aedificant sibi solitudines. Solitudines quippe aedificare, est à secreto cordis desideriorum terrenorum tumultus expellere, & una intentione eterna patria in amorem intime quietis anhelare. An non cunctos à se cogitationum tumultus expulserat, qui dicebat: Vnam petij à Domino, hanc requiram; ut inhabitem in domo Domini omnibus diebus vita mea? à frequentia quippe terrenorum desideriorum fugerat, & ad magnam videlicet solitudinem semetipsum contulerat; ubi eo tutius nihil extraneum conspiceret, quo incompetens: nihil amaret. A tumultu rerum corporalium magnum quandam secessum petierat, quietam mentem; in qua tanto purius Deum cernebat, quanto hunc cum se solo solum cernebat. Hæc Gregorius: ubi excellentem officinam bonorum operum, quietisque incredibilis, aedificat; suadens eius inhabitationem, si pacem habere, si mentem cultam & ornatam, si hostes iuratos expulsos, si virtutes acquirere, si Deum hospitem habere velimus. Nec tantum pax illa præfens est, quando tumultus illi ac motus rebelles absunt, planeque oppressi sunt; sed & expulsio ipsa hostium sua voluptate ac quiete non caret. ut enim victor incredibili voluptate afficitur persequendo fugientem hostem, spolia detrahendo, extrema denique belli delendo; sic & qui victoriæ nonnullam partem in se obtinuit, dum fortunam persequitur, non modò lætandi ansum nactus est, sed & summa voluptate ac gaudio perfruitur. Q. Bernardus, adepta prima illa de se victoria, memor consolationum quas pœnitentiæ tempore expectans fuerat, præteritos pœnitentiæ transactæ dies recogitans, eisdem rursus optabat; existimans nullam voluptatem cum ea, quam in pugna illa cum vitijs experimur, esse comparandam.

165. Sed ideo vera solidaque voluptas illa est, quia in proprio domicilio percipitur, ubi voluptatis omnis regnat auctor. Hic nos commorari convenit: ecce enim regnum Dei intra vos est, dicit Dominus, non extra; & omnis gloria filiae Regis ab intus. Animalia quatuor, de quibus Ioannes in Apocalypsi, (qui sunt quatuor Euangelistæ) intus pleni erant oculis: quibus plena cognitio scientiaque rerum diutarum, prudentia agendarum ac prospiciendarum, designatur. Eosdem oculos, & multo maiora, nobis optat D. Paulus in interiori homine. Vider, inquit, vobis, secundum diuitias gloriæ suæ, virtute corroborari per Spiritum eius, in interiori hominem, Christum habitare per fidem in cordibus vestris, in caritate. Vult ergo sanctus Apostolus nos corroborari interiùs: quia is, qui foris est, noster homo facile corrumpitur; is autem, ait, qui intus est, renouatur de die

die in diem; quod fit, dum sanctis operationibus interiùs virtutes auge-
mus, pellimus socordiam, &, quidquid per calorem noxium tentatio-
num feruoris spiritualis detrahitur, reparamus.

166. Ex quibus colligo, nobiliorem internum quàm externum esse *Hominem in-
ternum exter-
no praeferre.*
hominem: externus enim vnicum corpus regit, internus totum homi-
nem moderatur: internus natura constat & gratia, externus natura
terminatur: externi facultates corporeae sunt maxime, interni planè
spirituales & diuinæ. Quantum ergo animus præstat corpori, tantum
& facultates animæ corporeis facultatibus antecellunt. Quòd si rerum
nobilitatem ex ipsarum ortu metimur, nobiliores quoque erunt animæ
functiones functionibus corporis: quòd illæ à nobilissima anima pro-
ducantur; hæc verò à potentijs oriantur corporeis, quæ faciliè & corrup-
puntur & falluntur. & quamuis ab humo homo appelletur, à mente
tamen & actionibus cælestibus, potiùs quàm à corpore terrenisque af-
fectibus, hominis nomen meretur: non enim quia edit, ambulat, mo-
uetur, (quod brutis quoque commune est) hominem esse decernimus;
sed quia intelligit, bonum honestum appetit, æterna desiderat, discut-
rit mente & cogitatione, atque in ijs rebus, quas beatæ mentes perpe-
tuò versant, conquiescit.

167. Operationum enim hominis aliæ ^a à solo homine externo seu *Varia hominis
operationes.*
vita animali prodeunt; quales sunt nutritio, somnus, sensuum vsus,
ambulatio, quæ à mente non pendent: aliæ ^b sunt omnino internæ; quæ
etsi phantasmatibus à rerum corporalium speciebus acceptis formen-
tur, nullo tamen corporis sensu perficiuntur; vt est intellectio cogita-
tio rerum futurarum, aut præteritarum memoria. Quædam miscen-
tur vtriusque partis officijs; vt dum sensatè loquimur, dum scribimus,
artificioseque pingimus. Hæc autem omnia naturæ vires non superant.
Supernaturalia quædam, cum gratiæ diuinæ auxilio, subinde opera-
mur: quæ cum corporeis functionibus efficiuntur, externa vocantur; *Supernatura-
les.*
interna verò, cum exteriùs non prodeunt. Illud etiam verum est; quæ
exteriùs fiunt, si ab animo volente ac prudente non proficiscuntur, *Planè natura-
les.*
non tam humana quàm naturalia, aut animalis vitæ munia, esse cen-
senda: vt si amens eloquatur, rideat infantulus, dormiens scalas con-
scendat; quòd libertas absit, bonitatis nihil in ijs esse potest. Sæpe fit
etiam vt in homine prudente actiones à sola phantasia profluant: & li-
cet videre possit is quid dicat, quid agat; id tamen non considerat, ha-
benis nempe ad agendum imaginationi suæ remissis. Familiaria hæc
sunt quamplurimis, qui, cum graue ac laboriosum autument sibi sem-
per esse præsentis, remittunt interdum animos, & vix vllum superioris
animæ conatum adhibent.

168. Exploratum verò est, actionem bonam nullam esse posse, quæ à *Actio externa
ab interna de-
ratione pender.*

M m m 2

ratione non oriatur: ea est enim libertatis fundamentum; sine qua moraliter bonum nihil possit aestimari. Interna actio, ut constat, nullo exteriori sensu aut facultate indiget, sed per se totam suam PERFECTI ONEM assequitur: non ita externa, quæ quo plura à ratione internisquæ præfidijs mutuatur, eo in suo genere perfectior est. unde quo maior libertas, intensior animi conatus, amplior gratia, lumen maius, finis melior, eo etiam actio externa præstantior est.

Omnis bonitas
actus exterioris
desumitur à
bonitate interna
voluntatis.

a 1.

b 2.

c. Simile.

3.

Epist. 77. post
medium.

Lib. de lege spi-
rit. c. 184. tomo
5. Biblioth. Pa-
trum.

d. 1. fol. 19.
e. Lib. 1. de libe-
ro arbit. cap. 3.

Lib. de confus.
linguarum.

Iuvenalis Sa-
tyr. 13.

Quare malè sibi consulunt, qui, toti diffusi ad externa, ab interno homine parum admodum accipiunt. si quod illud sit fortè, naturam non excedit: opus igitur erit naturale; & si bonum est, bonitatem sortietur naturalem, non aliam; quia tota bonitas exterioris operis à bonitate voluntatis depèdet: ^a id enim solum laude dignum est, atque eatenus commendationem meretur, quatenus à bona, recta, & honesta voluntate proficiscitur; ^b ipsa namque est forma veluti actionis, quodque in se, dum actum enititur, continet, actui suo tamquam proli communicat; & sicut filius matris naturam speciemque sortitur, sic & actus exterior naturam speciemque agentis voluntatis, interni que actus, à quo exterior promanat, induit: à se verò exterior nullam formalem bonitatem habet, quæ virtutis nomen mereatur, sed eam omnino ab interno desumit; & ex ea parte, siue actus externus adiungatur, siue non, nulla bonitatis præterea fiet accessio. unde sancti Patres tantum meriti bonæ voluntati tribuunt, quando aliud non licet, quantum si opus exterius præstaretur. hinc D. Bernardus: *Quid (inquit) plenius, quam quod voluntas profecto reputatur, ubi factum excludit necessitas?* Idem confirmat Marcus Eremita. *Dens, ait, actiones secundum propositum æstimat: Tribuat enim, inquit, tibi Dominus secundum cor tuum.* Idem probat Augustinus: de perversa voluntate sine actu externo. *Ut intelligas, ait, libidinem in adulterio malum esse, sicuti etiam non contingit facultas concumbendi cum coniuge aliena; planum tamen aliquo modo sit id eum cupere, & si potestas datur, facturum esse; non minus reus est, quam si in ipso facto deprehenderetur.* Philo etiam Iudæus statuit par esse maleficium, patrasse cædem, & decreuisse. cui accinit Satyricus:

Has patitur pœnas peccandi sola voluntas;
Nam scelus intra se tacitum qui cogitat ullum,
Facti crimen habet. —

Hæc à Patribus, hæc à profanis etiam toties repetita fundamento optimo nituntur: non enim actus exterior bonitatem formalem habet distinctam ab interna, à qua, quidquid boni continet, haurit.

4.

Est deinde actus exterior effectus necessario consequens ex voluntate interiore, sine nova intentione seu progressu in bonum honestum: quid ergo meriti aut bonitatis adderet internæ actioni? meritum enim

ac

ac bonitas moralis in illo progressu seu tendentia in bonum honestum consistit.

Denique actus exterior saepe non est in nostra potestate; virtus autem & omnis moralis bonitas libertati nostrae subest, neque nobis iniunctis auferri potest, aut impediri.

169. Quod si de merito, vel gratiae augmento, sit quaestio; illud evidens est, corpus ipsum capax esse non posse gratiae supernaturalis; cuius sedem esse diximus animae rationalis essentiam, diffundi in potentias velut in riuulos, ex quibus actiones meritoriae profluunt. Petat ergo ab anima ratione praedita bonitatem omnem necesse est, sine qua membra nostra à brutorum membris parum discrepant. Ex quo conficitur, omnem honestatem moralem, meriti quoque rationem, ab animi internis motibus esse requirendam.

170. Illud magni momenti est, nosse utrum ab actibus internis, an verò externis, sit inchoandum PERFECTIIONIS studium; & utra actionum alteri praestet. In quo in primis infirmitatis cuiusque habenda ratio est: qui enim primùm ad Deum conuertuntur, sequuntur impulsus spiritus; quem cum ratione discernere nequeant, quod sensu magis quam iudicio nitantur, summa vi in opera exteriora feruntur, quales sunt orationes vocales, peregrinationes, ieiunia; sensimque longo usu ac experientia in sese redeunt, magnisque luminibus illustrati in spirituales atque excellentes viros euadunt.

Hac via naturae planè conueniens est, quae ab imperfecto ad perfectum procedit. quod in triplici mundi statu perspicue elucet: primus enim legi naturae initio homines subiecit, sine alia lege scripta; quam si ducem secuti fuissent, illis gratia ad salutem promouendam non defuisset. Secundo mundi statu Legem scribi placuit, & Synagogam institui, in qua Lex ipsa tabulis reddita legeretur. utraque ad sui PERFECTIIONEM aspirabat; quam verus legislator Christus Dominus addita gratia constituit. hinc D. Paulus: *Primus homo de terra terrenus, secundus homo de calo caelestis.* &: *Prius quod animale, deinde quod spiritale.* Cucurrerunt Apostoli duo ad monumentum, Petrus & Ioannes: hic alterum praeuertit, non tamen introiit prior; sed Petrus, qui auctore Gregorio Synagogam designabat, ut B. Ioannes gratiae statum. Exuendus ergo primùm vetus homo; induendus postmodum nouus, quo spirituales euadamus: unde mirum non est, si initio non statim intremus in nos, sed exterioribus actibus occupemur.

171. Nemo fallatur tamen, ratus opera illa externa sic externa esse, quasi ab interna radice non prodeant: ab intimis medullis, ab vberibus ac profusa gratia manant, & animo maximè incenso: ijsque qui recenter ad Deum traducuntur, quadrat quod Salomon de sapientia praedicat,

M m m 3

Omnibus

5.

6.

*Opera externa
ab interno me-
ritum suum
petere.*

*An ab exter-
nis, an ab in-
ternis actibus
studium Perfe-
ctionis incho-
andum.*

1. Cor. 15.

Ibidem.

Ioan. 20.

*Interna homi-
nis conversatio,
seruoris exter-
ni causa est.*

Sap. 7.

Omnibus mobilibus mobilior est sapientia. illa enim tironem suum dum mouet, condiciones ignis illi attribuit; ut animo ac corpore omnia, ad quæ impellitur, summo ardore ac celeritate conficiat.

Super Exech.
homil. 10.Qui toti exte-
riores sunt, pa-
rum proficiunt.

Non sic qui occupationes quærunt externas, ne internis vacent; & in illis ita occupantur, ut nihil ab interno depromatur. de quibus ait Gregorius: *Dulce est esse in rebus humanis; sed ei qui adhuc de celestibus gaudia nulla gustauit: quia quanto minus æterna intelligit, tanto delectabilius in temporalibus requiescit.* Hæc Gregorius. Hi admodum parum proficiunt, passionem suam numquam domant, opera illa sic facta vix quidquam de praua vitiorum inclinatione detrahunt; quia in interno homine, à quo omnis ratio destruendi prauos habitus profluit, in aduersum vitium nulla vis impingitur. Quare, etsi nonnulli solitudinem ingrediantur, terram fodiant, corpus macerent, addant flagra ac ieiunia; si ab animo ardenti non procedant, hæc ipsa latèrem lauant, profectò Æthiopem non dealbabunt.

Carmonia Re-
ligionis sine spi-
ritu parum
prodest.

Itaque malè sibi cōsulant, suoque Ordini, Superiores Religionum, qui cum nouitios ad probationem admiserint, de spiritu non sunt soliti, modò tantum & cærimonias bene addiscant, certasque consuetudines obseruent. Non est mirum, si grandiores facti, & ad professionem admissi, eosdem Superiores contemnant; vanitati amplius studeant, quàm profectui spirituali; corporis ventrisque cultum diuino obsequio præferant: quia non à spiritu, sed à littera cœperunt, & in carnem degenerant. Quare optimè monet Augustinus à corde culturam nostram esse inchoandam. *Abscindamus, ait, virgulta spinarum de agro cordis nostri, ne defigant in nobis altas radices; scimus enim quod cor nostrum ager est Domini nostri IESU Christi: excolamus eum celestibus disciplinis, & non sinamus in agro tanti Imperatoris seminari zizania, sed cunctis floribus virtutum decoremus; quia in his delectatur omnipotens Deus, sicut & in Canticis Canticorum legitur: Ego flos campi, & lilium conuallium. id est: Ego decus mundi, & virginitas humilium.*

Lib. de salut.
docum. cap. 34.
tomo 4.

Cant. 2.

172. Vbi ergo studiosus PERFECTIONIS assurgit, & aliquid de interna domo, de prauis habitibus, de passionibus, & obfirmata consuetudine, de concupiscentiæ rebellionem potest cognoscere; sibi tum demum persuadeat internas operationes externis esse efficaciores, ad pellendas ex animis nostris vitiosas inclinationes. *Corporalis exercitatio, ait Apostolus, ad modicum utilis est, pietas autem ad omnia utilis est. cui si qui operam sedulo dederint, ipsi dem victoriam de internis hostibus Dominus pollicetur, per Prophetam Isaiam b dicens: Quæres eos, & non inuenies, viros rebelles tuos: erunt quasi non sint; & veluti consumptio homines bellantes aduersum te: item per Ezechielem Prophetam: Et scient quia ego Dominus, cum controuerſas catenas iugi eorum, & eruerò eos de manu imperantium sibi.*

Internas actio-
nes efficaciores
esse ad euellen-
das ex animis
vitias, quàm ex-
ternas.
a 1. Tim. 4.
b Isaiæ 41.
Exech. 34.

173. Vis

173. Vis enim tanta est internarum actionum, cum ad passiones animi vitiorumque radices euellendas; tum ad virtutes vitij substitutas; quanta nulla esse potest externorum actuum, ubi praesertim animi contentio negligitur. Rationibus id euadet manifestius. Qui enim in seipso commorans internis actibus vitium aliquod cupit euellere, primum sibi sapius illud obicit, deque eo cogitat, eius turpitudinem videt, odit deinde & execratur; quo fit, ut non facile illud admittat: ex quo id utilitatis consequitur, ut cessatione vis omnis illius peccati eneruetur, & paulatim concidat.

Accedit, sentes & tribulos hosce in iisdem facultatibus radicem fixisse, in quibus virtutes ipsae collocantur; ut pertinacia in intellectu, cupiditas gloriae in voluntate. Quemadmodum ergo libere in easdem facultates admissae sunt; sic eadem libertate pelluntur, & quidem proximè: nihil enim aequè vicinum est vitio, quam eius domicilium. Canem è domo qua ratione fugabis, si in domo non fueris? Strepitus fieri potest exterius, ad timorem incutiendum; iaci lapides vel glandes; sed non tanges, si se contineat, abdatque intra penates. Canis est concupiscentia, & perpetuo latrat; nec quietem nobis die noctuque tribuit: non expelles foras, etsi corpus tuum saepe quatias, pectus rundas; timet internum fustem illius domini, apud quem hospitat. Quare frequenti iudicij submissione, & detestatione pertinaciae, aut vanae gloriae, pelluntur canes isti, cum se domi malè tractari animaduertunt.

Adde, facultates externas remotius vitia tangere, imò nullo modo, nisi ratione internae operationis, à qua vim omnem accipiunt: nec ex se in vitij destructionem tendunt, nisi ratione internae directionis ac relationis.

Diuis Paulus fortissimum in hanc rem profert argumentum; vult enim spiritu omnem profectum nostrum contineri. *Si spiritu, inquit, vivimus, spiritu & ambulemus.* quibus verbis statim subiecit: *Non efficiamur inanis gloriae cupidi, inuicem prouocantes, inuicem invidentes.* insinuans quòd ubi spiritu ambulare desinimus, & hostem domesticum durius tractare, vanitas & aemulatio statim caput exerunt. Item: *Si spiritu facta carnis mortificaueritis, viuetis,* spiritus enim est qui rariùs regnum destruit, & maculas abstergit. ut enim oculi maculam oculus ipse purgare non valet, aut excludere, sed aliena manu opus est; sic nec animus suas maculas: gratia diuina vires addit, ut seipsum iuuet, rodentemque vermiculum expellat.

Christianissimus Galliae Rex Henricus 4. cum visicaret cenobium, quoddam Carthusiensium, quaesivit ex probo Religioso eiusdem Monasterij, quanam esset differentia inter ipsos, & Societatis IESV Patres, in ratione quaerendae PERFECTIIONIS. cui ille respondit, se suosque

Rationibus
probat.

2.

Apta similitudo.

3.

4.

Gal. 5. 22.

Rom. 8.

Simile.

Ioan. 4.

Ioan. 6.

2. Cor. 3.

Gal. 5.

Ibidem.

Psalm. 50.

5.

6.

*Ad virtutem el-
landum, aut
virtutem inse-
rendam, tria ma-
xime valere.*

» suosque per carnem spiritum, Societatis Patres spiritu carnem, Deo
» rationique subijcere. quo responso innuit, vtramque viam vtilem &
salutarem, posteriorem tamen esse compendiosiore. Ideo Christus
Dominus adoratores suos vult Deum adorare *in spiritu & veritate*. &
Spiritus est, inquit, *qui vivificat, caro non prodest quidquam*. *Littera occi-*
dit, dicit Apostolus, *spiritus autem vivificat*. denique: *Spiritu ambulate,*
& desideria carnis non perficietis. Atqui spiritus hic in internis hominis
potentij potissimum residet, non in corpore: imò caro ac spiritus, vt
hostes intensissimi, perpetuò configunt; *caro enim concupiscit adversus*
spiritum, spiritus autem adversus carnem, vt non, quaecumque vultis, illa facia-
tis: quis ergo dubitat interiùs impeti fortissimè, non tantùm facultate
naturali, sed spiritus efficacia, ipsam animam imbuentis; cuius est, cor
lapideum frangere ac emollire, rupes findere, monumenta aperire, è
quibus mortua corpora euolent; *cor mundum creare, & spiritum rectum*
innouare in visceribus nostris?

Illud quoque momentum habet non paruum: quòd externa opera
non omni loco ac tempore occasioneque exercere vel liceat, vel expe-
diat, vt in lecto, in foro, in mensa, in concione, tempore infirmitatis, aut
gravioris occupationis. Ligari etiam nobis possunt brachia, lingua
amputari, vinciri pedes; quibus omnibus temporibus mens non debet
esse otiosa, aut à merendi occasione arceri. & quàm multa præstare
possumus, quantas accessiones facere, orationes iaculatorias iacere, ar-
dentiaque desideria, etsi momentanea; quæ si dependerent ab externo
opere, numquam fierent!

Deus præterea quàm sæpissime calitus nobis aspirat, submittit au-
xilia, benevolentia suæ argumenta, quibus excitat locordiam nostram
ad bene agendum, ad passionem domandas ac propulsandas; quæ dum
suggeruntur, recipi debent, ne effluat occasio: hæc enim tria fortissimè
agunt in vtramque partem, vel vt pellatur vitium, vel vt virtus includa-
tur; facultas nempe humana, habitus supernaturalis virtutis infusus, &
aspirans diuini Spiritus gratia: quæ quidem tria si fortiter constanter-
que contendunt, nulla vitiorum tanta est pertinacia, quæ huic virtuti
resistere audeat, quæque tanto pondere tandem aliquando non com-
minuatur.

CAPVT

CAPVT XXIX.

*Industria quarta: actus exteriores Negotiationi
spirituali non modo utiles esse, sed etiam
necessarios.*

174. **F**IT interdum actus interior (quæ quarta est industria) longè melior & excellentior, si eidem exterior adiungatur. Contingit enim actus interiores & intendi & multiplicari, cre-

broque excitari, quando spes affulget operis externi perficiendi; à quibus quispiam omnino desisteret, si facultas non adesset operis. quod videre est in eo qui Religionis ingressum meditatur: si enim desiderium magnum sit, & spes admissionis affulgeat, creberrimè ea de re cogitatur, augenturque desideria; quæ ut finem assequantur, multa alia opera adhibentur.

Deinde contingit actum internum continuari ac produci ratione externi operis; qui illico succisus fuisset, si opus externum non fuisset secutum: quod facillè perspicitur in sollemnioribus Ecclesiæ carimonijs, processionibus, sacrificijs, quibus fidelium pietas fouetur ac retinetur.

Denique contingit sæpe interiorem actum vehementiorem fieri accendique in externi operis progressu: & quidem id vel ob voluptatem quam quispiam percipit in eo opere, vel certè ut impedimenta perumpat; uti superiori capite declarauimus in eo, qui peccatis omnibus, quibus seruiebat, euasit superior, & incredibiliter delectatur prænitentijs & afflictionibus, delendisque peccatorum reliquijs. de quo Rex sanctus ita ait: *Letabor ego super eloquia tua, sicut qui inuenit spolia* *psal. 118.* Certè nullus satiatur spolijs diripiendis atque asportandis: & si multa sint, facillè quis sibi noctis quietem subtrahet, ut cupiditati satisfaciatur. sic & hi qui eloquijs Dei delectantur, numquam satiantur imitandis aliorum exemplis, præceptis diuinis & Superiorum explendis, laudibus Dei decantandis; maioremque in hisce voluptatis fructum capiunt, quàm si spolijs colligendis occuparentur.

175. Addo & aliud non vulgare: quòd opus externum per seipsum plurimum commodi adferat, quod opus solum internum non adferret: ex multorum enim operum multiplicatione habiles reddimur ad bene agendum. Horrent nonnulli ieiunium, exomologesin, manifestationem suarum infirmitatum, submissionem alijs faciendam, linguæ continentiam, solitudinem; qui post nonnullam experientiã magnam

N n n

deinde

Actus interiores per exteriores fieri meliores.

1.

2.

3.

psal. 118.

Comoda operis externi sunt cum interno, & quæ sint huiusmodi opera.

1.

, Deo
em &
ristus
e. &
a occi-
mulate,
minis
us, ut
luerfus
a facia-
ultate
st, cor
rire, è
rectum

opera
expe-
tis, aut
lingua
debet
æstare
ere, ar-
terno

tit au-
ostram
æ dum
tissimè
cluda-
usus, &
tanter-
virtuti
n com-

P V T

deinde facilitatem consequuntur: hæc namque non tantum à voluntate pendent, sed etiam à sensu; qui, cum animalis sit, non tam meditatione & consideratione quam Praxi flectitur.

2. In voluntatis promptitudine summa subinde rerum ac difficultatis cardo versatur; sed id quidem ubi illa plenum habet imperium. non habet verò in omnia: primorum enim motuum domina non est: non absolutè etiam timoris, lætitiæ, spei, desideriorum, ac tristitiæ vehementioribus motibus imperat, qui tamen exercitatione subijciuntur; non modò internis, sed maximè externis actibus repetitis.

3. Deinde dissidentes reconciliandi sunt; pax inter principes, aut etiam priuatos, componenda. hæc solis animi motibus non fiunt. Siquis in peccatum labatur; siquis excommunicationem aut censuram incurrat; vt absoluat, signis externis opus est. Siquis martyrij lauream velit reportare, aut ea sacra, quæ ex opere operato gratiam conferunt, administrare vel recipere, indulgentias promereri; siquis subit dominorum imperijs; non sola mente parendo satisfaciet, sed hos omnes subire illa necesse est, quæ cuiusque rei condicio ac natura requirit.

4. Actus præterea externi conferunt per se ad satisfactionem pro peccatis; quæ non modò in interno dolore & merito, sed etiam in reali corporis pœna consistit, quam actus parit exterior.

5. Denique inter ea quæ coercenda veniunt, ac reformanda, non ultimum obtinent locum sensus exteriores: qui sola contemplatione non clauduntur, sed magno conatu & vfu. vnde Plaltes Regius, cum de his loquitur, vult feras & vestes admoueri, propter difficultates; sicut carni frenum ac clauos: quo clarè designatur illa non ita omnino subesse rationis imperio, vt sine loris regi possint. Quid de lingua dicam? quàm graua, quàm stupenda D. Iacobus de illa loquitur! *Si quis (ait) in verbo non offendit, hic perfectus est vir; potest etiam freno circumducere totum corpus. Si autem equis frena in ora mittimus, ad consentiendum nobis; & omne corpus illorum circumferimus. Ecce & naues cum magna sint, & à ventis validis minentur, circumferuntur à modico gubernaculo ubi impetus dirigentis voluerit. Ita & lingua modicum quidem membrum est, & magna exaltat. Ecce quantus ignis quàm magnam siluam incendit! Et lingua ignis est, vniuersitas iniquitatis. Omnis enim natura bestiarum, & volucrum, & serpentium, & ceterorum domantur, & domita sunt à natura humana; linguam autem nullus hominum domare potest: inquietum malum, plena veneno mortifero. Non ergo quis cogitatione sola fit nauarchus, sic vt valeat tempestatum tempore nauim moderari. Nemo primo ascensu equum domare ferocem, nemo vna aquæ situla immane siluæ incendium extinguere, nemo prima die bestias, volucres, serpentes, ceteraque grandia cicurare potest. Quis ergo*

*Lingua ac sensuum coercendorum difficultas.
Iac. 3.*

ergo sola meditatione linguæ barbariem poterit coërcere? At lingua minima pæne pars totius hominis est: quid erit de singulis membris; de tota carne, insanoque corpore; quæ perpetuò oblatrant spiritui, & sæpe mordent, & cruento rictu à pugna non dicam recedunt, sed in nobis delitescunt ac commorantur?

176. Vbi ergo quis assueuerit Domino Deo in interiori homine; vbi, *Catalogus operum externorum.*
 exacta infantia, loqui cœperit lingua Spiritus sancti, dabit operam vt Spiritum illum etiam corpori suo modo communicet, corporalem linguam eodem igne informet, vt omnes actiones externæ inde inflammatae prodeant; & sicut à Rege Reipublicæ gubernatio, à patre-familias ordo rerum omnium quæ domi fiunt, à bestiarum anima motus membrorum, ita ab anima spirituali, quæ vita operum nostrorum est, motus corporis omnes oriantur: tum enim sermo sale conditus sensatusque reputabitur. Ceteræ functiones continebunt id quod decorum appellamus, & venustas quædam diuina in membris omnibus elucebit.

Quapropter expedit orationes iaculatorias, cùm soli sumus, etiam voce pronuntiare: sic enim attentio maior est, & animus dispersus ac negotiorum mole obtusior acuitur, & singularum vocum significatione retinetur. *2. Orationes generales.*

Adhibendæ quoque sunt corporales afflictiones; quia asinus noster non mouetur commentationibus, sed scutica. Quidquid sit de alijs, quos semper benignè habere, multaue concedere, caritatis est; in nos ipsos tamen expedit esse seueriores, adhibita directoris censura. *3. Penitentia.*

Laudes quoque Deo libenter dicendæ & audiendæ. hinc sancti Patres psalmodiam tanti fecerunt, vt pleræque Religiones chorum habeant, totumque tempus in Officij cantu dies noctesque consumant: quæ si ab interno homine profiscantur, magno fructu & consolatione spirituali fiunt, vitaque illa non tam humana quàm celestis appellanda est; cui tamen si spiritus desit condimentum, non caret magno fastidio ac mœrore. *4. Psalmodia & cantus.*

Virtutes quoque omnes, quando occasio postulat, exteriori actu par est frequentare: vt (verbi gratia) ad humilitatem acquirendam de se loqui demissè, honorificè de alijs, in colloquio familiari iudicium suum posthabere alieno; primas alijs libenter deferre ex animo, non emendicandæ gloriæ causâ; officia humiliora quærere & exercere. Liberales animi ipso facto benignitatem suam probare debent; qui casti sunt, omnes occasiones impuritatis fugere, sobriè viuere, sensus continere: si enim intra nos feruor noster concludatur, similes erimus apibus, quæ si enim intra nos feruor noster concludatur, similes erimus apibus, quæ in aluearibus remanentes non excurrunt, non insident, non immerguuntur floribus. quid tum? ita quoque fauos non ædificant, ceram non faciunt, *5. Virtutes omnes exteriori actu exercendæ.*

Lib. 8. in Gen.
cap. 9. tomo 3.
Simile 2.

Cap. 10.
Gen. 3.

6.
Virtutis, in
qua exerce-
mur, actus ex-
terni exercendi.

7.
Cultus diuinus
promouendus
exterior.

8.
Correlatio infe-
riorum & fra-
terna.

9.
Contemnenda
vana gloria in
actibus exter-
nis.

10.
Constanter fides
nomenque Dei
profutendum.

faciunt, & mel non fundunt. D. Augustinus pulchra similitudine ostendit interna per exteriorem culturam iuuari. Sicut, inquit, in arbore id agit agricultura forissecus, ut illud proficiat quod geritur intrinsecus: sic in homine secundum corpus ei, quod intrinsecus agit natura, seruit extrinsecus medicina; itemque secundum animam, ut natura beatificetur intrinsecus, doctrina ministratur extrinsecus. Quod autem ad arborem colendi negligentia, hoc ad corpus medendi incuria, hoc ad animam discendi segnitia: & quod ad arborem humor inutilis, hoc ad corpus victus exitiabilis, hoc ad animam persuasio iniquitatis. & infra: Denique quoniam similitudinem à se culti paradisi in seipso custodire subditus noluit, similem sibi agrum damnatus accepit. Spinas, inquit, & tribulos pariet tibi. Hæc Augustinus.

177. Illius virtutis, in qua nos internè exercemus, aut qua in vitium destruendum incumbimus, probatio præ ceteris externis facienda est: ut, si quis superbiam extinguere mane proponat, non sufficiet internis actibus illam conuellere, sed omni occasione demittet se, ac idonea ad id opera conquiret, oblataque complectetur, ne multa animo concipere, re ipsa nihil velle perficere videatur; quod meritò iudicabitur, si data opportunitate, aut etiam non quæsitâ, speculatione sua contentus sit.

Hoc quoque in negotiatione spiritali cuique curæ esse oportet: ut, cum de honore Dei promouendo agitur, externus apparatus non prætermittatur; qualis est Ecclesiarum ornamenta ac sollemnitates.

Nec est quod vox illa exitialis, *Quid dicent homines?* tanti apud nos sit, ut aliquid de officij nostri dignitate atque obligatione prætermittamus.

Qui tenentur corrigere, videant ne canes sint muti; sed arguant, increpent, obsecrent cum omni sapientia & doctrina. Quos zelo magno alios incitare caritas iubet, etsi cum aliquo suo incommodo, sibi non parcant, ut Deo obsequium præstent.

Quid si vanæ gloriæ stimulus inani timore à publicis actibus, quibus diuina Maiestas honoratur, nos reuocet: constanter agendum est: non enim ea moti cœpimus; haud dubiè nec ideo nos desistere conuenit. Sicuti titillatio illa molestior est, conuersa ad Deum mente is eam excretur; tum pergat alacriter.

Constantia quoque opus est interdum, dum vita nostra in discrimen vocatur ad tuendam Dei iustitiæque causam. Maius beneficium homini obtingere non potest, non maior gloria, quàm si Dei causa vitam profundat, aut (quod est proximum) multa patiat. qui si tam sublimi honore digni non sumus, in re aliqua pro modulo nostro nominis diuini decus ac honorem amplificemus. Gratissimum id æterno Numini obsequij genus est, & (ut cum priuatis actibus conferamus) Chri-

Christiano homine longè dignissimum. Vult enim Deus agnosci, ac publico cultu honorari; illudque honoris genus etiam infidelibus innotescere, vt & ipsi videant Deos suos esse impares Deo vero, *qui faciat* *1^a sal. 135.* *mirabilia magna solus*; quiq; sanctissimus cùm sit, omniq; careat turpitudine, alumnos quoque suos sanctos efficere velit, ac miràda eisdem pro eius nomine sulcipere ac perficere.

Quapropter pergratum Deo est studium diuinarum litterarum, eminensq; eruditio, qua tota Ecclesia aut certè eius aliqua pars illustratur.

II.
Studium sacrarum litterarum, ac insignis eruditio.

Qui impendunt se etiam hominibus ad suum creatorem vel adiungendis, vel reducendis, non exiguam mercedem sunt recepturi, auctore B. Iacobo. *« Si quis ex vobis, ait, errauerit à veritate, & conuerterit quis eum; scire debet, quoniam, qui conueriti fecerit peccatorem ab errore viam suam, saluabit animam eius à morte, & operiet multitudinem peccatorum. »* Cetera externorum operum genera breuitatis causa prætermitto; satis sit, aliqua exempli gratia, eaque præcipua, posuisse.

12.
Zelus animarum conuertendarum.
a Iacob. 5.

178. Mixta hæc opera, interna atque externa, hominem incredibiliter ornant atque perficiunt, qui ad sui compositionem anima & corpore partibus essentialibus constar. Vtriusque Deus auctor est, utroque ergo ipse honorandus. Vtraque denique pars beatitudine donabitur. Ceterum mixtio perelegans corporis animæque, cùm in vno Deo colendo conspirant atque consentiunt. Terra vnitur cælo, terrestres anima cælestibus adiungitur: & quid mirum? corpus quodammodo in spiritum commutatur; nihil enim terrenum sapit ampliùs, caduca spernit calcaturq; omnia, vt tamquam spiritus spiritualia opera cum voluptate exerceat. Quantum decus in moribus! quis splendor in facie! quanta venustas in oculis! quæ oris modestia! vt diuinum odorem sermo spirare, vultus radios fundere, frons, totaq; facies, depicta virtutum singularum lineamenta continere videantur. Hoc opus omnium, quæ exterius prodeunt, nobilissimum est, & ad permouendos animos atque ad pietatem excitandos potentissimum. Talis erat Domini facies, cuius aspectu, teste Hieronymo, Matthæus pane prius captus, quàm vocatus; quare, relictis omnibus, illico Dominum secutus est. Moyses mitissimus hominum ex conuersatione cælesti Angelicam nactus est faciem; nec in eam, cùm è monte descendisset, populus oculis poterat intendere.

Cur affectibus tam externis quàm internis operandum.

Lib. 1. comm. in
Matth. cap. 9.
b Luc. 5.
2. Cor. 3.

Narrat Cardinalis à Vitriaco de Maria Ogniacensi rem miram. Dominus Guido, Cantor Ecclesiæ Cameracensis, vir pius, iter faciens deflexit nonnihil vt eam inuideret; socio, itineris comite, ægre ferente ac irridente, addito etiam hoc scōmate: Domine Cantor, num muscas & papiliones, puerorum instar, vis persequi ac comprehendere? Cùm

In eius Vita
lib. 1. cap. 13.

N n n 3

autem.

» autem Guido sermones cum illa misceret spirituales; socius multa in-
 » niter cum effutiuiisset, tadio denique affectus ob diuturniorem expe-
 » ctationem, accessit Cantorē, moniturus ut finem faceret: & ecce, dum
 » fortē in ancillæ Christi vultum oculos defigit, subito mirabiliter muta-
 » tus animo, tantam profudit lacrymarum vim, ut etiam post longum
 » temporis intervallum ab eo loco & eius præsentia ægre posset auelli.
 » Tum Cantor (licet ille præ verecundia latere vellet) animaduertens
 » quid ei accidisset, exhilaratus animo, eumque vicissim irridens, Eamus,
 » inquit; quid hîc subsistimus? fortasse papiliones abigere vis. At ille, ubi
 » post multa suspiria & lacrymas vix inde auulsus esset, ita ait: Ignosce
 » mihi; nesciui enim antea quid dicerem, at modò in hac femina omni-
 » potentis Dei virtutem experientia cognoui.

CAPVT XXX.

*Industria quinta: quinque virtutum generibus
 potissimum prauos habitus ac passionēs exter-
 minari; sed maxime vnius ex illis, caritatis,
 actibus.*

*Allegoria Da-
 uidis & Go-
 liath.*

1. Reg. 17.

1. Reg. 21.

PVGNATVRVS cum Goliath Philisthæo, reiectis armis à
 Saule oblati, Dauid adolescens, tulit baculum suum, quem semper
 habebat in manibus, & elegit sibi quinque limpidissimos lapides de tor-
 rente, & misit eos in peram pastorem, quam habebat secum, & fundam manu
 tulit, & processit aduersus Philisthæum. Cum ergo surrexisset Philisthæus, &
 veniret, & appropinquaret contra Dauid; festinavit Dauid, & cucurrit ad pu-
 gnā ex aduerso Philisthæi; & misit manum suam in peram, tulitq; vnum lapi-
 dem, & funda iecit, & circumducens percussit Philisthæum in fronte, & infixus
 est lapis in fronte eius, & cecidit in faciem suam super terram: cumq; gladium
 non haberet in manu Dauid, cucurrit, & stetit super Philisthæum, & tulit gla-
 dium eius, præciditq; caput eius. & hæc quidem in pugna illa. Hic verò
 gladius ad perpetuam rei memoriam repositus est in sanctuario post
 ephod. Postmodum fugiens Dauid iram Saulis, cum venisset in Nobe
 armis destitutus, petijt ab Achimelech Sacerdote num haberet illic
 hastam aut gladium. Cui Sacerdos, Ecce hîc, ait, gladius Goliath Phil-
 isthæi, quem percussisti in Valle terebinti, est inuolutus pallio post ephod: si istum
 vis tollere, tolle; neque enim hîc est alius absque eo. Et ait Dauid: Non est huic
 alter similis; da mihi eum.

180. Dum

180. Dum de actibus agimus quibus vitia exterminantur, virtutes inferuntur; hæc industria prætermittenda non est, virtutes esse quasdam generales, quibus omnia vitiorum genera impugnantur. hæc verò sunt penitentia, obedientia, caritas, iustitia: quibus addenda est virtus specialis, vitio, quod persequimur, opposita. hisce enim quinque lapidibus deturbatur immanis illa feroxque bellua, quæ toti Dei populo terrorem incutit. Nec quisquam miretur, si vel vnicam passionem gigantei comparem: cum longe difficilius sit eam, quam truculentum aliquem gigantem, superare. Quid? vnico iactu fundæ David Goliath prostrauit: heu, quanta moles Dauidi, Bethsabee amores vel declinare, vel derelinquere! Illum gigantem inermis profligauit: hos verò, etiam à virtutibus instructissimus, non modò non declinauit, sed ipsemet prostratus, & quadriduano mortuo similis, perseuerauit in peccato; eademque crimini crimen nouum homicidij adiecit. *Fortior sanè est qui se, quàm qui fortissima vincit Mænia: & melior est patiens viro forti; & qui dominatur animo suo, expugnatore urbium.* *Prou. 16.*

181. Principiò Dauid tulit baculum suum, quem semper habebat in manibus. Crucis symbolum baculus hic est. Quicumque ergo Goliath aggredi nititur, non accedat, quin prius crucem accipiat, Christum ducem crucem baiulantem sequatur, & sub vexillo Domini sese militem conscribi curet. Qui stipendia facere sub mundi vexillo prætentunt, idonei non sunt qui pugnent aut vincant. ijs Dominus denuntiat: *Si quis vult post me venire, abneget semetipsum, & tollat crucem suam quotidie, & sequatur me.* Quàm pulchra res, mollem hominem, ac delicatum, bellum in passiones suas aut vitia indicere! Quis speret alterum Samsonem, in Dalilæ sinu dormientem, victoriam contra Philisthæos reportaturum? Tria à nobis exigit Dominus. Primum est, vt abnegemus nos; id est, non magis indulgeamus aut parcamus nobis, quàm summis aduersarijs. Alterum, vt feramus crucem nostrâ, & difficultates obuientes tamquam regni spiritualis sceptrum complêctamur. Tertium est, vt Dominum sequamur, eius virtutibus ac vestigijs insistendo; etsi necesse sit sequi per sentes & vepres, per ignem & aquam, in medijs gladijs & flammis: vt (quemadmodum ait Paulus) magnificetur Dominus in corpore nostro, siue per vitam, siue per mortem. *Luc. 9. Abnegatio sui.*

182. Crux ista generaliter aduersatur toti exercitui diaboli ac mundi: sed ad manus veniendum, ad singulare certamen; non cum exercitu, sed cum vno particulari (vt diximus) configendum. Idcirco quinque lapides de torrente sumendi sunt. Torrens iste est, de quo Dominus noster IESVS bibit, teste Dauide: *De torrente in via bibet; propterea exaltabit caput.* Torrentem dolorum hausit copiosè; ideoque clamabat: *Saluum me fac Deus, quoniam intrauerunt aqua usque ad animam meam:* *Psalm. 109. Psalm. 68.*

Psal. 87.

Quinque Chri-
sti Domini vul-
nera, quinque
lapidibus Da-
uidis compa-
rantur.

Psal. 117.

Philp. 2.

Vnus lapis, vel
vnica virtus,
nempe caritas,
sufficit ad vin-
cendas omnes
tentationes.

Luc. 7.

Virtutes gene-
rales fere eni-
dem esse cum
caritate.

meam: infixus sum in limo profundi, & non est substantia. &: In me transle-
runt iram tuam, & terrores tui conturbauerunt me. Ex hoc amarissimo haustu
quinque noui torrentes pullularunt, è quibus non tam aqua quàm san-
guis profluxit; visique in corpore Domini seu lapides quinque, seu vul-
nera, quibus superbum Goliath aduersariosque omnes expugnauit.
Expugnemus & nos: ex his enim omnis fortitudo nostra promitur; &
quicumque vincit, in iactu horum lapidum vincit. Fortitudo mea, ait
ille qui hæc præuiderat, & laus mea Dominus, & factus est mihi in salutem:
lapidem quem reprobauerunt edificantes, hic factus est in caput anguli. Hoc
enim lapide uti noluerunt Iudæi; nos eo capita inimicorum Regis per-
fringimus.

183. Sed hi in pera nostra reponendi sunt: quis enim vteretur, si non
habeat? Sensus passionum Domini mentes nostras afficiat, & sentiamus
in nobis quod & in Christo I E S V; virtutesque, quibus par est uti in
hoc certamine singulari, reconditæ esse debent in animis nostris: eas
habeamus ad manum, & funda iaciamus, & in aduersarij frontem in-
figamus. Quinque iam nominauimus, easque pæne generales omnes;
vel quia omnia peccatorum genera persequuntur, vel quia virtutum
omnium honestatem complectuntur. Pœnitentia vitia oppugnat om-
nis generis; nullumque est, quod acuto hoc lapide iustitiæ vindictiue
non conterat ac comminuat. Obedientia ut legum omnium ac præ-
ceptorum obseruantissima est; ita, quidquid aduersatur ipsi, odit ac
detestatur. Caritas finis est omnis legis, virtutum omnium mater, vi-
tiorum omnium fortissima profligatrix: nullius sceleris consortium ad-
mittit; pugnat tamquam pro aris & focus pro Dei gloria conseruanda.
Iustitia verò cum iniquitate pugnat; non modò ubi inæqualitas rei ali-
cuius adest, sed ubi vel Deo, vel homini, vel sibi infertur iniuria. Vltima
virtutum particularis est: vitiumque illud oppugnat, cui ex diametro
opponitur; ut superbiam animi demissio, libidinem continentia, so-
brietas intemperantiam.

184. Quinque lapides hi limpidissimi, de torrente, quem bibit Do-
minus, sunt desumpti; ex quo vim omnem suam ac puritatem haufe-
runt. Sed quamuis Dauid habuerit quinque, vnico tantum usus est,
& suffecit. Nos quoque ad feriendum aduersarium hisce quinque uti
possumus, & habere necesse est: sed vnica caritas sufficit ad omnia vi-
tiorum genera destruenda; & quidem ictu maiori, quàm si quaque vir-
tute vitio contraria quispiam vteretur. Hoc lapide vsa est Magdalena,
ideoque dictum est: Remittuntur ei peccata multa, quoniam dilexit multum.
Istud argumentum, quia pluribus profecuti sumus superiori libro, pro-
ducere supersedeo. hoc tantum addam: virtutes illas, quas comme-
morauimus, vel in caritate contineri, vel cum ea commercij habere pluri-
mum.

num. nam pœnitentia, quæ reconciliationem cum Deo quarit, caritas est, & amicitia adipiscendæ studiū: obedientia verò, quæ amici voluntatem exequitur, caritatis pars est præcipua, quæ non tantum beneuolentia ducitur, sed & amico mandanti promptissimè obsequi parata est; ideo à Doctoribus caritas obedientialis nominatur: iustitia denique virtus vniuersalis ea est, qua iusti dicimur; at verò sine caritate nemo iustus est. Quia nihilominus caritas à singulis forma distinguitur; si quid in alijs sit, quod ad vitia destruenda valeat, illud ipsum accersit, & tamquam telum aut clauum, quo fortius feriat, vsurpat. Ferit verò fortissimè, vt primo ictu vitam non modò vni vitio, sed & toti corpori concupiscentiæ viuenti tollat, & quasi magnam molem carneam euertat. quod euidenter accidit in hominis iustificatione; quæ etsi fide, spe, timore, ac pœnitentia paretur, acquiritur tamen caritate, quæ ultimam quasi formam importat.

Caritas obedientialis que.

185. Quòd si tanta vis est vnius iactus, vt immanem gigantem viuentem, armatum, fastuosum, & victorijs quasi insolentem prosternat; quid putamus futurum, si centies eundem mortuum, reliquias, inquam, eiusdem vitij, conterat victrix reginaque caritas? Secundo profecto ictu profligaret deleretque omnia, nisi diuina iustitia ad exercitationem luctam hanc nobis relinquere decreuisset. Sed pugnemus audacter; omnes Philisthai casu huius portentosi gigantis perterriti auferunt: tantum, ne maculam in victoria gloriaque nostra relinquamus.

186. Expedit ergo caritatis gladio hunc hostem truncari, aut solo, aut certè virtutum aliarum coniuncta acie. Exemplo res fiet clarior. Avaritiæ ac cupiditatis radicem oppugnaturus, mane propono tota die in idipsum incumbere, & coram Deo id statuo; omnia item diei illius opera Deo dedico ac consecro, eo maximè fine, vt illi placeam: & quia in me sentio quidpiam, quod arctam cum Deo amicitiam impedit, nempe auri cupiditatem, siue orta illa sit à prauitate naturæ, siue à concupiscentia, siue inducta sit consuetudine, illam detestor, doleoque ex animo me hanc tyrannidem mea culpa incurrisse; & liberalitatis captus pulchritudine, totis viribus in eam feror, Deum per sacra omnia rogans atque obtestans vt mei misereatur grauissimi peccatoris; peccata ætatis præterita, & prauam illam cupiditatis propensionem, quam vt pestem execror & abominor, funditus delere ac radicitus extirpare, eique liberalitatis virtutem substituere dignetur, per merita Domini nostri IESV Christi. Formulam huius generalem ponemus inferiùs.

Iungendi virtutum actus cum caritate. Ratio emellendi prauos habitus.

187. Meminisse verò illius oportebit, quod antè monuimus; * vt à capitali seu principali peccato, à quo nempe potissimum cetera dependent, abstinendum.

A capitali peccato exercitii expulsionis vitiorum in-

Ooo

dent, exercitium instituamus: id enim est fundam in caput gigantis interficere; quo quassato, immane corpus ruit; quo prostrato, totus Philistinorum exercitus funditur fugaturque.

*Ratio graui-
res tentationes
euadendi.*

Nec est quod quispiam arbitretur abunde sibi prospexisse, si quinque habeat lapides in pera animæ suæ, si manum non mittat in peram, si operi manum non admoueat, si non iaciat funda. Stabit profecto Goliath, & te mole opprimet sua. Magna industria est, hostem praeuerrere, celeritate vincere, percutere citius, ne te percutiat; illi occupationem dare, ne te tentatione vel inuoluat, vel etiam opprimat. Hæc sanè ratio est grauiissimas tentationes euadendi: dum enim arma paras, & hostem quæris, non est quod tibi scelus aliquod inopinato obrudat; sed ei satis est, si conatus tuos impediat, auocet nimirum ab oratione, à suscepto proposito, ab exercitio hoc, quo videat vires suas debilitari; existimans se nullum facturum operæ pretium, quam diu in hoc pugnae genere virtutis studiosus operam ponit.

Apta similitudo.

Multo minùs nos aggreditur, dum, superatis prauis habitibus, virtutibus augendis diligentem operam nauamus. ut enim is, qui forti exercitu alienam patriam inuadit, hosti occupationem dat, qua impediatur oppugnantis provinciam impetere; nec vallis fossisque arx munitior hosti potest vlla obijci, quam infestus exercitus, patriam eius deuastans: sic qui acquirendæ PERFECTIÒNI, destruendis prauis habitibus, virtutum præsidijis acquirendis incumbit, alienam provinciam inuadit; diaboli regionem exagitat, hoc præsidio interea munit suam; satisque est dæmoni, ne hoc feruore non tantum sibi, sed & multis alijs prosit, impedire, & à paruis quibusdam officijs auocare, quæ etiam prætermittantur, nihil adhuc militi Christi periculi imminet.

*In hist. Religio-
sa, seu SS. Pa-
trum.*

Et hoc est, quod aliquando docuit Eusebius, vir ille sanctissimus, de quo scribit Theodoretus. Hic enim cum semel in agricolis arantes curiosius oculos defixisset; in seipsum ita animaduertit, ut ferro colari ceruicibus iniecto, catenaque ad renes alligata, caput semper nere depressum cogeretur: in quo supplicio quadraginta totis annis durauit; quibus numquam se erexit, numquam cælum vidit. Cum autem quæsitum esset ab eo cur ita faceret, & quam ex eo vtilitatem quæreret; hanc respondit, quod satanam hostem à magnis prælijs, ut de libidine aut superbia, ad illa parua traduceret; in quibus etiam si vinceretur, non magnum esset damnum; sin vinceret, eo maius fore fatidictum, & spiritali sanctoque homine dignum: quod idem in eo, quod nunc agimus, valere debet; ut ostendatur, ideo PERFECTIÒNIS amantes longè abesse à præceptis Dei violandis, grauioribusque tentationibus, quoniam maiora quæque sponte sua, ubi minor est obli-

obligatio, ad Dei obsequium tanto studio obeunt.
 188. Quæ autem de caritatis iactu diximus, etsi vera sunt, vt sunt verissima; nihil obest tamen propria quaque virtute internum hostem aggredi atque impugnare: nec id sine fructu futurum confido; nam singularum virtutum actus meritorij sunt, & contrariam propensionem minuunt, eandemque virtutem augent. Nihilominus perfectiores sunt caritatis actus, quod à nobilissima Deoque præ ceteris gratissima virtute procedant; magisque meritorij, etiam si sine coniunctione alterius virtutis eliciantur: si verò ex imperio caritatis virtutes ceteræ imperentur; eo maior vis erit, tamquam ab hasta amentata, ad destructionem vitij illius, cuius molimur interitum.

Caritas præ ceteris valet ad interitum Sittorum.

CAPVT XXXI.

Industria sexta & septima: primum inter alia Negotiationis spiritualis officia locum tenere studium diuinæ gloriæ quarendæ; cui plurimum opitulatur diuinissima Eucharistia vsus frequentior.

189. **E**T SI vtilissimum sit (vti modò diximus) statim primis iniitijs propositum ordinem sequi; hoc est, incipere ab alicuius prauæ inclinationis euulsione, antequam acquisitioni virtutum animum adijciamus: quia tamen, qui recenter interno huic exercitio se dedunt, imbuti adhuc sunt spiritu huius sæculi, planeque frigidi; è re ipsorum erit, (quæ sexta industria est) primum omnium diuinum spiritum colligere, ac feruorem aliquem acquirere, hoc studio ac conatu, vt in omnibus soli Deo placere intendant; suæque omnia, antequam opus aliquod aggrediantur, breuiter illud quidem, sed suauissimè, ac quàm fieri potest pijsimè, actu Deo offerant; iuxta formulam quam suo loco subiiciemus.

Studium diuinæ gloriæ in omnibus actionibus adhibendum.

Rationes huius optimæ sunt. hostis enim nomine non singuli milites tantum censentur, sed & totus exercitus: & quamuis temerarium videretur, vnum hominem vniuersum exercitum aggredi; vti inconsultè faceret, qui primo quoque tempore singula vitia vellet extirpare; nihil vetat tamen, initio, ad hauriendum spiritum nouum, & concipiendum peccatorum odium, muniendumque sese, in id incumbere, vt spiritum mundi, qui mentem imbuit, affectumque exuamus. etsi

Probatur rationibus.
I.

Simile.

enim statuerimus Deo seruire, à peccatis abstinere, quærere PERFECTI-
TIONEM; remanent tamen nescio quæ opiniones honorum, diui-
tiarum, amicitiarum sæculi huius, studia item plena vanitatis, propen-
siones ad iocos, irrisiones: &, quod caput est, hi homines fortè fines
numquam sibi proposuerunt virtutum; imò semper res inanes specta-
uerunt; etiamnum optima quæque detorquent ad curiositates; deni-
que tota eorum intentio, proprii iudicii ac voluntatis, passionum ac
desideriorum constitutione nititur: quare foret admodum vtile, si huic
tanti mali radici securis admoueretur; imprudentes enim in his fre-
quenter peccamus, defectu animaduersionis. Proditores facilè in vr-
bem ingrediuntur, & quidem multi & varij, si ad portas aut vigiles non
sint, aut certè poculis aut lusui intenti non obseruent. Multa quoque
cogitationum affectionumque genera in mentem, in voluntatem per-
uadunt, quæ non videntur: quia nullus obseruat, quod quisque pro-
prio amore trahatur atque occupetur.

2. 190. Accedit, sancto hoc puræ intentionis diuinæque gloriæ studio
animam sensim purgari & disponi, vt capacior sit nouarum gratiarum
atque virtutum: nihil enim sic Deum allicit ad gratiam suam commu-
nicandam, vt renuntiatio omnis sinistra amoris, & cura beneuolentiæ
eiusdem conciliandæ.

3. Adde, id ipsis initijs esse facillimum tironi imperito, & hoc vnico
faciliq; præcepto ipsum sine multo discursu leuari: nihil enim faci-
lius est, quàm vt eum ames, eius memor sis subinde, qui te infinito
amore complectitur, tuique numquam deponit memoriam; *cuius oculi
super iustos, & aures eius in preces eorum.*

Psalm. 33.

4. Summi præterea meriti est hæc exercitatio, vtpote quæ ab excel-
lentissima virtutum procedat, qua Deus proximè ac nobilissimè attin-
gitur. Non deest interea benignissimus Dominus animæ purè ac sin-
cerè quærenti se; & præuenit gratia, benedictione, ac consolationibus,
quibus tamquam calcaribus incitata, pergat & currat viam consilio-
rum Domini, & apprehendat, sicut & ipsa à IESU Christo appre-
hensa est.

5. *Rom. 8.*

Ioan. 20.

Huc maximè facit, quod in studio PERFECTIONIS summo
præsidio sit, magno spiritu duci. *Siquis enim Spiritum Christi non habet,
hic non est eius.* eum namque Christus Dominus dedit suis Apostolis
post resurrectionem suam, cum insufflauit in eos, dicens, *Accipite Spi-
ritum sanctum;* & vnice ante discessum promisit, in die verò Pentecostes
copiosissimè contulit: quo vno beneficio omnia complexus est, cetera
omnia cumulauit; imò nulla meritò putanda forent, quæ Dominus
IESUS fecerat, si nos Spiritu sancto destitutos reliquisset. Alterum è
duobus reperiri in nobis necesse est, aut Spiritum Dei, aut spiritum
mundi:

mundi: non enim hi duo Spiritus se patiuntur simul esse, eademque in anima cōmorari. nam vt vas aliquod pretioso vnguento plenissimum, *Simile.* aërem excludit; fuso verò vnguento, illico irrepit ac succedit aër: ita vsu venit in animis nostris; aut enim in ijs diuinus Spiritus inest, aut vanus; si diuinum effundas, succedit illico ipsi mundanus. Quòd si qui sint gratia Dei præditi, qui reliquias spiritus mundani foueant, illi vel breui in grauia scelera ruent, vel certè numquam ad eminentiam PER-FECTIONIS assurgent.

De hoc argumento multa diximus superiori libro, capite de vita spi- *Cap. 26.*
rituali: quo ostendimus omnia spiritualia mala ex defectu spiritus pro-
uenire. Atqui hac exercitatione quærendæ diuinæ gloriæ omnibus
in rebus, hauritur spiritus, imbuitur animus, & accenditur: fieri enim
non potest, vt tot aspirationibus ardentissimè emissis spiritus non at-
trahatur; cū Deus non minùs sit liberalis in sufficiendis animæ no-
stræ rebus spiritualibus, quàm largiendis corpori necessarijs. Aspiran-
ti verò animali Deus aërem non subtrahit, sed quodque animal omni
loco & tempore aërem paratum inuenit. Si quis ergo ad Deum aspi-
ret, si Deum inuocet, veniet profectò in eum spiritus sapientiæ; qui ad
fores, ad portas ciuitatum, ad compita, imò omni loco & tempore spi-
rat, tantumque expectat donec obstaculum auferatur, vt peruadere
possit, animosque replere. Nemo dicat se non posse esse feruentem, ni
velit redargui. Fac habeas spiritum, quo ferueas: si velis, ille spiritus fla-
bit, & fluent aquæ. spiritum non habes, quem tamen habere potes, si
respirare volueris; suffocaris, quia os non aperis: in corde enim tuo la-
tet calor, qui tua viscera depascitur; & non respiras?

191. Vltima ratio desumitur ex industria eorum, qui plurimum va-
lent scientia militari: cū enim obsidentur, si ciuitas omni ex parte
non sit munita, vt machinarum impetum sustinere possit; primū om-
nium id student, vt noti proditores capiantur, suspecti vrbe pellantur;
tum infirmioribus, tum alijs locis pluteos, antemuralia, loricas muro-
rum, medias (vt vocant) lunas, aliæque munimenta conficiunt, rati tu-
tissimum pugnæ genus non in hostem irumpere imparatos atque im-
becilliores, sed egregiè primū se munire; non defore deinde modum
nocendi aduersario, cū is nocere non poterit. Nos obsessi sumus
vndique; foris pugnæ, intus timores: cū verò initio maximè infirmi
sumus, & à virtutum vallis minimè septi; antequam pugnemus, & im-
petum faciamus in hostem, vtile erit, ad mensem vnum vel alterum re-
collectioni operam dare, & in nosipsum inquirere. Intus haud dubiè
proditores sunt. si ignoti, per exercitium hoc intentionis purgatoris
se prodent: capiantur illi, vt primo quoque tempore examinata causa
trucidentur. si qui motus suspecti subinde erumpant, non admittantur:

O o o j

valle-

6.
*Apia similis-
do.*

valletur etiam animus caritatis muris, arcibus ac turribus ardentiorum desideriorum; ut hosti nocere liceat, nobis verò obesse hostis non possit.

*Observationes
Sibi cum vno
solo vitio con-
certandum.*

1.

2.

3.

4.

192. Postmodum perduelles aggrediamur, non quidem omnes simul, sed antesignanum vnum aut plures: contingit enim aliquando ut duo, tres, aut etiam plures sint, ob variam complexionis compositionem, & inueteratam consuetudinem pluribus pravis affectionibus feruendi. Tam diu verò spiritualis miles cum vno congregiatur, donec eum, cum iudicio directoris, aliqua ratione domuisse ac exegisse videatur; ut cum utilitate ad aliud pellendum tutò possit accedere. Si passio vehemens, aut consuetudo violenta, diutius; si res facile possit superari, tum breviori spatio inhærendum. Dum aliud vitium exagitamus, sic intermittatur cura præcedentium, ut diligenter aduertamus an motus exurgant; & quàm acres, aut quàm remissi. Licebit verò ad idem iterum postliminio reuerti, cum fructu, & sapius.

Eadem ratio est de virtute inferenda. id autem dupliciter contingit: aut enim ea cum destructione vitij inducitur; quod maxime fit, cum destruendo vitium vnum virtutem contrariam appetimus; aut etiam cum de ea sola, sine vitij contrarij exagitatione, exercitium instituimus, proponendo virtutem aliquam adipisci certo temporis spatio, immenso desiderio in virtutis cupitæ honestatem intendentes, & à Deo postulantes eius incrementum; quo magis ei placere valeamus, & ad eius obsequium paratiores inueniamur. hæc omnia ex formula subiecta distinctè cognoscuntur.

*Index omnium
vitiiorum &
virtutum, quæ
in examine
particulari
trahuntur.*

Cap. 2.

193. Hic locus esset, indicem omnium vitiiorum & virtutum, quæ in Negotiationem spiritualement veniunt, texere; sed id nimis longum est. Quisque nosse debet vitia defectusque suos. examina præterea conscientia scripserunt multi, ex quibus vnusquisque, quod sibi videbitur proprium, desumet. vtiliter quoque de ratione vitiiorum destruendorum scribi posset, uti & de virtutum Praxi, in particulari; sed primum generalia præcepta tradenda fuerunt. Interea initio prioris libri posuimus virtutes præcipuas Christi Domini, exemplaris nostri: ad cuius similitudinem ut secundum interiorem hominem formati sumus; sic & in nobis lumina illa exprimere, si exemplar, quod nobis in monte monstratum est, imitari velimus, necesse erit. Præterea vtile est Paradisum animæ Alberti Magni de virtutibus sibi reddere familiarem, vnamque è virtutibus, singulis septimanis aut mensibus, suo tempore & ordine, ad exercitium seu Negotiationem hanc adferre: quod fiet cum fructu, si modò diligenter & continenter fiat.

Industria 7.

194. Gladius Davidis, quo Goliath caput abscidit, prætermitti non debet; & verò aliam industriam huic adiungendi nobis occasionem
ille

ille suppedabit: cum namque Dauid fugiens Saulem resumpsit, asse-
uerans hoc gladio nullum esse meliorem. Quid, quod in sanctuario
post ephod, quod erat ex lino albo confectum, pallio inuolutus esset
repositus? Vera sunt, quæ de caritatis usu, ad vitiorum eliminationem,
virtutumque acquisitionem, diximus: sed quid, si vires defint, si animus
languidior, si Saulis persecutio vrgeat, si tristitia infirmum absorbeat, si
mundus solitudini nostræ inopiæque insidietur? profectò pane ac refe-
ctione opus est. Quid ergo? gladium comedemus? Ita sanè, si modò
gladius ille sit panis. Recordare quid liber Iudicum de Gedeone re-
ferat. *Videbatur mihi, ait quidam, quasi subeinericius panis ex hordeo volui,*
& in castra Madian descendere: cumq; peruenisset ad tabernaculum, percussit il-
lud, atque subuertit, & terræ funditus coaquauit. Respondit is cui loqueba-
tur: Non est hic aliud, nisi gladius Gedeonis. Panis subeinericius fuit gla-
dius, delensque castra Madian: an igitur potiori ratione panis Ange-
lorum non erit gladius nutriens animam, confortans cor hominis ad
bellandum, aduersariosque vsque ad internecionem delens? arma de-
nique potentia nostræ à Deo, ad destructionem omnium munitio-
num? Dicat Regius Psalter quid de hac re sentiat. *Parasti, inquit, in conspe-*
ctu meo mensam, aduersus eos qui tribulant me. Si mensa propositionis pa-
num gladius fuit aduersus hostes; quanto magis mensa Domini! Est
ergo Christus I E S V S panis & gladius.

Notandum tamen est; Dauidem gladio Goliath usum non fuisse;
nisi cum quinque lapides de torrente collegisset, reposuissetque in pera
pastorali, & eorum vnum saltem funda iecisset. Ita quoque nobis usu
venire par est. Sacramentorum frequentatio prodest plurimum ad vitio-
rum destructionem, si modò lapides comparemus, funda que iaciamus;
si interno studio prauos habitus ac passionem destruamus. Euerti de-
bent gigantes hi sublimes, vt caput eorum excelsum petamus: quò per-
tingere non possumus, si stent; aut certè altos perfectosque admodum
nos esse oportebit. hinc Deus Augustino: *Cibus sum grandium; cresce,*
& manducabis me. Creuimus, si passionibus sumus superiores; & tum
maximè idonei sumus ad gladium hunc frequentius vsurpandum ac
versandum: magni sumus, si peccata nobis subiecimus, si gigantes cal-
camus. *Elevant nos,* ait Augustinus, *si fuerint infra nos.* si verò nobis
illi fuerint superiores, nos parui ac imbecilles gladium eorum vel cor-
ripere, vel eorum capita amputare non poterimus.

195. Goliath exprobrabat populo imbecillitatem, & quasi victor in
gladio suo gloriabatur. quod dæmon multo magis fecerat prostrato ge-
nere humano; sed quo gladio? vtique carne nostra, quæ gladius dæ-
moni fuit, quo mundum vniuersum debellauit, cum *omnis caro corrupe-*
rat viam suam; quo quinque ciuitates circa Sodomam & Gomorrhā
per-

1. Reg. 27.
Eucharistia &
gladij Goliath
comparatio.

Iudic. 7.

Psal. 22.

vsus Eucharis-
tiae similis cum
studio mortifi-
cationis.

Lib. 7. Conf.
cap. 10.

Serm. 3. de adu-
scent. Domini,
in fine est m.
edist. Plant. 150.
appendice 58.

Gen. 6.
Gen. 19.

percussit; quo infinitos homines etiam sapientes cecidit: hoc protoplastum Dei manibus conditum, ac omni sapientia præditum, de supremo sapientiæ gradu deiecit, Salomonem gloria diuinæ scientiæ inclytum infatuauit, fortissimum Samsonem fregit, sanctissimum Dauidem infecit. Diu multumque immanis hic Philisthæus exprobrauit agminibus Dei. Tandem aliquando descendit paruus Dauid, unicoque lapide turrim illam disiectam proprio ipsius gladio truncavit. gladio, inquam, eius: assumpsit enim carnem nostram, & in ea conflavit, feliciterque hostem evertit, contudit, iugulavit. In tanti facinoris memoriam caro hæc seruatur perpetuo in templo, inuoluta accidentibus albis panis consecrati.

Gladij vis maxima in diuinitate latente residet; illa verò humanitate nostra, velut vagina, absconditur. Vtraque inuoluta est pallio sacratissimarum specierum post ephod; in tabernaculo nempe, quod ex lintheis mundissimis sæpe conficitur. vnde quod infanti Christo in utero matris delitescenti Ioannes è matrice, in persona Sponsæ ad Sponsum suum acclamantis, admirabundus dixit, vltupare & nos possumus: *En ipse stat post parietem nostrum, respiciens per fenestras, prospiciens per cancellos. En dilectus meus loquitur mihi: Surge, prope amica mea, columba mea, formosa mea, & veni: iam enim hiems transijt, imber abiit & recessit; flores apparuerunt in terra nostra; tempus putationis aduenit. Vox est humilis animæ, amantissimum Dominum magna fide cernentis, interpellantis, & firma fide profitentis in sacrosancta Eucharistia præsentem esse: qui et si pallio inuolutus sit post ephod, hierothecisque ac tabernaculis conclusus esse videatur; nos nihilominus videt, nos alloquitur, & ad amputanda superflua vitis nostræ internæ hortatur ac inuitat.*

*Hortatio ad
sacrosanctam
Eucharistiam
sumendam.
1. Reg. 17.*

*Effectus sacra-
mentum Eucha-
ristiæ.*

196. Nunc ergo qui aggredieris singulare certamen cum dæmone, cum peccatis, cum prauis propensionibus, scelerata consuetudine roboratis, an ne inermis procedes? Agè, quinque torrentis lapides spirituales, passionis Christi merita, tibi suppeditant. *Cucurrit Dauid, iacto lapide, & stetit super Philisthæum, & tulit gladium eius, & eduxit eum de vagina sua, & interfecit eum, praciditque caput eius. Vade, & tu fac similiter: magno ardore dæmonem ac vitia tua aggredere & persequere; arripe simul gladium aduersarij tui, carnem Christi IESU Domini nostri reuerenter sume. Non est huic similis ad fragilitatem relabentium amputandam, ad prauas consuetudines extirpandas, ad domandam cupiditatem: non est huic similis ad triumphum de hostibus reportandum, ad trophæa referenda, ad virtutes comparandas atque augendas: denique non est eo melior ad PERFECTIIONEM capeffendam, ad perseuerantiam obtinendam, ad brauium supernæ felicitatis promerendum.*

C A P V T

CAPVT XXXII.

Industria octaua: in Negotiatione spirituali rationem dati & accepti esse exigendam. Additur formula collationis spiritualis, continens Praxim Negotiationis.

197. **I**N Negotiatione omni rationem dati & accepti interuenire necesse est; alioquin & institores defunt officio, & errores magni irrepunt, & plerumque vsu venit, vt, qui in subducendis rationibus negligentiores sunt, fortunis euertantur, & foro etiam cedant. In re ergo tanta, quæ inter Deum & nos geritur, tamquam partes contrahentes, merito rationem à nobis exigimus; ne fides nostra vacillet, factaque retractemus, aut etiam omnino à pactis recedamus.

Res magna est, quam gerimus; Deum habemus cooperatorem, & pecunijs meritisque I E S V Christi Domini mercamur; pretium verò minus non est regno cælorum; & qui dixit, *Negotiamini dum venio*, rationem traditæ pecuniæ, nostræque Negotiationis exigit in die extremi iudicij. Præcipua quæ de hac ratione dici possunt, iam explicata sunt in duplici examine, generali nempe & particulari: quæ præsentī instituto propria sunt, nunc paucis exponemus.

198. Ratio hæc in eadem tria tempora, quæ in examine particulari constituimus, distribuitur: matutinum nempe; quo proponitur res quam in Negotiationem adducere toto diei decursu statuimus; meridianum, & vespertinum, quibus quid vtiliter, quid perperam actum sit, quidve omisum ex re mane proposita, discutimus. Concurrent enim illis duobus temporibus, eadem opera, tria examina. Generale, quo de peccatis illo die admissis inquirimus: particulare, quo vitium ali- quod ex condito exterminare nitimur; tertio verò, quid neglectum sit propositi matutini, reputamus. Quare non repeto quæ singulis attribui: qui enim in ijs se exercuerit, ei difficile non erit & tertium his iungere, & de omissione neglectæ Negotiationis iudicare; imposita etiam sibi pœna, si fortè delictum sit, ne aliàs irrepat negligentia.

199. Præter tria hæc tempora Negotiator spiritualis sapius ad se redeat, feruorem intepefcere non permittat: singulis saltem horis, dum eæ audiuntur, breuissima recognitione statum animi sui consideret; sibi suoque se reddat Creatori, si fortè vel ab animi puritate deflexisset, vel propositum neglexisset. Quoties denique aliquid acturus est, quod sit alicuius momenti, illud non incipiat, quin D o idipsum offerat ac

Necessitas examinis particularis secundi.

1.

2.

Luc. 19.

Qua in ratione dati & accepti obseruanda.

1.

Tria examina in vnum simul concurrere.

2.

Ad mentis arcanum sapius recurrendum.

P p p

com-

commendet, addita similiter detestatione peccati quod destruere intendit, aut desiderio virtutis quam gestit acquirere. Talia esse possunt, primum aliquem conuenire; cum mulieribus versari; tractare cum aliquo de eius salute; rem ex obedientia præscriptam implere; obire sacra; hominem iracundum & malè affectum compellare; studia inchoare, & multo magis orationes; confessiones item excipere; conuocari; hortari peccatorem; subditum aliumve ex caritate corripere. Denique facturus ea, quæ Deo singulari cura mane commendauit, eadem perficiat eo spiritu quo proposuit.

3.
Statis temporibus ad se esse redeundum.

Tertiò vtile est, certa quædam tempora deligere, sibi quæ præscribere, quibus pius animus in se redeat, quinquies aut sexies in die: vt cum redit ad cubiculum; cum mensam accedit; post refectiōem, & hominum liberaliorem vel longiorem congressum; post studia. Denique quo sæpius quisque cum Deo internè conuersabitur, quo sæpius ardentes caritatis actus eliciet, eo plus meriti acquirat. Discussio sanè facilius reddetur, quia homo perpetuò in excubijs est. Nec difficile erit delicta inuenire, cum propter assiduam vigilantiam, tum maximè ob teneritudinem purissimæ conscientie, quæ, vt oculus non minimam stipulam, sic nec næuum leuissimum sine graui sensu admittit; qui & primo quoque tempore, quo quis ad Deum accedit, occurrit, & mentem quietam, donec dolore sublatus fuerit, non relinquit.

4.
Bonis considerationibus & orationibus negotiorum spiritualium excitandum.
2. Matth. 16.

Memor sit quisque eorum quæ præcedentis libri capite finali scripsimus de gratiæ ac virtutum augmento, quanta scilicet iactura sit in tanto lucro esse negligentem: vtque maius tanti lucri desiderium excitet, reuocet in memoriā sibi esse moriendum; cælos ipsos penetret, & videat quem locum sibi paratū cupiat: *“ unicuique enim reddet Dominus secundum opera eius.* Nos pœnitebit in exitu vitæ socordiæ nostræ, prætermisissimæ officij; quod nempe, cum permulta exiguo labore nancisci possemus, maluerimus nugis atque inanibus nanijs omnem nostram ætatem terere, quàm æternis diuitijs cumulandis insistere. Assuetudo plurimum potest. Possunt mercatores intendere dies & noctes, & quidem continenter; relaxationem atque intermissionem exiguam aut nullam admittunt; spes lucri à dolore capitis, à tædio, ab otio facilè vindicat; & quādiu lucrandi opportunitates adsunt, eas numquam prætermittunt; si absint, quærunt magna cura ac studio: quid ni æquè nos moueat spes æterni ac beatissimi regni, gloriæ incomparabilis, felicitatis perpetuò duraturæ?

Oratio mane recitanda, & interdum repetenda; qua ad Deum actiones nostras referimus, ad eius beneuolentiam promerendam.

200. Clementissime Domine, ac pijsime Pater, ecce adsto coram tua

tua Maiestate, & Curia tua caelesti, & fateor tibi me omnia debere: idcirco offero me, meaue omnia, & ea consecro ac dedico diuinæ clementiæ tuæ, corpus nempe, animam, vitam, cor, desideriaque omnia mea, & quidquid hodie facturus sum, & in omnes æternitates; eo maxime fine, vt tibi super omnia placeam; quia tu solus amor meus, spes mea, finis & intentio mea: præter te nihil volo, nihil cupio, nihil desidero. Testor etiam atque etiam, me nulla ratione, nullo vmquam tempore, vlli motui inordinato aut cogitationi peruersæ acquieturum, imò ne auditurum quidem; & quidquid occurrerit, vel operibus meis sese immiscuerit, legi tuæ aut beneplacito repugnans, omni quo possum studio animique contentione protestor id omne esse contra voluntatem meam. Tu me, amantissime Domine, conserua; fuga aduersarium, & motus omnes rebelles comprime, vt te vesperi laudem, gratiasque referam, & deinceps in sæcula sæculorum. Amen.

Ita breuius:

Domine, quid mihi est in celo? & à te quid volui super terram? Defecit caro psal. 71. mea, & cor meum: Deus cordis mei, & pars mea, imò & totum meum, Deus in æternum.

Vel:

Dilectus meus mihi, & ego illi.

Cant. 2.

Orationis pars altera, ad cupiditatem aliquam euellendam.

201. Quia verò in me multa video, Domine Deus meus, quæ arctam tecum contractam amicitiam obscurant, imminuunt, atque impediunt, qualis inter cetera inanis gloriæ (*vel N.*) cupiditas; siue illa orta sit ex concupiscentia, siue ex naturæ ac complexionis prauitate, siue inducta consuetudine: eandem inuisam cupiditatē detestor, doleoque ex animo, me culpa propria in eam seruitutē incurrisse; totus verò virtutis humilitatis (*vel N.*) pulchritudine captus, ardentissimis votis in eam feror, teque per omnes miserationes tuas rogo, obsecro, atque obtestor, vt, euulsa radicitus inanis gloriæ (*vel N.*) cupiditate, optatissimam humilitatis (*vel N.*) virtutem animo meo inferere, augere, stabilireque digneris, meritis Domini nostri IESV Christi, cui honor & gloria in sæcula sæculorum. Amen.

Ita breuius:

Iniquitatem odio habui, & abominatus sum; legem autem tuam dilexi. psal. 118.

Orationis pars tertia, ad virtutem aliquam particularem acquirendam.

202. Et quia, ô summe amator hominum Deus, delicias asseris tuas *Prou. 8.* esse, vt sis cum filiis hominum, templumque tibi in eorum cordibus de-

Ppp 2

legisti;

legisti; vnicè doleo, in eo ornamenta, quæ præsentiam tuam deceant, desiderari. Quare te etiam atque etiam rogo, benignissime Domine, ut, quia ex me inducere non valeo, ea tecum adferre, omniumque virtutum decora atque venustatem importare digneris. Præ ceteris verò virtute humilitatis (*vel N.*) indigere me fateor, & ea quidem ad promptissimè tibi obsequendum ac diligendum maximè necessaria. Eam ideo ex animo desidero, & ex intimis præcordijs concupisco; eo præsertim fine, ut tibi perfectè obediam, atque in tuos complexus, in quibus & perpetuò immorari, & etiam immori exopto, ardentissimè tuam ac conquiescam, tibi laudes dicturus in sæcula. Amen.

Ita brevius:

Cant. 1.

Trabe me post te, curremus in odorem unguentorum tuorum.

Formula seu Praxis collationis spiritualis: ἀναγεφαιλαίωσης Negotiationis spiritualis, seu examinis particularis; ad vitia destruenda, & virtutes inferendas.

Collationis spiritualis formula & partes.

Quoniam verò conferentiarum seu collationum spiritualium fecimus initio mentionem; subijciam hîc pro coronide formulam, quam, qui velit, possit imitari. Conveniunt multi, parati ad quærendum de dubijs spiritualibus, quæ cupiunt sibi explicari. Ex his proponitur vnum, vel plura, prout quisque sibi optat satisfieri, & patitur tempus.

Præst aliquis peritus & exercitatus, ut & perspicue resoluat dubia proposita, & defectum eorum, qui proponere nesciunt, suppleat; proponatque ipse, de quo à singulis iudicium exquirat, si minus ipsi in proponendo sufficerent; & auditis omnibus, vel etiam singulis, rem totam resumat, discutiat, explicet, nodosque omnes reconditos euoluat.

Magni faciat ipse quidquid singuli dixerint, eliciatque mel de petra, oleumque de saxo durissimo: enimvero qui dicunt ex spiritu, quantumcumque rudes, Præsidi egregiam materiam discursus spiritualis alicuius suppeditant. Sed ad conferentiam veniamus, & instituat quæstio de Praxi atque usu Negotiationis iam explicatæ.

Collationis quæstio prima.

Præceptum 1. Magistrum in exercitijs spiritualibus peritum, esse necessarium.

Proposito ergo atque explicato argumento, à Præsede quærit primus, quænam ad praxim Negotiationis iuvandam facere posse videantur. Respondet Præses, multa præcepta tradi posse, quæ tamen facile ex dictis colligantur; & inter cetera illud apprimè fore utile, ut, qui securè in hoc negotio velit procedere, arbitrum exercitationum suarum peritum deligat. Etsi enim unctio Spiritus & necessaria sit, & vehementer negotium hoc promoveat; non vacat tamen periculo, viæ duce carere, adeò obscuræ, totque dæmonis illusionibus expositæ. quæ de

dere copiosè Cassianus. Etenim, ait, cum omnes artes ac disciplina huma- *Collat. 24. c. 16.*
 no ingenio reperta, (qua & nihil ampliùs quàm vita huius commodis præsunt)
 licet manipulari queant, & oculis pervideri, rectè tamen à quoquam sine insti-
 tuentis doctrina nequeunt comprehendi; quàm ineptum est credere hanc solam
 non egere doctore, qua & inuisibilis & occulta est, & qua non nisi corde purissi-
 mo peruidetur; cuius error non temporale damnum, nec quod facile repareretur,
 sed anima perditionem parit, mortemq; perpetuam! Hæc Cassianus. Acce-
 dit, vtilissimam esse de rebus spiritualibus sermocinationem cum fido
 aliquo amico, cui liberè ac confidenter teipsum aperias. Sed cum quo
 securiùs aut liberiùs quàm cum conscientia tuæ arbitro conferes? à
 quo certiùs ac veriùs lucem ac directionem accipies? nec id modò ra-
 tione eruditionis atque experientia qua pollet; sed quia Deus propter
 humilitatem tuam, & ratione paternæ providentiæ, amorisque in filios
 sui, eidem suggeret, vnde lucem ac directionem optatam haurire pos-
 sis. Hoc in primis præceptum necessarium est.

Necesse est deinde, vt constituat quisque quoties per diem velit & *Præceptum 2.*
 possit redire ad sese, excutere animum, & factorum rationem à se exi- *Recollectio*
 gere: potest enim id omni loco & hora fieri; hominibusque interne *diurna quàm*
 degentibus id semper fuit familiare. Nec adeò id molestū censerī de- *frequens esse*
 bet, cum breui spatio illud fieri expediat. Nonnulli itaque certas ho-
 ras designant, (ad Regis pijsissimi imitationem, qui ter, mane nempe, *Psal. 54.*
 meridie, & vespere, aut certè septies in die, Deum laudabat) distribu- *Psal. 118.*
 tis videlicet pro cuiusque commoditate temporibus. Alij horis singu-
 lis (quarum pulsū se moneri sentiunt) colligunt animum; alij quoties
 cubiculum ingrediūtur, quoties ad rem aliquam notabilem accedunt,
 & tempus suppetit, siue inter eundem, siue dum mora aliqua inter-
 uenit. Quisque ergo deligat quod fieri potest per occupationes. quo
 frequentius, eo melius. Ex professo verò ad minimū bis fieri oportet, &
 attentius & prolixiùs; nempe circa meridiem, & vesperi ante quietem.

Ab hac discussione omnis leuitas & inconstantia eliminanda est; & *Præceptum 3.*
 quidquid statutum ac propositum fuerit, illud inconcussè ac inuiolabi- *Propositi con-*
 liter, quantum ratio permittit, obseruandum est. Hic radix infructuo- *stantia seruand-*
 sæ arboris designanda, ad quam securis correctionis admoueat.

Quæstio secunda.

Secundus proponit & petit, quanto tempore, qui vitium aliquod
 euellendum vel virtutem inferendam deligit, in ijs singulis occupari
 debeat. Respondet Præses, multa vna proponi quæstione; atque pri-
 mùm de vitio exterminando, deinde de virtute inferenda agendum
 esse: status præterea hominum esse diuersos, quorum vnicuique con-
 uenienter respondendum est. Alij nempe incipiunt, proficiunt alij,

Ppp 3

alij

alij denique perfecti censentur. & quidem quorundam vitia altius radices egerunt, quædam verò nulla adhuc consuetudine vel deprauata naturæ complexione roborantur.

*Exercitium 1.
Rectitudo intentionis in incipientibus.*

His suppositis, illud initio statuendum est, vt, qui incipit, (ab ijs enim, qui incipientes appellantur, inchoandum est) aliquot mensibus sese in rectitudine intentionis exercent; quærens in omnibus Deo placere, super omnia, propter ipsius singularem bonitatem; addito generali odio, persecutione, ac detestatione vitiorum omnium, vt fusè superius explicatur.

Eius duratio.

Singulis verò mensibus vertentibus consideret attentè quantum profecerit, & an expediat mensi iam lapso alium adiungere in eodem exercitio. Idipsum Deo commendat, & lumen desuper postulet. Si post orationem sentiat detrimentum fore si diutius continuat, aliud aggrediatur, eo modo quo deinceps dicturi sumus. Si verò nimium operando de soliditate virtutis existimet detractum iri, hæreat quantum cum suo profectu & cōsolatione in dicto exercitio se versari posse confidit. Arbitror verò quemque in exercitio rectæ intentionis duos tresve menses vtiliter positurum operam. Inretea sub finem cuiusque septimanæ de profectu decursæ illius hebdomadis inquirat diligenter, puniat culpas, negligentias morasque castiget. Nullo modo parcat, si aliquid sinistra intentione fecerit, aut minus bona: si nulla intentione ac perfunctoriè res gesserit, nec hoc ipsum impune abire permittat.

Quæ illud inuenit.

Vt autem in hoc de rectitudine intentionis, & in alijs sequentibus exercitijs finem assequaris, (qui est inordinati affectus destructio, & caritatis aliarumque virtutum incrementum) necesse est omnes animi nervos contendas, cum absoluta resignatione ac voluntate faciendi quod in te est; & ad hoc orationes, pœnitentias, confessiones, communionem, votorum renouationes, & quidquid laudabile comminisci potes, adhibeas. Certè reperies breui tempore, te non frustra laborem hunc subijisse. Hoc ergo primum sit exercitium, & ijs quidem, qui incipiunt, propositum.

*Exercitium 2.
Oppugnatio præcipui defectus.*

Collat. 5, c. 14.

Alterum est: Vbi mensibus aliquot is, qui incipit, (præsertim si è fa-lebris mundi recenter emergat) rectæ intentioni assueuerit, deligat deinde præcipuam è prauis naturæ suæ vitiata propensionibus, eique bellum indicat, eo modo quo superius explicatum est, iuxta consilium Cassiani; seruato nihilominus etiam cum eodem augendæ caritatis exercitio: nec enim quidquam impediet id, cum ad finem eiusdem virtutis omnes actus boni referri possint. Detestaris nempe superbiam, fugis avaritiam, persequeris ignauiam, vt Deo placeas. sic reliqua vitia oppugnabis, vt præclaram illam PERFECTI O N I S ac caritatis margaritam assequaris.

Hoc

Hoc etiam facies aliquot mensibus, & sub finem cuiusque, re Deo *Eiusdem durat.*
commendata, dispicies an diutius in eiusdem imperfectionis destru-
ctione te hærere oporteat. Post duos demum trêse menses (vt vide-
tur) aliud vitium conuellendum assumes. Et hæc quidem omnia cum
eodem feruore atque animi contentione prosequenda erunt, quo pri-
mùm de caritate augenda per rectam intentionem antè diximus. Nec
facilè cuiquam transeundum ordinariè erit ab vnius vitij exercitio ad
aliud, quamdiu circa huiusmodi defectum occupatio inueniatur.

Caueat tamen sibi à latente socordia, quæ ad vitandam molestiam ac *Negligentia*
laborem noui exercitij, nouorumque conceptuum, sub quietis perni- *cauenda.*
ciosæ latebris solet delitescere.

Obseruet idem in hisce omnibus diuersos motus à varijs spiriti- *Motus animi*
bus prouenientes, discatque bonos à malis discernere, ac dignoscere *Varij, & acris*
quid à natura, quid ab animi perturbatione, quid ab hoste veterino *pugna interni*
proficiscatur. hîc namque immanis pugne occasio summa dabitur:
agitur enim de pelle exuenda, non externa quidem, sed interna; de-
que toto homine veteri deponendo atque abnegando, vt nouum, qui
secundùm Deum creatus est, induat. Assumet haud dubiè natura, iuris
sui tenacissima, formas omnes, omnem industriam exacuet, vt se intra
limites suæ libertatis contineat. Subtilissimæ oborientur tentatio-
nes, quas nouus miles difficulter cognoscet. Deinde, cùm in medio
virtus consistat, & sæpe extrema vitia virtutum laruam ac simulacrum
assumant; iudicio opus est, ac spirituum discretionem, iuxta & generoso
animo, cùm ad artes ac impetus aduersariorum dignoscendos ac susti-
nendos, tum ad eosdem prosterndos.

Quapropter vtile admodum erit, in aduersaria referre capita exer- *Quæ scripto ac-*
citationum istarum, quotidiana proposita, studium menstruum ac *notanda.*
hebdomadarium, visitationes cælestes, pugnas grauiores superatas, lu-
mina superuenientia; quæ omnia suo tempore vsui erunt ad profectum
spiritualem proprium, aliosque in simili discrimine adiuuandos.

Quæstio tertia.

Proponit tertius: Dum contra vitia contendo, nōne simul opus
erit vt interea de aliqua virtute acquirenda sim sollicitus? Respondet
Præses, neminem oppugnare vitium, quin simul virtutem aliquam in- *Qui vitium op-*
tendat, & verò attingat: oppugnationes namque illæ, virtutum actus *pugnat, virtu-*
sunt. Vt igitur fileam in primis augeri caritatem omnibus virtutum *tem acquirere.*
actibus, quales sunt ij, quibus vitia detestamur; incredibiliter præterea
caritas augetur, dum in eius finem omnes actus isti interni actualiter
referuntur. Denique cùm detestamur vitiosam inclinationem, eius
contrarium appetimus: vt qui persequitur superbiam, tamquam hu-
mili-

militatis, quam appetit, hostem iuratum, humilitatem auget, eiusque gradus sensim accumulatur. quod de ceterarum virtutum actibus statui potest.

Questio quarta.

Duratio.

Simile.

*Pravi habitus
foundationem
virtutum im-
pediunt.*

Quartus sciscitatur, quamdiu contra huiusmodi domesticum eumque primarium hostem configendum sit. Respondet Praeses, quo ferocior fuerit, altioresque radices egerit prauus ille habitus, eo constantius ac diutius eum esse persequendum. ut enim qui fundamenta iacere velit, omnia rudera, arborum radices, versamque ac submotam olim terram eruit, donec natiuam inueniat, super quam fundamenta aedificij constituat; ita nobis agendum est, si solidè fabricam spiritualem stabilire velimus: nihil antiquæ terræ veterisque Adami remanere, omnia passionum rudera, omnes peccatorum fibras erui conuenit; alioquin aedificium virtutis non stabit, & flante tentationum vento facile corruet: quia inordinatæ animi affectiones potentiam hominis, humanarumque actionum fundamentum planè debilitant, concutiunt, ac conuellunt. quare ubi consuetudo naturæ corruptæ accesserit, aut aliàs, prauus habitus vires habet potentiores, fortiusque ac diutius laborandum est; non item ubi exigua est oppositio, & vitium cedit imperio voluntatis.

*Sigillatim
omnia de-
struenda.*

Eadem ratio erit de ceteris defectibus ac perturbationibus animi exterminandis; quæ vicissim iuxta leges iam positas nunc per menses, nunc per certas hebdomadas, simili conatu conterendæ erunt. Dico, vicissim; quia monuimus cauendam esse confusionem, sigillatimque defectus esse impetendos statis temporibus; faciliusque vnum aduersarium sterni, quàm plures, quorum vires & alterius accessione roborantur, & detractio debilitantur.

*Iul. Flor. gest.
Rom. lib. 1. c. 3.
Tit. Liv. lib. 1.
ab Urbe condi-
ta.*

Simile quid olim contigit in concertatione Horatorum Romanorum ex vna parte, & Curatorum Albanorum ex altera, qui de obtinendo imperio decertabant: cum enim pari robore frequentibus præliis utrique comminuerentur; misso in compendium bello, Horatijs Curatijsque tergeminis hinc atque inde fratribus, utriusque populi fata commissa sunt. Anceps & pulchra contentio, exituque ipso mirabilis. Tribus quippe Curatijs vulneratis, duo Horatij super alium alius expirantes corruerunt. Superstes tertius fortè integer fuit, ut vniuersis locus nequaquam par, sic aduersus singulos ferox. Ergo, ut segregaret pugnam eorum, fugam capeffit; ita ratus secuturos, ut quemque vulnere affectum corpus sineret. Iam aliquantum spatij ex eo loco, ubi pugnatum est, aufugerat, cum respiciens videt magnis intervallis sequentes; vnum haud procul ab sese abesse. in eum magno impetu redit: &

& dum Albanus exercitus inclamat Curatijs vti opem ferant fratri, iam Horatius cæso hoste secundam pugnam petebat. Prius itaque, quàm alter, qui nec procul aberat, consequi posset, & alterum Curatium conficit. Itaque æquato Marte singuli supererant. Horatius denique Curatio malè sustinenti arma gladium iugulo supernè defigit. Sic (rarum aliàs decus) vnius manu parta victoria est, addito nempe ad virtutem dolo. Qui in proposita nostra spiritali pugna magnę prudentiæ atque industriæ argumentum est: sic enim aggregata vitia non expugnabis, segregata faciliè vinces.

Quæstio quinta.

Quintus subiungit: Quid si subinde labar in defectum aliquem, de quo non est quæstio? non licebit illum statim in examen particulare inducere, ne fortè hæream in luto, aut etiam in alium graviorē incidam?

Respondet Præses: Etsi difficilior sit duos prosequi quàm vnum, necesse est tamen subinde id admittere. Fures duos nocturnos aggredieris, non vnum tantum, ne alter fugiat, (si vtrumque capere possis) præsertim si is qui fugit, fortior effectus, iugulum tuum petiturus putetur. *Quotidiani defectus notabiles exagritandi.*

Peccata nostra latrunculi nocturni sunt, & iugulum petunt: capi debent, quotquot teneri possunt. Similiter, quamvis facilius sit vnum, cui infides, equum ducere, quàm duos; sit tamen, & sæpe multi longo agmine loris vincti abducuntur. Sic, etsi vni vitio domando sufficiat incumbere; cum necesse est tamen, non vnum tantum, sed plura trahimus, nec adeò incommode, si illa imperio voluntatis ac vinculo caritatis constringantur. Denique, quemadmodum duos ephebos insolentes, vel malefactores, simul flagellare difficile est; si tamen simul nudos alliges, æquè faciliè in duos propemodum scuticam contorquebis, atque in vnum: sic & quotidianos defectus deprehensos ac detectos, in ordinario exercitio colligatos, tamquam malefactores, ad satietatem cedere poteris, cum voles: vtrumque enim potes detestari, & vtriusque detestationē ad eundem caritatis finem referre; & id quidem ad vnum saltem aut alterum diem, donec menti tranquillitas restituta sit, & sanctissimo iustitiæ vindictiæ zelo satisfactum. Haftenus de incipientibus; de proficientibus modò dicendum est.

Quæstio sexta.

Petit sextus, an eadem ratio sit proficientium, quæ incipientium; & quanto tempore proficientes in hoc studio, seu in vtroque exercitio iam explicato, occupari debeant. Respondet Præses, vtriusque doctrinam hanc esse communem; & vbi cetera paria sunt, etiam tempus. illa differentia potest intercedere, quòd, qui profecerunt, minora forsan habeant impedimenta. Hoc tamen obseruatione dignissimum: in-

Q99

terdum

Similia.

1.

2.

3.

In proficientibus.

Notu.

terdum viros admodum virtute eminentes, & gratia, grauissimas à complexione perucaci vel praua consuetudine difficultates experiri; imperfectissimos verò nonnullos tantam in se malaciam ac pacem obtinere, vt multum laborent in inuenienda passione aliqua, aut etiam peccato veniali, quod confiteantur. non ideo tamen sunt perfectiores.

*Proficientes in
defectus suos
debere animi
aduersere.
Duratio.*

Si ergo à natura remoræ huiusmodi erumpant, eæ comprimendæ sunt; & sic eadem ratio est, quæ incipientium. De tempore nihil aliud constituo, quàm quod in alijs præcedentibus statuimus: vt nimirum singulis septimanis ac mensibus quisque cum Deo dispiciat, an è re spiritali sua sit, hæere diutius in eodem exercitio. Quod si accedat directoris iudicium, id sequatur: nihil enim certi constitui potest, quando summa varietas solet incidere.

Quæstio septima.

*Cum ijs qui
tentationes
non sentiunt,
quid agendum.*

Vrget septimus: Quid in complexione temperata, in qua mollissima sunt omnia, nullæ rebelliones, vix ullæ tentationes erumpunt? Respondet Præses, eiusmodi persæpe periculosè laborare; & sub placidæ naturæ umbraculis non exiguos defectus abscondi, qui produnt se oblata occasione. Nihilominus consideret, quicumque ille sit, quid ipse in alijs obseruet, quid in se ab alijs reprehendatur: videat quem admodum se erga Deum ac diuina habeat; quàm minimè sedulus in suis, quàm insolens in alienis; denique quàm parum internè conuersari assueuerit, quàm omnia sua faciat perfunctoriè, & per modum naturæ. qui defectus exigui censendi non sunt. Et ne talis vel nihil faciat, vel tempus terat inuiti indagine, aut tædio afficiatur, inani velitatione ignotum aduersarium impetens; expediet illum ad virtutum exercitium admittere: sic enim vitium contrarium ei magis innotescet; & dum virtutis ambiat pulchritudinem, hostem in insidijs latentem, ac tum demum deprehensum, proteret & conficiet.

Quæstio octaua.

Proponit octauus, quanto spatio proficiente in vitiosorum habituum euulsione sit immorandum, antequam ad virtutum stadium admitti possit. Respondet Præses: Ordo naturæ postulat vt purgatio præcedat, illustratio & exornatio sequantur, quarum aliàs splendor sordium permixtione fœdaretur. Quapropter, quamdiu ea impedimenta vigent, quæ virtutum infitionem non admittunt, aut notabiliter impediunt, tamdiu vis nobis inferenda est, vt ea pellamus ac propulsemus. hoc verò quisque in animo suo reputabit, & cum direttore constituet. Quamquam illud iterum repetendum est, non omitti studium infitionis virtutum, dum vitia euellimus: cum enim odi peccatum,

amo

amo & quæro virtutem, cuius causa contrarium abominor; sicque vitiosus habitus minuitur, crescitque virtus contraria. Hactenus de proficientibus.

Quæstio nona.

Petit nonus, quid perfecti circa vitiosos habitus agere debeant. Respondet Præses: Certè si nullos habeant, non est quòd sint solliciti: si habeant, non omittant euellere, atque ad id opportuna remedia quærere. Illud profectò verum est, paucos esse qui sine peccato sint, & quorum animis nullæ fibræ prauorum habituum adhærescant; quæ non rarò erumpunt, non sine insigni eorum dolore & confusione.

Illud etiam perfectis fatendum, temerarium fore, ne dicam perniciosum, si sibi persuadeant, ac credant, nullos se habere defectus. concupiscentia enim, quæ vitia omnia complectitur ac fouet, dentes retinet: & licet non iugulet omnes, latrat tamen, & mordicat; mordet sæpe incautos, & præfidentes sæpe fauciat. ideoque iusto Dei iudicio permittuntur haud rarò labi in minimis, vt lapsus timeant grauiore; mentèque retineant adhuc viuere in se aduersarium, tamquam rabidum canem, catenatum quidem, sed longè ferocissimum; ad quem si accesseris, vel lorum timoris Dei, quo ligatur, remiseris, tuo sanguine rictum suum imbuet ac cruentabit. Videat ergo quisque quid in se reliqui veteris hominis viuatur; & sic, credo, non deerit, ne perfectò quidem, optima exercitationis materies.

Seruiunt etiam lapsus quotidiani; quos eo studiosius persequetur, quo recentiora adhuc eorum sentit vulnera: & iungi poterunt cum penso hebdomadario aut menstruo, siue de rectitudine intentionis, siue extirpatione alicuius prauæ inclinationis; vel certè per dies aliquot soli illi in exercitium erunt vocandi. Hactenus de vitiosorum habituum distinctione incipientibus, proficientibus, & perfectis proposita; nunc de palæstra virtutum aliquid dicendum restat.

Quæstio decima.

Decimus itaque petit sibi aliquid explicari de eminenti illa ratione, qua virtutes ac ipsa PERFECTIO acquiruntur: & vt ordinatè respondeatur, tria proponit. Primum est, quid in hac disciplina de virtutum exercitio sit maximè obseruandum: alterum, quibus hæc palæstra pateat: denique, quamdiu in ea sit commorandum. Respondet Præses, arduam ac difficilem rem postulari, multa tamen hac de re toto de Negotiatione tractatu esse tradita, quæ repetere minimè deceat.

In cuiusque verò virtutis Negotiatione (quæ prima fuit inter quæstiones modò propositas) multa considerari possunt; atque illud in primis, singulis virtutibus sigillatim suum tempus, suum exercitium

Qq 2

esse da.

esse tribuendum : cauenda est enim in omni disciplina confusio. Singularis etiam cuiusque virtutis disquisitio & noticiam magis distinctam, & ampliorem intentioremque habitum (id enim est quod quaerimus) animo ingenerat.

2.
Notitia Virtutis pramittenda illius acquisitioni.

Operapretium deinde fuerit, virtutis, quam quis cupit adipisci, ante omnia cognitionem aliquam consequatur, studiumque nonnullum pramittat : nemo enim fertur in incognitum ; rei que notae venustas ac pulchritudo, intuentis oculos rapit, & animum occupat. Quare necesse erit libellum aliquem habere familiarē, ex quo cognoscat sapientiae studiosus quid sit illa virtus, quod obiectum materiale, siue qui sint actus virtutis illius ; quae ratio formalis, quae dignitatem, bonitatem, ac splendorem omnem actibus illis tribuit, & in quam tendit ac respicit agentis intentio ; quanta illius virtutis pulchritudo, quae honestas, utilitas, effectus ; quae vitia habeat opposita, quae extrema ; in quo medium eius consistat ; quae virtutes eidem affines & coniunctae ; quae denique eius partes. haec namque cognitio vehementer amplificat ac promouet virtutum acquisitionem, quam tractamus : saepe enim, quid appetamus, nescimus ; & in quo virtutis honestas consistat, ignoramus. Ponamus exemplum. Misericordia virtus est, qua miseriam alterius ex cordis animique visceribus subleuamus. Eius actus ac partes sunt opera misericordiae, alia corporalia, alia spiritualia. Ratio formalis est subleuatio miseriae proximi, modo quodam Christiano & ex spiritu profecta. Id honestum, vtile, ac fructuosum esse, nihil attinet hic explicari. Vitia opposita sunt, hinc immisericordia, crudelitas, & despectus miserorum ; inde profusio in largitionibus : in medio extremorum latet virtus misericordiae, quae benignè confert, prout miserentis facultas & miseri necessitas postulant.

3.
Qua Virtutum forma. Fidei.

Spei. Obedientia.

Humilitatis.

4.
Omnes Virtutes quarenda.

Illud potissimum curandum est, vt omnes internae actiones in actu signato (vt loquuntur) eliciantur, ob finem & rationem formalem cuiusque virtutis. Credo (verbi gratia) Christum IESVM venturum iudicem viuorum & mortuorum. cur ita ? quia Deus prima veritas id ipsum reuelauit. Lubenter laboro ad defatigationem vsque ; quia laborantibus aeterna quies ac beatitudo promissa est. Iudicium meum (etsi aliter sentiam) submitto ; quia Superiori id ita videtur, quem loco Christi habeo : ei in omnibus pareo ; quia mandat, quia praecipit. Deprimo meipsum humilitatis studio ; quia vilis sum, & abiectus. haec enim in hisce virtutibus ratio formalis esse dignoscitur ; in cuius appetitione ac progressionem virtutis pulchritudo efflorescit.

Nec satis esse videtur aliquot dumtaxat virtutes nobis reddamus familiares, ceteris praetermissis : sunt enim omnes colligatae, & si vel vna desit, tota harmonia corporis spiritualis dissoluitur.

Libri

Libri autem qui opitulari possunt ad hanc notitiam delibandam, sunt, Paradisus animæ Alberti Magni, Peraldus de virtutibus, Rossignolius de PERFECTIÖNE Religiosa, & similes.

Iuuabit quoque, de huiusmodi virtute, cuius nonnullam iam notitiam adeptus es, aliquot feruentes meditationes instituere, & lumen à Deo petere ad Praxim exercendam; notare deinde lumina quæ hauseris, siue in meditatione, siue in Praxi vsuque virtutum.

Quærenda erit occasio multa opera exercendi, quæ propria sunt virtutis huius, & singula sub eadem forma ac fine exequenda erunt.

Obseruabis diligenter internos spiritus, motusque singulos, & eos à vitiorum extremorum motibus discernere conaberis; sollertiam naturæ, atque importunitatē, vitiosæque inclinationis contumaciam considerans: cui nihil erit indulgendum; sed forti animo obuiam ibis, ne importunis precibus, re parua obtenta, ad maiora te cogat procedere.

Ex frequenti vsu ac pugna interna formabis tibi comparationes, quibus sagacitatem peruersæ naturæ, gratiæ item vires, ac virtutis illius pulchritudinem bene concipias, conferens spiritualibus corporalia, æterna temporalibus. Ex quo fiet, vt & collectus quàm diutissime maneas, & facilitatem internæ spiritualia tractandi acquiras.

Consideret quisque quid obseruet in alijs circa virtutis illius Praxim atque eminentiam, coneturque imitari; non modo quodam externo ad plausum, sed totum bene imbibere primum in interiori homine, deinde illud exteriori opere modo conditioni cuiusque congruenti exprimere.

Non oberit interdum ad eiusdem virtutis acquirendæ (vt etiam vitij destruendi) exercitium postliminio reuerti, interrupto etiam aliarum ordine: ipsa namque repetitio intermissæ virtutis suo fructu ac voluntate non caret, & maiori lumine ac facilitate suscipitur.

Quæ de virtute acquirenda iam dixi, pleraque obseruari quoque possunt in vitiorum habituum extirpatione; contrariorum enim eadem est disciplina; & si malitiam peccati, si damna quæ importat, si turpitudinem, si virtutis oppositæ interitum, si molestias quas quotidie peccantibus adfert, perspecta habeamus, longè amplius illud oderimus, maiori que conatu proteremus.

Ex his facile conijcere licet, quid fiat vt nonnulli per plures menses, ne dicam annos, in vitio aliquo exterminando, vel virtute acquirenda, occupentur: multæ enim fibræ ex vna radice prodeunt; multi rami in vna densantur arbore; ideoque multæ partes circumstantiæque considerandæ, immutandæ, amputandæ, vt nullus proficiendi sit finis. Profecto, antequam clarè & perspicuè medium virtutis inuenias, ag-

5.
*Libri idonei.*6.
*Meditationes
præmittenda
acquisitionis
virtutum.*7.
*Exercenda opera
eiusdem virtutis.*8.
*Discretioni spi-
rituum incum-
bendum.*9.
*Comparationes
maioris cogni-
tionis gratia.*10.
*Imitatio.*11.
*Eiusdem rei
repetitio utilis.*12.
*Vitiorum noti-
tia plurimum
iuuat eorum
destructionem.*13.
*Virtutis acqui-
renda difficul-
tas.*

noscasque, & in illud studio feraris, optatumque finem obtineas, hoc opus, hic labor est.

14.

*Quamdiu im-
morandum in
quaque vir-
tute.*

Nihilominus non expedit ultra menses aliquot, idque primis initijs maximè, exercitium vnius virtutis, vt diximus, prorogare, nisi valde copiosa profectus materia sese obijceret: lexque eadem seruanda erit, quæ de vitij destructione posita; vt videlicet ad finem cuiusque mensis consideretur an tempus prorogare expediat. Cauendum enim est à so- cordia, quæ facile irrepit, dum tempori nulli limites assignantur; præ- statque aliàs vtiliter ad idem iterato reuerti, quàm negligentia ac re- missioni habenas laxare. Hactenus de prima quaestione.

Quaestio undecima.

Instat undecimus, vt explicetur quinam idonei vt ad hanc virtutis eximiam arcem admittantur: quod secundo loco monebatur. Re- spondet Præses, id in particulari statuere, esse difficile: quamdiu enim aliquid euellendum remanet, (quod raro aliter contingit) negligi aut prætermitti studium vitiorum eliminandorum haud facile debet, vix- que ex toto deponi; vel quia adhæret semper aliquid prauis habitus, vel quia lapsus quotidiani prolixè exercitio materiam suppeditant.

*Qui ad virtu-
tum exercitiū
admittendi.*

1.

Fieri tamen omnino necesse est; atque ij in primis nullo modo re- pellendi, qui cum matris vberibus simul lac virtutis hauserunt, & inde à teneris annis sese diuino obsequio manciparunt, vsum rerum cele- stium quodammodo in naturam conuertentes; adeoque puri atque integri sunt, vt & stolam baptismalem reseruasse, & nullum cum mun- do & vitij commercium habuisse videantur.

2.

Secundo loco admittendi sunt, qui naturam à perturbatione & pra- uis affectibus liberam gerunt: quales non paucos sæculum nostrum produxit; qui ad virtutem nati, in virtutis stadio sine vllis quasi impe- dimentis decurrunt; optima complexione naturali præditi, & insigni- bus gratiæ muneribus exornati. *Vnusquisque enim illorum (vt scribit Ezechiel) coram facie sua ambulat; & ubi est impetus spiritus, illuc nulla mora gradiuntur.*

Ezech. 1.

3.

His accedunt, qui magno feruore ac spiritu vitia sua prosequentes, nihil sibi ab eorum venenato morfu formidant.

4.

Denique vbi strenuus Christi pugil, decurso iam stadio in oppugna- tione vitiorum, sui que victor, iudicio præsertim sui directoris, ad hanc sublimiorem palæstram putauerit accedendum; aut quia singularem profectum sperat inde consequi, vel illic minùs deinceps se proficere posse animaduertit.

Quaestio duodecima.

Duodecimus & vltimus cuperet aliquid determinari de huius exer- citij

citij duratione: quæ postrema quæstio proposita erat. Respondet Præses, finem huius exercitationis esse, vt, explosis vitijs, virtutesaugeamus, & PERFECTI O N I S lauream acquiramus. Atqui virtutum habitus, quamdiu spiramus, augeri possunt, sicut & merita; & ipsa PERFECTIO, quam viatores quærimus, nullum admittit terminum: quamdiu ergo spiramus, intermitteri hoc studium non debet, donec ad metam perueniamus. illic demum brauium accipiemus: quod cum infinitis spatijs merita nostra exuperet; nemini timendum est, ne cursui laborique nostro, quem maximi facimus, præmium ac compensatio minimè par respondeat.

Profectus spiritalis nullus in vita terminus, Ratio 1.

Corpora humana vbi adoleuerint, & certam ætatem attigerint, crescere desinunt, non animi, qui seipsis maiores cum ætate efficiuntur. Et quercus quidem centum annos crescere, toridem in perfecto statu vigere dicuntur, sed tertio centenariio consenescent atque intereunt: iustorum verò vita tamquam lux splendet, crescitque vsque ad perfectum diem; illum, inquam diem, qui nescit occasum.

2.

Naturæ deinde vita præditæ sine alimento consistere nequeunt. Animis verò suus spiritus est, sua vita, longè nobilior: at virtutis exercitium cibus animæ est; qui si desit, ipsa denique intereat necesse est.

3.

Sed quis est qui dici velit, Deum à se nequaquam vt patrem diligi? Sanè, qui alium diligit, ei pro virili complacere conatur. At in nullo adeò diuinæ bonitati gratificamur, atque in ardenti PERFECTIO N I S prosecutione.

4.

Hac est enim (ait Apostolus) voluntas Dei, sanctificatio vestra. Intermitti ergo non debet vlllo tempore hoc præstantissimum studium, donec euocet is, qui vnicuique reddit prout gessit in corpore, siue bonum, siue malum.

1. Thess. 4. 1. Cor. 5.

Pœnitebit certè, dum è corporis huius domicilio nos egredi contigerit, pœnitebit, inquam, vel vnus gradus gloriæ iacturam fecisse: quem beati tanti faciunt, vt nulli labori parcerent, si illum rursus possent promereri.

5.

Admirandum illud est, quod pius iuxta ac eruditus quidam auctor refert de dæmonis cuiusdam responso. Rogatus enim quid pati vellet, vt sibi ad beati Dei visionem aditus pateret; dixit se paratum esse tormenta omnia, quibus æternis ignibus destinati cruciantur, siue ij dæmones sint, siue homines, in se vnum congesta vsque in extremi iudicii diem perperì, modò Dei videndi vel breuissimo tempore potestas fiat.

Thomas à Cantimprato lib. 2. cap. 57. n. 67.

Illud quoque memoria dignum, quod Colonia in Ecclesia B. Petri, qui scripsit, se præsentem vidisse & audisse testatur. Spiritus enim nequam de suo ad speratam gloriam reditu interrogatus respondit: Si columna quædam ferrea; eaquæ ignita, noua oculis acutisque calamis vndequaquæ instructa; atque illa eadem machina à terra ad carlos vsque

Cæsar. lib. 3. cap. 10.

per-

» pertingens, stare; ego, corpus humanum nactus, in eam infilire, vol-
 » uique ac reuolui non formidarem, reperemque laniandus, quâ ascen-
 » su, quâ descensu, & perpetuò ad finem usque sæculi extremum memet
 » in illas acies induerem, dummodo reditus ad eum statum, à quo excidi,
 » spes aliqua affulgeret.

Verum quid faceret miser? nondum enim erat beatus, quamvis Dei
 præsidio esse potuerit, & beatitudinem sperare. Caueret ille omnino
 deinceps ne in locum illum delaberetur tormentorum, à quo nusquam
 patet exitus. Hoc primum. Deinde partem cum beatis Angelis æmu-
 laretur in cælis. Denique locum etiam superiorem non ambitione, sed
 humilitate quæreret. Nos modò prudentiores, alienoq̃ exemplo
 cautiore, consulamus nobisipsis. Serius erit neglecti officij pœnitere,
 ubi pœnitentiæ nullus erit relictus locus.

Verum, ne quid desit hisce documentis, vię huius ducem nobis pro-
 ponamus, qui præeat, quique doctrinam hanc non verbis prædicet, sed
 moribus exprimat. Expressit profectò P. Thomas Sanchez, Cordu-
 benſis, quem ante vnum annum Deus ad laborum præmia euocauit,
 vir, dum viueret, domi nobilis, humilitatis laude & iuris vtriusque ac
 Theologiæ eruditione illustris: qui cùm adolescens à Societate nostra,
 cuius ingressum summis votis expetebat, ob linguę impedite defectum
 excluderetur; fusa ad B. Virginem prece, à qua recedere noluit, donec
 ipsa se voti compotem fecisset, minimè spe sua frustratus est, soluto lin-
 guę impedimento: & ad Societatem admissus perpetuum se magnę
 Matris cultorem atque imitorem exhibuit; cùm multis religiosarum
 virtutum ornamentis, tum integerrima vitę sanctitate ac columbina
 simplicitate amabilis. Idem à Clemente octauo Pontifice maximo, ob
 illa celeberrima de Matrimonio scripta, eximiè laudatus; omnibus cu-
 iusque ordinis, ob excellentem paupertatē, incredibilem abstinentiam,
 indefessosque labores pro sancto habitus, venerationi fuit. Hic ergo
 tantus vir hanc nostram Negotiationem cum summo vitiorum odio,
 virtutisque amore singulari, sic coluit atque exercuit, vt omnem di-
 cendi docendiq̃ rationem exceſſerit: & si libri deficerent, meritò ex
 eius vita ac moribus tota hæc nostra doctrina desumi reuocariq̃ posse
 videretur. Quotidie, quæ Negotiationi subijciebat, proponebat mane,
 & in libellum secretiorem referebat: decursu diei exercebat, quæ pro-
 posuisset: certis denique temporibus à se rationem exigebat incredi-
 bili lucro, atque eo profectu, qui ei sanctitatis famam ac venerationem
 peperit. Educam è libello rationum spiritualium eius, quæ manu pro-
 pria annotabat ad Praxim, quæque, post eius obitum reperta, nostro
 proposito admodum hic opportunè reddentur, atque in primis his
 verbis: *Vita mea quotidiana atque vniuersa similis esse debet Negotiationi
 spiri.*

P. Thomas San-
 chez Virtutes.

B. Virgo Maria
 oranti soluit
 linguę impedi-
 mentum.

Negotiationis
 materia.

spirituali; nec non mercatori cupido, & ad omne lucrum intento: ac primò omnium circa caritatem, mea commoda alienis posthabebo; disrumpar potius quàm aliena referam aut diuulgem delicta; neque alijs eadem, quamuis leuia, & ioco referentibus aurem præbebo. Conabor omnibus modis cogitationes fouere sublimēs. Hæc de fraterna caritate.

I.
Caritas.

De patientiæ exercitio subiungit: *Negotiatio mea versari quoque debet in omni patientiæ exercitatione. Benignè feram, si contingat mihi necessaria deesse, & ex oblivione ea mihi minimè suppeditari. Hoc vnum maximè curabo, ut ei omnium accuratissimè seruiam, qui me maiori molestia & vexatione affecerit. Quando ex cubiculo egrediar, me ad hoc comparabo, atque etiam optabo, ut aliquid aduersi mihi inferatur. Quod si quem aliquid petiturus accedam, Deum precabor ut id mihi denegetur, aut certè minimè tribuatur saltem ex errore aut oblivione; ut ita perpetendi materia mihi non desit.* Hactenus eius verba: quibus adeò prolixè re ipsa respondebat, ut præ magnitudine factorum nulla aut certè obscura verba esse videantur.

Adijciamus quæ domandarum perturbationum sensuumque studio atque custodia exercebat. *Non minor, inquit, hostis ero voluptatum ac deliciarum, quàm ipsius cacodæmonis.* Ex quo capite sensibus aut vix uteretur, aut dumtaxat quando opus erat: numquam florem naribus admoveisset: res novas nec audiebat, nec ab aduenientibus fratribus aliifve quidquam sciscitabatur. Sed ipsum in hoc argumento progredientem audiamus. *Si quando, ait, congregatos aut circumspicientes videro, non subsistam; nec contuebor ut quid fiat videam. Per domum ita defixis in terram oculis incedam, ut dumtaxat transeuntium vultus agnoscam, hororis exhibendi gratia; præterea nihil. In triclinio singulari utar modestia; non modò benedictionis, aut gratiarum actionis, sed & toto refectionis tempore. Ne lancem ipsam quidem adspiciam, nisi quando oblata à me sumenda erit.* Hactenus scripta. Taceo corporis flagellationes, ieiunia, gustus mortificationes, quibus iustum volumen impleri posset: redeo ad beati viri leges atque obseruationes. *Quidquid, inquit, mihi oblatum fuerit, eo solo vescar, nullo adiecto aut oleo, aut aceto, sale, aut condimento: neque toto vitæ meæ decursu certis ciborum generibus utar, quod meo palato mirum in modum arrideant; etiamsi nudo pane tunc temporis contentus esse debeam. Illud omnino intactum relinquam, in quod appetentia mea fertur ardentius. Me mortificabo in ferculis ex farre compositis, in artocreis, saccaro, aut melle conditis. Si contingat mensæ ministrum alijs, me prætermisso, inseruire; hoc à Deo petam, ut mei penitus maneat immemor. Circa potum aliquid relinquam, quantumvis necessitati naturæ satisfactum non sit.*

2.
Mortificatio
internorum &
externorum
sensuum.

De silentio, quod diligentissimè seruabat, hæc sibi præscripsit: *Extraordinarium mihi silentium indico: daboq; operam, ut in omni conuersatione mea aliquid de Deo loquar; neque hoc tantum cum domesticis, sed etiam cum*

3.
Silentium.

Rrr

exter-

externis, ut ij aliquid de diuinis à me acceptum domum referant.

4.
Paupertas.

De paupertatis studio sequentia ascripta erant: Paupertatis amator ero maximus; cibisq; dumtaxat utar, quibus vefci Religiosos pauperes decet. In itinere nihil mecum, quod delicias sapiat, deferam; nec puluillum, aut vestes non necessarias.

5.
Humilitas.

De proposito humilitatis exercenda sic habet: Ut nouitium primi anni semper me geram; & ut pro tali habeat, & ut talis ab omnibus agnoscat, efficiam. Neque aliquid, quod in laudem meam redundet, dicam aut faciam; neque ut quis me doctum aut prudentem reputet, annitar. Quoties absque censura nouissimum obtinere locum in Refectorio potero, lubens occasionem captabo.

6.
Obedientia.

Addamus aliquid de obedientiae virtute. In obedientia, ait, accuratissimus ero, etiam littera inchoata relicta. Folium arboris in horto non contingam: non decutiam vel unum persicum. Filium unum absque facultate aut tribuam aut accipiam numquam.

7.
Oratio.

De studio orationis, quam rebus omnibus, & maximè studiis (quæ ad duodecim horas extendebat quidem quotidie ad vesperam vsque ieiunus) adhibebat, dicendum esset: sed sufficere instituto nostro, si sola eius verba adferamus. Omnis, inquit, cura mea & sollicitudo erit, Sanctissimum Sacramentum, IESVS Crucifixus, Virgo Maria, erga quam singulari studio afficiar. Ad illam ut matrem in omnibus necessitatibus, difficultatibus, studiisq; recurram: per eam Deo gratias agam pro quouis opere facto in Dei obsequio: per eam veniam precabor pro quouis defectu admisso: per eam illos Deo commendabo, qui mihi molestiam aliquam exhibuerunt. Hæc ille. Gestabat verò verba illa, Sanctissimum Sacramentum, IESVS Crucifixus, & Virgo Maria, pietatis causa, in Breuiario: & ad horum verborum pronuntiationem omnis infestatio ac molestia, si quæ superuenisset, abscedebat. Certè circa hæc contigerunt miracula quædam præclara, quæ referre non est huius loci: vnicum addam, antequam finiam; mensibus ac septimanis singulis solitum fuisse modò in huius, modò in illius virtutis acquirendæ studium incumbere. Examinabat se circa finem mensis aut hebdomadæ, notatis erroribus; hac Praxi. Mense Aprili (qui fuit vitæ eius postremus) Sanctissimo Sacramento plurima deuotio & caritas: Christo Crucifixo multa patientia: Beata Virgini exactum silentium. Prima hebdomade nihil: secunda, impatientia exigua: tertia, tres parue: quarta, due parue. Addidit & illud in reuerentiam sanctissimi Sacramenti: Quotidie illud quinies visitabo; diebus Iouis octies, adhibita vna verberatione, & gestatione cilicij, cum continua tanti mysterij recordatione, & adhibita singulari cura lucris spiritualis. Octo diebus ante sollemne illius festum, & totidem post, quotidie Litánias recitabo, disciplinam faciam, cilicium gestabo, solitis orationibus vnus præterea horæ spatium adijciam, singularem curam adhibebo me ad tantum festum disponendi; hisce verò diebus octies illud visitabo; in profesto

festis sacrum vnum audiam, duas horas amplius solito in oratione impendam. IESV Crucifixo faciam diebus Veneris, quod die Iouis dixi me facturum: idem die Sabbati in honorem Diuæ Virginis. Diebus octo ante quodlibet festum Christi Domini, aut Domine nostræ, item in profectis, sic me preparabo, ut de ipso sanctissimi Sacramenti festo superius dixi: idemque præstabo octo diebus ante Pascha, Pentecosten, ac sanctissimam Trinitatem. Hactenus ex eius manuscripto. Parum esset, nec admodum admiratione dignum, si in solo proposito rerum agendarum huius sancti viri PERFECTIO statueretur: facile enim est proponere; sed qui proposuerit & exercuerit, hic magnus vocari meretur in regno cælorum. Id certè ceteris admirabilius; quòd totis quadraginta-tribus annis, quibus in Religione vixit, imò & ante ingressum, numquam animum in quouis prædictorum exercitiorum vel minimùm remiserit, aut aliqua intermiserit, quibusuis impedimentis, ijsque multiplicatis, interuenientibus. Quantumuis grauem personam appositè dimittebat, vel audito pulsu ad orationem, vel cum instabat exercitiorum eius distributio.

Ex his videre liquet, quantum meritorum cumulum secum in cælum detulerit hic vigilans mercator spiritualis, quòsve adinventionum suarum fructus inibi comedat, iuxta frequentem repetitionem illorum verborum ab ipso factam: *Dicite isto quoniam bene, quoniam fructum ad-* Isaia 3. *inventionum suarum comedet.*

Pauca sunt, quæ hactenus dixi de propofita quæstione, pro rei dignitate. Et verò ea nulla eloquentia exprimi possunt: hæc enim ignota, abdita, recondita, planeque spiritualia, fugiunt sensus humanos, nec videri possunt sine cælesti lumine, & amplius à Praxi quàm à magistris dependent ac capiuntur. Deus verò magnus artifex est; & magna operatur, qui potens est. Ideo inter fructus præsentis diuinæ vnus *Luc. 1.* anonymus positus est, & quidem præcipuus: quia interna cum Deo conuersatio eos fructus parit, qui noti sunt solis beatis, Deum miraculorum laudantibus, qui per infirma mundi admirandas virtutes suas operari non dedignatur. Ipsi gloria in sæcula.

*Virtutes Theologicas opportunas admodum esse
Negotiationi spirituali, & omnino necessarias;
fidem in primis, cuius rationes in Praxi debent
humanis preponderare.*

*Virtutes Theo-
logica Scilicet
ma sunt Nego-
tiationi spiri-
tuali.*

Eccli. 24.

*Quis ordo ser-
uandus inter
Virtutes Theo-
logicas*

*Necessitas Pra-
xis fidei.*

Heb. 11.

Fides quid sit.

Simile.

203. **N**EGOTIATIONI spirituali virtutes Theologicis vtiliores nullæ sunt; nullæ certè familiariores esse debent: & in primis caritatē ipsam PERFECTIONEM esse statuimus, ac Negotiationis finem; cuius Praxis in singulis actibus necessaria est. de hac multa diximus, tamquam prima ordine dignitatis: quamquam & primum locum tenere debuit in hac tractatione, cum & ipsi sapientia primas tribuat. Ego, ait sapientia, mater pulchra dilectio- nis, & timoris, & agnitionis, & sanctæ spei. Dilectio ac timor, qui sunt fratres germani ex eadem matre insita nempe caritate exorti, primi nominantur; deinde agnitio, quæ fidei est; denique sancta spes vltima collocatur. Nec est, quod quis miretur fidem caritati postponi, aut etiam spem: agimus enim hîc de viuentē negotiatore, qui dispositione fidei ac spei non indiget ad iustitiam acquirendam, quam modò adeptus est; agimus de animæ vita ac forma; quæ fidem præsupponit, & spem accendit. quis enim speret efficaciter æternam compensationem, qui nondum Dei amicitiam (quæ condicio est negotiatori necessaria) consecutus est? Præcedit ergo fides in genere causæ efficientis; generat enim cum spe & timore, pulsus fugatisque quasi peccatorum tenebris, caritatem: sed in genere causæ formalis caritas præcedit, quæ ceterarum virtutum forma est, & informes meritò sine ea vocantur. sic sapientia, quæ caritati congenita est, verè affirmat se esse matrem agnitionis, ac sanctæ spei; quia fides & spes formata, à caritate generantur, vitamque accipiunt. Verùm à fide ordiamur.

Fidelibus hætenus locutus sum, & ijs quidem qui interna amicitia cum Deo copulati: ideo pauca de fide tractaui; cuius tamen vsus adeò necessarius est, vt, si desit, spiritus & vita nostris operibus etiam desit omnino, & Negotiatio spiritualis planè concidat: est enim sperandarum substantia rerum, argumentum non apparentium. Vocatur substantia, quod omnibus & virtutibus & operibus subternatur, nec sperare diuina, nec amare, nec querere sine ea liceat. nam sicut in radice arboris nulla prorsus apparet pulchritudinis species; & tamen, quidquid est in arbore

bore pulchritudinis vel decoris, ex illa procedit: sic ex fidei humilitate quidquid meriti, quidquid beatitudinis anima susceptura est, ex fidei fundamento procedit. hæc enim radix obscura & occulta argumentum est rerum non apparentium: non quod rami & fructus bonorum operum non videantur; non quod argumenta quibus credibilia ea fiant, quæ credenda proponuntur, obscura sint; non ita: evidentissima enim illa sunt, nimirum sanctitas eorum qui fide excelluerunt, antiquitas veræ fidei, successio Romanorum Pontificum, miraculorum gloria, fidei vnitas, aliæque notæ similes; hæc etenim argumenta res fidei credibiles esse persuadent, sicut ait sanctus Rex: *Testimonia tua credibilia facta sunt nimis.* nihil enim evidentius, quam fidei documenta digna esse quibus totus orbis fidem adhibeat: vt meritò non modò cæci sint, qui tantum solem non intueantur; sed etiam (quia tanti splendoris est, vt & cæci videre possint; possunt enim hæc argumenta lumine naturali videri ac cognosci) oculos suos prauī homines, ne hīc solem aspiciant, claudere videantur. Non sunt tamen hæc argumenta credulitatis, quibus fidei veritas, quæ maximè obscura est, appareat; sed tantum credibilitatis, vt loquuntur Doctores scholastici. Fidei actus præcipuus est credere: credere verò non est scire; sed rei non visæ, non cognitæ, assensum præbere. Non enim credimus Deum esse trinum & vnum quia hoc antiquitas docuit, quia id ipsum miraculis testatum est; sed quia Deus reuelauit Ecclesiæ suæ. Hoc argumentum est rerum non apparentium, obscurum, absconditum. *Aufer hinc argumenta,* ait Ambrosius, *vbi fides queritur: in ipsis gymnasijs suis iam Dialectica taceat. Non creditur Philosophis, creditur piscatoribus: non creditur Dialecticis, creditur publicanis.* D. item Gregorius: *Diuina operatio si ratione comprehenditur, non est admirabilis; nec fides habet meritum, cui humana ratio præbet experimētum.* 204. Est ergo fides obscurum argumentum; & cum credimus, id quod credimus, non videmus: scimus tamen certissimum id esse, & certius quàm si cognosceremus intellectu, vel visu comprehendemus; quia falli possumus sensibus, Deus verò, qui reuelat arcana sua, falli non potest, nec fallere.

Hoc iacto fundamento, quasi subsistentia actionum nostrarum, firmiter secureque incedimus; & sine dubitatione aut hæsitacione non modò progredimur, sed ad infinita agenda trahimur, quasi funiculo quodam; vixque consistimus, donec ea, quæ fide concepimus, ad finem perduxerimus. Peccato namque commisso, (verbi gratia) sciens me ab arbitro supremo fuisse visum, meritò contremisco, ipsum accedo, defleo peccatum perpetratum; nec quiescam, donec cum eo rediero in gratiam. Certò item & firmiter credo in Eucharistia IESVM Christum contineri: cur non ergo demissè ac reuerenter eum adorem,

Rrr 3

allo-

alloquar, ac supplicem, & à calamitate aliqua liberari postulem? cur ob immensam eius Maiestatem fide conceptam atque apprehensam quodammodo ad inferos vsque animo me non demittam?

D. Bonauent.
25. Memorial.
in 22. tomo 7.
folio 17.
Præsentia diu-
ine consideratio
quantam Sim
habent.

Videamus quid D. Bonauentura ex vnico hoc præsentia diuinæ articulo agendum suadeat, & quomodo ad eadem perficienda quasi filo quodam deducat. *Solutus*, ait, ab omnibus creaturis, tanto mentis conatu desiderijq; feruore circa tuum creatorem intendas, vt, (quasi omnium inferiorum oblitus) quidquid agas, vbi cumque steteris, & quibuscumque negotijs impliceris, die ac nocte, ac omni momento & hora, Deum semper habeas in memoria, credens & cogitans te esse verissimè coram eo, & ipsum cogitans vndique te aspicere. Hæc autem cogita cum magna reuerentia, ac timore pariter & amore, & cum magna discretione; nunc ante pedes immense Maiestatis eius prostratus, corde amarissimo, peccatorum veniam postulando; nunc sacratissime passionis Filij Dei gladio compassionis coram eius cruce vulneratus, cum eo lacrymosus & flebilis apparendo; nunc totius vitæ illius decursum obliquitati tuæ velut rectitudinis lineam præponendo; nunc innarrabilia & immensa Dei beneficia mente pertractans, gratiarum actionibus insistendo; nunc stimulis ipsius amoris ardentissime punctus, ipsum in creaturis omnibus intuenso; nunc potentiam, nunc sapientiam, nunc bonitatem & clementiam eius attendens, eum deuotissime in cunctis operibus suis collaudando; nunc desiderio patriæ celestis attractus, ad ipsum gemebundis suspirijs anhelando; nunc circa nos viscera inestimabilis caritatis eius aspiciens, letabunda quadam excessiua admiratione corde ac animo in ipso deficiendo; nunc te precipitem, nunc te fugientem, nunc te ruentem, nunc Deum te timentem subleuantem, retinentem, & attrahentem, nunc Deum te ingratum per omnia concernentem considerans, ineffabilibus diuinæ misericordiæ visceribus tibi patefactis, nimio in eo caritatis ardore te conferens, totum te fletibus resoluendo; nunc verò occultissima, profundissima, & summè arcana, nimiumq; stupenda iudicia iustitiæ eius diligenter attendens, eum in omnibus fidelis & constans cum summo amore, ingenti quoque timore ac tremore, discretus, supplex & humilis venerando; præ omnibus autem continuam & viuam memoriam ipsius sacratissime passionis in animo & corde tuosferens. Hæc Bonauentura, & verò hæc omnia ex vnici articuli conceptione colligens. Si enim Deum credamus vbi que præsentem, & fides hoc nobis potenter objiciat; quis omni conatu nos voluntati ac beneplacito eius conformari oportere, eum demississimè venerari, complecti, omnia amoris atque obseruantia signa edenda esse, non iudicabit?

Qui fide stant.
tur, paucos esse.
1. Beati.

205. In cælo fide opus non est: beati non credunt, sed Deum vident facie ad faciem; & in eo omnia, quibus abunde fatientur, diuinamque voluntatem cognoscant, conspiciunt.

2. Dammati.

In inferno fides diuina nulla est; naturalis est aliqua, quæ argumen-
tis

tis quibusdam ac coniecturis nititur: *daemones enim credunt, & contre- Jac. 2. miscunt.*

Pueri & amentes Christiani, etsi habitum habeant fidei, fide tamen ^{3. Pueri & amentes.} diuina non vtuntur; quia in intellectu & iudicio fundatur, quo vti non possunt.

Hæretici, & alij infideles, nec habitum habent fidei, nec fide vtun- ^{4. Hæretici & infideles.} tur diuina, sed fides eorum humana planè est; quia ratio, cur credunt, non est diuina reuelatio, sed eorum sensus & persuasio: credunt enim quæ volunt; quæ nolunt, minimè credunt. Calviniani credunt quædam dogmata quæ tamen reuelata non sunt: materia autem fidei est reuelatio, seu quidquid reuelatum est diuinitus, siue immediatè à Deo per Prophetas, siue per Scripturam, siue per Christum *I E S V M*, siue per Ecclesiam in Concilijs, siue per Dei Vicarium. non tamen, quicumque hæc credunt, fidem habent: nam si hæc credantur quia ita videtur credendum, hæreticorum modus hic est; forma enim & anima fidei est credere quia ita Deus reuelauit. Fide ergo hæretici ac ceteri infideles non vtuntur, quia non credunt ideo quòd Deus ea omnia reuelauit.

Minus verò athei ac quidam politici: qui in hoc ab hæreticis diffe- ^{5. Politici.} runt, quòd illi multa reuelata suo modo credant, sine forma quidem debita credendi; hi, credendi forma irrita, nihil planè credant rerum reuelatarum: simulant tamen se credere ea quæ politiam promouent; & vnā religionem necessariam esse docent, non quia Deo (quem verè nullum in animo admittunt) honorem deferendum existiment, sed quia sine religione plebs coerceri non possit, nec regi: religio enim timorem incutit, Dei minas, iudicia, suppliciaque intentans. quæ dum rectores Reipublicæ inculcant, inconditam atque indoctam multitudinem sub Principum manu arbitrantur in officio posse contineri.

Politici hi sunt, quos si non noueris, tibi videbuntur viri spirituales, ^{Politicoꝝ s. mulatio deſe- gitur.} humano fastigio sublimiores, vitijs omnibus superiores, omnibus ex-culti virtutibus, Deum in ore perpetuò habentes, de Dei prouidentia multa denuntiantes, multa de patientia, de humilitate, (quas virtutes ex composito præ se ferunt) ad cælos vsque extollendo, disputantes. quamquam, si vitam moresque eorum discutias, in hisce duabus virtutibus nonnihil suspectos haberi posse reperiēs. In templis, vt in aulis, primi videri volunt. Pietatis id argumenti in eis obseruabis, quòd in pietate insensibiles sint: & licet optimè Magnatibus loquantur; Deo tamen, & Sacerdoti secreta audienti, infantes, ignari, mutique apparent. Cum omni hac pietate pro libro spiritali terunt Macchiauel-lum dies noctesque: inde spiritum hauriunt, & religionem omnem suam,

suam, quam in Praxim redigunt diligentius quam Euangelij doctrinam; occultè id quidem, non humilitatis causa; vt Christiani, (qui virtutem suam occultatam cupiunt) sed ne hypocrisis illorum detegatur: adeò vt nullus perfectus esse iam censetur, nullus idoneus, eorum iudicio, qui res magnas tractet ac gerat, nisi familiarem sibi habeat Macchiauellum, sicut alterum Thomam à Kempis de imitatione Christi.

Horum minor fides, quam dæmonum; hi enim aliquam habent, illi verò nullam: & si habeant aliquam, (difficile enim est, lucente ratione, τω τῆς φωνῆς diuinisq; subinde lancinantes motus extinguere, atque omnino opprimere) sic tamen agunt, ac si non haberent; eosq; motus comprimunt pro virili, ne eorum sentiant aculeos. visitant templa, sequuntur diuinissimam Eucharistiam, vt canes dominos suos; spe nempe frustuli panis, quod externa carimonia emendicant: ecquid enim regna & imperia illis præter panis frustulum conferunt? Ideo Apostolus: *Nihil* (inquit) *intulimus in hunc mundum, haud dubium quòd nec auferre quid possumus: habentes autem alimenta, & quibus tegamur, his contenti sumus.*

206. Vbi ergo fidem inueniemus? & quis locus veræ intelligentiæ? Certè *Filius hominis veniens putas inueniet fidem in terra?*

Christiani, Baptismatis vndis lustrati, fidei habent habitum; in quo ab infidelibus differunt, infantibus, & fatuis: in hoc conueniunt, quòd plerique ea pæne non frequentius quam illi vtantur; & rarius vterentur, nisi à Deo nouis illustrationibus impellerentur.

*Argumenta
quibus cognos-
cimus homines
fide non vti.*

a 1.

b 2.

c 3.

d 4.

5.

*Homines in re-
bus agendis,
neglectis fidei
rationibus, solo
ingenio aut
etiam phanta-
sia reguntur.*

*e Exemplis de-
claratur.*

I.

Hæc quàm vera sint, singuli de se statuant. Veritatis huius argumenta atque indicia sunt, ^a vita nostra; quæ longè alia foret, si à fidei norma dirigeretur: ^b deinde studium rerum humanarum, amor diuitiarum, honorum ac dignitatum consequendorum cura insatiabilis; ^c sed & neglectus diuinorum; fastidium virtutis, & salutis capeßenda; ^d confilia & sermones varij de rebus inanibus, ne dicam sceleratis & impijs. id verò præ ceteris arguit remotissimum à nobis fidei commercium, quòd, quæcumque agimus, non fidei rationibus, sed humanis tantum causis, & fortè etiam imaginationibus, fulciantur. Non intendo quidem hîc iudicium humanum, prudentiam, rationesq; conuellere aut excludere; sed alienationem à lumine præstantiori, & in tenebris huius mundi planè necessario, rarioremque eius vsum reprehendo. hunc enim defectum cum turpe sit in aulis Principum, Regum, Imperatorum reperiri; tum in ijs turpissimum, qui professione purioris vitæ Christianæ statum PERFECTIIONIS ac condicionem sectantur ac profitentur.

^e Bellum indicendum est: quibus causis? iisne ex fide deductis? si sic fiat,

fiat, bene habet, res ad Dei honorem & Reipublicæ bonum succedet; sin minus, sæpe accidit quod quidam poëta expressit:

Quidquid delirant Reges, plectuntur Achivi.

Si pax concilianda, & rationes fidei interueniant, habita in primis Dei religionisquæ consideratione, durabilis hæc erit, & solida; sin humanis tantum & labilibus fulciatur columnis & persuasionibus; Deus non irridetur. Si qui Rempubicam Macchiauelli potius quàm Christi legibus regant, floreunt fortè ij quidem ad tempus, & glorioso nomine potentur; sed falli non potest is, qui regit omnia, & potentibus potentior est. *Nescitis longas Numinis esse manus?* In infamiam omnis gloria, & splendor in putredinem, commutabuntur. *Memoria enim iusti* Prou. 10.

cum laudibus, & nomen impiorum putrescet.

Si filia collocanda in matrimonium, & solis humanis respectibus mouearis, opum nempe fauorisque flatu spem magnam aspirante; nescio quem exitum res sit habitura: ceterum si impius ille sit, si deprauatis moribus, si impuræ religionis, si parentibus perduellibus, aut etiam hæreticis; qualis macula nomini tuo adhærescet, quid filia tua patietur, tu videris. Humanas rationes secutus es: quod intriuiisti, excedendum erit.

Vult alius Religionem ingredi: non quia ad PERFECTIÖNEM aspirat; panem tantum (vt vulgò) impetrare nititur. Quod si hic euadat inobediens, Religionis osor, libidinosus, apostata, quid huius ruinæ ansam attulit? attulerunt profectò rationes humanæ, quas taceo, quibus ad ineundam Religionem inductus est.

207. Quàm verò perniciosum sit, in rebus agendis, promiscuè & indifferenter hisce rationibus insistere, luctuosus orbis casus, salutisque omnium interitus facile ostendit. cum enim primus parens fructum vetitum comedisset, non attulit Deo exposulanti aliam causam, quàm humanam. *Mulier, ait, quam dedisti mihi sociam, dedit mihi de ligno, & comedi.* Lapsus Adami ex humanaratione. Gen. 3. Deus bone! sciebas, ô Adam, agi de te, tuaque tota posteritate; de mundi ruina atque occasu: hæcne ratio sufficiens erat, vt Dei Creatoris tui, summi que benefactoris, parentis optimi, mandatum transgrederere?

Abel obtulit Deo de pinguioribus gregis sui ouibus, fructibusque melioribus. Hoc fratri displicuit illiberali. Morte moriere Abel; quia liberalior es quàm Cain. Ratio hæc humana est, quamquam & humanitatis leges omnes violet; dum propter humanas rationes trucidare fratrem, eumque innocentem & iustum, oporteat. Cain. Gen. 4.

Simeon & Leui, filij Iacob, fratres Dinæ, contra pacta ac fidem datam Hemor, eiusque filio Sichem, eos perfidè trucidarunt; masculos ciuitatis interfecerunt; oues eorum, & armenta, & asinos, cunctaque vastan-

Sff

vastan-

vastantes quæ in domibus & in agris erant; paruulos quoque eorum & vxores duxerunt captiuas; urbem denique ipsam depopulati sunt: cur ita? *In ultionem stupri* à Sichem Dinæ sorori illati. At grauior ultio hæc post iustam compositionem & compensationem: sed quid? humana hoc facit ratio.

Fratres Ioseph. Gen. 37. Venditur Ioseph in Ægyptum à fratribus, innocens, tenellus, percarus patri, frater optimus: quid meruit? in quem deliquit? quæ ratio est ita sæuendi? humana: quia videlicet à patre plus ceteris amabatur.

Idololatria Israelitarum. Exod. 32. Populus Israël, quem Deus ex Ægypto per inaudita miracula prodigiosè eduxerat, vitulum conflatilem erigunt, adorant, ei que applaudunt, dicentes: *Hi sunt dii tui, Israël, qui te eduxerunt de terra Ægypti.* Quid vos mouet, ô Iudæi; ô summi Dei selecte popule? Hoc, inquit, quod nesciamus ubi sit Moyses; qui ferè à quadraginta diebus, conscenso monte, nobis visus non est. Humanarum rationum molimina hæc sunt.

Saul. 1. Reg. 20. 1. Reg. 18. Persequitur Saül Dauidem innocentem, mansuetum, patrem patriæ, qui gentem suam ab immani tyrannide Philisthinorum liberauerat: quid mali fecit? *Filius mortis est*, dicit Saül. qua ex causa? quia, cum reuerteretur à cæde Goliath Philisthæi, virgines obuæ ei occinebant: *Percussit Saül mille, & Dauid decem millia.* Sensit id Saül, & exclamans ait: *Quid ei superest, nisi solum regnum?*

Salomon. 3. Reg. 11. Salomon edificauerat templa & altaria vxoribus suis, & concubinis; cum iisdem deos veneratur orbis sapientissimus: quid ita? amores & delicias contristare noluit, humanitate in nefarium sacrilegium degenerante.

Herodes. Matth. 2. Herodes timens successorem, dum verum Regem opprimere nititur, infantes innocentes trucidauit. Humanæ hic affectus rationis est.

Iudæi in Christum. Ioan. 11. Sed & Iudæi Christum Regem, Dominum, ac Deum suum interficiunt: quibus de causis? *Quia hic homo multa signa facit.* Si dimittimus, inquit, *cum sic, venient Romani, & tollent nostrum locum, & gentem.* & Caiphas: *Expediit ut unus moriatur homo pro populo, & non tota gens pereat.* Quid, ô Caipha? quid? (inquam) si hic, qui tibi reus sistitur, culpa careat, reum esse mentieris? adiudicabis morti, in crucem ages, nulla seruata iuris forma?

Exhortatio, ne humanis rationibus ad operandum moueamur. 208. O quicumque hæc legis, quæso, considera quæ sint rationes, ob quas Dei respuimus amicitiam, & fœdissimè nos ipsos in peccati lutum immergimus: hæc nempe, vel similes, quas aut cacodæmon aut natura fallax suggerit: Ne, ô homo, (homo enim es, & humanum est peccare) ne, inquam, hoc alienum ab homine putes: occasio sese offert, quam num-

numquam recuperabis. Iuuenis es, non religiosus: diu idipsum optasti: locus adhuc erit pœnitentiæ. Id amico petenti gratum erit. Alius verò, Vlsciscar, ait, quod ille rogatus petenti rem mihi gratam atque optatam non concesserit; quod mihi honorem non detulerit, minus, quàm par sit, de me honorificè locutus fuerit: denique rem aggrediar; ita enim placet, volupe est, id mihi bonum esse reputo. O incredibilem dementiam! sunt hæ rationes adeò potentes, vt virum, & eum subinde sapientem, eruditum, vel in dignitate constitutum, è cæli vertice, vbi nomen eius descriptum est, deturbet? deturbat te, & sæpe. quod si futilibus hisce rationibus opposuisses rationes fidei, non cecidisses. Quas? Deus, peccatorum vindex, præsens me intuetur: eius perdam amicitiam, si hæc fecero. Quid si illico moriar? quis mihi pollicebitur longiores dies, senectutisque tempora? ergone excludar ab æterna vita? ergone æternis ignibus pro breuissima voluptate cruciabor?

Fidei rationibus nitamur.

Præponderant sanè rationes hæ & præstant firmioresque sunt præcedentibus; quas si pueri post delictum parentibus obruderent, acerbè ab ijs vapularent: sed *maiorum nuga*, ait Augustinus, *negotia vocantur; puerorum autem, talia cum sint, puniuntur à maioribus.*

August. lib. 2. Confess. cap. 8.

Confidera etiam quibus actiones mortalium ceteræ rationibus nitantur, quid spectent diuites, quid ij qui alijs præsumunt, quid mercatores, quid vel ij qui Deum in patrem sortemque suam elegerunt. Ingrediar quisque conscientiam suam, & videat quoties sibi fidei rationes obijciat in rebus agendis domesticis, ciuilibus, politicis, in hominum societate, in contractibus. quid humanis dico? videat num & diuina inanibus huiusmodi basibus non fulciat. Si diligenter attendimus, videbimus sanè nos non ad rationes diuinas abripi, sed diuinas ad nostras pertrahi; nosque parum sollicitos quàm rectè res geratur, modò quæ nostra sunt curemus & obtineamus.

CAPVT XXXIV.

Fidei Praxis, eiusq³ necessitas, sanctorum Patrum auctoritate rationibusq³ ostenditur.

*Vsus fidei
quàm nobis esse
familiaris de-
beat, ex Patri-
bus declaratur
Varijs similitu-
dinibus.*

1.
*a Lib. 2. Strom.
sect. 4.*

2.
*Conc. in cap. 5.
Matthæ, como
2. Biblioth. SS.
Patrum.
Fidem nocte
lucere ambu-
lantibus.*

3.
*Serm. 12. de
Græc. affect.
cur. in princ.*

4.
*Rom. 17. in
epist. 1. ad Tim.*

209. **Q**UAM familiaris fidei vsus nobis esse debeat, sancti Patres multis expresserunt: atque in primis Clemens Alexandrinus vult fidem non minus nobis esse cōmendatam, quàm omnium elementorum vsū. *“Vt enim, inquit, absque quatuor elementis non licet viuere; ita nec absque fide licet assequi cognitionem. Neque enim spiritualium rerum notitiam assequemur, nisi fide familiariter vtamur; & æquè quidem familiariter atque aqua & igni, alijsve elementis, quibus corpori necessaria comparamus.*

D. Chromatius comparat opera nostra ambulationi nocturnæ: quam nisi lumen precedat, periculo nos magni casus errorisque exponimus. *Lucerna, ait, corporis, sensus mentis, & fides cordis intelligitur: quæ si in nobis pura & lucida fuerit, sine dubio omne corpus nostrum illuminat. Idcirco autem lucerna in comparatione fidei ponitur, quia sicut lucerna incedentium in nocte gressus illuminat, ne aut in foucas, aut in offendicula quæque ambulantes incurrant; ita & in hac sæculi nocte splendor fidei omnes vitæ nostræ gressus, præeunte lumine veritatis, illuminat, ne aut in foucas peccatorum, aut in offendicula diaboli incidamus.*

Theodoretus comparat fidem radici arboris; ex qua rami prodeunt ac nutriuntur: item acquisitioni scientiæ; quæ non prodest, nisi ei qui vti velit. *Sicut, inquit, arbores suis radicibus innituntur, & ab eis alimentum percipiunt; & iterum rami, folia, fructus ornant radicem; & radix inutilis esset, nisi hæc adessent: ita fides semper ornanda est operibus. & sicut qui picturam vel sutoriam artem perdiscunt, non solum, vt earum rationem teneant, dant operam; sed vt multo magis suis manibus exerceant: sic moralis philosophia, hoc est, Evangelica doctrina, non tantum discenda est vt eam sciamus, sed verbis, moribus, & vita exprimamus.*

Chrysostomus vult nihil salutare inueniri posse, nisi fidei operatio concurrat. *Neque enim, inquit, si quis clausis oculis quærat, inuenire quid poterit; sicut item, si apertis illis seipsum humo obruat, aversatusq³ solem ibi inquirat, inuenire aliquid nequaquam poterit. Adco sine fide nihil inueniri potest, eaq³ absente pugnas nasci necessario contingit. Hæc ille. vt, qui quærit scientiam, si iudicio suo solo procedat, superbiam fastumque potius quàm veram scientiam inueniet: qui honores quærit, si fidei subsidium non adhibeat, ambitionis æstu abripietur: si quis quærat diuitias, & ratio-*
nibus:

nibus suis fidem non adiungat, in avaritiæ laqueos incurret, & in deſide-^{1. Tim. 6.}
ria multa inutilia & nociua, quæ mergunt homines in interitum.

Duo alia emolumenta Præceos virtutis huius adfert auctor Operis 5.
imperfecti: alterum, quòd artes damonis detegantur; alterum, quòd <sup>Homilia 40.
in Matthæum.</sup>
quasi ex eminenti loco eius machinas euertamus. Sicut, inquit, in turri
consistentes duo bona consequuntur; & hostium irruptionem ipsi facile non pa-
tiuntur, & hostes de turri facile conterunt: sic & qui in fide Christi consistunt,
vel in lege Dei, & damones super illos irruere non sinunt, & spiritualibus bono-
rum operum sagittis eos facile vulnerant.

Denique Ambrosius vnico fidei exercitio victoriam contra hostes 6.
adſcribit. Citò, ait, fides in exercitata languescit, & crebris otiosa tentatur ^{in Psal. 118.}
incommodis. Remissas excubias callidus insidiator irrumpt, assuetum autem <sup>Beati imma-
culati; in offe-
nar. 11. ad Vers.</sup>
bello virum externa fraus instruit, & glorioſe prouehit palma victoriæ. Pax
ergo fidei, corruptele materia est.

210. Accedit ratio, quòd impossibile sit tentationibus resistere sine
gratia Christi: nullum verò opus ex gratia Christi efficitur sine fide,
quæ mentem eleuat ad cognitionem supernaturalem: sine ea ergo vin-
cimur, turpiterque ab hoste fugamur. <sup>tur fides Pra-
xis.</sup>

Nullum quoque meritum operibus nostris attribuitur, quod non
procedat à motu aliquo supernaturali: atqui motus omnis gratiæ ocu-
lum lumenque fidei requirit, vt videat homo quid agat, quo fine, qua
ratione: sine fide igitur impossibile est quemquam mereri, nedum
beatitudinem consequi.

Accedit, quòd virtutum operibus beatitudo promittatur: fides au-
tem ea est, quæ opera ipsa perficit, vt de caritate loquitur Apostolus. 3.
In Christo IESV, ait, neque circumcisio aliquid valet, neque præputium, sed ^{Gal. 5.}
fides quæ per caritatem operatur. Beatitudo ergo æterna sine vsu fidei obti-
neri non potest.

Optima quoque est hæc D. Augustini ratio, quòd fides ex sua ety-
mologia non tantum assensum sonet, sed maximè actionem. eius sunt
istavërba: *Credere in Christum fides vocatur. Difficile est vt male viuat, qui* <sup>Serm. 237. de
Tempore, qui
est 2. Dominica
19. post Trini.</sup>
bene credit. Credite ex toto corde, credite non claudicantes, non hæſtantes,
non contra ipsam fidem humanis suspicionibus argumentantes. Fides appellata
est ab eo, quia fit quod dicitur. Duæ syllabæ sonant, cum dicitur fides: prima
syllaba est à factò, secunda à dictò. Interrogo ergo te vtrum credas. Dices: Cre-
do. Fac quod dicis, & fides est. Hæc Augustinus. Si profectò facimus
quod credimus, numquam fides nostra erit otiosa.

Adde, omnia opera naturalia, si ad finem supernaturalem non refe-
rantur, inidonea esse, minusque proportionata vitæ æternæ: fides verò
illa est, quæ eleuat potentiam, vt ad talem finem opus referatur, fiat-
que supernaturale ac meritorium: ex quo patet, si mereri velimus,
neceſſe

necesse esse ut ad omnia fide, tamquam cælesti quodam oculo, utamur. Id autem non tantum verum est in rebus naturalibus, sed etiam in quibusdam operibus quæ natura sua supernaturalia sunt: quæ si naturalibus tantum viribus fiant, naturalia tantum erunt; qualia sunt, loqui linguis, eleemosynam largiri, dare corpus suum ita ut ardeat: eleuari enim mens debet virtute quadam, naturam excedente; quæ virtus si desideretur, non excedet effectus causam suam, nec consequenter finem illum eminentem meriti gratiæ & gloriæ poterit attingere.

6.
Simile.

Huc facit, quod ubi Deum non intuemur, sed naturæ soli innitimur, vanitas illico in intentionem nostram irrepit. Mola quædam est anima nostra: si bonum frumentum non inferas, terit se, aut quidquid inieceris: similiter, si rationes in animum operantem inducas diuinas & æternas, optimam farinam educes, diuinas sanctasque operationes: si negligas, quæret se natura & conteret nullo fructu, magno suo damno; aut certe irrepit vanitas, error, aliæque incommoda magna; nihil verò utilitatis defluet, etiam si ab aurora ad vespertum gyret cogitationum mola.

In quibus operibus fidei oporteat.

1.

211. Quantum ergo vires ferent, danda opera est, ut in diuinis agamur impellamurque fidei lumine. Non stupidi & insensibiles ad orationem accedamus, sed præmissio fidei actus, quo nos sistamus diuinæ præsentis.

2.

Quoties item fidei aliquis articulus occurrit, vel effigies Saluatoris, B. Virginis, aut aliorum Sanctorum, eleuata mente, veræ fidei actum eliciamus: augetur enim toties fidei habitus, & aptiores reddimur ad credendum diuina mysteria, eaque nobis cum voluptate ac fructu deinceps repræsentanda.

3.

Idem usu venire debet quoties actum alicuius virtutis exercemus, ut obedientiæ; rati non ab homine, sed à Deo mandatum prodire; in Superiore Deum ipsum agnoscentes, & interna reuerentia cum obseruantes. Si humilitatis exercitium occurrat, præcedat fides, quæ modum exercendi præscribat. Si desolati solatium quærimus, fide cælos conscendamus, à Deo postulaturi auxilium. Si fratribus denique pauperibus inferuendum, fide illuminati in hisce omnibus virtutum illarum fines prosequamur.

4.

*Surius como s.
in Octobri, folio 771.*

212. Vtinam & in domesticis, ciuilibus, ac politicis eam Praxim sequamur: profecto non tam sæpe, tam turpiter erraremus, si hac lucerna vteremur: negotia quoque nostra successum haberent; nam & à Deo dirigerentur, & Dei auxilium manifestè appareret. Hedwigis, Henrici Ducis Poloniæ vxor sanctissima, cum hic captus esset in bello à „Conrado Duce Cynensium, & armis cum sanguine repetendus foret; „illa ad Ducem Conradum profecta est: qui ut eam conspexit, perinde „ac si Angelum Dei vidisset, subito pauore corripitur, ferocem animum atque

atque inflexibilem deponit, inquit concordiam, & Ducem Henricum,, dimittit. Quis, quæso, orator cum omni eloquentia sua, quod mulier,, fidei nixa præsidio, consequi potuisset? Rex Dauid hoc lumine opera sua ac intentiones lustrabat, & (quod maius est) regnum suum eodem administrabat. *Lucerna, ait, pedibus meis verbum tuum, & lumen semitis* *Psalm. 118. meis.*

Aberrant grauitur, qui sine hac luce statum vitæ deligunt, qui testamenta condunt, qui lites intendunt, qui familias regunt, qui ex suo iudicio cuncta administrant, domos ædificant, thesauros recondunt, amicitias iungunt, societates contrahunt: super arenam enim ædificant; flant deinde venti, flumina allidunt; ædificia verò, quia super firmam petram ædificata non sunt, ruunt, soloque æquantur, & mortaliū spes inanes concidunt.

Hi sanè agunt inconsultò: sed multo magis viri spirituales, qui, cum desideria cordis sui sequi volunt, directoribus suis rationes humanas obtrudunt, quibus agere ac dirigi cupiunt, non autem diuini Spiritus aura; cumque à mundi flatu ac fastu longissimè abesse deberent, huius sæculi hominibus volunt conformari, suisque rationibus regi. Ruunt quoque omnia ædificia hæc, quia eorum fundamenta non super petram, sed in arena collocantur. Beatus Ludouicus Francorum Rex, ab *Corroptus de dictis & factis Principum Christianorum.* aulicis suis rogatus quonam gestorum suorum cognomine vellet insigniri, Victoria, inquit, Possiaca contra diabolum, dum baptizaret: ut enim prima, ita clarissima mihi obtigit. In hac sola gloriator & triumpho: ab hac Ludouicus Possiacus denominari volo. Pluris faciebat Sanctus Ludouicus vnicum religionis actum, quàm omnes res à se bene gestas; quibus alioquin homines gloriosum sibi nomen comparare ac gloriari solent: vnde frequens Possiacum adibat, magna que animi sui voluptate in victoriæ huius recordatione acquiescebat.

O mortales insensati, quid in iudicio vestro infano struitis? ædificate in calis; eò oculos conijcite: æterna illic sunt omnia, solida, & immobilia. Deus æternis rationibus in rebus agendis nititur, quas euertere nulla poterit humana industria. *Non enim cogitationes meæ, cogitationes* *Isaia 55. vestra; neque via vestra, via mea, dicit Dominus: quia sicut exaltantur celi à terra, sic exaltata sunt via mea à vijs vestris. Non enim est Deus quasi* *Numer. 23. homo, ut mutetur: nos verò mutabiles esse necesse est, quia fundamentis mobilibus nitimur; Deus verò æternus statuit ea in æternum & in sæc.* *Psalm. 148. culum sæculi: præceptum posuit, & non præteribit.*

213. Expediit ergo, ut studiosus PERFECTIO NIS, inter prima Fidei Penitus Negotiationis exercitia, circa hanc virtutem verferetur, ac animum excolat, quo vtilius spiritualia concipiat atque apprehendat: est enim instrumentum commune, sine quo ceteræ virtutes nec haberi nec exerceri

Heb. 11.

ereri possunt; meritoque dixit S. Paulus, *Sine fide impossibile est placere Deo*. non tantum ubi quis circa fidem hallucinatur, vel Christi fide caret; sed quia nullum opus, quod fide non nitatur, diuinum ac meritum esse possit: crescit verò multiplicatis actibus lumen illud, & facilitatem spiritualia exercendi confert; &, quia opus supernaturale est, auget gratiam & caritatem; & quo frequentius eo utimur, eo spirituales euadimus.

CAPVT XXXV.

Spem praeclarum instrumentum esse PERFECTIONIS, ad difficultates magnas superandas, arduasque aggredienda.

Spem necessariam esse ad magnas res gerendas.

214. **I**NTER virtutes quibus caritas utitur ad hostes suos expugnandos, ad difficultates superandas, ad ardua quaeque aggredienda ac perficienda, spei virtus facile primum locum obtinet. Sine ea languescit animus, vires labant, clypeum hastamque saepe abijcimus. cum enim sine Dei auxilio omnino nihil aggredi, ne dicam perficere valeamus; aberit haud dubie auxilium, si spes abfuerit, quae illud imploret: nec Deus dare consuevit, nisi imploremus, omnemque spem nostram in eum conijciamus. Hic gladius Gedeonis est, qui conterit castra Madian; rupes, ferrum, æs penetrat; nihil tam forte, tam inuisum, quod illa omnipotentis viribus non comminuat; nihil adeo inuiuium & inaccessum, quod non perrumpat ac peruadat. Vos, o generosi ac incliti Dei pugiles, inuito ad tantæ gloriæ ac Negotiationis societatem: magnæ vos opes manent, magna retributio.

Iudic. 7.

Multa ijs patienda, qui pro Christo praeclara quaeque aggredi cupiunt. Iudic. 7. Deut. 20.

215. Moneo tamen viam esse difficilem, arduam, multis laboribus obnoxiam, periculis septam, calamitatibus obuijs vallatam, hostium telis vndique obsitam. multa enim toleranda sunt, cum in corpore & animo, tum in fama, honore, bonisque omnibus. Si qui meticulosi, si qui molles sponfarum amatores, si qui degeneres animi, ab hoc certamine remittantur domum. hostes nostri magni, formidandi, horrendi sunt: si tamen animus non desit, non deerunt vires, quibus illi ipsi cædantur, aut in turpem fugam vertantur.

Solatia non deesse ijs qui strenue pro Christo laborant. Rom. 8.

Hoc in primis vobis animos addat, non defore solatia; quæ expectatione præmiorum tanta sunt, ut eorum partem exigua nulla mens, nulla vis ingenij, nulla eloquētia non dicam explicare, sed ne minimum quidem adumbrare valeat. *Non sunt enim condignæ passionis huius tem-*

poris

poris ad futuram gloriam, quæ reuelabitur in nobis : & quod in presenti est momentaneum & leue tribulationis nostræ, supra modum in sublimitate æternæ gloriæ pondus operatur in nobis. nec oculus vidit, nec auris audiuit, nec in cor hominis ascendit, quod præparauit Deus ijs qui diligunt illum. Spes quidem quæ differtur, affligit animam; & nonnullis durum videtur, præmia laborum in futurum reseruari, & solatia huius vitæ multis misceri doloribus. Ita quidem se res habet: sed momentanea sunt huius vitæ mala, nec suo solatio carent; certissima verò, quæ à Deo promittuntur. Augustinus hoc argumentum tractans, Non te terreat, inquit, Christiane, quod credita differuntur. Licet in abscondito sit promissio, in spe tamen perscueret oratio. Exercere operibus, cresce virtutibus. Dum fidei constantia probatur, gloria retributionis augetur. & alibi, Securus, ait, esto accepturum te vitam ipsius, qui pignus habes mortem ipsius.

216. Nec terri debemus horrore malorū, quæ ingruunt ijs qui hanc palæstram ingrediuntur. Ita est: patiendum est. ita nos Christus monuit: Mundus gaudebit, vos autem contristabimini: In mundo pressuram habebitis: Trahent vos ante præfides, ad custodias, ad carceres: Per multas tribulationes oportet nos intrare in regnum Dei. Nec putent pugiles nostri id in aëre tantum sonare, sic vt in eorum capita fulmen hoc numquam detonare debeat. Sanè ita animo dispositi sint, vt, quod monemur euenturum singulis, sibi quoque euenturum certò constituent. quod si non eueniat, arbitrentur se ex dilectis Domini non esse, quos tessera beneuolentiæ suæ insignire solet: nam tribulatio patientiam operatur, patientia autem probationem, probatio verò spem, spes autem non confundit. Oportuit pati Christum, & ita intrare in gloriam suam. Hæc spei nostræ sunt fundamenta. si enim necesse fuerit Christum pati, viamque ad æternam felicitatem aliam non esse, sancti omnes suo exemplo testati sint; cur nos immunes esse velimus? In hoc spem nostram fundari vult Augustinus. Factus est, inquit, Christus spes nostra. In illo vides & laborem tuum, & mercedem tuam: laborem in passione, mercedem in resurrectione. Sic ergo factus est spes nostra. habemus enim duas vitas: sed vnā, in qua sumus; alteram, quam speramus. In qua sumus, nota nobis est: quam speramus, ignota nobis est. Tolerā in qua es, & habebis quam nondum habes.

D. Basilii, Iter, inquit, facientibus per asperrima quæque ac pene inaccessa loca, & adium subleuat laboris, spes certò proposita comodioris hospitij: & vtq; maioris periculo ausint se committere mercatores, facit cupiditas parandarum mercium: & agricolis imminuit ac suffragatur labores spes futura fertilitatis. Eam ob rem, qui nostram omnium vitam in commune dispensat ac moderatur eximius doctor Spiritus ille veritatis solerti sapientia & artifice consilio initio statim mercedem ponit ob oculos; vt laboribus, dum in manibus sunt, veluti iam transmissis, tota mente ad bona, quæ in calis reposita nobis sunt, auidius properemus.

Ttc

Chry-

In Sententijs
D. Prosperi, m.
23. Operum 3.
Aug. tomo 3.
Spes futura re-
tributionis cer-
ta solatur in
tribulationi-
bus.
aln. exposit. Psal.
96. sub finem.

Ioan. 16.

Luc. 21.

Act. 14.

Rom. 5.

Luc. 24.

In Psal. 63.
tomo 8.

Hom. in Psal. 117.
Similia.

b 1.

c 1.

d 2.

d 3.

*Lib. 3. de pro-
vid. Dei, in
initio, tomo 5.*

4.

Chrysostomus autem eleganter (vt solet) hoc argumentum profertur. Dic, oro, inquit, si quis te ad regnum terreſtre & imperium vocaret, atque ante ingreſſum eius ciuitatis, in qua coronandus eſſes, in ſtabulum diuertere neceſſe eſſet, ubi luti plurimum ac ſimi, viatorumq; tumultus eſſet, & latronum perturbatio, ſummaq; preſſura & anguſtia; num ad illa triſtia cogitatione conuertereris? an non illa omnia, quaſi nihil eſſent, gaudio & ſpe regni contemneres? perquam igitur ineptum & indignum eſt, terrenis mortalibusq; rebus potiſſimum, nihil his, quæ interim inciderint, contrahi; æterni autem regni ſpe elatum & erectum, atque ad calos accerſitum, per ſingula quæ in diuerſorio contigerint triſtia decidere atque perturbari.

*In paranetica
epiſt. ad Valer.
longè poſt me-
dium.*

5.

In eandem ſententiã appoſitè Eucherius Lugdunenſis: Dirigenda eſt omnis animi intentio in ſpem futuri; quam ſpem vt plenius & maniſeſtius conſequaris, aperire eam etiam ſub alicuius exempli condicione non abnuam. Si cui aliquis quinque hodie ex ære denarios offerat, quingentos verò aureos in crasti- num ſpondeat; optionemq; offerat, utrum æs ad præſens ſumere, an aurum mallet in poſterum; dubiumne eſt quin præoptet grandia illa munera cum parua mora? Tu quoque, brevis huius atque æternæ vitæ condicione perſpecta, num eligas capere vilia, cum ſperare poſſis pretioſa? Non eſt tanti ſumpſiſſe parua, quanti eſt expectare quæ magna ſunt. Hæc ille.

Gen. 49.

*De conſolatione
hic non eſſe co-
gitandum.*

Luc. 19.

217. Futuræ ergo retributionis, & quidem certiffimæ, ſpes animos vehementer accendit; futuræ tamen, non præſentis vitæ. Iuuat illam ſperare, non præſentem optare, ſi rem Domini agere velimus. Hic lætari bonisq; affluere, & in futura vita, non licet: alterum neceſſe eſt eligamus. Loquar confidenter incenſis amore Chriſti Domini pugilibus. Coronarū, regnorum, gloriæ, voluptatis æternæ memoriam non nihil ſeponamus: tempus retributionis veniet, cum diuinæ videbitur bonitati; nunc verò ſibi quiſque dictum exiſtimet, quod Iacob Iudæ filio bene precando dicebat: *Catulus leonis Iuda; ad prædam, ſili mi, aſcendiſti.* De bene merendo, de pugna, de prædis agendis, nunc quaëſtio eſt, in quibus multa fortiter excelſoq; animo toleranda. E mundo, è manibus diaboli, è carne noſtra prædæ ſunt captandæ & abigendæ: negotiandi tempus eſt, & de Domini noſtri lucro cogitandum, non de præmio; viderit ipſe, cuius cauſa negotiamur. Caritas præmium non quaërit, ipſa ſibi præmij loco eſt. Spes multa patiendi, multa pro Domino noſtro perficiendi, inſignis theſaurus eſt: illum quaëramus, illum inueniamus, & bene ſe res habet. Mandatum habemus ab illo: *Negotiamini, dum venio.* De ſpe itaque hic agimus, non quæ quietem ſpectat, & retributionem; ſed quæ nos ad PERFECTIÖNEM aſſequendam, augendam, & illuſtrandam iuuat & promouet. Doctrina ſublimis, Negotium arduum, Praxis difficilis. Tradenda tamen hæc eſt, & quidem ſigillatim, faciliq; methodo, vt ab omnibus capiat. G. A. P. V. T.

CAPVT XXXVI.

Duo esse officia spei: alterum in sui diffidentia, alterum in Dei confidentia consistere: confidentiam verò rerum huius mundi plurimum obesse rebus praeclare gerendis.

218. **S**PEs duabus partibus perficitur: diffidentia sui, & confidentia Dei. qui enim ab alio opem quærit, necesse est fateatur imbecillitatem suam, quam ab eodem petit subleuari. Confidentia sine diffidentia propria, præsumptio est; diffidentia sine spe, desperatio. iunge vtramque, & quandâ homini tribuis omnipotentiam.

Ex quo colligis, nos hîc de spe, quæ iustitia Dei quæque amicitia destituta sit, non agere: caritas alioquin meritò queri posset; *Soror nostra parua, & vbera non habet: pasci illa debet, nondum pascere; adhuc ianuam Sponsi pulsât, nondum ingressa thalamum, nondum ad complexus diuinos admissa est. multo minùs de spe eorum, qui Dei iustitiam beneuolentiamque minimè quærunt; sed in peccatis remanentes, multa nihilominus à Deo expectant, certoque sibi beatitudinem frustra pollicentur: interea iustos persequuntur; Dei sæpe causam oppugnant; voluptatibus suis, etiam scedis, immerguntur; omnia sua ad honores & diuitias comparandas, augendas, conseruandas referunt; præterea finem alium sibi nullum proponunt. id verò quàm sapienter tuteque faciant, exitus comprobabit. De his tamen, ad consolationem constantiamque iustorum, quos ipsi (iusto Dei iudicio) persequuntur, aliquid dicendum est. Quoniam spes impij, ait Sapiens, erit tamquam spuma gracilis, quæ à procella dispergitur; & tamquam fumus, qui à vento diffusus est; & tamquam memoria hospitis vnius diei prætereuntis. Quæ omnia si consideres, admodum infida sunt, & breuia: quid enim bulla? quid fumus? quid memoria hospitis? & his quid breuius & inanius? in his tamen spes impij fundatur. A verbis ergo viri peccatoris ne timueris, quia gloria eius stercus & vermis est. Sic via omnium, ait Iob, qui obliuiscuntur Deum, & spes hypocritæ peribit. Oculi impiorum deficient, & effugium peribit ab eis, & spes illorum abominatio animæ.*

Mira de his hominibus refert Isaias, qui exprimit verba, quæ ipsi vel sermone, vel certè moribus proferunt. Dixistis, inquit, Percussimus scdus cum morte, & cum inferno fecimus pactum. Flagellum inundans, cum transierit, non veniet super nos: quia posuimus mendacium spem nostram, & mendacio protecti sumus. Quàm hoc verum est: tuentur enim homines

T t t 2

nung

Ibidem.

*Spes in homi-
num potentia
vana est.*

nunc iniquissimas causas mendacijs, ijsque innixi, Deum, Ecclesiam, parentes, amicos, ceterosque oppugnant, & in eorum bona impetum faciunt. sed hæc non semper durabunt; addit enim Propheta: *Delebitur fœdus vestrum cum morte, & pactum vestrum cum inferno non stabit: flagellum inundans cum transferit, eritis ei in conculcationem.* Nec proteget eos magni alicuius potentia atque auctoritas, versa iam fortuna, cuius rotam Dominus habet in manu. Imò puniuntur impij ijsdem sæpe auctoribus, quorum ope Deo hominibusque iniuriam intulerunt; aut certè eorum auxilio destituti, quàm vana fuerit potentium fides, quàm inanis stultè sperantium expectatio, ijsdem ipsi re ipsa experiuntur.

**. Reg. 18.*

Nec immeritò eis exprobramus, quod olim Rabsæes Ezechiae Regi Iudæ. *An, ait, speras in baculo arundineo atque confracto, Ægypto; super quem si incubueris homo, cõminutus ingreditur manum eius, & perforabit eam? sic est Pharaos, Rex Ægypti, omnibus qui confidunt in se.* Pharaos, Rex Ægypti, dæmonem, mundi huius tenebrosi principem, significat. Ille nobis multa promittit; vitam productiorem, sanitatem, opes, honores; quæ non præstat, eorumque loco multa mala infert: ac in primis fallit nos, & expectatione frustratur; manus nostras perforat, & operationes conuellit atque enervat; praua que consuetudine malè agendi, ad bonum nos ineptos reddit; vtpote manu seu animæ potentijs fauciatis.

219. Ex his negotiator spiritualis documenta duo colligit. alterum, eum qui ab impijs persecutionem patitur, parum debere esse sollicitum: aut enim ij præualebunt, quòd viribus ijs polleant, quibus resisti non possit; & in hoc gaudeat *IE S V* Christi miles, quòd Domini causa aliquid pati mereatur, ducatque id sibi magno honori, & emolumento maximo, denique ingentes Deo gratias agat: aut si expediat improborum conatibus resistere, idque Dei exigat gloria, forti sit animo; eorum arma instar telarum araneorum reputet, comparatione illius subfidij, quod à Domino veniet; & verò veniet cum internæ fortitudinis nouo sensu: quam quidem cum omni modestia testatam faciat Christi miles ad mortem vsque; nec facile quidquam concedat impijs aduersariorum conatibus, quibus Deo auctore potest resistere.

*Sperantem in
Domino decet
cõtemnere spes
hominum in-
anes.*

*Serm. 29. de
Verbis Domini,
cap. 5. & 6.*

Alterum est, vt diligenter caueat impiorum more prauis mundi huius consilijs, hominum fauoribus ac potentia confidere: hoc enim primum impedimentum est; & naturæ spei, quæ diuino præsidio innititur, planè repugnat: quod vt caueamus, sic hortatur nos D. Augustinus, & seriò inculcat: *Quanta tibi mundus post dorsum strepit, vt retro respicias, id est, vt in rebus præsentibus, nec præsentibus, (non enim dicenda sunt præsentia, numquam stantia) spem tuam ponas; & ab eo, quod promissit Christus,*

&

cordia Dei sperent. Cum enim operum fructus à Deo manare debeant, à quo accipimus auxilium, sine quo nihil possumus; ad illum necesse est confugiamus: quem si propter hominum fauorem ac potentiam, aut propter opum copias quibus nitimur, elati pratermittamus, & spes nostræ concident, & vacui operibus bonis remanebimus.

CAPVT XXXVII.

*Nimiam confidentiam perniciosam admodum esse
Negotiationi spirituali; hominesq; illius causa
gravissima salutis pericula incurrere.*

221. **I**MPEDIMENTVM aliud est hominibus spiritualibus perniciosissimum: quod arbitrentur se ingenio, viribus, consilijs multa posse; nec opus esse ab alio pendere, cum in se ea præsidia habeant, quæ sufficiant ad ardua quæque aggredienda ac perficienda. Confidentia hæc, virtus non est; sed enorme præsumptionis vitium, omnis heroicæ, imò cuiuslibet supernaturalis actionis tinea, pestis, atque interitus.

*Præsumptio
vitium est enorme.*

*Præsumptio in-
gratitudinis
mater.
Serm. 51. in
Cant. post me-
dium.*

*Serm. 1. in ca-
pite Ieremij.*

Filia superbia.

Iac. 4.

Simile.

Est namque præsumptio in primis mater ingratitudinis: qui enim sine auxilio aliquid putat se posse perficere, cum illud effecit, sibi soli factum adscribit. *Ingratitudo* verò, ut vult Bernardus, *inimica est anime, exinanitio meritorum, virtutum dispersio, beneficiorum perditio, ventus urens, siccans sibi fontem pietatis, rorem misericordie, fluentia gratie*. Quis enim sperat novum beneficium accipere, qui ea, quæ à Deo accepit, sibi ingratus attribuit, cum tamen Deo accepta referre debuisset? Addit Bernardus alibi: *Gratiarum cessat decursus, ubi recursus non fuerit; nec modo nihil augetur ingrato, sed & quod acceperat vertitur ei in perniciem: fidelis autem in modico, censetur dignus munere ampliori*.

222. Est præterea præsumptio filia superbiæ, quæ impudentissimè furatur Dei honorem & gloriam, eamque sibi adscribit, & de ea tamquam de bonis proprijs gloriatur, quasi potens in potentia sua. at *superbis Deus resistit, humilibus autem dat gratiam*. Pestis autem hæc arrogantia ac superbiæ, peccatum spirituale est: ideo oculis corporeis non videtur, ne quidem spiritualium; quia primùm oculos occupat, ac in ijs sedem figit, ne videant. Facile ciuitas occupatur, ubi à videndo & prospiciendo speculator impeditur. Est enim superbia non tantum in voluntatis elatione ac tumore, sed in intellectu quoque magna ex parte relidet;

residet; quem imbuat opinione virtutis, scientiæ, potentiæ, magnarumque virium, quas à se habere, aut certè suis meritis sese comparasse arbitratur.

Eo ergo maximè nocet arrogantia hæc, quòd hostis esse nesciatur, nec adesse conspiciatur. naturale quoddam vitium est singulis concreatum, à prauitate naturæ & complexionis cuique quasi impactum: & quia pauci oculos ita perspicaces habent, odiosum hominem non reddit, si pallio fictæ humilitatis tegatur. Ferunt etiam homines in alijs, quod in se probant, quodque ambiunt, & in bonis reputant. Quàm multi in honoribus beatitudinem suam constituunt! omni studio eos quarunt; in adeptis gloriantur ac conquiescunt; eos, qui in ijs excellent, magni faciunt ac deprædicant. Opinio hæc excæcat oculos hominum, vt non videant Deo soli deberi gloriam; quam sibi non tribuerent, si damnum, quod ex eo capiunt, perspectum haberent.

Ex quo aliud sequitur, peccati huiusmodi infamiam coram hominibus non apparere, vnde superbi erubescant; quare, modò honorabiles habeantur, parum interna mouentur turpitudine, quæ in hominum oculos non ita facilè incurrit. hinc sancti Patres monent aliquando minus esse in corruptionem cadere, quàm in cogitatione tacita deliberata elatione peccare. Sed cum minus turpis superbia creditur, minus vitatur: luxuriam verò eo magis erubescunt, quo simul turpem omnes nouerint. vnde fit, vt nonnulli, post superbiam in luxuriam corruentes, ex aperto casu malum culpæ latentis erubescant; & tum etiam maiora corrigant, cum prostrati in minimis confunduntur.

223. Ex hoc capite illud dignissimum notatu accedit: Dominum persæpe permittere, ratione huiusmodi arrogantia, vt homines in grauissima quæque scelera labantur, quo videant quàm parum possint sine eius præsidio: quod ordinariè elatis euenit, & sapientibus huius mundi; & inijs quidem occultè, deinde superbiam vindex Deus toti mundo spurcicias illorum patefacit, vt erubescant & confundantur: verum quia superbia mentes eorum occupauit, clausitque oculos, frontem eis quoque meretriciam æneamque ceruicem impressit, ideo iusto Dei iudicio fit vt pertinaces maneat, tandemque supremus Iudex in ijs potentiæ suæ gloriam ostendat; & ad confusionem illorum tantum fastum exhiberi curet, atque ab hominibus, qui Dei obseruant iudicia, potentia quoque eius ac gloria deprædicentur.

Multa de Philosphorum arrogantia ac confusione scribit D. Paulus; de quibus quia priori libro copiosius, iam huic argumento non immorabor. Attexam dumtaxat D. Hieronymi sententiam vnicam, hæc Ecclesiastæ verba exponentis: *Labor stultorum affliget eos. Lege, inquit, Platonem, Aristotelis reuolue versutias, Zenonem & Carneadem diligen-*

*Graves oriri
casus ex superbia.*

I.

*In mundi huius
sapientibus.*

2.

In Philosphis.

a Rom. 1.

In cap. 10. Ec-

cle. ad verba:

Labor stulto-

rum affliget

eos. tomo 5.

Psalm. 72. *3.* *In ijs quoque
qui virtutis
student.* *Lib. 14. de ci-
uit. Dei, c. 13.
in fine.
Matth. 26.
Psalm. 82.* *Simile.* *4.* *Ostenditur
idem contin-
gere in tirani-
bus.*

tius intueri; & probabis verum esse quod dicitur, Labor stultorum affliget eos. Veritatem illi quidem omni studio quaesierunt; sed quia non habuerunt ducem & prauum itineris, & humanis sensibus rati sunt se comprehendere posse sapientiam, ad ciuitatem minimè perueniunt, de qua in Psalmo dicitur: Domine, in ciuitate tua imaginem ipsorum dissipabis. Omnes enim umbras & diuersas imagines atque personas, quas sibi in varijs dogmatibus induerunt, in urbe sua Dominus dissipabit.

224. Nec modò hæc omnia de Philosophis aut hominibus mundi huius statuenda videntur, sed & de multis qui virtuti dant operam, quos propter insignem animi superbiam (quamvis subinde latentem & ignotam) Dominus vel in grauissimas tentationes labi, vel etiam in turpiora quædam scelera ruere præcipites permittit. Audeo dicere, ait Diuus Augustinus, superbis esse vtile cadere in aliquod apertum manifestumq; peccatum, unde sibi displiceant; qui iam sibi placendo ceciderant. Salubrius enim Petrus sibi displicuit quando fleuit, quàm sibi placuit quando presumpsit. Hoc dicit & sacer Psalmus: Imple facies eorum ignominia, & quærent nomen tuum, Domine.

Illud hîc adijciam, solere huiusmodi superbos non ex graui tantùm tentatione in parua aliqua delicta prolabi, sed subinde ex minima tentatione in deformia quædam peccata incidere: vt cùm puellæ aut etiam coniugatæ nobiles arrogantiores in graue honoris vel discrimen vel dedecus induci se patiuntur, ob leuem à parentibus aut maritis alienationem, vel offensionem, aut ex leui sollicitatione, viri quoque & quidam graues in amores deformium mulierum ac vetularum, imò etiam scortorum exoletorum, morbisque infamibus detestandorum, (quæ remedium incesti amoris potiùs quàm incitamentum adferre debuissent) corruunt, à quibus tamen auelli non possint.

Eti enim arrogantia noxa nobis exigua esse videatur, Deo tamen incredibiliter displicet, magnam ipsi irrogat iniuriam, multorum bonorum fontem obstruit; & quia curari non potest, imò ne cognosci quidem, sine imbecillitatis nostræ manifestatione, permittit Dominus nos nostro aliorumque bono frædari, vt ad puritatis auctorem discamus recurrere, & in eius potentia, non in nostris viribus, consistere.

225. Ob hanc etiam rationem Dominus tirones omnes, nullis pænè exceptis, initio variè tentari permittit; nec cum vllis ferè videtur in isto genere exercitationis dispensare, vt eos hac ratione in diffidentiam sui inducat, & hanc doctrinam sibi non fidendi, non arrogandi quidquam, altissimè eorum mentibus imprimat ac defigat: qui si sibi præfidant nihil, haud dubiè labentur; quòd si imbecillitate cognita ad Dei auxilium recurrant, sensim emergent, & ad profectum animabuntur. docent enim sancti Patres, eos, qui seruiunt Deo, à dæmone frequentius varijs

uarijs tentationibus agitari: tristitia & diffidentia de Deo, vt bona inchoata deferant, vt non perseuerent, vt existiment se Deo caros non esse, vt locum, societatem, rationemque viuendi seueriorem commutent, in qua nouit dæmon plura fore ad labendum pericula. His alijsque id genus tentationibus, spem boni præ se ferentibus, dæmon feruos Dei aggreditur: quos verò vincit? Eos (aiunt) qui plus æquo confidunt sibi. vnde vidimus multos magna virtute præditos, & testimonio aliorum probatos, quos malignus spiritus propter nimiam istam confidentiam egit præcipientes.

Hoc enim vitium præsumptionis cùm in tumidioribus mundi filijs inuenitur, tum etiam in iuuenibus ac tironibus, qui feruore puerili multa comminiscuntur; quæ si attentarint, in varia præcipitia feruntur. qua de re scribens Caietanus in illud Lucæ, *Omnis qui venit ad me, & audit sermones meos, & facit eos, ostendam vobis cui similis sit; similis est homini ædificanti domum, qui fodit in altum, & posuit fundamentum super petram*: Hic, ait, describi vides ruinam hominis, qui congeriem operum suorum ædificauit super non integrum seu non firmum, vsque ad intima cordis penetralia, propositum perseuerandi in omnibus, vel propositum non fundauit super Christum: sic enim fiducia eius non est innixa super Christum, sed super viribus proprij animi. vtroque enim modo deest verum fundamentum: propter primum enim deest profunditas, & propter secundum deest petra. Hæc Caietanus.

5.
In tironibus
tacitam arro-
gantiam inue-
niri.
Luc. 6.

D. Augustinus, errorem cognoscens, defectum hunc lamentabiliter deflet in Soliloquijs. Fortissime magnipotens Deus, ait, credebam me soliloq. c. 15.
fore aliquid, cum nihil essem: cogitabam me esse prudentem, & deceptus sum: dixi quod diues essem, & nullius egerem; & nesciebam quia pauper eram, cæcus, Apoc. 3.
nudus, miser, & miserabilis: & video nunc, si quid boni est, parui vel magni, donum tuum est; & nostrum non nisi malum est: quia, nisi custodieris ciuitatem, Psal. 126.
tem, frustra vigilat qui custodit eam. Credebam me aliquid fore ex me, existi-
mabam me sufficere per me, nec percipiebam quoniam tu regebas me, donec ali-
quantulum te elongasti à me, & cecidi statim in me: & vidi & cognoui quo-
niam tu regebas me; & quod cecidi, fuit ex me; & quod surrexi, fuit ex te.

226. Detestandum ergo vitium est arrogantia, nullaque ratione (si negotiari velimus) in animum admittenda; ita enim loquitur Scriptura: *Qui confidit in cogitationibus suis, impiè agit. & Qui confidit in corde suo, stultus est.* Amentix enim genus est, molarem lapidem eleuare velle, sine alis volare, in aqua vel aëre ambulare. Tantundem agit, qui opus supernaturale eleuare proprijs viribus nititur, qui ad diuina assurgere, qui tentationes graues superare, qui denique assequi PERFECTI O N E M. Is profectò amens ab Angelis censetur; sed eo magis, quòd Deo detrahat, sibi que vsurpet, quod ad ipsum solum pertinet.

Ideo Ieremias talibus malè imprecans, *Maledictus, ait, homo qui con-* Ierem. 17.

V V V

fidit

Eccli. 6.
Simile.

fidit in homine, & ponit carnem brachium suum: erit enim quasi myrica in deserto; & non videbit cum venerit bonum, sed habitabit in siccitate in deserto, in terra falsuginis & inhabitabili. & Ecclesiasticus ita nos hortatur: Non te extollas in cogitatione anima tua velut taurus, ne forte elidatur virtus tua per stultitiam, & folia tua comedat, & fructus tuos perdat, & relinquantur velut lignum aridum in eremo. Superbia taurum comparat; cui cum liberum ad nos operaque nostra accessum permittimus, nos allidit grauius; & si quos fructus aut herbas virescentes produximus, illas, quasi bos, cunctas depascitur, calcat, ac destruit, manetque cordis nostri solum infructuosum, exiccatum, incultum, desertum, sicut lignum in eremo.

CAPVT XXXVIII.

Tacitam presumptionem, multis incognitam, ad res magnas gerendas aditum praecludere. Quae eius indicia.

Luc. 18.

Arrogantia tacita indicia.

I.

Ad Deum non recurrere, in rebus magni momenti saltem.

227. **H**IS, quae diximus, etsi plura addi posse ad perniciem arrogantiae detestandam merito videantur; (nam pauca mihi pro rei indignitate dixisse videor) tamen, ne longior sim, ceteris omisissis vnicum operae pretium me facturum confido, si, quod in hoc genere lateat, è profundissimis latebris eruatur, & in lucem producat. Quam enim arrogantiam altero capite descripsimus, positivam, actuale, & exercitatis sat palpabilem, haud difficile cuius iam erit agnoscere: alij verò arrogantes esse non putantur, quòd nihil sibi arrogare videantur; imò cum Phariseo Deo gratias agunt, quòd non sint sicut ceteri hominum; &, cum Christiani sint, profitentur omnia à Deo proficisci; merita quoque Domini nostri IESU agnoscunt; alios non contemnunt; vtuntur iudicio naturali, & facultatibus sibi à Deo communicatis: tamen, quidquid agant, hos limites non excedunt; ad Dei praesidium non recurrunt, rati se optimè fecisse, cum vtrumque ex animi sententia res succedunt. saepe nihilominus & in his arrogantia non exigua cernitur; atque in primis, quòd ardua quaeque aggredientes, solo suo consilio nitantur: quotusquisque enim in aulis Principum (nisi admodum pij sint) negotia etiam summi momenti confert cum Deo, illique commendat? quis etiam inter Ecclesiasticos promiscuè hoc consilio utitur? quis inter Religiosos sic Deo nititur, ut eius ope indiget? & sanè ardua illa, quae salutem animarum concernunt, quae publicae rei bonum spectant, ut bene fiant, non sine eius

eius ope fieri possunt. si eius consilio non vtamur, meritò se prætermis-
sum queri potest. Non vr̃e calceis vicini tui, nec scopis quidem,
quibus indiges, ni primùm illum consulas: multo minùs si sis in familia
vbi licentia vel auxilio patris-familias pro aliqua re opus est. Si in cu-
ria existas, vbi Regis auctoritate atque præsidio indiges; Rege minimè
consulto nihil aggredieris: imò et si sigillum eius habeas, aut clauem
auream triclinij, nihil vmquam sigillo munies, aut è triclinio educes;
præsertim si consensus, notitia, & auctoritas eius concurrere debeant.
At nihil sine Deo agere, nihil supernaturale, imò naturale proferre,
non modò sine auctoritate, sed & sine concursu atque auxilio eius, pos-
sumus: qua ergo ratione res nostræ felicem exitum fortiri possunt, ipso
non audito, nec consulto? Et quamuis lege ordinaria statuerit con-
currere in operibus naturalibus, ac etiam supernaturalibus, cum ex ha-
bitu virtutum procedimus; non promisit tamen optima semper quæ-
que fore consilia, quæ tibi in mentem primùm occurrerint, aut infalli-
bilem assistentiam, nullo ab ipso petito subsidio. Sicut ergo eum No- *Similia.*
bilem sibi præsumere atque arrogare diceremus, qui propria auctori-
tate potentia Regis vteretur, quantumcumque Regem laudaret; nec
pateremur ipsi res nostras pro cuiusque libidine viurpari, nobis non
consultis: ita pro genere quodam arrogantia Deus reputat, cum in re-
bus, præsertim magni momenti, vix semel in anno dignamur ad ipsum
(cuius nutu tamen ac voluntate fieri debent omnia, vtpote orbis vni-
uersi rectoris ac supremi dictatoris) accedere, ac res nostras commen-
dare.

Fiunt nostra quidem subinde non malè; sed quia sensu nostro fiunt,
qui præsentia tantùm speculamur, futura non prospicimus, nec rerum
inter se dependentiam, breui ea inter se conuelluntur, & ad nihilum
rediguntur: quæ verò Deo auctore constituuntur, qui nouit rerum
tempora, ordinesque, causas, ac consecutiones, ea sapienter ordinan-
tur, & futuris sæculis vtilitatem, exemplum, admirationemque pariunt.
O si cognosceremus quantum nobis detrimenti atque Reipublicæ ad-
ferimus, quantum de eius splendore, commodo, protectione detra-
hamus, hoc Dei præsidium negligentes! nemo mortalium nouit; no-
uere soli beati, & Deus maximè, qui semper præstò est, vt petentibus
dona largiatur. Et cur mundus tot calamitates patitur? familiæ malè
reguntur? tot bella infeliciter geruntur? tot prouinciæ ac regna non
adeò secundo successu administrantur? quia homines humeris suis ea
sustentare præsumunt, suis viribus, suoque ingenio; vltra hos limites
non transgrediuntur; ideo confusio magna & singulos inuoluit, &
communitates euertit.

228. * Alterum indicium arrogantia tacita est, quòd homines glo-
riam

VVV 2

*a Indicium 2.
Quòd homines
non Dei, sed
suam gloriam
querant in re-
bus quas fa-
ciunt.*

riam suis è facinoribus reportare intendant; & verò ijs quomodocumque patris extolluntur, ea persæpe commemorant, in tabulas publicas & annales referunt, suæque posteritati tamquam præcipuam hereditatem relinquunt: quæ tamen si discutiantur, erratis scatentia, multaque sæpe reprehensione digna inueniuntur; & ideo maximè, quòd os Domini non consuluerunt, suamque, non Dei, gloriam quæsiuerunt: huius enim, non nostra, gloria quærenda est; de nostra ipse plus satis erit sollicitus. hunc enim finem gloriæ Dei res omnes propiciunt; ad eum naturali quodam pondere tendunt; quia Creatorem suum illum esse cognoscunt, suumque principium ac finem vltimum: refluunt ergo, vt bene eis sit, eò, vnde sunt profectæ. *Creauit Deus*, ait Moyses, *cunctas gentes in laudem, & nomen, & gloriam suam*. & Sapiens: *Vniuersa propter semetipsum operatus est Dominus*. Et meritò hanc gloriam exoptat Dominus, quia dignum & iustum est vt ei hoc reddatur; nec exigit aliud, quàm summè sibi debitum: sicut pater sine iusta reprehensionis causa exigit honorem ac obseruantiam sibi à filiis exhiberi. Quòd si quis honorem in se deriuare molitur, Deo infert iniuriam: quod D. Augustinus optimè declarat. *Tuum*, inquit, *Domine, est bonum, tua est gloria: qui enim de bono tuo gloriam sibi quarit, & non tibi quarit, hic fur est & latro; & similis est diabolo, qui voluit furari gloriam tuam*. & scribens ad Aurelium, *Quod*, inquit, *accipitur laudis aut honoris, non propter se, qui totus coram Deo esse debet, & humana contemnere, sed propter illos accipitur, quibus consulere non potest, si nimia deiectione vilescat*. expedit enim nos subinde honores admittere, non nobis, sed Deo, vt in seruis suis honoretur; & proximus vtilitatem accipiat, quando serui Dei huiusmodi honores sibi non quærunt, sed Deo & proximis. vnde D. Bernardus: *Fratres* (inquit) *nemo vestrum velit laudari in vita ista; quia quidquid hic fauoris captas, quod ad Deum non retuleris, ipsi furaris: tibi enim vnde gloria, putide puluis? tibi vnde? de vita sanctitate? sed Spiritus est qui sanctificat; Spiritus dico non tuus, sed Dei*.

229. Tertium indicium arrogantiae ac præsumptionis tacitæ est, quòd homo sæpe se periculis peccandi exponat sine iusta causa: vt si quis castitatem profiteri velit, & excellere in ea, interea in conuiujs frequens est, & in mensarum delicijs familiariter cum mulieribus conuersatur, subinde etiam leuioribus, & solus cum sola, & quidem in tenebris, somno atque otio sæpe indulget, vestium cultum atque molliem sectatur; hic si castus est, vel stipes est, vel certè Deus cum ipso in lege ordinaria dispensauit: quandoquidem viri eximiae sanctitatis sobrie viuunt, seuerè in corpora sua animaduertunt, à vino abstinent, nisi necessitas cogat; durius dormiunt, & stans paucisque horis; sensus diligenter custodiunt; numquam soli, sine arbitris, mulieribus loquuntur;

Luci. 26.

Prou. 16.

In Soliloq. c. 15.

Epist. 64. ad Aurelium Episc.

Serm. 13. in Cant. post medium.

Indicium 3. Quòd homines exponant se peccandi periculo.

tur; & tamen queruntur nullum molestiorem se pati aduersarium, quàm domesticum. Sed in die iudicij mira arcana deteguntur, quæ nunc homines latent. Vlcus olim attigit Dominus I E S V S, sed non omnino apertè, quando Iudæorum Principes vocauit *sepulcra dealbata*, *Matth. 23.*
quæ a foris parent hominibus speciosa, intus vero plena sunt omni spurcitia.

Rutgerus quidam è D. Francisci familia, vitæ integerrimæ, numquam oculos conijciebat in feminas, etiam notas: à quo sciscitatus eius Pater spiritualis quid causæ esset, cur, cum tanto puritatis dono præditus esset, vultum tamen auerteret à conspectu mulierum honestarum; respondit, quando homo facit quod in se est, occasionesque fugit, peccandi, tum vicissim Deum facere quod in se est, hominemque tueri; quando verò quispiam se temere conijcit in discrimen, tum meritò à Deo deferi, hominesque plus æquo sibi præfidentes faciliè in peccatum, labi: *qui enim amat periculum, peribit in illo.*

Eccli. 3.

Indicium præterea falsæ confidentiæ, seu tacitæ præsumptionis, est, quòd, qui rem arduam aggreditur, vel tentationi resistit, de qua victoriam reportare nititur, si contingat ipsum spe sua frustrari, vel in defectum prolabi, illico abijcit animum, nolens amplius conceptum decus persequi, aut victoriam de passione sua reportare; ratus rem esse vel omnino impossibilem, vel nimis arduam ac difficilem. non enim viribus humanis huiusmodi perficiuntur, sed Dei auxilio; quod non minùs paratus est nobis nunc conferre quàm antea, modò de viribus nostris diffidamus, & in eo confidamus. Idem iudicandum est de tristitia quæ casum illum consequitur: si enim is qui spe excidit, vel lapsus est in peccatum, graui tristitia afficiatur; quo maior ea fuerit, eo maius indicium confidentiæ propriæ est, quæ ob humiliationem & confusio- nem hunc mœrorem inducit. Qui rem minùs gloriosè gessit, aut qui cecidit; tristatur is quidem, sed omnis eius sollicitudo circa reconcilia- tionem cum Deo, vel augmentum diuinæ gloriæ, versatur; quæ spem non excludunt, sed augent: vt sicut sibi præfidentes non modò animum abijciunt, ac recedunt à prosecutione boni quæsit, sed etiam à medijs salutis alienantur; (deferunt enim Sacramentorum remedia, solita pie- tatis opera) ita & de se diffidentes, Deique subnixi auxilio, eadem bene- agendi desideria retinent, & primum omnium ad salutis subsidia con- uolant, Sacramentorum arma corripunt, & operibus bonis Dei mise- ricordiam & auxilium ad resurgendum beneque agendum sibi deme- rentur.

*Indicium 4.
Animi deiectionis
& tristitiæ.*

Quòd verò illa animi deiectione ac tristitia indicium sit præsumptionis, non confidentiæ diuinæ, ex eo maximè colligitur, quòd ea tristitia præfidentis nascitur ex eo, quòd contra opinionem de suis viribus conceptam videat illum casum aduersum sibi accidisse, nec posse deinceps

V. vv 3.

vlla

vlla ratione desideriorum suorum scopum attingere: non enim statuit aliter procedere quàm antea; id est, assequi votorum summa suis viribus, sibi que gloriam de re bene gesta adscribere: at quia id non potest; & si attenter, id frustra fiet, & cum eius ignominia; ideo tristatur.

Indicium s.
Quod actibus
viriutis nul-
lis Gramur.

230. Quintum arrogantiae tacitae indicium est, quòd in re tanta, quae geritur, quaeque nostram aut interdum etiam Reipublicae salutem còcernit, nullius virtutis vsus appareat: non fidei (vt antè diximus) quia fides rationibus supernaturalibus vtitur: non spei, quia hæc Domino innititur, ideoque fortitudinem induit. hi verò qui sic agunt, molles omnino sunt: & si minimum incommodum occurrat, si de peculio eorum aliquid dèducendum, si periculum vitæ adeundum, facile se subducunt; gaudent verò si res prospere adueniant, suo pte casu, secundaque fortuna: quod vbi euenit, sibi gratulantur, gaudent, sibi que attribuunt, quasi ipsius rei gesta causa extiterint. Ita est; ita mundus regitur, pessimeque se res per se habere, nisi eos Deus, quos condidit, diligeret, eorum misereretur, eosdemque sua bonitate sustentaret, mundum regeret pronutu & sapientia, ac de singulis misericorditer disponderet.

Deo displicere
presumptionem,
exemplis ostenditur.

1.

a Gen. 37.
b Gen. 41.
c Gen. 45.

Re ipsa tamen voluit testari, nimiam hominum confidentiam sibi displicere, eorumque studia funesto exitu per se concludi. Filij Iacob vendiderunt Ioseph in Ægyptum, suo quidem consilio; at Dominus, qui è malis hominum solet bona elicere, effecit vt summo honorari Iosepho ea venditio cederet, ipsis verò ignominiae & timori, vbi fratrem suum Ioseph eo loco conspexerunt, quo meritas ab eis pœnas posset exigere.

2.

1. Reg. 13.

Saul non consulto Domino sacrificium obtulit, cum bellum ingrueret; aduenit denique Samuel, ei que idipsum exprobrauit, dicens: *Stultè egisti, nec custodisti mandata Domini Dei tui, quae praecepit tibi. Quod si non fecisses, iam nunc prae parasset Dominus regnum tuum super Israël in sempiternum; sed nequaquam regnum tuum ultra consurget. Quæsiuit Dominus sibi virum iuxta cor suum, & praecepit ei vt esset dux super populum suum.*

3.

2. Reg. 15.

Idem Sauli contigit in expugnatione Amalec: pepercit enim Regi Agag, & optimis gregibus ouium & armentorum, & vestibus, & arietibus, & vniuersis que pulchra erant. Sed quid secutum est? Occurrit Samuel, grauique sermone sic eum affatus est: *Nonne, cum paruulus esses in oculis tuis, caput in tribubus Israël factus es? Pro eo ergo quòd abiiecisti sermonem Domini, abiicit te Dominus, ne sis Rex.* Excusauit se Saul, quòd putaret fecisse quàm optimè, ad sacrificia Deo offerenda; sed idipsum contra expressum Dei mandatum: de quo si dubitabat, consulere Dominum prius poterat, aut sapientes; quod prætermisit.

4.

Iudic. 20.

Filij Israël, coacto exercitu quadringentorum millium, vt delerent filios Benjamin ob nefarium stuprum illatum vxori cuiusdam Leuitae; dum

dum hostem adoriuntur, ceciderunt ipsi primo congressu viginti-duo millia virorum, secunda verò pugna ijdem & altera vice à filiis Beniamin è Gabaa egressis cæsi sunt ad octodecim hominum millia. Vix alia causa cædis huius colligi potest, quàm quòd fortitudine & numero confisi, hostes suos aggressi fuerint.

Iosue quoque egregiè deceptus est à Gabaonitis, simulantibus se è remota regione venisse, societatem amicitiamque postulantes. huius erroris Scriptura causam illam commemorat, quòd os consiliumque Domini super hoc negotio explorare neglexisset.

Iosephus & Azarias, Principes virtutis, audientes præclara Iudæ Machabæi facinora, voluerunt & ipsi sibi nomen parare. Occurrens Gorgias eos fregit, fugauitque vsque in fines Iudæ; & ceciderunt (ait Scriptura) illa die de populo Israël ad duo millia viri, & facta est fuga magna in populo, quia non audierunt Iudam & fratres eius, existimantes fortiter se facturos. Ita nobis accidit, cum absque consilio cæcoque impetu in desideria nostra ruimus; meritasque damus pœnas temeritatis, quòd ab eo consilium auxiliumque minimè postulemus, sine quo hostes, siue corporales, siue spirituales, nullo modo vincere possumus.

CAPVT XXXIX.

Laus diffidentie propria, eiusque utilitates.

231. **D**IXIMVS de præsumptione: . . . vult enim Dominus ut non tantum re ipsa scientes & volentes non præsumamus de nobis, sed ne dissimulanter quidem; imò ut planè diffidamus de viribus nostris. In hoc maxima vis virtutis huius consistit; quod è litteris sacris colligimus manifestè.

Iosaphat enim fortissimos aduersarios Moabitas & Ammonitas deuicit, hac precatione præmissa: *In nobis quidem non est tanta fortitudo, ut possimus huic multitudini resistere, quæ irruit super nos; sed cum ignoremus quid agere debeamus, hoc solum habemus residui, ut oculos nostros dirigamus ad te.* Placuit Domino diffidentia illa Iosaphat, eiusque orationem exaudivit: atque hostes, in semetipsos conuersi, ingenti miraculo mutuis concidere vulneribus.

Cum Asa, Rex Iuda, diffideret se posse idola, quæ antecessores sui crexerant, destruere, timeret de cetero Dominum; egregiè excelsoque animo præstitit officium illud, animatus verbis Prophetæ Azariæ dicentis: *Confortamini vos, & non dissoluantur manus vestre; erit enim merces operi vestro.*

Monet

3.
a Eccl. 13.

Monet etiam nos Sapiens: *Humiliare Deo, & expecta manus eius.* Qui enim indiget ope operaque alterius, necesse est ut eam demissè postulet; quod si fecerit, manum illius experietur adiutricem: quanto magis si Dei, tanti Domini, tanti Regis, opera opeque indigeamus!

4.
Psal. 9.

Idem pæne Regius Prophetæ. *Sperent, inquit, in te, qui non erunt nomen tuum; quoniam non dereliquisti quærentes te, Domine.*

2. Ex Patribus.

1.

Lib. de instit.
renuntiant.
cap. 13. & 23.

Huc accedit sanctorum Patrum auctoritas, qui statuunt nec tentationes posse superari, nec quemquam ad PERFECTIONEM posse pertingere, sine hac prævia scientia & Praxi diffidentiae propriae. Cassianus in hoc genere apprimè versatus, *Alunt, inquit, (Patres scilicet) non posse ad purum quempiam carnalibus vitijs emundari, nisi uniuersum laborem suum atque conatum ad tantæ PERFECTIIONIS finem intellexerit non posse sufficere, nec eam nisi miseratione Dei & adiutorio comprehendere.*

2.
Lib. in Cant.
cap. 21.

Idem docet Richardus à S. Victore: *Impossibile est quempiam de seipso triumphare posse, donec experimento didicerit propria virtute se non posse obtinere triumphum.* Addit præterea: *Quantum fideles de se diffidunt, tantum in animo spei adiutorio confidunt; & quantum de se infirmantur, tantum fortes sunt & potentes in Deo.*

3.
Serm. de S. Vincentio.

Idem D. Augustinus cõfirmat: *Nemo de corde suo presumat, quando profert sermonem; nemo de viribus suis confidat, quando suffert tentationem: quia & ut bona prudenter loquamur, à Deo est, non nostra sapientia; & ut mala fortiter perferamus, ab illo est, non nostra patientia.* Cassiodorus in eandem sententiam explicans illud Psalmi, *Quoniam humiliata est in pulvere anima nostra, ait: Magna contra diabolum arma sunt, in suis viribus fiduciam non habere; sed Deum rogare, qui aduersarium possit opprimere.*

Psal. 43.

4.
Lib. 22. Moral.
c. 2. in c. 31. Iob.

D. Gregorius explicans illa verba Iob, *Si putavi aurum robur meum, & obryzo dixi, Fiducia mea; si letatus sum super multis diuitijs meis, & quia plurima reperit manus mea: Sanctus vir, ait, nec aurum robur, nec sibi esse obryzum (id est, rudis auri molem) fiduciam credidit; quia spem ac delectationem suam in solius gratia Conditoris fixit. Quasi in aquis defluentibus fundamentum ponere est, in rebus labentibus spei fiduciam velle solidare: stante enim in perpetuum Deo, transeunt omnia. Prius itaque curandum est ne quis temporalia diligat; ac deinde, ne in iisdem temporalibus, quæ non ad delectationem sibi, sed ad usum retinet, fiduciam ponat: quoniam coniunctus decurrentibus, mox statum suum animus perdit.*

5.
Collat. 5. c. 14.

Huc accedit præclarum Serapionis dictum apud Cassianum, qui volebat passionis oppugnantis extinctionem à seruo Dei sibi diffidente spiritualiter & iugiter esse poscendam. *Impossibile namque est, ait, de qualibet passione triumphum quempiam promereri, priusquam intellexerit industria vel labore proprio victoriam certaminis semet obtinere non posse; cum, ut valeat emundari, necesse sit eum diu nocturnè, in omni cura & sollicitudine permanere.*

232. His

232. His ratio suffragatur. etenim gloria omnium bene gestorum & ^{3. Probatur rationibus.} euentuum vni Deo debetur, vtpote bonorum omnium auctori; vult igitur, vt ijs, qui aliquid agunt, ad se accedant, & se adiutorem auctoremque agnoscant, vt post rei successum non sibi adscribant, sed gratias Deo referant, gloriamque eius prædicent: atqui id fieri non poterit, nisi nos agnoscamus nobis deesse vires & facultates, diffilique de ijs, ad ipsum auxilij gratia recurramus: necessaria est ergo nostri diffidentia ad rem bene gerendam.

Accedit, tum demum Dei virtutem elucere, cum, deficientibus humanis præsidij, res arduas ac maxime difficiles diuinitus instructi superamus: vbi enim humana defunt, ibi demum adesse solent diuina præsidia; si modò tamen nos indigere cognoscamus, & de viribus nostris diffidamus. in quo genere delectari Dominus videtur, & occasiones quærere, cum ad virtutis suæ illustrationem, tum ad superbos depressendos; qui, virtute sua confisi, ab exiguo hominum numero aut exilibus viribus profligantur.

Vnde cum Gedeon magno exercitu bellum pararet, Dominus, *Gedeon.* *Multus, ait, tecum est populus, nec tradetur Madian in manus eius, ne gloriatur Indic, 7. contra me Israël, & dicat, Meis viribus liberatus sum.* Itaque trecentis hominibus Madianitas, Amalecitas, & omnes Orientales populos vt locustarum multitudinem, camelos quoque innumerabiles sicut arenam quæ iacet in litore maris, Gedeon terribus vertit in fugam, immisitque Dominus gladium in omnibus castris, & mutua se cæde trucidarunt.

Idem Dauidi accidit; qui processurus contra Goliath gigantem, *David.* arma Saulis nobilissima reiecit, adferens tantum baculum & fundam *1. Reg. 17.* contra fortissimum immanemque gigantem, omni ex parte armis munitum: maiorque inde gloria Deo emerfit, quam si armatus vndeque processisset. hinc Philisthæo improperauit Dauid: *Tu venis ad me cum gladio, & hasta, & clypeo; ego autem venio ad te in nomine Domini exercituum, Dei agminum Israël, quibus exprobraui hodie, & dabit te Dominus in manu mea.*

Benadad Rex Syriæ, congregato exercitu, ascitis deinde triginta *Achab.* Regibus in auxilium, cum incredibili equorum & curruum numero, *3. Reg. 26.* Samariam obsedit, Achab regnante; cui Benadad amarissime exprobrabat imbecillitatem. Primo prælio superbus Benadad fusus fugatusque est per pueros Principum provincialium, euersis curribus ac equitibus; Syriamque Achab, manu Dei fretus, plaga magna percussit: altero prælio ceciderunt de Syris centum-millia hominum vno die; ceteri fugerunt in Aphec, cuius murus decidens viginti-septem alia hominum millia oppressit.

Xxx

Miran-

Apostoli duodecim.

1. Cor. 7.

Ibidem.

3. Ratio.

Cic. lib. 3. de nat. Deorum.

Miranda sunt hæc, & incredibiliter Dei magnitudinem, potentiam, gloriamque illustrant; sed multo magis, quod per duodecim homines, humiles, ignaros, ignobiles, elingues, regna, principatus mundi, ac potestates Cruci-affixo subiecerit, Crucisque prædicationem, nouam religionem in vniuersum orbem inuexerit, demonum potentiam subiugarit. Esto enim, gloriosum sit, Deum Maiestatis orbem virtute sua quaterere, exercitus debellare; Dei hoc opus est ac virtus: sed per imbecilles imbellesque homunculos, Dei virtute instructos, viribus mundum exuere, sub Crucem (*Iudæis quidem scandalum, Gentibus autem stultitiam*) quasi sub iugum mittere, diuinæque legi subdere, ignominiosius id aduersariis est, Numini verò gloriosius, quam si per se quidlibet maximè gloriosum patraret.

Hanc vincendi agendique rationem Diuus Paulus mirandum in modum extollit, scribens ad Corinthios. *Videte, ait, vocationem vestram, fratres: quia non multi sapientes secundum carnem, non multi potentes, non multi nobiles; sed quæ stulta sunt mundi elegit Deus, ut confundat sapientes; & infirma mundi elegit Deus, ut confundat fortia; & ea quæ non sunt, ut ea quæ sunt destrueret: ut non gloriatur omnis caro in conspectu eius; & qui gloriatur, in Domino gloriatur.* & paulo antè: *Verbum Crucis pereuntibus quidem stultitia est; ijs autem qui salui fiunt, id est, nobis, Dei virtus est.* Hanc verò virtutem atque auxilium à nobis excludimus, dum viribus nostris nimium confidimus: nec facilè Deus superbo atque arroganti thesauros gloriæ suæ aperiet, atque virtutem hanc aliasque gratias communicabit credetque.

233. Huc facit, quod nonnulli arbitrati corporeas quidem commoditates à Deo mortalibus concedi, noluerunt tamen id de virtutibus fateri; rati quemque virtutis suæ esse auctorem, ideoque singulos pro benemeritis laudandos esse: ita enim ex sapientibus quidam. *Atque hoc quidem, inquit, omnes mortales sic habent, externas commoditates, vinea, segetes, oliucta, vbertatem frugum & fructuum, omnem denique commoditatem prosperitatemque vitæ à Dijs se habere: virtutem autem nemo umquam acceptam Deo retulit; nimirum rectè: propter virtutem enim iure laudamur, & in virtute certè gloriamur; quod non contingeret, si donum à Deo, non à nobis, haberemus.* Malè & ad insipientiam sibi Philosophus hic ratiocinatur. Laudatur quidem homo propter virtutem: sed (quæso) à quo habet ipse virtutem? mentis cæcitate atque ignorantia multa prætermittit. Veram virtutis naturam ignorat, qui fidem ignorat: quid mirum, si sapientes isti, qui, etsi Deum lumine naturali cognouerint, euauerunt tamen in cogitationibus suis, in errorum scelerumque præcipitia inciderint, cum & ipsi Christiani, quamuis Deum auctorem rerum omnium esse fateantur, sic tamen viuunt, ac si Deum ignorarent? Laudandus

dandus ergo Deus est, quòd auctor sit naturæ cuiusque, quam vel initio creauit, vel in tempore è causis secundis eduxit; nemo enim de origine productioneque sui potest gloriari: facultates habet à Deo, animam è nihilo conditam. Ignorabant Philosophi concursum Dei specialem cum causis secundis in omnibus actionibus naturalibus; multo magis in supernaturalibus. ignorauerunt illi: dedecet Christianos ignorare; & si non ignorent, non recordari, nec gratitudinem exhibere. Cùm ergo constet hominem in rebus naturalibus & supernaturalibus sic Dei cooperatione atque auxilio indigere, vt sine eo ne mouere quidem quidquam aut cogitare possit; nōne meritò in omnibus de viribus suis diffidere quisque potest, præsertim in rebus agendis grauioribus, vel vbi tentatio molestior imminet, vrget, ac premit, cui frequentius etiam succubimus? quare Cassianus ita concludit: *Eusdenter monstratur non posse quemquam PERFECTIIONIS finem ac puritatis attingere, nisi per humilitatem veram, quam primitus fratribus reddens, Deo quoque in penetralibus cordis exhibeat; credens sine protectione eius atque auxilio, per singula sibi momenta delato, PERFECTIIONEM quam cupit, & ad quam magnopere currit, se penitus obtinere non posse.* Sed de hoc argumento toto priore libro egimus copiosius: eius enim finis eò maximè tendit, vt quisque cognoscat, omnia quæ ad PERFECTIIONEM requiruntur, siue naturalia, siue naturam excedentia, à Deo rerum omnium auctore promanare; in nobis siue in corpore, siue in animis, præter morbos, vulnera, impedimenta, peccata grauissima, post primi parentis lapsum, laude dignum nihil esse reliquum.

234. Vltima ratio est, quòd qui ingenio potentiaque pollent, atque in ijs plus æquo confidunt, eam curam, studium, operam, sedulitatem rebus promouendis nequaquam adhibent, quam deberent; & sæpe securi in vtramque aurem dormiunt, dum ipsis esset ad laborandum, periculis maximè impendentibus: eo quòd, sua potentia atque industria freti, arbitrentur neminè parem esse, qui sibi ob stare audeat; si quis defectus interuenerit, non deesse facultates ac modum ea restaurandi quæ exciderint; vires denique ac industriam maiores esse, quàm vt vel opprimi vel debilitari possint. Qui autem nihil sibi adscribunt, *omnia tuta timent*; & qui *timet Deum, nihil negligit*. Tempore pacis, qui prudens est gubernator, arma parat, ciuitatis loca munit infirmiora, annona instruit, ne, inopinatò septus, commeatu necessario intercludatur. Idem contingit in interna ciuitate mentis: tentatione namque absente Deum Christianus miles inuocat, virtutes parat, Sacramentis se munit, à Deo impetrat vires, arma ac rationes resistendi motibus internis conquirat, verbum Dei audit audissimè, carnem debilitat ieiunijs, corporis que afflictatione; vt calamitatis irruentis tem-

Xxx 2

pore,

*Lib. 12. de instit.
Cenob. cap. 23.*

4. Ratio.

*Eccles. 7.
Simile.*

pore, hostis, quâ ciuitatem peruadat, non inueniat. Et hi maximè auxilium Dei præsentissimum inueniunt, quòd opportuno tempore quæsierunt. Alij temeritatis ac præsumptionis pœnas meritò luunt, qui præfidentes suis viribus, rati se semper esse paratos, atque optimè instructos, nihil præparant; & cùm tempestas aduenerit, aut aliquid agendum fuerit, cui omnino impares sint, confusione suffunduntur, caduntque turpiter, tum vt nimix confidentiæ pœnam se ferre agnoscant, tum vt se nihil sine Dei auxilio posse, licet inuiti, fateantur.

*Diffidens sibi,
speret in Deo.*

*Desperationis
culpa spei con-
traria.*

235. Hæc in spei virtute pars vt difficilior, ita à nobis copiosius tractari debuit: si enim ex parte nostra nihil desit, non deerit ex parte Dei; qui propensior paratiorque est ad dandum atque opitulandum, quàm simus ad petendum, aut etiam accipiendum. quare à diffidentia Dei, quasi alio extremo, nobis cauendum; non ea, inquam, quæ infirmitatem nostram concernit, (nam in ea virtutis laus est maxima, & humilitatis proles primogenita) sed cauendum ne de Dei diffidamus bonitate, potentia, beneuolentia, quod sine iniuria eius admittere non possumus. Tanta verò esse debet, & si fieri potest, etiam maior, animi generosi erectio in Deum, quanta fuerit in sui opinione viriumque imbecillitate depressio: quas partes si æqua lance libraueris, spem, excellens acquirendæ PERFECTIIONIS instrumentum, consequeris; vbi verò pondus inæquale est, & vel nimium nobis tribuimus, vel minùs in Dei bonitate stabilimur ac firmamur, perpetuò fluctuat animus, & modò præsumptionis vento attollimur, modò pusilli animi desperatione deijcitur.

Hanc fluctuationem egregiè depingit D. Augustinus, simul remedium adferens. Ex utroque, ait, homines periclitantur, & sperando, & desperando; contrarijs rebus, contrarijs affectionibus. Sperando quis decipitur? Qui dicit: Bonus est Deus, misericors est Deus; faciam quod mihi placet, quod lubet; laxem habenas cupiditatibus meis, implam desideria anima mea. Quare hoc? Quia misericors est Deus, bonus est Deus, mansuetus est Deus. Spe isti periclitantur; desperatione autem, qui cùm inciderint in graua peccata, putantes sibi non posse iam ignosci pœnitentibus, & statuentes se ad damnationem sine dubio destinatos, dicunt apud semetipsos: Iam damnandi sumus; quare non, quod volumus, facimus? animo gladiatorum ferro destinatorum. Ideo molesti sunt desperati: iam enim quod timeant non habent, & vehementer timendi sunt. Istos desperatio necat, spes illos. Inter spem & desperationē fluctuat animus. Metuendum est, ne te occidat spes; & cùm multum speras de misericordia, incidas in iudicium: metuendum est rursus ne te occidat desperatio; & cùm putas iam tibi non ignosci quæ graua commisisti, non agas pœnitentiam, & incurras in iudicem Sapientiam, qua dicit, Et ego vestræ perditioni superridebò. Quid ergo agit Domi-

Eccl. 1.

Dominus cum periclitantibus utroque morbo? Illis qui spe periclitantur, hoc dicit: Ne tardes conuerti ad Dominum, neque differas de die in diem; subito enim venit ira illius, & in tempore vindictæ disperdet te. Illis qui desperatione periclitantur, quid dicit? In quacumque die iniquus conuersus fuerit, omnes iniquitates eius obliuiscar. Propter illos ergo qui desperatione periclitantur, proposuit indulgentia portum; propter illos qui spe periclitantur, & dilationibus illuduntur, fecit diem mortis incertum. Hæc Augustinus.

CAPVT XL.

*Spem, quæ diffidentiam propriam complectitur, Deiq; nititur auxilio, difficillima quaque per-
rumpere; & maximè ardua non modò aggredi,
sed etiam ad felicem exitum perducere.*

236. **Q**UÆ cū ita sint; diffidentes de viribus nostris, de hominum ope ac potentia, de diuitijs diuitumque ac potentiorum fauore atque promissis, animos nostros in Deum leuamus, spei ancoram comprehendentes: cui adeo firmiter adhærescimus, ut nulla huius turbulenti maris procella nos auellat, aut fluctuantibus de constantia deiciat. Hic vires nostræ, hic robur & fortitudo. Audeo dicere, D. Paulo auctore, diffidentem de se, Deoque erecta spe subnixum, non modò magna facturum, sed quandam omnipotentiam induere, & cum Deo omnipotente coeuntem, coalescentem, atque adunatum, omnipotentem euadere.

*Diffidentem de se, & in Deo confidentem, omnipotentem esse; quæ ratio-
ne.*

Exprimunt id diuinæ Scripturæ: *Omnia possum in eo qui me confortat. Phil. 4.* Qui omnia se posse dicit, nihil excludit. Sed quæ scala hominem adeo sublimem in Dei brachia deuehit? Spes. Numquid nescis, ait Isaias, aut Isaias 40: non audisti? Deus sempiternus Dominus, qui creauit terminos terræ, non deficiet, neque laborabit: qui dat lasso virtutem, & his, qui non sunt, fortitudinem & robur multiplicat. Deficient pueri, & laborabunt, & iuuenes in infirmitate cadent: qui autem sperant in Domino, mutabunt fortitudinem, assument pennas sicut aquila, current & non laborabunt, ambulabunt & non deficient. Quid clarius dici potest? si enim querimus quibus Deus virtutem ac robur largiatur; Propheta asseuerat ijs non dari, qui se robustos arbitrantur, quales sunt iuuenes, qui valent robore: ijs verò largitur Deus, qui lassi; qui sibi ita esse videntur, quasi non sint. cui D. Paulus pæne iisdem verbis respondet: *Infirmamundi elegit Deus, ut confundat fortia; & 1. Cor. 1.*

ea qua non sunt, ut ea qua sunt destrueret. Vires ergo hi sibi non videntur habere, sed ut lassi, exhausti, elumbes, tabidi, ac planè marcidi, tamquam exangues pelicani, à matre sanguine ac vita refocillari postulant atque gestiunt. *Qui sperant in Domino, mutabunt fortitudinem;* Dei enim fortitudinem accipient, propria imbecillitate atque inopia abiecta: & qui ambulare non poterant, etiam volabunt; & quidem, instar aquilæ, in præaltas rupes abditissimæ scientiæ, solem ipsum intuentes oculis minimè palpitantibus. Et hæc quidem ad contemplationem spectant. Si ad pugnam veniendum, si in arenam descendendum; current infatigabiliter, vel hostem persequentes, vel virtutem insequentes; imò sine labore, quod valde mirum est, cum antè vix possent serpere aut repere. In progressu virtutum etiam ambulabunt constanter, adeoque & perseveranter, ut numquam retro respecturi sint, quia numquam in ambulatione deficient.

Quid hoc est, Deus bone? nōne hominem omnipotentem reddere qui tibi innititur, & spes omnes suas in te coniectat? quis hostis eum aggredietur in terra, cum euolare possit ut aquila ad Solem usque, & è loco sublimi hostem opprimere, non sua quidem, sed tua virtute, qui *pluere facis super peccatores laqueos, ignes, spiritus procellarum, partes calicis eorum?*

Psalm. 10.

Spei obiecta seu officia duo.

I.

Hostes delere, qui impediunt.

2.

Virtutes acquirere.

Qui hostes.

a I.

b 2.

3.

Phil. 2.

Duo namque potissimum spes negotiatoris sibi proponit: alterum, ut hostes qui rationibus eius sese opponunt, & quantum possunt impediunt, aut omnino deleat, aut certè viribus exuat, vel debilitet, vel à se procul amoveat; alterum, ut ex pecunia seposita acceptoque talento lucrum faciat, ardua quæque pro Deo aggrediatur, etiam magno suo incommodo.

Hostes verò sunt, ^a qui Ecclesiam Dei oppugnant, aut Rempublicam; item ^b qui iustos traducunt atque affligunt virtutis odio: illam enim mali videre non possunt, nec eos qui illa præditi sunt; quòd ipsis sudes sint in oculis, ac reprehensionis acrioris loco esse censeantur: ideo, cum possunt, famæ eorum tenebras offundunt, in eorum bona impetum faciunt, ad tribunalia rapiunt, mendacijs & calumnijs onerantes; nec ipsi suis parcent fratribus, modò, quod optant, assequantur.

Graue genus persecutionis hoc est; sed longè grauius, cum à bonis fieri contingit, aut certè ab ijs qui boni esse putantur; & contingit per sæpe. Cum enim trahat sua quemque voluptas; cumque verum sit illud Pauli, *Omnes querunt qua sua sunt*: faciliè ij prætextum accipiunt Dei seruos persequendi ac deprimendi, velo iustitiæ texti, suarum rerum conseruandarum specie, cum tamen animo grauis odij ac vindictæ vulnere aut animositatis dolore sauciati moueantur. Hi certè boni non sunt; sed quia putantur boni, eo grauius affligunt, quòd iustitiæ ornameto

mento contegantur. Displicuit Iudæorum simulata vestis hæc Christo Seruatori; qui, quod iusti esse putarentur, in iustitiæ suæ opinionem plebeculam minimè oculatam, aliosque maleuolos, facile pertraxerunt.

Sed & boni inuicem non rarò affligunt sese, (acerbum sanè genus afflictionis) dum se verborum aculeis pungunt subinde, & sententiarum studiorumque diuersitate infirmos animos sauciant. Diuersa deinde in rebus agendis probandisve iudicia diuersas sententias affectusque generant; qui non exiguum afflictionis ansam sæpe suppeditant. Hæc etiam inter fideles Apostolorum tempore cernebantur, & Apostoli in Epistolis suis studiosè serpens malum curare conantur.

At deterrimum persecutionis genus est, cum ab amicis & domesticis, de quibus bene meritis fueris, calumniam pateris, ac persecutionem sustines: cum filia matrem, filius patrem, frater fratrem traducit ac persequitur; vt quis merito queri possit, *Filij matris meæ pugnaverunt contra me*. Persecutio Saulis dura crudelisque Dauidi visa est; sed immanis filij proprii Absalom, & Achitophel consiliarij. Christus Dominus Gentilium barbariem, peccata, ac superstitionem tulit acerbè; sed longè acerbius ingratitudinem Iudæorum, qui, domestici illius cum essent, eum ad Crucem vsque persecuti sunt. *In die illa* (ait per suum Prophetam) *magnus erit planctus in Ierusalem; & dicetur ei: Quid sunt* *plagæ istæ in medio manuum tuarum? & dicet: His plagatus sum in domo eorum qui diligebant me*. Plura non addidit, quod solius rei enuntiatio acerbissima sit, nec grauioribus verbis indigeat ad indignitatem illius exprimendam.

Inter ea tamen quæ benignissimum Dominum maximè vulnerant, fuit proprii discipuli inexplicabilis ingratitudo, Dominum suum, amore pecuniæ, iuratis inimicis post tot accepta beneficia venalem exponentis, prodentis, & tradentis; de quo sic conqueritur apud Dauidem, qui eius figuram prætulit: *Si inimicus meus maledixisset mihi, sustinuissem utique; & si is, qui oderat me, super me magna locutus fuisset, abscondissem me forsitan ab eo. Tu verò homo vnanimis, dux meus, & notus meus, qui simul mecum dulces capiebas cibos, in domo Dei ambulauimus cum consensu*. Qui Psalmus ad litteram de coniuratione Achitophel cum Absalom intelligi videtur. Christus, vt veritas, figuram merito vsurpauit, expostulans de Iuda domestico & quasi consiliario suo: ostendens verò quantum domestici noceant, sic de ijs loquitur, quasi præ illis alij aduersarij esse non censeantur. *Inimici*, ait, *hominis, domestici eius*. illi enim medullitus affligunt, & nocendi grauius potestatem habent ampliorem.

Hactenus hostes exteriores: quibus inuisibilis cacodæmon adijciendus.

4.

5.

Persecutionum
domesticarum
acerbitas.

Cant. 1.
Exemplo Dauidis & Christi
Domini.

Zach. 12.

Zach. 13.

Psalm. 54.

Matth. 10.

6.

dus

dus est, cum turmis suis. Domesticos aduersarios nunc quisque numeret: intimos nempe carnis impetus, naturæ deprauatæ propensiones indomitas, passionibus efferas, consuetudinum pondus immensum, ad vitium sectandum, virtutem calcandam, pertrahens. En, monstra hæc omnia obsistunt in via atque aditu terræ promissionis: gigantes præterea horrendi, qui omnino sternendi antè atque profligandi, quàm PERFECTIÖNEM assequamur. Terra insuper promissionis ad bonam messem coaptanda; seu ager cordis nostri excolendus, & vepribus sentibusque euulsis perpurgandus.

*Alterum spei
officium, nempe
magna persi-
cere.*

At pace planè restituta ac stabilita, ardua quædam exstruenda sunt: templum in primis Deo vero, palatia summo Regi, ipso inclyto Salomone præcellentiori: omnia auro puro & obryzo sternenda, tegenda, ornanda in circuitu.

*Sperantium in
Domino poten-
tia.*

Psal. 17.

Exod. 32.

*Allegoria Ia-
cob.*

Gen. 32.

*Apud Saurium
romo i. in Vita
S. Iuliani.*

Verùm dicet aliquis: Magna profectò exigit; cui ad ea tam ardua erit animus? Nulli certè qui vires suas consideret: at verò Christi athleta hæc omnia contemnit, horum omnium victoriam spe deuorat; nulla adeò ardua ac difficilia contuetur, quin maiora Dei causa aggredi ac superare desideret. Rex humilis & sanctus, *In te*, ait, *eripiar a tentatione, & in Deo meo transgrediar murum*. Quid? mirandum quod dicturus sum. Præualuerunt nonnulli contra Deum: nam oratio Moysis Deo manus constrinxit, ut coactus diceret, *Dimitte me, ut irascatur furor meus contra eos, & deleam eos, faciamq. te in gentem magnam*. Iacob pugnans contra Deum victor euasit, non tamen antequam neruus femoris tactus emarcuisset: tum ei Dominus, *Nequaquam*, inquit, *Iacob appellabitur nomen tuum, sed Israël: quoniam, si contra Deum fortis fuisti, quanto magis contra homines præualebis!* Israël quoque, id est, præualens Deo, Dei athleta potentissimus euadit, ubi depressa carnis superbia, ac libidine, tamquam femoris neruo, infirmitatem agnoscit; & Dei fortitudine, non sua, nixus, contra aduersa omnia inualescit. Ut autem, huius argumenti quanta sit vis, cognoscamus, Celsi pueri diuinitus illustrati, nobisque in exemplum propositi, conceptam de diuina virtute & subsidio spem ac certamen contemplemur. Fecit puer hic, cælesti nixus auxilio, miranda; admiranda perfecit. Cum enim Præses Martianus S. Iulianum, post diuersa tormenta, catenis oneratum per ciuitatem deduci iussisset, clamante præcone; Sic meritò plectuntur, qui se Deorum ac Principum exhibent contemptores: venit tandem Iulianus ad vicum scholarum, in quibus Celsus puer, Martiani Præsidis filius vnicus, erudiebatur. Is ad populi tumultum (ut fit) cum è scholis cum condiscipulis erupisset, coniectis in Iulianum oculis, Rem, inclamat, stupendam video: video, inquam, illum Christianum, quem ducunt, cum candidatorum caterua colloquentem; atque eius capiti imminentem

coro-

coronam, felicitatis arrham certissimam, auro gemmisque adeo fulgentem, ut splendor illius, solis radios vincere videatur. quin etiam tres viri, albescentibus comis, alarumque volatu in similitudinem aquilae sublimis, eius caput corpusque vniuersum contegunt. Ille, ille, Deus verus omni honore cultuque dignissimus habendus est, qui suos ita tuetur, tali præsidio circumdat & protegit. Hæc magister & condiscipuli audientes, blandeque corripietes, ab ea mente ipsum reuocare nitentur: ille verò, libris ac vestibus, quibus venuste erat indutus, abiectis, Nudum, inquit, me mater fudit in hunc mundum; quod mundi est, mundo relinquo. Hæc dicens, per plateas ciuitatis cursum arripuit; nec destitit, donec se pedibus B. Iuliani sisteret: & prostratus, Te, ait, Iuliane, secundæ natiuitatis, quam mihi Christus ostendit, patrem agnosco; Martianum verò, genitorem meum, ut veritatis inimicum despicio. Tota autem ciuitas concurrebat, ut Præsidis filium vulnere martyris osculante videret. Illud verò admirandum accidit, quod qui, mandato Præsidis, puerum à complexu Iuliani auellere niteretur, eius manus ac brachia contracta rigescerent: cumque Præses pro tribunali Iulianum argueret, quod malis artibus filios à parentum obseruantia atque amore abduceret; superuenit Celsi mater cum copioso comitatu nobilium puellarum, crine soluto, nudatisque vberibus, Celsum per sacra omnia obtestans ne se perditum iret: verbaque cum matrem deficerent, Præses exclamauit scissis vestibus: Crudelis Iuliane, intueri dolores patris, matris mœrorem, planctumque tantæ familiæ; & præstigijs, quibus infentem fascinaſti, sublatis, pristinaeum menti restitue, ego verò Imperatoribus suggeram ut illæsus abscedas. Cui Iulianus: Nec intercessione vel suffragio tuo egeo, nec dimitti cupio. En Celsus, qui ex te quidem natus est, sed & credendo mecum Deo renatus, ipse tibi matrique respondeat. Subiungit Celsus: De sentibus nascuntur rosæ: atque ut rosæ, etsi orta de spinis, exitum tamen odorem continet, quem numquam excludit; ita nec frutex, ex quo rosâ nascitur, deserit aculeos. Vos ergo aculeati frutices, ut consueuistis, pungite, & ut bonum odorem ego Christi rosâ mortuilibus effundam, perficite. Vobis obediant, qui perire parati sunt; me sequantur, qui de tenebris ad lucem venire contendunt. Ego præ Christo, vero patre, parentes minime agnosco. Crudelis in se est, qui in hac causa parentibus pius est. Sola est pietas, Dei causa parentibus esse crudelem. Quid moraris, pater? imitare Abrahamum, apprehende gladium, & victimam filium offer. Vani sunt vultus vestri, falsæ lacrymæ, nemo me à veritatis confessione disiunget. Denique ambo (etiam Celsi mater) pari constantia, qua Præsidis blandimenta repudiabant, mortem sustinuerunt; & coronam quam Celsus præuiderat,

Yyy

cer-

certissimum laborum & certaminis præmium, consecuti sunt.

Idem sanè modò Deus est noster, qui Iuliani fuit, ac Celsi; promissiones suas minimè mutauit, aut paterna viscera. Idem præmium manet certantes, idem subsidium, si modò generosos eius pugiles, imò ducem ipsum imitari sequique non pigeat. *Si quis mihi ministrat*, ait Saluator, *me sequatur; & ubi sum ego, illic & minister meus erit. Si quis mihi ministraverit, honorificabit eum Pater meus.*

CAPVT XLI.

Cum spei virtute hominem quandam omnipotentiam induere.

1. *Sperantibus
omnipotentia
promittitur.*

I.
*Ex vi orationis.
Isaia 65.*

Psal. 144.

Ioan. 15.

237. **N**EMINI mirum videri debet, hominem qui sibi diffidit, Deoque nititur, quandam omnipotentiam induere, cum Deus ipse quodammodo ad hoc verbis se obstringere voluerit, atque in primis orantibus, & à se quidpiam petentibus; ita enim per Isaïam ait: *Erit antequam clament, ego exaudiam; adhuc illis loquentibus, ego audiam.* At luculentiori testimonio Regius Psaltes hoc ipsum denuntiat. *Voluntatem*, inquit, *timentium se faciet, & deprecationem eorum exaudiet, & saluos faciet eos.* Quid est hoc, Domine? ergone rerum obtinendarum mensuram voluntatem nostram constituis? Omnino. Quid, si cupiam in meipso superbiam obterere, indomitos iracundiæ motus in perpetuum sedare, rebelles corporis affectiones frenare, avaritiæ cupiditates conuellere, compôsne votorum euadam? Si velis, omnino. Si castus deinde, si humilis, si sobrius, si misericors, si patiens esse voluero? Si modò velis, pete: Deus deprecationem tuam exaudiet; ait enim insuper Dominus: *Si manseritis in me, & verba mea in vobis manserint; quodcumque volueritis, petetis, & fiet vobis.* Quid si multa pro Christo pati, si multa eius nomine facere, si denique in eius obsequio causaque emori? Si volueris, pete, & fiet tibi. Quid si eius regnum, si ipsum Deum possidere velim? Si velis, pete, & fiet tibi. Sed velle debes; alioquin numquam petes. Si velis & petas, fiet tibi; multi enim nolunt, ideo non petunt, nec obtinebunt. Petunt verò opes, honores, & (si placet etiam) omnium genera voluptatum. Hæc non obtinent: quia malè volunt, & mala. Si hæc bona essent, & vellent, & peterent; etiam obtinerent. Sed hæc vel vana vel obscena velle non possunt, si ipsi in Christo, & eius verba in eis mancant. Qui enim in Christo est, eius membrum est. Aliud non vult membrum corporis, quàm spiritus

spiritus qui in corpore toto est: & verba Christi, quæ in nobis manere debent, hoc est, spiritus, qui per eius verba nobis datur, numquam suadebit nobis, vt alia petamus, quàm quæ ad salutem nostram Deique gloriam pertineant. quæ enim petimus, in nomine Christi petenda sunt; nam explicans sese alibi Dominus I E S V S ait: *Siquid petieritis Patrem in nomine meo, dabit vobis. Non petitur in nomine Saluatoris*, inquit *Tract. 102. in* Sanctus Augustinus, *quidquid petitur contra rationem salutis. Denique* *Ioan. in init.* *Deus peccatores non audit; sed si quis Dei cultor est, & voluntatem eius facit, Ioan. 9.* *hunc exaudit.* Cum ergo voluntatem Dei facimus, ille vicissim nostram facit, expletque desideria, audit & exaudit postulationes nostras. Hæc orantibus & petentibus promittuntur.

Idem benignissimus Deus promittit sperantibus in se; ita enim hortatur nos Sapiens: *Habe fiduciam in Domino ex toto corde tuo, & ne innitaris prudentia tua. In omnibus vijs tuis cogita illum, & ipse diriget gressus tuos.* *Prov. 3.* *Gemma gratissima, expectatio prestolantis: quocumque se vertit, prudenter intelligit.* *Prov. 17.* Huc accedit Rex David: *Sperent in te, qui nouerunt nomen tuum; quoniam non dereliquisti quærentes te, Domine.* & Ieremias: *Benedictus vir qui confidit in Domino, & erit Dominus fiducia eius.* *Ierem. 17.* *Isaias vero: Va filij desertores, dicit Dominus, vt faceretis consilium, & non ex me, & ordiremini telam, & non per Spiritum meum.* *Isaia 30.* Hæc dicit Dominus Deus sanctus Israël: *Si reuertamini & quiescatis, salui eritis; in silentio & in spe erit fortitudo vestra.* *238.* Hoc priuilegio, omnibus sperantibus in Deum concessio, vti sunt sancti viri, & miranda fecerunt. Quid non fecit Moyses in Ægypto? quæ portenta, quæ & qualia edidit prodigia! nec cessauit, donec Ægyptum ipsam aquis obrueret, mergeret, ac maris vorticibus sepeliret. *Exod. 7. 8. 9.* Per orationem Moysis profligati Amalecitarum occubuerunt. *Exod. 17.*

• Iosue imperauit soli ne occumberet, Deo illi parente, vt sese de hostibus vlcisceretur. *Iosue.*

• Quid, quod mortis decretum immutabilis Deus reuocet, & quindecim annos vitæ lamentabili voce petenti Ezechia adijciat? Hoc prodigiosum; sed & prodigium prodigio adiecit: in testimonium implendæ promissionis, *reduxit umbram per lineas, quibus iam descendit in horologio Achaz, retrorsum decem gradibus.* *4. Reg. 20.* En duo in sole prodigia planè stupenda. Magna vis vel vnus animæ Deum diligentis, & spes in eum omnes conijcientis, vt illum impellat ad ordinem vniuersi immutandum; ille solem sistat oratione, hic reuocet. Sed ad quot (quæso) milliones milliarum? Dicam, vt miraculi appareat magnitudo. Retrocessit sol 10. lineis in horologio Achaz. Linea vna horam vnā continet: singulis autem horis, ex fundamento Ptolemæi, sol, cum circa æquinoctia versatur, conficit milliaria Belgica trecenta sexaginta-quinq. millia, ducenta viginti tria, additis aliquot minu-

20560.

tijs. In Belgico milliari tria continentur Italica: essent ergo Italicorum milliarium decies centena & nonaginta-quinque millia, cum sexcentis sexaginta-novem, cum suis minutijs.

365229.

At decem his horis Belgica milliaria censerentur trigiesies-sexies centena & quinquaginta-duo millia, nec non ducenta triginta-novem; vel clariùs, tres milliones sexcenta quinquaginta-duo millia, ducenta triginta-novem: Italicorum verò milliones decem nongenta quinquaginta-sex millia, sexcenta, nonaginta.

2025602.

Lineæ ergo in horologio Achaz exiguo spatio à se inuicem distendebantur, & sol in ijs cursum breui admodum tempore videbatur conficere: Mathematicorū tamen iudicio clavis demonstrationibus ostenditur, solem iam dicta spatia totidem horis per immensos cæli globos ac stadia decurrisse, quem cursum, cælestium Mentiū summa sapientia, prouidentia, ordineque inuariabili in vsum mortalium directum, Ezechias humili prece velut manu apprehensum, non modò sistere, sed & ad tot milliariū myriadas retrocedere, fiducia in Deum nixus, inaudito fecit miraculo; vitamque decliuem, solis rapido volatu celerius abeuntem, ad annos quindecim retrahi, sibi que prorogari impetrauit. *Ordinatione tua persenerat dies*, ait Rex Dauid. Deus hunc ordinem precibus in se sperantium immutauit.

Psal. 118.

4.

Eliā.

4. Reg. 1.

Elias vno verbo igni cælesti mandat, & quidem altera vice, vt quinquagenarium cum quinquaginta viris absumat; eodemque momento è caelo delapsus, quinquagenarios & eorum milites quinquaginta absumpsit. Omira hominibus concessa potentia!

5.

Elisi.

4. Reg. 1.

6.

Dauidis.

Eliseus non modò lepram morbosque oratione curauit, sed & mortuos ad vitam reuocauit.

Psal. 25.

Psal. 90.

Psal. 124.

Hac virtute excelluit, si quis mortalium, Rex Dauid; cui fiducia in Deum tanta, vt vix sit reperire Psalmum vnum, ex quo sapius huius præstantissimæ virtutis scintillæ, imò ardentes flammæ, non erumpant. Ecquid etiam non potuit? quid non effecit? Insigne illud est præ ceteris: *Dominus illuminatio mea, & salus mea, quem timebo? Dominus protector vite meæ, à quo trepidabo? Si consistant aduersum me castra, non timebit cor meum. Si exurgat aduersum me prælium, in hoc ego sperabo. Quid mirum? qui enim sperat in Domino, qui habitat in adiutorio altissimi, in protectione Dei cali commorabitur: ipse liberabit eum de laqueo venantium, & à verbo aspero. Scapulis suis obumbrabit tibi, & sub pennis eius sperabis. Scuto circumdabit te veritas eius, non timebis à timore nocturno; à sagitta volante in die, à negotio perambulante in tenebris, ab incursu, & demonio meridiano. Cadent à latere tuo mille, & decem millia à dextris tuis, ad te autem non appropinquabit. Quis hisce viribus præualeat? Denique, qui confidunt in Domino, sicut mons Sion: non commouebitur in æternum, qui habitat in Ierusalem. Mon-*

tes

res in circuitu eius, & Dominus in circuitu populi sui, ex hoc nunc & usque in seculum.

Huic veritati confirmandæ nihil efficacius video verbis Seruatoris, quibus omnipotentiam quandam Apostolis pollicetur: nec ijs tantum, sed & omnibus qui cum fiducia ad ipsum recurrunt. Cum enim Apostoli secretò Dominum I E S V M rogassent cur dæmonium lunaticum non potuissent eiicere, cum paulo antè potestatem ab eo pelliendi dæmones accepissent, ipse verò arguisset eorum incredulitatem; subiecit: *Amen quippe dico vobis, si habueritis fidem sicut granum sinapis, dicetis monti huic, Transi hinc illuc; & transibit, & nihil impossibile erit vobis.* Simile quid contigit, cum sola Christi maledictione ficulnea quædam iuxta Ierusalem aruisset. mirantibus Apostolis, & dicentibus, *Quomodo continuo aruit?* respondit I E S V S: *Amen dico vobis, si habueritis fidem, & non hesitaueritis, non solum de ficulnea facietis, sed & si monti huic dixeritis, Tolle, & iacta te in mare; fiet: & omnia quacumque petieritis in oratione credentes, accipietis.* Sanctus Marcus idem refert, sed maiori paulo exaggeratione. *Habete, inquit, fidem Dei. Amen dico vobis, quia quicumque dixerit huic monti, Tollere, & mittere in mare; & non hesitauerit in corde suo, sed crediderit, quia, quodcumque dixerit, fiat; fiet ei.* Propterea dico vobis, omnia quacumque orantes petitis, credite quia accipietis, & euenient vobis. Aliud apud B. Lucam refertur. cum enim Apostoli Domino dixissent, *Auge nobis fidem;* respondit Dominus: *Si habueritis fidem sicut granum sinapis, dicetis huic arbori moro, Eradicare, & transplantare in mare; & obediet vobis.*

Hæc magna sunt, sed vera; & primæ veritatis asseueratione, quæ nec falli potest, nec fallere, nituntur: qui enim monti imperare potest, potest & mari, & soli, & terræ, ceterisque elementis insensibilibus. Putant tamen nonnulli, teste B. Hieronymo, hæc factu facilia esse. Ita verba ipsa præ se ferunt: requirunt enim tantum fidem, atque eam quidem non maiorem grano sinapis, quo inter grana panis minus non est; atque adeo, qui granum vnum fidei supernaturalis haberet, posset omnia signa, quæ Moyses fecit in Ægypto, perficere. quod si verum esset, omnes profectò vellent istam potestatem exercere; & maximè Reges, qui libenter imperio vtuntur: hi transferrent castra, domos, fluuios, maria, rupes, & regna. Verum aliter se res habet: & si potestas hæc pretio comparari posset, multi, oblata pecunia, cum Simone dicerent, *Date & mibi hanc potestatem.* Sed lubet cognoscere quid hinc Dominus Apostolis, quid nobis promittat ac præcipiat: multi namque appetunt potentiam, & ea quæ pariunt admirationem; pauci humilitatem, eaque modestia, quibus re vera magna possint efficere, magnique euadere.

Et vt paulo altius hanc rem tam sublimem ac difficilem repetam, fides (quæ huius potentia est instrumentum, non sola tamen) subinde

I.
Pro firmo men-
tis assensu.
Heb. 11.
1. Cor. 13.

in sacris litteris sumitur dumtaxat pro firmo mentis assensu ad ea quæ à prima veritate credenda proponuntur. Ita Beatus Paulus, *Fides*, inquit, est *sperandarum substantia rerum, argumentum non apparentium*. Pari modo cum tres virtutes Theologicas distinguit: *Nunc autem manent fides, spes, caritas, tria hæc*.

Fides mater
fiducia.

Verum etsi virtus hæc fundamentum sit fiduciæ in Deum, quod excellentissima quædam bona obtinenda certissimè proponat, ex se tamen nihil impetrat; & in intellectu consistit, non in voluntate, cuius est facultates ad operationem applicare. Vt autem quidpiam, maximè si illud arduum sit, conficiatur, necesse est vt res ipsa animum afficiat amore; ex quo desiderium erumpit. Quod si obtentu possibilis sit, accedit spes ad desiderium: & si opera opeque alterius opus sit, confidentia in quærendo subsidio exurgit. hæc preces adhibet, omnemque mouet operam vt opem viresque colligat vndique, & votorum suorum compos tandem euadat. Fides tamen plurimum adiumento est: & si magna, singularem; si parua, exigua; mediocrem, si maior, confidentiam generat; vtpote quæ fidei tamquam basi innitatur, eiusque promissis. Pari modo, si desideria languida fuerint; conatus pares, ceteraque sequentia eisdem respondebunt. Ideo Christus Dominus rei optatæ, non adeptæ, defectum vel modicæ fidei, vel incredulitati adscribit: quis enim certò speret, aut ardentè quærat, quod vel non credit, vel certè fortiter non apprehendit?

2.
Pro fiducia.
Matth. 6.

Matth. 14.

Matth. 9.
Marc. 2.
Luc. 5.

Matth. 9.

Fidei seu con-
fidentia diuersi
gradus.

I.
Necessitatis.

Quare fides, cum ei in sacris Euangelij codicibus salus & cupitæ rei consecutio tribuitur, ita in vsu est, vt duo complectatur: firmum nimirum mentis assensum in res credendas; & fiduciam in Deo ex illo assensu progenitam. Ita Christus Dominus nimis sollicitos pro temporalibus arguit: *Si fœnum agri quod hodie est, & cras in cibum mittitur, Deus sic vestit; quanto magis vos, modicæ fidei!* Idem improperauit Diuo Petro fluctuanti: *Modicæ fidei, quare dubitasti?* Fidem vocat, quam antè fiduciam; dixerat enim: *Habete fiduciam; ego sum, nolite timere*. Intuitus est denique fidem illorum, qui paralyticum per tectum demittebant. quibus omnibus sententijs non sola fides vsu veniebat, sed etiam confidentia de diuina bonitate: quæ in illis, defectu maioris fidei, minimè sese exerebat; sed in hoc postremo loco, ob explicatam fidem, maximè elucebat. vnde IESVS, *videns fidem illorum, non dixit paralytico, Crede; sed, Confide fili, remittuntur tibi peccata tua*; credenti sanè, sed, præter fidem ac spem gestantium, desiderabatur in infirmo par fiducia, preces, ac desiderij eiusdem testificatio.

Eiusmodi fides, munita confidentia, omnibus ad salutis media consequenda, ipsumque finem vltimum, omnino necessaria est. Diuersi tamen eius sunt gradus. Infimus est, quo homines excitant se vel ad iustitiam

iustitiam consequendam, vel, illa adepta, ad exercenda ea opera, sine quibus saluari non possumus. Secundus gradus non necessitatis, sed consilij est, quo homines ad heroica quædam facinora assurgunt, ad ^{2.} *Consilij.* PERFECTIÖNIS brauium adspirantes. Tertius, & maximè emi- ^{3.} *Signorum.* nens, qualis locis iam allatis describitur, paucorum est, & inter pecu-
liaria Dei dona numeratur. Ea verò fides est, quæ & Dei omnipoten-
tiam tam constanter clarèque credit, quàm si coràm oculis suis cerne-
ret quiduis operantem; & de Dei bonitate tantam concipit fiduciam
impetrandi id quod expedit, vt nullo modo vacillet aut hæsitet. Talis
fuit Moyſis fides, de quo Apostolus ait: *Fide reliquit Ægyptum, non veri-* *Heb. 11.*
tus animositatem Regis; inuisibilem enim tamquam videns sustinuit. Itaque *Quæ requirantur ad fidem signorum.*
non sola fides magna & prodigiosa illa perficit & assequitur, sed plura
alia desiderantur, & (vt vidimus) in primis confidentia, per quam ipsa
fides operatur; siue fides per fiduciam operans.

Requiritur deinde ordinariè caritas, seu vt homo sit in gratia, au-
ctore D. Ioanne. *Carissimi, ait, si cor nostrum non reprobaverit nos, fidu-* *Confidentia,*
ciam habemus ad Deum, & quicquid petierimus, accipiemus ab eo; quoniam *2.*
mandata eius custodimus. Exigit hinc D. Ioannes duo: alterum, vt à gra- *Caritas.*
uioris peccati morſu conscientia libera sit; alterum vt conformis sit vo- *1. Ioan. 3.*
luntas nostra voluntati diuinæ in omnibus, vbi præceptum aliquod, ab
eo qui præcipere potest, acceſſerit. Cuius ratio est, quòd sine fiducia
fides non operatur. At fiducia inculpatæ conscientiæ & rerum rectè
gestarum præſidio, voluntatis item diuinæ executione nititur. Si ergo
nos conscientia reprehendat, non modò nihil arduum, nihil heroicum
aggredi poterimus; sed etiam flaccescet animus, & in ventum desideria
nostra euanescent: eo quòd præcipua pars actionis nostræ, auxilium
nempe de cælo veniens, deſit. *Longè enim à peccatoribus salus; quia iusti-* *psal. 118.*
ficationes tuas, Domine, non exquisierunt. Adde quòd S. Ioannes non
tantum fiduciam, sed etiam preces velit adhiberi. *Quidquid, ait, petie-* *1. Ioan. 3.*
rimus, at peccatorum preces à Deo non exaudiuntur: requiritur ergo
libertas quædam, quæ nascitur ex testimonio bonæ conscientiæ, men-
te tranquilla, placideque composita.

Fit tamen subinde, vt per peccatores miracula patrentur: expedit *A peccatoribus*
enim ad declarationem diuinæ potentæ, vt Deus interdum malo in- *subinde mira-*
strumento res magnas conficiat. *Num. & Saul inter Prophetas? & Bala-* *cula fieri.*
am mira prædixit. quid? & afinus eius articulatè locutus est. nam *a 1. Reg. 10. &*
(vt bene Chrysostomus) hæc fides non dogmatum est, sed signorum; atque *19.*
donum gratis datum, quod sine caritate possit consistere. hinc Beatus *b Num. 23.*
Paulus: Si habuero omnem fidem, ita vt montes transferam, caritatem autem *c Num. 22.*
non habuero, nihil sum. Rarò tamen talibus instrumentis Deus vtitur, *d Hom. 29. in 3.*
cum non deſint aptiora, & ipse eadem aptare possit. *ad Corintb.*
e 1. Cor. 12.
f 1. Cor. 13.

Requi-

3. *Conformitas in voluntate diuina.*
1. Ioan. 5. Requiritur tertio, ut ea ipsa, quæ aggredi cupimus, non modo in genere diuinæ voluntati consentiant; sed etiam quoad omnes circumstantias loci, temporis, modi, & alia quæ tunc prudentia supernaturalis suggerit. alioquin homines hac gratia abuterentur, &, instar circumforaneorum, signa excitarent. Ita testatur S. Ioannes: *Hæc est fiducia quam habemus ad eum, quia, quodcumque petierimus secundum voluntatem eius, audit nos: & scimus quia audit nos, quidquid petierimus; scimus quoniam habemus petitiones quas postulamus ab eo.*

4. *Certitudo de auctore futuro.*
Mar. 11.
Ibidem. His etiam addi debet, ut nobis certò persuadeamus illam esse Dei voluntatem, & credamus ipsum facturum quod postulamus; eo quod tale opus vel multum promoueat eius gloriam, aut salutem animarum; vel certè omnino sit necessarium. Hoc sanè parui momenti non est, sed fidem & confidentiam requirit valde eximiam, & maximam atque intimam cum Domino Deo coniunctionem. Hoc ipsum verba Seruatoris exigunt, dum ait: *Non hesitauerit in corde suo, sed crediderit, quia, quodcumque dixerit, fiat, fiet ei. &: Quicumque orantes petitis, credite quia accipietis.*

5. *Caritas fraternæ.*
Marc. 11. Aliam condicionem Seruator adiecit, nempe ut fratribus dimittamus, si quid contra eos habeamus; subiungit enim proximè post verba iam allata: *Et cum stabitis ad orandum, dimittite, si quid habeatis aduersus aliquem; ut & Pater vester, qui in celis est, dimittat vobis peccata vestra.* Quibus verbis ostendit, non solam fidem sufficere ad aliquid à Deo obtinendum, sed requiri maximè caritatem fraternam.

6. *Oratio & ieiunium.*
Matth. 17. Requirit præterea Dominus orationem, quæ fidei speique instrumentum est: requirit & ieiunium. cum enim potestatem haberent Apostoli pellendi dæmones è corporibus, non potuerunt tamen adulescentem obsessum liberare; Christus verò inter ceteras & hanc rationem attulit: *Hoc genus demoniorum non eijcitur, nisi per orationem & ieiunium.* quasi dicat: Malorum genera alia alijs sunt grauiora, & dæmonum alij alijs potentiores, rerum agendarum quædam alijs magnitudine præstant; solus Deus nouit quid expediat, potestque omnia: vobis non ita erit sine recurso ad Deum, ut sciatis potentiam hanc non à vobis, sed ab omnipotente prouenire, & cum dependentia & limitatione concedi.

Fides miraculorū hæc & plura complectitur & requirit; nec mirum; stupenda enim sunt, quæ hac promissione continentur; atque benignissimus Deus hominibus, ut in partem omnipotentis suæ veniant, indulgisse videtur. Res admodum prodigiosa fuisset, si mons Oliueti (hic enim fortè designabatur) à loco suo, & per aërem in mare, longo spatio translatus abijisset. Imperare dæmonibus, eosque, qui rectores mundi huius sunt, ex sua possessione pellere, res admiratione digna est;

est; sed maius est à saxis & rupibus audiri, illa ipsa parère homini mortali, moueri loco, per aëra deferri. hanc tamen potestatem Dominus sponte & insinuare, & polliceri, & re ipsa hominibus largiri voluit.

Apostolos illam exercuisse non legitur; non sequitur tamen non fecisse: maiora præstiterunt, dum infinitam vim hominum à seruitute demonū ad veri Dei cultum transtulerunt, & vita functos à mortuis excitauerunt. In India certè à Beato Thoma Apostolo confecta olim haud inferiora legimus.

^b Miranda nostra sæculo his non minora testatur historia. De montis translatione in particulari per Gregorium Thaumaturgum, ita scribit^d Eusebius Cæsariensis: In quodam loco ruris angusti cum res posceret Ecclesiam construere, rupes quædam vicini montis ex parte Orientis obiecta, ex alia verò præterfluens fluuius, spatium, quantum Ecclesia sufficeret, denegabat: & cum aliis omnino non esset locus, omnesq; mæstitiam gererent, quòd solum ad construendam Ecclesiam non haberent; ille fide plenus pernoctasse in oratione dicitur, & Dominū IESVM promissionis suæ admonuisse fideliter, quæ dixit, *Si habueritis fidem sicut granum sinapis, dicetis monti huic, Tolle te, & mitte te in mare, & utique fiet. cumq; hæc plena fide atque deuotione deposceret, ad lucem coeuntibus populis, inuenta est rupes importuna secessisse tantum, quantum spatij ad condendam quærebat Ecclesiam.* Hæc Eusebius. quibus simile est, quod ibidem de lacu ab eodem siccato narrat.

Verumeninueno etfi non omnes ad fiduciæ excellentiam illam attingant, aut donum miracula patrandi assequi queant; possunt tamen virtutes iam dictas comparare: fidem intensam, confidentiā eximiam, profundam humilitatem, conscientiam puram, caritatem in Deum & homines singularem, resignationem absolutam ad nutum diuinæ voluntatis, studium orationis, & carnis Deo rationique subijciendæ potestatem. Hoc ipsum voluit Dominus, cum ait: *Habete fidem Dei.* Non dixit: Transferte montes, euellite profundas arbores verbo, arefacite ficulneas, miracula patrare. Hæc certè non sunt in nostra potestate. Quid ergo? *Habete*, inquit, *fidem Dei.* Hoc in vestra & omnium est potestate. Nihil mandat Deus impossibile, imò & mandata eius gratia non sunt. Fidem Dei habere & iubemur & tenemur; hanc curemus: de miraculis viderit Dominus, qui nullum tale præceptum ad salutem necessarium nobis præscripsit. Non ergo hîc artem montes transferendi, aut faciendi miracula, profiteamur, (sicut nec Christus) sed pelliendi incredulitatem ac diffidentiam, acquirendæ augendæque fidei; artem pelliendi è nobis dæmones & vitia, nos ipsos superandi, calcandi superbiam, cupiditatem frenandi, extinguendi libidinem; artem acquirendi heroicas virtutes, diuinam gloriam in proximorum salute procuranda promouendi, pro Christo Domino & eius Ecclesia multa

Z z z

&

*Prodigia facta
1. ab Apostolis.*

*a P. Petrus de
Iarrie lib. 2.
hisor. India
Orient. c. 17.*

*b 2.
A Sicut Apo-
stolis.*

*c P. Petrus de
Iarrie Sibi su-
pra cap. 28.*

*d Lib. 7. Ecclef.
hisor. cap. 24.*

*e in editione Ge-
nista Pari-
sensi.*

*c Matth. 17.
& 21.*

*3.
A studiose
Perfectionis.*

*Marci 16.
1. Ioan. 5.*

& grauiâ sustinendi, mortem denique acerbam & ignominiosam ad imitationem Capitis nostri oppetendi.

*Virtus grani
sinapis cum fi-
ducia compa-
ratur.*

2. Matth. 17.

1. Cor. 13.

*In grano sina-
pis duo esse, &
in confidentia.*

1.

Diffidentia sui.

2.

*Fiducia in
Deum.*

2. Matth. 13.

Sap. 1.

Ad hæc acquirenda, fides confidentiæ iuncta adeo valet, vt non immerito Christus dixerit: *Si habueritis fidem sicut granum sinapis, nihil impossibile erit vobis.* Ergone minima fides montes transferet? quod enim eo minus inter grana? Vtinam & nos omnes fidem haberemus sicut granum sinapis! quæ à Beato Paulo *omnis fides dicitur, ita vt montes transferat.* Hæc enim sententia Christus doctrinam, quam hæcenus tradidimus, luculenter expressit ac comprobauit. In grano sinapis duæ res sunt: vna, moles grani; quæ sanè exigua est: altera, vis quæ eidem inest; & hæc omnino magna est. Talis esse debet eius confidentia, qui aliquid ad Dei gloriam aggredi cupit. Ex parte hominis adeo parua sit necesse est, vt planè de viribus suis diffidat, se nihil posse arbitretur, se abiciat ac deprimat coram Deo quantum potest, instet orationi, ieiunijs carnem affligat, denique ostendat nullum granum minus esse seipso; ex parte verò Dei, vis confidentiæ maxima esse debet: etsi enim *granum sinapis minus sit omnibus seminibus; cum creuerit, maior est omnibus oleribus, & fit arbor, ita vt volucres cali veniant, & habitent in ramis eius.* quod indicium latentis eximiae virtutis est; sicut & nos experimur: dum enim teritur dentibus, aut editur, acrimoniam habet, viuacitatem, vehemenciam, feruoremque suum exerit, cogit sternutare, & lacrymas elicit. Hæc omnia & plura efficit confidentia, si se homo demittat, omnem vitæ ostentationem, fugiat gloriam; si humilis haberi nolit, sed vilis reputari; si ea, quæ hominum iudicio alta magna que putantur, auerfetur; si ex opposito sentiat de Domino in bonitate, eius omnipotentiam suspiciat, auxilium imploret, ipsum veneretur, eius gloriam deprædicet, propensam eius ad opitulandum humilibus voluntatem diligenter perpendat & ruminet, totam denique fiduciam & diffidentiam sui & impotentiam in eum projiciat. Is si montes non transferat, solem non sistat, dæmones profecto ex animo suo & aliorum propellet, cum omnium vitiorum caterua; & longè maiora efficiet, quàm si, virgam Moysis manu tenens, prodigia omnia Ægypti iteratò renouaret.

C A P V T

CAPVT XLII.

*Formula spei exercenda, ad res maximè difficiles
superandas, operaq; heroica exercenda.*

239 **Q**UID ergo nobis timendum est, cum longè plures à nobis stent, quàm aduersum nos? & sanè Dei virtus & potentia, coniuncta simul eius beneuolentia, instar esse debent omnium; ipse etenim & nobis bene vult, & in nobis de hostibus suis cupit triumphare.

Si igitur exurgat tentatio, formula nimirum fortiter agendi tradenda est, aliquot cautionibus comprehensa; quarum prima hæc est: Si, inquam, persecutio exciteretur contra te, si iniuria inferatur, si impingatur calumnia, si contumelia tibi coràm affingatur, cum magnæ confusionis atque ignominia rubore, si quis te etiam percutiat; illico (quod omnium primum esse debet) ad Dominum te conuerte: huius enim defectu minima occasione oritur in nobis maxima perturbatio, quam tamen generosus pugil nullo modo debet admittere.

Principijs obsta, serò medicina paratur,

Cùm mala per longas inualuere moras.

&: *Turpius eijcitur, quàm non admittitur, hospes.*

Vrget enim horrendè dolor iraqué, ex quibus illa perturbatio conflatur: sollicitat hæc vt locum in te inueniat; pulsat, instat, pertentat an repulsam passura sit: quòd si te non opponas, tunc, quasi in possessionem furibunda penetrat. Vt ergo non admittatur, memor esto orationiculæ quam inter iaculatorias reposuimus; vt in primis sic preceris cum D. Paulo: *Domine, quid me vis facere?* & Dominus ad te: *Expecta Dominum, viriliter age, & confortetur cor tuum, & sustine Dominum.* *Act. 9.*
Psal. 26.

Vult Deus in primis, vt cogitationes acriores, quæ instant & vrgent, tranquillitatem tuam ac pacem turbaturæ, suspendas; certò tibi persuadens, eam Dei esse voluntatem, idque à te omnino exigere, vt nimirum id temporis alia de re cogites, ipsum audias, expectes eius consilium, ipsum sustineas: teque obtestatur vt id facias per omnia sacra, & beneficia quæ tibi vniquam contulit, de eius auxilio nihil dubites; hoc de euentu rei exploratum habeas, quòd optimè rebus tuis consulat, iniuriam vlturus sit ipse, tui, vt pupillæ oculi sui, rationem sit habiturus.

In hac appetentis pugna acie retundenda magna vis consistit: in hoc maximè puncto (si in aliquo) insigne PERFECTIIONIS elucet

Z z z

argu-

argumentum. Quoniam primi motus in nostra potestate non sunt, longaque homini experientia ad eos exorientes opprimendos opus est; magnus usus ac necessitudo inter Deum & hominem intercedat necesse est, ut hunc ineuntis pugnae furorem quispiam arcere ac sustinere valeat.

Psal. 38.

Sed qua ratione postulantis Domini desiderio, constanter ut resistas, respondebis? Hanc rationem suggerit Psalter Regius; ut nimirum statuas ac dicas, quod & dixit ipse tali casu: *Dixi, Custodiam vias meas, ut non delinquam in lingua mea. Posui ori meo custodiam, cum consisteret peccator adversum me. Obmutui, & humiliatus sum, & silui à bonis. Optima resolutio, Deoque gratissima, iniuriam verò patienti vtilissima. Tace, nec de bonis quidem loquere. Omnino tace, si fieri potest. Si loquendum, caue ne initio refutes calumniam: alioquin primum, de sustinendo Domino, præceptum non servabis, in tui defensionem plus æquo incensus. Quod si ex naturæ imbecillitate dolorem animi impedire non possis; tum ad Deum intentius convertere, cum Propheta dicens: *Redde mihi, Domine, letitiam salutaris tui, & spiritu principali confirma me.* Si verò Dei ope hoc primo congressu victoria potiaris, id de te statuo: *Dimidium facti, qui bene cepit, habet.* Potiores partes in hostem obtinuisti.*

Psal. 50.

Verumenimvero, etsi utcumque pacem retineas, natura tamen natura est; nec potest tentationem aut persecutionem non persentiscere, non utcumque affligi: nec persecutor importunus idcirco ab incepto desistet. Patientia & constantia opus erit, imò & magnanimitate.

Si verò contingeret perturbationem, iram, aliâve affectionem animum penetrasse, eiusque tranquillitatem ac pacem ob peccatum admissum turbasse; ne animum propterea abijcias, sed te facti admissi pœniteat: tum rursus incipe, & alacriter perge, iuxta ea quæ nunc subiiciemus. Quod etiam servandum est, si eadem culpa in progressu contingeret: fragiles enim & labiles sumus; quod per infirmitatem admititur, facile à Deo indulgetur. Imò eidem displiceret, si totum abijceres: & nihil aliud cacodæmon intendebat, dum te in eam perturbationem inducere moliebatur.

Cautio 2.

Altera cautio est, ut Deo accidens te eius beneplacito planè resignes ac subijcias; ei que gratias agas, quòd te dignum faciat aliquid pro iustitia eiusque nomine perpetiendi: nec ab eo discedas, quin animi quietem in hac resolutione nactus sis.

Cautio 3.

Tertia cautio. Maximam tui diffidentiam concipies: soler enim vana gloria atque arrogantia, ubi vel minimus successus affulget, illico irrepere, finesque vani sese ingerere; quibus animus commendationes hominum ac auram popularem subolfacit; & admirationem eorum con-

considerans, rem agendam quidem concepit, sed non eo modo, quo principio statuerat. Diffidens ergo, & quàm demississimè de se rebusq; suis sentiens, Deo commendat hanc sui diffidentiam: quam si sartam tectam obtineat, accipiet, & quidem magna grati animi significatione, tamquam donum singulare de manu illius; rogans pro futuro, vt inanem vanitatem hanc sic comprimere dignetur, tantumq; odium in illam ingenerare in animo, vt nullum hostem reputet capitaliorem, nullum malum pestilentius, subdola illa voluptate, quæ operi tanto, quod aggreditur, se substernere conatur, quod suo tempore auctum diuat planè atque subuertat.

Adde & quartam: Patronos tuos tutelares esse in auxilium aduocandos. Accedas in primis supremum illud votorum omnium subsidium, Dei Matrem; eiq; supplex identidem & continenter negotium tuum commenda ac committe: non enim satis est id semel, iterum, iterumq; fecisse; centies id præstandum est, multis diebus, annis, & lustris, si difficultas vel res superanda vel perficienda tamdiu durauerit. Item Angelum tuum præsidem precare. In hunc finem tua omnia opera referas. Adhibe orationi ieiunium, & si liceat, etiam eleemosynam; nec finem facias, donec Dei manum apertam eiusq; extenta ad tibi opitulandum brachia videris.

Quinta. Adhibe interea diligentia quidquid poteris; sapientum vttere consilij; caue tibi à passione, quæ in re adeò sublimi nouercâ sese exhibet, non veram heroicæ actionis matrem; excludit mansuetudinem & patientiam, Deiq; dispositionem abrupit.

Sexta. Spem omnem in Deum conijce, qui paratior est ad te iuandum, quàm hostes ad te oppugnandum: ab eo media hostem propellendi exposce. Reminiscere tibi ab Isaia aquilæ alas esse datas; vt ad ipsum consilia opemq; accepturus transuoles. Apprehende manibus & brachijs Deum adiutorem tuum, facinorum illustrium auctorem tene fortissimè; certò sciens tot gradibus te Deo fore viciniorem, quot accessionibus spem tuam auxeris ac cumularis. Certè dici non potest, quantum ab eo luminis reportaturus sis. Hostem tuum ex altiori ac potiori loco inopinatò circumuenies; tibiq; prius prospexeris, quàm is tibi nocere potuerit.

Certissimè deinde tibi persuadeas, longè facilius esse, cum iniusto ac maligno, quantumcumque callido ac subdolo, Deo adiutore configere, quàm cum eo qui ratione iustisq; causis niti videtur, etsi potentia altero longè sit inferior. Testimonio enim optimo conscientia: tuæ tibi robur accedit, & iustitia causæ miram parit constantiam.

Septima. Si quid ex voto contingat, caue ne extollaris, quasi meritis tuis aliquid euenerit; sed impensè Deo gratias habe, cuius ope-

Z z z 3,

felici-

Epistola ad Fulvianum 10. cap. 2. feliciter inchoasti. Time semper rei exitum; qui longè tristior erit, si tua culpa aut superbia, post tot susceptos labores, infelicitè in caput tuum devaluatur. *Non queruntur*, ait Hieronymus, *in Christianis initia, sed finis.*

Cantio 8.

Matth. 5.

Octava. In omnibus medijs, quæ adhibes, prudenter agas. De aduersario aut bene, aut non malè loquaris. Recordare huius consilij Dominici: *Diligite inimicos vestros, benefacite his qui oderunt vos, & orate pro persequentibus & calumniantibus vos: ut sitis filij Patris vestri, qui in caelis est; qui solem suum oriri facit super bonos & malos, & pluit super iustos & iniustos.*

Cantio 9.

Nona. Illud in postremis aestimari non debet, vt expugnata difficultate gratias Deo sæpius referas: vt intelligat te arbitrari ac sentire, non ipsum, sed te beneficium accepisse; qui plus honoris beneficijque tibi detulit, etiam multa eius causa patienti, quàm merebare.

Cantio 10.

Denique si nihil succedat adhibita omni diligentia; ne idcirco animum contrahas, aut succenseas: cogita ipsum omnium esse Dominum; tibi gratum acceptumque esse debere, quidquid in oculis eius bene visum fuerit; conscium ipsum esse omnium quæ passus es; experiri hac ratione constantiam tuam; difficile ipsi non esse, aduersos casus in felicissimos successus conuvertere; æternis rationibus ac consilijs alia intendere, & hoc rerum euentu disponere ac viam sternere; delictis tuis ac peccatis hanc probationem deberi; post tenebras diem elucescere; denique inter virtutes eam non esse minimam, quæ resignatio vocatur, seu conformatio nostræ cum Dei Optimi Maximi voluntate. Et hæc quidem de difficultate superanda.

240. Eadem ratio seruari debebit, quando opus alicuius momenti aggredimur; hac sola differentia, vt loco primæ & secundæ cautionis Deo offeras opus quod aggredi decreueris, humiliter eius beneplacitum exposcens: cuius Spiritu duce si sentias suscipiendum, illum tibi finem præstitue, qui Deo placeat, cedatque ad eius gloriam; illique toto corde, summa animi demissione, offeras, dedas, ac confectes, adhibitis de cetero alijs cautionibus iam explicatis.

C A P V T

CAPVT XLIII.

Exempla quadam illustria, quibus hominis in Deum confidentis omnipotentia ostenditur.

241. **H**ÆC itaque ratio est, qua sancti Patres nostri euasere omnipotentes; summè de seipsis diffidentes, summè de gloria Dei solliciti, nec minùs de superbia sua retundenda, de seipsis abijciendis, deprimendis, calcandis; eius præsidio planè subnixi, qui sperantibus in se non deest. Utinam homines hanc artem perdiscerent! Principes sanè orbem breui subiugarent, atque imperio suo adjicerent; rarò subditos haberent rebelles. Sic enim Iosue *Iosue.* exiguo spatio totius Palæstinæ Reges deuicit, terram promissionis possessionesque occupauit, & Israëlitis distribuit; summaque pace stabilita cum toto populo conqueuit: sic Dauid Rex circumstantes populos, qui post memoriam hominum perpetuò Dei gentem afflixerant, bellisque illatis vexauerant atque attriuerant, paruo tempore domuit: sic denique Machabæi Iudæos à Dei cultu ad idola degenerantes, Reges item & tyrannos terram illam inuadentes, diuina virtute nixi, contriuerunt, & restituta pace, gloriosum veri Dei nomen longè lateque per orbem disseminarunt.

Hos imitatus Constantinus Imperator, de Maxentio eiusque exercitu admirandam victoriam reportauit, Crucis virtute, cui fidebat; de quo Prudentius:

*Hoc signo inuictus transmissis Alpibus ultor
Seruitium soluit miserabile Constantinus,
Cum te pestifera premeret Maxentius aula.*

*Lib. 1. contra
Symmachum;
post medium.*

Post hunc eodem præsidio Maximinum oppressit; de quo sic scribit Nicephorus: Maximinus bellum maximum irreconciliabili odio mouit, breuiter *Lib. 7. cap. 37.* res omnes miscuit & turbauit, exercitum collegit, ingentes innumera multitudine copias contraxit, spe & fiducia demonum, nec non armatorum turba plurima seductus. Itaque etiam Imperator Constantinus unà cum Licinio Casare Roma terra marique Orientem versus profectus est, cum exercitu forti & robusto; quo tamen ille non tantum, quantum ipsius Crucis armatura, confidebat: & posteaquam in Bithyniam ventum est; contra sceleratum hostem, signa infestam inferentem, maxima cum fiducia acie instructa progreditur. Iusserat autem Constantinus Magnus Crucis signum præferri, quod à Romanis antea labarum dicebatur, signis militaribus alijs longè præstantius, quòd id à militibus præferri & adorari lege cautum fuerit. Quam ob causam etiam Constantinum puto celebrari-

berrimum Romani imperij vexillum in Christi signum mutasse; ut frequenti eius spectaculo & cultu subditi in dissuetudinem pristinae superstitionis venirent; eumque solum Deum esse arbitrentur, quem Imperator & Duces eius colentes, propugnatores adversus hostes uterentur. Hoc igitur signum praeferi, & laborantibus periclitantibusque cohortibus adesse, atque à satellitibus per vices in humeris gestari, ordinesque cum eo circuire iusserat. Salutifera haec armatura cum sic Constantini aciem praeriret; Maximinus suis praecepit, ut, quicumque collimare certoque iaculari possent, in signum id tela conijcerent, atque in ipsum confertim cum impetu ferrentur. Quapropter is qui id ferebat, (dicitur autem Graeca superstitionis fuisse) metu percussus, alij portandum tradere festinavit. Atque ibi alter quidam, patre martyre prognatus, alacriter admodum profiluit, thoracem & galeam longè à se abiecit, solaque tunica tectus signum Crucis arripuit. Porro ille qui sibi à felorum ictibus cauerat, letali vulnere accepto, concidit: qui verò sacrum Crucis signum ferebat, quamvis dense nivis instar tela in eum conijcerentur, à nullo tamen est vulneratus; nam praeter opinionem omnem, divina quadam virtute tela ab hostibus emissa, hasta signi illius atque impacta, ab eo qui id ferebat, in medio armorum discrimine versante, auolabant. Dicitur praeterea, atque à Dei amantibus viris creditur, nec alio umquam tempore, qui signum id tulerit, in sinistrum decidisse casum, aut vulneratum captumve esse. Ceterum, praelio commisso, tyrannus, qui detestandis magorum imposturis fretus fuerat, interiore quoque tunica abiecta, militarique habitu sumpto, cum paucis admodum, qui ei bene volebant, evadens, quam celerrimè, quò cum pedes ferebant, profugit; & vicum alium alio mutas, vix se ex hostium manibus subduxit. Hæc Nicephorus.

Fig. 2. Vita C. Constant. c. 3. & 4.

242. Cum Licinio verò ter iusto praelio congressus est Constantinus: semel Cybali in Pannonia, iterum in Thracia, tertio Nicomediae. Ter victoriam retulit devicto tyranno; nec devicto tantum, sed & capitali sententia in eum lata morte multato. Hæc tria trophæa Constantinum statuisse, hasque tres laureas adeptum esse solito praefidio, hoc est, Crucis potentia & virtute, tradit Eusebius, qui post multa sic ait: Cum exercitus esset iam praelium inituri; qui amicitia fœdera ruperat, (nempe Licinius) primum dimicare exorsus est. Ibi Constantinus Dei omnium Servatoris auxilio implorato, signoque isto suis militibus dato, in prima dimicatione hostes expugnavit: deinde non longo tempore post secunda etiam pugna tulit superiores; atque adeo iam salutari Servatoris vexillo exercitum suum antecedente, praecleariora victoria trophæa consecutus est: nam qua in parte istud Crucis vexillum visum fuit, hostes fugam capiebant, quos victores persequuntur. Quare intellecta, Imperator, sibi partem aliquam sui exercitus languentem cernebat, ibi salutare illud vexillum, tamquam quoddam subsidium ad victoriam obtinendam, locari mandavit, cuius adiumentis ex tempore parta est victoria: quippe dimicantium vires divina quadam potentia fuerunt admodum confirmata. Hæc Eusebius.

243. Theo-

243. Theodosius quoque senior, cum Eugenio tyranno de rerum *Theodosius.*
 summa decertaturus, salutiferæ Crucis vexillum prætulit: & cum non-
 nulli, ob dubium euentum, suaderent Imperatori vt bellum ad proxi-
 mum veris initium differret; Imperator fidelissimus eorum responsum
 repudiavit, auctore Theodoro: nam, *Non committendum est,* inquit, *vt* *Lib. 5. hist. c. 24.*
salutaris Crux tanta arguatur imbecillitatis, Herculis gæ statua (hanc enim
 suo exercitui præferbat Eugenius) *tantum virtutis nostro testimonio tri-*
buatur; quippe vt Crux nostrum exercitum, ita illa hostium antecedit. Cru-
 cis igitur virtute victoriam adeptus est, capto & interfecto tyranno,
 copiisque omnibus exitu planè insperato aut deletis, aut in fœdus re-
 ceptis; & visis, pridie quàm pugnatum est, duobus Apostolis Ioanne
 & Philippo, qui trepidanti & anxio exercitui animum ad pugnam ad-
 diderunt.

244. Imperatorum Romanorum pietatem imitatus est Osualdus *Osualdus.*
 Anglorum Rex, qui Crucem statuit, & ad eam cum toto exercitu suo
 preces fudit, priusquam manus confereret cum impio Britonum
 Duce. Regis verò fiduciam non modò lata victoria, sed & plurimis
 miraculis Deus remuneravit atque illustravit. Gratum erit Bedam rei
 seriem fideliter narrantem audire. *Ostenditur, inquit, usque hodie &* *Lib. 3. hist.*
in magna veneratione habetur locus ille, ubi venturus ad hanc pugnam Osual- *Angl. c. 2. 10.*
dus signum sanctæ Crucis erexit, ac flexis genibus Deum deprecatus est, vt in *mo 3.*
tanta rerum necessitate suis cultoribus celesti succurreret auxilio. Denique fer-
tur quia facta citat o opere Cruce, ac fouea præparata, in qua statui deberet, ipse
fide feruens hanc arripuerit, ac fouea imposuerit, atque utraque manu erectam
tenuerit, donec, aggesto à militibus pulvere, terra figeretur; & hoc facto, elata
in altum voce, cuncto exercitui proclamauerit, Flectamus omnes genua, &
Deum omnipotentem viuum ac verum in communi deprecemur, vt nos ab hoc
hoste superbo ac feroce sua miseratione defendat: scit enim ipse, quia iusta pro
salute nostræ gentis bella suscepimus. Fecerunt omnes vt iusserat; & sic inci-
piente diluculo in hostem progressi, iuxta meritum suæ fidei victoriam potiti sunt.
In cuius loco orationis, innumera virtutes sanitatum noscuntur esse patrata, ad
indiciu videlicet ac memoriam fidei Regis: nam & usque hodie multi de ipso
ligno sacrosanctæ Crucis assulas excidere solent; quas cum in aquas miscerint, hisq;
languentes homines ac pecudes potauerint, siue asperserint, mox sanitati resti-
tuuntur. Hæc Beda.

245. O vtinam Reges exemplo sanctorum Imperatorū, manus con- *Adhortatio.*
 ferturi, spem omnem suam in Deo reponerent, eius vnicam gloriam &
 publicæ rei bonū quærentes! *Non est abbreviata manus Domini.* Scripturæ *Isaia 59.*
 nihil pæne aliud continent: veteris Testamenti paginæ hisce mirandis
 virtutibus plenissimæ sunt; vt meritò Dauid, qui experimento didicit
 hoc Dei præsentissimum auxilium, Regibus quasi succensens incla-

A a a

met,

Psal. 2.

met, *Et nunc Reges intelligite, erudimini qui indicatis terram: seruite Domino in timore, & exultate ei cum tremore: apprehendite disciplinam, ne quando irascatur Dominus, & pereatis de via iusta. Cum exarserit in breni ira eius, beati omnes qui confidunt in eo.*

Philip. 2.

246. Victoriæ ac trophæa de hostibus spiritualibus reportata, toto nouo Testamento explicantur: mirandumque magis est, duodecim homines vel piscatores, vel fortis humilioris, dæmonis, Imperatorum, Principum, tyrannorum minas tormentaque contempsisse, superasse, irrisisse; imò idipsum tenellos pueros præstitisse; puellulas vix duodennes aliosque infinitos de illis magna gloria triumphasse; pauperes denique homunculos tot hominum millia ad fidem conuertisse, ad Crucifixum adorandum, eundemque Deum esse profitendum, adduxisse; vniuersum denique orbem Christianis legibus ac gloria illustrasse; *ut in nomine IESU omne genu flectatur, celestium, terrestrium, & infernorum*: longè, inquam, maius est, quàm exercitum quantumcumque copiosum profligare. illi enim semel id fecerunt, quotidie Christi pugiles hostem sternunt: illi numerum ceciderunt qui possit iniri, hi innumerabiles profligant: illi visibiles aduersarios, hi inuisibiles iuxta ac visibiles Christo subiiciunt: illi denique mortales & natura imbecilles, hi fortissimos dæmones; eorumque victoriæ trophæum, sperantium (inquam) in Domino, fidem plantarūt, fracta sublataque superstitione. Religio Christiana viget & vigeat; & si contingat hominū incuria ac peccatis ad tempus flaccescere, non deerunt filij, qui parentum virtute inflammati exurgent, ruinasque rursus excitent atque erigant: *ut Deus cognoscatur idem esse, qui semper fuit; magnificus in sanctitate, terribilis atque laudabilis, faciens mirabilia.*

Exod. 15.

Hactenus de Praxi & Negotiatione spirituali in genere: nunc de vsu exercitioque virtutum & vitiorum in particulari dicendum foret. Deus nobis vitam, otium, gratiamque largiatur; cui honor & gloria in sæcula sæculorum.

A M E N.

SACRÆ SCRIPTVRÆ

TESTIMONIA

HOC OPERE EXPLICATA.

Primus numerus designat paginam; secundus numeros qui textui inferuntur, cum nota litteræ n.

GENESIS.

I **E** IAT lux, & facta est lux. 39. n. 1
Vidit Deus cuncta quæ fecerat, & erant valde bona. 43. n. 5

Producat terra herbam virentem in genere suo, iumenta, & reptilia, & bestias terra. 155

Crescite & multiplicamini, & replete terram, & dominamini piscibus maris. 48. n. 2 & 50. n. 4. & 57. n. 15

2 Igitur perfecti sunt cali & terra. 43. n. 5

Formavit Deus hominem de limo terra, & inspiravit in faciem eius spiraculum vite. 155

Fluvius egrediebatur de loco voluptatis ad irrigandum Paradisum, qui inde dividebatur in quatuor capita. 142

Erunt duo in carne una. 240

3 Aperti sunt oculi amborum. 104. n. 5
Spinæ & tribulus germinabit tibi. 440

4 Enos cepit invocare nomen Domini. 33. n. 10

6 Noë vir iustus atque perfectus fuit. 29. n. 3

8 Aperiens Noë fenestram arca, quam fecerat, dimisit corvum: qui egrediebatur, & non reuertebatur, donec siccarentur aquæ. Emisit quoque columbam. 407

17 Ambula coram me, & esto perfectus. 29. n. 3

24 Rebecca, conspecto Isaac, descendit de camelo. 326

26 Benedixit Dominus Isaac, & locupletatus est; & ibat proficiens atque succrescens. 60. n. 21

28 Quam terribilis est locus iste! verè non est hic aliud, nisi domus Dei. 370

32 Vidi Dominum facie ad faciem, & salva facta est anima mea. 320

Nequaquam Iacob appellabitur nomen tuum, sed Israël: quoniam, si contra Deum fortis fuisti, quanto magis contra homines pravelebis! 536

49 Ruben primogenitus meus, tu fortitudo mea, non crescas: quia ascendisti cubile patris tui. 55. n. 13

Catulus leonis Iuda; ad prædam, fili mi, ascendisti. 514

Filius accrescens Ioseph, filius accrescens, & decorus aspectu. 52. n. 8.

EXODVS.

12 Filij Israël petierunt ab Aegyptijs vasa aurea & argentea. In præf. n. 5

25 Inspice, & fac secundum exemplar quod tibi in monte monstratum est. 9. n. 5.

DEUTERONOMIVM.

21 Si egressus fueris ad pugnam, & videris in numero captiuorum mulierem pulchram, & adamaueris eam, voverisq; habere uxorem, &c. In præf. n. 2

32 Dei perfecta sunt opera. 40. n. 2
Aaaa2 Deus

Deus fidelis, & absque ulla iniquitate. ibid.

Consumuntur fame, & deuorabunt eos aues morsu amarissimo. 380.

I O S V E.

2 *Innoxij erimus à iuramento hoc, quo adiurasti nos, si ingredientibus nobis terram, signum fuerit funiculus iste coccineus. 360*

24 *Servite ei perfecto corde. 29. n. 3.*

LIBER IVDICVM.

4 *Tulit Iabel, uxor Haber, clauum tabernaculi, assumens pariter & malleum; & ingressa abscondit & cum silentio, posuit supra tempus capitis eius clauum. 454*

6 *Tolle taurum patris tui, & alterum taurum, &c. & adificabis altare Domino Deo tuo, &c. & offeres holocaustum. In pref. n. 7*

7 *Videbatur mihi quasi subcinericius panis ex hordeo volui, & in castra Madian descendere: cumq; peruenisset ad tabernaculum, percussit illud. Non est hic aliud nisi gladius Gedeonis. 479. 512.*

I. REGVM.

6 *Bethsamita conciderunt ligna plaustris, vaccasq; imposuerunt super ea holocaustum Domino. In pref. n. 7*

14 *Et illuminati sunt oculi eius. 317*

15 *Nonne, cum paruulus esses in oculis tuis, caput in tribus Israel factus es? 526*

17 *Quid dabitur viro qui percusserit Philistheum hunc? 277. Dabitur Rex diuitijs magnis, &c. ibid.*

Quis est hic Philistheus incircumcissus, qui exprobrauit acies Dei uiuentis? 276

Tulit David baculum suum, quem semper habebat in manibus, & elegit sibi quinque limpidissimos lapides de torrente, &c. 470. & seq.

David cucurrit, & stetit super Philistheum, & tulit gladium eius, &c.

In pref. n. 6. & 480

21 *Ecce hic gladius Goliath Philisthai, quem percussisti in Valle terebinthi, est inuolutus pallio post ephod, &c. 470. & 480.*

II. REGVM.

8 *Tulit David quæ habebant serui Adarezer, & detulit ea in Ierusalem: item & vasa aurea, &c. In pref. n. 7*

14 *Omnes morimur, & quasi aqua dilabimur in terram. 159*

23 *O si quis mihi daret potum aquæ de cisterna quæ est in Betlehem! 28. n. 1.*

III. REGVM.

18 *Cecidit autem ignis Domini, & vorauit holocaustum, & ligna, & lapides, puluerem quoque, & aquam, quæ erat in aqueductu, lambens. 381.*

IV. REGVM.

4 *Sume tibi vasa vacua non pauca. 294*
Animaduerto quod vir Dei sanctus est iste. Faciamus ergo ei cœnaculum paruum, & ponamus ei in colectulum. 373

13 *Si percussisses quinquies, aut sexies, siue septies, percussisses Syriam usque ad consumptionem. 425*

18 *An speras in baculo arundineo atque confracto, Egypto. 516*

20 *Reduxit umbram per lineas, quibus iam descenderat in horologio Achaz, retrorsum decem gradibus. 539*

II. PARALIP.

7 *Cum compleisset Salomon fundens preces, non poterant Sacerdotes ingredi templum Domini, eo quod impleset Maieestas Domini templum Domini. 345.*

T O

TOBIAS.

- 4 Si multum tibi fuerit, abundanter tribue. 286
 Omni tempore benedic Deum, & pete ab eo ut vias tuas dirigat. 177
 12 Quando orabas cum lacrymis, & sepe liebas mortuos, ego obtuli orationem tuam Domino. 377.

IUDITH.

- 10 Quis contemnat populum Hebraorum, qui tam decoras mulieres habent; ut non pro his merito pugnare contra eos debeamus? 206.

ESTHER.

- 15 Vidi te, Domine, quasi Angelum Dei, & conturbatum est cor meum praetimore gloria tua: valde enim mirabilis es, Domine, & facies tua plena est gratiarum. 307.

IOB.

- 1 Nudus egressus sum de utero matris mee. 104. n. 5. & 136
 3 Qui adificavit sibi solitudines. 457
 458
 10 Manus tua fecerunt me, & plasmauerunt me totum in circuitu. 63. n. 4
 Memento, quæso, quod sicut lutum feceris me. Nonne sicut lac mulisti me? 77
 16 Ego ille quondam opulentus, repente cõruitus sum, & c. 102. n. 3. & 108. n. 10
 28 Nescit homo pretium eius, nec inuenitur in terra suauiter viuientium. Non dabitur aurum obryzum. 434
 31 Ab infantia mea creuit mecum miseratio. 54. n. 12.

LIBER PSALM.

- 2 Ego autem constitutus sum Rex ab eo super Sion. 14. n. 6
 7 Nisi conuersi fueritis, gladium suum vibrabit. 316
 17 Qui perfecit pedes meos tamquam ceruorum. 29. n. 3

Persequar inimicos meos, & comprehendam illos; & non conuertar, donec deficiant. 428

- 18 Non est qui se abscondat à calore eius. 320
 22 Parasti in conspectu meo mensam, aduersus eos qui tribulant me. 479
 26 Expecta Dominum, viriliter age, & confortetur cor tuum, & sustine Dominum. 398. & 547
 32 Qui finxit sigillatim corda eorum. 64
 38 Dixi, Custodiam vias meas, ut non delinquam in lingua mea. Posui ori meo custodiam. 398. & 548
 Ecce mensurabiles posuisti dies meos, & substantia mea tamquam nihilum ante te. 159
 39 Expectans expectaui Dominum, & intendit mihi. 385
 43 Si oblitus sumus nomen Dei nostri, & si expãdimus manus nostras ad Deum alienum; nonne Deus requirit ista? 517
 44 Astitit Regina à dextris tuis in vestitu deaurato, circumdata varietate. 53. n. 10
 50 Tibi soli peccaui, & malum coram te feci. 42. n. 3
 Redde mihi letitiam salutaris tui. 398. 548
 Sacrificium Deo spiritus contribulatus. 369
 54 Si inimicus meus maledixisset mihi, sustinuissem utique, & c. Tu verò homo vnanimis, dux meus, & notus meus, qui simul mecum dulces capiebas cibos. 535
 68 Quarite Deum, & viuet anima vestra. 449
 69 Deus in adiutorium meum intēde. 388
 79 Qui sedet super Cherubim. 138
 83 Beatus vir cuius est auxilium abs te; ascensiones in corde suo disposuit. 370
 Ibunt de virtute in virtutem: videbitur Deus Deorum in Sion. 58. n. 17
 89 Omnes dies nostri defecerunt, & in ira tua defecimus. 159

Aaaa 3.

92 Testi-

- 91 Testimonia tua credibilia facta sunt nimis. 501
- 93 Non videbit Dominus, nec intelliget Deus Jacob. Qui plantauit aurem, non audiet? 304
Secundum multitudinem dolorum meorum in corde meo consolationes tue latificauerunt animam meam. 379
- 94 In manu eius sunt omnes fines terra. 91
Hodie si vocem eius audieritis, nolite obdurare corda vestra. 22. n. 8
- 99 Ipse fecit nos, & non ipsi nos. 64
- 101 Quia cinerem tamquam panem manducabam. 457
- 102 Secundum altitudinem cali à terra corroborauit misericordiam suam super timentes se. 153
- 104 Latetur cor querentium Dominum. 449
Quarite Dominum, & confirmamini; quarite faciem eius semper. 449
- 109 De torrente in via bibet, propterea exaltabit caput. 471
- 117 Lapidem quem reprobauerunt edificantes, hic factus est in caput anguli. 472
- 118 Os meum aperui, & atraxi spiritum. 171. & 387
Erraui, sicut ouis qua periit: quere seruum tuum. 424
- 122 Ecce sicut oculi seruorum in manibus dominorum suorum. 327
- 125 Euntes ibant, & flebant, mittentes semina sua; venientes autem venient cum exultatione. 202
- 126 Nisi Dominus edificauerit domum, in vanum laborauerunt, qui adificant eam. 127
- 137 In quacumque die inuocauero te, exaudi me; multiplicabis in anima mea virtutem. 58. n. 17
Excelsus Dominus, & humilia respicit, & alta à longè cognoscit. 14. n. 5
- 138 Suscepisti me de utero matris meae. 64
- 141 In via hac, qua ambulabam, absconderunt superbi laqueum mihi. 442
- 144 Voluntatem timentium se faciet, & deprecationem eorum exaudiet, & saluos faciet eos. 538

- 146 Sapientia eius non est numerus. 6. n. 6
- 148 Ipse dixit, & facta sunt; ipse mandauit, & creata sunt. 39. n. 1
Ignis, grando, nix, glacies, spiritus procellarum, quae faciunt verbum eius. 347.

P R O V E R B I A .

- 1 Sapientia foris pradicat. 29. n. 4
- 4 Iustorum semita, quasi lux splendens, procedit. 55. n. 12
- 8 Ludens in orbe terrarum. 14. n. 5
- 13 Spes qua differtur, affligit animam. 513
- 21 Cor Regis in manu Domini. 25. n. 14
- 25 Tristitia viri nocet cordi. 82. n. 19
- 31 Facta est quasi nauis institutoris, de longè portans panem. 431.

E C C L E S I A S T E S .

- 1 Cuncta res difficiles; non potest eas homo explicare sermone. 107
Qui addit scientiam, addit & laborem. 220
- 4 Funiculus triplex difficile rumpitur. 244
- 9 Quodcumque facere potest manus tua, instanter operare: quia nec opus, nec ratio, nec sapientia, nec scientia erunt apud inferos, quò tu properas. 294
- 12 Memento creatoris tui in diebus iuuentutis tuae, antequam veniat tempus afflictionis. 72. 73
Et appropinquant anni de quibus dicas, Non mihi placent, antequam tenebrescat sol, & lumen, & luna, & stella, & reuertantur nubes post pluuiam. 73
Quando commonebuntur custodes domus, & nutabunt viri fortissimi, & otiose erunt molentes in minuto numero, & tenebrescent videntes per foramina, &c. 74.

C A N T I C A .

- 2 En ipse stat post parietem nostrum, respiciens per fenestras, prospiciens per cancellos. 489

Dile-

- Dilectus meus mihi, & ego illi. 405*
Qui pascitur inter lilia. 58. n. 16
 4 *Vulnerasti cor meum, soror mea sponsa;*
vulnerasti cor meum in vno oculo-
rum tuorum, & in vno crine colli
tui. 248
Fons hortorum; puteus aquarum vi-
uentium, quæ fluunt impetu de Li-
bano. 142
 5 *Anima mea liquefacta est, ut dile-*
ctus meus locutus est. 216
Dilectus meus candidus & rubicun-
dus, electus ex millibus. 11. n. 9
 6 *Sicut cortex mali punici, sic gena tua*
absque occultis tuis. 11. n. 9
Sexaginta sunt Regina, & octoginta
concubina; una est colubina mea. 247
 7 *Venter tuus sicut aceruus tritici. 10. n. 8*
Statura tua assimilata est palme. 448
Omnia poma, noua & vetera, dilecte
mi, seruant tibi. ibid.
 8 *Fortis ut mors dilectio. 239*
Soror nostra parua, & vbera non ha-
bet. 515.

SAPIENTIA.

- 3 *Felix est sterilis & incoquinata, quæ*
nesciuit thorum in delicto. 30. n. 5
 5 *Spes impij erit tamquam spuma graci-*
lis, quæ à procella dispergitur; &
tamquam fumus, & memoria ho-
spitis. 515
 7 *Preposui illam regnis & sedibus, &*
diuitias nihil esse duxi in compara-
tione illius. 434
Inextinguibile est lumen illius; vene-
runt autem mihi omnia bona pari-
ter cum illa. 175
 8 *Sobrietatem & prudentiam docet, &*
iustitiam, & virtutem. 17. n. 11
Sapientia attingit à fine usque ad finem
fortiter, & disponit omnia suauiter.
334
Hanc amani & exquisiui à iuuentute
mea. 7. & 435
 9 *Corpus, quod corrumpitur, aggravat*
animam. 20. n. 4 & 114

- Cogitationes mortalium timide, & in-*
certa providentia nostra. 106. n. 8
 13 *Scias quoniam qui hac omnia fecit, for-*
tior est illis, ac speciosior: speciei enim
generator hac omnia constituit. 350
 16 *Propter hoc & tunc in omnia transfi-*
gurata, omnium nutriti gratia tue
deserviebat. 122.

ECCLESIASTICVS.

- 1 *Initium sapientia timor Domini. 175*
Timor Domini gloria, & gloriatio, &
letitia, & corona exultationis. 222
 6 *Non te extollas in cogitatione anima*
tua velut taurus. 522
 13 *Humiliare Deo, & expecta manum*
eius. 528
 14 *Felix, qui non habuit animi sui tristi-*
tiam. 82. n. 19
Non defrauderis à die bono, & parti-
cula boni doni non te praterat. 295
 18 *Qui vivit in eternum, creavit omnia*
simul. 39. n. 1
 24 *Ego mater pulchra dilectionis, & timo-*
ris, & agnitionis, & sancte spei. 500.

ISAIAS.

- 6 *Vidi Dominum sedentem super solium*
excelsam & eleuatam. 362
 11 *Vitulus, & leo, & ovis simul morabun-*
tur. Leo quasi bos comedit paleas. 91
Delectabitur infans ab ubere super
foramine aspidis. 433
 24 *Secretum meum mihi, secretum mentis*
mei. 325
 26 *Omnia opera nostra operatus es nobis*
Domine. 19. n. 2. & 25. n. 14.
 28 *Percussimus fœdus cum morte, & cum*
inferno fecimus pactum. 515
 40 *Qui dat lassò virtutem, & his, qui non*
sunt, fortitudinem. Qui autem spe-
rant in Domino, mutabunt fortitu-
dinem, &c. 533
 49 *Dominus ab vtero vocavit me, de ven-*
tre matris mee recordatus est nomi-
nis mei. 35. n. 11

- 56 Non dicat Eunuchus, Ecce ego lignum aridum. 30. n. 5
 62 Non vocaberis ultra Derelicta, & terra tua non vocabitur amplius Desolata; sed vocaberis Voluntas mea in ea. 140.

I E R E M I A S.

- I Priusquam te formarem in utero, noni te. 35. n. 11
 A, a, a, Domine Deus; ecce nescio loqui, quia puer ego sum. 35. n. 11
 41 Cum venissent ad medium civitatis, interfecit eos. 442.

T H R E N I.

- I Facti sunt hostes eius in capite. 442

B A R V C H.

- 3 O Israël, quam magna est domus Dei, & ingens locus possessionis eius! 197.

E Z E C H I E L.

- I Convertimini ad me, & ego convertar ad vos. 25. n. 14
 18 Facite vobis cor novum. 25. n. 14
 36 Auferam cor lapideum, & dabo vobis cor carneum. 25. n. 14.

D A N I E L.

- 12 Qui docti fuerint, fulgebunt quasi splendor firmamenti. In pref. n. 4.

O S E E.

- 4 Quia tu repulisti scientiam, repellam & ego te. In pref. n. 4.

H A B A C V C.

- 2 Ecce qui incredulus est, non erit recta anima eius in semetipso. 174

A G G A E V S.

- I Ponite corda vestra super vias vestras. Seminastis multum, & intulistis parum. 443.

M A T T H A E V S.

- 5 Beati qui persecutionem patiuntur propter iustitiam. 184
 Estote perfecti, sicut & Pater vester caelestis perfectus est. In pref. n. 11
 6 Si oculus tuus fuerit simplex, totum corpus tuum lucidum erit. 167. 261
 7 Quid vides festucam in oculo fratris tui, & trabem in oculo tuo non vides? 107
 9 Confide fili, remittuntur tibi peccata tua. 542
 11 Iugum meum suave est, & onus meum leve. 25. n. 14
 Quid existis in desertum videre? arundinem vento agitatam? 53. n. 9
 12 Regina Austri venit a sinibus terra audire sapientiam Salomonis. 323
 13 Et dabant fructum aliud centesimum, aliud sexagesimum, aliud trigessimum. 202
 Simile est regnum calorum grano sinapis, quod minus est omnibus seminibus. 546
 14 Si quis vult venire post me, abneget semetipsum, & tollat crucem suam. 146
 15 Populus hic labijs me honorat, cor autem eorum longe est a me. 419
 17 Hoc genus demoniorum non eiecitur, nisi per orationem & ieiunium. 544
 Si habueritis fidem sicut granum sinapis, dicetis monti huic, Transi hinc illuc, & transibit; & nihil impossibile erit vobis. 546
 18 Vbi sunt duo vel tres congregati in nomine meo, ibi sum in medio eorum. 364
 19 Sunt Eunuchi qui seipsos castraverunt. 32. n. 7
 Diliges proximum tuum sicut teipsum. 251. 253. n. 46
 Si vis perfectus esse, vade, vende omnia quae habes, & da pauperibus. In pref. n. 12. & 146
 Facilius est camelum per foramen acus transire, quam divitem intrare in regnum calorum. 418

Ecce

Ecce nos reliquimus omnia, & secuti sumus te. 31. n. 6

- 21 Si habueritis fidem, & non haesitaueritis, non solum de siculnea facietis, sed & si monti huic dixeritis, Tolle, & iacta te in mare; fiet: & omnia quaecumque petieritis in oratione credentes, accipietis. 541

25 Intra in gaudium Domini tui. 345

MARCUS.

- 11 Habete fidem Dei. Amen dico vobis, quia quicumque dixerit huic monti, Tollere, & mittere in mare; & non haesitauerit in corde suo, sed crediderit, quia, quodcumque dixerit, fiat; fiet ei. Propterea dico vobis, omnia quaecumque orantes petitis, oredite quia accipietis, & euenient vobis. 541

LUCAS.

- 1 Dabit illi Dominus Deus sedem Dauid patris eius, & regnabit. 14. n. 6
Quomodo fiet istud, quoniam virum non cognosco? 34. n. 10
Exultauit in gaudio infans in utero meo. 35. n. 11
Tu puer, Propheta Altissimi vocaberis. 35. n. 11
3 Potens est Deus de lapidibus istis suscitare filios Abrahae. 90. n. 25
9 Nihil tuleritis in via, neque virgam, neque peram. 146
Si quis vult venire post me, abneget semetipsum, & tollat crucem suam. 471
10 Homo quidam descendebat ab Ierusalem in Iericho. 102. n. 3
Imposuit oleum & vinum. 121. n. 1
Qui vos audit, me audit. 382
11 Cum fortis armatus custodit atrium suum, in pace sunt ea quae possidet. 168. 169
17 Si habueritis fidem sicut granum sinapis, dicetis huic arbori moro, Eradicare, & transplantare in mare; & obediet vobis. 541

22 Reges gentium dominantur eorum, &c. vos autem non sic. 15. n. 6

- 24 Sedete in ciuitate, quoadusque induamini virtute ex alto. 239.

IOANNES.

- 1 Omnia per ipsum facta sunt, & sine ipso factum est nihil. 1. n. 1
Quod factum est, in ipso vita erat. 3. n. 4
Et vita erat lux hominum. 183. n. 31
4 Qui biberit ex aqua quam ego dabo ei, fiet in eo fons aquae salientis in vitam aeternam. 26. n. 15. & 141. & 142
6 Qui manducat meam carnem, & bibit meum sanguinem, in me manet, & ego in illo. 344
7 Si quis sitit, veniat ad me, & bibat, & de ventre eius fluent aquae vitae. 26. n. 15
15 Sine me nihil potestis facere. 22. n. 6
Hac mando vobis, ut diligatis inuicem. 249
Si quis in me non manserit, mittetur foras, & arescet. 341
Si manseritis in me, & verba mea in vobis manserint; quodcumque volueritis, petetis, & fiet vobis. 538
16 Si quid petieritis Patrem in nomine meo, dabit vobis. 539
17 Hac est vita aeterna, ut cognoscant te solum Deum verum, & quem misisti IESUM Christum. 185
19 Erat autem tunica inconsutilis, desuper contexta per totum. 242
20 Introiens Petrus in monumentum, vidit linteamina posita, & sudarium quod fuerat super caput eius. 331.

ACTA APOST.

- 1 Domine, si in tempore hoc restitues regnum Israel? 15. n. 6
2 Omnes qui credebant, erant pariter, & habebant omnia communia 34. n. 19
3 Viri Israelita, quid miramini in hoc, aut nos quid intuemini, quasi nostra

Bbbb

vir-

- virtute aut potestate fecerimus hunc ambulare. 329
- 4 Quotquot possessores agrorum aut domorum erant, vendentes adferebant pretia eorum. 34. n. 10
- Ananias fraudavit de pretio agri. 31. n. 6
- 5 Anania, cur tētauit satanas cor tuum, mentiri te Spiritui sancto? 31. n. 6. & 447
- 9 Domine, quid me vis facere? 547
- 17 In ipso vivimus, movemur, & sumus. 1. n. 1.

A D R O M A N O S.

- 4 Lex iram operatur. 9. n. 4
- Ei autem qui operatur, merces non imputatur secundum gratiam. 121. n. 3
- 5 Sicut per unum hominem peccatum in hunc mundum intrauit. 102. n. 2
- Sicut regnavit peccatum in mortem; ita & gratia regnet per iustitiam in vitam aeternam. 161
- Sicut enim, cum inimici essemus, reconciliati sumus Deo per mortē Filij eius; multo magis reconciliati salvi erimus in vita ipsius. 291
- Tribulatio patientiam operatur, patientia autem probationem, probatio vero spem. 377
- 6 Sicut exhibuistis membra vestra servire immunditie & iniquitati ad iniquitatem; ita nunc exhibete membra vestra servire iustitie. 94
- Stipendia peccati mors, gratia autem Dei vita aeterna. 122. n. 4. & 163
- Ne exhibeatis membra vestra arma iniquitatis peccato. 162
- Peccatum vobis non dominabitur. 164. n. 10
- Non regnet peccatum in vestro mortali corpore. 168
- An ignoratis, quia quicumque baptizati sumus in Christo I E S U, in morte ipsius baptizati sumus? 340
- 7 Occasione autem accepta, peccatum per mandatum operatum est in me

- omnem concupiscentiam. 9. n. 4
- Scio quia non habitat in me, hoc est, in carne mea, bonum. 85
- 8 Quos præsciuit, & prædestinavit; quos autem, &c. 23. n. 10
- Expectatio creatura revelationem filiorum Dei expectat. 61. n. 1
- Sifilij, & heredes; heredes quidem Dei, coheredes autem Christi: si tamen compatimur. 137. 138
- Debitorum sumus non carni, ut secundum carnem vivamus. 167
- 9 Non est volentis, neque currentis, sed miserentis Dei. 25. n. 14
- 10 Omnis enim quicumque invocaverit nomen Domini, salvus erit. 132
- 11 O altitudo divinarum sapientie & scientie Dei, quam incomprehensibilia sunt iudicia eius! 24. n. 12
- Si autem gratia, iam non ex operibus. 121. n. 3
- 13 Plenitudo legis est dilectio. 224
- Omnis anima potestatibus sublimioribus subdita sit. 382.

I. A D C O R I N T H I O S.

- 3 Nescitis quia templum Dei estis? 138
- 6 An nescitis quoniam membra vestra templū sunt Spiritus sancti, &c. 139
- Empti enim estis pretio magno; glorificate & portate Deum in corpore vestro. 367
- 7 Qui habent uxores, tamquam non habentes sint. 328
- 9 Omnis qui in agone contendit, ab omnibus se abstinere. 221
- Sic pugno, non quasi aërē verberans. 229
- 10 Omnia mihi licent, sed non omnia expediunt. 261
- 12 Emulamini charismata meliora. 16. n. 8
- Deus operatur omnia in omnibus. 25. n. 14
- Vos estis corpus Christi, & membra de membro. 382
- 13 Charitas patientis est, benigna est, &c. 17. n. 11. 238

Si

- Si habuero omnem fidem, ita ut montes transferam. 543*
- 15 *Gratia Dei sum id quod sum, & gratia eius in me vacua non fuit. 53. n. 9.*
Sicut portauimus imaginem terreni, portemus & imaginem celestis. 241.

II. AD CORINTH.

- 2 *Ne forte tristitia abundantiore absorbeat. 82. n. 19.*
- 4 *Habemus thesaurum istum in vasis fictilibus. 139*
- 6 *Ecce nunc tempus acceptabile. 295*

AD GALATAS.

- 3 *Lex pedagoga noster fuit. 44. n. 6*
Quicumque in Christo baptizati estis, Christum induistis. 53. n. 10
- 5 *Si spiritu viuimus, spiritu & ambulemus. 179. & 463.*

AD EPHESIOS.

- 2 *In quo omnis edificatio constructa crescit in templum sanctum. 51. n. 7*
- 4 *Unicuique nostrum data est gratia secundum mensuram donationis Christi. 430*
Crescamus in illo per omnia, qui est caput Christus. 51. n. 7
- 6 *Induite vos armaturam Dei, ut possitis stare aduersus insidias diaboli: quoniam non est nobis colluctatio aduersus, &c. 118*
Obedite dominis carnalibus cum timore. 382

AD PHILIPPENSES.

- 2 *Deus est qui operatur in vobis velle & perficere. 25. n. 14*
- 4 *Ei pax Dei, qua exsuperat omnem sensum, custodiat corda vestra. 243.*

AD COLOSSENSIS.

- 1 *Ambuletis digne Deo, &c. crescentes in scientia Dei. 51. n. 6*

- 3 *Super omnia autem caritatem habete, quod est vinculum Perfectionis. 222*
Verbum Christi habitat in vobis abundanter. 341.

I. AD TIMOTHEVM.

- 6 *Radix omnium malorum est cupiditas. 33. n. 9.*

II. AD TIMOTH.

- 2 *Labora sicut bonus miles Christi*
IESV. 377
Laborantem agricolam oportet primum de fructibus percipere. 379.

AD HEBRÆOS.

- 7 *Nihil ad perfectum adduxit lex. 44. n. 6*
- 11 *Fides est sperandarum substantia rerum, argumentum non apparentium. 500.*

IACOBI.

- 2 *Sicut corpus sine spiritu mortuum est, ita & fides sine operibus. 137.*

I. PETRI.

- 1 *Renati non ex semine corruptibili, sed ex incorruptibili, per verbum Dei viui. 137*
- 2 *Sicut modo geniti infantes lac consupiscite; ut in eo crescatis. 51. n. 6*
Conuersationem vestram inter gentes habentes bonam; ut in eo quod deirelant de vobis, &c. 450.

II. PETRI.

- 1 *Quomodo omnia nobis diuina virtutis sua, qua ad vitam & pietatem donata sunt, &c. 103. n. 4*
Pet per hac efficiamini diuina consortes nature. 104. n. 4.

I. IOANNIS.

- 2 *Omne quod est in mundo, concupiscentia carnis est, & concupiscentia oculorum, & superbia vitæ. 33. n. 9*

Bbbb 2

Vos

Vos unctionem habetis à Sancto, & noſtis omnia. 332

3 *Omnis qui in Chriſto manet, non peccat. Omnis qui natus eſt ex Deo, peccatum non facit, &c. & non poteſt peccare. 186. 224*

4 *Deus caritas eſt: & qui manet in caritate, in Deo manet, & Deus in eo. 222. 225*
Timor non eſt in caritate, ſed perfecta caritas foras mittit timorem. 219.

I V D Æ.

Arbores autumnales, infructuoſa, bis mortua. 54. n. 12.

A P O C A L Y P S I S.

2 *Qui vicerit, & cuſtodierit uſque in finem opera mea, dabo illi poteſtatem ſuper gentes. 379*

3 *Ego ſto ad oſtium, & pulſo: ſi quis aperuerit mihi ianuam, intrabo ad eum. 23. n. 9*

Qui vicerit, ſic veſtietur veſtimentis albis, & non delebo nomen eius de libro vite. 286

22 *Ecce venio cito, & merces mea mecum eſt: reddere unicuique ſecundum opera ſua. 276.*

I N D E X

INDEX RERVM

QVÆ HOC OPERE CONTINENTVR.

Primus numerus designat paginam; secundus numeros qui textui inferuntur,
cum nota litteræ n.

A.

ABNEGATIO SVI



X Christi verbis serio commendatur. 471.

ABSTINENTIA
Laudatur in P. Thoma Sanchez. 498.

ACCRETIO,
vide PROPECTVS.

ACTVS, vide HABITVS, & OPERA.

Vires naturæ tria actuum genera superant. 123. n. 6. Concurfus Dei generalis in actibus. 129. n. 15. & 19. n. 2. In supernaturalibus duplex: ordinarius. 209. extraordinarius. 210. Idem momentaneus, & longioris durationis. 209. In raptu actus non infundi. 210. Infundi actum amoris à Deo, tribus modis posse intelligi. 212. Voluptatem pluris vulgo fieri, quam actum per quem ipsa generatur. 213. An Deus actum creare possit. 214. Deus supplere non potest effectum operationis vitalis duplici de causa. 215. Animales actiones ad virtutem non pertinere. 257. Hominem teneri operari secundum rectam rationem. 261. Actus laudabiles esse, qui regula rectæ rationis perficiuntur. 263. Opera augmentum mereri, etiam si actus supernaturales ipsos habitus non exæquent. 269. 278. 289. & 295. Finis externus nouam actui bonitatem tribuit. 288. Fines varij in vna actione. ibid. Actionum varia genera. 459. Internæ præstant externis. ibid. & 460. Per actus externos internos fieri meliores. 465.

ADAM.

Eius casus; prærogatiua; damna quæ incurrit per peccatum. 102. Quæ bona perdidit. 103. Eius in creatione status. non in puris naturalibus creatus est. ibid. n. 4. Spoliatus 104. Eius nuditas. ibid. n. 5. vulnera. 105. per totum cap. 17. & 18. lib. 1.

ÆTERNITAS, vide VITA ÆTERNA.

Status æternæ patriæ vnde æternitas pendet. 100. Beatorum vita æterna probatur decem rationibus. ibid.

AFFECTVS.

Schola affectus præfertur cognitioni. In præf. n. 15.

AMBITIO

Vituperatur. eius poena. 12. n. 1. & 14. n. 6. & 15. n. 7. Ambitio spiritualis damnatur. ibid. n. 8.

AMBLARE

Spiritualiter, quid sit. 179.

AMICITIA, AMOR, vide DILECTIO PROXIMI.

Vis amoris, & vnde nascatur, sicut & desiderium. 87. Amatur Deus in cælo necessarii, non ita in via. 201. Amor amicitia & concupiscentia fatiatur in cælis. 198. 199. Ad perfectam beatitudinem amor requiritur. 193. Perfectio non consistit in amore concupiscentia. quomodo is bonus & sanctus sit. 219. Inter Deum & hominem vera amicitia intercedit. condiciones amicitia nouem. 226. Amicitia commendatio. 321. n. 26. Amandi hominis præ ceteris rebus rationes & opportunitates. 352. Amicorum delectationes. ibid. Amoris vis in prosequendo bono cupito. 438. Eius merita non habent terminum in hoc mundo. 439.

AMOR SVI SEV PHILAVTIA

Pellit ex animo Dei amorem. Nascitur nobiscum. 109. n. 11. Eius filia tres. ibid. & 166. Est peccati & carnis coniugum primogenitus. 166. Quæ mala pariat. 413. 416.

ANGELVS.

Angeli tutelarum verenda præsentia. 310.

ANIMA ET ANIMVS, vide COR, & CONSCIENTIA.

Eius morbos obesse Perfectioni. 76. n. 13.
Bbbb 3 Animi

Animi mores sequi temperamentum corporis. 77. Animæ potentia; appetitus intellectivus & sensitivus: isque duplex; concupiscibilis & irascibilis. 86. n. 22. Vide APPETITVS. Eius morbi vndecim. 113. n. 18. Errores quinque de animæ origine. 154. 155. Philosophorum sententiæ de animæ immortalitate. 155. Ex animæ potentia fluere potentias. 156. Vide POTENTIA. Anima in actionibus conspicitur. 156. Lumen rationis hominem, ut sol mundum, illuminat. 157. Animam essentialiter vñiri Deo, quid sit. 208. Pulchritudo animæ, iusti hominis exemplo declaratur. 353. Anima est domus, templum, tabernaculum Dei. 368. Vide DOMVS DEI, & TEMPLVM. Animi morbos esse curandos. 417.

APES

Ædificant templum sacræ Eucharistiæ in alucaribus. 368.

APPETITVS

Duplex: intellectivus & sensitivus. 86. n. 22. item irascibilis & concupiscibilis quas passionnes animi producant. ibid. In ijs inflicta vulnera. 105. n. 6. Vulnera irascibilis. 111. n. 15. concupiscibilis. 112. n. 17. Sensitivus qua ratione virtutem æmuletur. 149.

AQUA.

Comparatur gratia aquæ & fonti. 140. & 341.

ARISTOTELES.

In Euripum se dedisse præcipitem, scribit Gregorius Nazianzenus. 88.

ARROGANTIA, vide AMBITIO, PRÆSUMPTIO, & SUPERBIA.

B.

BEATITVDO, vide VITA ÆTERNA.

In patiendo pro Christo viæ beatitudinem consistere. 184. Quæ beatorum operationes. 189. 190. Actus primus beatificus est visio. in ea quatuor requiri, obiectum, potentiam, vñionem obiecti cum potentia. 191. lumen gloriæ. 192. Visionem eorum quæ in Deo sunt, cuique pro merito tribui. 189. n. 37. & 192. Oculo corporis Deum videri non posse. 191. Beatitudinem necessariò amari. Latitæ beatorum: fructus cælestes. 201. vnde oriantur. 202. item laureolæ. Finis hominis quis, & ut differat à beatitudine. ibid. Regnum cælorum venale; eius pretium. 203. 204. Vita æterna. ibid. & quid pro ea perpetuendum. 205. Præclara historia de animarum beatitudine. 205. De eadem sententia Hentici de Gandavo, & Ioannis à Ripa. 208. Cur gaudium vocetur beatitudo. 218. Posse in beatis suspendi gaudium per

Dei potentiam: ut putat Canus factum in passionem Domini. ibid. Viatorum beatitudo caritas. 232. 234. Beatitudinis fructus. 237.

BENEFICIUM.

Beneficiorum à Deo acceptorum ordo triplex: quædam generalia, particularia, quotidiana. 411. Tres aliæ partitiones. 412.

BONA & MALA.

Triplicis generis bona dimittuntur confiliorum professione. 31. n. 6. Tria bonorum genera in homine. 101. Per peccatum originale tria malorum genera incurri. 102. n. 34.

C.

CÆCITAS, CÆCVS, vide INTELLECTVS, & VOLVNTAS.

CALVM, CÆLESTIS GLORIA, vide BEATITVDO.

DESCRIBITVR idea curiæ cælestis. 362. Cur Deus dicatur esse in cælis. 362.

CARIMONIA.

Carimonia Religiosorum sine spiritu parum profunt. 462.

CARITAS, vide DILECTIO PROXIMI.

Eius & scientiæ pulchra combinatio, in præf. n. 8. Præferenda est scientiis humanis. ibid. n. 9. Eiusdem laus & officia. 17. n. 11. Radix bonorum omnium. 33. n. 9. Militat proprijs stipendijs, mercedem non expectat. 219. Eius via maximè sublimis. 222. Quid sit. in ea Perfectionem consistere. 223. Sine ea ceteras virtutes non prodelle, illis esse maiorem, & cum ea ceteras dari. 222. 223. Attingit Deum perfectissimo modo quo potest in hac vita. 223. Præstat reliquis virtutibus Theologicis. 223. 223. Nobilior gratia, ac præstantior. 223. Est participatio diuinæ caritatis. 224. Quidquid gratiæ tribuitur, idem tribuitur & caritati. nos efficit Deo caros. ibid. Nos iustificat: est animæ vita: præseruat à peccato: discernit inter filios Dei & diaboli: facit Deum in nobis habitare: nullus sine ea saluatur, nemo cum ea perit: est radix omnium virtutum: est donum Dei omnium maxum. 224. Coniungit hominem cum Deo archissime. 225. Amicitiam cum Deo conciliat. ibid. n. 19. Declaratur per nouem amicitia conditiones. 226. Per caritatem duos vñum effici. ibid. n. 20. Benevolentiam inter Deum & hominem constare. ibid. Quæ benevolentia diuinæ indicia. 227. Paucos diligendos præcipit caritas. 228. Amicos æquales reddit. ibid. & 229. Inducit voluntatum & iudiciorum conformitatē, & bonorum communio- nem.

mem. 230. Commodis non suis, sed alienis insitit. 231. Generat confidentiam. 232. Est viæ beatitudo. ibid. & 234. Ei beatitudinis fructus respondent. 233. Insignia seu tituli caritatis. 234. Est finis legis, consiliorum, virtutum. ibid. Scripturarum, creaturarum, etiam hominis. 235. Est consummatio præceptorum & consiliorum. ibid. Vita virtutum. anima sine caritate similis est corpori mortuo. infructuosa opera reddit fructuosa: satisfaciunt pro peccatis: meretur operibus bonis: comparatur soli & Filio Dei. 236. Rebus naturalibus vitam tribuit: aliena facit sua, nullo aliorum damno: nos participes facit omnium bonorum: est stimulus omnium virtutum. 237. Facit nos Deo similes: comparatur igni: aduersatur omnibus vitijs. eius fortitudo. 238. Dicitur fortis ut mors: morte fortior: non inferior Deo quoad fortitudinem. 239. Vincit possessorem suum: est sibi avara, alijs prodiga: facit iugum Domini suave: iungit partes seu membra cum capite, & eadem inter se. 240. Miræ vnionum figuræ membrorum & capitis. maritat animam cum Deo. ibid. Comparatur animus ceræ: caritas sigillo. 241. Homo per caritatem inferitur ut surculus corpori Ecclesiæ. Caritas vnit partes inter se. 242. Excitat gaudium omnem humanum sensum excedens. vnde oriatur hoc gaudium. 243. Quæ caritas sit Perfectio. caritas triplex: incipiens, proficiens, & perfecta. 244. 485. Explicatur comparatione ignis ex lignis viridibus excitati. incipiens non est Perfectio. 245. Gradus eius quatuor: vnus infinitus, alter beatorum, tertius omnium iustorum, quartus perfectorum. 246. Proficiens non est Perfectio. duo officia caritatis perfectæ. 247. In hac includi mandatorum Dei obseruationem. 248. Quæ sit perfecta caritas, iudicio sanctorum Patrum. 249. n. 47. Ab amando nemo debet excusari. 251. n. 43. Miræ illius laudes. 250. n. 42. Eam esse maiorem martyrio: homines similes Angelis reddere. 252. Perfectionem in ea consistere. 249. Eius thronus & ancillæ. 254. fercula & officia decem. 271. Caritati subinde à Scriptura tota ratio meriti tribuitur. subinde etiam alijs virtutibus. 274. Crescit habitus caritatis omnium virtutum actibus. 279. In cælo virtutes omnes æquales erunt habitui caritatis. 280. In caritate gratia & habitus tantum crescunt, quantus actus est quo meremur. 291. non item in alijs virtutibus. 290. 291. Vtilissimum est omnia opera in finem caritatis referre. 380. n. 79. & 381. Maxime idonea est ad destructionem prauorum habituum. 455 473. 475. Vnica caritas sufficiens ad vincendas omnes tentationes. 471. Caritas obediens caritatis. 473. Iungendi aliarum virtutum actus cum caritate. ibidem.

Studium diuinæ gloriæ in omnibus actionibus adhibendum: esseque hoc debet primum excusitum. 475. 486. Dignitas actuum caritatis. 476.

C A R O.

Carnis incentiua molesta homini. 117. n. 25. Eius coniugium cum peccato, eius proles. 166. Eius sapientia. 167.

C A S T I T A S

Commendatur in veteri lege. 30. n. 533. n. 10. & in Euangelio instituitur. 31. n. 6. Eius votum. 32. n. 7. B. Virgo Maria vouit castitatem. 34. Eius exempla. ibidem. Eius commendatio in Equitio Abbate, S. Thoma Aquinate. 144. Ignatio. 148. Gregorio Nazianzeno. 145.

C E R V V S

Perfectionis symbolum. 29. n. 3.

C H R I S T V S I E S V S

Imago Patris perfectissima. 9. n. 5. In eo omnes Dei Perfectiones representantur. equeque ille sint. n. 6. & seq. in eius natiuitate. 10. n. 7. in vita. n. 8. in passione. 11. n. 9. Christi virtutes cum infinitis Dei attributis comparatæ. 10. n. 8. 11. n. 9. De Christo pauca esse scripta. comparatur aceruo tritici. 10. n. 8. & malo granato. 11. n. 9. Christus quomodo Rex fuerit in hoc mundo. tamen nomen Regis semper auersatus est. 14. n. 6. Triplici de causa à fomite peccati immunis fuit. 150. Nos esse in corpore Christi. 343. vide P A S S I O C H R I S T I. Quomodo Christus vbique esse dicatur. 363. Fideles esse membra corporis Christi. 381.

C O G N I T I O S V I E T D E I.

Eius necessitas explicatur exemplo, & sanctorum Patrum auctoritate, in præfat. n. 14. Primus fructus præsentiae diuinæ, cognitio sui & Dei. 319. 320. Eius præclarum exemplum. 321. fructus varij. ibid.

C O L L A T I O S P I R I T V A L I S.

Eius forma & partes. 484. Præcepta varia eiusdem. ibid. & sequentibus.

C O M P L E X I O N A T V R A L I S,
vide C O R P V S.

Complexionem bonam virtutis functionibus suffragari. eius & temperamenti differentia. 77. n. 14. Eius natura describitur. ibid. variae complexionones. 77. n. 14. & sequent. sanguinea aëri simillima. 78. Melancholia sedimentum & sex sanguinis. ibid. Vitia complexionis sanguineæ. 80. n. 16. & seq. cholericae. 81. n. 17. phlegmaticæ. 82. n. 18. melancholicæ. n. 19. Complexionum mixtionones. 84. Mala complexio obest studio Perfectionis. ibid. ad eius correctionem ac mutationem duo requiri. 93. n. 27.

n. 27. & seq. Deteriorem per gratiam restaurari. 95. & seq. Affectiones prauæ ex complexione ortæ. 118. n. 27.

COMPREHENSIO

In quo consistat in statu beatifico. 193. Duo in ea requiruntur. 194. Ut differat à visione. 195.

CONCUPISCENTIA

Radix omnium malorum. ad tria capita reuocatur. 33. n. 9. Remanet ad probationem. 99. n. 35. Eius immanitas. 112. n. 17. vide APPETITVS, & CARO. Concupiscentiæ fomite sine speciali priuilegio carere neminem. 143. An supprimi possit omnino, & quibus rationibus. 143. per totum caput 23. vide PASSIO, & ROMES. Exerit se, quando datur occasio motibus peccatorum. 152. Præuertit rationem. 150. Vocatur peccatum. 161. Non semper censetur dominari. ibid. Eius effectus atque incommoda. 451. 452.

CONFIDENTIA, vide FIDV CIA.

CONSCIENTIA

Est timenda. 311. Recens & rarum huius rei exemplum. 312. Censori similis est. 406. Quadrupe: dura, frigida, carnea, tenera. 407. Viri sancti facile cognoscunt conscientie suæ statum. 413. Conscientiæ examinandæ ratio. 414. Conscientia domus quadam & officina. 457.

CONSILIVM.

Praua consilia nocent priuatis & publicis rebus. 115. n. 23.

CONSILIA EVANGELICA.

In veteri lege insinuat ac suadetur castitas. 30. n. 5. Formula ac norma vitæ perfectæ à Christo instituta. 31. n. 6. Bona triplicis generis dimittuntur consiliorum professione. vt paupertas voto etiam confirmata. 31. n. 6. Ananias & Saphira ob votum violatum puniuntur. 32. n. 6. Castitas & obedientia suadentur. n. 7. Præmia proposita sequentibus consilia. n. 8. Consiliorum actus ad Perfectionem assequendam maximè idonea. 274.

CONSOLATIO, vide GAVDIVM.

Datur in laboribus & tribulationibus pro Christo susceptis. 512. 513. & sperantibus in Domino. ibid. Non est certa expectanda in hoc mundo. 514.

CONSTANTIA, vide FORTITVDO.

Seruanda in susceptis exercitijs spiritualibus. 485.

CONSVETVDO

Est valde impotens, & quasi secunda natura. 117. n. 25. 450.

CONTEMPLATIO.

Per contemplationem in Deo versantur, quod Elzearii exemplo declaratur. 342. Per eam in Deo sumus, instar auium in aëre ac sole degentium. 344.

CONVERSIONES

Benedicti de Goetz. 25. n. 14. Catharinæ Godez. 37. n. 13. Ioannis Nunni. ibid. & aliter adolescentis. 36. n. 13. Ad conuersionem duo requiri, mutationem voluntatis & intentionis. 93. n. 27. & seq. Bonifacius mutatur in alium virum. 95. n. 29. Leo S. Gerasimi mansuecit. 96. lupus S. Francisci. 97. n. 31. David Iatro. ibid. Babylas minus. 98. n. 33. Iason Maynus, Michaël Stenus. 99. n. 34. Potamius Episcopus Brachienfis. 415.

COR.

Anima quatuor partibus vititur ad conseruationem vitæ: corde, hepate, cerebro, pulmonibus. quid hæc spiritualiter significant. 172. n. 20. Cor durum quid. 400. Cordis puritas destruit prauos habitus. 455.

CORPV S.

Difficultas seruiendi Deo ex parte mortalis corporis. 61. n. 1. Eius temperamentū & complexionem conuenientem nancisci, singulare esse beneficium. 61. n. 2. & 62. n. 3. Deum in vtero matris concurrere speciali prouidentia in formandis corpore, eius partibus, temperamento & complexione. 62. n. 3. probatur in Adamo & Eva. ibid. in Abrahamo. 63. Isaac, Iacob, Moyses. ibid. in Iob. n. 4. Dauide. 64. Salomone, Ioanne Baptista, & alijs. ibid. probatur id rationibus. n. 5. vide TEMPERAMENTVM. Corporis gloriosi qualitates in cælo requirunt in via aliquam proportionem. 65. Corpora indigent auxilio supernaturali secundum tres status. 65. Componitur ex quatuor elementis. 67. n. 7. Qualitates primæ. ibid. Sensus corporis, vide SENSVS. Quomodo formetur in vtero matris. 77. n. 14. Corporis necessitates tempus ad bene agendum mirè præcipiunt. 108. Ciborum necessitates omitti non posse, probatur parabola Serapionis. 147. Corpora quomodo æternam victura dicantur. 186. quæ ratione viuunt spiritualiter, & inde æternaliter. 179. n. 27. Corporis morumque cõpositio. 329.

CORRECTIO FRATERNA ET INFERIORVM.

Commendatur correctio inferiorum & fraterna loco & tempore. 468.

CORVVS.

Coruorum qualitates, & quid significant. 408. Emissus ex arca non redijt. ibid.

CREARE.

CREARE.

An initio rerum omnia simul creata. 39. n. 1.

CRUX.

Crucis symbolum baculus Davidis contra Goliath. 471. Constantinus virtute crucis, quam in labaro gestabat, victorias retulit memorabiles: contra Maxentium. 551. contra Maximinum. ibid. contra Licinium; Imperatores. 552. Theodosius item contra Eugenium tyrannum. 553. Idem fecit Osualdus Anglorum Rex contra Regem Britonum impium. ibid.

CULTVS DIVINVS

Est promouendus, etiam exterior. 468.

D.

DÆMON, DIABOLVS.

QUOD potens sit ad nos tentandos; eius insidiæ. 118. n. 26. Tentat Rufinum de prædestinatione. 118. n. 27. Quæ pati paratus sit, ut vis beatitudinis perditum recuperet. 495.

DAMNATI.

Damnatorum vita non est vita. 182. vocatur mors secunda. ibid. An credant. 502.

DEFECTVS, vide PECCATVM, & VITIUM.

Interni defectus non facile cognoscuntur. 432. maxime à tironibus, à solitarijs, subditis, Præsidibus. 433. Capitales defectus in primis euellendi. 420. 421. 473. 478. 486. vicissim sunt exterminandi. 478. 488. Quotidiani defectus exagitandi. 489. subinde plures simul. ibid. Perfectos non carere defectibus. 491.

DELECTATIO, vide GAVDIVM.

DESPERATIO

Vnde nascatur, & eius damna. 532.

DEVS

Vnus omni ex parte perfectus. 1. n. 1. Est esse per se subsistens: esse rerum omnium. n. 2. Est virtus tota & vniuersalis essendi. n. 3. Est causa ad quam ceteræ vltimò referuntur. 3. n. 4. Est causa efficiens rerum omnium. n. 5. In eo res omnes eminenter continentur. n. 5. Est purus actus. 5. n. 6. Est finis suus. 6. n. 7. Est exemplar Perfectionis. 6. n. 1. Homo Dei imago. 6. & 7. Deus architectus rerum omnium. 3. n. 4. Honorem soli Deo debere, & meritò. 13. n. 4. Deus lubenter versari dicitur cum humilibus. declaratur apta similitudine. 13. n. 5. Cum submittere se & obedire non possit, se hominem fecit, ut id præstaret. 9. n. 6. Est auctor Perfectionis. 18. toto cap. 4. Formatur hominis corpus in utero matris. 19. n. 1. Est auctor naturæ. ibid.

operum nostrorum. 19. n. 2. & 25. n. 14. & 28. n. 1. Vult omnes esse perfectos. 28. n. 1. Offert hominibus plurimas commoditates. ibid. per totum cap. 5. Dei misericordia in conuersione Benedicti Goetz. 25. n. 14. Dei perfecta esse opera. 39. n. 1. per totum cap. 6. Dei & architecti differentia in operando. 39. n. 1. Dei solius operationes perfectæ. 40. 41. n. 3. Operum Dei quædam nociua videntur. 32. n. 4. Dei opera perfecta, si ornatum spectes vniuersi. 43. n. 5. Singula Dei perfecta opera, siue quæ per se, siue quæ per causas secundas facit. 43. n. 5. Eius sapientia in creaturis elucet. 45. n. 7. Deus necessario amatur in patria, non ita in via. 201. Dei præsentia, vide PRÆSENTIA DEI. Notitia de Deo ex præsentia diuinæ apprehensione oritur. 320. Deus mari comparatur. 339. Deus est in rebus omnibus tribus modis: per essentiam, præsentiam, potentiam. 333. Deum non esse animam mundi, sed quid præstâtus. 335. esse lumen infinitum omnia penetrans, non tamen exclusum. 337. Rationes sex quibus in Deo esse censetur. 339. Deus operatur in omnibus creaturis. 346. Cur in cælis esse dicatur, cum sit vbique. 362. Idea diuinæ Maiestatis regnantis in cælo. ibid. Deus spectator & remunerator omnium laborum, certaminum, & operum. 376. Magno solatio esse debere, à Deo videri labores nostros. 376. Hæc consideratio inflamat animos pugnantium; Deusque vires ipsidem subministrat. exempla Iob, Tobia, & aliorum. 377. Videt Deus etiam ignauos, & punit: ei que vindictæ loco seruiunt omnia elementa. 379. & bestia. 380. Ad Deum omnia opera referenda. ibid. Huius exercitij eximie utilitates; addita allegoria Eliæ Deum contra Baal inuocantis. 381. Deum in Superioribus agnoscendum & honorandum. 382. In ijs Deus est, imò & in subditis, ut Rex in suo regno per potentiam. 383. In illis Deus videndus exemplo Catharinæ Senensis. 383. Ex intuitu filiorum Dei, magnam promanare lætitiâ spirituale. 384. Deum de nobis perpetuò cogitare. 449.

DIABOLVS, vide DÆMON.

DIFFIDENTIA SVI.

Viribus debet homo diffidere ob tentationes molestas. 100. & 151. n. 6. Est pars virtutis spei. 514. Laus & utilitates eiusdem. 517. 528. Eius necessitas ad res bene gerendas. 529. Iungi debet spei, alioquin desperationem generat. 532. Magna & ardua perficit, & hominem reddit omnipotentem. 533. & totis capitibus 40. 41.

DILECTIO PROXIMI.

In ea partem Perfectionis esse reponendam. 249. Proximus affectu & effectu diligendus. ibid.

Cccc

DILI

DILIGENTIA, vide NEGLIGENTIA.

Necessaria est ad motus & peccata vitanda. 151. 154.

DIVITIÆ

Sunt fallaces. 517.

DOMVS DEI, vide TEMPLVM, & SPIRITVS.

E.

EMINENTER.

VNUM in alio eminenter contineri, quid. 3. In Deo omnia eminenter inueniri. ibidem.

ERROR

Magnum in homine malum. 105. n. 7.

ESSENTIALIS VNIO.

An possit esse animæ unio essentialis cum Deo. 208. Animam Deo vniri essentialiter, quid. ibid. Tribus modis id fieri posse. 209. Naturam diuinam non vniri essentia animæ, probatur. 211. Actum amoris infundi à Deo in animæ essentiam, tribus modis posse intelligi. 212.

EUCHARISTIA, vide SACRAMENTVM.

Cibus animæ est. 171. Multum promouet Perfectionem. 275. Nobis Deus præsens est in Eucharistia. 366. Vtile est orare coram Eucharistia, & quæ reuerentia requiratur. 367. Eucharistia templum apes exstruunt in alucariis. 368. Eucharistia gladio Goliath comparatur. 479. Eius vsus utilis cum studio mortificationis. ibid. Eius utilitates. 480. Reuerentia & deuotio P. Thomæ Sanchez erga sacram Eucharistiam. 498.

EXAMEN

Triplex: generale, particulare, atque hoc duplex. 406. Examinis tres species. 407. prima columbæ comparatur. 408. secunda & tertia explicantur. 409. Examinis generalis necessitas & utilitas. 410. Eius partes quinque. 411. vsus. 412. Modus examinandi conscientiam. 414. Examinis particularis utilitas. 416. 417. Examen secundum cur particulare vocetur. 417. Vnum tantum in examine particulari vitium esse prosequendum. 418. Examinis particularis formula; tempora tria. 421. Tempus matutinum. 422. In examine pro defectibus sibi poena imponenda. 425. Tempus meridianum & vespertinum. 424. Vltimo septimane die recollectionem esse faciendam. 425. Examen tertium,

quo vitiosi habitus euellantur, & virtutes inferuntur. 425. Examinis generalis figura. 425. item particularis. 426. Quædam desiderari in examinis particularis formula. 427. Necessitas examinis particularis secundi. quæ in ratione dati & accepti obseruanda. 431. Tria examina in vnum simul concurrere. ibid. in tertio oppugnandi præcipui defectus. 486. canenda negligentia: quædam scripto annotanda. 487. Magister peritus ad discendum, qui dirigat. 484. Recollectio diurna frequens. 485. Propositi constantia. ibid. Rectitudo intentionis. 486. Dignoscendi varij motus. 487. Sigillatim vitia exigenda. 488. Quotidiani defectus exagrandi, & quomodo plures simul. 489. Proficentium proficiendi modus. 490.

EXEMPLVM.

Exempla malorum magnam vim habent. 116. n. 24.

F.

FEVROR

INITIO adhibendus quærenti Perfectionem. in præfat. n. 13. Auger meritum. 283. Feruoris causæ duæ: & pulchræ similitudines. 284. Cautio in feruore seruanda. ibid. Utilitates feruoris, seu actuum intensorum. 289. per totum cap. 38. Insignis feruor S. Elzarij Comitis. 342. Præcepta quedam ad feruorem excitandum. 438. 482. Quo ardore quærenda Perfectio sit. 439. Destruit prauos habitus. 455. Modus acquirendi feruoris; & quomodo nemo se possit excusare. 477. Feruor numquam remissus in P. Thomæ Sanchez. 499.

FIDES.

Fidei necessitas. 174. Eius vsus & non vsus. ibid. Fidei cognitio aliquando caritatem præcedit, aliquando sequitur. 317. 318. 320. n. 25. Constanter fides profitenda. 468. Fides quid. Eius praxis. 500. & 511. Eius cognitio obscura, certa tamen. 501. Ex vno articulo fidei multa in praxim deducenda. ibid. Paucos esse qui fide vtantur. non vtuntur beati, damnati, pueri, amentes, hæretici, infideles, politici, quorum simulatio detegitur. 502. 503. Christiani multi raro vtuntur; multi sola phantasia, aut humanis rationibus: quod exemplis sit manifestum. 504. 505. 506. 507. Exhortatio qua suaderetur ne humanis in agendo rationibus moueamur. 506. Vfus fidei æquæ familiaris sit ac elementorum. 508. Luceat nocte ambulantes. ibid. Emolumenta praxis fidei. 509. Fidei praxis rationibus suaderetur. ibid.

FIDV-

FIDV CIA IN DEVM, seu CONFIDENTIA, vide SPES, & FIDES.

Fidenti in Deum promittitur omnipotentia. 133. n. 20. 533. & totis capitibus 40. 41. Necellaria est ad prauos motus excludendos. 152. Eius diuersi gradus. 542. Grano sinapis comparatur. 541. 546.

FINIS HOMINIS

Quis, & vt differat à beatitudine. 202.

FOMES PECCATI.

Caruit fomite B. Virgo, & omni peccato. 123. 144. An possit extingui. 143. per totum caput 23. Fomitis extinguendi rationes tres. 149. Christus triplici de causa caruit fomite. 150. Gradus ad debilitandam fomitem. 151.

FORTITVDO ANIMI, vide CARITAS.

Hanc iuuat resolutio ad bene agendum. eius effectus. 419. Etsi contingat hominem labi sapius, non ideo abiiciendus animus. ibid. Quæ sit hominis in caritate existentis fortitudo. 239.

FRANCISCVS BORGIA

Ex rebus omnibus conceptus spirituales eliciebat. 348.

FRVCTVS

In cælo reddentur alij centesimus, alij sexagesimus, alij trigessimus. 201. Vnde oriuntur. 202. Fructus præsentis diuinæ varij. 319.

FRVNDATORES ORDINVM

Videre internas cogitationes & intentiones suorum Religiosorum. 310.

G.

GAVDIVM seu DELECTATIO

Est animi passio. 87. Eius vis. 88. In delectatione Perfectionem non consistere. 217. nec beatitudinem. 218. Gaudij excitari à caritate, quod omnem sensum superat. vnde oriatur. 345. Læticia spiritualis, fructus præsentis Dei. 227. Quæ læticia spiritualis nascatur ex conspectu filiorum & seruorum Dei. 384. Voluptas interna maxima. 458.

GLORIA VANA, vide VANA GLORIA.

Domita in Beato Ignatio. 148.

GRATIA

Quæ præcedat iustificationem. 22. n. 7. & sequentibus. Voluntas eidem repugnat. n. 8. Est duplex: sufficiens. 23. n. 9. & efficax. n. 10. Hac à nullo corde duro respuitur. 24. n. 10. Libertas saluatur cum gratia efficaci. n. 11. Effic in nostra potestate, habere gratiam efficacem. n. 12. Gratia cooperans quæ. n. 13. Habitus gratiæ & virtutum necessarij. 26. n. 15. Sine gratia impossibile est hominem perfici. 27. n. 17. Gratia sanari intemperiem, & prauam complexionem. 90. n. 25. & seq. Insignes gratiæ effectus. 91. Deteriorem complexionem restaurari gratia, exemplis demonstratur. 95. n. 29. per totum caput 16. Gratia per oleum designata. 121. n. 1. & 2. Gratia nomen. 121. n. 3. Cur dicatur vita æterna. 122. Tres eius notiones. n. 4. Gratia non indignis data quæ; quæ indignis, merita nostra gratia vocantur. ibid. Gratia æterna. 123. n. 5. & temporalis. ibid. Gratia gratis datæ, & earum finis, quid sint. quid gratia specialis. 123. n. 5. Gratia prærogatiua. 9. 124. Sine gratia speciali præcepta seruari non posse. 124. nec tentationes superari. 125. 126. 531. Auxilium generale quid. 129. n. 15. Gratia specialis officia. primum præuenit conatus nostros. 129. n. 17. illuminando peccatores. ibid. iustos. 130. consolando. ibid. Gratia excitans quid; adiuuans, & eius officium. ibid. Gratia sufficiens. 131. ex parte intellectus; voluntatis. ibid. Sufficiens datur omnibus. 132. Cur ita vocetur. 133. n. 20. Efficax vt differat à sufficiente. ibid. n. 21. Gratia efficaci effectus duo. 135. Gratia operans & cooperans. ibid. Gratia habitualis tituli: vestis vocatur. 136. n. 23. Gratiam habitualemente esse in essentia animæ, & dare vitæ spirituali esse diuinum, & ex ea oriri habitus. ibid. & 140. n. 25. esse formam animæ, seu vitam spiritualem. 137. est vita animæ. ibid. per eam nos Deo caros effici. efficiamur filij Dei, & heredes. ibid. excludit peccatum. 138. est causa iustificationis. sedem in anima nostra Deo præparat. 138. corpora nostra Deo dedicat. ibid. est thesaurus incomparabilis. 139. mutationes in animo mirabiles inducit: item in corpore. 139. fonti comparatur. 140. n. 25. & quidem aquæ viuæ. 141. & salientis. ibid. & perennis. 142. A gratia fonte quatuor in animæ potentias flumij deriuantur. n. 26. Arbori comparatur. 143. Gratia actualis miris modis hominem excitat. 177. Vita gratiæ est vera vita. 183. n. 31. est beata. ibid. æterna. 184. Gratia habitualis remanet in patria. 187. Auxilium & concursus Dei in actibus supernaturalibus duplex. ordinarius etiam duplex: alius momentaneus, alius longioris durationis. ibid. Perfectionem

Cccc 2

non

non consistere in auxilio supernaturali. 212. Collatio gratiæ & caritatis. 223. 224. Gratia nos Deo facit gratos, iustificat, est animæ vita, præseruat à peccato. Deum in nobis facit habitare, separat filios regni à filiis perditionis, est omnium donorum maximum. 224. Coniungit hominem Deo arctissimè. 225. Amicitiam cum Deo conciliat. n. 19. Condiciones veræ amicitia nouem inducit. 226. Indicia quibus homo cognoscitur esse in gratia. 227. Gratia & virtutes in prima iustificatione dantur in eodem gradu. 277. Illa augetur nostro labore. 278. Opera minùs intensâ quàm habitus augent gratiam. 278. 289. Quando operum præmium reddatur. 278. Actibus virtutum augetur gratia. 279. Ad augmentum gratiæ valent operis præstantia & actuum intensio. 289. Omnis actus iusti auget gratiam & habitum virtutis, etiam si remissus. 289. Qua ratione crescat gratia, & quot gradibus. *ibid.* Meditantibus necessaria. 342. An gratia efficax sit causa efficiens negotiationis. 436. Sine ea vitia destrui non posse, nec acquiri virtutes. 531.

H.

HABITVS.

HABITVS virtutum supernaturalium ac gratiæ necessarij. 26. n. 15. Infunduntur cum gratia. 53. n. 10. Comparantur cum toga polymita Ioseph. *ibid.* Crescunt per actus. 54. & 55. n. 12. Quomodo euellantur prauis habitus. 151. Non sufficiunt habitus virtutum, etiam intensi, ad impediendum motus fomitis & tentationes. 149. Opera mereri augmentum, etsi actus minùs intensi sint quàm habitus. 269. 278. 289. 295. Crescit habitus caritatis omnium virtutum actibus; aliarum autem virtutum non aliter quàm proprio. 279. Qua ratione crescant habitus gratiæ & virtutum per actus etiam remissos. 289. & quot gradibus. 290. 291. Crescunt virtutum habitus iuxta actuum latitudinem. 291. Modus operandi ex tota latitudine habitus. 292. 295. Habitus ex actibus enasci & augeri. 450. Præuorum habituum tres radices: concupiscentia. 451. complexio praua; & consuetudo. 452. Duplici ratione prauos habitus propelli: cessatio. ne. 453. actibus contrarijs. 454. Allegoria Sifæ id probatur. *ibid.* Quæ virtutes concurrant ad destructionem prauorum habituum. 455. Virtutis actus oppositum vitium destruit. 456. Ratio euellendi prauos habitus. 473. 475. Pravi habitus foundationem virtutum impediunt. 488. Qui vitium oppugnat, virtutem acquirit contrariam.

HOMO

Imago Dei. 6. p. 1. Eius formatio in vtero

matris. 77. n. 14. Quid per peccatum originale perdidit. 102. n. 2. Hominem in puris naturalibus non esse conditum, nec destinatum ad finem naturalem. 103. n. 4. Quibus spoliatus per peccatum originale. 104. n. 5. Curiosè peccata aliena considerat, sua negligit. 107. n. 9. Quis finis hominis, & ut differat à beatitudine. 202. Cur homo præ ceteris creaturis amandus. 352. Hominis interni domus & recessus. 457. 458. 459. Variz hominis actiones. 459. Interna conuersatio hominis describitur. 457. Est causa feruoris externi. 461. Qui toti externi sunt, parum proficiunt. 462.

HONOR.

Honorem soli Deo deberi. 13. n. 4.

HOSTIS.

Hostes spirituales omnino esse sternendos, & vitia destruenda. 428. Hominis hostes sex recensentur. 534.

HUMILITAS.

Eius necessitas studiosis, etiam mysticæ scientiæ. in præfat. n. 17. Deus humilibus semper adesse dicitur, & pulchra similitudine ostenditur. 13. n. 5. Humilitatis necessitas. 14. n. 6. Iusta humilitatis materia & causa. 101. Est soror timoris. 325. Nascitur ex præsentia Dei. 326. Studium humilitatis in P. Thoma Sanchez. 498. Nullum vitium superari posse sine humilitate. 531.

I.

IESVS CHRISTVS, vide CHRISTVS IESVS.

B. IGNATIVS LOYOLA.

EIVS castitas eximia, & victoria contra cenodoxia vitium. 148.

IGNORANTIA.

Ignorantia superbiz mater. in præfat. n. 8. Sæpe homines ignorantia delinquere, ut patet in Iudæis. 92. In homine magnum malum: eius multi gradus. 106. n. 6. & seq. Ignoratio finis vltimi, mediorum, rerum naturalium. 106. Ignorantia sui. 107. n. 9. Aliorum curiosa indagatio & cognitio vitiorum. 107. n. 9.

IMAGO, vide CHRISTVS.

Homo Dei imago. 6. n. 1. quomodo id per naturam, quomodo per gratiam. 7. n. 2. si deformatur, qua ratione restauretur. 7. n. 1. Lex naturæ & vetus quomodo imago diuinarum Perfectionum. 8. n. 3. Per imagines Deum nobis præsentem reddimus. 364. Sunt libri idiotarum & doctorum. *ibid.* Forma orandi ad imagines. 365. S. Antoninus eleuatus ad latus crucifixi. *ibid.* Alia miracula. 366.

I M I.

IMITARI, IMITATIO.

Perperam imitantium Dei Perfectiones formula. 12. n. 1. Videndum quid in alijs imitetur. 493.

IMPERFECTIO & IMPERFECTI.

Imperfectio quid, & unde imperfecti dicamur. 2. n. 3. & 5. n. 6. Imperfectiones alienas videmus, non nostras. 107. n. 9.

INACTIO.

Sententia de inactione exponitur. 207. Quid sit. ibid. Inactionem non esse actum creatum. 214. nec increatum. 215. Inactio hæc septem modis fieri potest. ibid. Ecclesia neminem excitat ad inactionem. illa, quia incognita, non potest proponi ut Perfectio. 217.

INFIRMITAS

Spiritualis, est propensio ad malum, difficultas ad bonum. 110. Vide PECCATVM ORIGINALI.

INTELLECTVS

Vulnera, error, & ignorantia, eaque varia. 105. & seq. Eius cæcitas magnum malum. 108. n. 10. & 109. n. 11. Est dux viæ, voluntatis. ibid. Duplex in homine cæcitas. ibid. Format sibi spirituales conceptus ex rebus omnibus. 350.

INTENTIO.

Intentiones cordium à Deo videri. 305. Bona intentio actibus formam & dignitatem confert. 441. Qualis esse debeat initio. ibid. in medio & fine actionum. 442. Mala, bona intentione non sunt bona. 442. Intentio triplex. ibid. Temeraria, & eius incommoda. 443. Generalis. 444. Fraudulenta. 445. Malitiosa. 446. Depravata. 448. Opponitur simplicitati. ibid. Recta & specialis, eiusque fructus. 449. Exercitium rectæ intentionis primum omnibus præmittendum. 475. & 486.

IOANNES BAPTISTA

Vnus ex magistris vitæ perfectionis. 34. n. 10. Vocatur à Deo in vtero matris; cum vsu rationis sanctificatur. 35. n. 11.

IRA

Ex bili nascitur. 81. n. 17. Est passio animi. 87. Eius vis. 88. & 111. n. 15. Vide APPETITVS IRASCIBILIS.

L

LABORARE, LABOR.

PRÆCLARÆ res non sine labore acquiruntur. 220. Ludis Olympicis hoc declaratur. ibid. Laborum præmia mundanorum. ibid. Magno esse solatio, labores nostros à Deo

videri. 376. & remunerari etiam in hoc sæculo. 379. Continuo labore tandem agrum incultum conscientia expurgari. 418.

LÆTITIA, vide GAVDIVM.

LAVREOLÆ

Quibus dentur in caelis. 202.

LEX.

Lex naturæ & vetus quomodo diuinarum Perfectionum imago. 8. n. 3. Lex vetus vocatur peccatum. 9. n. 4. Est imperfecta. 44. n. 6. Lex naturæ unde oriatur. 157. Legum primum principium bimembre. ibid. Leges ab utili ductæ: ab honesto duplices. ibid. Leges quas peccatum regnans in nobis edit, promulgat, & exequi facit. 161. Quas leges ferat sapientia. 175. Legis finis caritas. 234.

LIBERALITAS

Commendatur in S. Francisco, Bernardo, & Siluestro. 146. in Serapione. 147.

LIBERTAS

Saluatur cum gratia efficaci. 24. n. 11. Praua naturæ complexio non tollit libertatem. 8. Eam labefactat peccati regnum & dominatus. 161. Auget meritum. 285.

LINGVA, LOQVI.

Quomodo loquendum. 328. quibus de rebus. 329. In sermone vitanda iactantia & arrogancia. n. 35. In conversatione qualis sermo esse debeat. n. 36. Interna animæ cum Deo locutio. 370. Linguae coercendæ difficultas. 466. Sermones debent esse sensati. 467. Moderatio linguae in P. Thoma Sanchez. 497.

LVDVS.

Quinque ludi Olympici declarantur. 220.

LVMEN.

Luminum spiritualium varia genera: fidei. 174. sapientia. 175. prudentia. 177. actuale. n. 24. Lumen gloriæ ad beatificam visionem necessarium. 192. Non deesse lumina ac consilia in tentationibus, alijsque rebus agendis, si aduertere vellemus. 178. Quomodo Deus sit lumen infinitum per omnia diffusum. 337.

M.

MACHIAVELLVS.

PRÆCEPTA scholæ Machiauellisticae. 166. Qui eo vtantur. 503.

MAGISTER

Seu director spiritualis diligendus est. 484.

CCCC 3

MALVM,

MALVM, vide BONVM.

MANDATVM, vide PRÆCEPTA.

MARIA DEI MATER ET VIRGO.

Vt Præfcs palæstræ Perfectionis colenda. in præfat. n. 18. Magno miraculo conuertit Benedictum de Goz. 25. n. 14. Vocat ad Societatem Ioannem Nunnum. 37. n. 13. Vouit ipsa castitatem. 34. n. 10. Caruit fomite, & omni peccato. 128. 143. 144. Quomodo fomes ligatus in Beata Virgine. 149. n. 29. Oranti Patri Thomæ Sanchez soluit linguæ impedimentum. 496. Erga ipsam eiusdem pietas & affectus. 498.

MATERIA

Omnino ex se imperfecta. 5. n. 6.

MEDICINA & MEDICI.

Eorum vsus necessarius: à Deo institutus. 70. n. 11.

MEDITATIO, vide CONTEMPLATIO.

Hepati comparatur. eius necessitas & vis. 178. n. 24. Iuuatur subsidio diuinæ gratiæ. 342. Ex profanis rebus elicienda spiritualia, & ex rebus omnibus. 347. modus & exempla ponuntur. 348. Flos inducitur Deum laudans. 349. Animalibus ruminantibus cōparatur. 355.

MERCES, vide PRÆMIA.

MERITVM, MERERI.

Quæ opera mereantur augmentum gratiæ. 261. & seq. quæ non. 254. & seq. Singulis operibus in hoc mundo illico reddi mercedem. 276. Quæ meritum augeant, octo traduntur. 281. vitæ sanctitas in primis. ibid. Duo in bono opere à Deo spectari. ibid. Operibus nostris respondere mercedem per modum iustitiæ distributiæ. 282. Continuatio non facit actum intrinsecè meliorem. 283. Feruor augeat meritum. ibid. Actus intensi, seu feruoris, causæ duæ; feruoris ac meriti pulchræ similitudines. 284. Libertas augeat meritum, vti opera ex voto & tota habitus latitudine facta. 285. Opera ardua ac difficilia. difficultas ex quatuor capitibus oritur. ibid. Augeat etiam liberalis & profusa operatio. 286. Quod optimum operationis genus. 287. Quanta merces singulis operibus reddatur, & quot gradibus gratia ac virtutes augeantur. 289. Meriti conditiones. 289. Computatio magnæ mercedis operantium ex tota latitudine habitus. 291.

MIRACVLA.

Subinde miracula fieri à peccatoribus & impiis. 543. Fides miraculorū quæ. ibid. Quæ requirantur ad miracula patranda. ibid. & 544. Prodigia ab Apostolis facta; à viris Apostolicis, à studiosis Perfectionis. 545. Virtus grani sinapis cum fide miraculorum comparatur. 546.

MODESTIA.

Quædam modestiæ documenta. 325.

MORBVS.

Morborum origo declaratur. 69. n. 9. Christus morbos non assumpsit. 70. n. 11. Morborum incommoda. 70. 71. 72. Morbi animi vndecim. 113. Vide ANIMVS. Senectutem morbis esse obnoxiam. 73. & seq. ideo minus idoneam Perfectioni acquirendæ. ibid. Morbos animorum esse curandos. 417. Curantur gratia Christi. 120.

MORES.

Animi mores sequi temperamentum corporis. 77. n. 14. & seq. Sequuntur naturam regionis, & matris, ac nutritis. 79. Ad morum mutationem duo requiri. 93. & seq. declaratur pulchra similitudine. ibid. Morum cōpositio nascitur ex præsentia Dei. 327. 330. Qui deceant in sacris, in meditatione, in domibus, in cubiculis. 331. circa lectum. 332.

MORS

Naturali vitæ contraria. 160. Quid sit mors. 168. n. 15. Mors peccati. 168. Figuratur per Christi mortem. ibid. Multa à mortalibus fieri ad vitandā mortem. 159. Mors spiritualis quid. 182.

MORTIFICATIO.

Quomodo peccata & passionis mortificanda. cōparantur vitia ferocibus bestiis. 59. n. 18. Cur mortificationes fiant: cum exemplis. 100. n. 36. Exempli eorum qui egregiè mortificati, & quasi sine passione fuerunt. 144.

MVLTIPPLICATIO, vide PROPECTVS, & VIRTVS.

MVNDVS.

Mundi illecebræ. 115. n. 22. Sitne mundus animatus. 334. An Deus eius anima. 336.

MYSTICA SCIENTIA.

Mystica scientiæ humanas disciplinas non esse impedimento, in præfat. à n. 2. vsque ad 9. longè lateque probatur.

N.

NABAL.

A LLEGORIA Nabal. 322.

NATARE

Quid sit spiritualiter. 342.

NATVRA

Non est sufficiens principium Perfectionis. 19. n. 2. 22. n. 7. repugnat Perfectioni. n. 3. 22. n. 8. Naturæ viribus homo diu stare non potest in statu gratiæ. 20. n. 4. Admiranda quædam in rerum natura in corpore humano, stirpibus, animalibus. 46. à n. 7. Eius inconstantia. 113. Bona

NATURÆ

naturæ condicio multum iuuat ad motus inordinatos excludendos. 150. Animales seu naturales actiones ad Perfectionem non pertinere. 257. Bonum naturæ esse non posse regulam nostrarum actionum: esse malum agere quia natura appetit. 259. Teneri hominem agere secundum rectam rationem. 261. Actus ex obiecto bonus non indiget relatione ad finem vltimum. 264.

NEGLIGENTIA.

Negligentia in rebus ad salutem pertinentibus: diligentia in acquirendis diuitiis. 112. Cauenda negligentia in examine tertio. 487.

NEGOTIATIO.

Negotiatoris spiritualis industriæ octo. 381. Negotiandi spiritualiter tempus, modus, & luctum. 291. 292. 293. & seq. Negotiationis spiritualis forma. 425. Causæ negotiationis spiritualis, & in primis materia subiecta. 430. Negotiatio spiritualis in Scriptura sacra probatur. 430. Eius utilitas. 431. Eius obiecta duo. 432. alterum prosequitur peccata. ibid. alterum fludet virtutibus acquirendis. 434. Eius finis & pretiū. ibid. causa efficiens. 435. An ea sit gratia efficax. 436. Negotiandi industria in pretiosis mercibus consistit. 439. Causa formalis & ars negotiationis traditur exemplo mercatorum. 441. Industria huius ab actibus internis petenda. 457. per totum cap. 28. Industria quarta. actus externi iungendi cum internis. 465 per totum cap. 29. Industria 5. consistit in modo destruendi prauos habitus. 470. per totum cap. 30. & 31. In negotiatione spirituali ratio dati & accepti exigenda. 481. Magister peritus requiritur, atque director. 484. P. Thomæ Sanchez negotiatio. 496.

O.

OBEDIENTIA

FACIT opera meritoria. in præfat. n. 3. Obedienciæ perfectæ symbolum & exemplum. 28. n. 1. A Christo instituta. 31. n. 6. 32. n. 7. Eius votum. ibid. Deus honorandus in Superioribus. 381. Deus in ipso est vt Rex in regno. 383. Obediencia perfecta in Laurentio Monacho. 385. in P. Thomæ Sanchez. 498.

OCVLOS.

Oculi humani descriptio. 45. n. 7. Oculorum pulchræ allegoriæ. 73. 74. Oculorum custodia. 152. 525. Oculi animæ quis. 167. Oculo corporis Deum non posse videri. 191. Oculorum compositio. 327. conseruatio in Rugero. 525.

ODIVM

Est passio animi. 87.

OLEVM, vide GRATIA.

Eius qualitates. 121. n. 1. & 2.

OPVS & OPERA, vide ACTVS.

Aliquando Deo nostra opera tribuuntur. 19. n. 2. & 25. n. 14. aliquando nobis. ibid. Solius Dei opera perfecta tam in genere moris, quam in genere entis. 40. à n. 2. & 41. n. 3. Homines cum operantur, scribunt, Pingebat, Scalpebat: Deus absolute facit, & fecit. 42. n. 3. Vide **D E V S**. Operationes Beatorum. vide **B E A T I T V D O**. Opera mortua nihil iuuare ad Perfectionem assequendam: nec opera mortificata prodesse ante reconciliationem. 256. Opera indifferentia ex obiecto & specie. 257. in varijs casibus mala. 258. Opera, vt bona sint, non opus est ad vltimum finem ea referri. 264. Opera naturalia ad augendam Perfectionem minus esse idonea. 265. nec bona supernaturalia, si ad malum finem referantur. 266. Non est vitiosum, nec est imperfectio, operari propter æternam retributionem. 267. Expedit operari ex virtute spei, & quo ordine. 268. Spei opera non esse imperfectiones. ibid. Opera supernaturalia, etiam si a caritate non eliciantur, merentur augmentum gratiæ, etiam si actus latitudinem habituum non superent. 269. 278. Opera quibus gratia & caritas augetur. 271. 279. Fercula caritatis decem. ibid. Singulis operibus in hoc mundo statim reddi mercedem. 275. 278. Octo operum genera augent meritum. 281. Operum difficultas ex quatuor capitibus oritur. 285. Quod sit optimum operationis genus. ibid. Modus operandi ex tota habitus latitudine. 295. Referenda ad Dei honorem. 380. Huius rei utilitates eximie. 381. Figura Eliæ aspergentis aqua sacrificium suum. 381. Resolutio ad bene agendum, magni est momenti. 419. Operationum varia genera. 459. Externa pendent ab internis. 459. 460. & ab iis bonitatem & meritum suum perunt. 460. 461. A quibus inchoanda Perfectio, externisne an internis. 461. Interna conuersatio causa est seruoris externi. 461. Qui toti externi sunt, parum proficiunt. Internæ actiones efficaciores sunt ad vitia euellenda, & virtutes inferendas, quam externæ. 462. 463. 464. externis quoque præstant. ibid. per totum cap. 28. Operationes internæ per exteriores fiunt meliores. 465. Comoda operis externi ab interno prodeuntis. ibid. & 466. Catalogus operum externorum. 467. Virtutes omnes externo actu exercendæ. ibid. Deus opera tam externa quam interna à nobis exigit. 469.

ORATIO.

Tempore orationis importunæ cogitationes occurrunt. 107. n. 9. Comparatur pulmonibus. 179. Orationum breuium utilitas. 283. Orationis

nis laus. 295. Oratio forma. extendit oculos & manus ad cælum. 361. n. 60. Oratio quid. eadem iuuat memoriam diuinę præsentię. 386. Orationes iaculatorię quę & cur sic dictę. 387. Cur vocentur aspirationes; cur colloquia. 387. Quę vis orationum iaculatoriarum. 388. Psalmorum cōmendatio; nominatim versiculi huius, *Deus in adiutorium meum intende*. ibid. Ad singula opera adhibendas esse breues orationes. 389. Aspirationum fontes vndecim: primus consideratio patrię cælestis. 390. secundus, tædium huius vitę. ibid. n. 89. tertius, desiderium liberationis à miseria. 391. quartus, amor intentus in Deum. 391. quintus, gratitudo. 392. sextus, zelus animarum. ibid. n. 93. septimus, desiderium videndi Dominum IESVM. 393. octauus, amor Dei in nos. ibid. n. 95. nonus, passio Saluatoris. 394. decimus, spes de misericordia Dei. 395. vndecimus, desiderium patiendi pro Christo. ibid. n. 98. Orationes iaculatorię ponuntur singulę singulis operibus opportunę. 396. Oratio mane recitanda, constans omnium pæne virtutum exercitio. 400. Orationis matutinę vis. 422. Orationis vocalis utilitas. 467. Orationes recitandę ad acquirendam augendamque caritatem, vitia destruenda, & virtutes assequendas. 482. 483. 484. Studium orationis in P. Thoma Sanchez. 498. Orationis omnipotentia. 538.

P.

PASSIO CHRISTI.

MEMORIAM passionis Christi quę iuuent. 357. Partitio dierum totius seprimanę ad recolendā Christi Domini passionem. 358. Quinque Christi vulnera quinque lapidibus Davidis è torrente desumptis comparantur. 471. 472.

PASSIONES ANIMI

Ferocibus bestiis comparantur. 59. n. 18. Oriuntur ex intemperie corporis. 86. n. 22. Vnde dictę: quot sint numero. ibid. Numerantur vndecim. 87. Sunt impedimento virtutis studio. ibid. Passiones impedire Perfectionem, rationibus declaratur. 89. n. 24. Appellantur peccatum: quando sint peccata. ibid. Ad earum mutationem duo requiri, vt fiant bonę. 93. n. 27. 95. per totum caput, à n. 29. Eorum, qui domitas habuere passiones, exempla ponuntur. 144. & seq. Apathia Serapionis. 147. Passionis vel vnus impotentia ac dominatus. 164. Quomodo homo passiuē se habeat in rebus spiritualibus. 210.

PATIENTIA, & PATI PRO CHRISTO.

Beatitudo nostra est, pati pro Christo. 17.

n. 10. & 18. n. 11. 184. Vna est condicio proficientium. 54. n. 11. Grauiora mundanos peccando pati, quàm Dei seruos pro Christo. 221. Sine patientia nemo perfectus esse potest. 253. Per squamas patientia significatur. 343. Exercitium patientię P. Sanchez. 497. Pro Christo laborantibus solatia non deesse. 512. 513. 514.

PAUPER TAS

Euangelica instrumentum Perfectionis. 31. A Christo instituitur. ibid. Eius votum. ibid. Ob illud violatum Ananias & Saphira dantur interecioni. 32. n. 6. Exempla paupertatis. 34. & 145. de S. Francisco, Bernardo, Siluestro. 145. & seq. de P. Thoma Sanchez. 498.

PECCATVM, vide VITIUM.

Bestiis ferocibus comparatur. 59. n. 18. Passiones appellatę peccatum. 89. n. 24. Aliena facile videntur, propria minimē. 107. n. 9. Proptensio & facilitas ad malum vocatur peccatum. 110. n. 13. & 111. Nos sine peccato viuere non posse. 114. n. 21. Vitare venialia omnia nemo potest sine priuilegio. 128. n. 11. & 145. n. 27. Vide **F O M E S**. Peccat, qui dat causam, aut non fugit peccati occasionem. 152. Vira peccati quid. esse aliquam peccati vitam, probatur. non omne peccatum censetur dominari & viuere. concupiscentia vocatur peccatum. peccati seruitus & tyrannis. 161. Probatur rationibus. ibid. & seq. Seruitus peccati. eiusdem stipendium. 163. Eius immanis dominatus. 164. Eius furor loco rationis. iniquę leges. 165. Coniugium peccati cum carne. eorum proles. 166. De peccati iugo excutiendo monitio. 167. Peccati turpitudine describitur. 168. Peccati mors per Christi mortem figuratur. 168. Peccatum est peius demone. 168. Vitam peccati & damnatorum, vitam non esse. illa mors prima dicitur, hæc secunda. 182. Peccata letalia soluere Dei amicitiam. 214. venialia obesse Perfectioni. eorum damna & grauitas. 255. Minima peccata desleuerunt & senserunt purę virgines; nominatim Catharina Senensis. 264. Peccati venialis detrimenta. 295. Remedium peccati, consideratio diuinę præsentię. 308. Elementa, alięque creaturę, à peccatoribus pœnas exigunt, Deumque vleiscuntur. 379. n. 78. Peccata propria cognoscendi quanta difficultas. 413. 316. Peccatorum diuisio pro examine particulari. 420. 421. Peccata quę capitalia, quę media. 420. capitalia in primis præcidenda esse. ibid. Vitia externa & interna; à quibus inchoanda destructio. 421. In correctione vnus vitij cetera compescuntur. 422. Corpus peccati apud Apostolum quid. negotiatio spiritualis illud persequitur. 431. Interni defectus difficulter cognoscuntur.

scuntur. 431. Ante peccatum rosæ carebant spinis, quas post peccatum iam habent. 440. Solamente posse peccata committi. 460. Qui se peccandi periculo exponant. 524.

PECCATVM ORIGINALE

Explicatur. 102. & seq. Omnes in primo parente & fuisse, & peccasse. tria malorum genera ipsum incurrisse. 102. tria naturæ bona perdidisse. 103. quibus bonis spoliatus sit. 104. Quæ vulnera homini inflicta. 105. numerantur quatuor à D. Thoma. vulnera intellectus, error, ignorantia, fatuitas. 105. 106. 107. vulnera voluntatis, irascibilis & concupiscibilis. 109. n. 11. per totum caput.

PERFECTIO, vide CHRISTVS.

Studium Perfectionis, Operis epigraphæ, explicatur in præfat. à n. 9. vsque ad finem. Perfectum seu Perfectio quid. ibid. Ea triplex. quæ soli Deo competat. ibid. Quæ nos concernit, tribus modis accipitur. vna est patriæ, & beatis solum tribuitur. n. 10. altera est necessitatis. n. 11. & 29. n. 3. tertia consilij. ibid. n. 11. Perfectionis laus. n. 13. Eius studiosis præcepta dantur. primum, seruorem ac diligentiam adhibendam ad assequendam Perfectionem. ibid. secundum in cognitione sui versatur. n. 14. tertium, in schola affectus. n. 15. quartum, in praxi. n. 16. quintum, in humilitate. n. 17. & in aliis variis virtutibus. n. 18. Solus Deus est ex omni parte perfectus. 1. per totum caput primum. Quid perfectissimum. ibid. Perfectio incommunicabilis tribus capitibus constat. 6. n. 7. Perfectiones Dei in Christo expressæ. 9. vsque ad 12. Perfectiones à Deo, Christo, & Apostolis petendæ. 16. à n. 9. Perfectionis laus & officia. 17. n. 11. Perfectio Philosophorum. 20. n. 4. politicorum. 21. n. 5. Vnde vera Perfectio. n. 6. & 22. n. 7. Deus auctor Perfectionis. 18. n. 1. per totum cap. 4. Perfectionem quæ præcedant. 22. n. 7. Lumen in intellectu. n. 7. voluntatis excitationes. n. 8. Mandatur nobis Perfectio. 29. n. 3. Deus ad eam nos inuitat efficaciter. n. 4. Consilia Perfectionis instrumenta. 29. n. 4. Vide C O N S I L I A. Ceterus Perfectionis symbolum. 29. n. 3. Consistit in caritate. 33. n. 9. Instrumenta eam conseruandi, Paupertas, Castitas, Obedientia. tollunt contraria impedimenta. ibid. ea sunt concupiscentia carnis, oculorum, & superbia vitæ. ibid. Perfectionis primi magistri in lege naturæ. 33. n. 10. veteri. ibid. noua. 34. n. 10. Vocationes miraculose ad studium Perfectionis. 35. à n. 11. Dei perfecta esse opera. 39. n. 1. per totum cap. 6. Omnia nasci imperfecta. 48. n. 1. cur id Deus voluerit. n. 2. Eius studium in senectutem non esse reiiciendum. 71. Temperamenti bonitatem

prodesse; obesse plurimum contrarium & morbos. 61. & seq. Sententia Ecclesiastæ de senectute minus apta Perfectioni. 72. & seq. Complexio bona promouet, mala impedit Perfectionis acquisitionem. 61. 77. vt animi morbi. 76. Deterior complexio & eius vitia remoram & impedimenta multa obijciunt. 80. & seq. Perfectionem non consistere in auxilio supernaturali. 212. non in quiete & delectatione. 213. Perfectio non est inactio, nec actus creatus. 214. nec increatus. 215. nec in raptu consistit. 216. nec in consolationibus, ac virtutum actibus, nec in delectationibus spiritualibus. 217. non in gaudio. 218. nec in amore concupiscentiæ. 219. Perfectionem in caritate consistere. 220. vsque ad 244. Vide C A R I T A S. Quæ sit Perfectio. 249. Qui perfecti, & eorum fortitudo. 250. 251. 253. Studium Perfectionis in hoc mundo non habet terminum. 44. 419. 495. Quo ardore querenda Perfectio. 419. Perfectis non desunt defectus, & qua ratione proficiant. 491.

PERSECUTIO, vide TRIBVLATIO, & HOSTES.

PERSEVERANTIA

Non cadit sub meritum. 26. n. 16. Quid sit. 27. n. 16. Sine gratia speciali neminem perseuerare posse. 124. & seq.

PHILOSOPHIA.

Philosophorum Perfectio. 20. n. 4.

PISCES.

Piscium spiritualium tria officia: viuere, respirare. 241. nasci. 342. Pisces mundi qui; & quæ condiciones. 343.

POENA

Sibi imponenda in examine conscientiæ. 423. 424.

POENITENTIA

Non reiicienda in tempus mortis aut senectutis. 72. 73. Qui graues poenitentias fecerunt. Theodorus. 100. Palladius. 101. Potamij Episcopi Brachienfis admiranda poenitentia. 415. Poena imponenda sibi in examine. 41. item alias poenitentia assumenda de iudicio directoris. 424. Malleo comparatur ad pellendos prauos habitus vitiourum. 455. Eius vfus. 467.

POLITICI.

Politicorum Perfectio. 21. n. 5. Eorum scholæ præcepta. 165. Eorum fides cuiusmodi sit. 503.

POTENTIA

Fluunt ex animæ essentia. 136. 140. & 158. Actus elici à potentiis in concursu Dei. 209. & in raptu. 210. Deus supplere non potest effectum

effectum operationis vitalis. 215. Intellectum non intelligere sine phantasmatis. 210.

P R A E C E P T A

Servari non posse sine gratia. 24. 25. primæ & secundæ tabulæ vnde deducta. 157. 158. Præcepta scholæ Machiavellisticæ 165. In observatione præceptorum diuinorum Perfectionis partem esse reponendam. 249. & maximè in dilectione proximi. ibid. Præcipitur memoria mandatorum Dei, pulchra allegoria. 356.

P R A E M I A.

Virtutis & meritorum præmia explicantur totis cap. 18. & 19. lib. primi. Laborum mundanorum. 220. Perfectionum. 222. Deus diligendus sine præmij intuitu. 219. Quanta merces singulis operibus reddatur. 239. & seq.

P R A E S E N T I A D E I.

Laus conceptæ præsentiae Dei. 301. Difficultas præsentiae Dei inducendi & conseruandi. 302. Considerationes pro præsentia Dei concipiendi. 303. Deum esse vbique præsentem. ibid. Omnia videre, etiam internas cogitationes. 304. intentiones. 305. ideo contra peccatores testari & iudicare poterit de omnibus operibus duplici de causa. ibid. Consideratio diuinæ præsentiae peccatoribus necessaria. 306. etiam iustis. 308. Fundatores Ordinum videre suorum alumnorum cogitationes in cælo. 310. Præsentia Angeli tutelaræ & Patronorum. ibid. Diuinæ præsentiae consideratio non tantum ab intellectu, sed etiam, & maximè, pender à voluntate. modi tres, quibus Deus præsens apprehenditur: intellectu. 315. fide, & caritate. 316. 317. nec sola caritas sufficit. 318. Septem fructus oriuntur ex consideratione præsentiae diuinæ: cognitio sui. 319. cognitio Dei. 320. lætitia spiritualis. 321. timor Dei. 324. & seq. humilitas. 325. compositio morum & corporis. 327. anonymus. 322. Cautela adhibenda in exercitio præsentiae Dei. tribus modis Deus est in rebus. 333. per essentiam. 334. per præsentiam. n. 42. per potentiam. 335. Deus magis præsens rebus, quàm si esset mundi anima. 336. Alter modus præsentiae Dei in rebus. Deum esse lumen infinitum, omnia penetrans, non tamen exclusum. 337. Solis omnia illuminantis cum Deo vbique præsentis collatio. 338. Modus tertius, omnia esse in Deo, nos sex modis. 339. primus, vt spongia in mari. ibid. secundus, inftar piscium, in vasto diuinæ gratiæ Oceano. 340. tertius modus, nos esse in corpore Christi mystico. 343. quartus in Dei protectione consistit. 344. quintus, per contemplationem. ibid. sextus, beati censentur esse in Deo. 346. Cernendus Deus in creaturis operans. ibid. Is codex est

spiritualium. ibid. Ex rebus omnibus eliciendi sunt spirituales conceptus. 347. Flos loquax inducitur. 349. Duo in rebus creatis consideranda, quæ separari animo prius debent: Deus & creatura. 350. Quomodo Deus videndus in iis quæ vita carent. 350. in plantis. 351. in brutis. 352. in hominibus. ibid. Præsentem Deum reddit memoria quatuor nouissimorum, timoris Domini, & præceptorum eius, & passionis Christi. 354. Octauus modus concipiendi Dei præsentis per Regium apparatus in cælis. 361. nonus fit per imagines. 364. decimus, in Eucharistia. 366. n. 64. vndecimus, construendo in anima nostra templum. 368. duodecimus, quo Deus omnes omniaque prospicit, vt Agnotheta certantes in agro. 375. decimus-tertius, relatio omnium actionum in Dei honorem. 380. Huius utilitates eximæ. 381. Figura Eliæ aspergentis sacrificium suum aqua. ibid. Decimus-quartus, videre Deum, partim in Superioribus, partim in subditis. 382. Videndus Deus in membris suis. 383. Id magnam parit voluptatem. 384. In his modis quatuordecim quæ cautio adhibenda. 386. Oratio iunat memoriam præsentiae Dei. ibid.

P R A E S U M P T I O

Vitium enorme, ingratitude mater, filia superbiæ. 518. Varij ex ea casus. 519. Eius indicia quinque. 522. 523. 524. Deo displicet. 526. 527.

P R A X I S

Præferenda Theoricæ: in præf. n. 16.

P R O F E C T V S S P I R I T V A L I S

Præcipitur à Deo. 50. n. 4. Promittuntur auxilia. n. 5. Suadet. 51. n. 6. & toto cap. 8. & 9. Condiciones tres. 52. n. 8. Modus proficiendi variis figuris explicatur. 54. n. 12. Qui non crescit, necesse est decretere. 56. n. 14. Profectus pars non minima, mortificatio passionum & vitiorum. 59. n. 18. Multiplicatio ad profectum pertinet, eaque est multiplex. fiori debet in nobis. 58. n. 17. in aliis. 59. n. 19. 20. Qui præsent, omnium primi debent profectui studere. 60. n. 20. Qui idonei vt præsent aliis, sunt qui ardent proficiunt. ibid. & 55. n. 17. Vide A M B L A R E. Profectum quæ impediunt, & retrocedere faciant. 180. Cursus & exercitia alia athletarum in campo Olympico, nos ad profectum prouocant. 220. Quomodo crescant habitus, gratia, & virtutes, & quot gradibus. 289. 290. Schema perelegans additionis: quo profectus spiritualis exprimitur. 292. Profectus spiritualis à piscibus discendus. 343. Non habet terminum in hac vita. 44. 439. 495. Ordo & ratio proficiendi, à pag. 484.

P R O

INDEX RERVM.

579

PROPHETÆ.

Prophetarum visiones imaginariæ an consent phantasmatibus . 210.

PROTECTIO DIVINA

Est necessaria ad opera bona . 127. Quomodo possit acquiri . 153. Augetur tribus modis . 154.

PRUDENTIA.

Eius officia . ut diuina ab humana differat . 177. n. 23. Actus sine prudentia nullus potest esse bonus . 441.

PSALMODIA.

Psalmodiæ & cantus laus & vtilitas . 388. 467.

PVGNA, vide TENTATIO.

Pugiles spirituales Deus intuetur, eosque inflammât, & vires suppeditat. 377. Pugnantium ponuntur exempla : Iob, Tobia . ibid. S. Antonij, S. Catharinæ Senensis . 378. Sanctæ Agathæ . 379. Ignavi in certamine seuerè à Deo puniuntur . ibid. & 380. Acris pugna interni hominis . 487. Pugna Curatorum Albanorum, & Horatorum Romanorum . 488.

PVRGATORIVM

Duplex : aliud ignis, aliud desiderij . 203.

Q.

QUALITAS.

QUALITATES hominis primariæ quatuor . 67. n. 7. & 68. n. 8. Sunt in humoribus elementorum . 77. n. 14.

R.

RAPTVS.

RAPTVS quid . in raptu actus non infunditur, sed à potentij elici; & quomodo homo passivè se habeat . 210. Perfectionem non consistere in raptu . 216.

RATIO DATI ET ACCEPTI, vide EXAMEN.

RECOLLECTIO.

Redeundum ad se sæpius . 481. 485. Vide SPIRITVS.

RELIGIO, RELIGIOSVS.

Religiosi similes limacibus, qui testam suam circumferunt . 409. Cerimonie religionis sine spiritu parum prosunt . 462.

RESPIRATIO

Spiritualis . 171.

S.

SACRAMENTA

QVOMODO iuuent ad euulsionem habituum pravorum & fomitis, mortuumque exclusionem . 151. Vfus Sacramentorum multum promouet Perfectionem . 275. Gratia & virtutes in baptizatis, & recens iustificatis, eodem sunt gradu . 277.

SACRIFICIVM.

Eucharistia dignitas . 367. Varia sacrificia . 369. Opetum in Deum relatorum sacrificium . 380. n. 79. Huius vtilitates . 381.

SANITAS.

Eius commendatio & vtilitates . 69. n. 10. 70. 71. 72. 84. n. 20. Reprehenditur nimia cura sanitatis . 85. n. 21.

SAPIENTIA.

Eius lumen ac pretium . leges condit . à caritate & timore nascitur, etiam imperfectiore . 175. Dicitur subinde vñctio . 176.

SAPIENTIA MVNDI, & SAPIENTES.

Ignorant sapientes hi humilitatis virtutem . 20. n. 4. Sapientia carnis describitur . 167. Vide SVPERBIA.

SCHOLA.

Schola affectus cognitioni antefertur . in præf. n. 15.

SCIENTIA.

In Religiosis scientia cum virtute coniungi debet . in præf. n. 1. Vtilitas scientiarum . ibid. Est magnum virtutis ornamentum, animæ decus : ceteras artes promouet . ibid. n. 2. Quæ ratione vtendum scientia, Basilij similitudine declarat . ibid. Idiotæ ab Origene inuitati ad discendas scientias . ibidem. Comparatur à Diuo Hieronymo alienigenæ captivæ in Israëlidem mutandæ . ibid. Apibus studiosi, floribus scientiæ, à D. Basilio comparantur . ibid. Vfus bonus scientiarum . ibid. n. 3. earum fructus & emolumenta . ibid. n. 4. Virtus fructui, & scientia folijs, à Diuo Basilio comparantur . ibid. Caritate vestita, sanctorum Patrum sanctitatem illustravit . ibid. n. 5. A Philosophis tamquam iniustis possessoribus in vsum nostrum vendicanda . ibidem.

Dddd 2

Quo-

Quomodo Ægyptus spolianda. *ibid.* Qua ratione sanctissimi Patres scientias virtuti adiunxerint. *ibid.* Id ē sacris litteris ipsos hausisse declaratur. n. 6. Ostenditur idem figuris sacre Scripturæ. n. 2. 6. & 7. Scientia qua ratione cum caritate coniungenda. n. 8. Scientiæ laudantur, & probatur earum utilitas. *ibid.* Putatur vanitatem excludere: similitudine declaratur. *ibid.* Scientias humanas mysticæ non esse impedimento, à n. 2. vsque ad 9. longè lateque probatur. Cur in sacris litteris amor vel opera scientiæ & cognitioni proponantur. 51. n. 6. Scientia de Deo ex præsentia eius apprehensione nascitur. 320. caritatem sequitur: non semper præcedit n. 25. Scientia & eruditio insignis cōmendatur. 469. Vide *STVDIVM*.

SCRVPVLI, SCRVPVLOSI

Varij describuntur. remedia. 83.

SENECTVS, SENES.

Minus idonea senectus ad pœnitentiam, & studium virtutis. 72. 73. & seq. Senes amant & delectantur filijs Dei, & iuuenum obsequijs. 384.

SENSVS.

Sensuum organa vnde oriuntur. 67. n. 7. Debilitantur in senectute. pulchræ allusiones & allegoriæ. 73. & seq. Sensus spirituales, auditus, visus, &c. 170. Sensuum compositio. 327. Quomodo loquendum. 328. Sensuum coercendorum difficultas. 466. mortificatio in P. Thomæ Sanchez. 497. Conseruatio oculorum in Rutgero. 525. Vide *OCVLVS*.

SERVITVS

Ex peccato oritur. Eius pœna. 161. & seq.

SILENTIVM.

Studium silentij in P. Sanchez. 497. Vide *LOQVI*.

SIMPLICITAS.

Laus simplicitatis. 448.

SOBRIETAS.

Mira Scapionis. 147. & P. Thomæ Sanchez. 498.

SOLITVDO

In conscientia querenda. 457. 458. & seq. per totum caput 28. Vide *SPIRITVS*.

SPEs.

Sperantium in Domino omnipotentia. 133. n. 20. Spes præclarum instrumentum negotiationis spiritualis. 512. Necessaria est ad res præclare gerendas. *ibid.* Solatur in tribulationibus spes futuræ retributionis. 513. 514. Constat duabus partibus: diffidentia sui, & fiducia in

Deum. 515. Spes impiorum, contraria veræ spei, est vana. *ibid.* item fundata in hominum potentia. 516. Sperantem in Domino decet spes inanes contemnere. *ibid.* Spes diuitiarum fallax. 517. Adiungi debet diffidentia sui. 521. Vtriusque necessitas. 532. Vis & omnipotentia spei iunctæ cum diffidentia sui. 533. 534. 535. & totis capitibus 40. 41. 42. 43. Duo officia spei. 534. Magna perficit. 536. Formula spei exercendæ ad res heroicæ gerendas. 547. Cautiones nouem. *ibid.* & 548. 549. 550. Vide *FIDV CIA, FIDES, & DIFFIDENTIA*.

SPIRITVS.

Spiritu viuere & ambulare. quid. 179. & seq. Vita spiritus & interna describitur. 461. 462. Actiones nostræ plenæ spiritu esse debent. 476. 477. Ad sese internè sapius recurrendum. 481. 482. & ad Dei tabernaculū in rebus agendis. 522. 526. 527. Vide *VITA SPIRITUALIS, & TEMPLVM SEV DOMVS DEI*.

STVDIVM.

Modus & ratio utiliter studendi ex D. Thomæ in præf. n. 18. Vide *SCIENTIA*.

SUPERBIA

Damnatur. eius pœna. 12. n. 1. & seq. 520. 521. Superbos. Deus respuit. 13. n. 5. & seq. Superbiæ filia præsumptio. 518. Graues casus oriri ex superbia. 519. In mundi huius sapientibus & Philosophis. *ibid.* In viris pijs & tironibus. 520. Vide *PRÆSUMPTIO*.

T.

TEMPERAMENTVM

FORMARI à Deo in utero matris 61. 62. 63. Iuxta tres status consideratur, nempe innocentie, beatorum, & naturæ reparate. 61. Quale erit in cælo. *ibid.* & seq. Temperamentum quid. 67. n. 7. diuersæ species. 68. n. 8. utilitas. n. 9. & seq. Hominem per gratiam ab intemperie sanari. 90. n. 25. per totum caput. & 95. n. 29. per totum caput. Utilitates & damna boni vel mali temperamenti. 61. (per totum cap. 10. 11. 12.) & 66. n. 6. item 150. 490. Vide *CORPVs*.

TEMPLVM & DOMVS DEI.

Anima est Dei templum. 368. & toto cap. 12. lib. 2. Quæ partes & sacrificia. 369. Figura Iacob quiescentis super lapidem. *ibid.* Locutio interna hominis cum Deo & secum. 370. Altare templi. 372. Allegoria Elisei elegans. 373. S. Antoninus domum animæ sibi construit. 374. item Catharina Senensis. *ibid.* Moyses tabernaculum. 375. Vide *SPIRITVS, & ANIMA*.

TEN-

TENTATIO.

Neminem exemptum esse à tentationibus. 99. n. 35. & cur Deus id permittat. 100. Remedia tentationum. n. 36. Difficultas resistendi. 110. n. 13. Vide DÆMON. Tentatur Rufinus de sua prædestinatione. 118. n. 27. Tentationes superari non posse sine gratia speciali. 125. n. 8. 126. 128. Triplici auxilio opus esse ad tentationes superandas. 127. In tentationibus non deesse diuina consilia. 178. Tentationes nostras Deus considerat, & iuuat certantes. 377. exemplo Iob, & Tobie. ibid. B. Antonij, & Catharinæ Senensis. 378. B. Agathæ. 379. Cum ijs qui tentationes non sentiunt, quid agendum. 490. Vide PUGNA.

P. THOMAS SANCHEZ.

Eius virtutes & negotiatio spiritualis. à pag. 496.

TIMOR.

Est animi passio. 87. Eius vis. 88. Omnibus timendum ob pericula tentationum. 100. Timor aliquando actus spei, & bonus est, sed seruilis. 219. Gradus timoris Domini, & officia. 323. Ex præsentia Dei nascitur. 324. Comparatur ianitori. ibid. Eo absente, vana gloria & desidia sese insinuant. ibid. Eius utilitates. 325. Timoris Domini memoria retinenda. 325.

TRIBVLATIO, vide PATI PRO CHRISTO, LABOR, TENTATIO, PUGNA.

Solatio in tribulationibus. 512. 513. De consolatione hic non esse cogitandum. 514. Persequendum domesticorum acerbitas. 535.

TRISTITIA.

Nascitur ex melancholia. 77. 78. Est animi passio. 87. Eius vis. 88. Signum superbie & præsumptionis. 525.

V.

VANA GLORIA, vide GLORIA.
VANA.

CONTEMNENDA in actibus externis. 468. Omnis gloria ad Deum referenda. 423. 524.

VICTORIA.

Victoria perfecta de hostibus spiritualibus reportanda & persequenda. 428.

VIGILANTIA.

Necessaria ad motus fomitis excludendos. 151.

VIRTUS.

Virtus cum scientia coniuncta, præclarum

animæ ornamentum. in præf. n. 1. Comparatur fructui arboris, & scientia folijs. ibid. n. 4. Virtutes cardinales cur sic dicantur. 18. n. 11. Virtutum supernaturalium habitus necessarij. 26. n. 15. Multiplicatio virtutum alia fit in nobis, alia in proximo; alia corporalis, alia temporalis; alia vtiliosa seu terrena, alia virtuti propria. 58. n. 17. Difficultas bene agendi à virtute iuuatur. 110. n. 13. Virtutum internum exercitium iuuat ad motus fomitis excludendos. 151. Virtutes cardinales unde oriuntur. 158. Virtutis maiestas, & ancillæ obsequentes. 254. Virtutes à gratia oriri, vt potentias ab animæ essentia. 277. In iustificatione omnes virtutes cum donis spiritus sancti infundi. 277. gratiam & virtutes in æquali gradu. ibid. augentur virtutum actibus. 279. vnaquæque proprio actu, caritas omnium virtutum operibus. 279. In cælo omnes virtutes æquales erunt habitui caritatis. 280. Virtus post peccatum spinas habet, quibus rosæ ante primi parentis præuaricationem carebant. 440. Quæ virtutes concurrant ad destructionem prauorum habituum. 455. Maxime virtus quæque oppositum vitium destruit. 456. Ad virtutes inferendas tria maxime valere. 464. Virtutes omnes exteriori actu exercenda. 467. & maxime illæ, quas acquirere nitimur. 468. 493. Virtutes generales, quibus vitia impugnantur. 471. conueniunt quodammodo cum caritatis natura. 472. Virtus in vultu ipso elucet cum maximo decore. 469. n. 178. Virtutes sigillatim sunt exercenda. 491. q. 10. Notitia præmittenda earum acquisitioni. 492. Quæ ratio formalis in quibusdam virtutibus. ibid. Omnes virtutes querenda. ibid. Meditationes iuuant ad eas acquirendas. 493. Opus est discretionem spirituum. ibid. Addenda imitatio aliorum. ibid. Virtutis acquirendæ difficultas. ibid. Quamdiu in vnius virtutis prosecutione immorandum. 494. Qui ad virtutum palæstram admitrendi. ibid. Virtutis acquirendæ nullus in vita terminus. 495. Virtutes Theologicas opportunas esse negotiationi spirituali, & quis ordo inter eas. 500. An virtutem à nobis, cetera à Deo habeamus. 530.

VITA.

Descriptio vitæ naturalis. 156. Eius breuitas & miseria. 158. 159. 182. Naturali vitæ mors opponitur. 160. Quid vita naturalis. ibid. n. 7. Damnatorum & peccati, vita non est dicenda. 182. Vita peccati mors prima, damnatorum secunda appellatur. ibid. Præsentis & futuræ vitæ differentia. 333.

VITA SPIRITVALIS, vide SPIRITVS, & ANIMA.

Præsupponitur studio Perfectionis, & pro-
D d d 3

fectui. 53. n. 9. Vita peccati, vide PECCATVM. depingitur toto cap. 26. libri primi. Vita spiritualis describitur toto cap. 26. libri primi. Cur tam pauci spirituales. 169. Esse in nobis vitam spiritualement. 170. Sensus spirituales. ibid. Eius natiuitas, accretio, cibus, & cetera ad vitam humanam pertinentia in vita spirituali; filiorum propagatio. 171. Analogia vitæ naturalis & spiritualis, atque huius partes. n. 19. Analogia vitæ spiritualis cum quatuor partibus nobilioribus corporis. Quid cor. 172. n. 20. Quid spiritus in homine. ibid. Quid cerebrum. 173. Viuere spiritu, quid. 179. Mala quæ cōtingunt in vita ex defectu spiritus. 180. Vita spiritualis vnde appareat. 181. Huic contrariatur peccatum, seu mors spiritualis. n. 28. Vitam peccati & damnatorum, vitam non esse dicendam. 182. n. 29. illa dicitur mors prima, hæc secunda. ibid. Vita gratiæ est vera vita. 183. est beata. ibid. est æterna. 185. Vita corporum quomodo æterna. 186. Modus quo anima viuit in cælo. 187. Interna hominis conuersatio describitur. 457. & seq. est causa feruoris externi. 461. Voluptas interna maxima. 458.

VITA ÆTERNA, vide BEATITVDO.

Quæ sit dicenda. 182. & seq. item 185. 186. 187. Quæ beatorum operationes, & an infundantur à Deo. 189. 190. De vita æterna tractatur capitibus integris 27. 28. 29. libri primi. Sola vita æterna satiat omni ex parte: primò Dei. 196. deinde loci. ibid. n. 44. Tria domicilia hominibus destinata. 197. Situs loci beatorum mirabilis, altus, commodus. ibid. capiti comparatur, cui tria tribuuntur, honor, cura maior, delectatio. ibid. ex parte sociorum. 198. ex parte beatorum. ibid.

VITIUM, vide PECCATVM, & DE-
FECTVS.

Vitia esse prorsus exterminanda. 428. Ad vitium euellendum tria maxime valere. 464. Ratio euellendi vitiosos habitus. à capitali inchoandum. 473. ab vno, non à pluribus. 478. Vitiolorum notitia necessaria ad eorum distinctionem. 493.

VNIO, vide ESSENTIALIS VNIO.

VOCATIONES SINGVLARES

Benedicti de Goetz ad Societatem IESV. 25. n. 14. & aliorum. 35. à n. 11. & seq.

VOLVNTAS HVMANA

Repugnat subinde gratiæ. 22. n. 3. vulnera ei inflicta. 105. n. 6. 109. à n. 11.

VOLVPTAS.

Voluptatem pluris fieri vulgo, quam actum per quem ipsa generatur. 213.

VOTVM.

Opera ex voto facta magis sunt meritoria. 285. Non esse emittenda vota sine directoris voluntate. 424. Vouerant paupertatem Ananias & Saphira. 32. n. 6. castitatem B. Maria virgo. 34. n. 10.

VVLNVS, vide PECCATVM ORIGI-
NALE, & ADAM.

Z.

ZELVS ANIMARVM.

Commendatur animarum zelus. 469.

FINIS.

ERRATA.

Pag. 25. lin. 19. in marg. Lib. 1. Conf. lege Ser. 15. de verb. Apost. c. 11. 144. l. Vlt. accederet lege accideret. 191. l. 37. videndum lege videndam. 307. l. 11. dominium lege Dominum. 360. l. 6. Rodriguez, lege Godinez. 369. l. 12. folido lege solida. 463. l. 33. rariùs lege carnis. 488. l. 18. fortiusque dele que. 504. l. 21. poss habitum adds & vsum.

Taxatum à Superintendente, cum suis, 45. assibus.

A P P R O B A T I O .

EGO *Guilielmus Veranneman, Societatis IESU per Flandriam Præpositus*
Provincialis, potestate ad hoc mihi facta à Reuerendo admodum P. N.
CLAUDIO AQUAVIVA, eiusdem Societatis Generali Præposito,
facultatem concedo, ut libri duo De studio PERFECTIÖNIS à P. Ioanne
Crombecio compositi, & grauium Theologorum eiusdem Societatis iudicio exa-
minati & approbati, typis euulgentur: in cuius rei fidem has litteras manu no-
stra subscriptas, & sigillo nostro munitas, dedimus. Mechlinia, anno Do-
mini 1613. 20. Februarij.

G V I L I E L M V S V E R A N N E M A N .

OPUS hoc P. Ioannis Crombecij De studio PERFECTIÖNIS
 ex integro à me lectum, præterquam quòd eruditum, sanam so-
 lidamque doctrinam è Scripturis sacris, sanctis Patribus, Docto-
 ribus Scholasticis, alijsque Auëtoribus, quorum verba fidelissimè red-
 duntur, & citationes certissimè referuntur, continens, & in eo genere
 argumenti absolutum, sic spiritu plenum reperi, vt, cum doceat simul
 moueatque & delectet, taleque omnino sit vt legi à nullo possit, quin
 seipso euadat doctior & melior; dignum propterea iudicem, non modò
 quod edatur, sed & quod omnium quibus sua curæ salus est, quosque
 PERFECTIÖNIS amor tangit, manibus teratur & versetur. Actum
 Antuerpiæ, 3. Iunij. 1611.

E G B E R T V S S P I T H O L D I V S
 S. Theol. Licent. Canonicus &
 Plebanus Antuerpiensis.

S V M M A P R I V I L E G I I .

ALBERTVS & ISABELLA Archiduces Austriæ,
Duces Burgundiæ, Brabantiae, &c. Diplomate suo
sanxerunt, nequis citra voluntatem Ioachimi Tro-
gnæfij, Typographi Antuerpiensis, Opus hoc, *De studio*
PERFECTIONIS, per R. P. Ioannem Crombecium, Societatis
IESV, vlllo modo imprimat, aut alibi impressum in has re-
giones importet, venalève habeat. Qui secus faxit, con-
fiscatione librorum & graui pœna multabitur; vt latius
patet in litteris datis Bruxellæ, in Concilio Brabantiae,
6. Iulij, 1611.

Signatum

I. de Buschere.

2 3 200

2.3.200

585

2.3.200

586

003.219

23.200

584

23.200

588

2.3.200

589

2.3.200


590


2.3.200


591


2.3.200


532














005646079

